

Jém jomipic trato
jém iwatnewiip
tánomi Jesucristo



New Testament in Popoluca, Highland

Jém jomipictrato jém iwatnewip tánomi Jesucristo

New Testament in Popoluca, Highland

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
da18b773-264a-519b-a8dd-012e48df725d

Contents

SAN MATEO	1
SAN MARCOS	63
SAN LUCAS	103
SAN JUAN	169
HECHOS	220
ROMANOS	276
1 CORINTIOS	302
2 CORINTIOS	326
GÁLATAS	342
EFESIOS	351
FILIPENSES	359
COLOSENSES	365
1 TESALONICENSES	371
2 TESALONICENSES	376
1 TIMOTEO	379
2 TIMOTEO	387
TITO	393
FILEMÓN	396
HEBREOS	398
SANTIAGO	416
1 PEDRO	422
2 PEDRO	430
1 JUAN	435
2 JUAN	442
3 JUAN	443
JUDAS	444
APOCALIPSIS	446

Jém wibic an̄māti jém ijayñewiip jém Mateo

Jém Jesucristo jém ijatun̄wewe jém wiñicpicayaj
(Lc. 3:23-38)

¹ Jaycámnet̄a yim̄ jém lista de jém Jesucristo ijatun̄wewe jém wiñicpicayaj. Jém Jesucristo jém David iocmanic y jém Abraham iocmanic.

² Jém Abraham iman̄ic jém Isaac. Jém Isaac iman̄ic jém Jacob. Jém Jacob iman̄ic jém Judá con it̄iwitam. ³ Jém Judá iman̄ic jém Fares y Zara, iapa jém Tamar. Jém Fares iman̄ic jém Erson. Jém Erson iman̄ic jém Aram. ⁴ Jém Aram iman̄ic jém Aminadab. Jém Aminadab iman̄ic jém Naasón. Jém Naasón iman̄ic jém Salmón. ⁵ Jém Salmón iman̄ic jém Booz, iapa jém Rahab. Jém Booz iman̄ic jém Obed, iapa jém Rut. Jém Obed iman̄ic jém Isaí. ⁶ Jém Isaí iman̄ic jém rey David. Jém rey David iman̄ic jém Salomón, jém iapa jém Urías iyomo idic. ⁷ Jém Salomón iman̄ic jém Roboam. Jém Roboam iman̄ic jém Abías. Jém Abías iman̄ic jém Asa. ⁸ Jém Asa iman̄ic jém Josafat. Jém Josafat iman̄ic jém Joram. Jém Joram iman̄ic jém Uzías. ⁹ Jém Uzías iman̄ic jém Jotam. Jém Jotam iman̄ic jém Acaz. Jém Acaz iman̄ic jém Ezequías. ¹⁰ Jém Ezequías iman̄ic jém Manasés. Jém Manasés iman̄ic jém Amón. Jém Amón iman̄ic jém Josías. ¹¹ Jém Josías iman̄ic jém Jeconías con it̄iwitam. Jeetim tiempo cuando nanicyajta preso itumpiy jém Israelpic pixiñtam hasta jém naxyucmi de Babilonia.

¹² Jesic cuando nanicneyajtawum jém naxyucmi de Babilonia jém Jeconías iman̄ic jém Salatiel. Jém Salatiel iman̄ic jém Zorobabel. ¹³ Jém Zorobabel iman̄ic jém Abiud. Jém Abiud iman̄ic jém Eliaquim. Jém Eliaquim iman̄ic jém Azor. ¹⁴ Jém Azor iman̄ic jém Sadoc. Jém Sadoc iman̄ic jém Aquim. Jém Aquim iman̄ic jém Eliud. ¹⁵ Jém Eliud iman̄ic jém Eleazar. Jém Eleazar iman̄ic jém Matán. Jém Matán iman̄ic jém Jacob. ¹⁶ Jém Jacob iman̄ic jém José, jém Malía iwidaaya jém icnayñewiip jém Jesús, iñiyitim CRISTO.

¹⁷ Jesic it catorce jém Abraham iocmanictam hasta David. Ittim catorce jém David iocmanictam hasta cuando mu ininicyajta preso jém Israelpic pixiñtam jém naxyucmi de Babilonia. Ittim catorce jém Jeconías iocmanictam dende nanicyajta preso jém naxyucmi de Babilonia hasta cuando mu iñay jém Cristo.

Jutsap iñay jém Jesucristo
(Lc. 2:1-7)

¹⁸ Jesic yimpic nay jém Jesucristo. Cuando jém José iniwatneum trato jém woñi Malía iga napicyajtap, antes que danam nabicneyajta, manicomcaneum jém Malía con Dios iAnama ipimi. Da je jém José iman̄ic. ¹⁹ Jesic jém José, jém iwatnewiip trato jém Malía iga napicyajtap, como wibic pixiñ, da ichaawattooba jém Malía. Jeeyucmi iyamtsaatooba jém woñi iga jém pixiñtam odo y ijodóñayajiñ. ²⁰ Jesic iganam ijispa jempic jém José, imawñix tum sinyucmic picixiñ jém icutsatnewiip Dios. Iñimáy jém José:

—MiJosé, jém rey David miocmanic, odo y cñi iga impictson̄pa jém Malía. Porque jém iman̄ic, jém ijúmpacnewiip, inimiñ jém Dios iAnama. ²¹ Jém woñi icnappa tum jaychixi. Accámaayi iñiyi iga JESÚS porque iciacputpa jém pixiñtam, iwitsagáypa jém itánca iga odo y ipictson̄yajiñ jém castigo.

²² Jempigam iñasca jém Malía iga cupaguiñ juuts nímpa jém wiñicpic añmafciiwiñ jém ipiiñewiip jém tanjatun Dios iga inmadíñ. Nímajpa:

²³ Manicomca tum woñi jém dapic jaayíy.

Da queman ijyypát pxiñ.

Incaypa tum jaychixi.

Accámaytap iñiyi iga Emanuel.

Taichtam tanañmañmi nimtooba: tanwaganaitámpa Dios.

²⁴ Jesic cuando yus jém José iwat juuts iñimáy jém siñyucmipic pxiñ jém icutsatnewiip jém tanjatun Dios. Ipictsoñ jém Malía. ²⁵ Pero da inimoñ hasta que incay jém icoponmanic tum jaychixi. Jesic jém José iccámáy iñiyi iga Jesús.

2

Miñ ijóyayaj jém tsixi jém sabioyaj

¹ Nay Jesús jém attebet Belén jém naxyucmi de Judea cuando injacpa jém rey Herodes. Jesic jeetim tiempo núcyaj Jerusalén jém sabioyaj. Miñyaj anjamquímmi. ² Mu iñúcyaj, acwágoyyajpa. Nímaj:

—¿Jut it jém tsixi jém nayñewiip, jém tsíypáppic juuts Rey iga injacpa jém judíos? Ánixayta imatsa jém anjamquímmi. Amiññeta iga acosteeñaytámpa y anjístampa.

³ Jesic cuando jém rey Herodes ijodóna ti iñimáy jém juumipic pxiñ, agui cñ, da icutiíyíy ti iwatpa. Cñyajtím jém pxiñtam jém ityajwiip jém attebet Jerusalén. ⁴ Jesic jém Herodes intuumaawat itumpiy jém cobacpic panij anjagooyiyaj con jém escribaspic maestroyaj. Jém Herodes icwácpa jém panij anjagooyi jut naypa jém Cristo. ⁵ Jeeyaj iñimayyaj jém Herodes:

—Naypa jém attebet Belén jém naxyucmi de Judea porque jempigam ijaychacne jém wiñicpic añmafciiwiñ. Nímpa Dios:

⁶ Mich miatebet Belén, miitwiip jém naxyucmi de Judá,

agui mixutu, pero michíyapa juuts tum mijpic attebet porque mimichtámanjom naypa tum mijpic anjagooyi.

Iwatpa cuenta jém ampixiñtam jém attebet Israel.

⁷ Jesic jém Herodes iyámanwejay jém sabioyaj. Icwác iga juchis moj iixyay jém matsa. ⁸ Jesic ocmi jém Herodes icutsat jém sabioyaj jém attebet Belén. Nímpa:

—Nictaami jemíc. Wímétstaami jém tsixi. Jesic cuando impátnetámum, miñi acjodónaji. Ich nicpatim añcosteeñay.

⁹ Jesic cuando yaj imatonyaj ti nímpa jém rey Herodes, moj niquiyaj jém Belén. Anjagoyñeeba iñic jém matsa jém iixñeyajwiip anjamquímmi. Núc jut it jém xutu tsixi, jemum teeñanjac. ¹⁰ Cuando iixyay jém matsa jut teeñanjac, tsam pími maymayyaj. ¹¹ Jesic cuando tigiyay jém ticjom, iixyay jém jaychixi con iapa Malía. Jém sabio icosteeñayyaj jém tsixi. Ijisyajpa. Íñáy jém ibaúl, ixaíyyajpa oro, jém wibic incienso y jém mirra jém aguipic cñpa. ¹² Ocni Dios icmawíña jém sabioyaj iga odom nicyajiñ eybic jut it jém Herodes. Pímiytá iga sediñ tunjac tunjom hasta núcpa iticmi.

Nicyajpa Egipto. Poyyaj jém José y Malía

13 Jesic ocmi mu iñicyajum jém sabio, jém José imawíñix tum siñyucmipic pìxiñ jém Diospic icutsatne. Iñímáy jém José:

—Napoyi jém xutu tsixi con iapa. Nictaami jém naxyucmi de Egipto. Jemum tsíytaami hasta que ich mannímáypa iga mixediñ porque jém Herodes imétspa jém xutu tsixi iga iccaaba.

14 Jesic tsucum jém José con jém Malía. Inipoyyay jém xutu tsixi tsuucim. Nicyaj jém naxyucmi de Egipto. 15 Jemigam tsíyyay hasta que ca jém Herodes. Iñasca jempic iga cupaguiñ juuts iñímáy Dios jém wiñicpic aḡmačiwíñ: “Ich anañwejáypa ammanic jém naxyucmi de Egipto.”

Jém Herodes ipimíy iga accaayajtañ jém tsixtam

16 Jesic tsam jóy jém Herodes mu iix iga jém sabio da icupicyaj juuts iñímáy. Ipimíy jém isoldado iga iccucaayyajiñ itumpiy jém jaychixtam jém ityajwip Belén con jém ityajwip nocojom. Ijisne jutsan mayooyi oyñe iámyaj jém sabioyay jém tsixi. Jeeyucmi iccucaayyaj itumpiy jém iniitwip dos amtiy hasta jém dapic núcne dos amtiy. 17 Jempigam cupac jém aḡmačiwíñ juuts ijaychacne jém wiñicpic aḡmačiwíñ jém Jeremías. Nimpa:

18 Matontap tum jiyi jém attebet Ramá.

Tsam weyjajpa, tsam anyácneyaj.

Tsam weyjajpa jém Raquel, jém Israelpic yomtam,

iyaačanjampa jém imanictam.

Da ixunpa iga acpocsaytap ianama

porque accucaayyajta imanictam.

19 Jesic ocmi cuando caaneum jém Herodes, tanjatun Dios icutsat tum siñyucmipic pìxiñ iga icmawíñaiñ jém José jém naxyucmi de Egipto, nímayta:

20 —Siip settaami jém iñicmi Israel. Naseti jém jaychixi con iapa. Porque siip caaneum jém anjagooyi jém iccaapáppic idic jém xutu tsixi.

21 Jesic mojum seti jém José. Inisetpa jém xutu tsixi con iapa jém naxyucmi de Israel. 22 Pero tsam cñ jém José iga nicpa jém naxyucmi de Judea porque ijodóna iga jém Herodes imanic jém Arquelao injacpa jém naxyucmi Judea jut injacpa idic jém ijatun. Jém José mawíña iga odoy niguiñ Judea. Ijispá iga nicpa jém naxyucmi de Galilea. 23 Jesic núc jém Galilea, nic iti jém attebet Nazaret. Iñasca jempic iga cupacpa juuts nim jém wiñicpic aḡmačiwíñ iga Nazaretpic pìxiñ jém Jesús.

3

Najíyóyapa jém Xiwan jém acchíñoypaap titsinaxyucmi

(Mr. 1:1-8; Lc. 3:1-9, 15-17; Jn. 1:19-28)

1 Núc jém jama iga moj najíyooyi jém Xiwan jém acchíñoypáppic. Najíyóyapa jém titsinaxyucmi jut da ti idíyiy, jém naxyucmi de Judea. 2 Nim jém Xiwan:

—Tsaci iga immalwatpa, cucaci iñjixi porque núctooba jém tiempo iga injacpa Dios yip naxyucmi.

3 Jém wiñicpic aḡmačiwíñ jém Isaías injmat de yíptim Xiwan. Nimpa:

Matontap tum aḡmačiwíñ jém tsampic najíyóyapa jém titsinaxyucmi.

Nimpa iga:

“Wítsagaayi jém tánomi itun.

Áḡaayi tum tun nupapic.”

⁴ Jém Xiwan iyooti tacne con jém camello ipic. Jém icinturón tum tso-cocuero. Icutpa jém awu. Iucpa jém jimñi chñu. ⁵ Tsam jáyay pixiñtam nic imatonjay jém Xiwan jut najiyóypa. Miñyay jém atebet Jerusalén, icuwiti jém naxyucmi de Judea, con jém ityajwip nocojom jém río Jordán. ⁶ Jém pixiñtam inmadayajpa Dios itánca iga agui imalwatne. Ocmi jém Xiwan icchijpa jém río de Jordán.

⁷ Jesic cuando jém Xiwan iix iga chintooba wati jém fariseopic pixiñtam y jém saduceopic pixiñtam, inímáy:

—¿Que michtam impóyaytámpatim jém Dios icastigo? ¿Que incupicpa iga ich wiap manciacputta? Mijex juuts jém tsañ agui poypa cuando miñpa jém iccaapápic. ⁸ Siiga numa inchacneum jém immalajixi, jesic wati juuts ixunpa Dios, jesic quejpa iga numa incucacneum inñixi. ⁹ Odoj jistaami inanamajom iga mimichtam tsam wibic mipixiñtam da mimalotam porque jém Abraham mimanictam. Da wi iga inñistampa jempic porque Dios wiap icset yip tsa juuts jém Abraham imanictam. ¹⁰ Witsacneum jém hacha. Accámnetawum jém cuytichiyucmi. Itumpiy cuy dapic tmap, tinquímtap, nooquettap juctjom. ¹¹ Ich numa manacchijpa con ni iga quejiñ iga inchacneum iga immalwatpa. Pero ocmi miñpa tunjac pixiñ antuuñiancim. Je más wiap que aich. Da wiap annasca. Da wiap ancuwijáyay jém iciac. Micchijpa con Dios iAnama y con jucti. ¹² Imatspacneum jém iyemcuy iga icutjpa jém trigo. Cuando yajum icutip, iccáypa jém trigo granerojom. Nooquettap jém trigo ipuchi juctjom jut da nunca pichpa.

Acchijta jém Jesús

(Mr. 1:9-11; Lc. 3:21-22)

¹³ Jesic Jesús put jém naxyucmi de Galilea. Nic jém río de Jordán iga icchijñi jém Xiwan jém acchijoypaap. ¹⁴ Pero jém Xiwan da icchintooba Jesús. Nimayta Jesús:

—Más wi iga mich anacchijpa aich. ¿Tiga mimiñpa iga manacchijñ?

¹⁵ Jesic Jesús icutson. Inímáy jém Xiwan:

—Pero sip wi iga anacchijpa. Wi iga tanaccupacpa itumpiy juuts tapimiy Dios.

Jesic jém Xiwan icchij. ¹⁶ Cuando yajum icchijta jém Jesús, put jém niccim. Jesic ányá jém sin, Jesús iix jém Dios iAnama. Quet juuts tum cuucu. Nummiñ, núc Jesúsycmi. ¹⁷ Jesic jém ityajwip jem imatonjay tum jiyi siñyucmi. Nimpa:

—Yip ich amManic jém tsampic antoypa. Tsam amaymay con je.

4

Cutitsta jém Jesús

(Mr. 1:12-13; Lc. 4:1-13)

¹ Ocmi jém Dios iAnama ininic Jesús jém titsinaxyucmi jut da ti idíyiy. Nanicta iga icutichiñ jém Wocciwiñ.

² Da wíc Jesús cuarenta jama y cuarenta tsuu. Jesic ocmi tsam pimi yuap.

³ Jesic jém Wocciwiñ icunúc Jesús iga icutitspa. Inímáy:

—Siiga numa Dios miManic, acseti yip tsa iga caxtánañi.

⁴ Jesic Jesús inímáy jém Wocciwiñ:

—Nimpa jém Dios inᵐati jém jayñewiip: “Jém p̄ixiñtam da itpa no más con jém caxtánañi iga icútpa. W̄itpa jém p̄ixiñ siiga iwatpa itump̄iy juuts in̄ímáy Dios.”

⁵ Jesic jém Wocciwiñ ininic Jesús jém atebet Jerusalén. Iniquim jém m̄jpic masticaᵇbac. ⁶ Jesic jém Wocciwiñ in̄ímáy Jesús:

—Siiga numa Dios miManic, yóyanqueti. Porque nimpa jém Dios inᵐati: Dios icutsat jém siñyucm̄pic p̄ixiñtam iga m̄imatssonyajiñ ic̄iijom iga odoy coowañ impuy tsaayucmi.

⁷ Jesic Jesús in̄ímáy jém Wocciwiñ:

—Nimpatim jém Dios inᵐati: “Odoy cutiᵇtsi jém tanJatun Dios siiga numa wiap.”

⁸ Jesic jém Wocciwiñ eybic icut̄itspa jém Jesús. Ininic tum̄ m̄jpic cotsicyucmi tsam yucmi. Inquejáy itump̄iy jém atebet̄yaj icuw̄iti ȳip naxyucmi iga tsam w̄ibic lugar. ⁹ Jém Wocciwiñ in̄ímáy Jesús:

—Manchiiba itump̄iy ȳimp̄ic manañquejáy siiga aᵇcsteañáypa y anj̄ispa.

¹⁰ Jesic Jesús in̄ímáy:

—Nicsim, miWocciwiñ. Nimpa jém Dios inᵐati: “J̄istaami tanJatun Dios icutum. Odoy cuyoxataami tunḡac.”

¹¹ Jesic nic jém Wocciwiñ. Ichac iga icut̄itspa Jesús. Jesic miñyaj jém siñyucm̄pic p̄ixiñtam iga iyoxp̄atyajpa.

Mojpa iwat iyoxacuy jém Jesús Galilea

(Mr. 1:14-15; Lc. 4:14-15)

¹² Jesic cuando Jesús imaton̄ iga pajta cárcel jém Xiwan, set eybic jém naxyucmi de Galilea. ¹³ Da ts̄iy jém atebet Nazaret. Nic it̄i jém atebet Capernaum jém laguna aᵇnaca jém naxyucmi de Zabulón y Neftalí. ¹⁴ In̄asca jem̄pic iga cupacpa jém aᵇmati juuts ijaychacne jém wiñ̄icpic aᵇmat̄c̄iwiñ jém Isaias. Nimpa:

¹⁵ Jém naxyucmi de Zabulón con jém naxyucmi de Neftalí dende jém lamar aᵇnaca hasta jém Jordán in̄wiñtuc, jém naxyucmi de Galilea,

juᵇt ityaj jém p̄ixiñtam jém dap̄ic je de Israel,

¹⁶ jém ityajwiip piich̄im; iixyajpa tum̄ w̄ibic juctian̄tsoca.

Ts̄iyaj juuts caaneyaj idic.

Cupiich̄ane it̄i, pero iyicquejyajpa tum̄ w̄ibic jucti.

¹⁷ Jesic cuando núc jém Capernaum, moj inᵐat Jesús jém Dios inᵐati. Nimpa:

—Ts̄aci iga immalwatpa, cuc̄aci in̄j̄ixi porque núcneum jém tiempo iga in̄jacpa Dios ȳip naxyucmi.

Moj in̄wejáy Jesús jém icuyuc̄iwiñ

(Mr. 1:16-20; Lc. 5:1-11)

¹⁸ Jesic naspa Jesús jém laguna aᵇnaca in̄iyi Galilea. Iix tum̄ p̄ixiñ con it̄iwi. Tum̄ jém Ximoy, in̄iyit̄im Peto; tum̄ jém Anti. S̄ip ipatsyaj ired jém laguna iga imatspa t̄ipi. Jeeyaj t̄ipteroyaj. ¹⁹ Jesic Jesús in̄ímáy jém w̄isten:

—At̄un̄iytaami. Nicpa tamméts p̄ixiñ juuts t̄ipi.

²⁰ Jesic jeeti rato ichacyaj ired, nic itúnjıyyaj jém Jesús.

²¹ Jesic nic Jesús uxarj más juumi, ipát tunjac wıstén pıxıñ. Jém Jacobo, jém Zebedeo imanıc, con itıwı jém Xiwan. İtyaj barcojom con ijatun. Sıp inıtótsyaj ired. Jesic Jesús inwejáy. ²² Jeeti rato ichacyaj jém ibarco y jém ijatun. Nic itúnjıyyaj Jesús.

Jáyan pıxıñ acpısyajta

(Lc. 6:17-19)

²³ Jesic nic Jesús icuwiıti jém naxyucmı de Galilea. Accuyujóypa cada lugar jém sinagoga jut icuyujcayajpa jém Moisés inquımayooyi. İnmadáypa jém pıxıñtam jém wıbic anmaıti iga núcpa jém tiempo iga injacpa Dios yıp naxyucmı. İcpıs jém mimneyajwııp jém imatsneyajwııp itumpıy jém caacuy. ²⁴ Jodónata icuwiıti jém naxyucmı de Siria iga agui wıap jém Jesús. Jesic namıñayta Jesús itumpıy jém mimneyajwııp, jém imatsneyajwııp caacuy y jém toya. Namıñaytatım jém iniıtıwııp mal espıritu, jém imatsneyajwııp ataque y jém tusacanewııp. İcpıs itumpıy. ²⁵ Tsam jáyan pıxıñtam itúnjıyyajpa jém Jesús. Miñyaj de jém naxyucmı de Galilea, de jém attebet Decápolis y de jém attebet Jerusalén. Miñyajıtım de jém naxyucmı de Judea y de jém Jordán injıñıtuc.

5

Accuyujóypa Jesús tum cotsıyucmı

(Lc. 6:20-23)

¹ Jesic cuando iix Jesús iga antuumayajpa tsam jáyan pıxıñtam, quım tum cotsıyucmı. Jemum coñ Jesús. Jém icuyujcıwıñ icunúcyaj. ² Jesic Jesús moj inquejáy. Nimpa:

³ —Agui maymay jém ijodónaneyajwııp titam itogóyayyaj iga núcpa jut it Dios porque jeeyaj núcyajpa jut it Dios.

⁴ Agui maymay jém anyácneyajwııp porque Dios icpocsáypa ıanama.

⁵ Agui maymayyaj jém pıxıñtam jém dapıc nacujıptap iyaac porque jeeyaj ipıctsonyajpa yıp nas, jém ijıycámayñewııp Dios iga ichiiba.

⁶ Agui maymay jém tsampıc iwattooba juuts ixunpa Dios porque Dios iyoxpátpa iga wıañ iwatyaj jempıc.

⁷ Agui maymay jém iyaachanjamyajpáppıc jém itıwıtam porque Dios iyaachanjampatım jeeyaj.

⁸ Agui maymay jém cuáyñewııp ıanama porque jeeyaj iixyajpa Dios.

⁹ Agui maymay jém pıxıñ jém injıyjacpáppıc jém anayajpaap porque tsıypa juuts Dios imanıc.

¹⁰ Agui maymay jém tsampıc yaachwattap iga iwıwatpa juuts ixunpa Dios porque jeeyaj núcyajpa jém wıcom jut injacpa Dios.

¹¹ Maymáyaıtaami cuando jém malopıc pıxıñtam tsam mimalnımaytámpa, tsam miyaachwattámpa y tsam micumıgoytámpa ich ancuyucmı.

¹² Maymáyaıtaami. Odoy anyáctaami porque impıctsonıtámpa tum wıbic xaja sınyucmı. Jıstaami iga jém wıñıcpıc anmatcıwıñ tsam pımi malwadayajtatım.

Jém cana y jém juctı

(Mr. 9:50; Lc. 14:34-35)

13 ¹³ Mimichtam mijex juuts jém çana para yíp naxyucmipic pixiñtam. Pero siiga da paac jém çana, ¿jutsap tanwitsac? Da ti mejcuy. Tampatsáypa. Iacunepnepquetyajpa jém pixiñtam.

14 ¹⁴ Mimichtam mijex juuts tum wibic jucti iga iñyicquejpa jém ityajwip yíp naxyucmi. Tum mijpic atthet lumuyucmi da i wiap inñéc. ¹⁵ Da i iñooba tum nooquejcu y iga icujappa tum coonçucim. Itunpa yucmi iga iyicquejpa itumpiy jém ityajwip jem. ¹⁶ Jesanetim mimichtam witsocaaami juuts tum wibic jucti iga iñyicquejyajpa jém pixiñtam. Wiwattaami jém pixiñtamanjom iga cuando iixyajpa, tsam icujipyajpa tanjatun Dios jém itwip sinyucmi.

Da accaytap jém wiñcipic anquímayooyi

17 ¹⁷ Odoy jisi iga ich miñ anaccáy jém Moisés inquímayooyi, ni da anaccáypa jém wiñcipic anmatcwiñ inquímayooyi. Ich amiñ anaccupac itumpiy juuts nimpá jém wiñcipic anquímayooyi. ¹⁸ Numa, mannímáypa, da i nunca iccáypa jém wiñcipic anquímayooyi. Ni tum punto ni tum jiti da togoypa. Da cuyajpa jém sin ni jém nas hasta que cupacpa itumpiy cosa juuts nimpá jém anquímayooyi. ¹⁹ Siiga tum pixiñ da iccupacpa tum jém anquímayooyi dapic juchan y inquejáypatim jempic jém pixiñtam, jesic da ti mejcuy jém pixiñ. Da tigiyapa jut injacpa Dios. Pero siiga tum pixiñ iwatpa itumpiy juuts nimpá jém wiñcipic anquímayooyi, y siiga inquejáypatim jém pixiñtam, jesic jém pixiñ tsíypa juuts tum mijpic anjagooyi cuando injacpa Dios yíp naxyucmi. ²⁰ Pero mannímáypa mimichtam, siiga da más inwíwattampa que jém fariseoyaj y jém escribaspic maestroyaj, jesic da wiap inñúc jut injacpa Dios.

Siiga tananit jém malopic jixi tánanamanjom, tammalwatpa (Lc. 12:57-59)

21 ²¹ Michtam immatoneta iga jém wiñcipic tanjatunwewetam nimyaj iga: “Odoy accaoyi porque chiitap castigo jém accaoyapaap.” ²² Pero ich mannímáypa, siiga i ijóyixpa jém itíwi, ipictsonpa jém castigo juuts tum accaoyapaap. Siiga i imalnímáypa jém itíwi, chipintap jém cobacpic anjagooyicim, jém Sanhedrin; chiitap castigo. Siiga i inñímáypa jém itíwi iga tsam brutto, jesic jém pixiñ wiap icnicta jém infierno, jém juctjom jut da nunca píchpa.

23 ²³ Cuando ininícpa tum ofrenda iga inñchiiba Dios jém altaryucmi, siiga inñjispá iga immalwadayne jém inñíwi, ²⁴ jesic odoyñam tsaci jém ofrenda jém altaryucmi. Wiñti nigi cunucsaayi jém inñíwi, jesic wiap inñchac jém ofrenda.

25 ²⁵ Siiga i mijóyixpa y miquejajwadáypa, jesic witsaci jém inñasunto antes que miñúctampa jém juezcim porque una vez miñúcneum jem, micijunçottap jém policía icijom, mipajtap. ²⁶ Mannímáypa iga da miputpa hasta que yajpa inñyoj.

27 ²⁷ Michtam immatoneta iga jém wiñcipic tanjatunwewetam nimyajpa iga: “Odoy pejooyi.” ²⁸ Pero ich mannímáypa siiga i iámpa tum yomo iga tsam icusúníypa, jesic pejóypa ianamanjom.

29 ²⁹ Siiga jém inñxcuy, jém anwimipic, micwatpa táncá, topi, patsaayi. Más wí iga togoypa tum parte jém immijtay que iga micottap inçumij jém juctjom jut da nunca píchpa. ³⁰ Siiga inçí, jém anwimipic, micwatpa táncá, jesic jaci, patsaayi. Más wí iga togoypa tum jaca jém immijtay que iga micottap inçumij jém juctjom jut da nunca píchpa.

Da wí jém ichacpaap iyomo
(Mt. 19:9; Mr. 10:11-12; Lc. 16:18)

³¹ Wiñigam nımyajpatım: “Siiga ı ichacpa iyomo, tienes que iwatpa tum acta ıga ichacneum jém yomo.” ³² Pero ich mannımáypa siiga tum pıxiñ ichobıychacpa iyomo da pejoyñe, jesic icpejóypa jém yomo siiga ipıcpa tunğac pıxiñ. Siiga tum pıxiñ ipıcpa jém yomo jém tsacnetawııp, jesic pejóypatım jém pıxiñ.

Jesús inquejáypa ıga odoy tanjatun wıwadıñ jém juramentos

³³ Immatonnetatım ıga jém wiñıcpic tanjatun wewetam nımyajpa ıga: “Siiga miñımpa, wıjodios, jesic accupacı titam inñıycámayñe Dios.” ³⁴ Pero ich mannımáypa ıga odoy tsacı ni tum cosa juuts testigo ıga da mimıgóypa. Odoy tsacı jém sıñ juuts tum testigo ıga da mimıgóypa porque sınyucmı injacpa Dios. ³⁵ Odoy tsacı jém nas juuts tum testigo ıga da mimıgóypa porque jém naxyucmı icteññe ipuy jém tanjatun Dios. Odoy tsacı jém Jerusalén juuts tum testigo porque je jém más Mıjpic Rey imıchi. ³⁶ Odoy tsacı juuts tum testigo jém inçobac ıga da mimıgóypa porque ni tum jém inğway da wıap inıcpooba ni datım wıap inıcyıga. ³⁷ Cuando miñmattámpa, nımtaamı “numa” o “da”. Siiga inçacpa algun ti juuts testigo ıga da mimıgóypa, jesic da wıı porque jexpıc jıxi miññe de jém Wocçıwıñ.

Nımpa Jesús ıga odoy cıañseedayı
(Lc. 6:29-30)

³⁸ Mıchtam immatonneta ıga nımyajpa wiñıgam: “Siiga ı inñacscutedáypa iıxcuy tum pıxiñ, jesic jém pıxiñ icıañseedáypa, inñacscutedáypatım iıxcuy. Siiga ı inñacxquımáypa itıs tum pıxiñ, jesic icıañseedáypatım, inñacxquımáypatım itıs.” ³⁹ Pero ich mannımáypa: Siiga ı mimalwadáypa, odoy cıañseedayı. Siiga ı micótsáypa inçacpac, jesic jıgaayı ıga micótsáyıñtım tunğac lado. ⁴⁰ Siiga ı miquejajwadáypa ıga mitobáypa jém inıyootı, jesic chııtım jém inçamarra. ⁴¹ Siiga ı mipıımıyapa pımımı ıga ininıgáyıñ algun ti tum kilómetro, nanıgaayı dos kilómetro. ⁴² Siiga ı miwágáypa algun ti, jesic chıı. Siiga ı miñucsáypa alguna cosa, jesic acnúcsi, odoy nımaayı ıga da manchiıba.

Wıı ıga tantoytámiñ jém tánenemıgoyaj
(Lc. 6:27-28, 32-36)

⁴³ Immatonneta juuts nımyajpa jém pıxiñtam: “Toytaamı jém inñamıgo, pero jóyixtaamı jém inñenemıgo.” ⁴⁴ Pero ich mannımáypa ıga: Toytaamı jém inñenemıgoyaj. Odoy malnımaytaamı jém mimalnımayñewııp. Wııwadaytaamı jém mıjójıxpaap. Anğwejpatıamı Dios ıga iwııwadáyıñ jém pıxiñtam jém mimalwadayñewııp. ⁴⁵ Siiga inğwattámpa jempıc, jesic mıchıytámpa juuts tanjatun Dios mımanıctam jém itwııp sınyucmı. Porque jém tanjatun Dios icpıjpa jama para jém malopıc y para jém wııbc. Dios icchıjóypa tuj para jém tsampıc táncaıy y para jém dapıc táncaıy. ⁴⁶ Siiga nada más inñtoytımpa jém mıtoyajpaap, ¿que inñıspa ıga Dios mıwııwadáypa? Porque jém malopıc pıxiñtam, jém ichécıyajpáppıc impuestı, itoypatım jém iamıgoyaj. ⁴⁷ Siiga inñdioschiıba nada más jém inñıwıtam, ¿que inñıspa ıga inğwııwatpa? Jém dapıc iıxpıcpa Dios idioschııyapıtam jém itıwıtam. ⁴⁸ Siempre wııwattaamı juuts iwatpa jém tanjatun Dios jém itwııp sınyucmı.

6

Jutsap tanyoxpát jém tantiwitam

1 'Odoym niman̄taayaají iga in̄watpa juuts ixunpa Dios iga miixyajiñ jém pixiñtam porque siiga in̄watpa jempic, jesic jém tan̄Jatun̄ Dios jém itwiip siñyucmi da michiiba jém in̄coñwiyoooyi. 2 Jeeyucmi mannímáypa cuando in̄yoxpátpa jém yaachayajpaap, odoym in̄madaayi iga in̄wíwatne. Jém malopic pixiñtam, jém niman̄taayaapaap iga icupicyajpa Dios, siiga iwíwatyajpa, tsam in̄madayyajpa in̄ quej iga cujiptaiñ. In̄matpatim an̄sicmi y jém sinagoga titam iwatyajpa. Tsam iwian̄jamyaj iga cujipyajtaiñ. Numa mannímáypa iga jeeyaj ipictson̄neyajum jém icoñwiyoooyi. 3 Cuando in̄chiiba algun ti jém yaachayajpaap, odoym jüci iga jém an̄naymipic in̄ci ijodon̄ ti iwatpa jém an̄wimipic in̄ci. 4 Yamwati, jesic tan̄Jatun̄ Dios icutum miixpa. Je michiiba jém in̄coñwiyoooyi.

*Jutsap tan̄wejpát Dios**(Lc. 11:2-4)*

5 'Cuando in̄in̄wejpátampa Dios, odoym wattaami juuts iwatyajpa jém niman̄taayaapaap iga icupicyajpa Dios. Tsam iwian̄jamyajpa iga in̄wejpátyajpa Dios jém sinagoga o jém calle an̄naca iga iixyajiñ jém pixiñtam. Numa mannímáypa iga ipictson̄neum jém icoñwiyoooyi. 6 Pero mimichtam cuando in̄in̄wejpátampa Dios, tigiyi jém in̄ñicjom, an̄paji jém in̄ñic, an̄wejpaati Dios jém miwaganaitwip jut da in̄ miixpa. Dios iixpa itumpiy cosa jém in̄yamwatnewip, michiiba jém in̄coñwiyoooyi.

7 'Cuando in̄in̄wejpátpa Dios, odoym n̄imi jeetim jeetim an̄matí jém dapic tayoxpátpa juuts iwatyajpa jém tun̄gac pixiñtam jém ijsyajaap jém tun̄gac dios jém watnas. Ijsyaja iga imatónáypa jém watnas porque watciy n̄impa jeetim jeetim an̄matí. 8 Odoym wati jempic juuts iwatyajpa jeeyaj porque tan̄Jatun̄ Dios ijodon̄ titam mitogóyáy antes que in̄wágáypa. 9 Jeeyucmi mannímáypa, cuando in̄in̄wejpátampa Dios, n̄imtaami yiimpic: Man̄Jatun̄ Dios, miitwip siñyucmi, agui cuáyñe mich in̄iyi.

10 Wí iga míñiñ jém jama iga in̄in̄jacpa yip naxyucmi.

Wati yip naxyucmi juuts mich in̄wian̄jam, juutstim in̄watpa siñyucmi.

11 Achiitaami yip jama titam an̄cúttampa.

12 Awadaytaami perdón jém antañca juutstim aichtam an̄wadayñeta perdón jém amalwadayñewip.

13 Awattaami cuenta iga odoym in̄waiñ acutitsta iga acmalwattampa.

Agui miwí, man̄Jatun̄ Dios.

Mich más mijpic min̄jagooyi.

In̄iit itumpiy jém impimi.

Da nunca micuyajpa. Amén.

14 'Porque siiga in̄wadáypa perdón jém mimalwadayñewip, jesic miwadáypatim perdón jém tan̄Jatun̄ Dios jém itwip siñyucmi. 15 Pero siiga da in̄wadáypa perdón jém mimalwadayñewip, jesic tan̄Jatun̄ Dios datim miwadáypa perdón jém in̄ñajca.

Jutsap tan̄wat jém ayuno

16 'Cuando inḡwattámpa ayuno odoy anḡyáguiñ inámooyi juuts iwatyaj jém nimanḡaayapaap iga iixpicaypa Dios. Odoy nanḡquejtaji iga inḡwatne ayuno. Numa mannímáypa iga jeeyaj iniitum jém icoñwiyooyi. 17 Pero mimichtam cuando inḡwattámpa ayuno jetstaami inḡway, jíttaami inḡwiñpac, 18 iga jém pxiñtam odoy icutiyyiñ iga inḡwatne ayuno. Jém tanḡatunḡ Dios icutum ijodon iga inḡwatne ayuno, jesic michiiba jém inḡcoñwiyooyi.

Jém siḡyucmi pic riqueza
(Lc. 12:33-34)

19 'Odoy anḡtuumaḡwati jáyan riqueza yíp naxyucmi juḡ icútpa jém wechi, juḡ tsam jómpa, juḡ tigiyyajpa jém númyajpaap. 20 Anḡtuumaḡwati jáyan riqueza siḡyucmi juḡ da icútpa jém wechi ni datim jómpa, juḡ da tigiyyajpa jém númyajpaap. 21 Porque juḡ inḡtuumaḡwatne jém inḡriqueza jemtim it inḡnama.

Jém tánixcuy tum jucti para jém tammijtay
(Lc. 11:34-36)

22 'Jém inḡixcuy jex juuts tum wibic juctianḡsoḡa para jém immijtay. Siiga wiḡ jém inḡixcuy, jesic itumpiy jém immijtay it jém juctianḡsoḡajom. 23 Siiga da wiḡ jém inḡixcuy, itumpiy jém immijtay it piichcim. Siiga pichñe jém juctianḡsoḡa, tsam pimi piichcim miit.

Da wiḡap tanḡcuyoxap Dios y jém tumiñ
(Lc. 16:13)

24 'Da i wiḡap icuyoxa wisten iomi. Porque siiga itoypa tum, jesic ijóyixpa tunḡac. Siiga iwīnanigáypa tum, jesic tunḡac da iwīnanigáypa. Da i wiḡap icuyoxa Dios siiga tsam itoypa jém itumiñ.

Dios iwatpa cuenta jém imḡnictam
(Lc. 12:22-31)

25 'Jeeyucmi mannímáypa iga: Odoy jisi juḡ impicpa titam inḡcútpa ni titam inḡucpa para miitpa yíp vida. Odoy jisi juḡ impicpa jém impuctucu para jém immijtay. Más wiḡ jém imvida que jém inḡwiccuy. Más wiḡ jém immijtay que jém impuctucu. 26 Ixi jém jonyaj jém quecpaap. Da ñipyajpa, datim ipiḡyajpa jém cosecha iga iccáypa tum ticjom. Pero icwícpa jém tanḡatunḡ Dios jém itwīp siḡyucmi. Mich más miwi que jém jonyaj. 27 Siiga tsam inḡjiswa, ¿que wiḡap inḡyon uxar más?

28 '¿Tiiga tsam inḡjiswa juḡ impicpa jém impuctucu? Jistaami jém wibic moya jém nayñewīp copjom. Je da yoxap ni da pitpa. 29 Pero ni jém rey Salomón cuando tsam wicuyajne, da ictsiypa iwī juuts jém wibic moya. 30 Dios tsam iwīaccuyajne jém moya, jém itwīp copjom, pero joymi jipsquetpa. Mimichtam da inḡwicupicne Dios, pero je más mitoypa que jém moya. 31 Jeeyucmi mannímáypa odoy jisi juḡ impicpa titam inḡcútpa y titam inḡucpa. Odoy jisi juḡ impicpa jém impuctucu. 32 Porque jexpic jixi iniit jém dapic icupicaypa Dios. Tsam imétsajpa itumpiy jexpic cosa, pero mimichtam iniit tum inḡjatunḡ siḡyucmi. Ijodon titam mitogóyá. 33 Wiñti méstaami jutsap inḡtigiyta juḡ inḡjacpa Dios y jutsap inḡwatta jém wīampic cosa juuts ixunpa Dios, jesic ocni Dios michiiba titam mitogóyá. 34 Odoy jisi titam mitogóyá para joymi porque joymi it tiempo iga inḡjispatim. Cada jama iniit jém da wibic cosa.

7

Odoj jisi iga tsam táŋcaíy jém iñtíwi
(Lc. 6:37-38, 41-42)

1'Odoj jisi tunḡac p̄ixiñ iga táŋcaíy, jesic Dios datim mijisáypa mich iñtáŋca.
2 Siiga tsam iñjisa iga táŋcaíy tunḡac p̄ixiñ, jesic Dios mijisáypatim mimich iñtáŋca. Miquípsaytaptim con jeetim quipsóycuy jém impicnew̄ip iga in̄quips.
3 ¿Tíiga iñixáypa jém iñtíwi tum xutu puchi iixcom? ¿Que da iñjampa jém mijpic cuy iñixcom? 4 ¿Jutsap iññímáy jém iñtíwi iga mantobáypa jém puchi iñixcom cuando michgacti iniittim tum mijpic cuy iñixcom? 5 Tsam minimigóyaytap iñyaac. Wiñti topi jém cuy iñixcom, jesic in̄wixáypa jém puchi jém iñtíwi iixcom.

6'Odoj ch̄i jém wibic cosa jém Diospic im̄ichi jém malopic p̄ixiñtam juuts jém chimpayaj. Porque da iw̄ixyaypa jém Dios im̄ichi, mimalwadáypatim mex mimich. Odoj coti jém perla, jém wibic tsa, jut ityaj jém yoya. Wiap icunepnequetyaj.

Jutsap tampictson titam tatogóyáy
(Lc. 11:9-13; 6:31)

7'Wágaytaami Dios titam mitogóyáy, je michiiba. Métstaami jém w̄itampic cosa, jesic impátampa. Ticstaami jém tic ipuerta, míjáyaytap. 8 El que iwágaypa Dios algun ti, chiitap. El que imétspa jém w̄itampic cosa, ipátpa. El que iticspa jém tic ipuerta, añáyaytap.

9'Siiga miwágaypa immanic tum caxtánañi, ¿que iñchiiba tum tsa? 10 Siiga miwágaypa immanic tum tiipi, ¿que iñchiiba tum tsañ? 11 Mimichtam tsam mimalotam, pero iñjodon jutsap iñchi immanic jém w̄itampic cosa. Pero jém tanjatun̄ Dios, jém itw̄ip sin̄yucmi, je da malo; ichiiba jém imanictam jém w̄itampic cosa jém iwágayp̄appic.

12'Jesic mimichtam w̄iwadaytaami jém tunḡac p̄ixiñtam juuts mimichtam iñxunpa iga miw̄iwadáypatim mex jeeyaj. Siiga in̄wattámpa jempic, jesic cupacpa itumpiy jém Moisés in̄químayooyi con jém an̄mat̄i ijaychacnew̄ip jém wiñicpic Dios in̄matc̄iwiñ.

Jém wayaypic puerta
(Lc. 13:24)

13'Tigiyaami jém wayaypic puerta. Porque w̄iti jém puerta y tsam w̄iti jém tun̄ jém nicp̄appic jut togoyaypa jém p̄ixiñtam. Tsam jáyan̄ nicyaypa jem.
14 Wayay jém puerta y wayaytim jém tun̄ jém nicp̄appic jut ipictson̄yaypa jém vida jém dapic cuyaypa. Da w̄ati jém p̄ixiñtam ipátaypa jém tun̄ iga tigiyyaypa jem.

Ixpictap jém cuy por jém itim
(Lc. 6:43-44)

15'Nawattaji cuenta iga odoj mimigóyáyiñ jém malopic p̄ixiñtam, jém n̄iman̄taayapaap iga icuyoxap Dios. Miñpa juuts tum wibic p̄ixiñ, pero miñpa imalwadáy jém Dios ipixiñtam. Juuts jém lobo icunumpa jém borrego.
16 Mimichtam wiap iñixpicta juutspic p̄ixiñ cuando iñixtámpa ti iwatpa. Mich iñjodon iga da tantúcpa wibic uvas chicxchayyucmi. Da tantúcpa tsuj apitcuyyucmi. 17 Jém wibic cuy da chióypa malopic tim. Jém malopic cuy

da chióypa jém wibic tim. ¹⁸ Jém wibic cuy da wíap ichiów jém malopic tim. Jém malopic cuy da wíap ichiów jém wibic tim. ¹⁹ Itumpiy jém cuy, jém dapic chióypa jém wibic tim, tiñquimtap. Nooquettap juctjom. ²⁰ Jesic mimichtam íñixpictampa juutspic pìxiñ cuando íñixpa siiga iwíwatpa o imalwatpa.

Da itumpiy tigíypa jut injacpa Dios

(Lc. 13:25-27)

²¹ Wati jém pìxiñtam anímayyajpa iga: “MánQmi, mánQmi”, pero da itumpiy tigíyyajpa jut injacpa Dios. Nada más tigíyyajpa jém iwatneyajwíp juuts ixunpa tanjatun Dios jém itwíp sinyucmi. ²² Cuando núcpa jém jama, jesic jáyan jém pìxiñtam anímayyajpa: “MánQmi, mánQmi, ¿que da anañmatta jém Dios inmatí mich íññiyimi, que da antopta jém mal espíritu mich íññiyimi, que da anwatta jáyan jém wibic milagro mich íññiyimi?” ²³ Jesic ich annímáypa jeeyaj: “Da mánixpicpa. Nicstaami mimichtam, tsam immalwatneta.”

Jém wisten tic ibase

(Mr. 1:22; Lc. 6:47-49)

²⁴ Jém pìxiñ imatonpa ich anañmati y iwatpa juuts annímáypa jex juuts tum pìxiñ tsampic jixíy iga iwatpa tic. Icpñmap tum tsaayucmi. ²⁵ Ocmi tsam pimi chijóypa tuj. Compa jém ni. Tsam pimi poypa jém sawa. Ictsíypa jém tic, pero da cutiñpa porque pñmane tsaayucmi. ²⁶ Tungac imatonpa ich anañmati, pero da iwatpa juuts annímáypa. Je jex juuts tum pìxiñ dapic jixíy. Iwat tum tic, pero icpñmap pooyucmi. ²⁷ Ocmi tsam pimi chijóy tuj, compa ni, pimi poypa jém sawa. Ictsíy jém tic, iccutiñ, da ti tsíy.

²⁸ Jesic cuando yaj inmat Jesús jém inquímayooyi tsam ipooñanjamyajpa jém pìxiñtam, ²⁹ porque inquejáypa juuts tum anjagooyi da jex juuts jém escribaspic maestroyaj.

8

Jesús icpis tum pìxiñ jém iníitwíp jém lepra caacuy

(Mr. 1:40-45; Lc. 5:12-16)

¹ Cuando quet Jesús jém cotsicyucmi, itúñiyaj jáyan jém pìxiñtam. ² Jesic miñ tum pìxiñ tsam mimne, cupúgayñe inñaca, iníit jém lepra. Icosteeñáy jém Jesús. Nimpa jém mimnewíp:

—MánQmi, siiga inwianjam, wíap anacpis.

³ Jesic Jesús ichiccunúc jém pìxiñ, inñímáy:

—Anwianjam. Micuáyñeum.

Jesic yaj nimi jém Jesús, pisum jém pìxiñ, wítsíyum jém inñaca. ⁴ Jesic Jesús inñímáy jém pìxiñ:

—Odooy i anmadaayi iga ich manacpis, pero nigí anquejaayi jém panij iga michacneum jém caacuy. Jesic chíi Dios jém ofrenda juuts nimpa jém Moisés inquímayooyi iga miixtap iga numa mipisneum.

Acpistá jém capitán imozo

(Lc. 7:1-10)

⁵ Jesic núc Jesús jém atbetet Capernaum. Tum Romapic capitán icunúc Jesús, moj icunucsáy. ⁶ Nimpa jém capitán:

—Maestro, mimne actiñ tum woñjaychixi anticciim, tum jém ancuoyaxapaap. Tusacane icumuma. Tsam pimi yaachap ixi.

⁷ Jesús iníimáy:

—Nicpa anacpis.

⁸ Nimpa jém capitán:

—Maestro, da wí iga miñicpa anticcím porque mich agui wibic mipixiñ, ich tsam atáncaiy. Nada más pimiyi jém caacuy iga ichaguiñ jém ancuyoxapaap, jestic pispa. ⁹ Porque ich anaítim tum ananjagooyi iga apimíyapa. Ich anaítim soldado jém ampimíyapaap. Siiga annímáyapa jém ansoldado iga niguiñ, jestic tienes que nicpa. Siiga annímáyapa iga míniñ, jestic tienes que miñpa. Siiga ampimíyapa tum jém acuyoxapaap iga iwadiñ alguna cosa, jestic tienes que iwatpa.

¹⁰ Jestic mimaton jém Jesús junimpa jém capitán, agui ipooñanjam. Iníimáy Jesús jém itúnyayjapaap:

—Numa mannímáyapa, icuwiti tannación de Israel da ampát ni tum pixiñ wiap icupic Dios juuts yíp capitán. ¹¹ Mannímáypatim iga tsam jáyan pixiñtam jém dapic je de Israel miñyaja jutquej yíp naxyucmi. Miñyaja anñisaumipic y anyomsaumipic. Iwaganacoñyaja jém wiñicpic anmañcwiñ jém Abraham, Isaac y Jacob jut injacpa Dios. ¹² Pero wati jém Israelpic pixiñtam jém iniitwip derecho iga tigiyapa jut injacpa Dios, quebacputyajtap. Tsacyajtap anñicmi jém piichcím. Jemum tsam wejyaja, tsam iníichyaja itís.

¹³ Jestic Jesús iníimáy jém capitán:

—Nicsim inñicmi. Mich incupic iga Dios miwadáy juuts mich inxunpa. Jempam iwat.

Jeeti hora pisum jém icuyoxapaap.

Pis jém Peto imídapa

(Mr. 1:29-31; Lc. 4:38-39)

¹⁴ Cuando núc Jesús jém Peto iticcím, iix iga wone icheesmi jém Peto imídapa. Tsam pimi jawaný. ¹⁵ Jestic Jesús ichigáy jém yomo ici. Ichac jém jawan, jeeti rato tsucum, moj icwicyaj jém Jesús con icuyujcwiñ.

Jesús icpis jáyan jém mimneyajwip

(Mr. 1:32-34; Lc. 4:40-41)

¹⁶ Jestic piichawum iti, jém pixiñtam inimíñayaj Jesús jáyan jém iniitwip jém mal espíritu. Itop jém mal espíritu, nada más ijíyáya iga pudiñ. Icpis itumpiy jém mimneyajwip. ¹⁷ Jempam iwat Jesús iga cupacpa jém anmati juuts ijaychacne jém wiñicpic anmañcwiñ jém Isaías. Nimpa: “Je iyaac ipictson taichtam tancaacuy. Ipictson itumpiy jém yaachaji.”

Wati itúnytooba Jesús

(Lc. 9:57-62)

¹⁸ Jestic cuando iix Jesús iga antuumayaja tsam jáyan pixiñtam, iníimáy jém icuyujcwiñ:

—Tanictampa jém laguna anwiñtuc.

¹⁹ Jestic miñ tum jém escribaspic maestro. Iacunuc jém Jesús, iníimáy:

—Maestro, mantúnyapa jutquej jut miñicpa.

²⁰ Jesús iníimáy jém pixiñ:

—Jém zorra iniit ijos jut monpa. Jém jon iniittim ipeeñi. Pero ich, jém aMiññewip Sinyucmi, da anaí jut anacjépa ançobac.

21 Jesic tunjag jem icuyujcwiñ inímay jem Jesús:

—Mánomi, ajígaayi iga wiñti nicpa ancum jem anjatun. Ocmi mantúnjyipa.

22 Pero Jesús inímay:

—Míñi atúnjyiyi. Tsaci jem caaneyajwip iga nacumyajtap jeeyaj.

Jesús icteeñanjacpa jem sawa y jem nüpoa

(Mr. 4:35-41; Lc. 8:22-25)

23 Jesic Jesús tigiy tum barcojom. Tigiytim mex jem icuyujcwiñ. 24 Ocmi moj poyi jem sawa jem laguna. Tsam pimi poypa hasta tigiyta ni jem barcojom. Pero monpa Jesús. 25 Jesic jem icuyujcwiñ nic ichicyus. Inímayyaj:

—Mánomi, aciacputtaami porque tacumontampam nicim.

26 Jesic Jesús inímay:

—¿Tiiiga tsam micintampa? ¿Que da incupicpa ni uxaj iga Dios miyoxpátpa?

Jesic tsucum Jesús, inímay jem sawa y jem nüpoa iga teeñanjaguiñ. Jesic teeñanjac jem sawa y jem nüpoa. Dam ti tsigóyapa. 27 Jem icuyujcwiñ agui ipooñanjamyaj. Nanímayyajta entre jeeyaj:

—¿lapaap yip pixiñ iga inímay jem sawa y nüpoa iga teeñiñ y icupicpa?

Jem Gadarapic pixiñ jem imatsnewip jem mal espíritu

(Mr. 5:1-20; Lc. 8:26-39)

28 Jesic cuando núc Jesús jem laguna anwiñtuc jem naxyucmi de Gadara, ipát wisten pixiñ jem imatsnewip jem mal espíritu. Putyaj jem camposanto, icunúcyaj Jesús. Tsam pimi maloyaj juuts tum jimñi animat. Tsam pimi icinjyajpa jem ityajwip jem, da i wiap iñas jem tunjom. 29 Jesic pimi jyyajpa jem wisten. Nimyaj:

—¿Tiiiga mitigycumpa con aichtam? Mich miJesús jem Yucmipic Dios miManic. ¿Que mimiñ yim iga anyaachwattampa antes que danam núcpa jem inajpic jama?

30 Jesic da más juumi ityaj tsam jáyan yoya. Wícpa ixiyaj. 31 Jesic jem mal espíritu icunucsáy jem Jesús. Nimpa:

—Siiga antoptampa, ajígaytaami iga atigiyta jem yoya ianamanjom.

32 Jesic Jesús inímay:

—¡Nicsim!

Jesic putyajum jem mal espíritu. Tigiyyaj jem yoya ianamanjom. Jesic póyanstucumyaj jem yoya. Poyimi quetyaj jem tejajyucmi, actinjyaj jem laguna, jicjicayaj nicim.

33 Tsam pimi ichiganjécyaj jem iwatyajpáppic cuenta jem yoya. Poyimi nicyajpa iticmi. Cuando núcyaj, moj inmadayyaj los demás ti inasca jem imatsnewip idic jem mal espíritu. 34 Jesic itumpiy jem ityajwip jem attebet, nic iámyaj jem Jesús. Cuando iixyay, icunucsayajpa iga cáyiñ de jem naxyucmi de Gadara.

9

Acpiatap tum pixiñ tusacanewip

(Mr. 2:1-12; Lc. 5:17-26)

1 Jesic tigiy Jesús tum barcojom, eybic jac jem laguna anwiñtuc. Nic iticmi.

2 Jesic algunos inimiñayyaj Jesús tum mimnewip, tusacane icumuma. Wone tum tseesyucmi mu inimiñyay. Cuando Jesús iix iga tsam icupicyajpa iga Dios wiap icpis, jesic inímay jem mimnewip:

—Manic, maymáyaji, miwadayñeta perdón jem inítáŋca.

³ Ittim jem jutén escribaspic maestroyaj. Ijisyajpa ijixianjom: “Yíp p̄ixiñ icuyypa tanDios.” ⁴ Pero Jesús ijodonj ti síp ijisyaj, jesic inímáy:

—¿Ťiiga iniit jem malopic j̄ixi in̄anamanjom? ⁵ ¿Júp más da t̄an̄ca iga annímáypa yíp p̄ixiñ iga: “Manaccáyaypa inítáŋca”, o iga annímáypa: “Tsucumi, w̄it̄im”? ⁶ N̄imtim Jesús:

—Pero iga in̄jodónata iga jem Miññewiip Siñyucmi iniit jem ip̄imi iga wiap iccáyáy jem p̄ixiñ itáŋca yíp naxyucmi (jesic inímáy Jesús jem tusacanewiip): Tsucumi, p̄in̄im jem in̄chees, n̄icsim in̄t̄iccim.

⁷ Jesic tsucum jem p̄ixiñ, nicum itic̄cim. ⁸ Cuando iixyaj jem p̄ixiñtam ti iwat Jesús, ts̄am c̄in̄yaj, icujípyajpa Dios iga icutsat yíp naxyucmi jem ip̄imi.

Jesús in̄wejáy jem Mateo

(Mr. 2:13-17; Lc. 5:27-32)

⁹ Jesic moj niqui Jesús. Iix iga jemum coñ jem calle añnaca tum p̄ixiñ ichécpa jem impuesto. In̄iyi Mateo. Jesic Jesús inímáy:

—Atún̄iyi.

Tsucum jem Mateo, nic itún̄iyi jem Jesús.

¹⁰ Jesic ocmi iganam w̄icpa Jesús jem Mateo itic̄cim, núcyaj jáyay jem ichécyajpaap impuesto con tun̄gac jem t̄an̄caiywiip. Miñ iwaganacoñyaj jem Jesús con jem icuyujc̄iwiñ. ¹¹ Jesic cuando jem fariseoyaj iixyaj ti iwat jem Jesús, in̄imayyaj jem icuyujc̄iwiñ:

—¿Ťiiga wagaw̄icpa jem immaestro con jem ichécyajpaap impuesto y jem tun̄gac t̄an̄caiywiip?

¹² Cuando imatonj Jesús ti nimyajpa, inímáy jem fariseoyaj:

—Jem dapic mimne da ixunpa jem tsóyiyoypaap, pero jem mimneyajwiip ixunpa jem tsóyiyoypaap. ¹³ Nigi cuyujcai ti nimtooba jem Dios in̄mat̄i jut̄ jaychacneta: “Más w̄i iga in̄t̄oyiñ jem in̄t̄iwitam que iga in̄watpa jem sacrificio.” Jesap̄tim aich da miñ amméts jem dapic t̄an̄caiy. Miñ amméts jem t̄an̄caiywiip iga icucacyañ jem ij̄ixi.

In̄matpa Jesús de jem ayuno

(Mr. 2:18-22; Lc. 5:33-39)

¹⁴ Jesic miñyaj jem Xiwan icuyujc̄iwiñ jem acch̄iñoypaap. Miñ icwácayaj jem Jesús. N̄imyaj:

—¿Ťiiga aichtam con jem fariseopic p̄ixiñtam ts̄am añwattámpa ayuno, pero mich in̄cuyujc̄iwiñ da iwatyajpa ayuno?

¹⁵ Jesús icutsonj. N̄impa:

—¿Que wiap in̄yácneyaj jem añwejayñetaw̄iip jut̄ it̄ tum añcoom̄iyóycuy iganam it̄ jem yoom̄iypaap? Pero núcpa jama cuando accáytap jem yoom̄iypaap, jesic n̄uma iwatyajpa ayuno.

¹⁶ Jesic Jesús in̄quejáytim iga jem jom̄ipic añquimayooyi da iw̄inanigáypa jem wiñ̄ipic j̄ixi. N̄impa:

—Da j̄ in̄t̄ótspa tum pecapic yooti con tum j̄aca jom̄puct̄ucu. Porque siiga iwatpa jem̄pic, n̄ian̄xichpa jem jom̄ipic puct̄ucu, más p̄imi jacpa jem pecapic puct̄ucu jut̄ añt̄ótsne. ¹⁷ Da j̄ icucompa jom̄vino jem pecapic cuero bolsajom. Porque siiga jem̄pic iwatpa, tojansajpa jem pecapic cuero bolsa, cutegáypa jem

vino, togoypa jém cuero bolsa. Jeeyucmi cucomtap jém jomvino jém jomipic cuero bolsajom, jesic da togoypa jém bolsa ni jém vino.

Jém Jairo iyommanic y jém yomo jém ichigaywip jém Jesús ipuctucu
(Mr. 5:21-43; Lc. 8:40-56)

¹⁸ Iganam inmatpa Jesús, núc tum Israelpic anjagooyi. Icošteeháy jém Jesús.

Iníimáy:

—Yaguiñ ca jém anyommanic. Nigi tsiccunuuci jém anyommanic iga pxiñ.

¹⁹ Tsum Jesús. Iwaganancyaj jém anjagooyi con jém icuyjcwíñ.

²⁰ Iganam niquiyaj, tum yomo icunuc jém Jesús ituuñiañcim. Tsam mimne. Doce amtíy imatsne jém caacuy iga quetpa inñipiñ, da nunca teñpa. Ichigáy jém Jesús iyooti inñaca. ²¹ Ijjspa jém yomo ijixianjom. Nimpa: “Siiga nada más antsigáypa jém iyooti, jesic apispa.” ²² Jesic ámsset Jesús, iix jém yomo. Iníimáy: —Miyomo, odoy cñi. Tsam inçupicpa iga Dios wiap micpis, jeeyucmi mipisneum.

Jeeti rato pisum jém yomo.

²³ Cuando núc Jesús jém anjagooyi iticcim, iix iga it jém susyajpaap iga nicpa icumta. Agui anyácneyaj jém pxiñtam. Agui weyyajpa. Tsam it bulla.

²⁴ Iníimáy Jesús jém ityajwip jem:

—Mimichtam puttaami anñicmi. Da nunta caane yíp woñi. Nada más moñpa.

Pero tsam ixicayajpa jém Jesús.

²⁵ Cuando cupudayyaj, jesic tigiy Jesús jém ticjom. Imatsáy jém woñi ici, tsucum jém woñi. ²⁶ Jesic icuwiti jém naxyucmi jodónata ti iwat jém Jesús.

Jesús icpis wisten cáhti

²⁷ Jesic nic Jesús. Nas jut it wisten cáhti. Moj itúnjyyaj. Pimi anweyyajpa. Nimyaj:

—Mich mirey David mimanic, ayaachanjami.

²⁸ Cuando tigiyye Jesús tum ticjom, tigiyyajtim jém cáhti. Icuñucyaj Jesús. Jesic Jesús moj icwác jém cáhti. Iníimáy:

—¿Que inçupictámpa iga ich awiap?

Nimyaj jém cáhtiyaj:

—¡Ji, mánomi!

²⁹ Jesic Jesús ichigáy iixcuy jém wisten cáhti. Iníimáy:

—Siip manwadáypa jempic porque mich tsam inçupicpa iga Dios wiap miyoxpát.

³⁰ Jesic toj jém cáhti iixcuy. Witsiyum. Jesic duro inquimpa Jesús iga odoy i inmadáyñ. Iníimáy:

—Odoy i anmadaayi iga manacpis.

³¹ Pero cuando nichneyaj jém cáhtipic idic, inmadayajpa i quej ti iwat Jesús icuwiti jém naxyucmi.

Jesús icpis tum uma

³² Cuando yaj niquiyaj jém cáhtiyaj, namíñayta Jesús tum uma. Iniit tum mal espíritu jém pxiñ. ³³ Cuando tobayta jém mal espíritu mojum jiyi jém uma. Agui ipooñanjamyaj jém ityajwip jem. Nimyaj:

—Da queman tánix yicxpí cosa yíp naxyucmi Israel.

³⁴ Pero jém fariseoyaj tsam jóyñeyaj. Nimyaj:

—Yíp p̄ixiñ wiap itop jém mal espíritu porque iniit jém Wocciwiñ ip̄imi.

Jesús iyaachanjampa jém p̄ixiñtam

³⁵ Nic Jesús itumpiy jém attebetay y jém tiganjoj. Accuyujóypa jém sinagoga jut icuyujcayajpa jém Moisés inqumayooyi. Inmadáypa jém miññeyajwiip jutsap itigiyay jut injacpa Dios. Icpis itumpiy jém mimneyajw̄iip y jém iniitw̄iip w̄ati jém caacuy. ³⁶ Pero cuando iix Jesús iga tsam jáyan miññeyaj, agui iyaachanjampa porque tsam yaachaneyaj, agui uuguyajtim juuts jém borregoyaj cuando da i iwatne cuenta. ³⁷ Jesic inñímáy Jesús jém icuyujc̄wiñ:

—N̄uma, juuts tum mijpic cosecha, tsam jáyan jém p̄ixiñtam icupictooba Dios, pero jém yoxac̄wiñ, jém inmatyajp̄appic jém Dios inmati, da w̄ati. ³⁸ Jeeyucmi mannímáypa, wágaytaami jém cosecha iQ̄mi iga icutsadiñ jáyan jém yoxac̄wiñ iga ip̄inyajpa jém cosecha.

10

Jesús icupij jém doce icuyujc̄wiñ (Mr. 3:13-19; Lc. 6:12-16)

¹ Jesic Jesús inwejay jém doce icuyujc̄wiñ. Ichi jém p̄imi iga w̄iañ itopyaj jém mal espíritu y iga w̄iañ icpisyaj itumpiy jém mimneyajw̄iip y jém imatnew̄iip caacuy.

² Yipyaj in̄iyi jém doce icuyujc̄wiñ jém apóstolyaj: Wiñti jém Ximoj, in̄iyitim Peto; jém Anti, jém Peto it̄iwi; jém Jacobo, jém Zebedeo iman̄ic; jém Xiwan, jém Jacobo it̄iwi; ³ jém Felipe; jém Bartolo; jém Tomax; jém Mateo, jém ichécpaap idic impuesto; jém Jacobo, jém Alfeo iman̄ic; jém Tadeo; ⁴ jém Ximoj, jém itw̄iip con jém partido cananista; jém Judas Iscariote, jém iwadaypaap atraición Jesús.

Cutsatyajta iga inmatyajpa Dios inmati (Mr. 6:7-13; Lc. 9:1-6)

⁵ Jesic Jesús icutsat jém doce icuyujc̄wiñ iga inmatyajiñ jém w̄ibic anmati. Inñímáy ti wiap iwatyaj. N̄imayajta:

—Odoy n̄ictaami jut it jém tungac p̄ixiñtam jém dapic je de Israel. Odoy tigiytaami jém Samariapic iattebetyaj. ⁶ Más w̄i iga miñictamiñ jut it jém Israelpic borregoyaj jém togoyñew̄iip. ⁷ Iganam miñicpa, anmati iga noco it jém tiempo iga Dios injacpa yip naxyucmi. ⁸ Acpistaami jém cupúgayñew̄iip in̄aca con itumpiy jém mimneyajw̄iip. Acpistaamiñ jém caanew̄iip. Tobaytaami jém mal espíritu jém iniitw̄iip jém p̄ixiñtam iñamanjom. Da mantségay cuando manchiita amp̄imi, jesic odoy tséctaami cuando inicpisp̄a.

⁹ Odoy nan̄ictaami tumiñ; ni plata, ni oro, ni cobre imbolsajom. ¹⁰ Odoy nan̄ictaami immorral, ni wisten in̄yoofi, ni tungac in̄ciac, ni imbastun, porque jém yoxac̄wiñ w̄i iga chiitap jém iwiccuy.

¹¹ Cuando miñúctampa tum attebet o tum xutu tiganjoj, méstaami tum w̄ibic p̄ixiñ jut miñúctampa. Jemum ts̄iytaami hasta que miñictampa tungac tiganjoj. ¹² Cuando mitigiytampa tum ticjom, dioschi jém ityajw̄iip jem. Wágaayi Dios iga ichiñ bendición. ¹³ Siiga w̄ibic p̄ixiñ ityaj jém ticjom, jesic Dios ichiiba jém bendición. Pero siiga malopic p̄ixiñ ityaj jém ticjom, jesic Dios da ichiiba bendición. ¹⁴ Siiga da mipictson̄pa ni da imaton̄tooba titam in̄inmadáypa, jesic cuando miputtampa jém ticjom o jém tiganjoj, cunebaayi

jém impuy ipótpót iga quejiñ iga da i mipictson. ¹⁵ Numa mannímáypa cuando núcpa jém jama iga Dios ichiiba castigo jém malopic, jesic más mijpic castigo chiitap jém dapic ipictson ich ananquímayooyi que jém ityajwüp jém atebet de Sodoma y Gomorra.

Nímawayta jém doce iga tsam malwadaytap

¹⁶ 'Amatoñtaami. Mimichtam mançutsatpa juuts tum miborrego jut tsam it jém pajo. Wi iga agui mijáyayanjichich juuts tum tsañ. Pero naittaami jém wibic jixi juuts tum cuucu dapic malo. ¹⁷ Nawattamtaji cuenta porque jém malopic pixiñ tsam mimatstooba, micijunçotpa jém Sanhedrín iciijom. Micóstap jém sinagoga. ¹⁸ Mininictamtap hasta jém más mijpic anjagooyiciim hasta jut it jém gobernador y hasta jut it jém reyyaj ich ançuyucmi. Jempigam wiap ininmadáy ich anañmati jém anjagooyiyaj y itumpiy jém tunçapic pixiñtam jém dapic je de Israel. ¹⁹ Pero cuando mininictamtap jém anjagooyiciim, odoy jisi jutsap inçutsonja jém anjagooyi o ti iññímáypa porque jeeti rato Dios michiiba jixi jutsap inçutson jém anjagooyi. ²⁰ Cuando inçutsonja da mimichtam mijiyapa. Jiyapa jém Dios iAnama, michiiba jixi, jesic wiap inçutson jém anjagooyi.

²¹ 'Núcpa jama iga algunos iwadáypa atraición jém iñuntatiwi iga accaatañ. Jém jatunpic iwadáypa tim atraición jém imaníc. Jém manicpic iwadáypa atraición jém ijatun o jém iapa iga accaatañ. ²² Itumpiy jém pixiñtam tsam mijóyixpa ich ançuyucmi. Pero siiga iñyaachiyapa cuando miyaachwattap y da iñchacpa ich anañmati hasta jém inañpigam jama, jesic miciaçputpa Dios. ²³ Cuando miyaachwattap tum atebet, jesic poytaami, nictaami tunçac atebet. Numa mannímáypa iga antes que da yajpa iññasca jém tiganjoj de Israel, núcpa jém Miññewüp Siñyucmi.

²⁴ 'Tum maestro icuyuçiwiñ da wiap iñasca jém imaestro. Tum esclavo da wiap iñasca jém iomi. ²⁵ Itum wi siiga jém maestro icuyuçiwiñ tsíy juuts jém imaestro, siiga jém esclavo tsíyapa juuts iomi. Siiga nímaytap jém jatunpic iga Beelzebú, jesic malnámaytaptim jém ityajwüp iticciim.

I wiap tançin
(Lc. 12:2-7)

²⁶ 'Odoy çinçtaami jém malopic pixiñtam. Dios inquejpa itumpiy jém jixi jém anyamnewüp. Jodónatap itumpiy jém jixi jém añnéçnewüp. ²⁷ Titam manyamnímáypa, mimichtam añmattaami jém pixiñtamanjom. Titam manyamnímáypa, añmattaami jutquej iga imatonayajiñ itumpiy jém pixiñtam. ²⁸ Odoy çinçtaami jém pixiñ jém wiapaap miccaáy jém immijtay porque jém iññama da wiap miccaáy. Más wi iga inçinçtampa Dios jém wiapaap miccaáy immijtay y jém iññama icotpa jém juctjom jut da nunca píçpa.

²⁹ 'Maytap wisten xuxut jon por tum centavo, pero ni tum de jém jonyaj da cutinpa naxyucmi siiga jém tanjatun Dios da ijicpa. ³⁰ Dios imayñe itumpiy jém inway jutem iniit jém inçobacyucmi. ³¹ Jeeyucmi mannímáypa, odoy çinçtaami. Más mitoypa Dios que jém xuxut jonyaj.

Jém dapic inécpa iga icupicpa Cristo
(Lc. 12:8-9)

³² 'Itumpiy jém inmatyapáppic jém pixiñtamanjom iga acupicpa, jesic ampictsonja siñyucmi jém añjatun Dios iwiñjom. ³³ Pero siiga tum pixiñ

inǵécpa iga acupicpa jém pixiñtámanjom, jesic da ampictsonpa sinyucmi jém anjatun Dios iwiñjom.

*Nawécyajtap jém pixiñtam jém Cristo icuyucmi
(Lc. 12:51-53; 14:26-27)*

³⁴ 'Odoj jisi iga amiñ yíp naxyucmi iga ananjyjacpa jém áñayajpáppic. Da anamiñ jém paz, anamiñ jém espada. Ich ancyucmi tsam áñayajpa yíp naxyucmipic. ³⁵ Ich miñ anactsucum iga áñayajiñ tum pixiñ con ijatun, iga áñayajpa tum yomo con iapa, iga tungac yomo áñayajpa con ixaqui. ³⁶ Jém ityajwip inñicjom tsíyyajpa iga inenemigoyaj.

³⁷ Siiga más inñoypa injatun o inñapa que antoypa aich, da wiap inchíy juuts ich mammichi. Siiga más inñoypa jém inñaymanic o inñommanic que antoypa aich, da wiap inchíy juuts ich mammichi. ³⁸ Jém dapic ijícpa iga yaachwattap juuts ich ayaachwattap y atúnjyipa, da tsíyipa juuts ich ammiichi. ³⁹ Siiga tum pixiñ tsam ijspa jém ivida iga odoy togóyñ, jesic togoypa jém ivida. Pero siiga togoy tum pixiñ ivida ich ancyucmi, jesic iniitpa jém ivida.

*Chiijajtap wibic coñwiyooyi jém ipictsonpáppic jém Dios inñatcwiñ
(Mr. 9:41)*

⁴⁰ Jém mipictsonpaap mimichtam, apictsonpatim aich. Jém apictsonpaap aich, ipictsonpatim jém anjatun Dios jém acutsatnewip yíp naxyucmi. ⁴¹ Jém ipictsonpaap tum jém Dios inñatcwiñ porque icutsat Dios tienes que ipictsonpatim jexpictim coñwiyooyi juuts ipictsonpa jém Dios inñatcwiñ. Jém ipictsonpaap tum wibic pixiñ iga iwíwadáyapa, je tienes que ipictsonpatim jexpictim coñwiyooyi juuts ipictsonpa jém wibic pixiñ. ⁴² Siiga i ichiiba tum taza pagac ni tum jém ancyujcwiñ ich ancyucmi, numa mannímáypa iga je ipictsonpa tum wibic coñwiyooyi.

11

*Jém Xiwan jém acchíjyopaap
(Lc. 7:18-35)*

¹ Jesic cuando yaj inímáy Jesús jém doce icuyujcwiñ ti wiap iwatyaj, moj níqui Jesús. Nic inquejáy jém pixiñtam itumpiy jém atebetyaj jém naxyucmi de Galilea. Inmadáy jém Dios inñati.

² Jém Xiwan jém acchíjyopaap pajnetá cárcel. Cuando imaton ti iwat jém tánomi Cristo, jesic icutsat wisten jém icuyujcwiñ iga niguiñ icwácyaj Jesús.

³ Cuando núcyaj jut it Jesús, moj icwácyaj. Nimyaj:

—¿Que micham jém miCristo jém miñpaap yíp naxyucmi o ananjóctampa tungac?

⁴ Jesús icutson. Inímáy:

—Nigi nímaayi jém Xiwan ti inñiñeta y ti immatoneta. ⁵ Anmadaytaami iga ixixóypam jém cáhti, witpam jém cuxujpic idic, pisneum jém cupúgayñewiip idic inñaca, matóhóypam jém chajca, pisneum jém caaneyajwip idic y jém yaachayajpaap ipictsonyaj jém wibic anñati iga Dios iciacputpa. ⁶ Agui maymay jém pixiñ jém dapic ijícpa iga i ictsacpa ich anñati.

⁷ Cuando nicyaj jém Xiwan icuyujcwiñ, jesic jém Jesús moj inmadáy jém pixiñtam iga wibic anñatcwiñ jém Xiwan. Nímayajta:

—¿Tí oy íńámta jém titsinaxyucmi? ¿Que oy íńámta tum p̄ixiń dapic wiap juuts tum p̄oc jém aguipic ictsigóypa sawa? Da je. Oy íńámta tum p̄ixiń wiapaap. ⁸ ¿Que oy íńámta tum p̄ixiń aguí w̄icuyajne? Da je. Tanj̄odontam iga jém w̄icuyajnew̄ip ityaj jém rey iticc̄im. ⁹ ¿Que tí oy íńámta jém titsinaxyucmi? ¿Que oy íńámta tum Dios in̄maťc̄iwiń? Numa tum an̄maťc̄iwiń más wiap que itump̄iy jém wiń̄c̄pic an̄maťc̄iwiń. ¹⁰ N̄impa jém Dios in̄maťi ti iwatpa jém Xiwan:

Dios icutsatpa tum an̄maťc̄iwiń iga iw̄itsagáypa jém Cristo itun̄.

Jém an̄maťc̄iwiń an̄jagoyñeeba ińic.

Ocmi ituuńian̄c̄im mińpa jém Cristo.

¹¹ Numa mannímáypa iga icuwiťi ȳip naxyucmi da i tun̄gac p̄ixiń más wiap que jém Xiwan jém acch̄ińoypaap. Pero cuando núc jém tiempo iga in̄jacpa Dios, jém más xutupic jém Dios ip̄ixińtam más wiap que jém Xiwan.

¹² Dende núc jém Xiwan, jém acch̄ińoypaap, hasta siip jém p̄ixińtam tsam tigiyaytooba p̄im̄imi jut in̄jacpa Dios. ¹³ Jém Moisés in̄quimayoyi con itump̄iy jém wiń̄c̄pic an̄maťc̄iwiń in̄matyaj ti mińpa. Cuando núc jém Xiwan, moj iccupac ti nim jém an̄maťc̄iwiń. ¹⁴ Ȳip Xiwan, jém acch̄ińoypaap, jeetim jém Elías jém mińpáppic; siiga michtam in̄cupicpa. ¹⁵ Siiga miťatsigiyta, maton̄taami.

¹⁶ Siip manan̄quejáypa juuts ti jém p̄ixińtam jém ityajw̄ip siip. Jex juuts jém ts̄ixtam jém m̄ichyaypáppic plaza. In̄imayyajpa jém iamigoyaj: ¹⁷ “Mansusáypa jém flauta, pero da mietstámpa. Ocmi man̄wánáypa jém wańi anyácnew̄ip, pero datim miwejtámpa.” ¹⁸ Porque cuando miń jém Xiwan, da ic̄utpa caxtánańi ni da ucpa vino, pero mimichtam miń̄imtámpa iga iniit tum mal espíritu. ¹⁹ Ocmi ich anyaac amiń sin̄yucmi. Aw̄icpa, áncpa jém vino, pero mimichtam miń̄imtámpa iga tsam aw̄icpa, tsam áncpa jém vino y tsam ánamigo jém malopic p̄ixińtam con jém ich̄écyajpaap impuesto. Quejpa iga w̄i jém j̄ixi siiga w̄iputpa jém yoxacuy.

Jém attebetyaj jém dapic icupicyajpa (Lc. 10:13-15)

²⁰ Jesic jém Jesús moj iwogáy jém ityajw̄ip jém attebetyaj jut oy iwat jáyan jém milagro porque jeeyaj da ichacyaj iga imalwatyajpa. N̄impa Jesús:

²¹ —iAgui miuuguytim mimichtam miitw̄ip jém attebet Coraz̄in! Agui miuuguytim mimichtam miitw̄ip jém attebet Betsaida. Jém ityajw̄ip jém attebet Tiro y Sidón da iixñeyaj jém milagroyaj juuts siip ińix. Pero meega iixñeyaj, pecam ichacneyaj jém imalajixi, agui anyácneyaj iga tán̄caíy. ²² Jeeyucmi mannímáypa, cuando núcpa jém jama iga Dios ic̄ip̄ińpa ȳip naxyucm̄ipic p̄ixińtam, jesic más p̄imi michiitap castigo mimichtam que jém ityajw̄ip jém attebet Tiro y Sidón. ²³ Mimichtam miitw̄ip jém attebet Capernaum tsam micuj̄ipyajpa jém p̄ixińtam, pero tienes que mininictamtap jém piichc̄im jut it jém caaneyajw̄ip. Porque meega an̄watne jém milagro jém attebet Sodoma juuts an̄watne mimichtaman̄jom, jesic da idic togoypa jém attebet hasta siip.

²⁴ Numa mannímáypa iga cuando núcpa jém jama iga c̄ip̄ińóypa Dios, más p̄imi michiitap castigo mimichtam que jém ityajw̄ip jém attebet Sodoma.

Mińtaami con aich, manaczejpa (Lc. 10:21-22)

²⁵ Jesic jém tiempo nim Jesús:

—Manjatun Dios, mich ininjacne jém sin y jém nas, tsam mancujíppa. Mich ininjéc jém wibic jixi iga jém tsampic icutiíyíyyajpa yíp naxyucmípíic jixi da wíap icutiíyíy. Pero ininjuejayñe jém wibic jixi jém pixiñtam jém dapic icuyucaneyaj yíp naxyucmípíic jixi. ²⁶ Jempigam inwat, manjatun Dios, porque jempigam inwianjam.

²⁷ Jesic Jesús iníimáy jém pixiñtam:

—Jém anjatun Dios acíjuncodáy itumpiy jém wítampic jixi. Da i ijodon jém Dios iManic ijixi, icutum ijodon jém iJatun ti iJispa iManic. Datim i ijodon jém anjatun Dios ijixi, icutum ijodon jém iManic con jém pixiñtam jém iwianjampáppic iManic iga icjodónap jém Dios ijixi. ²⁸ Miñtaami yim inítumpiytam mimichtam jém tsampic miyoqane, jém tsampic michimane, manacjépa. ²⁹ Pictsonhtaami jém yugo jém ichpic manchiiba iga tawagayoqap. Cuyucataami ich ananquímayooyi porque je da táñca. Ich da malo ananama. Manyoxpátpa. Impáttampa jut wíap ije jém inánama. ³⁰ Ich anyugo da táñca. Ich antsimi xejciy.

12

Jesús icuyucíwiñ itúcyaj trigo jém jeucuy jama

(Mr. 2:23-28; Lc. 6:1-5)

¹ Jesic tum jeucuy jama widañnaspa Jesús jut ñipnetá jém trigo. Jém icuyucíwiñ como tsam yuaneyaj, moj ijudayyaj jém trigo ipac, icúcyaj. ² Pero cuando jém fariseoyaj iixyaj ti iwatyaj jém Jesús icuyucíwiñ, nímayta jém Jesús:

—Ixí jém inçuyucíwiñ. ¿Tiiiga iwatyajpa contra jém tananquímayooyi jém jeucuy jama?

³ Jesic Jesús iníimáy jém fariseoyaj:

—¿Que da queman immay ti iwat jém David cuando tsam yuaneyaj con jém icompañeroyaj? ⁴ Tigiyyaj jém Dios iticjom. Icúcyaj jém caxtánañi jém tsacnetawíip altaryucmi. Tanjodon iga jém tananquímayooyi da ijícpa iga icúcyajpa jém David ni jém iwaganamiñnewíip. Nada más jém panij wíap icúcyaj.

⁵ ¿Que da immayñe junimpa jém Moisés inquímayooyi iga jém panij da jejaypa cuando yoxayajpa jém mijpic másticjom jém jeucuyjama? Pero da táñcawatpa siiga da jejaypa. ⁶ Numa mannímáypa iga jém itwíip yim con mimichtam más mij que jém mijpic mástic. ⁷ Mimichtam da inçutiíyíyta ti nimpa jém anmatí jut jaychacnetá. Nimpa: “Más iwianjam Dios iga inyaachanjamtámiñ jém inítwítam que iniccaaba jém animat iga inchiiba ofrenda jém altaryucmi.” Meega inçutiíyíyipa, jesic da inchiiba castigo jém pixiñtam jém dapic ti iwatne. ⁸ Ich, jém aMiñnewíip Sinyucmi, wíap ananquejáy jém pixiñtam ti wíap iwat jém jeucuyjama porque anait jém autoridad.

Jém pixiñ jém titsnewíip ici

(Mr. 3:1-6; Lc. 6:6-11)

⁹ Jesic nic Jesús, tigi y jém sinagoga jut icuyucayajpa jém Moisés inquímayooyi. ¹⁰ Jem it tum pixiñ titsnewíip ici. Jesic jém fariseoyaj icwácyaj jém Jesús. Nímayta:

—¿Que wí iga tanacpíspa tum pixiñ jém jeucuyjama?

Porque tsam imétsyajpa jutsap iquejajwadayyaj jém Jesús. ¹¹ Jesic icutsoj Jesús. Iñímáy:

—Siiga tum de mimichtam iniit tum borrego actiñe josjom tum jejcuyjama, ¿que da inŋoppa jeeti rato? ¹² Tum pixiñ más wí que jém borrego. Jesic quejpa iga wí iga tarwíwatpa jém jejcuyjama.

¹³ Jesic iñímáy jém pixiñ jém titsnewiip ici:

—Tími inŋci.

Jesic itim ici. Wítsiyum juuts jém tunŋac jém ici. ¹⁴ Jesic putyaj jém fariseoyaj. Moj ijisyaj jutsap iccaayaj jém Jesús.

Jém wiñicpic profeta nim ti iwat jém Jesús

¹⁵ Cuando ijodóna Jesús ti ijisyajpa, jesic nic. Jáyan jém pixiñtam itúñiyajpa. Icpis itumpiy jém mimneyajwüip. ¹⁶ Ipiñimíy Jesús iga odoy i inmadayyajin japaap icpisne. ¹⁷ Iwat jempic iga cupacpa juuts nim jém wiñicpic anmatciwiñ jém Isaías:

¹⁸ Yíbam jém acuyoxapaap, jém ancupiñnewiip.

Tsam antoypa, tsam amaymay con je.

Anchiiba ánAnama iga inisiba.

Inmadáypa jém tunŋac pixiñtam jém dapic je de Israel iga:

Ich anwitsagáypa jém itánca.

¹⁹ Da áñapa, datim pimi jypa.

Da i imatonpa iga najiyóypa calle.

²⁰ Jém acuyoxapaap agui wiap.

Da iquitpa tum xutu waycuy jém quitpáppic,

pero más iwitsacpa.

Datim icpichpa jém mechaj jém yaguiñpic juctimatsne.

Pimi yoxap hasta que icoñwíypa jém ienemigoyaj.

²¹ Jém tunŋac pixiñtam icuwiti yíp naxyucmi tsam icupicyajpa iga jém acuyoxapaap wiap iyoxpátayaj.

Nimyajpa iga Jesús iniit jém Wocciwiñ ipimi

(Mr. 3:20-30; Lc. 11:14-23; 12:10)

²² Jesic namíñayta Jesús tum pixiñ jém imatsnewiip tum mal espíritu. Cáchtí jém pixiñ, umaane. Icpis Jesús. Jesic ixixóypam, wiabam ijy. ²³ Itumpiy jém ityajwüip jém agui ipoññajamaj cuando iixyaj ti iwat Jesús. Nimyaj:

—¿Táñanjam yíbam jém rey David iocmanic?

²⁴ Pero cuando jém fariseoyaj imatonyaj ti iwat jém Jesús, pimi jóyñeyaj. Nimyaj:

—Yíp pixiñ wiap itop jém mal espíritu porque iniit jém Beelzebú ipimi, jém mal espíritu injagooyi.

²⁵ Pero ijodon Jesús ti síp ijisyaj jém pixiñtam. Iñímáy:

—Siiga tum gobierno nawécyajtap y áñayajpa entre jeeyaj, jesic tienes que nayajyajtap. Siiga nawécyajtap tum atebet y tsam áñayajpa jém pixiñtam, da jáypa cuyajpatim. Siiga nawécyajtap jém ityajwüip tum ticcim, jesic cuyajpatim. ²⁶ Jesanetim siiga jém Wocciwiñ natoptap iyaac jém pixiñ ianamanjom, jesic nawéctap iyaac jém Wocciwiñ. Da jáyñe cuyajpa jém ipimi. ²⁷ Michtam miñimtámpa iga ich antoppa jém mal espíritu con jém Beelzebú ipimi. Siiga numa anwatpa jempic, ¿jesic i ichiiba ipimi mich

inçuyujcwiñ iga wiañ itop jém mal espíritu? Cuando iwatpa jempic, jém inçuyujcwiñ minquejáypa iga togoyñe inçixi. ²⁸ Pero siiga ich antoppa jém mal espíritu con Dios iAnama, jesic quejpa iga numa núcneum jém tiempo iga Dios inçacpa yíp naxyucmi. Mimichtam wiaptim impictsonça.

²⁹ Jém númpaap da wiap itigiy tum pimipic pixiñ iticjom iga icunúmaypa siiga da wiñi ichenpa jém tic iqmi. Pero siiga wiñi ichenpa, jesic wiap inñimáy itumpiy jém inñiwip iticçim.

³⁰ Jém dapic acuyoxap it en contra de aich. Jém dapic ayoxpátpa iga anañtuumawatpa jém pixiñtam, je iquepquebáypa.

³¹ Jeeyucmi mannímáypa iga Dios iwadáypa perdón jém pixiñtam itumpiy jém itañca. Wadaytaptim perdón jém pixiñtam siiga icujyapa tanjatun Dios, pero siiga i icujyapa jém Dios iAnama, da i wiap iwadáy perdón jém itañca.

³² Dios acutsat yíp naxyucmi iga añcuyoxap Dios. Siiga i amalnímáypa aich, jesic Dios wiap iwadáy perdón jém itañca. Pero siiga i imalnímáypa jém Dios iAnama, da i wiap iwadáy perdón jém itañca ni yíp naxyucmi ni jém tunçac jém miñpaap.

Jém wibic cuy tánixpicpa por itim

(Lc. 6:43-45)

³³ Siiga wibic cuy, iwatpa wibic itim. Siiga malopic cuy, iwatpa malopic itim. Tánixpicpa jém cuy por itim. ³⁴ Michtam mijex juuts jém tsañ iga agui mimalo. ¿Jutsap inñmat jém wítampic cosa siiga tsam mimalotam? Jém añmatí jém inñoppáppic inñipjom, tsucumpa inñanamanjom. ³⁵ Jém wibic pixiñ inmatpa jém wítampic cosa porque comne ianamanjom con jém wibic jixi. Jém malopic pixiñ inmatpa jém malopic cosa porque comne ianamanjom con jém malopic jixi. ³⁶ Siip mannímáypa mimichtam, cuando núcpa jém jama iga Dios icüpinpa itumpiy jém pixiñtam, jesigam tségaytap itumpiy jém malopic añmatí jém inmatnewip aunque da juchañ. ³⁷ Con jém inñmatí micüpiñtap, con jeetim inñmatí minquejpa siiga mitañcaiy o da mitañcaiy.

Jém malopic pixiñtam iwágayyapa tum milagro

(Mr. 8:12; Lc. 11:29-32)

³⁸ Jesic algunos jém fariseoyaj con jém escribaspic maestroyaj iwágayyaj tum milagro. Nímayta Jesús:

—Maestro, ánixtooba tum milagro, awadaytaami.

³⁹ Jesic Jesús inñimáy:

—Jém malopic pixiñtam, jém ityajwip siip jém dapic icupicyajpa Dios, tsam awágaypa milagro. Pero no más tum milagro iwadáypa Dios, jém milagro juuts inñasca jém Jonás. ⁴⁰ Juuts jém Jonás oy iyaj tucunajama y tucunatsuu jém mijpic tiipi ipuujom, jesaptim aich, jém aMiññewip Siñyucmi, acumtap, anyajpa tucunajama y tucunatsuu jém nascim. ⁴¹ Núcpa jama iga jém ityajwip jém attebet Nínive tsucumyajpa jém inñapigam jama iga miquejajwadaytampa mimichtam, miññawip cuando Dios icüpinpa itumpiy jém pixiñtam. Porque jém ityajwip Nínive icucacyaj ijixi cuando jém Jonás inmadáy jém Dios inmatí. Yim it con mimichtam tum pixiñ más wiap que jém Jonás. ⁴² Tsucumpatim jém yompic añjagooyi jém miññewip añtsapsaumí jém inñapigam jama cuando Dios icüpinpa itumpiy jém pixiñtam. Miquejajwadaytapatim porque juumi

miñ jém yomo. Miñ imaton jém Salomón ijixi, pero yim it con mimichtam tum más mijpic anjagooyi que jém Salomón.

*Jém da wibic espíritu jém setpápic
(Lc. 11:24-26)*

⁴³ Cuando put jém mal espíritu tum pxiñ ñamanjom, jesic siiba icutum jém titsinaxucmi. Iméspa tum lugar jut jejpa. Pero da ipátpa. Jesic nimpa: ⁴⁴ “Eybictim asetpa anticcim jut aput.” Jesic mu ixet, eybic ipát jém pxiñ juuts tum tic da oomiy, petnetawum, witsacnetawum. ⁴⁵ Jesic inimiñ siete espíritu más pimi malo. Miñ itiyaj jém pxiñ ñamanjom. Wiñti jém pxiñ iniit idic nada más tum mal espíritu, pero ocmi más pimi malo jém pxiñ. Jempigam ñascaaba jém malopic pxiñtam jém ityajwip sip. Más pimi malojap.

*Miñ jém Jesús iapa con itiwitam
(Mr. 3:31-35; Lc. 8:19-21)*

⁴⁶ Iganam sip inmat Jesús, núcyaj iapa con iyáuctam. Tsíyyaj anxicmi. Ijyppáttooba Jesús. ⁴⁷ Tum pxiñ ñímáy Jesús:

—Miñne jém ñapa con ñítiwitam, ityaj anxicmi. Mijyppáttooba.

⁴⁸ Jesic Jesús ñímáy jém pxiñ jém inmadayñewip iga miñne iapa:

—¿Pero j jém ánapa? ¿Jém antiwitam?

⁴⁹ Jesús iquij icimi jém icuyujcwiñ, ñímáy:

—Mimichtam jém mánapa y mantiwitam. ⁵⁰ Porque itumpiy jém iwatpaap juuts ixunpa jém anjatun Dios jém itwip sinyucmi, jeam jém antiwi, jém anyomtíwi y jém ánapa.

13

*Jém ñippápic jém trigo ipac
(Mr. 4:1-9; Lc. 8:4-8)*

¹ Jesic jeetim jama put Jesús jém ticjom. Nic coñi jem laguna añnaca. ² Tsam jáyan pxiñtam antuumaneyaj jut it Jesús. Jeeyucmi tigi tum barcojom, jemum coñ. Itumpiy jém miññeyajwip tsíyyaj jém laguna añnaca. ³ Jesic Jesús moj inquejáy jáyan jém wibic jixi por medio de cuento. Nimpa:

—Tum pxiñ nic ñipi. Nic iyin jém trigo ipac icamjom. ⁴ Mu iyin jém pac, actin uxaj jém tunjom. Miñyaj jém jon, icútquet jém pac. ⁵ Actinim uxaj jém pac tsaanjom jut da j jáyan nas. Jesic jicsciy nay jém pac porque da juchaj jém nas. ⁶ Cuando pijpa jém jama, ñoonoca jém xuxut planta. Yaj cutísaayiyaj porque da tichigiy. ⁷ Actinim uxaj jém pac jém apidanjom. Jicsciy yón jém apit, ixamsamca jém xuxut planta. ⁸ Pero actinim jém pac jém wibic naxyucmi. Witimá. Algunos chióy cien, algunos chióy sesenta, algunos chióy treinta. ⁹ Siiga mitatsigiyta, amatonñaami.

*Ñimayta icuyujcwiñ tiiga anquejáyap cuentujmi
(Mr. 4:10-12; Lc. 8:9-10)*

¹⁰ Jesic icunúcyaj Jesús jém icuyujcwiñ, icwácyaj. Ñimayta:

—¿Tiiga ininmadáypa jém pxiñtam por medio de cuento?

¹¹ Jesic Jesús icutson. Ñímáy:

—Dios miyoxpáttámpa mimichtam iga wiap inçutiïiyta jutsap injac Dios yíp naxyucmi. Mimichtam micjodónata jém jixi añnécnawïp idic, pero los demás da wiap icutiïiyay. ¹² Jém ipictsonpaap jém Dios inmatí, más ichiiba Dios jáyan wibic cosa. Pero jém dapic iwipictsonpa jém Dios inmatí, da ti ichiiba Dios, más accáyaytap jém cosa jém ijispaap iga iniit. ¹³ Jeeyucmi anañquejáya jém pxiñtam por medio de cuento. Iixyaj, pero tsíyyaj juuts da iixyaj. Imatonyaj, pero tsíyyaj juuts da imatonyaj ni datim icutiïiyay.

¹⁴ Inascayajpa juuts nimpa jém wiñicpic añmaçwiñ jém Isaías:

Mimichtam numa immatontámpa, pero da inçutiïiytámpa.

Numa inixtámpa, pero da inçupictámpa.

¹⁵ Porque yípyaj pxiñtam tsam malo ianamayaj,

da matónoypa jém itatsic, inmichñeyaj jém iixcuy.

Iwatayajpa jempic porque da ixixoytooba,

da matónoytooba,

da ijispa ianamanjom iga tsam jáyan mal iwatneyaj iga ichaguñ jém malatun iga ich añwtsagáyiñ jém itañca.

¹⁶ Pero siip mimichtam agui mimaymaytam porque miixixóypa y imatónóypa. ¹⁷ Numa mannímáypa iga watí jém wiñicpic añmaçwiñ y jém tunçac wibic pxiñtam tsam iixyajtooba titam inixtámpa mimichtam, pero da wiá. Tsam imatonyajtooba titam immatontámpa, pero da wiá.

Jesús inmadáypa jém cuento de jém iyinpaap jém trigo
(Mr. 4:13-20; Lc. 8:11-15)

¹⁸ Nimpa Jesús:

—Matontáami ti nimtooba jém cuento cuando jém pxiñ iyinpa jém pac icamjom. ¹⁹ Jém imatontpaap jém wibic añmatí jutsap injac Dios yíp naxyucmi, pero da icutiïiyípa, jex juuts jém pac jém actinewïp tunjom. Miñpa jém Wocçwiñ, iccáyáypa jém wibic jixi jém ñipnetawïp jém pxiñ ianamanjom.

²⁰ Jém pac, jém actinewïp jém tsaanjom, jex juuts jém pxiñ cuando imatontpa jém wibic añmatí, agui maymay mu ipictson. ²¹ Pero como da tichigíy, da jáypa. Jesic cuando cutítstap jém pxiñ, tsam malwadaytap jém wibic añmatí icuyucmi, ichacpa jém wibic tun. ²² Jém pac, jém actinewïp jém apidanjom, jex juuts jém pxiñ jém imatontpaap jém wibic añmatí, pero tsam ijispa jém cosa jém ityajwïp yíp naxyucmi. Jém riqueza tsam imigóyáypa jém pxiñ. Ixamcaaba jém wibic añmatí. Da tímá. ²³ Pero jém pac, jém actinewïp jém wibic naxyucmi, jex juuts jém pxiñ imatontpa jém wibic añmatí, iwicutiïiyípa ti nimtooba. Jém pxiñ juuts jém wibic nas. Ipictsonpa jém wibic añmatí, jáyanap jém wibic jixi ianamanjom. Algunos chióy cien, algunos chióy sesenta, algunos chióy treinta.

Jém malapim waganayñe con jém trigo

²⁴ Jesic Jesús inmat tunçac xutu cuento. Nimpa:

—Jém wibic añmatí iga Dios injacpa yíp naxyucmi jex juuts tum pxiñ inip jém wibic trigo icamjom. ²⁵ Pero jesic tsuucim cuando monyajpa jém pxiñtam miñ tum enemigo. Oy inip jém malopic pim icamjom jut ñipnetá jém wibic trigo. ²⁶ Ocmi nay jém trigo, mijap, jesic moypam. Jesigam quej jém malopic pim jém ñipnetawïp ocmi. ²⁷ Jesic jém pxiñ iyoxacwiñ nic iámyaj

jém iomi. Iñímayyaj: “Mánomi, siiga wibic pac iññip jém inçamjom, ¿jesic jutsa mu iñay jém malapim?” ²⁸ Jesic jém nas iomi iñímáy jém iyoxacüwiñ: “Tum enemigo iwat jempic.” Jesic acwácta, nímayta: “¿Iñxunpa iga nicpa aŋwixquímta jém malapim?” ²⁹ Pero jém nas iomi iñímáy: “Da taŋwixpa siip jém malapim porque químnnotpa jém trigo. ³⁰ Tsactaami jém malapim iga iwaganamijap jém trigo hasta tampinpa jém cosecha. Jesic annímáypa jém ipinpaap jém cosecha iga wiñti iwixquímajaiñ jém malapim, ichenyajiñ iga tannooquetpa. Jesic ocmi tanaccáypa jém trigo jém granerjom.”

Jém cuento de jém mostaza ipac

(Mr. 4:30-32; Lc. 13:18-19)

³¹ Jesic Jesús inmat tungac xutu cuento. Nimpa Jesús:

—Jém wibic aŋmati iga Dios injacpa yíp naxyucmi jex juuts tum mostaza ipac jém iñipnewiip tum pixiñ icamjom. ³² Jém mostaza ipac tsam xutu, pero cuando mijap jém planta más mij que itumpiy jém ñipñibooyi. Mijap juuts tum mijpic cuy hasta jém jon iwatyajpa ipeeñi jém mostaza inçisyucmi.

Jém cuento de jém levadura

(Lc. 13:20-21)

³³ Jesic inmatpatim Jesús tungac xutu cuento. Nimpa:

—Jém wibic aŋmati iga Dios injacpa yíp naxyucmi jex juuts tum yomo inmotpa jém levadura con tucuten jepscuy de harina. Jesic pipa itumpiy jém jaapi.

Tiiga inmatpa Jesús jém xuxut cuentoyaj

(Mr. 4:33-34)

³⁴ Itumpiy yípyaj cosa inquejáypa Jesús jém pixiñtam con jém xuxut cuentoyaj. Da ti inquejáypa sin cuento. ³⁵ Jempigam cupacpa jém aŋmati jém inmatnewiip jém wiñicpic aŋmatcüwiñ cuando ijaychacne así:

Aŋaquejáypa jém pixiñtam con jém xuxut cuentoyaj.

Aŋamadáypa jém jixi jém aŋnénewiip dende wiñigam cuando moj iwat Dios yíp nas.

Inquejáypa Jesús ti nimtooba tum xutu cuento

³⁶ Jesic Jesús inquím jém pixiñtam. Tigiy eybic jém ticjom. Icnúcyaj jém icuyucüwiñ. Iñímayyaj:

—Aŋmadaayi ti nimtooba jém xutu cuento cuando jém enemigo iñip jém malapim jém pixiñ icamjom.

³⁷ Jesic Jesús iñímáy:

—Ich, jém aMiñnewiip Siñyucmi, ich mismo añippa jém wibic pac. ³⁸ Jém cama nimtooba yíp naxyucmi. Jém wibic pac jex juuts jém iwianjamyajpáppic iga injacpa Dios. Jém malapim jex juuts jém pixiñtam jém Wocciwiñ imüichi.

³⁹ Jém enemigo iñippa jém malapim, je jém Wocciwiñ. Jesic cuando pinçap jém cosecha, yíp nimtooba cuando cuyajpa yíp nas. Jém ipinjaypaap jém cosecha jeeyaj jém siñyucmicpic pixiñtam. ⁴⁰ Pinçap jém malapim iga iñooba juctjom, jempigam inascayajpa jém malopic pixiñtam cuando cuyajpa yíp nas.

⁴¹ Jém Miñnewiip Siñyucmi icutsatpa jém siñyucmicpic pixiñtam iga itopyajiñ jém Dios ipixiñtamanjom itumpiy jém malopic pixiñtam con itumpiy jém icmalwatneyajwiip itiwitam. ⁴² Matsyajtap, cotyajtap jém juctjom jut da

nunca píchpa, juť ipictsonyajpa jém castigo. Jemigam tsam weyjajpa, tsam iñichyajpa itits. ⁴³ Cuando yajpa itopyaj itumpiy jém malopic pìxiñtam, jesic itumpiy jém pìxiñtam jém iwatyajpaap juuts ixunpa Dios, tsam tsocyajpa juuts jém jama juť injacpa tanjatun Dios. Siiga mitatsigiyta, amatoñtaami.

Jém wibic riqueza jém añnécnawip

⁴⁴ Jém wibic añmatì iga Dios injacpa yíp naxyucmi jex juuts tum caja tumiñ nécneta juť it tum jaca nas. Cuando tum pìxiñ ipát jém tumiñ, jesic jemtim iñec eybic. Nic icumáyay titam iniit iga ijuypa jém nas juť nécneta jém tumiñ.

Jém mijpic perla tsampic tsoowiy

⁴⁵ Jém wibic añmatì iga Dios injacpa yíp naxyucmi jex juuts tum juyjúoyopaap. Ijuypa y imáypa jém wítampic xuxut tsa jém perla. ⁴⁶ Cuando ipát tum más wibic jém perla tsampic tsoowiy, jesic icumáyaypa itumpiy jém iniitwip. Ijuypa jém wibic perla jém tsampic tsoowiy.

Jém red imats itumpiy clase jém tüpi

⁴⁷ Tambiém jém wibic añmatì iga injacpa Dios yíp naxyucmi jex juuts tum red, cuando ipatsyajpa lamar jém tüptero, imatspa itumpiy clase de tüpi. ⁴⁸ Jesic cuando comne jém ired, jém tüptero ijicputyajpa lamar aññaca. Coñyajpa, mojpá icupíñayaj jém tüpi. Icotyajpa iconjòm jém wítampic tüpi. Jém dapic wítam ipatsayyajpa. ⁴⁹ Jempigam iñascayajpa jém pìxiñtam cuando cuyajpa yíp nas. Miñyajpa jém siñyucmipic pìxiñtam iga icupíñaypa jém malopic pìxiñtam jém Dios ipìxiñtamanjom. ⁵⁰ Cotyajtap jém malopic pìxiñtam jém juctjom juť ipictsonyajpa jém castigo. Jemigam tsam weyjajpa, tsam iñichyajpa itits.

Jém pecapic y jém jomipic tesoro

⁵¹ Jesic Jesús icwácpa jém icuyujcwiñ. Nímayyajta:

—¿Incutiñiyta ti nimtooba itumpiy yíp xuxut cuento?

Nímayajpa jeeyaj:

—Jé, añcutiñiyta.

⁵² Jesic nim Jesús:

—Cuando tum jém escribaspic maestro icutiñiyta jém wibic añmatì iga Dios injacpa yíp naxyucmi, jesic jém pìxiñ jex juuts tum pìxiñ tsam rico. Iniitim jém pecapic tesoro y jém jomipic tesoro.

Nic Jesús Nazaret

(Mr. 6:1-6; Lc. 4:16-30)

⁵³ Jesic cuando yaj inmat itumpiy jém xuxut cuento, nicum Jesús. ⁵⁴ Nic iticmi. Moj inquejáy jém pìxiñtam jém sinagoga juť icuyujcayajpa jém wiñicpic añquímayooyi. Jeeyaj tsam pími ipooñanjamyajpa. Nímayaj:

—¿Yíp pìxiñ juť icuyujca yíp jixi? ¿Jutsap iwat yíp milagroyaj? ⁵⁵ Yíp pìxiñ jém carpintero imaníc. Iapa jém Malía. Tánixpígaytampa jém itiwitam jém Jacobo, jém José, jém Ximoj y jém Judas. ⁵⁶ Jém iyomtiwítam itim yim con taichtam. ¿Jut ipic yíp pìxiñ itumpiy yíp jixi?

⁵⁷ Jeeyucmi tsam ijóyixyajpa Jesús. Jesic Jesús iñímáy:

—Jutquej wípictsonatap jém Dios inmatcwiñ. Pero jém ityajwip iticmipic lugar con jém ityajwip iticim da iwianjamyaj.

⁵⁸ Jesic da waŋi wibic milagro iwat Jesús iticmi, Nazaret, porque da icupicyajpa iga Dios iMānic.

14

Jutsaq iccaatq jém Xiwan jém acchíŋoypaap

(Mr. 6:14-29; Lc. 9:7-9)

¹ Jesic jeetim tiempo jém gobernador Herodes ijodóna ti iwatpa Jesús. ² Jesic jém Herodes iñimáy jém icuyoxapaap:

—Yíp p̄ixiñ jém Xiwan jém acchíŋoypaap. Pisneum. Jeeyucmi wiap iwat jém m̄jpic milagroyaj.

³ Da más pecam jém Herodes icám orde iga matstaiñ jém Xiwan. Tsenta, cotta cárcel. Matsta jém Xiwan porque iwogáy jém Herodes cuando itobáyáy jém it̄wi Felipe iwichomo. Jém yomo iñiyi Herodías. ⁴ Jém Xiwan iñimáy jém Herodes:

—Da w̄i iga impigayñe iñ̄t̄wi iyomo.

⁵ Jém Herodes tsam iccaatooba jém Xiwan, pero ic̄jpa jém p̄ixiñtam porque n̄imayja iga jém Xiwan tum jém Dios iñm̄f̄c̄wiñ. ⁶ Cuando núc jém Herodes icumpleaño, iwatpa tum siñ. Miñ jém Herodías iyommanic. Moj echi jém p̄ixiñtam iwiñjom. Tsam iw̄anj̄am jém Herodes. ⁷ Jesic ijycámáy iga ichiiba jém woñi titam iwágáypa. ⁸ Jém iapa iñimáy jém woñi iga iwágáyiñ jém Xiwan icobac. Jesic jém woñi iñimáy jém Herodes:

—Ansunpa iga ȳim̄ti achiaayi jém Xiwan icobac, jém acchíŋoypaap, tum m̄jpic ch̄imajom.

⁹ Jesic p̄imi anyácne jém rey. Pero como ijycámáyñe iga ichiiba jém woñi titam iwágáypa y como imaton̄neyaj itumpiy jém ityajw̄ip jém mesac̄im, jém Herodes ip̄im̄y tum soldado iga ichiáyñi jém Xiwan icobac jém woñi.

¹⁰ Icutsat cárcel iga t̄ncujagayt̄aiñ jém Xiwan iisci. ¹¹ Ocm̄i namíñayt̄a jém icobac tum m̄jpic ch̄imajom. Chiita jém woñi. Jesic jém woñi ininigáy iapa.

¹² Jesic miñyay jém Xiwan icuyujc̄wiñ, ip̄ñayyay jém Xiwan im̄jt̄ay, nic icumyay. Ocm̄i nic iñmadayyay Jesús ti iñasca jém Xiwan.

Acwíctq jém cinco mil p̄ixiñtam

(Mr. 6:30-44; Lc. 9:10-17; Jn. 6:1-14)

¹³ Cuando imaton̄ Jesús ti iñasca jém Xiwan, nic icutum tum lugar jut da ti id̄iȳy. Nic barcojom. Jesic cuando ijodónayaj jém p̄ixiñtam iga nic Jesús, jeeyaj tsucumyay jém atebetyaj. It̄ñȳyaypa puymi. ¹⁴ Jesic put Jesús jém barcojom, iix iga tsam jáyan p̄ixiñtam antuumaneyaj. Tsam p̄imi iyaachanj̄ampa. Icpis jém m̄imneyajw̄ip jém ityajw̄ip jem. ¹⁵ Jesic piichabam j̄ti, miñyay jém Jesús icuyujc̄wiñ. Iñimayyay:

—S̄ip̄ tsam tsuuyim. Ȳim̄ da ti id̄iȳy. Anquim̄yaji jém p̄ixiñtam. N̄imaayi iga nicyajiñnam hasta jut it̄ jém tiganjoj iga ijuyyaypa titam icútyajpa.

¹⁶ Nimpa Jesús:

—¿T̄iiga nicyajpa? Mimichtam acwíctaami.

¹⁷ Jesic n̄imay jém Jesús icuyujc̄wiñ:

—Da icts̄ȳpa. Anaitta cinco caxtánañi y wisten t̄ipi.

¹⁸ Nimpa Jesús:

—Anamíñaayi ȳim̄.

19 Jesic iñímáy Jesús jém pìxiñtam iga coñyajiñ naxyucmi jém múganjòm. Jesic imatspac jém cinco caxtánañi con jém wisten tüpi. Ámquim sinjucmi, moj injejpát Dios. Iwenwenjac jém caxtánañi, ichi jém icuyujcwiñ. Jesic jeeyaj ichiyaj jém pìxiñtam. 20 Jesic wícyaj itumpiy hasta cusyajum wiiqui. Ocmi icucomyaj doce nacoon con jém pedazo jém cutsiywip. 21 Wícyaj cinco mil pìxiñtam. Jém yomtam y jém tsixtam da i imayñe.

*Witpa Jesús jém nñwiñpacyucmi
(Mr. 6:45-52; Jn. 6:16-21)*

22 Jesic jeeti rato Jesús ipimíy jém icuyujcwiñ iga tigiyajin barcojòm. Jacyajpa idic jém laguna anwiñtuc wiñti que jém Jesús, iganam je inquimpa jém pìxiñtam. 23 Jesic cuando yaj mu inquim jém pìxiñtam, quim Jesús tum cotsicyucmi jut da ti idiyiy iga injejpátpa Dios. Jesic piichawum iti Jesús icutum it jém cotsicyucmi. 24 Pero juumi nic jém barco. Núc cucmi jém laguna, moj poyi jém sawa, tsam pooba jém ni. Tsam pimi ictsíypa jém barco jém nñpoa y jém sawa. Tãncap iñic. 25 Jesic jeetim tsuu, cuquejtooba, núc Jesús jut it icuyujcwiñ. Witpa iñic jém nñwiñpacyucmi. 26 Cuando iixyaj jém icuyujcwiñ iga witpa jém nñwiñpacyucmi, tsam pimi ichiganjécyaj. Como tsam cñneyaj, pimi anweyaypa. Nimyaj:

—¡Miñpa tum poñ!

27 Pero jeeti rato ijíyáy Jesús, iñímáy:

—¡Camamwattaami iñanama! ¡Aicham! ¡Odoy cñtaam!

28 Jesic jém Peto iñímáy:

—Mánomi, siiga numa mimich, ajígaayi iga awitpa jém nñwiñpacyucmi hasta jut miit.

29 Jesic nimpa Jesús:

—Mjñi.

Jesic cuando quet jém Peto jém barcojòm, moj witi jém nñwiñpacyucmi. Nicpa idic hasta jut it Jesús, 30 pero cuando iix iga tsam pimi jém sawa, cñpa jém Peto. Moj cumonj jém nñcñm, tsam pimi anweyja. Nimpa:

—¡Mánomi, aciaputi!

31 Jesic jeeti rato jém Jesús imatsáy ici, iñímáy:

—Tsam uxan incupicpa. ¿Tiiga inñispa iga da awiap?

32 Jesic cuando tigiyaj jém barcojòm, teñum jém sawa. 33 Jesic jém ityajwip jém barcojòm costeñyaj jém Jesús iwññjòm. Nimyaj:

—Numa mimich jém Dios miManic.

*Jesús icpis jém ityajwip Genesaret
(Mr. 6:53-56)*

34 Cuando yaj jaquiyaj jém laguna, núcyaj jém naxyucmi de Genesaret.

35 Cuando jém Genesaretpic pìxiñtam iixpicyaj iga Jesús, icutsat anmati icuwiti jém naxyucmi iga inimñyajiñ itumpiy jém mimneyajwip iga icpispá Jesús. 36 Iacuncsayajpa Jesús iga ijígáyñ iga ichigayyajpa jém iyooti inñaca. Jesic cupisayyaj itumpiy jém ichigayñeyajwip jém iyooti.

15

*Jém tájca tsucumpa jém pìxiñ iqnamanjòm
(Mr. 7:1-23)*

¹ Jesic miñ iámyaj Jesús jém escribaspic maestroyaj con jém fariseoyaj. Miñyaj Jerusalén. Icwácyaj jém Jesús. Nímayta:

² —Jém inçuyujçiwíñ, ¿tiiga da iwatyajpa jém costumbre jém ichacnewiip jém wiñçpic tantúmmítam? Da icheeyajpa ici juuts nímpa jém costumbre antes que wícpa.

³ Jesic Jesús iñímáy:

—¿Tiiga mimichgacti inçwattámpa contra jém Dios inçuímayooyi con mich inçocostumbre? ⁴ Porque nímpa Dios: “Wíixtaami jém inñjatun y iñapa.” Nímtim: “Siiga i imalnímáypa jém ijatun o iapa, jesic wí iga accaataiñ jexpic pxiññ.”

⁵ Pero mimichtam iniit tum da wibic costumbre. Miñimtámpa: “Siiga i iñímáypa ijatun o iapa iga da wiap manyoxpát porque itumpiy jém anaitwiip, jém manchiipáppic idic, anjycámayñe Dios iga anchiiba.” ⁶ Jém nímpaap jempic da iyoxpátpa jém ijatun o iapa. Jempigam inçhactámpa jém Dios inçuímayooyi juuts tum cosa da para ti wí iga inçupictámpa mimichtampic inçocostumbre. ⁷ Tsam minimigóyaytáp iñyaac. Inñistámpa iga inçwatpa juuts ixunpa Dios, pero más immalwatpa. Wí nim jém wiñçpic anmatçiwíñ jém Isaías cuando inçmatpa de mimichtam. Nímpa:

⁸ Yípyaj pxiññtam tsam acujípyajpa con ijip. Pero ianamanjom da acupicneyaj.

⁹ Xajañim ajisyajpa.

Inçquejpa jém pxiññtam jém ijixquimi juuts wibic ançuímayooyi.

¹⁰ Jesic Jesús pimi jiypa. Iñímáy los demás jém miññeyajwiip:

—Matonçtaami. Cutiiyiytaami. ¹¹ Jém tigiypaap tum pxiññ ijipjom iga icútpa, da icmalwatpa. Pero jém malopic jixi y jém malopic anmatí jém putpaap ijipjom, je ictañcawatpa.

¹² Jesic icunúcyaj Jesús jém icuyujçiwíñ. Nímaj:

—¿Que inñjodon iga tsam pimi jóyñe jém fariseoyaj cuando imatonçyaj ti inñímáy?

¹³ Jesic Jesús iñímáy:

—Itumpiy jém planta jém dapic je Dios inñipi tienes que wixquímtpa. ¹⁴ Jesic odoj wadaayi caso jém maestroyaj de jém wiñçpic ançuímayooyi. Cáchtíyaj. Ijicneyaj tunçac cáchtí. Siiga tum cáchtí ijicpa tunçac cáchtí, jesic tsutpa icuistic jém pacusjom.

¹⁵ Jesic jém Peto iñímáy jém Jesús:

—Ançmadaytaami ti nímttooba yíp xutu cuento.

¹⁶ Jesic nímpa Jesús:

—¿Que mimichtam, datim inçcutiiyiytámpa? ¹⁷ ¿Que da inçcutiiyiyta iga itumpiy cosa jém tigiypáppic inñipjom naspá impuujom y ocni putpa?

¹⁸ Pero itumpiy jém malopic anmatí y jém malajixi jém putpaap inñipjom tsucumpa jém iñanamanjom. Jexpic cosa mictañcawatpa. ¹⁹ Porque jém pxiññ iñanamanjom tsucumpa itumpiy jém malopic jixi. Jemun tsucumpa jém jixi iga accaóyapa, pejóyapa, iwatyajpa jém da wítampic cosa, númpa, migóyapa y cumigóyóyapa. ²⁰ Yípyaj malopic cosa ictañcawatpa jém pxiññ. Pero siiga wícpa y da icheeba ici juuts nímpa jém wiñçpic costumbre, je da ictañcawatpa.

*Tum jém juumipic yomo icupic Jesús
(Mr. 7:24-30)*

²¹ Jesic Jesús put de jem, nic nocojom de jem attebet Tiro y Sidón. ²² Jemum miñ tum Cananeapic yomo. Jemtim tsucum nocojom de jem Tiro y Sidón. Pimi jiypa jem yomo. Inimáy Jesús:

—Ayaachanjami, mánomi. Mich jem David miocmanic. Jem anyommanic imatsne tum mal espíritu. Tsam pimi síp iyaachwat.

²³ Pero Jesús da icutsonj. Jesic jem icuyujciwiñ miñ inimayyaj Jesús:

—Chii ti ixunpa yíp yomo iga niguiñam porque tsam tamoogiyapa.

²⁴ Jesic Jesús icutsonj, inimáy:

—Dios acutsat iga anyoxpadiñ jem Israelpic borregoyaj jem togoyñewiip.

²⁵ Pero miñ jem yomo, icosteenáy jem Jesús iwiñjom. Nimpa jem yomo:

—Mánomi, ayoxpaati.

²⁶ Nimpa Jesús:

—Da wi tantobáyaypa jem tsixtam icaxtánañi iga tanchiiba chimpa.

²⁷ Jesic nimpa jem yomo:

—Numa, mánomi, pero hasta jem chimpa icútyajpa jem ipaccanewiip jem iomi imesacucim.

²⁸ Jesic Jesús inimáy jem yomo:

—Miyomo, tsam incupicpa iga Dios wiap miyoxpát. Siip Dios miwadáypa juuts mich inxunpa.

Jeeti rato pis jem iyommanic.

Jesús icpis tsam jáyan jem mimneyajwiip

²⁹ Jesic Jesús put de jem. Nas jem laguna anñaca de Galilea. Quim Jesús tum cotsicyucmi. Jemum nic coñi. ³⁰ Tsam jáyan pixiñtam núcyaj jut it jem Jesús. Inimíñayyaj jem cuxuj, jem cáchtí, jem uma, jem dapic wiñe ici o ipuy, con jáyan tunçac más mimneyajwiip. Oy ichacyaj jem Jesús ipuycim. Jesic Jesús icpis itumpiy. ³¹ Jeeyucmi tsam ipoofañjamyaj jem antuumaneyajwiip cuando iixyay iga jypam jem uma, wiñsiñeum jem dapic wiñe ici o ipuy, witpam jem cuxuj, ixixóypam jem cáchtí. Jesic moj icujípyaj jem Dios de Israel.

Jesús icwíc jem cuatro mil pixiñtam

(Mr. 8:1-10)

³² Jesic Jesús inwejay jem icuyujciwiñ. Inimáy:

—Tsam anyaachanjampa jem miññeyajwiip yim. Porque tucunajama tanwaganai, siip da inijyaj titam icútyajpa. Da ançsattooba iga nicyajñi iticmi sin wiñqui porque wiap icupónaquetay, cutinaypa tunjom.

³³ Jem icuyujciwiñ inimayyaj Jesús:

—¿Jut tampicpa tsam jáyan caxtánañi iga tanacwícpa tsam jáyan pixiñtam? Porque yim da ti idiñiy.

³⁴ Jesic Jesús icwác:

—¿Juten caxtánañi iniñta?

Nimyaj jem icuyujciwiñ:

—Siete, con juten jem xuxut tiipi.

³⁵ Jesic Jesús inimáy jem antuumaneyajwiip iga coñyajñi naxyucmi. ³⁶ Ipic Jesús jem siete caxtánañi con jem tiipi, moj inwejpát Dios. Ocmi iwenwenjac jem caxtánañi, ichi jem icuyujciwiñ. Iwégayyaj itumpiy jem pixiñtam.

³⁷ Cusum wiñquiyaj itumpiy. Ocmi icucomyaj siete nacoñ jem caxtánañi con

jém t̄ipi jém cutsíyñewíppigam. ³⁸ Wícyaj cuatro mil pixiñtam, da maycumne jém yomtam y jém tsixtam. ³⁹ Ocmi Jesús inqúimayaj jém an̄tuumaneyajw̄ip, tigi y tum barcojom, nic jém laguna an̄naca noco jut it jém atbet Magdala.

16

Jém fariseoyaj con jém saduceoyaj iwácayja tum milagro

(Mr. 8:11-13; Lc. 12:54-56)

¹ Jém fariseoyaj con jém saduceoyaj miñ íamyaj Jesús iga icutitsayja. Iwágayyaja Jesús iga inquejáyiñ tum siñyucmicpic milagro. ² Jesic Jesús in̄imáy: —Jesic tsuñam cuando in̄ixtampa iga agui tsabats jém ucsi, miñimtampa iga w̄icoomap. ³ Jesic tsuuytim cuando agui tsabats jém ucsi, agui uc-sjom, miñimtampa iga da w̄icoomap. Mimichtam tsam minimigóyaytap in̄yaac porque in̄cutiyyiytampa ti miñpa cuando in̄ixpa jém ucsi, pero da wiap in̄cutiyyiy jém seña jém siippic in̄ixñeta iga miñpa jém in̄an̄pigam jama. ⁴ Jém ityajw̄ip siip tsam imalwatyaja, ichacneyaj jém Dios in̄qúimayooyi, tsam iwágayyaja tum milagro. Pero tum seña no más iwadáypa Dios, jém milagro juuts in̄asca jém wiñicpic an̄matc̄iwiñ jém Jonás.

Jesic nic Jesús. Jemum ichac jém miññeyajw̄ip.

Jém fariseopic an̄qúimayooyi jex juuts jém levadura

(Mr. 8:14-21)

⁵ Jesic núcyaj jém Jesús icuyujc̄iwiñ jém laguna an̄wiñtuc. Jeeyaj ijaa-man̄notyaj jém caxtánañi. ⁶ Jesic Jesús in̄imáy: —Ix̄i, nawattamtaji cuenta iga odoy mimalwadáyiñ jém levadura jém iniitw̄ip jém fariseoyaj y jém saduceoyaj.

⁷ Jesic jém icuyujc̄iwiñ moj nanimayyajtaji entre jeeyaj:

—Tanimáy jem̄pic porque da tanamiñ jém caxtánañi.

⁸ Pero Jesús ijodon̄ ti síp ijsiyaja, in̄imáy:

—A que mimichtam, tsam uxan̄ in̄cupicpa iga Dios wiap miyoxpát. ¿T̄iiga in̄jstampa iga da in̄ij jém caxtánañi? ⁹ ¿Que da in̄cutiyyiypa, ni da in̄jspa jém cinco caxtánañi cuando tanacwícta jém cinco mil pixiñtam? ¿Juten coon̄ impin̄ jém cutsíyw̄ip? ¹⁰ ¿Que datim in̄jspa jém siete caxtánañi cuando tanacwícta jém cuatro mil pixiñtam y juten coon̄ impin̄ jém cutsíyw̄ip? ¹¹ ¿T̄iiga michtam da in̄cutiyyiypa iga da je caxtánañi síp manimáy cuando manan̄madáypa de jém levadura jém iniitw̄ip jém fariseoyaj y jém saduceoyaj?

¹² Jesic icutiyyiypa iga da nimtooba Jesús iga cuidado con levadura jém iniitw̄ip jém caxtánañi, pero nimtooba cuidado con jém fariseoyaj in̄qúimayooyi y con jém saduceoyaj in̄qúimayooyi.

Nimpa jém Peto iga Jesús je jém Cristo

(Mr. 8:27-30; Lc. 9:18-21)

¹³ Cuando núc Jesús nocojom jém atbet Cesarea de Filipo, icwácayaj jém icuyujc̄iwiñ, in̄imáy:

—¿Junimpa jém pixiñtam iga ajapaap aich, jém aMiññew̄ip siñyucmi?

¹⁴ Nimyaj jém icuyujc̄iwiñ:

—Algunos nımyajpa iga mich miXiwan jém micchı̄noypaap. Nımyajpatim algunos iga mich miElías. Más tunḡac nımyajpa iga mich miJeremías o tunḡac jém wiñı̄cpic anı̄matcı̄wiñ.

¹⁵ Eybic jı̄ypa Jesús, iñımáy:

—Pero mimichtam, çmijuniı̄mtámpa, aı̄apaap aich?

¹⁶ Jesic jém Ximoy Peto iñımáy:

—Mich miCristo jém vivopic Dios miManı̄c.

¹⁷ Jesic Jesús iñımáy jém Peto:

—Dios miwı̄wadáy miXimoy jém Jonás mimanı̄c, porque yı̄p jı̄xi da i miñmadáy, pero jém anĴatun Dios jém itwı̄p sı̄nyucmi miñquejáy. ¹⁸ Sīp ich mannımáypa iga mich miPeto. Ich anacteñpa jém ammaı̄c yı̄p tsaayucmi. Jém Wocı̄wiñ ipı̄mi da wiap ı̄coñwı̄y. ¹⁹ Manchiı̄ba jém llave iga tigiyyajiñ jém pı̄xiñtam jūt inı̄jacpa Dios. Titam miñı̄mpa iga da wiap yı̄p naxyucmi, jesic datim wiap iwatyaj sı̄nyucmi. Titam iñı̄jı̄cpa yı̄p naxyucmi, jesic wiapı̄tim iwatyaj sı̄nyucmi.

²⁰ Jesic iñımáy jém icuyujcı̄wiñ iga: “Odoy i anı̄madaayi iga ich aCristo.”

Nımpa Jesús iga accaatap

(Mr. 8:31–9:1; Lc. 9:22–27)

²¹ Dende jesigam moj inı̄madáy Jesús jém icuyujcı̄wiñ ti iñascaaba. Nımpa:

—Anı̄cpa jém atebet Jerusalén jūt pı̄mi ayaachwattap. Tsam pı̄mi amalwadáypa jém wı̄daytam, jém cobacpı̄c pañı̄yay, y jém escribaspı̄c maestroyaj. Ocmi accaatap y jém tucunajama aı̄ı̄spa. ²² Jesic jém Peto inı̄wejpıt Jesús, iwogáy. Nımpa:

—MánQmi, odoy jı̄ci iga iñascaaba jempı̄c.

²³ Pero ámset Jesús, nımayta jém Peto:

—MiPeto, mich miwocı̄wiñ, acupóyaayi. Mich anactı̄ncawattooba. Da iniı̄ jém Dios iı̄xi. Iniit jém pı̄xiñtam iı̄xi.

²⁴ Jesic Jesús iñımáy jém icuyujcı̄wiñ:

—Siı̄ga i atı̄ñı̄ytooba, wı̄ iga ichaguı̄ñ iga iwatpa juuts je ixunpa, wı̄tim iga iyaachı̄yı̄ñ cuando yaachwattap juuts ich anyaachı̄ypa, jesic atı̄ñı̄yı̄.

²⁵ Siı̄ga tum pı̄xiñ tsam itoypa ivida iga itpa yı̄p naxyucmi, jesic togoypa jém ivida. Pero siı̄ga accaatap tum pı̄xiñ ich anı̄cuyucmi, jesic jém pı̄xiñ da togoypa ivida, itpa para siempre. ²⁶ Da ti cuwatcuy siı̄ga tum pı̄xiñ iniit itumpı̄y jém wı̄bic cosa jém itwı̄p yı̄p naxyucmi, pero ocmi togoypa iğnama.

Tum pı̄xiñ da wiap iyoj con tumı̄ñ iga ipı̄ctsonpa eybic jém iğnama cuando caaneum. ²⁷ Ich, jém aMiñnewı̄p sı̄nyucmi, eybic amiñpa con anĴatun Dios ipı̄mi. Anı̄waganamiñpa jém sı̄nyucmı̄pı̄c pı̄xiñtam. Anyojpa cada tumtum jém pı̄xiñ según juuts iwatne jém iyoxaji. ²⁸ Numa, mannımáypa iga algunos de mimichtam miı̄ftanı̄wı̄p yı̄m da micaaba hasta que iñı̄xıtámpa cuando ampı̄ctsonpa jém anĴatun ipı̄mi iga ananı̄jacpa jém Dios ipı̄xiñtam.

17

Anı̄c jém Jesús iámooyi

(Mr. 9:2–13; Lc. 9:28–36)

¹ Jesic cuando nasum seis día, Jesús inı̄nic jém Peto, Jacobo y Xiwan, jém Jacobo itı̄wi, tum miı̄pı̄c çotsı̄cuyucmi. İcutum nı̄cyaj. ² Jemum iı̄xyaj iga anı̄c

jém Jesús íámooyi. Agui pími tsocpa jém íámooyi juuts jém jama. Pími popo jém ipuctūcu juuts tum jucti ichoça. ³ Jesic jeeti rato iixyaj wisten jém wiñicpic píxiñ, jém Moisés y jém Elías, añmatyajpa con Jesús. ⁴ Jesic jém Peto iñímáy Jesús:

—Mánōmi, agui wí iga taittámpa yíim. Siiga inwianjam añwatpa tucuten nacxtic, tum para mimich, tum para jém Moisés, tum para jém Elías.

⁵ Iganam jiyapa jém Peto, actiñ tum ucsi agui tsocpa. Inmon itumpiy. Jesic imatonyaj tum jiyi jém ucsanjom. Nimpa:

—Yíp ich amMānic, tsam antoypa. Matónjaytaami ti miñímáypa.

⁶ Cuando imatonyaj jém jiyi, jém icuyujcwiñ tocsneactiñyaj naxyucmi. Tsam pími cñnyaj. ⁷ Ocmi Jesús icunúc jém icuyujcwiñ, ichicyaj, nímayyajta:

—Tsucumi. Odoy cñntaami.

⁸ Cuando ámquímáy jém icuyujcwiñ, dam i iixyaj. Tsíy Jesús icutum.

⁹ Iganam quetyajpa jém cotsicyucmi, Jesús inquímpa jém icuyujcwiñ. Iñímáy:

—Odoy i añmadaayi ti íñix jém cotsicyucmi hasta que accaatap y pispá jém Miññewiip Siñyucmi.

¹⁰ Jesic jém icuyujcwiñ icwácyajpa Jesús. Nímayta:

—¿Jesic tiiga nimpa jém escribaspic maestroyaj iga miñpa wiñti jém Elías?

¹¹ Jesic Jesús icutson, nímayyajta:

—Numa, wiñti miñpa jém Elías iga iwítsacpa itumpiy cosa. ¹² Siip mannímáypa iga oyñeum jém Elías, pero jém ityajwiip siip da iixpicyaj. Imalwadayyaj juuts jeeyaj ixunyajpa. Jesaptim imalwadayyajpatim jém Miññewiip Siñyucmi.

¹³ Jesic jém icuyujcwiñ icutiñiyiyaj iga cuando nimpa Jesús iga núcneum jém Elías, nimtooba iga jém Xiwan jém acchíjoypaap.

*Jesús icpis tum jaychixi jém imatsnewiip tum mal espíritu
(Mr. 9:14-29; Lc. 9:37-43)*

¹⁴ Cuando núcgcacum Jesús jut añtuumaneyaj tsam jáyan píxiñtam, tum píxiñ icunúc Jesús, icosteeñáy iwiñjom. Iñímáy:

¹⁵ —Maestro, yaachanjami jém ammanic. Tsam imatspa jém ataque. Pími iyaachwatpa. Watciy actiñpa juctjom y jém nüicim. ¹⁶ Anamíñáy jém inçuyujcwiñ iga icpisyajiñ, pero jeeyaj da wiap icpisyaj.

¹⁷ Jesic Jesús iñímáy jém ityajwiip jem:

—A que mimichtam, hasta siip da inçupictámpa Dios. Jáyum tawagañti con mimichtam, pero datim inçupicta. Tsam anyaachíyum iga manañquejáypa jém Dios inmañti, pero da inçutiñiyitámpa. Anamíñaayi jém tsixi.

¹⁸ Jesús iwogáy jém mal espíritu, jesic put jém jaychixi iñamanjom. Jeeti rato pis.

¹⁹ Más ocmi jém icuyujcwiñ iyammímáy Jesús. Icwácyaj:

—¿Tiiga da wiá antopta jém mal espíritu?

²⁰ Jesic Jesús iñímáy:

—Da wiap iñtopta porque da inwícupicpa iga Dios miyoxpátpa. Numa mannímáypa siiga inçupicpa uxaj juuts tum xutu mostaza ipac, wiap iñímáy yíp cotsic: “Caayi de yíim, ñici jeexic.” Jesic cáypa jém cotsic. Wiap

in̄watta itumpiy cosa siiga n̄uma in̄cupicpa iga Dios miyoxpátpa. ²¹ Pero yicxp̄ic mal esp̄iritu wiap̄ in̄topta siiga in̄in̄wejpátpa Dios y siiga in̄watpa ayuno.

*Eybic n̄impa iga accaatap Jesús
(Mr. 9:30-32; Lc. 9:43-45)*

²² Iganam wagasiyaypa Jesús con icuyujc̄iwiñ jém naxyucmi de Galilea, moj in̄madáy Jesús ti in̄ascaaba. N̄impa iga jém Miññewiip̄ Siñyucmi ciijun̄cōttap̄ jém malopic̄ p̄ixiñtam̄ ic̄ijom̄. ²³ Ocmi accaatap̄, pero jém tucunajamā p̄ispa. Jesic cuando imaton̄yay jém icuyujc̄iwiñ tsam̄ p̄imī anyácyaj.

Tséctap̄ impuesto para jém mijpic̄ mast̄ic

²⁴ Cuando núcyaj jém attebet Capernaum jém Jesús con icuyujc̄iwiñ, jesic miñ jém ichécyajpaap̄ impuesto para jém mijpic̄ mast̄ic. Miñ iámyaj jém Peto. Icwácyajpa. N̄imaytap̄:

—¿Que da iyojpa impuesto jém immaestro para jém mijpic̄ mast̄ic?

²⁵ Icutson̄ jém Peto, n̄impa:

—J̄i, iyojpa.

Jesic cuando tigi y jém Peto jém ticjom̄ jut̄ it Jesús, wiñtī jiy jém Jesús, n̄imaytap̄ jém Peto:

—MiPeto, ¿tī in̄j̄ispa, jém reyyaj jém ityajw̄iip̄ ȳip̄ naxyucmi, ī ichégáypa jém impuesto? ¿jém it̄iwitam̄ o jém tun̄gac̄ p̄ixiñ̄ jém dap̄ic̄ jem̄pic̄?

²⁶ Icutson̄ jém Peto:

—Jém tun̄gac̄ p̄ixiñ̄ jém dap̄ic̄ jem̄pic̄.

Jesic Jesús in̄ímáy:

—Jesic jém it̄iwitam̄ da iyojpa. ²⁷ Pero iga odoy tajóyixiñ̄ jém ichécyajpaap̄ jém impuesto, n̄icī jém laguna, cōtī jém in̄aawi. Top̄ī jém t̄ipī jém mojpaap̄ in̄xuy. Impátpā ijipjom̄ tum̄ tumiñ̄. Ictsiypā jém tumiñ̄ iga in̄yojpa jém impuesto para mim̄ich̄ y para aich. Jesic niḡī yoji.

18

*Ītsiypa jém más mijpic̄ an̄jagooyi
(Mr. 9:33-37; Lc. 9:46-48)*

¹ Jeetim̄ jamā icunúcyaj Jesús jém icuyujc̄iwiñ. In̄ímayyaj:

—Cuando núcpa jém tiempo iga Dios in̄jacpa ȳip̄ naxyucmi, ¿ī t̄siypa más mijpic̄ an̄jagooyi de aichtam̄?

² Jesic Jesús in̄wejáy tum̄ xutu ts̄ixi. In̄ímáy:

—Miñī miteñī yim̄ jém an̄cuyujc̄iwiñ̄ iwiñjom̄.

³ Jesic Jesús in̄ímáy jém icuyujc̄iwiñ:

—N̄uma mannímáypa, siiga da in̄cucacpa jém in̄j̄ixi y da michíypa juuts̄ tum̄ xutu ts̄ixi, da wiap̄ in̄t̄igiy jut̄ in̄jacpa Dios. ⁴ Jém t̄siypáppic̄ juuts̄ jém más mijpic̄ an̄jagooyi, je jém n̄impáppic̄ iga da ti wiap̄, t̄siypa juuts̄ ȳip̄ xutu ts̄ixi. ⁵ Siiga tum̄ p̄ixiñ̄ iw̄ip̄ictson̄pa tum̄ jém amm̄ich̄ipic̄ jém dap̄ic̄ juchan̄ juuts̄ ȳip̄ xutu ts̄ixi, aw̄ip̄ictson̄pat̄im̄ aich.

*Wī iga tanawattap̄ cuenta iga odoy tammalwadiñ̄
(Mr. 9:42-48; Lc. 17:1-2)*

⁶ Siiga ī icwatpa t̄añca tum̄ p̄ixiñ̄, jém yaguñ̄pic̄ acupicpa aich, más w̄ī iga cutsénayt̄añ̄ iisciyucmi tum̄ mijpic̄ molino icha iga jiccaiñ̄ lamar jut̄

tsam jojmi. ⁷ Agui uuguytim jém ityajwɨp yíp naxyucmi porque siempre it jém malopic pɨxiñ jém icwatpáppic táŋca jém itɨwítam. Tienes que inŋascaaba jempic, pero agui uuguytim jém pɨxiñ jém icwatpáppic táŋca jém itɨwi.

⁸ Siiga inçi o impuy micwatpa táŋca, jestic jaci, patsaayi. Más wɨ iga mitigɨypa jut it jém vida micɨtaca o mipuytaca que iga micottap juctjom jut da nunca píchpa con icuistic inçi o icuistic impuy. ⁹ Siiga inŋxcuy micwatpa táŋca, jestic topi jém inŋxcuy, patsaayi. Más wɨ iga mitigɨypa jut it jém vida con tum inŋxcuy que iga micottap jém juctjom jut da nunca píchpa con icuistic inŋxcuy.

Jém pɨxiñ iborrego jém togoyñewɨp
(Lc. 15:3-7)

¹⁰ 'Odoj jóyixi jém tsixtam y jém yaguiñpic icupicyajpa ich ananmati. Porque cada tumtum de jeeyaj iwatyajpa cuenta jém sinyucmicip pɨxiñtam, jém ityajwɨp jém tanjatun Dios iwiñjom. ¹¹ Jeeyucmi amiñ sinyucmi iga anciacpudiñ jém togoyñeyajwɨp.

¹² '¿Ti miñimpa mimichtam? Siiga tum pɨxiñ iniit cien borrego y togoypa tum, ¿jestic ti iwatpa jém iqmi? Tienes que ipoychacpa jém noventa y nueve. Nicpa iméts jém togoyñewɨp cotsiganjoj. ¹³ Siiga ipátpa jém togoyñewɨp, más pimi maymayap jém pɨxiñ con jém tum jém ipátnewɨp que con jém noventa y nueve jém dapic togoyñe. ¹⁴ Jesaptim jém tanjatun Dios, jém itwɨp sinyucmi, da ixunpa iga togoypa ni tum jém xutupic.

Jutpic tanwadáy perdón jém tantɨwítam
(Lc. 17:3)

¹⁵ 'Siiga tum inŋtɨwi mimalwadáy, jestic nigɨ aami inçutum, wogaayi iga mimalwadáy. Siiga mimatónaypa, jestic da togoypa jém inŋtɨwi. ¹⁶ Siiga da mimatónaypa, jestic nançi tunjac jém inŋtɨwi o wisten iga con wisten o tucuten testigo wiquejiñ ti miñimayne y ti inŋimáytim jém pɨxiñ jém mimalwadáyñewɨp. ¹⁷ Siiga datim mimatónaypa con jém testigo, jestic nigɨ námaayi itumpiy jém Dios ipixiñtam jut anuumayajpa. Pero siiga jém pɨxiñ datim imatónaypa itumpiy jém Dios ipixiñtam, jestic jém pɨxiñ tsíy juuts tum malopic pɨxiñ jém dapic icupicpa Dios, juuts tum jém ichécpáppic impuesto.

¹⁸ 'Numa mannímáypa jém dapic inŋjictampa iga wattap yíp naxyucmi, jestic datim i ijicpa iga wattaiñ sinyucmi. Jém inŋjicpáppic iga wattaiñ yíp naxyucmi, jictaptim iga wattap sinyucmi.

¹⁹ 'Mannímáypatim siiga wisten de mimichtam yíp naxyucmi miitta de acuerdo iga inwágaytampa Dios titam inŋxunpa, jestic michiitampa jém anjatun Dios jém itwɨp sinyucmi. ²⁰ Porque jut anuumaneyaj wisten o tucuten jém pɨxiñ ich anniyimi jentim anwaganaityaj jém ampixiñtam.

²¹ Jestic miñ jém Peto. Icwácpa jém Jesús. Nimpa:

—Mánomi, ¿juna veces anwadáypa perdón tum jém antɨwi siiga amalwadáypa? ¿Hasta siete veces?

²² Jestic Jesús icutson. Nimpa:

—Da mannímáypa iga hasta siete veces, pero mannímáypa hasta setenta veces por siete.

Jém dapic iwadáypa perdón jém itɨwi

²³ Cuando injacpa Dios yíp naxyucmi, iwatpa juuts tum rey cuando itoppa icuenta con jem icuyoxayajpaap. ²⁴ Moj itop icuenta, inwejay tum jem icuyoxapaap jem icnucsnewiip diez mil jem tumiñ de plata inñiyi talento. ²⁵ Pero jem pixiñ da wiap icseedáy jem rey itumiñ. Jesic jem rey ipimiy iga máytaiñ jem pixiñ con iyomo con ichixtam con itumpiy jem iniiwiiip iga icsetpa jem tumiñ. ²⁶ Jesic jem pixiñ icosteeñáy jem rey iwiñjom. Icnucśáypa. Nimpa: “Mánomi, apoyyaachiyi. Manacseedáypa jem inñtumiñ. Ich yajpa manyoj.” ²⁷ Jesic jem rey tsam iyaachanjam jem pixiñ. Icuitsigáy, iwadáy perdón iga da icseedáy jem itumiñ. ²⁸ Cuando put de jem, ipát tum icompañero, icuyoxaptim jem rey. Icnucsne jem icompañero cien tumiñ de plata. Jesic imats jem pixiñ, inpenjagáypa iisci. Nimpa: “Acseedaayí jem antumiñ jem manacnucsnewiip.” ²⁹ Jesic jem tunjac jem icuyoxapaap jem rey, icosteeñáy jem pixiñ. Moj iwágáy perdón. Nimpa: “Apoyyaachiyi. Manacseedáypa jem inñtumiñ jem mannucsayñewiip.” ³⁰ Pero jem pixiñ jem wadayñetaawiip perdón diez mil jem talento, da iwadáypa perdón jem icompañero. Icot cárcel hasta icsetpa jem tumiñ. ³¹ Jesic cuando iixyay jé iwat jem pixiñ, los demás jem icuyoxayajpaap jem rey, tsam toy ianama, nic inmadayyaj jem rey ti iwat jem pixiñ. ³² Jesic jem rey eybic inwejay jem icuyoxapaap. Inñimáy: “Agui mimalo. Ich manwadáy perdón itumpiy jem tumiñ jem manacnucsnewiip iga da anáseedáypa porque tsam ancunucśáy iga manwadáy inñ perdón. ³³ ¿Tiiga da inñyaachanjam jem incompañero jem inicnucsnewiip uxaj tumiñ juuts ich manyaachanjam?” ³⁴ Jesic tsam pimi jóy jem rey. Icijunocot jem policia icijjom iga yaachwattaiñ cárcel hasta que icsetpa itumpiy jem tumiñ.

³⁵ Jesic Jesús yaj inmat jem cuento. Nimpa:

—Miwadáypatim jempic jem anjatun Dios jem itwiiip sinyucmi siiga da inwadáypa perdón inñanamanjom jem inñiwitam, jem mimalwadayñewiip.

19

*Da wí iga ichacpa iyomo tum pixiñ
(Mr. 10:1-12; Lc. 16:18)*

¹ Jesic cuando yaj inmat Jesús, put jem naxyucmi de Galilea, nic jem naxyucmi de Judea. Jac jem ni anwiñtuc, jem río Jordán. ² Tsam jáyay pixiñtam itunñiyajpa Jesús. Jemum icpis jem mimneyajwiiip.

³ Jesic miñyay algunos jem fariseoyaj iga icutitsyajpa jem Jesús. Nimyajpa: —¿Que wiap ichac iyomo tum pixiñ siiga da imalwatne?

⁴ Icutsoñ Jesús. Inñimáy:

—¿Que da immayñe ti nimpa jem Dios inmatí cuando moj iti itumpiy cosa: “Dios iwat tum pixiñ y tum yomo”? ⁵ Nimpatim jem Dios inmatí: “Jeeyucmi tum pixiñ ichacpa ijatun con iapa iga iwaganaitpa jem iyomo. Icuistic tsíypa tumti mijtay.” ⁶ Jesic jem pixiñ con iyomo dam wisten. Tsíy tumti mijtay. Jeeyucmi da wí iga ichacpa iyomo jem Diospic inñtuumawatne.

⁷ Jesic jem fariseoyaj icwácyaj jem Jesús. Nímayta:

—¿Tiiga nim jem Moisés iga tum pixiñ wiap iwadáy jem iyomo tum acta iga natsacyajtap con iwidaaya?

⁸ Jesús inñimáy:

—Mimichtam, tsam malo iñanama, jeeyucmi jem Moisés ijícpa iga iñchactamiñ jem iñyomo. Pero cuando moj iti itumpiy cosa, da iwatyajpa jempic. ⁹ Mannímáy-patim siiga i ichobiyachacpa jem iyomo jem dapic pejoyñe iga ipícpa tungac yomo, jescic pejóypa jem pxiñ. Jem ipicáppic jem yomo jem tsacnetawip, pejóypatim.

¹⁰ Jescic jem icuyujcwiñ iñímáy Jesús:

—Siiga tsam tájca iga ichacpa iyomo tum pxiñ, jescic más wi iga odoy yoomíyñ.

¹¹ Jesús iñímáy jem icuyujcwiñ:

—Da itumpiy pxiñ wiap iit sin yomo, nada más jem icupinnewip Dios.

¹² It algunos jem pxiñ da wiap iyoomiy porque jempam nay. Ittim algunos da wiap iyoomiy porque tungac pxiñ icapunne. Ittim algunos jem pxiñ da yoomíypa iga más wiañ iwát jem Dios iyoxacuy. Jem wiaapaap iwát jempic wi iga iwadiñ.

Jesús ichiiba bendición jem tsixtam

(Mr. 10:13-16; Lc. 18:15-17)

¹³ Jescic ocmi namíñayajta Jesús jem xuxut tsixtam iga ichiccunúgáyñ icobac y iga inwejpádáyñ Dios para jeeyaj. Pero jem icuyujcwiñ iwogayyaj jem inimiññeyajwip jem tsixtam. ¹⁴ Pero nimpa Jesús:

—Jigaytaami iga miññ aámyaj jem xuxut tsixtam, odoy anjijyaci. Porque jem injacyajpáppic Dios jex juuts yíp xuxut tsixtam.

¹⁵ Jescic Jesús ichiccunúgáy jem tsixtam icobac. Ocmi nic.

Tum ricopic pxiñ anmatpa con Jesús

(Mr. 10:17-31; Lc. 18:18-30)

¹⁶ Jescic ocmi núc tum pxiñ danam tsami. Miñ iám jem Jesús. Nimpa jem pxiñ:

—Agui wibic miMaestro, ¿ti wiap anwat iga anaitpa jem vida jem dapic cuyajpa?

¹⁷ Jescic Jesús iñímáy:

—¿Tiiga miñmpa iga ich agui awi? It no más tum jem wibic, je jem tanjatun Dios. Siiga impictsontooba jem vida jem dapic cuyajpa, jescic wati juuts nimpa jem Dios inquímayooyi.

¹⁸ Jescic nimpa jem pxiñ jem dapic tsami:

—¿Juppic anquímayooyi?

Nimpa Jesús:

—Odoy accaooyi, odoy pejooyi, odoy nuumi, odoy cumigóyooyi. ¹⁹ Naidaayi respeto jem iñjatun y jem iñapa. Toyi jem iñtíwi juuts minitoytap iñyaac.

²⁰ Nimpa jem pxiñ:

—Ich jempigam anwatne dende atsixiñam. ¿Ti más atogóyáy?

²¹ Iñímáy Jesús:

—Siiga capsapa inwat itumpiy juuts ixunpa Dios, cumáyaayi itumpiy jem initwip, chiñi jem tumiñ jem yaachayajpaap. Jescic inuitpa sinjucmi jáyan wibic riqueza. Jescic miñi atúñiyi.

²² Mu imaton ti iñímáy Jesús, nic jem pxiñ. Tsam pimi anyác porque tsam pimi rico.

²³ Jescic Jesús iñímáy jem icuyujcwiñ:

—Numa mannímáypa, tsam pími tánca iga tigiypa tum ricopic jut injacpa Dios. ²⁴ Eybic mannímáypa. Más da tánca iga naspa tum camello tum núncuypac ijosjom que iga tigiypa tum rico jut injacpa Dios.

²⁵ Cuando imatonjay jém icuyujc#wiñ, tsam pími ichiganjécya. Nimyaj:

—¿Jesic i wiap iciput?

²⁶ Jesic Jesús íammats jém icuyujc#wiñ. Inímáy:

—Numa, jém píxiñtam da wiap iwatyaj, pero Dios wiap iwat porque Dios wiap iwat itumpiy cosa.

²⁷ Jesic nim jém Peto:

—Mánomi, aichtam antsacnetámum itumpiy jém anaitw#p idic, mantúnyñetámum. ¿Jesic ti ampictsonjámpa?

²⁸ Jesic Jesús icutson. Inímáy jém icuyujc#wiñ:

—Numa mannímáypa iga mimichtam, jém antúnjytampaap, cuando joomasetpa yíp nas, ich jém aMiññew#p Sinyucmi acoñpa jém mijpic coñcuyucmi con Dios ipími. Jesic mimichtam micóñtámpa jém doce coñcuyucmi iga ininjactámpa jém doce grupo de jém Israelpic píxiñtam. ²⁹ Itumpiy jém ichacneyajw#p jém itic, o itiwitam, ijatun, iapa, iyomo, ichixtam, o iñas ich ancuyucmi, Dios icseedáypa yíp naxyucmi cien veces más. Ipicsonjaypatim jém vida jém dapic cuyajpa. ³⁰ Jáyan jém píxiñtam, jém anjagoyñeyajw#p, tsíyyajpa tuuñançim. Jém tuuñançimpic, anjagoyajpa.

20

Jutsap iyoj Dios jém iyoxac#wiñ

¹ Jém Dios iyoxacuy jex juuts tum píxiñ nasiyw#p. Tum jama, joccuquej, nic iméts jém yoxac#wiñ iga icyoxayajpa jém ifinca de uvas. ² Ipátayaj, iwat trato con jeyaj iga iwiyojpa jém jama. Ocmi icutsat jém ifinca de uvas. ³ Jesic yucmim jama, como las nueve, eybic nic jém píxiñ jém plaza. Jenum iix algunos da inijay yoxacuy. ⁴ Inímáy: “Mimichtam nictaami miyoxajitam jém amfinca. Manwijoypatim.” Jesic jeyaj nicyajpatim yoxaji. ⁵ Eybic nic jém finca iomi jém plaza cugapjama y a las tres de la tarde. Jempictim iwat. ⁶ Jesic a las cinco de la tarde eybictim nic jém plaza. Ipát algunos jém píxiñtam da inijay yoxacuy. Inímáy: “¿Tiiga miitta yim? ¿Muma jama da síp iñyoxata?” ⁷ Nimyajpa: “Da i oy amétsta iga niguiñ ayoxajitam.” Jesic nimpá jém finca iomi: “Jesic nigí miyoxajitam jém amfinca. Manwijoypatim.”

⁸ Jesic cuando tigiynëum jama, jém finca iomi inímáy jém cabo jém iwatpaap cuenta jém ifinca: “Siip anwejayyaji jém anyoxac#wiñ, yoyjaji. Wiñti yoji jém ocmipic núcyaj. Jesic ocmi yojitim jém wiñtipic núcyaj.” ⁹ Cuando núcyaj jém miññeyajw#p a las cinco, itumpiy wiyoyajta juutstim yoxane muma jama. ¹⁰ Ocmi cuando núcyaj jém mojnnew#p miñi, ijsyajpa iga más jáyan yoyajtap. Pero jesanñim yoyajtap juuts jém tigiynëw#p a las cinco de la tarde. ¹¹ Jesic yaj ipictsonjay jém icoñwiyooyi, moj icujiyaj jém finca iomi. ¹² Jesic inímayyaj jém finca iomi: “Jém ocmipic núcyaj yoxayaj tum hora no más, pero jesanñim ipictsonjay juuts aichtam. Tsam pími ayoxata muma jama, anyaachiyta jém jampiji.” ¹³ Jesic jém finca iomi icutson. Inímáy tum jém píxiñ jém icujiyñew#p: “Amigo, da mammalwaday ni uxaj. ¿Que da manawat trato iga manyojpa tum jama icoñwiyooyi? ¹⁴ Jesic píci

jém inçocñwiyoooyi, nicsim. Ich anyojtooba jém ocmipic núc jutsañtim mich manyoj. ¹⁵ ¿Que da wíap añwat juuts ich ansunpa con antumiñ? Tsam miñajajóypa porque ich añwíwadáypa jém tunçac anyoxacñwiñ.” ¹⁶ Jém tuuñiançimpic anjagóypa. Jém anjagoyñewiip tsíypa tuuñiançim. Jáyan jém pixiñtam añwejayajtáp, pero da wañi jém cupiñneyajtawñip.

Tuccy nimpa Jesús iga accaatap
(Mr. 10:32-34; Lc. 18:31-34)

¹⁷ Cuando niquiyaj Jesús tunjom iga nicpa Jerusalén, inwejayá aparte jém icuyujcñwiñ. Iñimáy:

¹⁸ —Matonçtaami. Siip tanictámpa Jerusalén. Ich, jém aMiññewiip Siñyucmi, acñiñcottaap jém panij anjagooyi icñijom y jém escribaspic maestroyaj icñijom. Jeeyaj acñipiñpa, achiiba mijpic castigo. Ocmi ijisyajpa iga accaayajpa. ¹⁹ Acñiñcottaap jém tunçac pixiñ icñijom iga axiccayajpa, acótsyajpa y acunúnayjpa cunusyucmi. Accaayajpa, pero jém tucunajama apispa de jut it jém caaneyajwñip.

Jém Jacobo y Xiwan iapa iwác tum favor
(Mr. 10:35-45)

²⁰ Ocmi icunúcyaj Jesús wisten jém icuyujcñwiñ jém Jacobo y Xiwan. Iwanamiñyaj iapa, jém Zebedeo iyomo. Costeñ jém Jesús iwiñjom iga iwágaypa tum favor. ²¹ Jesic Jesús icwácpa jém yomo. Nimayta:

—¿Tí iñxunpa?

Nimpa jém yomo:

—Cuando ininjacpa yíp naxyucmi, ansunpa iga yíp wisten ammanic ipictsonñiñ tum mijpic cargo. Tum coñpa mich ininjwimi y tum ininjaymi.

²² Pero Jesús icutson, iñimáy:

—Mimichtam da iñjodon tam ti inwácpa. ¿Que mimichtam wíap iñyaachíy jém yaachaji jém ichpic ampictsonpa? ¿Wíap iñuc jém copa jém ichpic ánuca?

Nimpa jém wisten:

—Awiatámpa.

²³ Jesic Jesús iñimáy:

—Numa iñuca jém copa jém ichpic ánuca y wíap impictson jém yaachaji juuts ampictsonpa aich. Ich da wíap manchi jém derecho iga nicpa micoñi anañwimi y anañaymi. Ichiiba añjatun Dios jém icupiñnewiip.

²⁴ Jesic cuando imatonayaj jém diez icuyujcñwiñ, tsam ijóyixyaj jém wisten.

²⁵ Pero Jesús inwejayá los demás jém icuyujcñwiñ iga inmadáypa. Nimpa:

—Michtam iñjodon iga jém juumipic pixiñtam injagooyiyaj tsam ipimíypa jém ipixiñtam. Jém más mijpic anjagooyi más pimi ipimíypa jém ipixiñtam.

²⁶ Pero mimichtam da inwattámpa jemipic. Siiga mijpic minjagooyi, jesic inçuyoxap jém iññiwitam. ²⁷ Jém más mijpic anjagooyi entre mimichtam micuyoxap juuts tum esclavo. ²⁸ Inwattámpa tim juuts aich. Ich amiñ siñyucmi iga añcuyoxap jém ityajwñip yíp naxyucmi. Da amiñ iga acuyoxatap. Amiñ iga anchiiba amvida iga anyojáypa jáyan pixiñtam itañca.

Jesús icpis wisten cáhti
(Mr. 10:46-52; Lc. 18:35-43)

²⁹ Jesic cuando putyaj jém attebet Jericó, tsám jáyanj pixiñtam itúnjyyajpa Jesús. ³⁰ Wisten cáchtí coñyaj jém tunj anñaca. Cuando imatonjyaj iga naspa Jesús, jesic pimi jyyajpa jém cáchtí. Nímyaj:

—MánQmí, jém rey David mimanic, ayaachanjami aichtam.

³¹ Pero jém itúnjyyajpaap Jesús iwogayyajpa jém cáchtí. Iñimayyajpa iga odoj jyyajiñ. Pero más pimi jyya jém cáchtí. Nímyaj:

—MánQmí, mich jém rey David mimanic, ayaachanjami.

³² Jesic teeñanjac Jesús. Inwejáy jém wisten iga miñyajiñ. Cuando núc, iñímáy Jesús:

—¿Tí iñxunpa iga mañwadáypa?

³³ Nímyaj jém cáchtíyaj:

—MánQmí, ansunpa iga aixixóyiñ.

³⁴ Jesic iyaachanjampa Jesús. Ichigáy iixcuy. Jeeti rato ixixóypam. Mojum itúnjyyaj jém Jesús.

21

Tigiy Jerusalén jém Jesús

(Mr. 11:1-11; Lc. 19:28-40; Jn. 12:12-19)

¹ Cuando núcyajtooba Jerusalén, núcyaj wiñtí jém attebet Betfagé nocojom jém Olivos coñsic. Jesic icutsat wisten jém icuyujcwiñ tunjgac xutu tiganjoj.

² Iñímáy Jesús:

—Nictaami jém tiganjoj jexpic it. Cuando miñúctampa impáttampa tum burroapa tsenne con imaníc. Wiji, anamíñaa. ³ Siiga i micwácpa iga: “¿Tíiga inwijpa?” jesic nímaayi iga jém tánQmí ixunpa y da jáypa micutsadáypa eybic.

⁴ Jempigam iwatyaj iga cupacpa jém anmañti jém ijaychacnewiip jém wiñicpic anmañcwiñ. Nímpa:

⁵ Nímaayi jém ityajwiip jém attebet Jerusalén:

“Ixtaami iga miñpa jém iñRey.

Da malo, da nacujiptap.

Iquímcane tum burro.

Miñpa tum mañburroyucmi, tum burroapa imaníc.”

⁶ Jesic nicyaj jém wisten icuyujcwiñ. Iwatyaj juuts iñímáy Jesús.

⁷ Inimiñyaj jém burroapa con imaníc. Icutócyaj con iyootiyaj. Jesic iquímcá Jesús jém mañburro. ⁸ Miñyaj tsám jáyanj pixiñtam y yontam. Itócyajpa iyooti tunjom jut naspa Jesús. Tunjgac itinjajpa jém cuy inçis y jém ay iga itócyajpañtam tunjom. ⁹ Algunos anjagoyñeyaj iñic y algunos miñyajpa jém Jesús ituuñiançim. Pimi anweyajpa. Nímyaj:

—Tançujiptampa jém rey David imaníc. Agui wí yíp tananjagooyi jém tacutsadayñewiip Dios. Agui wí jém tanjatun Dios.

¹⁰ Cuando tigiy Jesús jém attebet Jerusalén, tsám kujínayyajpa itumpiy jém pixiñtam. Nacwácyajta:

—¿Iapaap yíp pixiñ?

¹¹ Jesic nímyajpa jém pixiñtam jém miññeyajwiip con Jesús:

—Yíp pixiñ Jesús jém Dios inmañcwiñ. Nazaretpic pixiñ de jém naxyucmi de Galilea.

Jesús iccuáy jém mijpic mastic
(Mr. 11:15-19; Lc. 19:45-48; Jn. 2:13-22)

¹² Ocni tigiý Jesús jém mijpic masticjom. Moj iquebacput itumpiy jém máymáyoyyajaap con itumpiy jém juyjúyoyyajaap. Ichiputseedáy jém imesayaj jém icucacyajaap tumiñ. Imutsmutsseedáy jém icõñcuyyaj jém imáyyajaap cuucu. ¹³ Iñímáy Jesús jém ityajwip jem:

—Nimpa jém Dios inmati jém jayñewip: “Antsac antic jut iwatyajpa oración jém pixiñtam.” Pero mimichtam inicsetneta jém Dios imastic juuts tum tic jut it jém númyajaap.

¹⁴ Jesic miñ íamyaj Jesús jém mijpic masticjom jém cáchti y jém cuxuyyaj. Icpis. ¹⁵ Jém cobacpic panijyaj con jém escribaspic maestroyaj agui jóyñeyaj cuando iixyaj jém wibic milagro jém iwatnewip Jesús y cuando imatonjyaj iga pimi jiyyajpa jém tsixtam masticjom, nimyajpa: “Tanjúiptámpa jém rey David iManic.” ¹⁶ Jesic jém panijyaj iñímayyaj jém Jesús:

—¿Que da immatonj ti nimpa yip tsixtam?

Jesús icutsonj. Nimpa:

—Numa, ammatonj. ¿Que da immayñe jém Dios inmati? Nimpa así: Dios ichiiba jixi jém xuxut tsixtam iga icujipyajiñ Dios juuts je iwianjam.

¹⁷ Jesic moj niqui jém Jesús. Jemum ichac jém panij. Nic monj jém xutu tiganjoj jém Betania.

Jesús imalnímáy jém tsuj
(Mr. 11:12-14, 20-26)

¹⁸ Jesic icuquejama, cuando setgacpa Jerusalén, tsam yuap jém Jesús. ¹⁹ Iix tum tsuj tunañaca. Nic icuámáy jém tsuj itim, pero da ipadáy. Nada más it jém iay. Jesic Jesús iñímáy jém tsuj:

—Da nunca mitimaj eybic.

Jeeti rato tits jém tsuj. ²⁰ Cuando iixyaj jém icuyujcwiñ, agui ipoofañajamyaj. Icwacyaj jém Jesús. Nímayta:

—¿Tíiga tsam jicsiy tits jém tsuj?

²¹ Jesús icutsonj. Nimpa:

—Siiga tsam incupicpa iga Dios wiap iwat itumpiy cosa y siiga da iñjispá iññamanjom iga da wiap, jesic da no más wiap inwat juuts ich anwadáy jém tsuj, pero wiptim iññímáy yip cotsic iga caayi de yim, nigí miniccántaji lamar, jesic miwadáypa Dios juuts inwágáypa. ²² Siiga numa incupicpa iga Dios wiap miyoxpát, jesic impictsonpa titam inwágáypa Dios.

Acwácta Jesús i icutsat
(Mr. 11:27-33; Lc. 20:1-8)

²³ Jesic tigiý eybic Jesús jém mijpic masticjom. Iganam accuyujóypa Jesús, icunúcyaj jém panij anjagooyiyaj con jém Israelpic wídaytam. Icwacyajpa. Nímayta Jesús:

—¿I michi jém pimi iga inwatpa juuts mich sip inwat? ¿I micutsat?

²⁴ Jesús icutsonj. Iñímáy:

—Ich manacwácpatim, siiga ancutsonpa, jesic mannímáypatim jut ampic jém pimi iga anwatpa juuts sip anwat. ²⁵ Anímaayi: ¿I icutsat jém Xiwan iga acchíñóypa? ¿Que Dios icutsat, o jém pixiñtam?

Jesic jém anjagooyiyaj nacwácyajta entre jeeyaj:

—Siiga tanimpa iga Dios icutsat jém Xiwan, jesic tanímáypa: “¿Tiiiga da inçupicta?” ²⁶ Pero siiga tannímáypa iga da je Dios icutsat jém Xiwan, jesic tsam tançinpa jém pxiñtam porque icupicyajpa iga Dios icutsat jém Xiwan.

²⁷ Jesic icutsonyajpa. Nímaytap Jesús:

—Aichtam da anjodon j icutsat jém Xiwan.

Jesic Jesús inímáy:

—Ich datim mannímáypa jut ampic jém autoridad iga anwatpa juuts síp anwat.

Jém cuento de jém pxiñ con wisten imaníc

²⁸ Jesic Jesús inmadáy tum xutu cuento. Nimpa:

—¿Tí inñispa? Inii idic tum pxiñ wisten ijaymaníc. Nic inímáy jém tum: “Maníc, yíp jama nigí miyoxaji jém amfinca de uvas.” ²⁹ Jém imaníc inímáy ijatun: “Da anícpa.” Pero ocmi icac ijixi, nic yoxaji. ³⁰ Jesic ocmi jém jatunpic nic inímáy jém tungac imaníc: “Maníc, nigí miyoxaji yíp jama jém amfinca de uvas.” Jesic jém tungac imaníc inímáy ijatun: “Ich anícpa.” Pero ocmi da nic.

³¹ Jesic anímaayi: ¿Juppice de jém wisten iwat juuts ixunpa ijatun?

Nimayajpa jém anjagooyiyaj:

—Jém wiñtipic.

Nimpa Jesús:

—Numa mannímáypa iga jém malopic pxiñtam jém ichécyajpaap impuesto y jém malopic yomtam tigiyajpa jut injacpa Dios wiñítim antes que mimichtam. ³² Porque jém Xiwan jém acchínopyaap miñ iga minquejaytamiñ jutsap inwatta juuts ixunpa Dios, pero da inçupicta. Pero jém ichécyajpaap impuesto y jém malopic yomtam icupicyaj ti inímáy jém Xiwan. Aunque inixñeta iga jém malopic ichacyaj jém itánca, mimichtam da inçacta jém inñixi iga inçupictámpa jém Xiwan inmatí.

Jém cuento de jém malopic yoxac#wiñ

(Mr. 12:1-12; Lc. 20:9-19)

³³ Nintim Jesús:

—Matonñaami tungac xutu cuento: It idic tum pxiñ nasiywiip. Inñip tum finca de uvas. Icutánne. Iwat tum tsaajos jut itobáypa jém uvas inñ iga iwatpa jém vino. Iwatim tum torre jut iwatpa cuenta jém uvas.

’Cuando cupacneum, icnucs jém finca de uvas tungac pxiñtam iga iyoxacañ. Ocmi nic jém nas iomi tungac naxyucmi jut tsam juumi. ³⁴ Cuando núc jém tiempo iga itúcyajpa jém uvas, jém finca iomi icutsat jutén jém imozoyaj iga ipictóniñ jém iomi imichi. ³⁵ Pero jém inñucneyajwiip jém finca iga iyoxacaaba imatsyaj jém imozoyaj. Tum tsam icótsyaj, tum iccaayaj, tum inácscayaj tsaami. ³⁶ Jesic eybic jém nas iomi icutsat tungac más jém imozo, pero jém inñucneyajwiip jém ifinca imalwadayyapatim mex jeeyaj.

³⁷ Jesic ocmi jém nas iomi icutsat imaníc iga ipictsonpa jém ijatun imichi. Nimpa: “Tienes que iwipictsonyajpa jém ammaníc.” ³⁸ Pero cuando jém inñucneyajwiip jém finca iixyaj iga miñpa jém iomi imaníc, moj nanímayyajtaji: “Yíbam ipictsonpa itumpiy jém ijatun imichi. Tej tanacca, jesic taichtam tamichatámpa titam ichiiba jém ijatun.” ³⁹ Jesic imatsayyaj jém pxiñ imaníc. Itopyaj anšicmi, iccaayaj.

⁴⁰ Jesic Jesús icwác jém panijyaj. Nimpa:

—Siip anímaayi: Cuando miñpa jém nas iomi, ¿ti iniwatpa jém iwatya-jpáppic cuenta jém iñas?

⁴¹ Jesic jém panijyaj icutsonyaj, nímuyaj:

—Accaayajtap itumpiy jém malopic pixiñtam. Da iyaachanjampa ni uxaj jém finca iomi. Jesic ocni icnucspa tungac pixiñ, jém iwégaypaap jém cosecha cuando núcpa itiempo.

⁴² Jesic nimpa Jesús:

—¿Que da immayñeta jém Dios inmati jut jayñe? Nimpa:

Jém ticwatpaap ipatsaytip tum tsa.

Pero ocni jeetim tsa pin̄ta.

Siip jeetim tsa icóppacne jém tic.

Jempam iwat jém tanJatun Dios.

Cuando tánixtámpa, agui tampooñanjamtámpa.

⁴³ Jeeyucmi mannímáypa iga miccáyaytap jém wibic anmati iga siip Dios injacpa yíp naxyucmi. Chiitap jém tungac pixiñtam jém ichiipaap jém wibic cosecha juuts ixunpa Dios. ⁴⁴ Siiga michutpa yíp tsaayucmi, micusámáypa. Siiga yíp tsa micuchijquetpa, jesic michíypa iga mipooti.

⁴⁵ Jesic cuando jém panij anjagooyiyaj con jém fariseoyaj imatonyaj jém xuxut cuento, icutiyyiyaj iga jeeyaj icuyucmi inmatpa Jesús jém xuxut cuento.

⁴⁶ Tsam imatsyajtooba Jesús, pero da wiap imatsyaj. Jém anjagooyiyaj tsam icinyaj jém pixiñtam porque jeeyaj icupicyajpa iga tum Dios inmatcñwiñ jém Jesús.

22

Jém cuento cuando ancoomíypa jém rey imaníc (Lc. 14:15-24)

¹ Jesic Jesús inmatpa tungac más cuento. Nimpa:

²—Jém tiempo cuando Dios injacpa jém pixiñtam jex juuts tum rey cuando ancoomíypa ijaymanic. Jém ijatun iwatpa tum mijpic sin. ³ Cuando yajum iwítsac itumpiy cosa, icutsat jém icuyoxayajpaap iga inwejayajpa jém pixiñtam jém itipneyajwñp. Pero jeeyaj da miñtooba. ⁴ Jesic eybic icutsat tungac más jém icuyoxayajpaap. Inímáy: “Nímayyaj jém antipneyajwñp iga watneum jém wiccuy. Accaanetawum jém xix y jém borregoyaj jém anacpñewñp. Siip itum listo, miñyajiñ jut it jém ancoomíyóycuy.”

⁵ Pero jeeyaj da iwadáy caso. Tum nic icamjom, tum nic máymáyooyi. ⁶ Tungac imats jém icutsatneyajwñp jém rey, moj imalwadayyaj hasta iccaayaj algunos. ⁷ Jesic cuando imaton jém rey ti iñasca jém icuyoxayajpaap, tsam pimi jóy. Icutsat jém soldado iga accaayajtaiñ jém accaoyñeyajwñp y iga nooquettaiñtim jém atebet jut it jém malopic pixiñtam. ⁸ Jesic eybic jém rey inímáy jém icuyoxayajpaap: “Itum listo jém ancoomíyóycuy, pero jém mojnawñp antip da wí iga miñpa. ⁹ Jesic nictaami jut anwácne jém tun jut nasyajpa jáyan jém pixiñtam. Nímayyaj itumpiy jém impátpáppic iga miñyajiñ jut it jém ancoomíyóycuy.” ¹⁰ Jesic nicyaj jém icuyoxayajpaap jut nasyajpa jáyan jém pixiñtam. In̄tumawatyajpa itumpiy jém ipátneyajwñp, jém malopic y jém wibic. Jempigam com jém tic jut it jém ancoomíyóycuy.

11 'Jesic tigiy jém rey iga iámpa jém an̄tuumañeyajw̄ip. Iix tum̄ p̄ixiñ̄ da ipictson̄ne jém w̄ibic yooti jém iccámaypáppic jém rey icuyoxapaap para jém sin̄jom. 12 Jesic jém rey in̄ímáy jém p̄ixiñ̄: “Amigo, ¿jutsa mu in̄ítigiy ȳim y da i miccámáy jém w̄ibic yooti para jém an̄coomíyóycuy?” Da jiy jém p̄ixiñ̄. 13 Jesic jém rey in̄ímáy jém icuyoxapaap: “Matstaami ȳip p̄ixiñ̄, tsénaytaami ici y ipuy. Cottaami jém piichc̄im jém itw̄ip an̄sicmi, jut̄ tsam̄ wejyajpa, jut̄ in̄ichyajpa itits.” 14 Porque tsam̄ jáyan̄ an̄wejayyajt̄ap, pero da w̄ati cupiñ̄neyajta.

I tanyojáypa jém impuesto

(Mr. 12:13-17; Lc. 20:20-26)

15 Jesic jém fariseoyaj moj ijisyaj jutsap iquejajwadáy jém Jesús con jeetim in̄químayooyi jém in̄quejayñew̄ip jém p̄ixiñ̄tam. 16 Jeeyucmi icutsatyaj algunos jém fariseoyaj icuyuc̄iwiñ̄ con algunos jém Herodes ipixiñ̄tam iga in̄in̄matyajiñ̄ jém Jesús. N̄imayt̄ap:

—Maestro, an̄jodón̄ata iga siempre in̄in̄matpa jém n̄umapic an̄mati. In̄in̄quejpa parejo jém Dios in̄mati, da i immigóyáypa. Da in̄wadap caso ti n̄imayajpa jém p̄ixiñ̄tam. Da i in̄c̄iñ̄pa. 17 Jesic an̄ímaaȳi ti in̄j̄ispa: ¿W̄i iga tanyojpa impuesto jém Romapic an̄jagooyi o da w̄i?

18 Pero Jesús icutīȳiypa iga tsam̄ in̄iityaj malopic j̄ixi in̄anaman̄jom. In̄ímáy:

—Mimichtam miñ̄iman̄taayap iga in̄wattooba juuts ixunpa Dios. ¿T̄iiga an̄cut̄itspa? 19 An̄quejaaȳi tum̄ jém tumiñ̄ jém in̄yojóycapaap jém impuesto.

Jesic nam̄íñayt̄a Jesús jém tumiñ̄. 20 Jesic mu iix Jesús, icwácpa. N̄imayyajt̄ap:

—¿I iwiñ̄pac it̄ ȳip tumiñ̄yucmi? ¿I in̄iyi jaycámayñ̄eta?

21 N̄imayajpa:

—Jém César jém Romapic an̄jagooyi.

Jesic n̄impa Jesús:

—Chiítaami jém César jém Césarpic im̄ichi. Chiítaami Dios jém Diospic im̄ichi.

22 Cuando imaton̄yaj ti in̄ímáy Jesús, tsam̄ ipooñ̄an̄jamyajpa jém miñ̄ñeyajw̄ip. Ichacyaj Jesús, nicyaj.

Jutsap icpisyajta jém caaneyajw̄ip

(Mr. 12:18-27; Lc. 20:27-40)

23 Jesic jeetim jama miñ̄ iámyaj Jesús algunos jém saduceoyaj, jém dapic icupicyajpa iga pispa jém caaneyajw̄ip. Jeeyucmi miñ̄ icwác Jesús. N̄imayaj:

24 —Maestro, n̄impa jém Moisés, siiga caaba tum̄ p̄ixiñ̄ y ichacpa iyomo, pero da ichac ni tum̄ im̄anic, jesic jém p̄ixiñ̄ it̄iwi ipigáyiñ̄ jém iyomo iga in̄iman̄icwatpa. Jesic jém ts̄ixi ts̄iypa juuts jém caanew̄ip im̄anic. 25 It̄ idic con aichtam siete p̄ixiñ̄ tum̄ti ijatun̄. Jesic yoomíy jém más āchpic. Ocmi ca. Da ichac ni tum̄ im̄anic. Jesic jém ip̄itsi ipic jém icapay. 26 In̄ascaf̄im jempic jém ip̄itsi y jém tun̄gac jém ijayuc hasta que icusiete ipicyaj jém yomo. Caayaj it̄ump̄iyyaj. 27 Ocmi caatim mex jém yomo. 28 Jesic cuando Dios icpisp̄a it̄ump̄iy jém caaneyajw̄ip, ¿jupp̄ic de jeeyaj ts̄iypa juuts jém yomo iw̄idaya? Porque icusiete in̄in̄coomíyyaj jém yomo.

29 Jesic Jesús icutson̄. N̄impa:

—Mimichtam tsam̄ mijixitogoyñ̄eta porque da in̄cut̄īȳiyt̄ampa jém Dios in̄mati ni datim in̄cut̄īȳiyt̄ampa ti wiap̄ iwat Dios con ip̄imi. 30 Cuando

acpisyajtap jém caaneyajwɨp, dam aŋcoomyajpa, dam napicyajtap jém pixiñtam con jém yomtám. Tsíyyajpa juuts jém sinjucmipic pixiñtam. ³¹ Siip manañquejáypa iga numa acpisyajtap jém caaneyajwɨp. ¿Que da immayñe jém Dios inmatí ti miñímáy Dios? Nɨmpa: ³² “Ich jém Abraham aDios, jém Isaac aDios y jém Jacob aDios.” Jesic quejpa iga jém tanjatun Dios da je jém caanewɨp iDios, je jém vivopic iDios.

³³ Jesic jém miññeyajwɨp jem agui ipooñanjamyajpa cuando imatonjaj jém Jesús inquímayooyi.

Jém más mijpic anquímayooyi
(Mr. 12:28-34)

³⁴ Cuando jém fariseoyaj ijodónajaj iga Jesús da icjyyaj jém saduceoyaj, jesic eybic antuumayaj jut it Jesús. ³⁵ Tum de jeeyaj, jém maestro de jém wiñicpic anquímayooyi, tsam icutitstooba jém Jesús. Jesic inímáy:

³⁶ —Maestro, ¿juppic jém más mijpic anquímayooyi de jém Moisés inquímayooyi?

³⁷ Jesús inímáy:

—“Toyí jém tanjatun Dios con itumpiy inñanama y con itumpiy inñixi.”

³⁸ Yíbam jém mijpic anquímayooyi jém wiñtipic. ³⁹ Jém tunjac anquímayooyi jextim. Nɨmpa: “Toyí jém inñiwí juuts minitoytap inñaac.” ⁴⁰ Siiga inwatpa juuts nɨmpa icuistic yíp anquímayooyi, jesic capsum inwat itumpiy jém anquímayooyi jém ichacnewɨp jém Moisés y itumpiy jém wiñicpic anmatcɨwiñ.

De i miñpa jém Cristo
(Mr. 12:35-37; Lc. 20:41-44)

⁴¹ Iganam antuumaneyaj jem jém fariseoyaj, Jesús icwác. ⁴² Inímáy:

—Anímaayi ti inñistámpa, ¿i imanic jém Cristo?

Nɨmyaj jém fariseoyaj:

—Jém David imanic.

⁴³ Jesús inímáy:

—Jém Dios iAnama ichi jixi jém David iga wiap inmat, ¿jesic tiiga nɨmpa jém David iga jém Cristo je jém iQmi? Porque nɨmpa jém David:

⁴⁴ Jém anjatun Dios inímáy jém ánQmi Cristo:

“Coñi yñim anañwimi hasta que incoñwíyapa jém mijóyixyajpaap.”

⁴⁵ ¿Pero jutsap ichíy jém Cristo juuts jém David imanic, siiga nɨmtim jém David iga jém Cristo iQmi?

⁴⁶ Jesic da i wiá icutson jém Jesús. Dende jém jama dam i más icwác jém Jesús porque agui cɨnjajpa.

23

Jesús iwogáy jém fariseoyaj y jém escribaspic maestroyaj
(Mr. 12:38-40; Lc. 11:37-54; 20:45-47)

¹ Jesic moj inmadáy Jesús itumpiy jém antuumaneyajwɨp con jém icuyujcɨwiñ. Nɨmpa:

² —Jém escribaspic maestroyaj con jém fariseoyaj jexpictim anquímayooyi inmatpa juuts jém Moisés. ³ Jesic cupictaami mimichtam, wattaami itumpiy juuts miñímáytaampa cuando minquejaytámpa jém Dios inmatí. Pero odoy wataami juuts iwatyajpa jeeyaj. Porque iwianmatyajpa, pero da iwíwatyajpa.

4 Tsam jáyan inqúimayooyi ijixqúimayajpa, tsam ictsiimayajpa jém itiwitam, pero jeeyaj da iyoxpátpa con tum jém iwayci iga icuyagiyáypa ichimi. 5 Iwiwatyajpa iga ixtaiñ iga wibic pixiñ. Agui iwianjamyaj jém wítipic bolsa jut ininícpa jém Dios inmati. Agui wi accuyajne jém iyagats yooft inñaca. 6 Cuando wattap jém mijpic sin, agui iwianjamyaj jém coñcuy jut wícyajpa jém mijtampic anjagooyiyaj. Agui icusúniyyajpa jém más wibic coñcuy jém sinagoga. 7 Iwianjampatim iga tandioschiiñ calle. Ixunpa iga jém pixiñtam inñiyiñ iga: “Rabí, Rabí”. Taichtam tanañmatimi nimtooba: “Mammaestro”.

8 Odoy jüci iga i miñiyiñ iga miRabí, porque it tum jém imMaestro, je jém Cristo. Mimichtam mitiwitam. 9 Odoy nímaayi tum pixiñ iga “Manjatun” iga mipimíypa yíp naxyucmi, porque it tum jém tanjatun jém itwíp sinyucmi. 10 Da wiap inchíy juuts minjagooyi porque it tum jém ininjagooyi je jém Cristo. 11 Jém más mijpic anjagooyi entre mimichtam micuyoxatámpa. 12 Dios da iwixpa jém pixiñ jém tsampic nacujítap. Pero wixtap tum pixiñ siiga da malo ianama.

13 Agui miuuguytim, mimichtam, miescribaspic y mifariseopic. Tsam minimigóyaytap. Da nunca inwattámpa juuts ininquejáypa jém incuyujciwiñ. Mimichtam ininpaipa jém puerta jut tigiyyajpa jém pixiñtam jut injacpa Dios. Da mitigiya mimichtam, ni datim inñ igáypa iga tigiyyajñ jeeyaj.

14 Agui miuuguytim mimichtam, miescribaspic mimaestrotam y mifariseopic. Tsam minimigóyaytap. Da nunca inwattámpa juuts ininquejáypa jém pixiñtam. Inñobáypa pimimi jém cunoya imñichi, jesic ocmi tsam yagatspic oración inwatpa iga immigóyáypa jém pixiñtam. Jeeyucmi tsam mijpic castigo michiñtamtap.

15 Agui miuuguytim, mimichtam, miescribaspic mimaestrotam y mifariseopic. Tsam minimigóyaytap. Tsam inñuámpa icuwíti yíp naxyucmi hasta jém lamar anwiñtuc iga impátpa tum pixiñ iga ininquejáypa michpic ininquímayooyi. Cuando yaj ininmadáy, jesic jém pixiñ más jáyan ipictsonpa castigo que mimichtam.

16 Agui miuuguytim, mimichtam, inñictámpa jém inñiwitam juuts cáchtiyaj, pero micáchtim mimichtam. Porque miñimtámpa, siiga i ichacpa jém mijpic mástic juuts tum testigo iga iwatpa juuts ijycámáy, jesic da ti inñascaaba siiga da iwatpa. Pero siiga i ichacpa jém oro jém itwíp másticjom juuts tum testigo, jesic tienes que iwatpa juuts ijycámáyne. 17 Mimichtam da mijixiyta. Micáchtitam. Jém mijpic mástic más wiap que jém oro porque jém mástic iwítsacpa jém oro jém itwíp másticjom.

18 Miñimtámpatim: “Siiga i ichacpa juuts tum testigo jém altar iga iwatpa juuts ijycámáyne, jesic da ti inñascaaba siiga da iccupacpa juuts ijycámáyne. Pero siiga ichacpa jém ofrenda jém itwíp jém altaryucmi juuts tum testigo, jesic tienes que iwatpa juuts ijycámáyne.” 19 Michtam da mijixiyta. Micáchtitam. Jém altar más wiap que jém ofrenda porque jém altar iwítsacpa jém ofrenda jém itwíp altaryucmi. 20 Siiga i ichacpa juuts tum testigo jém altar, jesic ichacpatim juuts tum testigo itumpiy jém itwíp jém altaryucmi. 21 Siiga i ichacpa juuts tum testigo jém mijpic mástic, jesic ichacpatim juuts tum testigo jém itwíp másticjom porque jemtim it jém tanjatun Dios. 22 Siiga

¡ ichacpa jém sɨj juuts tɨm testigo, ichacpatim juuts tɨm testigo jém tanjatun Dios jém itwɨip sɨnyucmi.

²³ 'Agui miuuguytim, mimichtam, miescribaspic mimaestrotam y mifariseopic. Miñmanɨaayap iga inɨcupɨca Dios. Inchiiba Dios jém décima parte jém menta, jém anís y jém comino, pero da inɨwadáypa caso jém más mijpic anɨquímayooyi. Más ixunpa Dios iga inɨwɨwatpa y miyaachanɨaamóypa y inɨcupɨca iga Dios wiap miyoxpát. Numa wɨ iga inɨwattámpa juuts nɨmpa jém más mijpic anɨquímayooyi y da inɨhactámpa iga inɨwatpatim jém xutupic anɨquímayooyi.

²⁴ 'Mimichtam minjagooyítim, pero micáchítam. Tsam inɨwadáypa caso jém xutupic asunto jém dapic juchanɨ. Pero jém asunto tsam mijpic da inɨwadáypa caso. Juuts nɨmyajpa, inɨoppa tɨm xutu usu jém imvasojom iga odoy inɨuguiñ, pero ocmi impitquetpa tɨm camello.

²⁵ 'Agui miuuguytim, mimichtam, miescribaspic mimaestrotam y mifariseopic, da inɨwattámpa juuts inɨinɨquejáypa jém pixiñtam. Tsam inɨcujichayfámpa jém taza y jém chɨma iyucwiñ, pero jojmi da inɨcujichayñeta, tsam it jém nuumi y jém cusúniyooyi. ²⁶ A que mifariseopic, agui micáchítam. Wiñti cujichaayi jém taza ijojmi y jém chɨma ijojmi, jesic ocmi cujichaytaptim jém iyucwiñ.

²⁷ 'Agui miuuguytim miescribaspic mimaestrotam y mifariseopic, tsam minimigóyaytap inɨyaac. Mijextam juuts tɨm tsúts ijos tsam wɨwatneta, agui popo anɨsɨcmi. Agui wɨ tánix. Pero jojmi tsam it jém tsúts ipac. Jáyanɨ it jém da wɨtampic cosa, tsam puwa. ²⁸ Jesanetim mimichtam, cuando miixyajpa jém pixiñtam, ijsiyajpa iga wɨbɨc mipixiñ, pero inɨanamanɨjom tsam it jém migooyi y jém malopic jɨxi.

²⁹ 'Agui miuuguytim miescribaspic mimaestrotam y jém mifariseopic, da inɨwattámpa juuts inɨinɨquejáypa jém pixiñtam. Inɨwatta jém mijpic monumento jut cumyajta jém wiñɨcɨpic Dios inɨmatcɨwiñ. Tsam inɨwɨaccuyajnetá jém monumento jut cumyajta jém wiñɨcɨpic anɨmatcɨwiñ. ³⁰ Ocmi miñimtámpa mimichtam: "Meega aitta cuando it jém wiñɨcɨpic antúmmítam, da idic anɨyoxpát iga accaatá jém Dios inɨmatcɨwiñ." ³¹ Numa juuts mimichtam miñimta iga jém wiñɨcɨpic pixiñtam mimichtam inɨjatunɨwewetam. Iccaayaj jém Dios inɨmatcɨwiñ. Mimichtam mijextim juuts jém inɨjatunɨwewetam. ³² Jesic seguido wati jempic hasta que cupacpa inɨwat juuts ictsucumyaj jém inɨjatunɨwewetam.

³³ 'Tsam malo jém inɨwewetam. Mimichtam tsam mimalotim juuts tɨm tsañ. Da wiap inɨcɨputta de jém castigo. Tienes que miñɨcɨca jém juctjom jut da nunca píchpa. ³⁴ Jeeyucmi manɨcutsadáypa tunɨgac anɨmatcɨwiñ, y wɨbɨc pixiñtam jɨxiywiip, y jém nunta escribaspic maestroyaj. Pero algunos inɨccaatámpa. Algunos inɨcunúntámpa cunusyucmi. Algunos inɨcótstámpa jém sinagoga. Algunos inɨncpoyfámpa de tum atebet hasta tunɨgac atebet. ³⁵ Michtam impictsonɨtámpa tɨm mijpic castigo. Dios michégáypa icobac iga accaayajta itumpiy jém wɨtampic pixiñtam, dende jém wiñtipic accaatá jém Abel jém dapic ti iwatne, hasta jém Berequías imanic, jém Zacarías, jém accaatáwiip masticjom nocojom jut it jém altar. ³⁶ Numa mannímáypa iga itumpiy yip castigo ipictsonɨyajpa jém ityajwɨip sɨip.

Wejpa Jesús jém Jerusalén anḡaca
(Lc. 13:34-35)

³⁷ Mimichtam, miittanḡiip Jerusalén, iniccaata jém wiñicpic anḡacḡiwiñ. Iññáscata tsaami jém micutsadayñewiip Dios. Watciy ananḡuumawattip jém immanictam juuts jém piyuapa inḡuumawatpa jém imanictam jém ixajcucim, pero da inḡianjamta. ³⁸ Ixtaami mimichtam, yíp atebet tsíypa juuts tum tic da oomíy. Icutum tsíypa. ³⁹ Siip mannímáypa mimichtam iga da eybic ánixtámpa hasta núcpa jém tiempo cuando miñimtámpa iga: “Agui wí jém tananḡagooyi jém tacutsadayñewiip tanḡatun Dios.”

24

Nimpa Jesús iga cujegáypa jém mijpic mastic
(Mr. 13:1-2; Lc. 21:5-6)

¹ Jesic put Jesús masticjom. Iganam nicpa, icunúcyaj jém icuyujcḡiwiñ. Moj inḡuejayyaj Jesús jém wibic ticyaj jém mijpic mastic anḡaca, tsam wíwatne.

² Pero Jesús inímáy:

—Mimichtam, ixtaami yíp ticyaj. Numa mannímáypa iga yajpa imiswatta icutero yíp mastic, da tatsneeba ichíy ni tum tsa. Itumpiy accujegayyajtap.

Jém seña cuando miñpa jém inḡanpigam jama
(Mr. 13:3-23; Lc. 21:7-24; 17:22-24)

³ Jesic nicyaj jém cotsicyucmi de Olivos. Cuando coñ Jesús, jém icuyujcḡiwiñ iyannímayyajpa:

—Anímaayi juchá naspa itumpiy yípyaj cosa. ¿Júp seña ánixtámpa cuando mimiñgacpa yíp naxyucmi iga iniccuyajpa yíp nas?

⁴ Jesic Jesús icutsoḡ. Inímáy:

—Nawattamtaji cuenta iga odoy i mimigóyayiñ. ⁵ Miñyajpa waḡi jém migoypaap ich anniymí. Nimyajpa iga: “Ich aCristo.” Imigóyayyajpa tsam jáyan jém pixiñtam. ⁶ Immatontámpa iga miñpa jém guerra. Wanpa iga tsam áḡayajpa jém naciónyaj. Pero odoy cḡntaami. Tienes que naspa itumpiy yípyaj cosa, pero danam núcne jém inḡanpigam jama. ⁷ Tum nación áḡayajpa con tungac nación. Tum naxyucmi áḡayajpa con tungac naxyucmi. Miñpa jém mijpic yuu. Miñpa waḡi jém malopic caacuy. Miñpa jém nasyixi jut quej.

⁸ Cuando miñpa itumpiy yípyaj cosa, yaguiñ tsucumpa jém mijpic yaachaji.

⁹ Jesic micḡjuncottatp jém malopic anḡagooyi icḡjom iga mimalwadaytamtap. Miccaatamtap. Icuwḡi yíp naxyucmi tsam mijóyixyajpa ich anḡucyucmi. ¹⁰ Cuando núcpa jém tiempo, tsam jáyan pixiñtam ichacyajpa jém Dios inḡati. Algunos iwadáypa atracción jém itḡwi iga matstaiñ. Tsam najóyixyajtap. ¹¹ Miñyajpa jáyan jém migoyyajpaap, nimanḡaayap iga Dios inḡacḡiwiñ. Imigóyayyajpa tsam jáyan jém pixiñtam. ¹² Tsam jáyanḡap jém malopic jixi jeeyucmi jáyan jém pixiñtam ichacyajpa iga itoypa jém itḡwitam. ¹³ Pero ciacputtap jém iyaachyapaap jém yaachaji, jém dapic ichacpa jém Dios inḡati hasta jém inḡanpigam jama. ¹⁴ Wiñti anḡattap yíp wibic anḡati iga Dios inḡacpa jém ityajwḡiip yíp naxyucmi. Núcpa jutquej iga jodóḡataiñ jém Dios inḡati. Ocmi núcpa jém inḡanpigam jama.

15 Jém wiñicpic añmaçciwiñ jém Daniel ijaychac jém librojom iga miñpa tum anjagooyi tsam pimi malo, ijóyixpa tanjatun Dios. Miñpa iwat contra jém Dios inqumayooyi. Cuando iñix iga miñ iti jém anjagooyi jut da iwianjam Dios (el que imaypa yíp libro wí iga icutiyyiñ ti annímáypa),¹⁶ jesic miittañwíp jém naxyucmi de Judea, poytaami, nictaami jém cotsiganjoj.¹⁷ Siiga miqúimne iñticyucmi jém tunzac piso, jesic odoy queti iga nicpa impic iñtraste, pero nicsim poyimi.¹⁸ Siiga miitta camjom cuando immator iga núcneum jém malopic anjagooyi, jesic odoy settaami iñticiim iga miñpa impic impuctucu. Jemigam tsucumtaami.¹⁹ Agui uuguytim jém yomtam jém manicomcanewíp y jém ictsútsáppic jém xuxut tsixtam. Porque tsam jáyan yaachaji miñpa.²⁰ Añwejpáttaami Dios iga odoy mictsiytámiñ jém tiempo de succuc ni jém jeucuy jama cuando mipoytámpa.²¹ Cuando núc yíp malopic anjagooyi, tsam pimi miyaachátámpa. Da nunca oypa tánix jexpic yaachaji dende Dios iwat yíp nas. Ni ocmi da eybic tánixpa jexpic yaachaji.²² Jém tanjatun Dios da ijícpa iga jáypa jém malopic anjagooyi. Siiga jáypa, da i ciiputpa, cucaayajpa itumpiy jém icupiñneyajwíp Dios, jeeyucmi da ijícpa iga jáypa jém mijpic yaachaji.

23 'Siiga i miñímáypa iga: "Miñi aami, yim it jém Cristo", o tunzac miñímáypa: "Nigi aami jeexic it jém Cristo", jesic odoy cupictaami.²⁴ Porque miñyajpa tsam jáyan jém migoyajpaap. Nimanjaayap iga: "Ich aCristo", pero migóypa. Nimanjaayap iga: "Ich awibic jém Dios inmaçciwiñ." Iwatyajpa jém witampic seña y jém milagroyaj iga imigóyayajpa jém icupiñneyajwíp Dios meega wiap.²⁵ Mannímayñeum wiñti ti miñpa antes que amiñgacpa.²⁶ Jeeyucmi siiga i miñímáypa iga: "Nigi aami jém Cristo jém titsinaxyucmi", odoy nigi aami. Siiga nimyajpa: "Miñi aami, yim it jém Cristo tum cuartojom añnéne", odoy cupici.²⁷ Porque cuando ich, jém aMiññewíp Siñyucmi, amiñgacpa yíp naxyucmi, jesic i quej aixyajpa. Juuts quénpa jém majiywiñ dende añnisauumi hasta anyomsauumi, jesanetim tsam wiquejpa cuando amiñgacpa.²⁸ Jut caane tum cawaj jemum añtuumayajpa jém nuupu. Jesaptim tsam wiquejpa cuando núctooba jém inañpigam jama.

Jutsap imiñgac jém Dios iManic

(Mr. 13:24-37; Lc. 21:25-33; 17:26-30, 34-36)

29 Jeeti rato cuando naspa jém yaachaji, pichpa jém jama ichoca y jém poya datim tsocha. Jém matsa, jém itwíp siñyucmi, cutinyajpa. Tsam tsigoyajpa itumpiy jém ityajwíp jém matsaanjom.³⁰ Quejpa jém seña siñyucmi iga miñpa jém icutsatnewíp Dios. Tsam weyjajpa itumpiy jém ityajwíp icuwiti yíp naxyucmi cuando iixyajpa iga miñgacpa jém Miññewíp Siñyucmi jém ucsanjom con jém Dios ipimi juuts tum mijpic anjagooyi.³¹ Cutsadayajtap jém siñyucmicpic pixiñtam yíp naxyucmi. Sustap tum suscuy. Agui pimi añjyipa iga inuamawatpa itumpiy jém icupiñneyajwíp Dios icuwoyo jém mundo dende siñyucmi hasta naxyucmi.

32 'Cutiiyitaami yíp ejemplo de jém tsuj. Cuando químpa jém inmaañay, jesic injodontam iga núctooba jém cutujci.³³ Jesaptim cuando iñixtámpa iga naspa itumpiy jém mannímayñewíp iga miñpa, jesic injodontam iga nocojom it jém jama cuando amiñgacpa yíp naxyucmi.³⁴ Numa mannímáypa, cupacpa

itumpiy yípyaj cosa antes que caayajpa itumpiy jém pìxiñtam jém ityajwìp jém tiempo. ³⁵ Cuyajpa jém sin y jém nas, pero ich anañmati da nunca cuyajpa.

³⁶ 'Da ì ijodon júp jama ni juchis hora naspa itumpiy yípyaj cosa. Da ijodonjaj ni jém sinyucmìpic pìxiñtam ni datim ijodon jém Dios iManic. Icutum ijodon jém tanjatun Dios.

³⁷ 'Juustim jém tiempo cuando it idic jém Noé, jesaptim jém tiempo cuando amiñgacpa yíp naxyucmi. ³⁸ Porque wiñigam cuando it idic jém Noé, cuando danam núcne jém diluvio, jém pìxiñtam wícyajpatim y ucyajpatim. Ancoomíyoyajpatim y ichiyajpatim iyommanictam iga ancoomíyyajpa hasta que núc jém jama cuando jém Noé tigiy jém mìjpic barcojom. ³⁹ Da icutiyyiyaj hasta que quím jém ni, inicunigayyaj itumpiy jém pìxiñtam. Jempictim inascayajpa jém ityajwìp yíp naxyucmi cuando ich, jém aMiññewìp Sinyucmi, amiñgacpa yíp naxyucmi. ⁴⁰ Cuando núctooba jém Inanpigam jama, wagayoxayajpa wisten pìxiñ icamjom, tum nanictap, tum tsactap. ⁴¹ Wisten yomo widoyajpa tum molinoyucmi, tum nanictap, tum tsactap.

⁴² 'Ittaami al tanto porque da injodonjam juchis hora miñpa jém inómi, odoy monaami mimichtam. ⁴³ Cutiyyiyaami, siiga tum pìxiñ ijodon juchis hora núcpa tsuucim jém númpaap, jesic da monpa iga odoy ijedáyin jém itic jém númpaap. ⁴⁴ Jeeyucmi mannímáypa, ittaami listo porque jém tiempo iga injìspa iga ich, jém aMiññewìp Sinyucmi, da amiñgacpa, jesigam amiñpa.

Jém malopic cabo y jém wibic (Lc. 12:41-48)

⁴⁵ 'Siip manañquejáypa ìapaap jém wibic cabo jém icutiyyipaap. Jém iomi ichacpa iga injaguiñ jém ityajwìp iticim iga icwícyajin. ⁴⁶ Agui maymay jém cabo siiga síp iwat juuts ipimiyñe jém iomi cuando miñgacpa. ⁴⁷ Mannímáypa iga jém iomi iccámpa jém icabo juuts tum anjagooyi iga injacpa itumpiy jém inas y jém icuyoxayajpaap. ⁴⁸ Pero siiga malo yíp cabo, ijìspa inamanjom iga da jobit miñgacpa jém iomi. ⁴⁹ Mojpa imalwadáy tungac jém icuyoxapaap jém iomi. Tsam wícpa, tsam ucpa con jém tungac ucciwiñ. ⁵⁰ Miñgacpa jém cabo iomi tum jama cuando da injócne. Miñpa tum hora cuando da ijodon. ⁵¹ Chiitap mìjpic castigo con jém malopic pìxiñtam jut tsam weyjajpa, jut inichyajpa itits.

25

Jém cuento de jém diez woñtam

¹ 'Jesic jém tiempo cuando injacpa Dios yíp naxyucmi jex juuts diez jém woñtam nicyaj jut ancoomíyoyñimpa. Ipicay jém ijucti, nic ichonjaj jém ancoomíypaap. ² Cinco jém woñtam da jixiíy y cinco jém woñtam agui jixiíy. ³ Jém dapic jixiíy ipicay ijucti, pero da ininicyaj jém aceite iga icucómáypa eybic jém ijucti. ⁴ Pero jém jixiíywìp ininic jém aceite tum xanujom. Ininicpatim jém ijucti. ⁵ Tsam táncaap iníc jém yoomíypaap. Tsam monaoba jém woñtam. Ocmi monyaj. ⁶ Jesic cugapsu imatonjaj tum mìjpic jiyi. Nimpa: "Miñpa jém yoomíypaap. Nigi tsonaami." ⁷ Tsumnyaj itumpiy jém woñtam. Moj iwitsacyaj ijucti. ⁸ Jém cinco woñtam, jém dapic jixiíy, inimayyajpa jém jixiíywìp: "Achiitaami uxaj aceite porque ich anjucti píchtoobam." ⁹ Pero

jém jixiywïp icutsonyay. Niyayaj: “Da manchiiba porque wïp da actsïypa aich siiga manchiiba. Más wï nigï juytaami iñyaac juť maytap.” ¹⁰ Pero iganam nic ijuyyay aceite jém cinco woñtam, jém dapic jixiïy, jesigam núc jém yoomïypaap. Y jém cinco jém woñtam jém jixiywïp tigiyyaj jojmi juť it jém aņoomïyóycuy. Aņpajta jém puerta. ¹¹ Ocmï setyay jém woñtam jém nicnewïp ijuy aceite. Iñimayyaja jém tic iomi: “Áņaayi jém puerta.” ¹² Pero jém tic iomi iñimáy: “Numa mimichtam, da mánixpicpa.”

¹³ Jesic Jesús iñimáy:

—Odoymonjtaami mimichtam, ittaami al tanto porque da iñjodon júp jama ni juchis hora amiñgacpa yïp naxyucmi jém aMiññewïp Siñyucmi.

Jém esclavoyaj iyoxacaaba jém iomi itumiñ

(Lc. 19:11-27)

¹⁴ Jém wïbic aņmaťi iga Dios injjacpa yïp naxyucmi jex juuts tum pïxiñ tsam tumiñy. Nicpa tungac naxyucmi. Jesic nicpa, iņwejay jém iesclavoyaj iga ichi uxaņ tumiñ iga iyoxacayajiñ.

¹⁵ Tum jém iesclavo ichi cinco talento (tum talento ivale seis mil tumiñ de plata). Tungac ichi wisten talento. Tungac ichi tum talento. Chiitã cada quien juuts wiap iyoxaca. Jesic ocmï nic jém pïxiñ. ¹⁶ Tum jém esclavo, jém chiiñetawïp jém cinco talento, moj iyoxaca jém tumiñ. Icoñwïy tungac cinco talento. ¹⁷ Jempictim iwat jém tungac esclavo, jém chiiñetawïp wisten talento. Icoñwïy con jém tumiñ tungac wisten talento. ¹⁸ Pero jém tungac esclavo, jém chiiñetawïp tum talento, nic iñegáy jém iomi itumiñ. Itaj tum jos, jemum icum nascïm.

¹⁹ Jesic pecam nicne jém iomi, set eybic. Moj itop cuenta con jém iesclavo.

²⁰ Wiñfi núc jém chiiñetawïp jém cinco talento. Icïjũncodáy iomi tungac cinco talento jém icoñwïyñewïp. Iñimáy: “Mánomi, anchi cinco talento, pero yïm it tungac cinco talento aņcoñwïyñe.” ²¹ Jém iomi iñimáy: “It wï. Mich tum wïbic miesclavo, agui wiã iņwat cuenta jém ammiichi. Como mánix iga wiã miņwat cuenta jém uxaņpic, siip manaccãmpa juuts tum anjagooyi iga ininjacpa más jém jáyanpic. Siip tigiyi yïm con aich juť it jém maymáyajï.”

²² Ocmï núc jém tungac iesclavo jém chiiñetawïp wisten talento. Niũapa: “Mánomi, anchi wisten talento. Yïm it tungac wisten aņcoñwïyñe.” ²³ Jém iomi iñimáy: “Wïbic miesclavo, wiap iņwat cuenta jém ammiichi. Como mánix iga wiã miņwat cuenta jém uxaņpic, siip manaccãmpa juuts tum miņjagooyi iga ininjacpa jém más jáyanpic. Siip tigiyi yïm con aich juť it jém maymáyajï.”

²⁴ Ocmï núctim jém tungac esclavo jém chiiñetawïp tum talento. Iñimáy: “Mánomi, ich anjodon iga tsam pïmi mipïmïyóypa. Impictsonpa jém cosecha juť da oy iññip. Impiņpa jém cosecha juť da oy iñyï. ²⁵ Jeeyucmi tsam acïj. Oy mannegáy jém iñtumiñ nascïm. Pero yïm it jém iñtumiñ jém immïchïpic.” ²⁶ Jém iomi iñimáy jém iesclavo: “Tsam mimalopïc miesclavo, tsam micutiñ. Siiga iñjodon iga ampictsonpa jém cosecha juť da oy aņñip y ampïņpa jém cosecha juť da oy anyï. ²⁷ ¿Jesic tiiga da iņcucum antumiñ jém banco? Jesic cuando asetpa, ampictsonpa antumiñ con jém icoñwïyooyi.”

²⁸ Jesic jém esclavo iomi iñimáy jém ityajwïp jem: “Accáyaayi jém talento yïp pïxiñ. Chi jém iniitwïp diez talento. ²⁹ Porque jém iniitwïp, chiitap más iga odoy ti itogóyayïñ. Pero jém dapic iniï, accáyayťap hasta jém uxaņpic iniit.

³⁰ Acnictaami yíp da wibic esclavo jém piichcüm jém itwüip anşicmi, juť tsam weyjajpa, iñichyajpa itits.”

Cüpiñyajtáp jém naciónyaj

³¹ Cuando miñgacpa jém Miññewüip Şinyucmi, miñpa juuts tum anjagooyi. Iwaganamiñyajpa itumpiy jém şinyucmüpic pixiñtam. Coñ jém anjagooyi icoñcuyucmi iga injjacpa yíp nas con jém Dios ipimi. ³² Itumpiy jém pixiñtam, jém ityajwüip icuwüfi yíp naxyucmi, anşuumayajpa jém anjagooyi iwiñjom. Jém anjagooyi icupíñyajpa jém tunşac pixiñtam juuts iwatpa jém borrego iomi. Itoppa jém chivo jém borregoanjom, ichacpa aparte. ³³ Jém borregoyaj tsacyajtáp anşimi y jém chivoyaj tsacyajtáp anşaymi.

³⁴ Jesic jém Rey iñímáypa jém ityajwüip inşimi: “Miñi mimichtam jém miwüwadayñewüip anşatunş Dios. Miñi, pictsonştaami jém lugar jém miwütsagayñetaşwüip dende iwat Dios yíp nas. ³⁵ Porque tsam ayuap y mimichtam anacwícta. Tsam aníctitspa y nichtam anacnícta. Ich juuts juumüpic apixiñ, pero mimichtam anacnúcsta tic. ³⁶ Da apuctugíy, pero mimichtam anchiíta. Amimne y mimichtam oy anámta. Apajta cárcel, pero mimichtam oy anámta.”

³⁷ Jesic jém wibic pixiñtam, jém iwüipictsonşeyajwüip jém anjagooyi, nımyajpa: “Mánomi, ¿juchá mánixta iga miyuap y manacwícta? ¿Juchá mánixta iga miñíctitspa y manacnúcsta? ³⁸ ¿Juchá mánixta juuts tum juumüpic müpıxiñ y manacnúcsta tic, o iga da müpuctugíy y manchiíta? ³⁹ ¿Juchá mánixta mimimne o müpajnetá cárcel y oy mánámta?” ⁴⁰ Jém Rey icutsonş, iñímáy jém iwüwatneyajwüip: “Nüma, mannímáypa, titam inşwadáy yíp antüwitam, jém dapic juchanş, jesic ich mismo anşwüwadáy.”

⁴¹ Jesic jém Rey iñímáy jém ityajwüip inşaymi: “Mimichtam tsam mimalo, impictsonştampa jém castigo. Nictaami jém juctjom juť da nunca pıchpa jém watnetawüip para jém Wocüwiñ y jém mal espíritu. ⁴² Ich tsam ayuap y mimichtam da anacwícta. Tsam aníctitspa y mimichtam da anacnícta. ⁴³ Asıba juuts tum juumüpic apixiñ, pero mimichtam da anacnúcsta tic. Da apuctugíy y mimichtam da ti anchiíta. Amimne y apajta cárcel y mimichtam datim oy anámta.” ⁴⁴ Jesic nımyajpa jém malopic pixiñtam: “Mánomi, ¿juchis mánixta cuando miyuap, miñíctitspa, mixıba juuts tum juumüpic pıxiñ, da müpuctugíy, mimimne, o müpajnetá cárcel y da oy manyoxpátta?” ⁴⁵ Jesic jém Rey icutsonşpa jém malopic pixiñtam. Nımayyajta: “Nüma mannímáypa, como da inşwüwadayta jém antüwitam dapic juchanş, jesic ichtim mismo da anşwüwadáy.” ⁴⁶ Ocmi nıcyajpa yíp malopic pixiñtam juť ipictsonşyajpa jém castigo juť da nunca yajpa iyoj. Pero jém wibic pixiñtam, jém iwüwatneyajwüip, ipictsonşpa jém vida jém dapic cuyajpa.

26

Işısyaj jém ienemıgoyaj jutsap imatsyaj Jesús
(Mr. 14:1-2; Lc. 22:1-2; Jn. 11:45-53)

¹ Cuando yaj inşmat Jesús, iñímáy jém icuyujcüwiñ:

² —Mimichtam iñşodonştam iga wisna jama naspa jém pascuasıñ y ich, jém aMiññewüip Şinyucmi, acıjunşcottap iga acunúntap cunusyucmi.

³ Jesic an̄tuumayajpa jém cobacpic panijyaj con jém escribaspic maestroyaj y con jém Israelpic widaytam. An̄tuumayajpa jém cobacpic panij, jém Caifás, ipalacio. ⁴ Jemum moj ijsyay jutsap icumigoyay jém Jesús iga imatsyajpa iga iccaayajpa. ⁵ Pero nimyajpa jém an̄jagooyiyaj:

—Da tammatspa yíp sinjom, jesic da cujínayajpa jém pixiñtam.

Tum yomo iccámáypa jém perfume Jesús icobacyucmi

(Mr. 14:3-9; Jn. 12:1-8)

⁶ It Jesús jém atebet Betania, núc jém Ximój iticcim, jém cupúgayñewiip idic iñaca. ⁷ Iacunú tum yomo con tum tsaafiasco comne jém aceite jém cinpáppic jém aguipic tsoowiy. Cuando coñ Jesús jém mesacim, jém yomo icutegáy jém aceite icobacyucmi. ⁸ Cuando iixyay jém icuyujciwiñ agui jóyyaj. Nimyaj:

—¿Tiiga itecmichca yíp aceite? ⁹ Meega tammáypa, tampictson̄pa jáyan tumiñ. Wiap tanyoxpátta jém yaachayajpáppic.

¹⁰ Jesic Jesús icutiyyiy ti síp iñimyaj jém icuyujciwiñ. Iñimáy:

—Odooy moogiyi yíp yomo. Síp awiwadáy. ¹¹ Jém yaachayajpáppic siempre iwaganaítámpa. Pero aich da siempre man̄waganaítámpa. ¹² Acutegáy jém yomo jém aceite ammijtayyucmi juuts cuando cumtap tum tsúts. ¹³ Numa mannímáypa iga jutquej an̄mattap jém wibic an̄mati icuwiti yíp naxyucmi, an̄mattaptim ti awadáy yíp yomo iga jém pixiñtam ijsyajiñ ti iwat yíp yomo.

Jém Judas icijun̄cot jém Jesús

(Mr. 14:10-11; Lc. 22:3-6)

¹⁴ Ocmi tum de jém docepic icuyujciwiñ iñiyi Judas Iscariote nic inin̄mat jém panij an̄jagooyiyaj. ¹⁵ Iñimáy jém panijyaj:

—¿Jutsan̄ anyojpa siiga an̄cijun̄cotpa jém Jesús?

Jesic jeeyaj iyojyaj treinta tumiñ de plata. ¹⁶ Dende jeeti rato moj ijs jém Judas jutsap icijun̄cot jém Jesús.

Wícmon̄pa jém tán̄omi iwatpa jém Santa Cena

(Mr. 14:12-25; Lc. 22:7-23; Jn. 13:21-30; 1 Co. 11:23-26)

¹⁷ Núc jém sin̄ cuando cúttap jém caxtánañi sin levadura. Jesic jém wiñtipic jama jém Jesús icuyujciwiñ icunúcyaj. Icwácyaj, iñimayyaj Jesús:

—¿Jut iñxunpa iga an̄witsacpa itumpiy cosa iga tawictámpa jém pascuasij?

¹⁸ Jesús iñimáy icuyujciwiñ:

—Nictaami jém atebet Jerusalén. Cuando miñúctámpa tum ticcim, impátta tum pixiñ. Nímaayi: “Nimpa jém amMaestro iga siip núcum jém hora iga cupacpa jém anyoxacuy. Anacnaspá jém pascuasij mich iñticim con an̄cuyujciwiñ.”

¹⁹ Jesús icuyujciwiñ iwatyaj itumpiy cosa juuts ipimíy. Iwatyajpa jém wícuy iga icnaspá jém pascuasij.

²⁰ Jesic tsuuyawum iti, coñyay Jesús jém mesacim con jém doce icuyujciwiñ. ²¹ Iganam wícyajpa, nimpa Jesús:

—Numa mannímáypa, tum de mimichtam an̄cijun̄cotpa jém ánenemigo icijom.

²² Jesic jém icuyujciwiñ tsam anyácyaj. Moj nacwácyajtaji entre jeeyaj. Cada tumtum nim:

—Mán̄omi, ¿que aicham?

²³ Icutson̄ Jesús. Nimpa:

—Jém aŋwaganasonpaap caxtánaŋi tumti chimajom, jeam jém aciijuŋcotpaap ánenemigo iciijom. ²⁴ Jém Miññewiip Sinyucmi tienes que iñascaaba juuts nimpa jém Dios iŋmaŋi juŋ jayñeta, pero agui uuguytim jém pixiñtam jém aciijuŋcotpáppic, wi idic meega da nay.

²⁵ Ocmi jiy jém Judas jém iciijuŋcotpaap. Nimpa:

—MamMaestro, ¿que aicham?

Jesús iñímáy:

—Mimicham.

²⁶ Iganam wícyajpa, Jesús imatspic jém caxtánaŋi. Cuando yaj iŋwejpát Dios, iwéc jém caxtánaŋi, ichi icuyujc#wiñ. Iñímáy:

—Yíp caxtánaŋi ich ammiŋtay, cúttaami.

²⁷ Ocmi ipic tum copa jém uvas iñi, iŋwejpát Dios. Ichi jeeyaj. Iñímáy:

—Uctaami iñtumpiytam. ²⁸ Yíp ich anniipiñ jém antegaypáppic iga aŋwatpa jém jomipic trato iga aŋwitsagáypa jáyan jém pixiñtam itánca. ²⁹ Mannímáy-támpa mimichtam iga dende siip da ánuŋpa jém uvas iñi hasta que núcpa jém jama iga ánuŋpa eybic con mimichtam juŋ injacpa anjatun Dios.

³⁰ Jesic yaj iwanyaj tum wañi, nicyaj jém cotsicyucmi.

Iŋmatpa Jesús iga iŋnécpa jém Peto

(Mr. 14:26-31; Lc. 22:31-34; Jn. 13:36-38)

³¹ Ocmi Jesús iñímáy icuyujc#wiñ:

—Mimichtam iñtumpiytam tsam micinŋtámpa y ampoychactámpa aŋcuŋum yíptim tsuu. Porque nimpa así jém Dios iŋmaŋi juŋ jayñeta: “Accaatap jém iwatpáppic cuenta jém borregoyaj. Jém borregoyaj cupóyayyajpa.” ³² Pero ocmi cuando apispa, aŋjagoyñeeba annic jém naxyucmi de Galilea.

³³ Jesic Peto iñímáy jém Jesús:

—Aunque itumpiy tsam cinŋajpa y michacyajpa inŋcuŋum, más aich da acinŋpa y da manŋcupóyáypa.

³⁴ Jesic Jesús iñímáy:

—Numa mannímáypa iga yíptim tsuu antes que aŋwejpa jém çayu mich anaŋnécpa tucçiy.

³⁵ Jém Peto iñímáy:

—Aunque tawagaaccaatañ con mimich, ich da manañnécpa.

Itumpiy jém icuyujc#wiñ nimaŋtim jempic.

Jesús iŋwejpát Dios jém lugar Getsemaní

(Mr. 14:32-42; Lc. 22:39-46)

³⁶ Jesic nicyaj Jesús con jém icuyujc#wiñ tum lugar iñiyi Getsemaní. Nimpa Jesús:

—Coñtaami yim iganam ich anicpa jemíc iga anaŋwejpátpa Dios.

³⁷ Jesic Jesús ininic uxan más juumi jém Peto y icuistic jém Zebedeo imanictam. Tsam pimi anyác Jesús, tsam ijspa ti iñascaaba. ³⁸ Jesic Jesús iñímáy jém tucuten icuyujc#wiñ:

—Ich agui pimi anyácne ánanamanjom hasta quénam acaatooba. Tsíyaami yim, odoy monŋtaami, nawattamtaji cuenta.

³⁹ Jesic ocmi Jesús nic uxan más juumi. Tocsneactin. Moj iŋwejpát Dios. Nimpa:

—ManJatun, siiga inwianjam odoy jüci iga annascaaba yíp mijpic yaachaji. Pero odoy wati juuts ich ansunpa. Wati juuts mich inwianjam.

⁴⁰ Jesic set eybic Jesús jut ichac jém tucuten icuyujcwiñ. Monyajpa. Inímáy jém Peto:

—¿Mimonpa Peto? ¿Que da wiap imvivoja con aich ni tum hora? ⁴¹ Odoy montaami, nawattamtaji cuenta. Anwejpátaami Dios iga odoy i waiñ micutitsta iga micmalwattámpa. Numa, jém inánama iwattooba juuts ixunpa Dios, pero jém immijtay da iwianjam.

⁴² Jesic eybictim nic Jesús inwejpát Dios. Nimpa:

—ManJatun, siiga da wiap anciacput yíp mijpic yaachaji, jesic wati juuts mich inwianjam.

⁴³ Ocmi eybic set Jesús jut it icuyujcwiñ. Tsam monyajpa. Da tojtooba iixcuy porque tsam montooba. ⁴⁴ Jemum ichac jém icuyujcwiñ. Eybictim nic inwejpát Dios tres vecesam. Nimpa jeetim anmatí. ⁴⁵ Jesic set eybic jut it jém icuyujcwiñ. Inímáy:

—Siip numa montaamim, jejtaamim. Siip núcum jém hora iga ich, jém aMiññewiip Sinyucmi, acijuncottap jém malopic pxiñtam icijom. ⁴⁶ Tsumtaamim, tanictámpam porque miñpam jém acijuncotpaap.

Matsta Jesús

(Mr. 14:43-50; Lc. 22:47-53; Jn. 18:2-11)

⁴⁷ Iganam síp ijiy Jesús, núc jém Judas jém itwip idic con jém doce icuyujcwiñ. Iwaganamiñyay tsam jáyan jém pxiñtam. Inimiñyay espada y jém cuy iga icótsa. Icutsadayaj jém panij anjagooyi y jém widaytam. ⁴⁸ Jém Judas, jém icijuncotpaap Jesús, iwadáy jém pxiñtam tum seña. Inímáy:

—Jém ananacatsútsapaap, jeam. Matstaami.

⁴⁹ Jesic jém Judas icunúc jém Jesús. Inímáy:

—MamMaestro, xutsóy.

Jesic inacatsúts. ⁵⁰ Jesús inímáy:

—¿Amigo, ti miñ imméts?

Jesic icunúcyaj jém miññeyajwip. Imatsyay jém Jesús. Nanictawum preso.

⁵¹ Pero tum jém iwaganaitwip Jesús, itop tum espada, itinquimáy itatsic jém cobacpic panij imozo. ⁵² Jesic Jesús inímáy:

—Coti jém espada inacjom. Porque itumpiy jém anayajpáppic con espada, con espatatim accaatap. ⁵³ ¿Que da inñodon iga ich wiap anwágáy Dios iga acutsadáyñ doce legiones jém sinyucmipic pxiñtam y yípti rato acutsadáypa?

⁵⁴ Pero siiga anwatpa jempic, çjutsap icupac jém anmatí jut jayñeta iga ayaachwattap?

⁵⁵ Jesic Jesús inímáy jém miññeyajwip:

—¿Que miñ ammatsta con espada y jém cuy juuts tum anúmpaap? Itumpiy jama accuyujóypa masticjom, da nunca ammatsta.

⁵⁶ Itumpiy yíp cosa inascaaba Jesús iga cupacpa juuts ijaychacne jém wiñicpic anmatcwiñ.

Jesic itumpiy jém icuyujcwiñ yaj cupóyaayiyaj. Icutum tsíy jém Jesús.

Nanicta Jesús jém cobacpic panijcim

(Mr. 14:53-65; Lc. 22:54-55, 63-71; Jn. 18:12-14, 19-24)

⁵⁷ Jesic jém imatsneyajwɨp Jesús ininicyaj jém Caifás iwiñjom, jém cɔbaccɨc panij anjagooyi. Jemum an̄tuumaneyaj wati jém escribasɨc maestroyaj y jém widaytam. ⁵⁸ Jém Peto ijuumactúnyñe hasta jém cɔbaccɨc panij ian̄cim. Jemum tigiy, cooñajac jém Peto con jém policia. Iixtooba ti nawattap jém Jesús.

⁵⁹ Jém cɔbaccɨc panijyaj con itumpiy jém widaytam, jém Sanhedrín, imétsyaja tum cumigoypaap iga accaatañ Jesús. ⁶⁰ Pero da ipátayaj jém n̄myajpáppic iga imalwatne. Tsam jáyan̄ p̄ixiñ icumigoyyajtooba idic jém Jesús, pero da wiap. Ocmi miñ wisten jém p̄ixiñ jém icumigoypaap. ⁶¹ N̄myaj: —Yíp p̄ixiñ n̄mpa iga: “Ich wiap ammiswat jém Dios imastic, jesic tucunajama eybic anactsucumpa.”

⁶² Jesic teñchucum jém cɔbaccɨc panij, iñímáy Jesús:

—¿Que da in̄cutson̄pa? ¿Da immaton̄ ti s̄ip iñim̄yaj contra mimich?

⁶³ Pero Jesús da jypa. Jém cɔbaccɨc panij anjagooyi iñímáy:

—Odooy amigóyaayi porque jém vivopic Dios taixpa. Anuntan̄imaayi siiga n̄uma mimicham miCristo jém Dios miM̄anic.

⁶⁴ Jesic Jesús iñímáy:

—Juuts mich miñim. Pero mannímáypa iga dende s̄ip ánixtámpa aich, jém aMiñew̄ip S̄inyucmi, cuando acoñ jém tan̄jatun̄ Dios in̄wimi, jém tsampic iniit ip̄imi. Ánixtámpatim cuando amiñgacpa s̄inyucmi jém ucsanjom.

⁶⁵ Jesic jém cɔbaccɨc panij ichicujac iyooti iga quejiñ iga icujyapa Dios. N̄mpa:

—Yíp p̄ixiñ icujyapa tan̄Dios. ¿T̄iiga tammétstampa tun̄gac testigo? Mimichtam s̄ip immaton̄neta iga tsam icujyapa tan̄Dios. ⁶⁶ ¿T̄i iñjstámpa?

N̄myajpa jém miññeyajw̄ip:

—Iniit la culpa. Wi iga tanaccaaba.

⁶⁷ Ocmi ichujcaayyaj iwiñpac. Ixonyaj. Tun̄gac itojáy iwiñpac. ⁶⁸ N̄myaj:

—Siiga micham miCristo, anímaayi j̄ micóts.

Jém Peto in̄néc iga iixpic jém Jesús

(Mr. 14:66-72; Lc. 22:56-62; Jn. 18:15-18, 25-27)

⁶⁹ Iganam coñ jém Peto an̄cim, miñ tum yomo jém icuyoxapaap jém panij.

Iñímáy jém Peto:

—Mich in̄waganas̄ibatim jém Jesús, jém Galileapic p̄ixiñ.

⁷⁰ Pero jém Peto in̄néc iga iwaganas̄iba Jesús. Iñímáy jém yomo:

—Da an̄jodon̄ ti s̄ip iññim.

⁷¹ Cuando nic jém Peto jém corredor, tun̄gac jém yomo iixpictim, iñímáy jém ityajw̄ip jem:

—Yíp p̄ixiñ iwaganas̄iba jém Jesús jém Nazaretpic.

⁷² Eybictim in̄néc jém Peto. N̄mpa:

—W̄ijodios, da ánixpicpa.

⁷³ Tum rato más, algunos jém ityajw̄ip jem, icunúcyaj jém Peto, iñímáy:

—N̄uma mich tum jeepictim mip̄ixiñ, tsam w̄iquejpa hasta in̄in̄mat̄i iga Nazaretpic mip̄ixiñ.

⁷⁴ Jesic jém Peto moj maln̄imi. N̄mpa:

—W̄ijodios, ich da ánixpicpa yíp p̄ixiñ.

Jeeti rato añwej jém çayu. ⁷⁵ Jesic jém Peto ijis ti iñímáy Jesús cuando iñímáypa iga: “Mich anañécpa tres veces antes que añwejpá jém çayu.” Jesic put añsícni jém Peto. Pimi wejpa porque agui añyácne.

27

Cijunçottá Jesús jém Pilato icijom (Mr. 15:1; Lc. 23:1-2; Jn. 18:28-32)

¹ Jesic icuquejama añtuumayajpa itumpiy jém panij añjagooyiyaj y jém wídaytam iga iwatyajpa acuerdo jutsap iccaayaj Jesús. ² Tsenneçá jém Jesús, nanicçá jém gobernadorcçim. Cijunçottá jém Poncio Pilato icijom.

Naccaatá iyaac jém Judas

³ Jém Judas, jém iwadayñewiip atracción, iix iga accaatap jém Jesús. Jesic icucac ijixi, ichacset jém treinta tumiñ de plata jém panij añjagooyi con jém wídaytam. ⁴ Nimpa jém Judas:

—Ich tsam añwat tájca iga añcijunçot tum pxiñ dapic ti iwatne iga accaataiñ.

Pero jeeyaj nımyaj:

—Ich da anticutigiyi. Je cuestión de mimich.

⁵ Ocmi jém Judas ipatsquet jém tumiñ maçticjom. Nic. Najúpcatá iyaac.

⁶ Jém panij añjagooyi ipin jém tumiñ. Nımyajpa, yíp tumiñ da wiap tañcot jém cajonjom jut accáyçap jém ofrenda porque yíp tumiñ niipiñ ichowa.

⁷ Ocmi iwatyaj acuerdo iga ijuyayjpa tum jaca nas con jém tumiñ. Jém lugar iñiyi jém suuñnascim. Ijuyay iga iniit lugar jut cumyajtap jém juumipic pxiñtam. ⁸ Jeeyucmi hasta sip iñiyi jém nas, jém Niipiñ ichowa. ⁹ Jempam cupacpa juuts nımpa jém wiñçpic añmaçwiñ jém Jeremías: “Jém treinta tumiñ de plata tum pxiñ ichowa. Iccámáy jém precio jém Israelpic pxiñtam. Ipagayyaj jém pxiñ ichowa. ¹⁰ Con jém tumiñ ijuyay jém nas jut wattap suun juuts anímáy jém tanjatun Dios.”

Nanicçá Jesús jém Pilato iwiñjom (Mr. 15:2-5; Lc. 23:3-5; Jn. 18:33-38)

¹¹ Jesic nanicçá Jesús jém gobernadorcçim. Jém gobernador icwác Jesús. Nımayçá:

—¿Micham miRey de jém judíos?

Jesús iñímáy jém gobernador:

—Aicham, juuts mich miñımpa.

¹² Jesic cuando jém panij añjagooyi con jém wídaytam iquejajwadáy Jesús, da ti icutson. ¹³ Jesic jém Pilato iñímáy Jesús:

—¿Que da immaton iga agui jáyan cosa sip iñımyaj en contra de mimich?

¹⁴ Pero Jesús datim icutson. Jesic jém gobernador agui ipooñanjampa.

Chiitá orde iga accaatap jém Jesús (Mr. 15:6-20; Lc. 23:13-25; Jn. 18:38–19:16)

¹⁵ Cada naspa jém pascuasın, iniit tum costumbre jém gobernador iga icutsigápa tum preso para jém pxiñtam juuts jeeyaj icupınyajpa. ¹⁶ Pajnetá idic tum pxiñ iñiyi Barrabás. Jodóçaneta iga agui malo. ¹⁷ Cuando añtuumaneyaj itumpiy jém pxiñtam, jém Pilato icwácayjpa. Iñímáy:

—¿I iñxuntampa iga añcutsigápa, jém Barrabás o jém Jesús, iñiyiñim Cristo?

18 Porque ijodon jem Pilato iga jem Israelpic anjagooyiyaj agui ijóyixyajpa Jesús, agui icujóyiyajpa jeeyucmi icijunꞑcotyaj.

19 Iganam coñ jem Pilato jut cꞑpínjóyꞑpa, jem iyomo icutsadáy anꞑaꞑti. Nímayta jem Pilato: “Odoꞑ tigiycuumi con yíp wibic pꞑxiñ. Porque tsúmic agui amalmawíñā yíbam pꞑxiñ icuyucmi.”

20 Pero jem panij anjagooyiyaj con jem wídaytam inímayyajpa jem pꞑxiñtam iga iwácayajñ iga cutsigaytañ jem Barrabás y accaatañ jem Jesús, hasta ijícayaj jem pꞑxiñtam. 21 Jesic eybic jem gobernador inímáy jeeyaj:

—¿Juppíc de yíp wisten pꞑxiñ inwianjamta iga anꞑcutsigáyꞑpa?
Nímayaj:

—Barrabás.

22 Jesic jem Pilato eybic icwácꞑpa jem pꞑxiñtam. Nímayyajta:

—¿Tí inwianjamta iga anꞑwadáyꞑpa yíp Jesús iníyitim Cristo?

Itumpiy jem pꞑxiñtam icutsonꞑyaj. Nímayaj:

—¡Cunúntaami cunusyucmi!

23 Jesic Pilato inímáy jem pꞑxiñtam:

—¿Tíiga? ¿Tí mal iwatne?

Pero más pimi jiyajpa jeeyaj. Nímayaj:

—¡Cunúntaami cunusyucmi!

24 Cuando iix jem Pilato iga da ti wiꞑp iwat iga síp icujíñayyaj jem pꞑxiñtam, iwác uxajñ ni, iche ici jem pꞑxiñtam iwiñjom. Nimpa:

—Ich da anaí la culpa iga accaataꞑ yíp wibic pꞑxiñ. Da ti iwatne. Yíp cuestión de mimichtam.

25 Nímayaj itumpiy jem miññeyajwiip:

—Aichtam con jem ammanictam anaítta la culpa iga accaataꞑ yíp pꞑxiñ.

26 Jesic ocmi jem Pilato icutsigáy jem Barrabás. Ipimíy jem soldado iga cóstajñ Jesús. Icijunꞑcodáy jem soldado iga icunúnayajñ cunusyucmi.

27 Jesic jem gobernador isoldado ininic Jesús tum mijpic cuarto jut anꞑtuumaneyaj tsam jáyꞑ jem soldado. Itumpiy icuteñxetꞑyaj Jesús.

28 Tsodayta jem yagatspic iyootí. Accámáyta jem tunꞑac yooti jem tsabatspic.

29 Jem soldado itagayyaj tum apit corona, icámayyaj icobacyucmi. Ichiyaj tum cuy iga imatspa inwiciimi juuts tum rey. Icošteñayyajpa jem Jesús iwiñjom. Ixaayiyajpa. Nímayaj:

—¡Xutsóy miRey de jem judíos!

30 Ichujcayajpa. Itobayyaj jem icuy iga iyígáyꞑpa icobac. 31 Cuando yaj ixaayiyaj, iccáyáy jem tsabats yootí, icámáy eybic jem iyootí jem imichipic. Ocmi nanicta iga cunúntꞑ cunusyucmi.

Cunúntꞑ cunusyucmi jem Jesús

(Mr. 15:21-32; Lc. 23:26-43; Jn. 19:17-27)

32 Cuando niꞑuiyaj tunjom, ipát tum Cirenepic pꞑxiñ iníyi Ximój. Jem soldado ipimíy jem Ximój iga ininigáyñ jem Jesús icunus.

33 Jesic núcyaj tum lugar iníyi Gólgota. Nimtooba jem Tsútsꞑobacpacciim.

34 Jemum ichiyaj jem vino namotnetꞑ con chuxñiwi. Cuando icutís Jesús jem vino, da iuc.

35 Cuando yaj icunúnayaj cunusyucmi jem soldado, iwatyajpa sorteo entre jeeyaj i icoñwíꞑpa iga imichꞑp jem Jesús ipuctucu. Jempigam cupac

juuts nĩmpa jém wiñicpic añmatcĩwiñ: “Iwécyajpa ampuctũcu entre jeeyaj. Iwatyajpa sorteo.” ³⁶ Jesic coñyajpa jém soldado iga iwatyajpa cuenta. ³⁷ Jém icobacantĩcmĩ accámayta tum letrero juť nĩmpa tiiga accaata: “Yĩbam jém Jesús jém judíos iRey.”

³⁸ Jesic cunúnaytatĩm wistẽn númyajpaap jeetim lugar juť cunúnta Jesús. Páñayta tum jém icunus jém Jesús inwĩmĩ y tum inñaymĩ. ³⁹ Jém nasyajpáppic jem inwĩñóyayyajpa con icobac, tsam imalmalnĩmayyajpa. ⁴⁰ Inĩmayyaj:

—Mich miñmpa iga immiswatpa jém mijpic mastic y tucunajama inictsumpa eybic. Siiga Dios miMānic, naciapputtaji iñyaac. Nacunúnaytaji jém cunusyucmĩ, queti.

⁴¹ Agui ixaayiyaypatim jém panij añjagooyiyaj, jém escribaspic maestroyaj, jém fariseoyaj y jém wıdaytam. Nĩmyajtim jeeyaj:

⁴² —Yĩp pıxiñ iciacputpa tungac, pero iyaac da wiap iniciacputta. Si iga nũma jém Israelpic iRey, jecunúnaytajiñ, jesic tañcupictampa. ⁴³ Tsam icupicpa iga Dios wiap iyoxpát, jesic siip wı iga Dios iciacpudiñ siiga nũma itoypa; como tanĩmayñe iga Dios iMānic.

⁴⁴ Hasta jém númyajpaap, jém cunúntawıip con Jesús, imalnĩmáytim.

Ca jém Jesús

(Mr. 15:33-41; Lc. 23:44-49; Jn. 19:28-30)

⁴⁵ Jesic icuwiťi jém naxyucmĩ cupiichā dende cugapjama hasta las tres de la tarde. ⁴⁶ Jesic jeetim hora pimi jiy jém Jesús. Nim:

—Elı Elı, ¿lama sabactani?

Yĩp nĩmtooba: ManDios, manDios, ¿tiiga antsac añcutum?

⁴⁷ Algunos jém teññeyajwıip jem cuando imatonjaj, nĩmyajpa:

—Yĩp pıxiñ sıp inwejay jém wiñicpic añmatcĩwiñ jém Elías.

⁴⁸ Jeeti rato nic poyimĩ tum de jeeyaj. Nic ipic tum esponja juuts tum puqui. Imuj con jém tamptic vino. Iccám tum waycuyyucmĩ iga igucpa Jesús. ⁴⁹ Pero tungac nĩmyajpa:

—Tsaci, tánixpa siiga miñpa iciacput jém Elías.

⁵⁰ Eybictim pimi jiy Jesús, jesic caum. ⁵¹ Jeeti rato jém mijpic punctuañi jém itwıip jém mijpic masticjom teeñajsaj icucmĩ dende siñwiñ hasta naxwiñ. Tsam yıs jém nas, pooyaj jém mijpic tsa. ⁵² Jém tsúts ijos añáyayaj. Pisyaj jáyan jém pıxiñtam jém icupicneyajwıip Dios, jém wiñicpic caaneyaj. ⁵³ Ocmĩ cuando acpısta jém Jesús, putyaj ijosjom jém tsúts, nicyaj hasta jém atebet Jerusalén. Jemum tsam jáyan pıxiñtam iixyaj.

⁵⁴ Jesic jém capitán con jém iwatyajpáppic cuenta jém Jesús, cuando iixyaj iga pimi yıs jém nas y iixtim ti naspa jem, tsam pimi cıñyaj. Nĩmyaj:

—Nũma, yĩp pıxiñ jém Dios iMānic.

⁵⁵ Ityajtim jem wati jem yomtam, juumĩ iixyajpa ti iñasca jém Jesús. Yıpyaj yomtam iwaganamiñyaj Jesús jém naxyucmĩ de Galilea, jém iyoxpátneyajwıip. ⁵⁶ Entre jeeyaj ittim jém Malía Magdalena, jém Malía jém Jacobo y José iapa, ittim jém Zebedeo iyomo.

Cumtap jém Jesús

(Mr. 15:42-47; Lc. 23:50-56; Jn. 19:38-42)

⁵⁷ Jesic tsuuyim miñ tum pıxiñ tsam rico iñyi José. Tsucum jém atebet Arimatea, jém Jesús icuyujcĩwiñim. ⁵⁸ Jesic jém José nic iám jém Pilato,

iwágáy jém Jesús imíjtay. Jesic jém Pilato ipiimíy jém soldado iga ichiáiyiñ jém imíjtay. ⁵⁹ Jesic José ipigáy jém Jesús imíjtay, inmónáy con tum wibic puctucu. ⁶⁰ Icot jém tsaajosjom, jém José imüchi, jém yaguñpic iwatne. Ocmi injopnúc jém tsaajos con tum mijpic tsa. Yaj iwat jempic, setum. ⁶¹ Ittim jem jém Malía Magdalena y jém tunçac Malía. Coñyay jém tsaajosañçaca.

Jém soldado iwatyajpa cuenta jém tsaajos

⁶² Ocmi cuyaj jém jama iga iwítsacyajpa itumpiy cosa para jém jejcuy jama. Cuando tigiy jama, añtuumayajpa jém panij anjagooyi y jém fariseoyaj, nic iámyaj jém Pilato. ⁶³ Iníimayyaj:

—Mananjagooyi, anjista iga jém migoypaap cuando danam caane, nimpia iga: “Jém tucunajama ich apispa de jut cumneyajta jém caaneyajwiip.”

⁶⁴ Jeeyucmi cutsati jém soldado iga iwatpa cuenta jém jos jut cumta hasta jém tucunajama. Wiap imiñyay jém icuyujçwiñ tsuucim, ininigayyajpa jém imíjtay. Ocmi nimyajpa iga: “Numa pisneum de jut cumnetaj jém caanewiip.” Siiga iwatyajpa jempic, jesic jém ocmipic migooyi más pimi malo que jém wiñtipic.

⁶⁵ Jém Pilato iníimáy:

—Yim it jém soldado. Wagananici. Nigi wattaami cuenta jutspiyam miwiap.

⁶⁶ Jesic ocmi nicyaj iga iwatyajpa cuenta jém tsaajos. Icámáy tum sello jém jos innúccuyucmi iga quejiñ siiga i ináypa. Jemum ichacyaj jém soldado iga iwatyajiñ cuenta.

28

Pis jém Jesús

(Mr. 16:1-8; Lc. 24:1-12; Jn. 20:1-10)

¹ Cuando nasum jém jejcuyjama, tunçagam cuqueja, joccuquej, jém wiñtipic jama de jém semana, jém Malía Magdalena con jém tunçac Malía nic iámyaj jém jos. ² Jeeti rato miñ tum mijpic nasyixi. Quet tum sinyucmipic pixiñ jém icutsatnewiip tanjatun Dios. Cuando núc jém tsaajoscim, iccáy jém tsa jém josañnúccuy, ocmi icofça. ³ Tsam tsoçpa juuts quénpa majiywiñ. Tsam pimi popo jém ipuctucu juuts nieve. ⁴ Cuando jém soldado iixyay, tsam pimi çinyaj, cuetsayyajpa. Tsiyyaj juuts caane. ⁵ Jesic jém sinyucmipic pixiñ iníimáy jém yomtam:

—Odoy çinçtaami. Ich anjodonj iga miñ imméts jém Jesús jém cunúntawiiip cunusyucmi. ⁶ Dam i yim. Pisneum, cupac juuts nim. Miñi aami jut tsacneta idic jém tánomi. ⁷ Nici jobit, añmadaayi jém icuyujçwiñ iga pisneum de jut it jém caaneyajwiip. Siip anjagóypa inic jém naxyucmi de Galilea. Jemigam mictsíyftampa. Jisi iga mannimayñeum.

⁸ Jesic jém yomtam cáyyaj de jém tsaajoscim. Tsam pimi çinyaj, pero agui maymayyaj. Póyançucum, nic inmadáy jém icuyujçwiñ iga pisneum jém Jesús. ⁹ Iganam niçuiyay jém yomtam, iwiñquejáy jém Jesús tunjom. Idioschi. Jesic jém yomtam icunúcyaj Jesús, icosteeñayyaj, inuusayyaj ipuy iga ijsiyajpa.

¹⁰ Jesic Jesús iníimáy jém yomtam:

—Odoy çinçtaami. Nigi nímaayi jém antiwítam iga nicyajiñ jém naxyucmi de Galilea, jemigam aixyajpa.

Ti iníimayyaj jém soldado jém anjagooyi

¹¹ Iganam nicyajpa jém yomtam algunos jém soldado jém iwatnewiip cuenta jém tsaajos, nic inmadayyaj jém panij anjagooyi ti inñascayaj. ¹² Jesic jém panij anjagooyiyaj nic ininmat jém wídaytam iga iwatyajpa acuerdo. Jesic tsam jáyan tumiñ chiiyajta jém soldado. ¹³ Nímayyajta jém soldado:

—Mimichtam nimtaami iga: “Tsuucim iganam amonñámpa, miñ jém Jesús icuyujcwiñ; inñumáy jém imijtay.” ¹⁴ Siiga ijodónap jém gobernador, ich mancupujpa iga odoy michiñ castigo.

¹⁵ Jesic jém soldado ipictsonyay jém tumiñ, nic iwatyaj juuts ipimiy jém panij anjagooyi. Jempigam nimyajpa jém judíos hasta sip.

Jesús inquímpa jém icuyujcwiñ

(Mr. 16:14-18; Lc. 24:36-49; Jn. 20:19-23)

¹⁶ Jesic jém once icuyujcwiñ nicyaj jém naxyucmi de Galilea. Quím jém cotsicyucmi juuts inñimayñe Jesús. ¹⁷ Cuando iixyaj Jesús, icosteeñayyaj. Aunque algunos ijispa iga migooyi, da iwícupicpa. ¹⁸ Jesic Jesús icunúc jém icuyujcwiñ. Inñimáy:

—Achiiñeta jém pimi iga ananjacpa jém ityajwiip siñyucmi y naxyucmi. ¹⁹ Nigi anmadaayi Dios inmati itumpiy jém pixiñtam icuwiti yip naxyucmi. Anquejaayi jém wibic anmati iga tsíyyajiñ juuts ich ancuyujcwiñ. Acchiñtaami jém acupicnewiip jém anjatun inñiyimi, jém Dios imaníc inñiyimi y jém Dios inñinama inñiyimi. ²⁰ Anquejayyaj iga icupicyajiñ itumpiy jém anañquimayooyi jém manañmadayñewiip. Jodónataami iga ich manwaganaítpa itumpiy jama hasta cuyajpa yip nas.

Jemum cuyaj.

Jém wibic an̄maṭi jém ijayñewiip jém Marcos

Jém Xiwan jém acchíoyopaap najíyóyapa jém titsinaxyucmi

(Mt. 3:1-12; Lc. 3:1-9, 15-17; Jn. 1:19-28)

¹Yiimpic tsucum jém wibic an̄maṭi iga taciaputtámiñ jém tánQmi Jesucristo.

²Jém wiñicpic profeta jém Isaías ijaychacne ti iñímáy jém tanJatur̄ Dios: Wiñti an̄cutsatpa tum profeta, jém p̄ixiñ̄ an̄jagoyñeeba iñic. Miwitsagáyapa jém iñt̄ur̄.

³Nicyajpa jém p̄ixiñ̄tam jém titsinaxyucmi jut da ti idíyiy iga imaton̄yajpa jém najíyoyapaap. P̄imi najíyóyapa jém p̄ixiñ̄.

Nimpa: “Áñáyaayi jém tánQmi itur̄.

Tsaci iga immalwattámpa porque miñpa jém tánQmi.”

⁴Jesic tum jama núc jém Xiwan jém titsinaxyucmi jut da ti idíyiy iga in̄matpa jém Dios in̄maṭi y icch̄in̄pa jém p̄ixiñ̄tam, iñímáyapa:

—Tsaci iga immalwatpa y Dios miwadáyapa perdón jém iñt̄an̄ca. Miñtaami, manacch̄in̄támpa iga quejiñ̄ iga in̄cucacneum jém iñj̄ixi.

⁵Jesic itumpiy jém Judeapic p̄ixiñ̄tam con jém Jerusalénpic p̄ixiñ̄tam nicpa imaton̄yay jém Xiwan jém acchíoyopáppic. Cuando jém p̄ixiñ̄tam in̄madayyajpa Dios jém it̄an̄ca, jém Xiwan icch̄in̄pa jém río de Jordán.

⁶Da w̄icuyajne jém Xiwan. Jém iyooti tacne con jém camello ipic, agui jutsóyapa. Jém im̄j̄pactencuy tum tsoocuero. Icut̄pa jém awu, iucpa jém jim̄ñi ch̄iñ̄u. ⁷Jesic jém Xiwan in̄madáyapa jém p̄ixiñ̄tam jém Dios in̄maṭi. Nimpa:

—Miñpa antuuñian̄c̄im tum p̄ixiñ̄ más wiap que aich. Da wiap annasca, da wiap an̄c̄uwijáyáy jém ic̄iac. ⁸Ich manacch̄in̄támpa con ni, pero jém miñpáppic micch̄in̄támpa con Dios iAnama.

Acch̄in̄tap jém Jesús

(Mt. 3:13-17; Lc. 3:21-22)

⁹Jesic jeetim tiempo put iticmi jém Jesús jém atbet Nazaret jém naxyucmi de Galilea. Jesic jém Xiwan icch̄in̄ Jesús jém río de Jordán. ¹⁰Iganam putpa n̄ic̄im jém Jesús, iix iga áñáy jém siñ. Quet jém Dios iAnama juuts tum cuucu, nummiñ, núc hasta Jesúsycmi. ¹¹Jém ityajw̄iip imaton̄yay tum j̄iyi siñyucmi. N̄imayta jém Jesús:

—Mich mammanic, tsam mantoypa. Siip agui amaymay con mimich.

Cut̄itstap jém Jesús

(Mt. 4:1-11; Lc. 4:1-13)

¹²Jesic jeeti rato jém Dios iAnama in̄inic jém Jesús jém titsinaxyucmi jut da ti idíyiy. ¹³Nic̄ it̄i cuarenta jama jém titsinaxyucmi jut ityaj jém jim̄ñi an̄imat̄yay. Jesic jém Wocciwiñ̄ miñ icut̄its jém Jesús iga icmalwatpa idic. Jesic ocmi miñyay jém siñyucm̄ipic p̄ixiñ̄tam, icuyoxayajpa jém Jesús.

Jesús moypa iwat jém Dios iyoxacuy jém naxyucmi de Galilea

(Mt. 4:12-17; Lc. 4:14-15)

¹⁴ Ocmi matsta jém Xiwan, pajta cárcel. Iganam pajnetá jém Xiwan, nic Jesús jém naxyucmi de Galilea iga inmatpa jém wibic anmati iga núctooba jém jama iga Dios injacpa yíp naxyucmi. ¹⁵ Nimpa Jesús:

—Siip núcneum jém tiempo jém ininjócnetawwíp. Dam jáyñe Dios injacpa jém ityajwíp yíp naxyucmi. Jesic tsaci iga immalwatpa, cucaci inñixi, cupictaami jém wibic anmati iga miciaacputtamtañ.

Jesús inwejay cuatro jém tüptero

(Mt. 4:18-22; Lc. 5:1-11)

¹⁶ Cuando naspa Jesús jém laguna anñaca inñiyi Galilea, iix jém Ximoy con itíwi Anti. Síp ipatsyaj jém ired jém laguna porque tüpterojay. ¹⁷ Jesic Jesús inímáy jeeyaj:

—Atúnjytaami. Siip nicpa tamméts jém pixiñtam juuts tüpi.

¹⁸ Jesic jeeti rato ichacyaj ired, nic itúnjyyaj jém Jesús.

¹⁹ Jesic nic Jesús uxaj más juumi, ipát jém Jacobo, jém Zebedeo imaníc, con itíwi jém Xiwan. Ityaj jém barcojom, síp injtótsyaj ired. ²⁰ Jesic jeeti rato inwejaytím jeeyaj.

Jesic Jacobo y Xiwan ichacyaj ijatuj jém Zebedeo jém barcojom con jém imozoyaj. Nic itúnjyyaj jém Jesús.

Tum pixiñ imatsne idic tum mal espíritu

(Lc. 4:31-37)

²¹ Jesic nicyaj jém atebet Capernaum. Jeetim jecuyjama, tigiy Jesús jém sinagoga. Moj inquejay jém Dios inmati jém pixiñtam. ²² Jesic jeeyaj tsam tñeanjacyaj cuando imatonjay ti nimpa jém Jesús. Porque najiyóypa juuts tum anjagooyi da juuts jém escribaspic maestroyaj. ²³ Jém sinagoga it idic tum pixiñ imatsne tum mal espíritu. Pimi anwejpa, nímayta Jesús:

²⁴—Mijesús miNazaretpic, ¿tiiga ammoogíypa aichtam? ¿Que miñpa anacogoyta? Mánixpicpa, mich jém Yucmipic Dios miMüchi.

²⁵ Jesic Jesús iwogáy jém mal espíritu, inímáy:

—Odoy jiyi. Puti yíp pixiñ inamanjom.

²⁶ Jém mal espíritu iccutin jém pixiñ naxyucmi. Pimi anwejpa jém mal espíritu, ocmi put. ²⁷ Pimi anjécneyaj jém pixiñtam. Moj nacwácyajtaji entre jeeyaj:

—¿Tiapaap? ¿Que tum jomipic anquímayooyi inimiññe yíp pixiñ? Wiap ipimíy jém mal espíritu juuts tum anjagooyi y icupicyajpa.

²⁸ Jicsciy wanpa icuwiti jém naxyucmi de Galilea ti iwatpa jém Jesús.

Jesús icpis jém Ximoy imüdapa

(Mt. 8:14-15; Lc. 4:38-39)

²⁹ Jesic cuando putyaj jém sinagoga jém Jesús con icuyujcwiñ, nicyaj jém Ximoy y Anti iticcim, iwagananicyajtim jém Jacobo y jém Xiwan. ³⁰ Mimne jém Ximoy imüdapa. Tsam pimi jawanáy. Wone icheesmi. Cuando núc jém Jesús, anmadayta iga mimne jém yomo. ³¹ Jesic Jesús icunúc jém yomo, imatsáy ici, ijictsucum. Jeeti rato ichac jém jawaj, mojum iwat jém wíccuy iga acwíctap Jesús con jém icuyujcwiñ.

Jesús icpis jáyaj jém mimneyajwíp

(Mt. 8:16-17; Lc. 4:40-41)

³² Jesic tsuuyim cuando tigiñeum jama, jem pixiñtam inimíñayyaj Jesús itumpiy jem mimneyajwip y jem imatsneyajwip jem mal espíritu. ³³ Itumpiy jem ityajwip jem atebet antuumayaj jem Ximoy itiganaca. ³⁴ Jesic Jesús icpis jáyan jem mimneyajwip, jem inityajwip wati jem caacuy. Itoptim jáyan jem mal espíritu. Pero Jesús da ijigáy iga jiyapa jem mal espíritu porque jeeyaj iixpicpa iapaap jem Jesús.

Najíyóypa Jesús jem naxyucmi de Galilea

(Lc. 4:42-44)

³⁵ Jesic tsam tsuuytim, piichcimnam, yus jem Jesús. Put jem tiganjom, nic icutum tum lugar jut da i idíyíy. Nic inwejpát Dios. ³⁶ Jesic jem Ximoy con jem icompañeroyaj nic icuámyaj jem Jesús. ³⁷ Jesic ipátyaj, inímayyaj:

—Sip mimétsyaj wati jem pixiñtam.

—Jesic Jesús inímay:

—Tanictampa jem tungac tiganjooyaj jem ityajwip nocojom iga ananmatpatim jem wibic anmati. Jeeyucmi ich amiññe yip naxyucmi.

³⁹ Jesic nic Jesús itumpiy jem atebetayaj icuwiti jem naxyucmi de Galilea. Cada atebet najíyóypa Jesús jem sinagoga. Itoptim jáyan jem mal espíritu.

Jesús icpis tum pixiñ jem cupúgayñewip inaca

(Mt. 8:1-4; Lc. 5:12-16)

⁴⁰ Jesic miñ tum pixiñ cupúgayñe inaca, icunuc Jesús. Icosteeñáy jem Jesús ipuycim. Iacunucáyapa jem Jesús iga iyoxpádiñ, nimpá:

—Siiga inwianjam, wip anacpis.

⁴¹ Jesic Jesús tsam iyaachanjam, ichiccunuc jem pixiñ, inímay:

—Anwianjam. Micuáyñeum.

⁴² Jesic cuando yaj nimi Jesús, jeeti rato ichacum jem lepra caacuy, witsiyum jem inaca. ⁴³ Jesic Jesús inquimpa jem pixiñ, duro ipimíy, ⁴⁴ inímay:

—Odoy i anmadaayi iga ich manacpis, nigí anquejaayi jem panij iga michacneum jem caacuy. Nanigaayi jem ofrenda juuts nimpá jem Moisés inquimayooyi iga miixtañ iga numá mipisneum.

⁴⁵ Pero jem pixiñ da iwat jempic. Nic inmat jutquej ti iwadáy jem Jesús. Jeeyucmi da wip itigiy Jesús ni tum atebet jut ixtap porque jem pixiñtam tsam inuumacayajpa. Jesic siiba anxicmi jut da ti idíyíy. Pero miñyajpa jem pixiñtam jutquej iga iixyajpa jem Jesús.

2

Jem Jesús icpis tum pixiñ tusacaneuwip

(Mt. 9:1-8; Lc. 5:17-26)

¹ Cuando nas juna jama, set eybic Jesús jem Capernaum. Cuando ijodónayaj jem pixiñtam iga setneum iticcim, ² jeeti rato antuumayajpa tsam jáyan pixiñtam hasta da cutigiyajpa jem tiganaca. Jesús inquejáyapa jem Dios inmati. ³ Jesic cuatro pixiñ inimíñayyaj Jesús tum cuxuj tusacane icumij. Cópnetá inimiñta. ⁴ Pero como tsam itñim, da wip ininas jem mimnewip iga icunucpa Jesús. Jesic iniquimayaj tigancobac, ijetyaj jem tic itecho. Yaj ijetyaj, ijimquetyaj tipsyucmi jem cuxuj con ichees hasta jut it Jesús. ⁵ Jesic mu iix Jesús iga tsam icupicyaj iga wip icpisóy, inímay jem cuxuj:

—Manic, miwadayñeta perdón jem iñtãca.

⁶ Jemum coñyay jem escribaspic maestroyaj. Moj ijisyay ijixianjom: ⁷ “¿Yíp pxiñ tiiga nimpa yïmpic? Síp icuyiy tanDios. Jém tanJatur Dios iyaac wiap iccáyáy tum pxiñ itãca.” ⁸ Pero Jesús ijodon ti súp ijisyay, jesic iñímáy:

—¿Tiiga iñjistampa jempic? ⁹ ¿Ti más da tãca iga annímáypa yíp cuxuj iga “Miwadayñeta perdón jem iñtãca” o iga annímáypa iga: “Tsucumim, piñim iñchees, wítim?” ¹⁰ Pero iga iñjodónatamiñ iga jem Miññewiip Siñyucmi iniit ipimi iga wiap iccáyáy jem pxiñtam itãca yíp naxyucmi (jesic Jesús iñímáy jem cuxuj): ¹¹ Mannímáypa, tsucumim, piñim jem iñchees, nicsim iñtícmi.

¹² Iganam iámyajpa jem pxiñtam, tsucum jem cuxuj, jeeti rato ipin jem ichees, put jem ticjom. Jeeyaj agui ipooñanjamyaj, moj icujípyaj Dios. Nimyaj: —Da queman tánix yicxpíc milagro.

Jesús iñwejay jem Leví

(Mt. 9:9-13; Lc. 5:27-32)

¹³ Jesic eybic nic Jesús jem laguna añaca. Jesic antuumayajpa tsam jáyan jem pxiñtam jut it Jesús. Moj inquejayajta jem Dios inmatí. ¹⁴ Jesic moj niqúi Jesús, naspa jut ichécyajpa jem impuesto. Iix iga jemum coñ jem Leví, jem Alfeo imaníc. Jesic Jesús iñímáy jem Leví:

—Atúñiyi.

Jesic tsucum jem Leví, nic itúníy jem Jesús.

¹⁵ Ocmi nic wiiqui Jesús con icuyujcïwiñ jem Leví iticciim. Iwaganacoñyay jáyan jem ichécyajpaap impuesto y jem tungac jem tãcaiyayajwïp. Tsam jáyan de jeeyaj itúníyayajpa jem Jesús. ¹⁶ Pero cuando jem fariseoyaj con jem escribaspic maestroyaj iixyay iga jem Jesús iwaganawícayajpa jem ichécyajpáppic impuesto y jem tungac tãcaiywïp, jesic iñímayyajpa jem Jesús icuyujcïwiñ:

—¿Tiiga wagawícayajpa jem immaestro con jem tãcaiywïp?

¹⁷ Cuando imaton jem Jesús ti nimyajpa, jesic iñímáy jeeyaj:

—Jém dapic mimne da ixunpa jem tsóyíyoopaap, pero jem mimneyajwïp ixunpa jem tsóyíyoopaap. Ich da amiñ iga anañwejáy jem dapic tãcaiy, pero miñ anañwejáy jem tãcaiywïp iga ichacyajiñ jem itãca.

Inmatpa Jesús de jem ayuno

(Mt. 9:14-17; Lc. 5:33-39)

¹⁸ Tum jama jem Xiwan icuyujcïwiñ y jem fariseoyaj iwatyajpa ayuno. Jesic tungac miñ icwácay jem Jesús, nímayta:

—¿Tiiga iwatyajpa ayuno jem Xiwan icuyujcïwiñ y jem fariseoyaj, pero mich inucuyujcïwiñ da iwatyajpa ayuno?

¹⁹ Jesic Jesús iñímáy jem miññeyajwïp:

—Cuando yoomíyapa tum pxiñ, inisñap jem iamigoyaj. Jesic iganam it jem yoomíyapaap, da wiap iwatyaj ayuno. ²⁰ Pero núcpa jem jama cuando nanicnetawum jem yoomíyapaap, tsíyyajpa iamigoyaj icutum. Jesic numa iwatyajpa ayuno.

²¹ Da i inótspa tum pecapic yooti con tum jaca jem jomipic puctucu. Siiga i inótspa jem pecapic yooti con jompuctucu, jesic nianxichpa jem jomipic y ocmim jacpa jem pecapic yooti jut núnmatzne jem intooichi. ²² Da i icucompa jem jomvino jem pecapic cuerobolsajom. Porque siiga jempic inwatpa, jesic

pipa jém jomvino, tojaṅsajpa jém pecapic cuerobolsa, cutegáypa jém vino, togoypatim jém cuerobolsa. Más wí iga cucomtap jém jomvino jém jomipic cuerobolsajom.

Jém Jesús icuyujcwiñ itúcyajpa trigo jém jejcuy jama

(Mt. 12:1-8; Lc. 6:1-5)

²³ Tum jejcuy jama widaṅnaspá Jesús juṭ ñipnetá jém trigo. Cuando widaṅnasyajpa jém icuyujcwiñ, moj itúcyaj jém trigo ipac. ²⁴ Jesic jém fariseoyaj iñimayyaj jém Jesús:

—Ixí jém iṅcuyujcwiñ, ¿tiiga iwatyajpa jempic jém jejcuyjama contra jém tanaṅquímayooyi?

²⁵ Jesic Jesús iñimáy jém fariseoyaj:

—¿Que da immayñe ti iwatyaj jém David con icompañeroyaj cuando tsam yaachayajpa, tsam yuayajpa? ²⁶ Jém David con icompañeroyaj tigiyaj jém Dios iticjom cuando it jém cobapic panij jém Abiatar. Jém David icút jém caxtánañi jém tsacnetawip altaryucmi. Ichiitim jém icompañeroyaj. Tanjodoṅ iga jém tanaṅquímayooyi da ijcpa iga i icútpa jém masticjompic caxtánañi, nada más jém panijyaj.

²⁷ Jesic Jesús iñimáyim jém fariseoyaj:

—Dios ichac jém jejcuy jama iga iwíwadayyajñi jém pxiñtam. Da iwat jém pxiñtam iga ixutsyajpa jém jejcuy jama. ²⁸ Ich, jém aMiññewip Siṅyucmi, achiita jém pimi iga wiap annimáy jém pxiñtam ti wiap iwatyaj jém jejcuyjama.

3

Jém pxiñ jém titsnewip ici

(Mt. 12:9-14; Lc. 6:6-11)

¹ Jesic eybictim tigiy Jesús tum sinagoga. Jemum it tum pxiñ titsne ici. ² Jesic jém Jesús ienemigoyaj tsam icuixyajpa siiga icpispá jém pxiñ jém jejcuyjama iga iquejajwadayyajtooba jém anjagooyicim. ³ Jesic Jesús iñimáy jém pxiñ jém titsnewip ici:

—Teñchucumi. Mjñi miteñi yip pxiñtam aṅcumi.

⁴ Jesic icwácpa Jesús jém ityajwip jem. Nímayyajta:

—¿Ti wiap tanwat jém jejcuyjama? ¿Wí iga tanwíwatpa o iga tammalwatpa? ¿Wí iga tanjacpuáyypa tum pxiñ ivida o tannaccáyypa?

Pero jeeyaj da jiyaj. ⁵ Jesic Jesús icuámset jém pxiñtam, tsam jóyñe y anyácne iga agui maloyaj jém ianama. Jesic iñimáy jém pxiñ, jém titsnewip ici:

—Timi iṅci.

Jesic jém pxiñ itim jém ici, wítsiyñeum. ⁶ Jesic putyaj jém fariseoyaj. Anṭuumayaj con jém Herodes ipxiñtam, moj ijisyaj jutsap iccaayaj jém Jesús.

Núcyaj tsam jáyay jém pxiñtam jém laguna aṅṅaca

⁷ Nicyaj jém Jesús con icuyujcwiñ jém laguna aṅṅaca. Tsam jáyay jém Galileapic pxiñtam itúñiyajpa Jesús. ⁸ Juṭ quej ijodoṅayaj jém pxiñtam iga Jesús tsam iwíwatpa. Jesic nic íamyaj jém Jesús. Nicyaj jém Judeapic, jém Jerusalénpic y jém Idumeapic pxiñtam. Nicyajpatim jém ityajwip ni aṅwiñtuc jém río de Jordán y jém ityajwip nocojom de Tiro y Sidón. ⁹ Jeeyucmi

Jesús inímay jém icuyujc#wiñ iga inimíñiñ tum barco jut químpa iga jém pixiñtam odoy icpitsiyajiñ. ¹⁰ Jesús icpis jáyay jém mimneyajw#ip. Jeeyucni itumpiy jém mimneyajw#ip icunúcyajtooba Jesús. Tsam ichicyajtooba iga pisayajiñ. ¹¹ Cuando jém imatsneyajw#ip jém mal espíritu iixyay Jesús, jesic icosteeñayay jém Jesús ipuyc#im, p#imi anweyayja. N#imayja:

—¡Micham Dios miManic!

¹² Jesic Jesús iwogáypa jém imatsneyajw#ip jém mal espíritu. Inímay iga odoy nímiñ iapaap jém Jesús.

Jesús icupij jém doce icuyujc#wiñ
(Mt. 10:1-4; Lc. 6:12-16)

¹³ Jesic ocmi quím Jesús tum cotsicyucmi. Inwejáy jém icupinjpaap juuts je iwianjam. Jesic jeeyaj miñ iámyaj jém Jesús. ¹⁴ Jesic Jesús icupij doce jém icuyujc#wiñ iga iwaganasiiba. Icutsattooba iga niguiñ inmat jém Dios inmat. ¹⁵ Chiitaptim jém Dios ip#imi iga icpisyajiñ jém mimneyajw#ip y iga itopyajiñ jém mal espíritu jém pixiñtam ianamanjom. ¹⁶ Icupij doce jém icuyujc#wiñ: jém Ximoj, iccámáytim in#iyi iga Peto; ¹⁷ Jacobo, con it#iwi jém Xiwan, icuistic Zebedeo imanictam, accámayta in#iyi jém wisten iga Boanerges, y#ip anmat. ¹⁸ Cupinayajtam Anti; Felipe; Bartolo; Mateo; Tomax; Jacobo, jém Alfeo imanic; Tadeo; Ximoj, jém itw#ip con jém partido cananista; ¹⁹ y Judas Iscariote, jém ic#ijun cotw#ip jém Jesús.

N#imayja iga Jesús iniit tum mal espíritu
(Mt. 12:22-32; Lc. 11:14-23; 12:10)

Ocmi Jesús nic tum tic#im con jém icuyujc#wiñ. ²⁰ Eybictim antuumayaj tsam jáyay jém pixiñtam. Da i lugar ni para w#icyajpa jém Jesús con icuyujc#wiñ. ²¹ Jesic cuando ijodóñayaj jém it#iwitam ti iwat jém Jesús, nic imatsyaj porque n#imayja iga locojane Jesús.

²² Jém escribaspic maestroyaj miñyay de Jerusalén. N#imayja:

—Y#ip pixiñ iniit jém mal espíritu injagooyi, jém Beelzebú, ianamanjom. Jeam ichi ip#imi, jeeyucmi wiap itop jém mal espíritu jém pixiñtam ianamanjom.

²³ Jesic Jesús inwejáy jém maestroyaj. Inquejáy con tum cuento. N#imayyaja:

—¿Jutsap in#itopta iyaac jém Wocci#wiñ? ²⁴ Siiga nawéctap tum gobierno

y ts#iypa wisten partido, y siiga a#ñayajpa, jesic nayajyajtap jém gobierno. ²⁵ Siiga najóyixyajtap tum pixiñ imanictam y a#ñayajpa con it#iwi, jesic nayajyajtap. ²⁶ Siiga nawécyajtap jém Wocci#wiñ idemonio y a#ñayajpa, jesic da jáypa cuyajpa jém Wocci#wiñ.

²⁷ Jém númpaap da wiap itigiy tum pimipic pixiñ iticjom iga icunúmaypa siiga da wiñti ichenpa jém tic iomi. Pero siiga wiñti ichenpa, jesic wiap in#umáy itumpiy jém iniitw#ip itic#im.

²⁸ N#uma mann#imáypa iga wadaytap perdón jém pixiñtam it#iñca. Wadaytaptim perdón siiga icujiyapa jém tanjatuj Dios, ²⁹ pero siiga tum pixiñ icujiyapa jém Dios i#anama, da nunca i iwadáypa perdón jém it#iñca. Chiitap castigo jém dapic nunca cuyajpa.

³⁰ N#impa y#impic jém Jesús porque n#imayja jém pixiñtam iga Jesús iniit tum mal espíritu ianamanjom.

Miñyay jém Jesús iapa con ijáyuctam
(Mt. 12:46-50; Lc. 8:19-21)

³¹ Jesic ocmi núcyaj jém Jesús ijáyuuctam con iapa. Tsíyyaj jém tic aṇṇaca. Aṇwejayṭa Jesús iga míñiñ íám iapa. ³² Coñyay jáyaṇ pixiñtam jém ticjóm. Cucmi tsíy jém Jesús. Jesic jém pixiñtam iñímayyay jém Jesús:

—Jém iñapa con iñt̄iwitam con iñyom̄t̄iwitam núcneyaj jém tiganṇaca. Síp mimétsyaj.

³³ Jesic nĩmpa Jesús:

—¿Pero i jém ánapa, i jém ant̄iwitam?

³⁴ Jesic Jesús íámmats jém coñyajwĩp jem, jém icuwoyexetneyajwĩp. Iñímáy:

—Mimichtam jém mánapa y mant̄iwitam. ³⁵ Porque it̄umpiy jém iwatpaap juuts ixunpa Dios, jeam jém ant̄iwĩ, anyom̄t̄iwĩ y ánapa.

4

Jém cuento de jém iyĩnpáppic jém trigo ipac

(Mt. 13:1-9; Lc. 8:4-8)

¹ Jesic eybictim moj inquejáy Jesús jém pixiñtam jém laguna aṇṇaca. Aṇtuumaneyaj juṭ it̄ Jesús tsam jáyaṇ pixiñtam. Jeeyucmi tigiy tum barcojóm, nic coñi Jesús iga inquejáyapa jeeyaj jém tsíyñeyajwĩp niaṇṇaca. ² Jesic Jesús inquejáyapa jém pixiñtam tsam jáyaṇ wĩtampic j̄ixi cuentujmi. Inquejáyapa yĩmpic:

³ —Síp matonṭaami ti mannímaytámpa. Tum pixiñ nic ñipi, nic iyĩn jém trigo ipac icamjóm. ⁴ Mu iyĩn jém pac, actiṇ uxaj jém tunjóm. Miñyay jém jon, icútquet. ⁵ Actiñt̄im uxaj jém pac tsaanjóm juṭ da i jáyaṇ nas. Jesic jicsciy nay jém pac porque da juchaj jém nas. ⁶ Cuando pijpa jama, iñoonoca jém xuxut planta. Yaj cutitsaayi porque da t̄ichigíy. ⁷ Actiñt̄im uxaj jém pac jém apidanjóm. Jicsciy yón jém apit̄, ixamsamca jém xuxut planta. ⁸ Pero actiñt̄im jém pac jém wibic naxyucmi. Wĩt̄im̄ap. Algunos chióy treinta, algunos chióy sesenta, algunos chióy cien.

⁹ Jesic nĩmpa Jesús:

—Siiga mitatsigiyta amatonṭaami.

Tiiga iṇmatpa Jesús cuentujmi

(Mt. 13:10-17; Lc. 8:9-10)

¹⁰ Ocmi cunigayyaj jém pixiñtam. Cuando icutum tsíy jém Jesús, jém ityajwĩp noco con jém doce icuyujc̄iwĩñ icwácyajpa jém Jesús ti nĩmtooba jém xutu cuento. ¹¹ Jesic Jesús iñímáy jém icuyujc̄iwĩñ:

—Mimichtam, Dios michiiba jém j̄ixi iga in̄cutīiȳytámpa jém j̄ixi jém aṇnécn̄ewĩp idic. Siip in̄cutīiȳytámpa jutsap in̄jac Dios jém ityajwĩp yíp naxyucmi. Pero jém tunṭac pixiñtam, jém dapic icupicneyaj Dios, jeeyaj anaṇmadáyapa cuentujmi. ¹² Dios iwat jempic para jém pixiñtam jém dapic ichactoooba jém it̄añca, jesic cuando iixyajpa, da icutīiȳyayjpa. Cuando imatonṭayajpa, datim ijodónayajpa iga odoy ichacyajiñ iga imalwatpa y odoy i iwadáyĩñ perdón jém it̄añca.

Jesús iṇmadáyapa ti nĩmtooba jém cuento

(Mt. 13:18-23; Lc. 8:11-15)

¹³ Jesic Jesús iñímáyapa jém icuyujc̄iwĩñ:

—Siiga mimichtam da inçutiiyiytámpa yíp xutu cuento, ¿jesic jutsap inçutiiyiyta jém tunçac cuento siiga manañmadáypa? ¹⁴Jém pixiñ jém iñippaap jém pac jex juuts jém pixiñ jém inmatpaap jém Dios inmañti. ¹⁵Jesic cuando ñiptap jém Dios inmañti algunos jém pixiñtam jex juuts jém pac jém actiñnewiip tunjom. Imatonjajpa jém añañti, pero jém Wocçwiñ miñpa iccáyáy jém añañti jém ñipnetawwiip jém pixiñ iñanamanjom. ¹⁶Algunos jém pixiñtam jex juuts jém pac jém actiñnewiip tsañjom. Imatonjajpa jém añañti. Agui maymayyay mu ipictsonyay jém Dios inmañti. ¹⁷Jeeyaj como da tichigiy, da jáypa. Cuando cutitstap, malwadaytap jém Dios inmañti icuyucmi, jesic jóypa jém pixiñ, ichacpa jém Dios inmañti. ¹⁸Algunos jém pixiñtam jex juuts jém pac jém actiñnewiip jém apidanjom. Imatonjajpa jém añañti. ¹⁹Pero jesic tsam ijispa jém iyoxacuy, tsam iwianjam jém tumiñ, tsam icusúnyapatim jém dapic wi yíp naxyucmi. Jesic jexpic jixi ixamsamcaaba jém wibic añañti. Jém pixiñ ichacpa jém Dios inmañti, da wiputpa, da tímá. ²⁰Pero algunos jém pixiñtam jex juuts jém pac jém actiñnewiip jém wibic naxyucmi. Imatonjajpa jém Dios inmañti, icupicyajpa, wítimá. Algunos chióy treinta, algunos chióy sesenta, algunos chióy cien.

Jém cuento de jém jucti (Lc. 8:16-18)

²¹Jesic nímTIM Jesús:

—Tannooba jucti iga tayicquejpa. Da tançujappa cooñcucim ni da tantsacpa tseescucim. Tantunpa yucmi jém jucti iga tayicquejpa. ²²Porque quejpa itumpiy jém añnécnnewiip idic. Itumpiy jém yamnimnewiip, ocmi jodónatap. ²³Siiga mitatsigiyta, matonjaami ti manñimáypa.

²⁴Jesic Jesús iñimáyTIM jém icuyujcwiñ:

—Wadaayi caso iga inwatpa ti manñimáypa. Siiga tsam impictsonjooba jém Dios inmañti, jesic Dios michiiba jáyan jém wítampic jixi. Pero jém pixiñ jém dapic ipictsonjooba, da ti ichiiba Dios. ²⁵Siiga impictsonje jém wibic jixi, jesic miyoxpátpa Dios iga más inçutiiyiyiñ. Pero jém pixiñ jém dapic iwianjam jém wibic jixi, jesic Dios iccáyáypa eybic jém ijixi jém uxañpic iniñ.

Jutsap inpic jém wibic añañti iga tanjajpa Dios

²⁶Jesic nímTIM Jesús:

—Jém wibic añañti jutsap injac Dios yíp naxyucmi jex juuts tum pixiñ iñiptsac tum pac icamjom. ²⁷Jesic jém pixiñ monpa y yuspa, tsuucim y siññi. Jém pac naypa, mijap. Pero jém pixiñ da ijodon jutsap iñay ni jutsap imija. ²⁸Jém nas wiap icmija jém ñipñibooyi, da tanyoxpátpa. Naypa jém pac, yónpa, mijap, ocmi tsampa. ²⁹Jesic cuando tsamum jém itim, nicpa ipiñ jém iomi porque tsamneum.

³⁰Jesic nímTIM Jesús:

—Siip manañquejáypa jutpic añañti jém wibic añañti iga Dios injacpa yíp naxyucmi. Manañquejáypa cuentujmi. ³¹Jém wibic añañti jex juuts tum mostaza ipac ñiptap naxyucmi. Je jém más xutupic pac que itumpiy jém pacyaj. ³²Jesic ñipneum jém pac, yónpa, más mijap que itumpiy jém ñipñibooyiyaj. Iccámpa jém mijpic inçis y jém jonyaj nicpa itiyaj jém cuy inçisyucmi, jejaypa jém icumunjom.

Tiiga accuyujóypa Jesús cuentujmi
(Mt. 13:34-35)

³³ Con wati jém cuento inquejáy Jesús jém pixiñtam jém Dios inmañti hasta jutpic wiañ icutiyyiyaj. ³⁴ Jesús inmadáy cuentujmi itumpiy jém pixiñtam. Pero cuando icutum it con jém icuyujcwiñ, jesc inmadáy jeeyaj ti nímtooba itumpiy jém cuentoyaj.

Jesús icteñ jém sawa y jém nipoa
(Mt. 8:23-27; Lc. 8:22-25)

³⁵ Jesc jeetim jama, tsuáñam, Jesús inímáy jém icuyujcwiñ:

—Tanictámpa jém laguna añwiñtuc.

³⁶ Jesc Jesús inquimayaj jém antuamanejaywip. Jém icuyujcwiñ tigiyyaj barcojom con Jesús. Ininicyajpa Jesús jém laguna añwiñtuc. Iwagananicyajpatim tunjac jém barcoyaj. ³⁷ Iganam niquiyaj barcojom, moj poyi tum sawa tsam pimi. Jesc pimi pooba jém ni, tsam pimi tigiypa ni jém barcojom hasta comtooba. ³⁸ Monpa Jesús jém barco itutscim tum colchonyucmi. Jém icuyujcwiñ ichicyusyaj, inímayyaj:

—Mammaestro, ¿que da inix iga tacumonjtoobam?

³⁹ Jesc yusum jém Jesús, inímáy jém sawa iga teeñiñ. Inímáytim jém lamar: —iTineí, odom tsigooyi!

Jesc teñum jém sawa y tineum jém nipoa. Dam ti tsigóypa. ⁴⁰ Jesc Jesús inímáy jém icuyujcwiñ:

—¿Tiiga tsam micñtámpa? ¿Que da incupictámpa iga Dios tawatpa cuenta?

⁴¹ Tsam pimi cñyay jém Jesús icuyujcwiñ. Nanímayyajtap:

—¿Lapaap yíp pixiñ iga jém sawa y jém nipoa icupicpa?

5

Jém Gadarapic pixiñ imatsne idic jáyay jém mal espíritu
(Mt. 8:28-34; Lc. 8:26-39)

¹ Jesc ocmi Jesús con icuyujcwiñ núcyaj jém laguna añwiñtuc jém naxyucmi de Gadara. ² Jesc mu iput jém Jesús jém barcojom, ipát tum Gadarapic pixiñ. Miñ jém pixiñ jém camposanto. Imatsne jém mal espíritu. ³ Jém pixiñ da ipa tiganjom, nicpa iti jém camposanto. Da i wiap ichen jém pixiñ ni con cadena. ⁴ Watciy tsenayta jém pixiñ ici y ipuy con cadena, pero siempre ijacpa jém cadena. Iccujagáypa jém tinçuy jém inuusmatsayñewip ipuy. Tsam pimi malo, da i wiap imanxuwat jém pixiñ. ⁵ Tsuucim y siññi siiba jém pixiñ jém camposanto y jém cotsicjom. Pimi añwejpa. Tsam naccoowaneta iyaac tsaami. ⁶ Jesc cuando jém pixiñ juuminam iix jém Jesús, póyantsucum, miñ icosteñáy jém Jesús iwññjom. ⁷ Jesc pimi jiyapa jém pixiñ. Nimpa:

—Mijesús, ¿tiiga miñpa ammoogíy? Mich jém Yucmipic Dios miManic. Manjuncsáypa por Dios iga odoy ayaachwati.

⁸ Jempigam nimpa jém pixiñ porque Jesús inímáy jém mal espíritu:

—Mimalespíritu, puti jém pixiñ iñnamanjom.

⁹ Jesc Jesús icwác jém pixiñ, nimpa:

—¿Mich, mijapaap?

Jém pixiñ icutson. Nímayta Jesús:

—Ich aLegión porque tsam ajáyanjam.

Taich tanaŋmaŋi jém legión nimtooba iga agui jáyan.

¹⁰ Jém mal espíritu icunucsáy Jesús iga odoy icutsadiñ tunŋac lugar. ¹¹ It idic jem jáyan jém yoya. Wícyajpa nocojom de jém cotsicciim. ¹² Jesic jém mal espíritu icunucsáypa jém Jesús. Nímayta:

—Acutsattaami jut it jém yoya. Ajígaayi iga atigiŋyámpa jém yoya ianamanjom.

¹³ Jesic Jesús ijigáy iga tigiyyaj jém yoya ianamanjom. Cuando putyajum jém mal espíritu jém pixiñ ianamanjom, nic tigiyyaj jém yoya ianamanjom. Ityaj jem como dos mil yoya. Mu itigiyyaj jém mal espíritu, póyanŋsucumyaj jém yoya. Poyimi quetyaj jém tejajyucmi. Tigiyyaj jém niicim. Yaj jicjicaiyaj jém yoya.

¹⁴ Jesic poyyaj jém pixiñtam jém iwatyajpáppic cuenta jém yoya. Tsam pimi cñyaj. Nic inmadayyaj jém pixiñtam ti iñascayaj jém yoya. Nanicta jém anmaŋi icuwiti jém atebet Gadara y hasta jut nicne yoxajiyaj. Jesic jém pixiñtam miñ iámyaj ti iñascayaj jém yoya. ¹⁵ Núcyaj jut it jém Jesús. Iixyaj jém pixiñ jém imatsnewiip idic jém mal espíritu tsam jáyan. Jenum coñ, puctugiyum, jixiíyum. Cuando iixyaj jém pixiñtam, tsam pimi cñyaj. ¹⁶ Jesic jém pixiñtam, jém iixñeyajwiip ti iwat Jesús, moj inmadayyaj jém miññeyajwiip ti iñasca jém pixiñ jém imatsnewiip idic jém mal espíritu y ti iñasca jém yoya. ¹⁷ Jesic jém Gadarapic pixiñtam moj iñimayyaj jém Jesús iga niguiñam de jem.

¹⁸ Eybictim tigiyy Jesús jém barcojom. Jém pixiñ, jém iniitwiip idic jém mal espíritu, iñimáy jém Jesús:

—Ich anictoobatim. Ajígaayi iga awaganicpa con mimich.

¹⁹ Pero Jesús da ijigáy iga nicpa itúñy jém pixiñ. Nímpa Jesús:

—Nicsim iñicmi. Nigi anmadaayi jém iññiwitam ti miwadáy Dios iga tsam miyaachanjam.

²⁰ Jesic jém pixiñ nic jém naxyucmi Decápolis. Moj inmadáy jém pixiñtam ti iwadáy Jesús cuando itobáy jém mal espíritu. Tsam ipoññanjamyaj itumpiy de jeeyaj.

*Jém Jairo iyommanic y jém yomo jém ichicunúcwip Jesús
(Mt. 9:18-26; Lc. 8:40-56)*

²¹ Jesic set eybic Jesús jém laguna anwiñtuc jém barcojom. Cuando núc Jesús jém ni anñaca, jesic inŋtuumacayaj tsam jáyan jém pixiñtam. ²² Jesic miñ iám Jesús tum pixiñ iñiyi Jairo, tum sinagoga injagooyi. Cuando núc jut it Jesús, icosteeñay ipuycim. ²³ Jesic jém Jairo pimi icunucsáypa jém Jesús. Nímayta:

—Tsam pimi mimne jém anyommanic. Caatoobam. Nigi accámaayi inçi jém anyommanic icobacyucmi iga pixiñ iga odoy caiñ.

²⁴ Jesic jém Jairo iwagananic jém Jesús. Tsam jáyan pixiñtam nicyajtim, itúñyayaj jém Jesús. Tsam icpitsiyayaj. ²⁵ Jém pixiñtamanjom ittim tum yomo mimne. Doce amtiy iniit jém caacy iga quetpa iññipiñ. ²⁶ Wati jém tsóyiyoppaap ichóyiytip, pero tsam iyaachwatne jém yomo. Yajneum iwadáy gasto jém itumiñ, pero da piŋpa. Mástim pimi mimne. ²⁷ Jém yomo imatoñne iga tsam wiap icpisóy jém Jesús. Jesic iganam tsam icpitsiyajpa Jesús jém pixiñtam, jém yomo icunú jém Jesús ituuñiançim, ichigáy jém Jesús iyooti. ²⁸ Nímpa jém yomo ijixianjom: “Siiga antsigáypa iyooti con ançi, jesic

apíspa.”²⁹ Jesic jeeti rato teñ iga quetpa jém iñiipiñ. Ijam jém yomo iga pisneum.³⁰ Jesic Jesús icutiyyi iga icpis tum mimnewip con ipimi, ámset jém pixiñtamajom, nimpá:

—¿I atsigáy jém anyooti?

³¹ Jesic jém icuyujcwiñ iñimáy:

—Íñix iga jém pixiñtam tsam pimi micpitsiyyajpa. ¿Tiiga micwágóypa iga i michic?

³² Pero Jesús icuámsetpa iga iixiñ i ichic.³³ Jesic agui cñne jém yomo, agui cuetsáypa porque ijodon jutsa mu ipis. Miñ icosteeñáy jém Jesús iwiñjom, iñuumajmadáy Jesús ti iñasca.³⁴ Jesic Jesús iñimáy:

—Miyomo, mipisneum porque tsam incupicpa iga Dios wiap micpis. Sñip michacneum jém caacuy. Chogoyñicsim.

³⁵ Iganam Jesús inijmatpa jém yomo, núcyaj algunos jém pixiñtam, miññeyaj jém Jairo iticim. Iñimayyaj jém anjagooyi:

—Caaneum jém iñyommanic. Odom más wadaayi molestia yíp tammaestro.

³⁶ Pero Jesús da iwadáy caso ti iñimáy jém miññeyajwip. Iñimáy jém Jairo:

—Odoy cñi. Cupici iga Dios wiap miyoxpát.

³⁷ Jesic da ijícpa Jesús iga nicpa itúñiyaj jém pixiñtam. Ininic no más Peto, Jacobo, y Xiwan jém Jacobo itíwi.³⁸ Cuando núcyaj jém sinagoga injagooyi iticim, iix Jesús iga tsam it bulla, tsam wejyajpa, tsam anyácneyaj.³⁹ Tigiy ticjom jém Jesús, iñimáy jém pixiñtam jém wejyajpáppic:

—¿Tiiga tsam miwejtampa? ¿Tiiga tsam inwattampa bulla? Da caane jém woñi, moñpa.

⁴⁰ Pero jeeyaj agui ixícayajpa jém Jesús. Jesic Jesús iquebacputyaj itumpiy jém ityajwip jém ticjom. Jesic iwagananicpa Jesús jém woñi ijatun con iapa y jém icuyujcwiñ. Tigiyaj jém cuarto jut it jém woñi.⁴¹ Jesic Jesús imatsáy jém woñi ici, iñimáy jém woñi:

—Talita cumi.

Taichtam tanajmatimi nimtooba: Miwoñi, mannimáypa, tsucumi.

⁴² Jeeti rato tsucum jém woñi. Mojum witi. Doce iamtiy iniit. Jém ityajwip tsam pimi ipooñanjamyaj mu iixyaj ti iwat Jesús.⁴³ Jesic Jesús tsam iwianquim jeeyaj iga odoy i inmadáyñ iga icpis jém woñi. Iñimáytim Jesús iga acwictañ jém woñi.

6

Nicgacpa Jesús jém Nazaret (Mt. 13:53-58; Lc. 4:16-30)

¹ Jesic put de jem jém Jesús, nic iticmi. Iwagananicajpatim jém icuyujcwiñ. ² Jesic cuando núc jém jejcuajama, moj accuyujooyi Jesús jém sinagoga. Ityaj jáyan pixiñtam. Mu imatonyaj ti inmatpa jém Jesús, jesic tsam ipooñanjamyajpa. Nimyajpa:

—¿Jut cuyuj yíp pixiñ? ¿Jut ipic yíp wibic jixi? ¿Jutsap iwat con ici jém wítampic milagro? ³ ¿Da yíp pixiñ jém carpintero? Iapa jém Malía. Tánixpigáypatim jém itíwítam jém Jacobo, jém José, jém Judas y jém Ximój. Ityajtim yim jém iyomtíwítam con taichtam.

Jeeyucmi jém pixiñtam ijóyixyajpa jém Jesús. ⁴ Jesic Jesús iñimáy jeeyaj:

—Jutquej wipictson̄tāp tum jem profeta, pero cuando nicpa najiyoooyi iticmi, jesic jem iticmipic pixiñtam con jem itiwitam da iwixyajpa.

⁵ Jesic jem Jesús da wiap iwat jem milagro iticmi. Ichic con ici nada más jut̄en jem mimneyajw̄ip iga icpisyajpa. ⁶ Agui ipooñanjampa Jesús iga jem pixiñtam da icupicyajpa iga Dios wiap iwat jem milagro yaj. Jesic ocni Jesús icuwitxetpa itumpiy jem xuxut tiganjoj jem ityajw̄ip nocojom iga inmatpa jem Dios inmat̄i.

Jesús icutsat icuyujc̄iwiñ iga nicyajñ najiyoooyi

(Mt. 10:5-15; Lc. 9:1-6)

⁷ Jesic Jesús inwejay jem doce icuyujc̄iwiñ. Icutsat wiswis iga nicyajñ inmat jem Dios inmat̄i jutquej. Chi yajta jem Dios ip̄imi iga wiañ itopyaj jem mal espíritu jem pixiñtam ianamanjom. ⁸ Jesic Jesús inimáy jem icuyujc̄iwiñ iga odoy ti ininicyajñ tunjom. Nímayyajt̄ap:

—Nanictaami no más jem imbastun. Odoy nanictaami ni tumiñ, ni immoral ni titam in̄c̄t̄pa. ⁹ Accaami jem in̄ciac y tum jem in̄yoōti. Odoy nanictaami tun̄gac in̄yoōti. ¹⁰ Cuando miñúct̄ampa tum tic̄im, jemum poych̄iytaami hasta miñict̄ampa tun̄gac tiganjoj. ¹¹ Siiga miñúc̄pa tum tiganjoj, y da i miwipictson̄pa, ni da i imaton̄tooba jem Dios inmat̄i, jesic puttaami an̄sicmi, cunebaytaami jem impuy iga cáyñ jem pótpót. Jempigam ininquej̄aypa jem pixiñtam iga núctip jem Dios inmat̄i. Numa manimáypa iga cuando núcpa jem jama iga Dios ic̄ip̄in̄pa itumpiy jem malop̄ic pixiñtam, jesic yipyaj pixiñtam jem dapic iwianjamyaj jem Dios inmat̄i, más chiit̄ap castigo que jem malop̄ic pixiñtam jem ityajw̄ip jem atebet de Sodoma y Gomorra.

¹² Jesic nic najiyoooyiyaj jem Jesús icuyujc̄iwiñ. Inquim̄yajpa jem pixiñtam iga ichacyajñ iga imalwatpa y iga iwatyajñ juuts ixunpa Dios. ¹³ Jem Jesús icuyujc̄iwiñ itopyajpatim jáyan jem mal espíritu jem pixiñtam ianamanjom. Iccám̄yayj aceite ic̄obacyucmi jáyan jem mimneyajw̄ip. Acpisyajta.

Accaatā jem Xiwan jem acch̄iyoypaap

(Mt. 14:1-12; Lc. 9:7-9)

¹⁴ Jem rey Herodes imaton̄ ti iwatpa jem Jesús porque wan̄pa jutquej ti iwat. Ijisyajpa iga pisneum jem Xiwan jem acch̄iyoypaap, jeeyucmi wiap iwat jem w̄itampic milagro.

¹⁵ Pero tun̄gac n̄mpa:

—Pisneum jem wiñic̄pic profeta jem Elías.

Tun̄gagam n̄mpa:

—Yip̄ pixiñ tum jem profeta jex juuts jem wiñic̄pic.

¹⁶ Mu imaton̄ ti iwat jem Jesús, jesic n̄mpa jem Herodes:

—Yip̄ jem Xiwan jem amp̄im̄iyñew̄ip iga tin̄c̄ujagaȳtañ̄ iisci. Siip̄ pisneum.

¹⁷ Porque yiptim Herodes ip̄im̄iy iga matstañ jem Xiwan. Pajta cárcel, tsenta con cadena porque iwogáy jem anjagooyi cuando itobáyáy jem it̄iwi Felipe wichomo. Jem yomo in̄iyi Herodías. ¹⁸ Jem Xiwan inimáy jem Herodes:

—Mich da inwat juuts n̄mpa jem Dios inquim̄ayooyi. Da w̄i iga impigayñe in̄iwi iyomo.

¹⁹ Jeeyucmi jem yomo Herodías tsam ijóyixpa jem Xiwan hasta iccaatooba, pero da wiap. ²⁰ Porque jem Herodes tsam ic̄in̄pa jem Xiwan. Ijodon̄ iga w̄ibic̄ pixiñ y siempre iwatpa juuts ixunpa Dios. Jeeyucmi jem anjagooyi da

ijícpa iga i imalwadáypa jém Xiwan. Tsám anyácpa jém anjagooyi cuando imaton jém Xiwan inmadayooyi, pero siempre imaton tooba. Pero da icupicpa. ²¹ Jesic núc jém jama iga jém yomo Herodías ipát jutsap icca jém Xiwan. Núc jém anjagooyi Herodes icumpleañ. Iwatpa tum siñ jém Herodes. Iwadáy invitación itumpiy jém anjagooyiyaj con jém soldado injagooyiyaj y con jém pixiñtam jém iniityajwip jém mijtampic cargo jém naxyucmi de Galilea. ²² Tigi y jém yomo Herodías iyommanic jut iwatyajpa jém siñ. Jém woñi etspa jém pixiñtamanjom. Jesic jém Herodes con jém ityajwip jem tsam iwianjamyaj jém woñi iga etspa. Jém rey inímáy jém woñi:

—Awágaayi titam inxunpa y ich manchiiba.

²³ Jesic jém Herodes ijycámáy jém woñi iga ichiiba titam ixunpa hasta cucmi jém naxyucmi jut injacpa. ²⁴ Jesic jém woñi put jém cuarto jut siñayajpa. Nic icwác jém iapa. Nimpa jém woñi:

—¿Ti anwágáypa jém Herodes?

Nimpa jém woñi iapa:

—Wágaayi jém Xiwan icobac jém acchíoyopaap.

²⁵ Jesic jicsiy tigi y eubic jém woñi jut it jém rey. Nimpa jém woñi:

—Ansunpa iga sipti achiaayi jém Xiwan icobac jém acchíoyopaap tum mijpic chimajom.

²⁶ Jesic pimi anyác jém rey, pero como ijycámáyñeum iga ichiiba titam ixunpa jém woñi y como itumpiy jém inwejayñewip imaton yaj, jesic da ti wiap iwat más que ichiiba juuts ijycámáyñe. ²⁷ Jesic jeeti rato jém rey icutsat tum soldado, jém accaoyopaap, iga inimiñáyiñ jém Xiwan icobac. ²⁸ Jesic jém soldado nic jém cárcel, itinujagáy jém Xiwan iisci. Jesic inimiñáy jém icobac tum mijpic chimajom. Chiita jém woñi. Jesic jém woñi ipictson, ichi iapa.

²⁹ Cuando jém Xiwan icuyujcwiñ imaton ti inasca jém Xiwan, jesic oy ipíjanyaj jém imíjtay, nic icúmayyaj tum tsaajosjom.

Jesús icwíc jém cinco mil pixiñtam
(Mt. 14:13-21; Lc. 9:10-17; Jn. 6:1-14)

³⁰ Jesic ocmi antuumayaj jém apóstolyaj jut it Jesús. Inmadayyaj Jesús titam iwatyaj y titam inquejanyaj jém pixiñtam cuando oy najíyooyi. ³¹ Jesic Jesús inímáy jém icuyujcwiñ:

—Miñtaami mimichtam, tanictámpa tum lugar jut da inim. Tapoyejtámpa.

Porque tsam antuumayajpa jém pixiñtam, miñpa y nicpa hasta da i lugar para wicyajpa jém Jesús icuyujcwiñ. ³² Jesic Jesús con jém icuyujcwiñ nicyaj tum barcojom. Nicyaj naps jeeyaj jut da i idíyíy. ³³ Pero tsam jáyan jém pixiñtam iixyaj iga nicyajpa Jesús con icuyujcwiñ. Iixpicyaj Jesús iga niqui barcojom. Jesic póyanstucumyay jáyan jém pixiñtam, miñyay wati jém tiganjoj. Icuwitezeyajpa jém laguna. Anjagóy miñúcyaj antes que núcpa Jesús.

³⁴ Cuando núc Jesús, put jém barcojom, iix iga antuumaneyaj tsam jáyan pixiñtam. Tsam iyaachanjampa porque jeeyaj jex juuts jém borregoyaj jém dapic oomíy. Da i iwatpa cuenta. Jesic Jesús moj inquejáy jáyan witampic jixi.

³⁵ Jesic tsuuyim, miñyaj jém Jesús icuyujcwiñ, icunúcyaj jém Jesús. Nímaytá:

—Yim da i tiganjoj, siip tsam tsuuyim. ³⁶ Nímaayi jém pixiñtam iga niguiñ ijuyyaj titam icútyajpa. Nicyajiñ yim jeexic jut it jém tiganjoj porque yim da i ti tançútpa.

37 Pero Jesús iníimáy jém icuyujc#wiñ:

—Mimichtam acwíctaami.

Jesic nímayaipa jém Jesús icuyujc#wiñ:

—¿Que aichtam nicpa anjúyayta doscientos tumiñ de plata jém caxtánañi iga anacwícpa jém pixiñtam?

38 Jesic Jesús icwác jém icuyujc#wiñ. Nímayta:

—¿Juten caxtánañi iniifta? Nigi aami.

Cuando ijodóñayaj, iníimayyaj:

—Anaiifta cinco caxtánañi y wisten tüpi.

39 Jesic Jesús iníimáy itumpiy jém pixiñtam iga anhsaycoñyajiñ naxyucmi jém múganjom. 40 Anhsaycoñyaj itumpiy jém pixiñtam algunos cincuenta algunos cien. 41 Jesic Jesús ipic jém cinco caxtánañi y jém wisten tüpi. Ámquím sinyucmi, moj inwejpát Dios. Jesic iwenwenjac jém caxtánañi. Ichi icuyujc#wiñ iga icwícyajiñ jém pixiñtam. Iwéctim jém wisten tüpi iga ichiijaypa itumpiy jém pixiñtam. 42 Itumpiy wícyaj hasta cusyaj. 43 Ocmi jém Jesús icuyujc#wiñ ipinyaj doce nacoñ jém caxtánañi y jém tüpi jém cutsíywíppic. 44 Jém icútneyajwüip jém caxtánañi cinco mil jém pixiñtam.

*Witpa Jesús jém nñiwññpacyucmi
(Mt. 14:22-27; Jn. 6:16-21)*

45 Jesic yajum wiiquiyaj, jeeti rato Jesús iníimáy icuyujc#wiñ:

—Siip tigiyaami barcojom, nicstaami jém Betsaida jém laguna anwiñtuc. Jemigam manacsíypa. Siip apoychíypa yim iga ananquímpa jém pixiñtam.

46 Jesic yajum inquímuyaj jém pixiñtam, nic Jesús tum cotsicyucmi iga inwejpátpa Dios. 47 Jesic piichawum, jém barco cucmim niqui jém laguna. Icutum tsíy Jesús jém naxyucmi jut tsucumyaj. 48 Jesús iix iga sopsneyajum jém icuyujc#wiñ iga icwítyajpa jém barco con jém remos. Porque poypa jém sawa, tsam ictsíypa jém barco, táncaap inic. Jesic cuquejacim núc Jesús jut niquiyaj jeeyaj. Witpa inic Jesús jém nñiwññpacyucmi, inñascatooba idic jém barco. 49 Pero cuando jém icuyujc#wiñ iixyajpa iga witpa nñiwññpacyucmi, iijisyajpa iga iixyaj tum poñ. Tsam anweyaypa porque cñneyaj. 50 Itumpiy jém icuyujc#wiñ iixyaj. Tsam pimi cñnyaj. Pero jeeti rato iijyáypa Jesús, iníimáy:

—¡Camamwattaami inñanama! ¡Aicham! ¡Odooy cñntaami!

51 Jesic tigi y barcojom jém Jesús con jeeyaj. Teeñanjac jém sawa. Mu iixyaj jém icuyujc#wiñ, tsam pimi tñeanjacayaj, agui ipoññanjamyajpa. 52 Porque danam icutñiyñeyaj jém milagro iga icjáyanja jém caxtánañi. Tsam camam ianama, danam icupicneyaj.

*Jesús icpis jém mimneyajwüip jém naxyucmi de Genesaret
(Mt. 14:34-36)*

53 Mu ijacyaj jém laguna anwiñtuc, núcyaj jém naxyucmi Genesaret. Ichenyaj ibarco jém playa anñaca. 54 Jesic putyaj jém barcojom Jesús con icuyujc#wiñ, jém Genesaretpic pixiñtam iixpicyajpa jém Jesús. 55 Jesic jém pixiñtam nicyaj poyimi yim jeexic. Moj inimiñyaj tseesyucmi jém mimneyajwüip hasta jut it Jesús. 56 Jutquej nicpa Jesús jém xutupic tiganjoj

o jém miŋpic attebetayaj, jém piŋiñtam inimiñyajpa jém mimneyajwiiip. Icha-cyajpa jém calle aṇṇaca juṭ naspa Jesús. Cuando núc Jesús, jesic jém piŋiñtam icunucśaypa iga icpiŋyajiñ jém mimneyajwiiip. Niṃyajpa:

—Jígaayi nada más iga michigayyajpa jém iñyooṭi jém mimneyajwiiip.

Porque siiga ichigáya iyooṭi iñṇaca, piŋyajpa itumpiy jém mimneyajwiiip.

7

Jém tájca tsucumpa jém piŋiñtam iṇamanjōm

(Mt. 15:1-20)

¹ Ocmi aṇtuumayaj juṭ it Jesús algunos jém fariseoyaj con algunos jém escribaspic maestroyaj. Miñyaj Jerusalén. ² Iixyay iga jém Jesús icuyujciwiñ da icheeyajpa ici juuts jém Israelpic piŋiñtam icostumbre antes que wícpa. Ijisyaj siiga da iwatyajpa jém costumbre jém Jesús icuyujciwiñ, ictáṇcawatpa. ³ Porque jém fariseoyaj y itumpiy jém Israelpic piŋiñtam da wícyaajpa siiga da watciy icheeba ici juuts niṃ jém wiñicpic costumbre, jém ichacnewiiip jém wiñicpic wídaytam. ⁴ Cuando set de jém mercado, da ti iciṃspa hasta que icheeba ici juuts niṃpa jém wiñicpic costumbre. Iniityaj jáyaṇ costumbre juṭpic icheeyajpa itaza, jém majcuy y jém tñcuyxuuy y juṭpic icheeba jém ichees. ⁵ Jesic jém fariseoyaj con jém escribaspic maestroyaj icwácyajpa jém Jesús. Niṃmayṭa:

—¿Tíiga jém iñcuyujciwiñ da iwatyajpa juuts niṃpa jém costumbre jém ichacnewiiip jém wiñicpic piŋiñtam? Da icheeyajpa ici antes que wícyaajpa juuts niṃpa jém costumbre.

⁶ Jesic Jesús iñímáy jeeyaj:

—Da miḡóypa jém wiñicpic Dios iñmaṭciwiñ jém Isaías cuando miñmadayṭa. Quejpa iga minimiḡóyayṭap iñyaac juuts niṃ jém Isaías. Ijaychacne yimpic: Niṃpa Dios:

Yípyaj piŋiñtam acujípyajpa con ijip.

Pero iṇamanjōm da acupicneyaj.

⁷ Xajatim ajsyayajpa.

Iñquejayyajpa jém piŋiñtam ijixquimi juuts wibic aṇquímayooyi.

⁸ Jesic Jesús iñímáyṭim jém piŋiñtam:

—Michtam iñchacneta jém Dios iñquímayooyi. Iñwattámpa siip juuts jém piŋiñtam icostumbre iga iñcheeba immajcuy, jém imvaso, y tunḡac más jáyaṇ jexpic cosa. ⁹ Jeeyucmi mimichtam tsam iñchactámpa jém Dios iñmaṭi. Iñwianjamta iga iñwattámpa jém wiñicpic costumbre. ¹⁰ Niṃpa jém Moisés iñquímayooyi: “Wíixtaami jém iñjatun y iñapa. Siiga i imalnímáypa jém ijatun o iapa, jesic wí iga accaataiñ jexpic piŋiñ.” ¹¹ Pero mimichtam iniitta tum da wibic costumbre. Miñimtámpa siiga i iñímáypa ijatun o iapa iga: “Da wiap manyoxpát porque itumpiy jém anaitwiiip, jém manchiipáppic idic, tsíy juuts Corbán.” (Taichtam tanañmaṭimi nimtooba iga ijycámáypa Dios iga ichiiba.) ¹² Siiga iwatpa así tum piŋiñ, jesic miñimtámpa iga da malo jém piŋiñ iga da iyoxpátpa jém ijatun o iapa. ¹³ Jempigam inictogoytámpa jém Dios iñquímayooyi porque mich iñwattámpa jexpic costumbre, jém ichacnewiiip jém piŋiñtam dende wiñigam. Tsam jáyaṇ jexpictim cosa iñwattámpa.

¹⁴ Jesic eybic iñwejáy Jesús itumpiy jém piŋiñtam. Iñímáypa:

—Amaton̄taami iñtumpiytam. Cutiyyihtaami titam mannímaytámpa. ¹⁵ Titam in̄cútpa, jém tigiypaap iñjipjom, da mictán̄caíypa. Pero jém malopic jixi, jém putpáppic iñanamanjom, je n̄uma mictán̄caíypa. ¹⁶ Siiga mitatsigiyta, amaton̄taami.

¹⁷ Jesic cuando yaj in̄quím̄yaj jém p̄ixiñtam, tigiý Jesús jém ticjom. Jém icuyjic̄wiñ̄ moj icwácyaj ti n̄imtooba jém an̄mañ̄ti. ¹⁸ Jesic Jesús iñímáy jém icuyjic̄wiñ̄:

—¿Que mimichtam datim in̄cutiyyiytámpa? Que da iñjodon̄ iga jém tigiypáppic tum p̄ixiñ̄ ijipjom da ictán̄caíypa. ¹⁹ Jém icútpáppic tum p̄ixiñ̄ da tigiypa iñanamanjom porque itumpiy n̄aspa ipuujom y ocni putpa.

Cuando n̄impa ȳimpic, n̄imtooba Jesús iga itumpiy wíccuy w̄i tan̄cút, da tactán̄caíypa. ²⁰ N̄imtim Jesús:

—Jém malopic jixi jém tsucumpáppic jém p̄ixiñ̄ iñanamanjom je n̄uma ictán̄caíypa. ²¹ Porque jém p̄ixiñ̄ iñanamanjom tsucumpa itumpiy jém malopic jixi. Jemum tsucumpa jém jixi iga ichicpa jém yomtam, iga pejóypa, iga accaóypa, ²² iga númpa, iga icusúníyáypa tun̄gac p̄ixiñ̄ im̄ichi, iga imalwadáypa tun̄gac p̄ixiñ̄, iga icumigóypa it̄iwitam, iga tsam̄ icusúníyapa jáyaj malopic cosa, iga cujóyíyóypa, iga icujíyapa it̄iwitam, iga da jixiý, iga agui nacujipt̄ap iyaac jém p̄ixiñ̄. ²³ Itumpiy yípyaj malopic jixi tsucum jém p̄ixiñ̄ iñanamanjom. Yíp malopic jixi ictán̄caíypa jém p̄ixiñ̄.

Tum jém juum̄ipic yomo icupic Jesús

(Mt. 15:21-28)

²⁴ Jesic n̄ic Jesús jém n̄axyucmi nocojom de jém Tiro y Sidón. Jemigam tigiý Jesús tum ticjom iga odoy j̄iixiñ̄. Pero da w̄ia m̄iyyam porque ixt̄a. ²⁵ Tum yomo mu imaton̄ iga n̄uc jém Jesús, jicsciy miñ̄, icosteeñáy jém Jesús ipuycim̄. Miñ̄ iám porque jém iyom̄manic imatsne tum mal espíritu. ²⁶ Tum griegopic yomo, da je de Israel. Tsucum jém n̄axyucmi Sirofenicia. Jesic jém yomo icunucsáy Jesús iga itobáyíñ̄ jém mal espíritu jém iyom̄manic iñanamanjom.

²⁷ Pero Jesús iñímáy jém yomo:

—W̄i iga wiñ̄ti cuspa wiiquiyaj jém tsixtam. Da w̄i iga tantobáyáypa jém tsixtam icaxtánañ̄i iga tanchiiba chimpa.

²⁸ Jesic jém yomo icutson̄, iñímáy jém Jesús:

—N̄uma, m̄an̄omi, pero jém chimpa icútyajpa jém ipaccanew̄ip jém tsixtam mesacucim̄.

²⁹ Jesic Jesús iñímáy jém yomo:

—N̄uma miw̄inim̄. S̄ip n̄icsim̄ iñ̄ticim̄. Jém iñyom̄manic ichacum jém mal espíritu.

³⁰ Jesic cuando setum iticim̄ jém yomo, ipát iyom̄manic wone icheesmi. Ichacneum jém mal espíritu.

Jesús icp̄is tum chajca

³¹ Jesic jém Jesús mojgacum seti, put jém n̄axyucmi de Tiro, nas jém Sidón, nastim jém n̄axyucmi iñ̄yi Decápolis, eybic n̄uc jém laguna de Galilea. ³² Jesic namíñayt̄a Jesús tum chajca iga icp̄ixiñ̄. Datim jaya w̄iap̄ ijiy. Cunucsayt̄a iga iccámiñ̄ ici jém chajca icobacyucmi. ³³ Jesic Jesús in̄inic jém p̄ixiñ̄ tum añeymi. Icodáy iwayci jém p̄ixiñ̄ it̄atsicjom. Ocni ichujca Jesús iwayci, ichigáy jém p̄ixiñ̄ itots. ³⁴ Jesic am̄quim̄ Jesús s̄in̄yucmi, jejquet, iñímáy jém chajca:

—Efata.

Yíp anmati nimtooba: Áŋaayi. ³⁵ Jesic áŋáyum jém chajca itatsic. Matóŋópam. Wítsiyñeum jém itots. Wiq̄bam ijiy parejo. ³⁶ Jesic inq̄úm Jesús jém p̄ixiñtam iga odoy anmadiñ iga icp̄is jém chajca. Pero aunque tsam p̄imi inq̄úmpa Jesús, mástím anmatyajpa jém p̄ixiñtam iga Jesús icp̄is jém chajca. ³⁷ Tsam p̄imi ipooñanjamyajpa. Nimyaj:

—Yíp p̄ixiñ tsam iw̄watpa. Icmatóŋóp̄a jém chajca, icjiypa jém uma.

8

Jésus icwícpa cuatro mil p̄ixiñtam

(Mt. 15:32-39)

¹ Jesic jeetim tiempo an̄tuumayaj tsam jáyan jém p̄ixiñtam. Da iniijay jém iw̄ccuy. Jesic Jesús in̄wejáy jém icuyujc̄iwiñ. Iñímáy:

² —Tsam an̄yaachanj̄ampa jém p̄ixiñtam jém an̄tuumanejayw̄ip ȳim. Tan̄waganaiñ tucunajama y siip da ti iniijay iga icútpa. ³ Siiga an̄cutsatpa iticm̄iyaj sin wiiqui, jesic cupónaquetyajpa tun̄jom porque algunos miññeyaj tsam juumi.

⁴ Jesic jém Jesús icuyujc̄iwiñ icutson, nimyaj:

—Ȳim jūt tait da ti id̄iyíy. ¿Jutsap tampát w̄ccuy iga tanacwícpa itump̄iy ȳip̄iyaj p̄ixiñtam?

⁵ Jesic Jesús icwác jém icuyujc̄iwiñ. Nimayta:

—¿Juten caxtánañi iniitta?

Nimyajpa jém icuyujc̄iwiñ:

—Siete.

⁶ Jesic Jesús iñímáy jém an̄tuumanejayw̄ip iga coñyajiñ naxyucmi. Jesic ip̄ic jém siete caxtánañi, in̄wejpát Dios, moj iwenwenjac jém caxtánañi. Jesic ichi jém icuyujc̄iwiñ iga icwícayajiñ jém p̄ixiñtam. Jempigam iwatyaj. ⁷ Iniiytajtim juten xuxut̄ t̄ipi. Jesic Jesús eybictim in̄wejpát Dios. Ip̄im̄iy jém icuyujc̄iwiñ iga ichiijajiñtim jém t̄ipi jém p̄ixiñtam. ⁸ Jesic wícay hasta cusyaj. Ocmi jém Jesús icuyujc̄iwiñ ipinyaj jém w̄ccuy jém cutsíyw̄ip. Icucomyaj siete nacoñ. ⁹ Ityaj jem como cuatro mil p̄ixiñtam. Cuando yajum wiiquiyaj, jesic Jesús inq̄úm jeeyaj.

¹⁰ Jeeti rato tigiy Jesús tum barcojom con icuyujc̄iwiñ. Nicyaj jém naxyucmi Dalmanuta.

Jém fariseoyaj iwácaypa tum milagro

(Mt. 16:1-4; Lc. 12:54-56)

¹¹ Miñyaj jém maestroyaj de jém fariseop̄ic anq̄úmayooyi. Moj icwácayaj Jesús. Miñ icutitsyay. Nimyajpa iga: “An̄quejaayi tum sin̄yucm̄ip̄ic seña.”

¹² Jesic agui an̄yácne Jesús. P̄imi jejquet. Nimpa:

—¿T̄iiga ȳip̄iyaj p̄ixiñtam awágáypa tum seña? Numa mannímáypa iga Dios da ichiiba ni tum seña.

¹³ Jesic Jesús ichac jém p̄ixiñtam, eybic quim tum barcojom. Nic jém laguna an̄jwiñtuc.

Jém fariseop̄ic anq̄úmayooyi jex juuts jém levadura

(Mt. 16:5-12)

14 Jesic jém Jesús icuyujcïwiñ ijaamanjnotyaj iga ininicyajpa jém caxtánañi. No más tum caxtánañi iniityaj barcojom. 15 Jesic Jesús ipïmíy jém icuyujcïwiñ:

—Cuidado. Nawattamtaji cuenta iga odoy impiguiñ jém fariseoyaj ilevadura o jém Herodes ilevadura.

16 Jesic moj nanímayyajtaji entre jeeyaj:

—Tanímáy jempic porque da tanamiñ jém caxtánañi.

17 Jesic Jesús icutiïyíy ti síp ijisyaj, iñímáy:

—¿Tiiga miñimtámpa iga da iniita jém caxtánañi? ¿Que da inçutiïyiyta? ¿Que da miñixiïyta? ¿Que tsam malotim iñanama? 18 Miixcuyiyta, ¿que da miixixoytámpa? Mitatsigiyta, ¿que da mimatónoytámpa? ¿Que da iñjístámpa cuando 19 mu añwéc jém cinco caxtánañi con jém cinco mil pixiñtam? ¿Juna coonj impinãta jém cutsíywíppic?

Jesic jém icuyujcïwiñ icutsonyaj. Nímyaj:

—Doce.

20 Jesic ním̄tim Jesús:

—Cuando mu añwéc jém siete caxtánañi con jém cuatro mil pixiñtam, ¿jesic juna coonj impinãta jém cutsíywíppic?

Jesic nímyaj icuyujcïwiñ:

—Siete.

21 Jesic Jesús iñímáy jém icuyujcïwiñ:

—¿Que mimichtam danam inçutiïyiyñeta?

Jesús icpis tum cáchtí jém attebet Betsaida

22 Ocmi nicyaj Jesús con icuyujcïwiñ jém attebet Betsaida. Mu iñúcyaj jem, algunos inimíñayyaj jém Jesús tum cáchtí. Icnucsayyaj jém Jesús iga ichiguiñ jém cáchtí. 23 Jesic Jesús imatsáy jém cáchtí ici, ijicteñ añsicmi de jém tiganjoj. Jesic Jesús iccámáy uxañ ichuyñi jém pixiñ iixcuyyucmi. Iccámáy ici jém pixiñ icobacyucmi. Jesic icwác jém cáchtí. Nímayta:

—¿Síp miixixóypam?

24 Jesic jém cáchtí ámquím. Iñímáy jém Jesús:

—Ánixpa jém pixiñtam quénam cuyyaj, pero wityajpa.

25 Jesic Jesús eybictim iccámáypa ici jém pixiñ iixcuyyucmi, ipïmíy iga ichídiñ iixcuy. Jesic wítsíyum jém iixcuy, wí ixixóypam. 26 Jesic Jesús iñímáy jém cáchtípic idic:

—Síp nicsim iñticmi. Odoy nãsi yíp tiganjoj. Odoy j añmadaayi iga manacpis.

Nímpa jém Peto iga Jesús je jém Cristo

(Mt. 16:13-20; Lc. 9:18-21)

27 Jesic nicyaj Jesús con icuyujcïwiñ jém tiganjojyaj jém ityajwíip nocojom jém attebet Cesarea de Filipo. Iganam nicyajpa tunjom, jém Jesús icwácpa jém icuyujcïwiñ. Nímpa:

—Anímaayi junímyajpa jém pixiñtam iga ajapaap aich.

28 Jesic icutsonyaj jém icuyujcïwiñ. Nímyajpa:

—Algunos nímpa iga mich miXiwan jém acchínoypaap. Tunãac nímpa iga mich miElías. Tunãac nímpa iga mich tum wiñicpic miprofeta.

29 Jesic Jesús icwác jém icuyujcïwiñ. Nímayyajtãp:

—¿Mimichtam, mijunímtámpa iga ajapaap?

Jesic jém Peto icutsoŋ. Iñímáy:

—Mich miCristo.

³⁰ Jesic Jesús ipímíy jém icuyujcïwiñ iga odoy ì inmadayajaiñ iga je jém Cristo.

Jesús inmatpa iga accaatap

(Mt. 16:21-28; Lc. 9:22-27)

³¹ Jesic moj inquejáy Jesús jém icuyujcïwiñ iga jém Miññewiip Siñyucmi tsam pimi yaachwattap. Tsam ijóyixyajpa jém wídaytam, jém cobacpic panijyaj y jém escribaspic maestroyaj. Ocmi accaatap, pero jém tucunajama Dios icpíspa.

³² Iñuntawianmadáy Jesús jém icuyujcïwiñ. Pero jém Peto da iwianjam, inweput Jesús, moj iwogáy. ³³ Jesic jém Jesús iámseedáy jém icuyujcïwiñ, iwogáy jém Peto. Nimpa:

—MiPeto, acupóyaayi miWocciwiñ. Mich da iniñ jém Dios ijixi inñixianjom. Iniiñ jém pixiñtam ijixi.

³⁴ Jesic Jesús inwejáy jém icuyujcïwiñ con itumpiy jém antuumaneyajwiip jem. Moj inquejáy. Nímayyajta:

—Siiga ì atúnitytooba, tsaci iga inwatpa juuts iñxunpa iñyaac, yaachiyi cuando miyaachwattap ich ançuyucmi, jesic atúnityi. ³⁵ Siiga tum pixiñ tsam itoypa ivalda iga itpa yíp naxyucmi, jesic togoypa jém ivalda. Pero siiga accaatap tum pixiñ ich ançuyucmi iga iwatpa juuts nimpa ich ananmati, jesic jém pixiñ da togoypa ivalda, itpa para siempre. ³⁶ Da ti cuwatcuy tum pixiñ siiga iniiñ itumpiy jém wibic cosa jém itwiip yíp naxyucmi y togoypa ianama. ³⁷ ¿Con jutsan tumiñ wiap iyoj tum pixiñ iga ipictsoŋpa eybic jém ianama cuando caaneum? ³⁸ Siiga michaap iga ininmatpa ich ananmati y siiga mich antsaaxpa, jesic ichgacti, jém aMiññewiip Siñyucmi, mantsaaxpatim cuando amiñgacpa yíp naxyucmi con anJatun Dios ipimi y con jém siñyucmiipic pixiñtam.

9

¹ Jesic nimitim Jesús:

—Numa mannímáypa iga algunos de mimichtam miittanwiip yim, da micaaba hasta que inixtámpa iga núcpa jém tiempo cuando Dios injacpa jém pixiñtam con ipimi.

Ançac jém Jesús iámooyi

(Mt. 17:1-13; Lc. 9:28-36)

² Jesic cuando nasum seis día, Jesús ininic jém Peto, Jacobo, y Xiwan tum mijpic cotsicyucmi. Icutum nicyaj. Jenum iixyaj iga ançac jém Jesús iámooyi.

³ Agui tsoepa ipuctucu. Tsam pimi popo juuts nieve. Icuwiti yíp naxyucmi da ì wiap iche jém puctucu jutspiy ipopo jém Jesús ipuctucu. ⁴ Jesic jém Jesús icuyujcïwiñ iixyaj iga wiñquej wisten jém wiñcipc Dios inmaciwiñ jém Elías y jém Moisés. Síp inmatyaj con Jesús. ⁵ Jesic jém Peto inímáy jém Jesús:

—Mammaestro, agui wi iga taittámpa yim. Siip manwadaytámpa tucuten nacxtic. Tum para mimich, tum para Moisés y tum para Elías.

⁶ Jempic nimpa jém Peto porque da icutiyyípa ti nimpa porque tsam pimi cñneyaj jém Jesús icuyujcïwiñ. ⁷ Jesic actin tum ucsi. Inmontogoyaj jém ucsi. Jesic imatonyaj tum jiyi jém ucsanjom. Nímayyajta:

—Yíbam ich ammanic, tsam antoypa. Maton̄taami ti miñmáypa.

⁸ Jesic jeeti rato ámámóypa jutquej jém icuyujc̄iwiñ. Da iixyaj ni tum p̄ixiñ. Icutum it jém Jesús con jeeyaj.

⁹ Iganam quetyajpa jém cotsicyucmi, Jesús inqúmpa jém icuyujc̄iwiñ iga odoy i inmadáyiñ ti iixyaj jém cotsicyucmi hasta que jém Miññew̄ip Siñyucmi p̄ispa de jut it jém caaneyajw̄ip. ¹⁰ Jesic da inmatyajpa jém Jesús icuyujc̄iwiñ ti iixyaj, pero nacwácyajtap entre jeeyaj ti n̄imtooba Jesús cuando n̄impa iga p̄ispa de jut it jém caaneyajw̄ip. ¹¹ Jesic acwáctaj jém Jesús, n̄imaytap:

—¿T̄iiga n̄imyajpa jém escribaspic maestroyaj iga wiñti miñpa jém Elías?

¹² Jesic Jesús icutson, iñmáy:

—N̄uma, wiñti miñpa jém Elías iga iw̄itsacpa itumpiy cosa. N̄imtim jém Dios in̄mati, jém jayñew̄ip, iga tsam yaachwattap, tsam jóyixtap jém Miññew̄ip Siñyucmi. ¹³ Siip mannimáypa iga n̄ucneum jém Elías y jém p̄ixiñtam tsam imalwadayyaj juuts ixunyajpa jeeyaj. Iñasca jém Elías juuts n̄impa jém Dios in̄mati jém jayñew̄ip.

Acpista tum jaychixi jém imatsnew̄ip jém mal esp̄iritu
(Mt. 17:14-21; Lc. 9:37-43)

¹⁴ Jesic setyaj jut it los de más jém Jesús icuyujc̄iwiñ. Iixyaj iga tsam j̄ayan p̄ixiñtam in̄tuumacayajpa jeeyaj. Jém escribaspic maestroyaj añayajpa con icuyujc̄iwiñ. ¹⁵ Jesic jém p̄ixiñtam, mu iixyaj iga miñpa Jesús, tsam ipooñan̄jamyajpa. Jeeti rato itumpiy de jeeyaj p̄oyan̄tsucumyaj, nic ichon̄yaj.

¹⁶ Jesic Jesús icwácpa jém icuyujc̄iwiñ. N̄imayyajta:

—¿T̄i s̄ip inin̄acata con jém escribaspic maestroyaj?

¹⁷ Jesic tum p̄ixiñ, jém itw̄ip jem, iñmáy jém Jesús:

—Maestro, mannamíñáy jém an̄jaymanic. In̄iit tum mal esp̄iritu. Tumawatne. ¹⁸ Cuando p̄imi imatspa jém mal esp̄iritu iccutin̄pa naxyucmi. An̄xacamoypa ijip, iñichpa it̄its. Jeeyucmi tsam flaco jém ammanic. Annimáy jém in̄cuyujc̄iwiñ iga itobáyiñ jém mal esp̄iritu, pero jeeyaj da wiñ mitobayyaj.

¹⁹ Jesic Jesús iñmáy jém p̄ixiñtam:

—A que mimichtam hasta siip da in̄cupictámpa Dios. Jáyum tawaḡiti con mimichtam, pero datim in̄cupictámpa. Tsam anyaachiyum iga manan̄quejáypa jém Dios in̄mati, pero datim in̄cutīiyitámpa. Anamíñaayi jém ts̄ixi.

²⁰ Jesic inimíñayaj Jesús jém ts̄ixi. Cuando jém mal esp̄iritu iix jém Jesús, jeeti rato eybictim imats jém jaychixi. Actin̄ naxyucmi, tsam cujoppa, an̄xacamoypa ijip. ²¹ Jesic Jesús iñmáy jém ts̄ixi ijatun̄:

—¿Juchixam moj imats ȳip caacuy?

N̄impa jém ts̄ixi ijatun̄:

—Moj imats dende xutunam. ²² Watciy iccutin̄pa juctjom o n̄icim iga iccaaba. Siiga wiñ in̄cipis, ayaachan̄jami aichtam, ayoxpaati.

²³ Jesic Jesús iñmáy jém p̄ixiñ:

—Siiga mich wiñ in̄cupic iga Dios miyoxpátpa, jesic ich awiñ. Porque Dios wiñ iwat itumpiy cosa para jém icupicneyajw̄ip.

²⁴ Mu imaton̄ jém p̄ixiñ ti iñmáy Jesús, jesic p̄imi j̄yypa. N̄impa:

—An̄cupicpa iga Dios wiñ iwat. Ayoxpaati iga más parejo an̄cupicpa.

²⁵ Jesic Jesús iix iga tsam anjuumayajpa jém pixiñtam. Miñyajpa poyimi. Jesic Jesús iwogáypa jém mal espíritu. Nímayta:

—Mich mimalespíritu, iñchajcawatne yíp tsixi, iñumawatne, siip mannímáypa, puti yíp tsixi iñamanjom. Odoy tigiyi eybic.

²⁶ Jesic pími anweja jém mal espíritu, eybic iccutinpa naxyucmi jém tsixi. Jesic jeeti rato put jém mal espíritu. Tsíy jém tsixi juuts caane. Hasta nímajpa wati jém pixiñtam iga caaneum. ²⁷ Pero Jesús imatsáy ici, ijctsum. Jesic teñum jém tsixi. ²⁸ Ocmi tigiyy Jesús tum ticjom. Jém icuyujcwiñ iyamacwácyajpa:

—¿Tiiga aichtam da wiap antopta jém mal espíritu?

²⁹ Jesic Jesús iñímáy jeeyaj:

—Da wiap iñtopta yicxpíc mal espíritu siiga da ininwejpáttámpa Dios y siiga da inwattámpa ayuno.

Eybicim inmatpa Jesús iga accaatap
(Mt. 17:22-23; Lc. 9:43-45)

³⁰ Jesic Jesús con icuyujcwiñ putyaj jém tiganjoj. Moj niquiyaj. Wídanasyajpa jém naxyucmi de Galilea. Da iwianjam Jesús iga ijodónayajiñ jém pixiñtam jut nicpa. ³¹ Porque inmadáy jém icuyujcwiñ ti iñascaaba. Nímpa Jesús:

—Ich, jém aMiñnewiip Siñyucmi, acijuncottap jém malopic pixiñtam icijom. Accaayajpa jém pixiñtam, pero ocmi jém tucunajama acpístap.

³² Pero jém icuyujcwiñ da icutiyyiyajpa ti nímpa Jesús. Tsam cñyajpa iga icwácyajpa.

I jém más mijpic anjagooyi
(Mt. 18:1-5; Lc. 9:46-48)

³³ Ocmi núcyajum jém attebet Capernaum. Cuando tigiyyaj jém ticjom, Jesús icwác jém icuyujcwiñ. Nímayyajta:

—¿Ti síp ininacata tunjom?

³⁴ Jesic dam jiyaj porque tsam áñaneyaj tunjom iga i tsíypa juuts jém más mijpic anjagooyi. ³⁵ Jesic coñ jém Jesús, inwejáy jém doce icuyujcwiñ, moj iñímáy:

—Siiga i tsíytooba juuts jém más mijpic anjagooyi, jesic tsíypa juuts jém inanjpic pixiñ, icuyoxap jém itiwitam juuts tum mozo.

³⁶ Ocmi Jesús inwejáy tum xutu tsixi jém icuyujcwiñ iwiñjom. Iñuuspac Jesús jém xutu tsixi. Iñímáy jém icuyujcwiñ:

³⁷—Siiga tum pixiñ iwípicsonpa tum xutu tsixi ich anniyimi, jesic jém pixiñ awípicsonpatim aich. Y siiga awípicsonpa aich, jesic wípicsonpatim jém anjatun Dios jém acutsatnewiip yíp naxyucmi.

Jém dapic it en contra de taichtam, je tayoxpátpa
(Mt. 10:42; Lc. 9:49-50)

³⁸ Jesic Xiwan iñímáy jém Jesús:

—Mammaestro, ánixñeta tum pixiñ iga itoppa jém mal espíritu mich iniyimi. Jesic aichtam ananjyacta porque jém pixiñ da siiba con taichtam.

³⁹ Jesic Jesús iñímáy jém icuyujcwiñ:

—Odoy anjijyactaami porque siiga tum p̄ixiñ iwatpa tum mijpic milagro ich anniyimi, jesic da jobit wiap amalnimáy. ⁴⁰ Jém dapic it en contra de taichtam, tayoxpátpa. ⁴¹ Siiga i michiiba tum taza ni ich anniyimi porque mich jém Cristo mimichi, numa mannimáypa iga wiyoytap jém p̄ixiñ.

Jém táŋca wiap tactsac jém Dios in̄mat̄i

(Mt. 18:6-9; Lc. 17:1-2)

⁴² Siiga i icwatpa táŋca tum p̄ixiñ jém yaguiñpic acupicpa aich, jesic chiitap mijpic castigo jém p̄ixiñ. Más w̄i iga cutsénaytaiñ tum mijpic molino icha iisciyucmi y acpatsiytaiñ lamar. ⁴³ Jesic siiga in̄ci micwatpa táŋca y mictsacpa jém Dios in̄mat̄i, jesic jaci jém in̄ci. Más w̄i iga mitigiypa jut it Dios con tum in̄ci que iga con icuistic in̄ci mininictap jém juctjom jut da nunca p̄ichpa, jut ipictsonyaypa jém castigo. ⁴⁴ Jut da nunca caayajpa jém tsuuquiñ, jut da nunca p̄ichpa jém jucti. ⁴⁵ Siiga impuy micwatpa táŋca hasta mictsacpa jém Dios in̄mat̄i, jesic jaci jém impuy. Más w̄i iga mitigiypa jut it Dios con tum impuy que iga con icuistic impuy mininictap jém juctjom jut da nunca p̄ichpa, jut ipictsonyaypa jém castigo, ⁴⁶ jut da caayajpa jém tsuuquiñ, jut da nunca p̄ichpa jém jucti. ⁴⁷ Siiga tum in̄ixcuy micwatpa táŋca hasta mictsacpa jém Dios in̄mat̄i, jesic topi jém in̄ixcuy, patsaayi. Más w̄i iga mitigiypa con tum in̄ixcuy jut in̄jacpa Dios que iga con icuistic in̄ixcuy micnictap jém juctjom jut ipictsonyaypa jém castigo. ⁴⁸ Jut da nunca caayajpa jém tsuuquiñ, jut da nunca p̄ichpa jém jucti.

⁴⁹ Porque itumpiy canaiytap con jucti. Itumpiy jém sacrificio codaytap jém cana.

⁵⁰ W̄i jém cana, tsam tayoxpátpa. Pero siiga jém cana misap, togoypa ipaac, jesic dam para ti w̄i. Jém wibic jixi jex juuts jém cana. Naittaami jém wibic jixi in̄namanjom. Odoy áŋataami con jém in̄iŋwitam, nawinaniŋaytamtaji.

10

Da w̄i iga ichacpa iyomo tum p̄ixiñ

(Mt. 19:1-12; Lc. 16:18)

¹ Jesic put Jesús jém attebet Capernaum. Nic jém naxyucmi Judea. Jac hasta jém ni an̄wiñtuc jém río de Jordán. Eybictim an̄tuumayajpa tsam jáyan jém p̄ixiñtam. Miñ íamyaj jém Jesús. Jesic eybic in̄quejáy jém p̄ixiñtam jém Dios in̄mat̄i juuts iwatpa siempre. ² Jesic miñyaj algunos jém fariseoyaj, icunúcyajpa Jesús. Icutitsyajtooba. Jeeyucmi icwácpa, nimaytap:

—¿Que w̄i iga tum p̄ixiñ ichacpa iyomo?

³ Icutson Jesús. Nimpa:

—¿Junimpa jém an̄químayooyi jém michiñewiip jém Moisés?

⁴ Nimyajpa jém p̄ixiñtam:

—Jém Moisés in̄químayooyi ijicpa iga tum p̄ixiñ wiap ictsucum tum acta iga ichacpa iyomo.

⁵ Jesic Jesús in̄imáy jém fariseoyaj:

—Yípyaj Israelpic p̄ixiñtam tsam maloyaj íanama jeeyucmi ijaychac yíp an̄químayooyi jém Moisés. ⁶ Pero wiñigam cuando Dios iwat itumpiy cosa, iwat tum p̄ixiñ y tum iyomo. ⁷ Jeeyucmi jém p̄ixiñ ichacpa ijatun y iapa iga nicpa iwaganait iyomo. ⁸ Icuistic tsíypa tumti mijtay. Jeeyucmi da tsíypa iga wisten. Tumti imj̄tay. ⁹ Jesic siiga Dios iwat iga tum p̄ixiñ wagaityajpa con iyomo, w̄i iga seguido wagaityajñ. Da w̄i iga tum p̄ixiñ ichacpa iyomo.

10 Jesic cuando tigiyaj jém ticjom jém Jesús icuyujc#wiñ, eybictim icwácyajpa ti nimtooba jém anquímayooyi. 11 Jesic Jesús inímáy:

—Siiga tum pxiñ ichacpa jém iyomo y ipicpa tunjac yomo, jesic pejóypa jém pxiñ. Ipejpa jém iyomo jém wiñtipic. 12 Siiga tum yomo ichacpa jém iwidaaya y ipicpa tunjac pxiñ, jesic pejóypatim jém yomo.

Jesús ichiiba bendición jém tsixtam
(Mt. 19:13-15; Lc. 18:15-17)

13 Jesic namíñayta Jesús xuxut tsixtam iga ichiñ bendición. Pero jém icuyujc#wiñ iwogayaj jém inimiññeyajw#ip jém tsixtam. 14 Jesic pimi jóy jém Jesús cuando iix ti iwat jém icuyujc#wiñ. Inímáy:

—Jigaytaami iga miñiñ aámyaj y#p tsixtam. Odooy anjijajaci porque jém tigiyajpaap jut injacpa Dios jex juuts jém tsixtam. 15 Numa mannímáypa siiga da in#icpa iga minjacpa Dios juuts tum xutu tsixi, jesic da w#ap in#igiy jut injacpa Dios.

16 Jesic Jesús inuuspacpa jém tsixtam. Iccámáy ici icobacyucmi, ichi bendición.

Tum pxiñ tsam rico inijmatpa Jesús
(Mt. 19:16-30; Lc. 18:18-30)

17 Jesic tum jama mojjacum niqui Jesús. Jeeti rato miñ poyimi tum pxiñ, icosteeñáy jém Jesús iwíñjom. Acwágóypa jém pxiñ. Nímayta Jesús:

—Agui w#ibic miMaestro, ¿ti w#ap anwat iga ampictsonpa jém vida jém dapic cuyajpa?

18 Jesic Jesús inímáy jém pxiñ:

—¿Tiiga miñimpa iga ich awi? It tum jém w#ibic, je jém tanjatuj Dios.

19 Mich in#odon jém Dios inquímayooyi. Nimpa: “Odooy accaooyi, odooy pejooyi, odooy nuumi, odooy cumigooyi in#iwitam, odooy migóyaayi tum jém in#iwi iga in#úmáypa titam iniit, naidaayi respeto jém in#jatuj y jém in#apa.”

20 Jesic jém pxiñ inímáy jém Jesús:

—Maestro, ich jempigam anwatne itumpiy dende atsiññam.

21 Jesic Jesús iámmats jém pxiñ, tsam pimi itoypa. Inímáy:

—No más tum cosa mitogóyáy. Cumáyaayi itumpiy jém iniitw#ip, ch#i jém tumiñ jém yaachayajp#ppic, jesic iniit jáyan jém w#ibic riqueza sinyucmi. J#ici iga miyaachwattap, atúññiy.

22 Mu imatorj ti inímáy jém Jesús, nic jém pxiñ. Pimi anyác porque tsam pimi rico.

23 Jesic Jesús iámanpoy jém ityajw#ip, inímáy jém icuyujc#wiñ:

—Tsam táñca iga tum ricopic pxiñ núcpa jut injacpa Dios.

24 Jém icuyujc#wiñ agui ipoofañjamyajpa ti nimpa jém Jesús. Jesic eybictim nimpa jém Jesús:

—Mammanictam, tsam pimi táñca iga núcyajpa jut injacpa Dios jém tsampic itoypa itumiñ. 25 Más da táñca iga naspa tum camello tum núncyapac ijosjom que iga tigiypa tum rico jut injacpa Dios.

26 Jesic pimi ichiganjécayaj jém Jesús icuyujc#wiñ. Moj nacwácyajtaji entre jeeyaj. N#myaj:

—¿Jesic i w#ap ic#iput?

27 Jesic Jesús iámmats jém icuyujc#wiñ, inímáy:

—Numa, jém pixiñtam da wiaꝑ iwat, pero Dios wiaꝑ porque je wiaꝑ iwat itũmpiy cosa.

²⁸ Jesic jém Peto moj ininmat Jesús. Nímayta:

—Mánomi, aichtam antsacnetámum itũmpiy jém anaitwiiꝑ idic iga nicpa mantújiꝑ.

²⁹ Jesic Jesús iñímáy jém icuyujcwiñ:

—Numa mannímáypa, siiga i ichacpa itic, itiwitam, iapa, ijatun, iyomo, ichixtam, o iñas ich anꝑuyucmi iga inmatpa jém wibic anmatí, jesic Dios iwiyoyja. ³⁰ Jesic yíptim naxyucmi Dios icseedáypa más jáyan cosa que jém ichacneyajwiiꝑ jém itic, itiwitam, iapa, ichixtam, o iñas. Pero tsam yaachwattaptim yip naxyucmi. Jesic ocmi cuando núcpa jut it Dios, iníitum jém vida jém dapic cuyajpa. ³¹ Wati jém anjagoypáꝑpic tsíypa tuuñianꝑim, jém tuuñianꝑimpic, anjagóypa iñic.

Tucciy inmatpa Jesús iga accaatap

(Mt. 20:17-19; Lc. 18:31-34)

³² Nicyajpa Jerusalén Jesús con icuyujcwiñ. Jém Jesús anjagoyñe iñic, jém icuyujcwiñ miñyajpa ituuñianꝑim. Tsam cñneyaj. Tsam ipoofañjamyajpa iga nicpa Jesús Jerusalén. Jesic eybic inwejput jém doce icuyujcwiñ, moj inmadáy titam iñascaaba Jerusalén. ³³ Nimpa Jesús:

—Matonꝑaami. Siip tanictámpa Jerusalén. Ich jém aMiñnewiiꝑ Sinyucmi aciiꝑucottap jém cobacꝑic panij iciiꝑom y jém escribasꝑic maestroyaj iciiꝑom. Jeeyaj achiiꝑba mijꝑic castigo. Ocni ijsiyajpa jutsap accaayaj. Aciiꝑucottap jém tunꝑac pixiñtam iciiꝑom jém dapic je de Israel. ³⁴ Jeeyaj axiccayajpa, atsujcayajpa, piꝑi acótsyajpa. Accaayajpa. Pero jém tucunajama aꝑispa de jut it jém caaneyajwiiꝑ.

Jém Jacobo y Xiwan iwácyajpa tum favor

(Mt. 20:20-28)

³⁵ Jesic ocni jém Jacobo y jém Xiwan, jém Zebedeo imanictam, icunúcyaj Jesús. Iñímayajpa:

—Micꝑuyoyꝑaap, awadaytaami tum favor.

³⁶ Jesic Jesús iñímáy jém wisten:

—¿Tí iñxunpa iga manwadaytámpa?

³⁷ Jeeyaj nimyaj:

—Cuando núcpa jém tiempo iga ininjacpa yip naxyucmi con Dios ipimi, achiiꝑaami derecho iga nicpa acóñi tum ininjwimi y tum ininjaymi.

³⁸ Pero Jesús iñímáy jém wisten:

—Michtam da iñjodonꝑam ti anwágaytámpa. ¿Que mich iñyaachiꝑpa iga miyaachwattap juuts aich ayaachwattap? ¿Que wiaꝑ iñuc jém copa jém ichꝑic ánuꝑa? ¿Que wiaꝑtim micchintamta juuts ich achintap?

³⁹ Jesic jém wisten iñímáy jém Jesús:

—Awiatámpa.

Jesic Jesús iñímáy:

—Numa, mimichtam miyaachwattamtaptim juuts aich. Iñuctámpa jém copa jém ichꝑic ánuꝑa. Micchintamtaptim juuts aich achintap. ⁴⁰ Pero ich da wiaꝑ manchi derecho iga nicpa micóñi tum ananjwimi y tum ananjaymi. Jém anjatun Dios ichiiꝑa derecho jém icuꝑinneyajwiiꝑ.

⁴¹ Jesic cuando imatonɣaj los de más jém Jesús icuyujcɨwiñ, jém diezpic, tsam ijóyixaypa jém Jacobo y Xiwan. ⁴² Jesic Jesús inɣejáy itumpɣiy jém icuyujcɨwiñ. Inímáy:

—Michtam inɣiwjodon iga jém juumipic pixiñtam inɣagooyiyaj tsam ipimíypa jém ipixiñtam. Jém más mijpic anɣagooyi más pimi ipimíypa jém ipixiñtam. ⁴³ Pero mimichtam da inɣwattámpa jempic. Siiga mijpic minɣagooyi, inɣuyoxap jém iníiwitam. ⁴⁴ Jém más mijpic ininɣagooyi micuyoxap juuts tum esclavo. ⁴⁵ Wattaamitim juuts aich. Amiñ sinɣucmi iga anɣuyoxap jém ityajwɨp yíp naxyucmi. Ich da amiñ iga acuyoxayajin jeeyaj. Ich amiñ iga anchiiba amvida iga anyojáya jáyan jém pixiñtam itánca.

Jesús ictójáy jém Bartimeo iixcuy

(Mt. 20:29-34; Lc. 18:35-43)

⁴⁶ Ocmi núcyaj jém atebet Jericó. Jesic cuando putyajpa jém Jericó jém Jesús con icuyujcɨwiñ iwagananicyajpa jáyan jém pixiñtam. Jemum coñ tunanɣaca tum cáchtí iníyi Bartimeo jém Timeo imanic. Iwácpa tumiñ. ⁴⁷ Jesic cuando jém cáchtí imatonɣ iga napa Jesús jém Nazaretpic, jesic pimi jiyapa jém cáchtí. Nimpa:

—Jesús, jém rey David mimanic, ayaachanjami.

⁴⁸ Jém itúnɣiyajpaap Jesús iwogayyajpa jém cáchtí iga odoy jíyiñ. Pero más pimi jiyapa jém cáchtí. Nimpa:

—Jém rey David mimanic, ayaachanjami.

⁴⁹ Jesic teeñanɣac Jesús. Inímáy jém ityajwɨp:

—Anɣwejaayi jém pixiñ.

Jesic jeeyaj inɣwejajaj jém cáchtí. Nímayta:

—Maymáya. Tsucumi, porque síp minɣejáy jém tamMaestro.

⁵⁰ Jesic jém cáchtí ipatsquet naxyucmi jém icapa de lana, jicsciy tsucum, nic íam jém Jesús. ⁵¹ Jesic Jesús inímáy jém cáchtí:

—¿Tí inxunpa iga manɣwadáypa?

Jesic jém cáchtí icutson. Nimpa:

—MamMaestro, ansunpa iga actojaayi ánixcuy.

⁵² Jesic Jesús inímáy jém cáchtí:

—Síp nicsim. Tsam inɣcupicne iga Dios wiap miyoxpát, jeeyucmi mipisneum.

Jesic jeeti rato toj iixcuy jém cáchtí, mojum itúnɣiy jém Jesús juɣ nicpa.

11

Tigiy Jesús Jerusalén juuts tum anɣagooyi

(Mt. 21:1-11; Lc. 19:28-40; Jn. 12:12-19)

¹ Jesic núcyajpa nocojom jém Jerusalén tomi juɣ it jém wisten tiganjoj jém Betfagé y jém Betania, coɣsic anɣaca, jém coɣsic iníyi Olivos. Jesic Jesús icutsat wisten jém icuyujcɨwiñ tum tiganjoj nocojom. ² Inímáy jeeyaj:

—Nictaami jém tiganjoj jeexpic it. Cuando miñúctámpa jem, impáttámpa tum mañburro tsenne. Da j queman iquímca jém burro. Wiji, anamíñaayi.

³ Siiga j miñímáypa iga tiiga inɣwijpa jém burro, jesic nímaayi: “Jém tánomi ixunpa. Da jáypa micseedáy.”

⁴ Jesic nicyaj jém wisten. Ipátayaj tum mañburro tsenne calle tum puerta anñaca. Iwijyaj. ⁵ Jesic jém ityajwñip jem inñimayyaj jém Jesús icuyujcñwiñ:

—¿Ti inñwatpa? ¿Tiiga inñwijpa jém burro?

⁶ Jesic jém icuyujcñwiñ icutsonyaj jém ityajwñip juuts inñimáy jém Jesús. Jesic ichi lado iga ininiguñ jém burro. ⁷ Jesic ininiguñyaj Jesús jém burro, icutógayyaj jém burro con iyooti. Jesús iquímca. ⁸ Wati jém pixiñtam itócyaj iyooti tunjom jut witpa jém burro. Tunjac itúcyaj jém cuy inñcis y jém ay iga itócyajpatim tunjom.

⁹ Algunos jém pixiñtam anjagoyñeyaj inñic y algunos nicyajpa tuuñianñim. Pimi anñweyajpa. Nímyajpa:

—¡Hosanna! Agui wí jém tanñatunñ Dios. Tanñujíptampatim yíp tananjagooyi jém tacutsadayñewñip Dios. ¹⁰ Agui wí yíp tananjagooyi. Miñpa inñjac tannación juuts jém wiñicpí rey jém David. ¡Hosanna! Agui wí jém tanñatunñ Dios jém itwñip sinñyucmi.

¹¹ Jesic núc Jerusalén jém Jesús. Tígy jém mijpic mañticjom, íam itumpiy cosa jém ityajwñip jem. Ocmi nic tsñiyaj Betania jém Jesús con jém doce icuyujcñwiñ porque tsuuyim.

Jesús imalñimáy jém tsuj iga da tímāne

(Mt. 21:18-19)

¹² Jesic icuquejama cuando put Jesús jém Betania, tsam yuap. ¹³ Jesic juumi iix Jesús tum tsuj tsam áyíy. Jesic nic icuámáy jém tsuj itim. Pero da ipadáy jém itim no más it jém iay porque da itiempo iga tímāp. ¹⁴ Jesic Jesús inñimáy jém tsuj:

—Ich mannimáypa iga da nunca i micudáypa jém inñim.

Jém icuyujcñwiñ imatonñyaj ti nímpa Jesús.

Jesús iquebacputpa jém máymáyoyyáppic jém mijpic mañticjom

(Mt. 21:12-17; Lc. 19:45-48; Jn. 2:13-22)

¹⁵ Jesic ocmi nicyaj Jerusalén. Eybic tígy Jesús jém mijpic mañticjom. Moj iquepquebacput jém máymáyoyyajpaap y jém juyjúoyyajpaap jém mijpic mañticjom. Jesús ichiputseedáy jém imesayaj jém icucacyajpaap tumiñ. Imutsmutssedáy jém icoñcuyyaj jém imáyajpaap cuucu. ¹⁶ Datim ijicpa Jesús iga i inñicpa algun carga jém mijpic mañticjom. ¹⁷ Jesic Jesús moj inñquejáy jém pixiñtam. Nímayyajpa:

—Jaychacnetawum jém Dios inñmati: “Ich antic jut iwatyajpa oración. Je para itumpiy jém pixiñtam.” Pero michtam impicneta yíp antic juuts tum mercado, tsam it jém númyajpaap.

¹⁸ Jém cobacpic pañiyaj con jém escribaspic maestroyaj imatonñyaj ti nímpa jém Jesús. Moj ijisñyaj jutsap iccaayaj. Jém anñagooyiyaj icñiyajpa jém Jesús porque itumpiy jém pixiñtam tsam ipooñanjamyajpa cuando imatonñyaj jém wibic inñquímayoyyi. ¹⁹ Jesic tsuáñam putyaj Jerusalén jém Jesús con icuyujcñwiñ.

Títsneum jém tsuj

(Mt. 21:20-22)

²⁰ Jesic icuquejama cuando nicgacpa Jesús Jerusalén, nasyajpa jut it jém tsuj. Iixñyaj iga títsneum jém tsuj hasta itichicuyucmi. ²¹ Jém Peto ijis iga imalñimáy Jesús jém tsuj, jesic inñimáy:

—MamMaestro, aami jém tsuj jém immalnímáyñewiip. Siip titsneum.

²² Jesic Jesús iníimáy jém icuyujcwiñ:

—Cupictaami iga tsam wiap jém tanjatun Dios. ²³ Numa mannímáypa, siiga i iníimáypa yip cotsic iga: “Caayi de yim, nigí miniccámtaji lamar”, jesic tienes que miwadáypa Dios juuts inwágáypa siiga da iniñi duda y inçupicpa inñanamanjom iga Dios wiap miyoxpát. ²⁴ Jeeyucmi mannímáypa iga cuando inwattámpa oración iga inwágáypa Dios algun ti, siiga inçupicpa iga impictsonpa, jesic Dios michiiba. ²⁵ Cuando ininwejpáttámpa Dios, wiñti wadaytaami perdón siiga i mimalwadáy. Jesic jém tanjatun Dios, jém itwiiip sinyucmi, miwadaytámpatim perdón mimichtam itumpiy jém inñáñca. ²⁶ Siiga da inwadáypa perdón jém mimalwadayñewiip, jesic jém tanjatun Dios jém itwiiip sinyucmi datim miwadáypa perdón mimichtam inñáñca.

Acwáta Jesús jut ipic jém autoridad

(Mt. 21:23-27; Lc. 20:1-8)

²⁷ Jesic eybictim nic Jesús Jerusalén con icuyujcwiñ. Cuando siiba Jesús jém mijpic masticjom, miñyaj jém cobacpic panijyaj con jém escribaspic maestroyaj y jém wídaytam. Icutnúcyaj jém Jesús. ²⁸ Jesic jeeyaj icwácyaj jém Jesús. Nímayta:

—¿I micutsat iga inwatpa juuts mich síp inwat? ¿I michi jém impimi?

²⁹ Jesic Jesús iníimáy jeeyaj:

—Siip manacwácpatim tum cosa. Siiga wiap ançutsonpa, jesic ichgam mannímáypa i achi jém pimi iga anwatpa juuts síp anwat. ³⁰ Anímaytaami, ¿i ichi ipimi jém Xiwan iga acchínóypa? ¿Que Dios ichi jém ipimi o pixiñ ichi?

³¹ Jesic jém anjagooyiyaj moj nacwácyajtaji entre jeeyaj. Nanímayyajta:

—Siiga tannímáypa iga Dios icutsat jém Xiwan, jesic tanímáypa iga: “¿Tiiga da inçupictámpa?” ³² Pero siiga tannímáypa iga da je Dios icutsat jém Xiwan, jesic da ti wiap tanwat.

Jém anjagooyiyaj icinaypa jém pixiñtam porque itumpiy de jeeyaj ijodonayaj iga jém Xiwan tum nunta profeta. ³³ Jesic jém anjagooyiyaj icutsonyay.

Inímayyaj Jesús:

—Da anjodonjam.

Jesic Jesús iníimáytim jém anjagooyiyaj:

—Ich datim mannímáypa i achi jém pimi iga anwatpa juuts síp anwat.

12

Jém cuento de jém malopic mozo

(Mt. 21:33-46; Lc. 20:9-19)

¹ Jesic Jesús moj inquejay jém pixiñtam cuentujmi. Nímayyajta:

—It idic tum pixiñ inñip tum finca de uvas. Icutánne. Iwat tum tsajos jut itobáypa jém uvas inñi iga iwatpa jém vino. Iwattim tum torre jut iwatpa cuenta jém finca.

Jesic ocmi icnucs jém ifinca tunçac pixiñtam iga itúcyajpa jém uvas y iwatpa jém vino. Jesic jém nas iomi nic joyi tunçac naxyucmi tsam juumi. ² Jesic cuando núc jém tiempo iga tiamap jém uvas, jém finca iomi icutsat tum imozo iga niguiñ iám jém icnucsneyajwiiip jém ifinca iga iwégáyiñ jém cosecha.

³ Pero cuando núc jém imozo, matsta, tsam cótsta. Acsetta eybic jut miñ. Da ti

ichiiyaj. ⁴ Jesic jém finca iqmi icutsat tun̄gac jém imozo. Pero in̄násjedayyaj jém icobac. Tsam p̄imi imalmaln̄imayyaj. Acsetta eyb̄ic jūt miñ. ⁵ Jesic icutsat tun̄gac jém imozo, pero accaayta jém imozo. Asiam in̄ascayaj wāti jém imozoyaj. Algunos p̄imi cósta y algunos accaata.

⁶ Ocmi núc tum̄ jama iga tsiy no más jém p̄ixiñ iman̄ic jém tsampic itoypa. Jesic ocmi icutsattim jém iman̄ic. Ij̄spa: “Tienes que iniidayyajpa respeto amman̄ic.” ⁷ Pero cuando núc jém p̄ixiñ iman̄ic, jesic jém p̄ixiñtam moj nan̄imayyajtaji: “Ȳibam jém iman̄ic jém ip̄ictson̄p̄appic itump̄iy jém ījatun̄pic im̄ichi. Siip tanaccaaba, jesic taichtam tamm̄ichat̄ampa jém herencia.”

⁸ Jesic matsayta jém p̄ixiñ iman̄ic, accaata, patsayta an̄s̄icmi de jém finca.

⁹ Jesic Jesús in̄imáy jém p̄ixiñtam:

—Siip an̄imaayi: ¿T̄i iwatpa jém finca iqmi? Miñpa iccucaáy jém iwatya-jp̄appic cuenta jém uvas. Jesic ocmi ichiiba jém finca tun̄gac p̄ixiñtam.

¹⁰ ¿Que da immayñe jém Dios in̄mat̄i jūt jayñeta? Nimpa:

Jém ticwatpaap ipatsaytip jém tsa.

Pero ocmi jeetim tsa p̄iñta.

Siip jeetim tsa icóppacne jém tic.

¹¹ Ȳibam jém tan̄jatun̄j Dios iwati.

Cuando tánixt̄ampa, agui tampooñan̄jamt̄ampa.

¹² Jesic jém an̄jagooyiyaj tsam imatsyajtooba jém Jesús porque icutīiyiyaj iga jeam icuyucmi in̄mat̄i Jesús jém xufu cuento. Pero tsam ic̄inyajpa jém p̄ixiñtam. Jesic ichacyajpa iga imooḡiypa jém Jesús. Nicyajum.

Acwáct̄a Jesús̄ siiga w̄i tanyoj̄ jém impuesto

(Mt. 22:15-22; Lc. 20:20-26)

¹³ Jesic ocmi cutsadayta Jesús algunos jém fariseoyaj y jém an̄jagooyi Herodes ip̄ixiñtam. Nic icutit̄sta Jesús iga iccutin̄pa con jém in̄mat̄i iga wīañ̄iñ̄ iquejajwadayyaj. ¹⁴ Jesic núcyaj in̄imayyaj jém Jesús:

—Maestro, an̄jodón̄gata iga siempre in̄in̄matpa jém numapic an̄mat̄i y da in̄wadáypa caso ti n̄imayajpa jém p̄ixiñtam. Mich da ī in̄c̄in̄pa. Siempre in̄in̄matpa parejo jém Dios in̄mat̄i. Jesic an̄imaayi, ¿w̄i iga tanyojpa jém impuesto jém César o da w̄i? ¿Tanyojt̄ampa o da tanyojt̄ampa?

¹⁵ Pero Jesús icutīiyiy iga jeeyaj da icuyujcatooba jém Dios in̄mat̄i, no más miñ icutit̄s. Jesic in̄imáy:

—¿T̄iiga an̄cutit̄st̄ampa mimichtam? Anam̄iñ̄aayi tum̄ tumiñ̄ iga án̄ampa.

¹⁶ Jesic in̄im̄iñ̄ayyaj Jesús tum̄ tumiñ̄. Jesic Jesús in̄imáy:

—¿Ī iwiñ̄pac, ī in̄iyi accamayñeta ȳip tumiñ̄yucmi?

Jesic n̄imayajpa jém p̄ixiñtam:

—Jém César jém Romapic an̄jagooyi.

¹⁷ Jesic Jesús in̄imáy jém p̄ixiñtam:

—Jém Césarpic im̄ichi, chiitaami jém César. Jém Diospic im̄ichi, chiitaami Dios.

Tsam p̄imi ipooñan̄jamyajpa jém p̄ixiñtam cuando imatonyaj ti nimpa jém Jesús.

Jutsap̄ ic̄p̄isyajta jém caaneyajw̄iip

(Mt. 22:23-33; Lc. 20:27-40)

Jesic cinyajpa jém pixiñtam iga eybíc icwácyajpa jém Jesús.

*Jém Cristo jém Dios iManic
(Mt. 22:41-46; Lc. 20:41-44)*

³⁵ Jesic ocmi iganam accuyujóyapa Jesús jém masticjòm, nímpa así:

—¿Ítiiga nímajpa jém escribaspic maestroyaj iga jém Cristo je jém David imanic? ³⁶ Jeetim David ijaychacne así porque jém Dios iAnama ichi jém jixi. Nímpa:

Jém tanjatun Dios inímáy jém tánomi Cristo iga:

“Coñi yim anañwimi hasta que incoñwíyapa jém mijóixyajpaap.”

³⁷ ¿Pero jutsap ichíy jém Cristo juuts jém David imanic siiga nintim jém David iga jém Cristo je jém iQmi?

Jemum añtuumaneyaj tsam jáyan jém pixiñtam. Agui maymayaj cuando imatonayaj ti nímpa jém Jesús.

*Jém maestroyaj jém iccámneyajwíp jém yagatsyooti
(Mt. 23:1-36; Lc. 11:37-54; 20:45-47)*

³⁸ Jesic inmadáypatim Jesús jém pixiñtam. Nímajyaptap:

—Cuidado iga incupicpa jém jixi jém dapic wí jém iniitwíp jém escribaspic maestroyaj. Je iwianjamyaj iga iccámajpa jém yagatsyooti. Iwianjamyajtím iga jém pixiñtam idioschijajiñ cuando siyajpa calle. ³⁹ Iwianjamyajtím jém más wibíc coñcuy jém sinagoga. Cuando nicpa sínajiyaj, icusúniyyajpa jém coñcuy jut wícpa jém más mijpic añjagooyi. ⁴⁰ Iccáyáypa jém cunoya itic. Jesic ocmi tsam jáyapa hora iwatyajpa jém oración iga tamigóyáypa. Ipicsonajpa tsam mijpic castigo cuando nicpa iyoy itañca.

*Tum cunoya tsam pobre ichi Dios ofrenda
(Lc. 21:1-4)*

⁴¹ Tum jama coñ Jesús jém mijpic masticjòm noco jut it jém cajon jut cottap jém ofrenda. Iix Jesús jém pixiñtam cuando icotyajpa jém ofrenda cajonjòm. Iix iga wati jém ricoyaj, icotyaj jáyan tumiñ. ⁴² Ocmi núctim tum yomo tsam pobre. Cunoyam. Icot cajonjòm wisten xuxut tumiñ. ⁴³ Jesic Jesús inwejáy icuyujcwiñ iga míñiñ iámyaj. Inímáy:

—Numa mannímáyapa, yíp cunoya tsam pobre más chióy que itumpiy jém pixiñtam jém icotneyajwíp itumiñ jém cajonjòm. ⁴⁴ Porque los de más, jém tumiñiywíp, ichiyaj no más uxaj jém itumiñ jém iniitwíp idic. Yíp cunoya tsam pobre, pero icuchiáy Dios itumpiy jém iniitwíp. Dam ti initsíy iga wícpa jém yomo.

13

*Nímpa Jesús iga miswattap jém mijpic mastic
(Mt. 24:1-2; Lc. 21:5-6)*

¹ Jesic iganam putyaj Jesús jém mijpic masticjòm con icuyujcwiñ, tum jém icuyujcwiñ inímáy:

—Mammaestro, aami yíp tammastic. Agui wíwatne con jém wítampic tsa.

² Jesic Jesús inímáy jém icuyujcwiñ:

—Numa, siip inixtámpa yíp mjtampic mastic, pero núcpa jama iga miswattap. Da cutatsquetneebe ichíy ni tum tsa. Itumpiy accujegayyaptap.

Ti tánixpa antes que núcpa jém Inanpigam jama
(Mt. 24:3-28; Lc. 21:7-24; 17:22-24)

³ Nicayaj Jesús con icuyujcñiwíñ jém cotsicyucmi de Olivos. Jemum coñayaj jém mijpic mastic iñuma, jém pacus anwiñtuc. Jesic jém Peto, jém Jacobo, jém Xiwan y jém Anti icunúcyaj jém Jesús. Iyamacwácyajpa:

⁴ —¿Anímaytaami juchis naspa yípyaj cosa? ¿Jup seña tánixtámpa cuando naspa itumpiy yípyaj cosa?

⁵ Jesic Jesús moj iñímáy jeeyaj:

—Nawattamtaji cuenta iga odoy i mimigóyaytámiñ. ⁶ Miñayjpa wati jém migoyajpaap ich anniyimi. Nimyajpa iga: “Ich aCristo.” Imigóyayajpa tsam jáyan jém pixiñtam.

⁷ Jesic cuando immatontámpa iga it jém guerra y wanpa iga tsam ányajpa jém naciónayaj, odoy cñtaami; tienes que naspa itumpiy yípyaj cosa, pero danam núcne jém Inanpigam jama. ⁸ Tum nación ányajpa con tungac nación. Tum naxyucmi ányajpa con tungac naxyucmi. Miñpa jém nasyixi jutquej. Miñpatim jém mijtampic yuu. Tsam cujiñayajpa jém pixiñtam. Cuando iñixtámpa itumpiy yípyaj cosa, iñjodontam iga tsucumneum jém mijpic yaachaji.

⁹ ‘Cuando moypa iñixta itumpiy yípyaj cosa, nawattamtaji cuenta. Ministamtap, mininictamtap jut antuumayajpa jém Sanhedrin iga micñipintap. Mininictamtap jém sinagoga iga micótstamtap. Ich ancyucmi mininictamtap jém gobernador iwiñjom y hasta jém rey iwiñjom. Jesic jempigam in-icjodónap jeeyaj ich ananmati. ¹⁰ Antes que núcpa jém Inanpigam jama, tienes que anmattap jém wibic anmati icuwiiti yíp naxyucmi. ¹¹ Cuando mininictamtap jém anjagooyicim, antes que miñúctámpa, odoy jisi jutsap inçutson jém anjagooyiyaj. Anmadaayi juuts miñímáy Dios jeeti rato porque da mich iñixquiimi. Dios iAnama michiiba jém anmati. ¹² Algunos jém pixiñtam icñijunçotpa jém inuntatiwi jém anjagooyicim iga accaatañ. Tum pixiñ icñijunçotpa jém imanic jém anjagooyicim iga accaatañ. Algunos jém tsixtam ijóyixayajpa jém ijatun o iapa hasta icñijunçotayajpa jém anjagooyicim iga accaayajtañ. ¹³ Itumpiy jém pixiñtam tsam mijóyixtámpa ich ancyucmi. Pero siiga da inçactámpa jém Dios inmati y siiga iñyaachyipa cuando mimalwadaytamap, jesic Dios miciaçuptámpa.

¹⁴ Jém wñicpic profeta, jém Daniel, ijaychac jém librojom iga miñpa tum anjagooyi tsam pimi malo, tsam ijóyixpa tanjatun Dios. Miñpa iwat contra jém Dios inçuímayooyi. Cuando iñixpa iga miñpa iti jém anjagooyi jut da iwianjam Dios (el que imaypa yíp libro wí iga icutiñiyíñ ti annímáypa), jesic miñtanwñip jém naxyucmi de Judea, poytaami, nictaami cotsiganjom.

¹⁵ Siiga miquímne iñicyucmi jém tungac piso, jesic odoy queti iga nicpa impic iñtraste, pero nicsim poyimi. ¹⁶ Siiga miitta camjom cuando immaton iga núcneum jém malopic anjagooyi, jesic odoy settaami iñticim iga miñpa impic impuctuc. Jemigam tsucumtaami. ¹⁷ Agui uuguytim jém yomtam jém manicomcaneyawñip y jém ictsútsayajpaap jém xuxut tsixtam. Porque tsam jáyan yaachaji miñpa. ¹⁸ Anwejpáttaami Dios iga odoy mictsíyotámiñ jém tiempo de succuc cuando mipoytámpa. ¹⁹ Cuando núcpa jém malopic anjagooyi, tsam pimi miyaachatámpa. Da nunca oypa tánix jexpic yaachaji dende Dios iwat

yíp mundo. Ni ocmi da eybic tánixpa jexpic yaachaji. ²⁰ Jém tanjatun Dios da ijícpa iga jáypa jém malopic anjagooyi. Siiga jáypa, da i ciiputpa, cucaayajpa itumpiy jém icupinneyajwiip Dios. Jeeyucmi da ijícpa iga jáypa jém malopic anjagooyi.

²¹ Siiga i miñimáypa iga: “Miñi aami, yim it jém Cristo”, o tunjac miñimáypa iga: “Nigi aami, jeexic it jém Cristo”, jesic odoy cupictaami. ²² Porque miñayjpa tsam jáyan jém migoypaap. Niman̄taayap iga je jém Cristo, pero migóypa. Niman̄taayap iga je jém wibic profeta. Iwatyajpa jém wítampic seña y jém milagroyaj iga meega wiap imigóyayajpa jém icupinneyajwiip Dios. ²³ Jesic mimichtam nawattamtaji cuenta porque mannímayñe ti miñpa antes que núcpa jém jama.

*Ti naspa yíp naxyucmi cuando miñgacpa jém Cristo
(Mt. 24:29-35,42,44; Lc. 21:25-36)*

²⁴ Jesic jém tiempo cuando nasum jém yaachaji, píchpa jém jama ichoça. Jém poya datim tsoçpa. ²⁵ Jém matsa jém itwiip sinyucmi, cutin̄yajpa. Tsam tsigóypa itumpiy jém ityajwiip jém matsaanjom. ²⁶ Cuando nasum itumpiy yípyaj cosa, jesic itumpiy jém pixiñtam iixyajpa jém Miññewiip sinyucmi cuando miñgacpa yíp naxyucmi. Miñpa ucsanjom. Miñpa juuts tum mijpic anjagooyi con Dios ipimi. ²⁷ Cutsadaytap jém sinyucmipic pixiñtam icuwoyo yíp naxyucmi iga in̄tuumawatyajiñ itumpiy jém icupinneyajwiip Dios. Nicyajpa hasta jém más juumipic tiganjoj iga in̄tuumawatyajpa itumpiy jém ampixiñtam dende sinyucmi hasta naxyucmi.

²⁸ Cutiñyiytaami yíp ejemplo de jém tsuj. Cuando químpa jém in̄maañay, jesic tanjodon iga nocojom miñpa jém cutujci. ²⁹ Jesap̄tim cuando in̄ixtampa iga naspa jém mannímayñewiip, jesic in̄jodon̄tam iga nocojom it jém in̄jan̄pic jama cuando amiñgacpa yíp naxyucmi. ³⁰ Numa, mannímaypa, itumpiy yípyaj cosa naspa antes que caayajpa jém pixiñtam jém ityajwiip yíp naxyucmi cuando moypa miñi itumpiy yípyaj seña. ³¹ Cuyajpa jém sin y jém nas, pero ich anañmati da nunca cuyajpa.

³² Da i ijodon̄ jup jama ni juchis hora núcpa itumpiy yípyaj cosa. Da ijodon̄yaj ni jém sinyucmipic pixiñtam ni datim ijodon̄ jém Dios iManic. Icutum ijodon̄ jém tanjatun Dios.

³³ Nawattamtaji cuenta, ittaami al tanto, seguido añwejpáttaami Dios porque da in̄jodon̄tam juchis núcpa jém in̄jan̄pic jama. ³⁴ Cuando núcpa jém jama jextim juuts tum pixiñ cuando nicne joyi juumi. Ichacpa itic con algunos jém imozoyaj iga iwadáyñ cuenta. In̄quím̄tsacpa jém imozoyaj. Cada tumtum ichi iyoxacuy. Ichac tum iga iwatpa cuenta jém puerta. In̄imáy iga idiñ al tanto. ³⁵ Mannímaytampatim mimichtam, ittaami al tanto porque da in̄jodon̄tam juchis hora amiñpa, siiga amiñpa cuando jocpiichabam, o cugapsu, o cuando añwejpa jém çayu, o hasta cuquejacim. ³⁶ Jesic añjóctaami iga odoy man̄cupiichciytámiñ cuando amiñgacpa. ³⁷ Siip anañmadáypa itumpiy pixiñtam juuts mannímayñeta mimichtam iga ityajñiñ al tanto.

14

Jém anjagooyiyaj iwatyajpa trato iga matstap jém Jesús
(Mt. 26:1-5; Lc. 22:1-2; Jn. 11:45-53)

¹ Togoy wisna jama iga naspa jém pascuasij cuando cúttap jém caxtánañi sin levadura. Jesic jém cobacpic panijyaj entre jém escribaspic maestroyaj imétsyajpa jutsap iyammats jém Jesús iga iccaaba. ² Pero algunos jém anjagooyiyaj ninyajpa:

—Da tammattámpa sinjom iga odoy cujiñayyajiñ jém pixiñtam.

Tum yomo icutecquet Jesús con wibic perfume
(Mt. 26:6-13; Jn. 12:1-8)

³ It idic Jesús jém attebet Betania jém Ximoj iticcim, jém cupúgayñewiip idic iñaca. Iganam coñ Jesús jém mesacim jut wicyajpa, tum yomo inimiñ tum tsaafiasco comne de jém wibic aceite. Naps nardo jém aceite jém tsampic tsoowiy. Jesic jém yomo ipo jém frasco, icutecquet jém aceite Jesús icobacyucmi. ⁴ Pero algunos pimi jóy iga iwat jempic jém yomo. Nanimayyajta entre jeeyaj:

—¿Tiiga itecmichca yip wibic aceite? ⁵ Meega tammáypa yip aceite, ivale más de trescientos tumiñ de plata. Jesic wiap tanyoxpát jém yaachayajpaap. Jesic moj iwogayyaj jém yomo.

⁶ Pero Jesús inímáy:

—Tsaci yip yomo. ¿Tiiga immoogíypa? Tsam awiwadáy. ⁷ Jém yaachayajpaap siempre inwaganaitámpa. Wiap inyoxpátta juchis mich inxunpa. Pero aich da siempre manwaganaitámpa. ⁸ Yip yomo awiwadáy con jém iniiwñip. Danam acaane, pero miñ acutegáy jém wibic aceite ammijtayyucmi juuts cuando cumtap tum tsúts. ⁹ Numa mannímáypa, jutquej anmattap jém wibic anmati icuwiti yip naxyucmi, anmattapim ti awadáy yip yomo iga jém pixiñtam ijsyajiñ yip yomo.

Jém Judas icijuncot jém Jesús
(Mt. 26:14-16; Lc. 22:3-6)

¹⁰ Jesic jém Judas Iscariote, tum de jém Jesús icuyujcwiñ, jém docepic, nic inijnmat jém panij anjagooyi. Nic iwat trato jutsap icijuncot Jesús jém anjagooyi icijom. ¹¹ Jesic agui maymayyaj jém panij anjagooyiyaj cuando ijodóna tiiga miñ jém Judas. Inimayyaj iga ichiyajpa tumiñ jém Judas iga icijuncotpa jém Jesús. Jesic jém Judas moj iméts jutsap iwat.

Jém wiñtipic Santa Cena
(Mt. 26:17-29; Lc. 22:7-23; Jn. 13:21-30; 1 Co. 11:23-26)

¹² Jesic tsucúmum jém sin iga jém Israelpic pixiñtam icútyajpa jém caxtánañi jém dapic inij levadura. Jesic jém wiñtipic jama cuando accaayajtap jém xuxut borregoyaj para jém pascuasij, jém Jesús icuyujcwiñ icwácyaj, inimayyaj:

—¿Jut inxunpa iga nicpa anwitsacta itumpiy cosa iga tawíctampa jém pascuasij?

¹³ Jesic Jesús icutsat Jerusalén wisten jém icuyujcwiñ. Inímáy:

—Nictaami jém attebet Jerusalén. Jemic impátámpa tum pixiñ jém ininipaap tum majcuy ni. Jesic túñytaami, ¹⁴ hasta tigiypa tum ticjom.

Nímaytaami jém tic iómi iga: “Nimpa jém ammaestro: ¿Jut it jém cuarto jut anacnasma jém pascuasij con añcuyujcïwiñ?” ¹⁵ Jesic jém tic iómi miñquejáypa tum mijpic cuarto jém yucmipic piso. Witsacneum jém cuarto. Initum tifam tansunpa. Jemigam wíwattaami jém tanwíccuy iga tasíjatámpa.

¹⁶ Jesic jém wisten icuyujcïwiñ nicyaj jém atebet Jerusalén. Cuando núcyaj jemíc, ipát jém tic juuts inímayñe jém Jesús. Jesic jém cuarto iwatyaj jém wíccuy iga icnasyajpa jém pascuasij.

¹⁷ Jesic tsuuyawum íti, núcyaj Jesús con jém doce icuyujcïwiñ. ¹⁸ Jesic iganam sip iwícyaj, nimpa jém Jesús:

—Numa mannímáypa, tum de mimichtam, jém añwaganawícpaap, añciijunçotpa jém ánenemigo iciijom.

¹⁹ Jesic tsam anyácyaj jém Jesús icuyujcïwiñ. Cada tumtum moj icwácyaj jém Jesús. Nímajpa:

—¿Aicham?

²⁰ Jesic Jesús inímay:

—Numa, tum de mimichtam, jém midocepic mançuyujcïwiñ, jém añwaganasonpaap jém caxtánañi tumti chimajom, jeam acíijunçotpa. ²¹ Ich jém aMiññewíp Sinyucmi, tienes que accaatap juuts nimpa jém Dios inmatí. Pero agui uuguytim jém pixiñ jém acíijunçotpaap. Más wí meega da idic nay jém pixiñ.

²² Jesic iganam wícyajpa, jém Jesús imatspic tum caxtánañi. Cuando yaj inwejpát Dios, iwéc jém caxtánañi, ichi jém icuyujcïwiñ, inímay:

—Yíp caxtánañi ich ammijtay. Cúttaami.

²³ Ocmi ipic tum copa jém uvas iní. Cuando yaj inwejpát Dios, ichi jeeyaj. Iucyaj itumpiyaj. ²⁴ Jesic Jesús inímay jém icuyujcïwiñ:

—Yíp ich annipiñ, con jeam añwatpa jém jomipic trato. Antegáypa annipiñ por jáyay pixiñtam. ²⁵ Numa mannímáypa, da eybic ánuçpa jém uvas iní hasta que núçpa jém jama iga ánuçpa jém jomipic vino jut injacpa Dios.

Nimpa Jesús iga Peto inñeçpa

(Mt. 26:30-35; Lc. 22:31-34; Jn. 13:36-38)

²⁶ Jesic yaj iwanyaj tum wañi, nicyaj jém çotsicyucmi iníyi Olivos. ²⁷ Jesic inímay Jesús jém icuyujcïwiñ:

—Mimichtam inítumpiytam tsam micíntámpa, ampoychactámpa añçutum yíptim tsuu. Porque nimpa así jém Dios inmatí jut jayñeta: “Accaatap jém pastor. Cupóyayajpa jém iborregoyaj.” ²⁸ Pero ocmi cuando apispa, jesic añjagoyñeeba annic jém naxyucmi de Galilea.

²⁹ Jesic jém Peto inímay jém Jesús:

—Aunque itumpiy tsam çinyajpa y michacpa inçutum, más aich da acijpa y da mançupóyápa.

³⁰ Jesic Jesús inímay jém Peto:

—Numa mannímáypa iga yíptim tsuu antes que wisciy añwejpá jém çayu, mimich anañeçpa tres veces.

³¹ Pero jém Peto duro inímay:

—Aunque tawagacaiñ con mimich, ich da manañeçpa.

Itumpiy jém icuyujcïwiñ jempictim nímaj.

Jesús iwatpa oración Getsemaní

(Mt. 26:36-46; Lc. 22:39-46)

³² Jesic núcyaj tum lugar iníyi Getsemaní. Jesús iníimáy jém icuyujcïwiñ:

—Coñtaami yim iganam ich nicpa anajwejpát Dios.

³³ Jesic Jesús ininic jém Peto, Jacobo, y Xiwan uxaj más juumi. Tsam pimi anyácne jém Jesús, tsam ijispa iganamanjom ti iníascaaba. ³⁴ Jesic Jesús iníimáy jém tucuten icuyujcïwiñ:

—Ich agui pimi anyácne ananamanjom hasta quénam acaatooba. Tsíytaaami yim. Odoy monñaami. Nawattamtají cuenta.

³⁵ Jesic nic icutum Jesús uxaj más juumi. Tocsne actin naxyucmi. Moj inwejpát Dios. Iwágáy siiga wiap, iga odoy ijíguin iga iníascaaba jém mijpic yaachaji, jém siipic ictsíy. ³⁶ Nimpa Jesús:

—Manjatuj Dios, mich wiap inwat itumpiy cosa. Ayoxpaati iga odoy annascañ yip mijpic yaachaji. Pero odoy wati juuts ich ansunpa. Wati juuts mich inwianjam.

³⁷ Ocmi set eybic Jesús jut ichac jém tucuten icuyujcïwiñ. Monyajpa. Iníimáy jém Peto:

—¿Mimonpa Peto? ¿Que da wiap imvivoja ni tum hora? ³⁸ Odoy monñaami, nawattamtají cuenta. Anwejpáttaami Dios iga odoy i wiañ micutítsta iga micmalwattampa. Numa jém inánama iwattooba juuts ixunpa Dios, pero jém immijtay da iwianjam.

³⁹ Jesic eybictim nic inwejpát Dios con jeetim anmati. ⁴⁰ Jesic cuando set Jesús jut it jém icuyujcïwiñ, eybictim monyajpa porque tsam pimi monñooba. Da tojtooba jém iixcuy. Da icutiíyipa jutpic icutsonpa jém Jesús. ⁴¹ Jesic tres veces setpa Jesús jut it jém icuyujcïwiñ. Ipátim jut monyajpa. Nimpa Jesús:

—Siip monñaamim, jejtaamim. Yajum anwat jém oración. Núcneum jém hora iga ich, jém aMiññewiip Siñyucmi, acijuncottap jém malopic pixiñtam icijom.

⁴² Tsumtaami, tanictampam. Siip miñpa jém acijuncotpaap.

Matsta Jesús

(Mt. 26:47-56; Lc. 22:47-53; Jn. 18:2-11)

⁴³ Jesic jeeti rato iganam jiypa ixi jém Jesús, núc jém Judas jém itwiip idic con jém doce icuyujcïwiñ. Iwaganamiñyajpa tsam jáyay pixiñtam. Inimiñyajpa espada y jém cuy para cótsóypa. Icutsatjay jém cobacpic panijyaj con jém escribaspic maestroyaj y jém widaytam. ⁴⁴ Jém Judas, jém icijuncotpaap Jesús, iwadáy jém pixiñtam tum seña. Iníimáy:

—Jém ananjacatsútspaap jeam jém pixiñ. Matstaami, nanictaami, da inchicpoytampa.

⁴⁵ Jesic cuando núc jém Judas jut it Jesús, icunúc, iníimáy:

—MamMaestro.

Jesic inñacatsútsáy iacpac. ⁴⁶ Jesic matsta Jesús, nanicta preso.

⁴⁷ Pero tum pixiñ, jém iwaganaitwiip Jesús, itop jém espada, itinquíimáy itatsic jém cobacpic panij imozo. ⁴⁸ Jesic Jesús iníimáy jém pixiñtam:

—¿Íiga miñ ammatsta con espada y con cuy juuts tum anumpaap? ⁴⁹ Cada jama jáy accuyujooyi masticjom y da nunca ammatsta. Pero siip nichtam jempigam inwatta iga cupaguiñ jém Dios inmati jut jayñeta.

⁵⁰ Jesic itumpiy jém icuyujcïwiñ ichacyaj icutum, cupóyayyaj.

51 Pero tum woñjaychixi itúnjyapa jém Jesús. Nanmonnetá con tum manta. Matstátim jém woñjaychixi. 52 Pero ichac jém inmónócyuy, icusici poy.

Nanictá Jesús jut anjtuumayajpa jém Israelpic anjagooyiyaj
(Mt. 26:57-68; Lc. 22:54-55, 63-71; Jn. 18:12-14, 19-24)

53 Jesic nanictá Jesús jut it jém cobacpic panij anjagooyi. Jemum anjtuumayaj jém cobacpic panijay, con jém wídaytam y con jém escribaspic maestroyaj. 54 Jém Peto ijuumacpoyñe jém Jesús. Jesic núctim mex je jém cobacpic panij iticcim. Iwaganacoñ jém policia añcim. Sampa jém Peto con jeeyaj jém jucticim.

55 Jesic jém cobacpic panijay con jém más mijpic anjagooyiyaj, jém Sanhedrín, imétsyajpa tum icumigoypaap Jesús iga accaataiñ. Pero da ipádáy jém itañca. 56 Tsam wati jém testigo icumigóyapa jém Jesús, pero jeeyaj da tumtia jém inmatiyaj. 57 Algunos jém pixiñtam teñchucum iga icumigóyapa jém Jesús. Nimyaj:

58 —Ammatorjta yíp pixiñ iga nimpa: “Ich ammiswatpa yíp mijpic mastic jém watnetawip cimi, jesic tucunajama ich anwatpa tungac mastic jém dapic watne cimi.”

59 Pero jém pixiñtam datim tumtia jém inmati.

60 Jesic teñchucum jém cobacpic panij jém pixiñtam añcumi. Icwácpa jém Jesús. Inimáypa:

—¿Que da incutsonpa ti síp inimyaj contra mimich?

61 Pero jém Jesús da jyapa. Da ti icutsonpa. Jesic eybic jém panij anjagooyi icwác jém Jesús. Inimáy:

—¿Que mich miCristo? ¿Que micham jém Yucmipic Dios miManic?

62 Jesic Jesús icutson. Inimáy:

—Aicham. Michtam ánixtámpa aich, jém aMiñnewip Sinyucmi, cuando acoñpa jém tanjatun Dios inwimi. Ánixtámpatim cuando amiñgacpa sinyucmi jém ucsanjom.

63 Jesic jém cobacpic panij ichobiyhíccujac iyooti iga agui jóyñe. Nimpa:

—¿Tiiga tammétspa tungac testigo? 64 Mimichtam immatorjnetá iga tsam icujyapa tanDios. ¿Jesic ti injístámpa? ¿Jup castigo tanchiiba?

Jesic itumpiy jém anjagooyiyaj nimyaj iga accaataiñ jém Jesús.

65 Jesic algunos moj ichujcayaj jém Jesús. Inmónayaj iixcuy. Moj ixonjaj. Nimayta Jesús:

—Siiga numa mixabio, anímaayi i mixonj.

Cijunçotá Jesús jém mastic ipolicia icijom. Jeeyaj itojayyajpa iwiñpac.

Jém Peto innécpa iga iixpicpa Jesús
(Mt. 26:69-75; Lc. 22:56-62; Jn. 18:15-18, 25-29)

66 Jém Peto tsíy naxwiñ, tsíy añcim. Miñ tum yomo, jém panij anjagooyi imozo. 67 Mu iix iga sampa jém Peto, jesic jém yomo iámmats, inimáy:

—Mich mixiibatim con jém Jesús jém Nazaretpic pixiñ.

68 Jesic jém Peto innécpa. Nimpa:

—Da ánixpicpa jém pixiñ. Ni da anjodon ti síp inñim.

Jesic nic jém Peto jém puerta añnaca. Jesigam anwejpa tum cayu. 69 Jém yomo eybictim agui iámpa jém Peto, moj inimáy jém ityajwip jem:

—Yíp pixiñ tum de jeeyaj.

⁷⁰ Pero eybictim inéc jém Peto iga da iixpicpa jém Jesús. Jesic ocni tunḡagam p̄ixiñ n̄impa:

—N̄uma mimich t̄um de jeeyajpic. Quejpa iga Galileapic mip̄ixiñ. Jemp̄ictim miñmatpa juuts jeeyaj.

⁷¹ Jesic jém Peto p̄imi jóyñe. Moj malmalj̄iyi. N̄impa:

—W̄ijodios iga da ánixpicpa jém p̄ixiñ, jém miñimpaap.

⁷² Jesic jeeti rato eybic añwej jém çayu. Jém Peto ij̄is ti in̄ímáy jém Jesús iga: “Antes que wisciy añwejpa jém çayu, mimich anañécpa túcciy iga da ánixpicpa.” Cuando ij̄is jém Peto ti in̄ímáy jém Jesús, moj weji.

15

Nanict̄a Jesús jém Pilato iwiñjom

(Mt. 27:1-2, 11-14; Lc. 23:1-5; Jn. 18:28-38)

¹ Jesic icuquejama añtuumayajpa jém cobacpic panijyaj, con jém w̄idaytam, con jém escribaspic maestroyaj y itump̄iy jém más m̄ajpic añjagooyiyaj, jém Sanhedrín. Moj ij̄isyaj ti w̄iap iwatyaj con jém Jesús. Jesic ocni ip̄im̄iyaj jém ipolicia iga ichenyajiñ jém Jesús y iga niḡuiñ ic̄iñj̄uñcotyaj jém Pilato ic̄iñjom.

² Jesic jém Pilato icwácpa jém Jesús. N̄imayt̄a:

—¿Que micham jém judíos miRey?

Jesic Jesús icutson, in̄ímáy:

—M̄ich miñimpa.

³ Jesic jém cobacpic panijyaj in̄ímayyaj jém Pilato iga Jesús ts̄am p̄imi imalwatne. ⁴ Jesic jém Pilato eybictim icwác jém Jesús. In̄ímáy:

—¿Que da in̄cutson̄pa? Ixi jutsañ quejaj amp̄ictson̄ acontra de mimich.

⁵ Pero jém Jesús da ti más icutson̄. Jesic jém Pilato t̄ineañjac porque da jiy jém Jesús.

Jém añjagooyi ip̄im̄ȳpa iga accaat̄añ jém Jesús

(Mt. 27:15-31; Lc. 23:13-25; Jn. 18:38-19:16)

⁶ Jém Pilato iniit t̄um costumbre iga icutsigáypa t̄um preso jém pascuas̄ij. Icutsigáypa jém preso jém icupiñneyajw̄iip jém p̄ixiñtam. ⁷ Jesic it idic cárcel t̄um p̄ixiñ in̄iyi Barrabás. Wagapajneyajt̄a con jém rebeldeyaj jém accaoyñeyajw̄iip cuando ictsucumyajt̄ip t̄um bulla. ⁸ Jesic añtuumayajpa ts̄am jáyan̄ p̄ixiñtam jut it jém Pilato, mojpa iwágayyaj iga icutsigáyiñ t̄um preso juuts siempre iwatpa. ⁹ Jesic jém Pilato in̄ímáy jém p̄ixiñtam:

—¿In̄w̄ian̄jamta iga añcutsigáypa jém judíos iRey?

¹⁰ Jém Pilato icutīiȳy iga jém panij añjagooyiyaj ic̄iñj̄uñcotyaj Jesús porque agui icujóyiyajpa. ¹¹ Jesic jém panij añjagooyiyaj moj iccujiñayyaj jém p̄ixiñtam. In̄ímayyaj iga iwágáyiñ jém Pilato iga icutsigáyiñ jém Barrabás.

¹² Jesic jém Pilato eybictim in̄ímáy jém p̄ixiñtam:

—¿Jesic ti in̄w̄ian̄jamta iga añwadiñ con ȳimpic inicn̄iyaneta jém judíos iRey?

¹³ Jesic eybictim icutson̄yajpa. P̄imi j̄iyajpa. N̄imyajpa:

—¡Cunuuntaami cunusyucmi!

¹⁴ Jesic jém Pilato in̄ímáy jém p̄ixiñtam:

—¿T̄iiga? ¿T̄i mal watne?

Jesic mástim p̄imi j̄iyajpa. N̄imyajpa:

—¡Cunuuntaami cunusyucmi!

¹⁵ Jesic jém Pilato ijjspa iga iwatpa juuts iwianjamyaj jém pxiñtam, icutsigáy jém Barrabás. Ipiimiy iga cótstaiñ jém Jesús, icijunꝑot jém soldado icijom iga cunúntaiñ cunusyucmi.

¹⁶ Jesic nanicta Jesús jém palacio iañcim jut antuumaneyaj itumpiy jém soldado. ¹⁷ Iccámayaj Jesús tum moradopíc puctucu. Itagayyaj tum apítcorona, icámayaj icobacyucmi. ¹⁸ Jesic jém soldado moj idioschiyaj jém Jesús juuts tum rey. Nimyajpa:

—Xutsóy miRey de jém judíos.

¹⁹ Jesic icótsayyajpa Jesús icobac con tum cuy. Ichujcayajpa. Icosteeñayyajpa Jesús juuts ijisyajpa tum dios. ²⁰ Jesic cuando yaj ixaayiyaj jém Jesús, accáyayta jém moradopíc puctucu, eybictim accámayta jém iyooti jém imichipic. Ocmi ininicyajum jém Jesús iga cunúntaiñ cunusyucmi.

Cunúnta cunusyucmi jém Jesús

(Mt. 27:32-44; Lc. 23:26-43; Jn. 19:17-27)

²¹ Jemum naxi idic tum Cirenepic pxiñ iñiyi Ximoj. Jém imañictam Alejandro y Rufo. Seti idic icamjom. Imatsyaj jém soldado, ipiimiyaj iga ininigáyñ jém Jesús icunus.

²² Nanicta Jesús tum lugar iñiyi Gólgota. Nimtooba jém tanañmatimi, jém Tsútsobacpaccim. ²³ Jesic chiita Jesús jém vino namotnetawip con jém tsoy iñiyi mirra. Pero da iuc. ²⁴ Jesic jém soldado icunúnyaj cunusyucmi jém Jesús. Iwégayyaj jém Jesús ipuctucu. Iwatyaj tum sorteo iga iixyajiñ titam ictsíypa cada tumtum jém soldado iga ininicyajpa.

²⁵ A las nueve de la mañana micunúnta Jesús cunusyucmi. ²⁶ Accámayta tum letrero icunusyucmi iga quejiñ tiiga accaata jém Jesús. Jayñeta yimpic: “Jém judíos iRey.” ²⁷ Jeetim lugar cunúnyajtatim cunusyucmi tunꝑac wisten pxiñ, númyajpaap. Páñayta tum jém icunus jém Jesús inwimi y tum inñaymi. ²⁸ Jempigam cupac jém Dios inñati jém jayñetaawip juuts nimpa: “Chiitap castigo jém wibic pxiñ juuts tum criminal.”

²⁹ Jesic jém pxiñtam nasyajpa jem, imalmalnímayyajpa jém Jesús. Ixiccayajpa. Inwíñóyayyajpa con icobac. Nimyajpa:

—Ja, ¿da mich miñimpa iga wiap immiswat jém mijpic mastic y ocmi inicupacpa eybic en tucunajama? ³⁰ Siip nacupujtaji iñyaac. Queti inꝑcunusyucmi.

³¹ Jesic jém cobacpic panijyaj con jém escribaspic maestroyaj tsam ix-aayiyajpatim jém Jesús. Moj nanímayyajtaji entre jeeyaj:

—Yip pxiñ iciacputpa tunꝑac, pero iyaac da wiap iniciacputta. ³² Siiga yibam jém Cristo jém Rey de Israel, quetpa yipti rato jém icunusyucmi, jesic numa tanꝑictámpa.

Jesic jém cunúnetawip con Jesús imalnímayyajpatim.

Accaata jém Jesús

(Mt. 27:45-56; Lc. 23:44-49; Jn. 19:28-30)

³³ Núc cugapjama. Cupiicha icuwiti jém naxyucmi. Pimi piichi hasta las tres de la tarde. ³⁴ Jesic jeetim hora pimi jiypa jém Jesús. Nimpa:

—Eloi, Eloi, ¿lama sabactani?

Taichtam tanañmatimi nimtooba: ManDios, manDios, ¿tiiga antsac añcutum?

³⁵ Jesic algunos jém ityajwiiþ jem, cuando imatonþaj, nımyaj:

—¿Imatonþta? Siþ inþwejáy jém wiñicþic profeta jém Elías.

³⁶ Jesic tum de jeeyaj poyimi nic ipic tum esponja juuts tum puqui, imuj con jém tãmpic vino, iccãm tum waycuyyucmi iga igucpa jém Jesús. Nımpa jém pıxiñ:

—Jocinam, tañcuixpa siiga da miñpa jém Elías iga icquetpa jém cunusyucmi.

³⁷ Jesic pımi anþej jém Jesús, caum. ³⁸ Jesic jém puctuctaañi jém itwiiþ jém mijpic mařticjom teeñañsaj dende siñwiñ hasta naxyucmi. ³⁹ Jesic jém soldado icapitán jemum teñ juť cunúnnetã cunusyucmi jém Jesús. Mu imaton iga anþejpa jém Jesús y iix jutsã mu icca, nımpa jém capitán:

—Nıma, yıp pıxiñ jém Dios iMãnıc.

⁴⁰ Miñyajım algunos jém yomtam, tsıyyaj juumi, pero iixyaj ti iñasca jém Jesús. It jém Malía Magdalena. Ittim jém tungac Malía jém segundo Jacobo y José iapa. Ittim jém yomo jém Salomé. ⁴¹ Yıpyaj yomtam itıñıyyaj Jesús cuando oy itı jém naxyucmi de Galilea. Jemum tsãm iyoxpátyajpa, icwıcyajpa jém Jesús. Ityajım jém jáyan jém Galileapic yomtam jém iwaganamiññewiiþ Jesús Jerusalén.

Cumta jém Jesús

(Mt. 27:57-61; Lc. 23:50-56; Jn. 19:38-42)

⁴² Jeetim jama jém Israelpic pıxiñtam iwıtsacyajpa itumpıy cosa para jém jejcuyjama. Jesic tsuuyim ⁴³ tum pıxiñ iñıyi José moj ijis iga icquedáypa cunusyucmi jém Jesús imıjtay. Arimateapic pıxiñ, tsıy juuts tum mijpic anjagooyi de Israel. Tsãm injócpařım jém tiempo cuando Dios injacpa itumpıy jém pıxiñtam. Jesic jém José icamamwat ianama, nic iám jém Pilato, iwágáypa permiso iga icquedáypa jém Jesús imıjtay. ⁴⁴ Jém Pilato injısjac siiga nıma caaneum jém Jesús o da caane. Jesic inþwejáy jém capitán, icwác siiga nıma caaneum. ⁴⁵ Cuando jém capitán nımpa iga nıma caaneum, jesic jém Pilato ichi permiso jém José iga ininıgáyiñ jém Jesús imıjtay. ⁴⁶ Jesic José ijuy tum jomıpic puctucu, jém lino. Nic icquedáy jém Jesús imıjtay, inþmon con jém jomıpuctucu, nic icot tum tsaajosjom. Watnetã jém tsaajos. Jesic ocmi jém José inþpnúc jém tsaajos con tum mijpic tsa. ⁴⁷ Jém Malía Magdalena con jém tungac Malía, jém José iapa, iixyaj juť cumta jém Jesús.

16

Acpısta jém Jesús

(Mt. 28:1-10; Lc. 24:1-12; Jn. 20:1-10)

¹ Jesic jém tungac jama cuando nasum jém jejcuyjama, jém yomtam nic ijuy jém especia jém cınpáppic iga icámáypa jém Jesús imıjtay. Ityaj jém Malía Magdalena, jém Salomé y jém Jacobo iapa jém Malía. ² Jesic icuquejama, jém wiñtipic jama de jém semana, joccuquej, nıcyaj jém tsaajosım jém yomtam.

³ Iganam nıquıyaj tunjom jém yomtam moj ijsıyaj, nanımayyajtãp:

—¿Pero ĩ wiãp inþoobáy jém mijpic tsa, jém jos annúccuy?

⁴ Pero cuando nıcyaj jém tsaajosım iixyaj iga jém mijpic tsa, jém jos annúccuy, anþoobayñetãwum. ⁵ Jesic tıgiyyaj jém yomtam jém tsaajosjom. Jemum iixyaj iga coñ tum woñjaychıxi jém josjom jém anþımıpic lado. Iccãmne

tum yagats yooti agui popo. Jém yomtam tsam anjécycay. ⁶ Pero jém pìxiñ iñímáy jém yomtam:

—Odoy cįntaami. Michtam síp immétsta jém Jesús, jém Nazaretpic pìxiñ, jém cunúntawı̄p cunusyucmi. Pero sı̄p acpisnetawum. Dam ı̄ yım. Ámtaami jut tsagayñeta idic jém imı̄jtay. ⁷ Sı̄p nı̄gı̄ nı̄maayi jém icuyujcı̄wiñ y jém Peto ı̄ga: “Anjagóypa iñic jém Jesús jém naxyucmi de Galilea. Jemı̄gam iñixtámpa juuts miñı̄mayñeta.”

⁸ Jesic putyaj jém tsaajosjom jém yomtam. Nic poyı̄mi. Tsam anjécneyaj. Agui cuetsayyajpa. Da ı̄ inmadayyaj ti iñascayaj porque tsam cı̄ñeyaj.

Jesús iwiñquejáy jém Malía Magdalena

(Jn. 20:11-18)

⁹ Jesic cuando acpı̄stawum jém Jesús, icuquejama, tsuuytim, jém wiñtı̄pic jama de la semana, iwiñquejáy jém Malía Magdalena, jém itobayñewı̄p Jesús jém siete mal espı̄ritu. Jém yomo jém moı̄wı̄p iwiñquejáy Jesús. ¹⁰ Jesic jém Malía Magdalena nic iám jém icuyujcı̄wiñ. Jeeyaj agui anyácneyaj, agui weyjajpa. Jém Malía inmadayyaj ı̄ga iwiñquejayñe jém Jesús. ¹¹ Cuando imatonı̄yaj ı̄ga pisneum jém Jesús y ı̄ga jém Malía iixñeum, jesic jém Jesús icuyujcı̄wiñ da icupı̄cyajpa.

Jesús iwiñquejáy wı̄sten jém icuyujcı̄wiñ

(Lc. 24:13-35)

¹² Jesic ocmi Jesús iwiñquejáy wı̄sten jém icuyujcı̄wiñ cuando nicyajpa tunjom. Ançacne iámooı̄y. Da iixpı̄cyaj. ¹³ Jesic jém wı̄sten nic inmadayyaj los de más ı̄ga pisneum jém Jesús, pero datim icupı̄cyajpa.

Jesús icutsat jém icuyujcı̄wiñ ı̄ga nı̄gı̄ñı̄ najı̄yooyı̄

(Mt. 28:16-20; Lc. 24:36-49; Jn. 20:19-23)

¹⁴ Jesic ocmi iwiñquejáy Jesús jém once icuyujcı̄wiñ ı̄ganam wı̄cpa ixiı̄yaj. Iwogáy Jesús jém icuyujcı̄wiñ porque tsam maloyaj ı̄anama y da icupı̄cyajpa ı̄ga acpisnetawum jém Jesús juuts nı̄nyajpa jém iixñeyajwı̄p. ¹⁵ Iñímáy jeeyaj:

—Nı̄ctaami icuwı̄ti yı̄p naxyucmi. Anmadayyajı̄ jém wı̄bic anı̄matı̄ itumpı̄y jém pı̄xiñtam ı̄ga Dios icı̄acputtooba. ¹⁶ Siı̄ga ı̄ icupı̄cpa jém wı̄bic anı̄matı̄ y acchı̄ntap, jesic Dios icı̄acputpa. Jém dapı̄c icupı̄cyajpa jém wı̄bic anı̄matı̄, ı̄pı̄ctsonpa jém mı̄jpic castı̄go. ¹⁷ Como tum seña anchı̄ba jém ampı̄mi jém acupı̄cneyajwı̄p ı̄ga wı̄aı̄ñ itopyaj jém mal espı̄ritu ich annı̄yı̄mi. Wı̄aptım inmatı̄yaj tunı̄gac anı̄matı̄mi. ¹⁸ Siı̄ga imatspa tum tsañ o siı̄ga iucpa algun veneno, da ti iwadáypa. Siı̄ga ichı̄gáypa icobac jém mı̄mneyajwı̄p, jesic pispa.

Jesús quı̄mpa eybic sı̄nyucmi

(Lc. 24:50-53)

¹⁹ Jesic jém tánomı̄ Jesús cuando yaj inmadáy jém icuyujcı̄wiñ, nanı̄cta sı̄nyucmi, nic coñı̄ jém tanı̄jatunı̄ Dios inwı̄mi. ²⁰ Jesic jém Jesús icuyujcı̄wiñ nicyajpa najı̄yooyı̄ jutquej. Jém tánomı̄ tsam iyoxpát ı̄ga wı̄aı̄ñ iwatyaj jém mı̄lagro. Jesic quejpa ı̄ga Dios icutsat jém wı̄bic anı̄matı̄. Jemum cuyaj.

Jém wibic an̄māti jém ijayñewiip jém Lucas

Jém Lucas ijáyáy jém iamigo Teófilo

¹ Wāti jém p̄ixiñ̄ ījis iga ijaypa titam nasne aichtáman̄jom juuts tum̄ historia w̄itsacnetaw̄iip, ² juuts tan̄quejáy jém tant̄iwitam jém iixñeyajw̄iip iixcuymi dende wiñ̄ti. Jeeyaj iwaganasiiba jém inimiññewiip jém wibic an̄māti. ³ Ich an̄jispatim iga w̄i iga man̄jáyáypa tum̄ historia, num̄tsacneum. An̄w̄ic̄ip̄in̄ itumpiy cosa jém nasnewiip dende wiñ̄ti. Jeeyucmi siip man̄jáyáypa, wibic miTeófilo, ⁴ iga iñ̄jodón̄aiñ̄ iga da je migooyi jém min̄quejayñetaw̄iip.

Jut̄pic naypa jém Xiwan jém acch̄ioyypaap

⁵ Jesic jém tiempo cuando jém rey Herodes injacpa Judea, it idic tum̄ Israelpic pan̄ij iñ̄iyi Zacarías. Yoxap idic jém miipic masticjom. Wagayoxayajpa con jém grupo de jém Abiáspic pan̄ijyay. Jém iyomo iñ̄iyi Elisabet. Jém yomo itúmmiyaj con jém wiñ̄icpic pan̄ij Aarón. ⁶ Icuistic iw̄iwyataypa tan̄jatun̄ Dios iwiñ̄jom. Icupicyajpatim Dios in̄químayoooyi y jém in̄madayoooyi. Da i wiap ipadáy jém it̄ñ̄ca. ⁷ Pero jém Zacarías con iyomo da man̄igiyay. Da wiap in̄pic jém yomo. Siip tsamiyajam icuisticayaj.

⁸ Jesic tum̄ jama icts̄y iturno jém Zacarías ipixiñ̄tam iga yoxayajpa jém miipic masticjom. Cupin̄ta jém Zacarías iga iwatpa jém pan̄ij iyoxacuy jém Dios iwiñ̄jom. ⁹ Metst̄a por sorteo juuts jém pan̄ij icostumbre iga iñooba jém poma jém tan̄jatun̄ Dios imasticjom jém miipic. ¹⁰ Iganam s̄ip iño jém poma, itumpiy jém p̄ixiñ̄tam jém ityajw̄iip jém mastic an̄ñaca in̄wejp̄atyajpa Dios. ¹¹ Jesic Dios icutsat tum̄ sin̄yucm̄ipic p̄ixiñ̄ iga iwiñ̄quejáy jém Zacarías. Iix iga jemum teñ̄ jém sin̄yucm̄ipic p̄ixiñ̄ jém altar an̄w̄imi jut̄ iñooba jém poma. ¹² Agui ichigan̄jéc jém Zacarías cuando iix. Tsam̄ p̄imi c̄in̄. ¹³ Jesic jém sin̄yucm̄ipic p̄ixiñ̄ iñ̄imáy:

—MiZacarías, odoy c̄in̄i. Siip mann̄imáypa iga Dios mimatón̄ayñeum cuando in̄wágáy Dios iga miman̄igiytamiñ̄. Jeeyucmi man̄igiyypa jém iñ̄yomo Elisabet. Icnaypa tum̄ jaych̄ixi, accámaayi iñ̄iyi iga Xiwan. ¹⁴ Mich agui mi-maymáypa iga naypa jém imman̄ic. Tsam̄ in̄wian̄jamta. Jáyan̄ p̄ixiñ̄tam maymáypajpatim iga naypa ȳip tsixi. ¹⁵ Wiixtap jém imman̄ic tan̄jatun̄ Dios iwiñ̄jom. Da iucpa vino ni ojo. Chiitap jém Dios iAnama cuando it̄ iapa ipuujom. ¹⁶ Jém imman̄ic icucagáyáypa ijixiyaj jáyan̄ jém Israelpic p̄ixiñ̄tam iga eybic ijisyajpa Dios. ¹⁷ Dios icutsatpa jém imman̄ic iga icjodón̄aiñ̄ jém p̄ixiñ̄tam iga miñ̄pa jém tán̄omi. Jextim̄ ijixi y jextim̄ ip̄imi jém imman̄ic juuts jém wiñ̄icpic an̄matc̄wiñ̄ jém Elías. Jém imman̄ic in̄jijacpa jém an̄yayjap̄pic iga odoy an̄yajiñ̄ jém jatun̄pic con iman̄ic. In̄quejáypa jém dapic icupicpa Dios iga icupicyajiñ̄. In̄quejáypa jém p̄ixiñ̄tam iga ipictson̄yajiñ̄ jém tán̄omi cuando miñ̄pa.

¹⁸ Jesic jém Zacarías icwác jém sin̄yucm̄ipic p̄ixiñ̄. Iñ̄imáy:

—¿Jutsap an̄cut̄iȳiyi iga numa ȳim̄pic ann̄imáy? Ich tsam̄ awidayam, tsamim̄ mex jém anyomo.

¹⁹ Jesic jém sin̄yucm̄ipic p̄ixiñ̄ iñ̄imáy jém Zacarías:

jém tsixi jém Elisabet ipuujom. Jém yomo ipictson jém Dios iAnama. ⁴² Jesic pimi jiy jém yomo. Iníimáy jém ijáyuc:

—Mich más miwíwadáypa Dios que itumpiy jém yomtam. Dios tsam pimi iwíwadáypatim jém immanic jém inicnaypáppic. ⁴³ ¿Ich ajapaap iga miñpa ajóyáy jém tánQmi iapa? ⁴⁴ Cuando mich andioschi, jeeti rato tsigóyapa jém ammanic ampuujom, agui maymay iga mimiññe. ⁴⁵ Agui miwíwadáyñe Dios porque inçupicne iga je wiap iccupac ti miñímayñe.

⁴⁶ Jesic nimpá jém Malía:

Ich añcujíppa jém tanjatun Dios.

⁴⁷ Tsam amaymay añanamajom cuando anjísapa Dios jém taciaputpáppic.

⁴⁸ Ich da ajutsañ, pero Dios acupin iga añcuyoxap,

jesic dende siip para siempre jém pixiñtam jém ityajwip icuwiti yip mundo nimityajpa iga Dios tsam awíwadáyñe.

⁴⁹ Porque awíwadáyñe jém Tsampic iniit ipimi.

Agui wi cuáyñe jém iníyi.

⁵⁰ Siempre iyaachanjampa itumpiy jém pixiñtam jém siippic it con jém miñpáppic ocmi, jém icinyajpáppic Dios.

⁵¹ Tsam iniit ipimi.

Wiap imiswadáy jém pixiñtam ijixi jém nacujítpáppic.

⁵² Iccáypa jém mjtampic añjagooyi jém tsampic iniit ipimi.

Iccámpa tunjac jém dapic nacujítpap.

⁵³ Jém tsampic yuap icwícpa hasta cuspa.

Pero jém ricoyaj jém ijspáppic iga da ti itogóyáy, da ti ichiiba Dios.

⁵⁴ Iyoxpátpa jém imozo Israel.

Da ijaamanotpa iga iyaachanjampa jém ipixiñtam jém icuyoxayajpáppic,

⁵⁵ juuts ijycámáy jém tanjatunwewe ijatun jém Abraham iga iyaachanjamyajpa jém imanictam para siempre.

⁵⁶ Jesic yaj inmat jém Malía. Jemum tsíy tres meses con jém ichitsi Elisabet. Ocmi set iticmi jém Malía.

Naypa jém Xiwan jem acchijoypáppic

⁵⁷ Jesic núc jém jama iga nay jém Elisabet imaníc. Inçay tum jaychixi.

⁵⁸ Jesic cuando jém itíwítam con jém ivecinoyaj imatonyaj iga nay jém imaníc, icujípyajpa Dios con jém yomo iga tsam iyaachanjampa. Agui maymáyyajpa con jém Elisabet. ⁵⁹ Cuando núc ocho día nayñe jém tsixi, wadayta jém marca de circuncisión juuts jém Israelpic icostumbre. Iccámayajtooba idic iníyi iga Zacarías juuts ijatun. ⁶⁰ Pero nimpá iapa:

—Da tanaccámáypa iníyi iga Zacarías. Tanaccámáypa iníyi iga Xiwan.

⁶¹ Jesic nimityajpa jém pixiñtam:

—¿Tíiga iniccámáypa iníyi iga Xiwan porque ni tum jém iníwítam da iniijexpic iníyi?

⁶² Jesic jém ityajwip jem icwácyajpa jém tsixi ijatun con seña. Acwácta jém Zacarías jup niyi iccámáypa jém imaníc. ⁶³ Jesic jém Zacarías iwác tum jaca toto. Ijaycámáy jém imaníc iníyi totyucmi. Nimpá: “Iníyi Xiwan.” Jesic itumpiy jém pixiñtam agui ipooñanjamyajpa. ⁶⁴ Jeeti rato wiawum ijy jém Zacarías. Mojum icujíp Dios. ⁶⁵ Jesic mu iixyaj jém ityajwip jem, pimi cinyaj. Acjodónajaytap ti inasca jém Zacarías itumpiy jém ityajwip jém naxyucmi de

Judea jém cotsiganjom. ⁶⁶ Itumpiy jém pixinñtam jém imatonneyajwñip, tsam ijisyajpa ti iñasca jém Zacarías. Nacwácyajtap entre jeeyaj. Nanímayyajtap:

—¿Ti iwatpa yíp tsixi, jesic mijap?

Porque tsam wiquejpa iga iniit jém Dios ipimi.

Jém anmati chiiñeta jém Zacarías

⁶⁷ Jém tsixi ijatun, jém Zacarías, ipictson jém Dios iAnama. Moj inmat jém anmati jém ichiiñewñip Dios. Nimpa jém Zacarías:

⁶⁸ Wi iga tanjujptamiñ jém tanjatun Dios, jém Israel iQmi, porque miñ tacutsigayta taichtam.

⁶⁹ Tacutsadayta tum wiapaap taciacputta, jém wiñicpic itúmmi jém David jém icuyoxapápic tanjatun Dios.

⁷⁰ Siip tawadayta juuts tajycámayñe tsam wiñigam cuando inmatyaj jém wibic profeta.

⁷¹ Nimpa iga taciacputtámpa jém tánenemigoyaj icijjom, itumpiy jém tajóixyajpápic.

⁷² Tsam tayaachanjampa juuts iwadayñeyaj jém wiñicpic tantúmmitam.

Jempam ijispa jém wibic trato jém iwatnewñip wiñigam,

⁷³ cuando ijycámáy jém Abraham, jém wiñicpic tanjatun,

⁷⁴ iga taciacputtámpa jém tánenemigoyaj icijjom iga tanjuyoxatámpa Dios y da ti tanjinpa,

⁷⁵ iga tanjwíwattámpa tanjatun Dios iwiñjom y tantsactámpa iga tammalwattámpa itumpiy jama iga taitpa vivo.

⁷⁶ Jesic jém Zacarías moj inmadáy jém xutu tsixi. Inímáy:

Mich mammanic, michíypa juuts jém yucmipic Dios iprofeta.

Cuando miñpa jém tánQmi, minjagoyñeeba iññic iga injwitsagáypa jém itun.

⁷⁷ Inicjodónayajpa jém Dios ipixinñtam iga siip Dios iwadaytooba perdón jém itánca iga iciacputyajpa.

⁷⁸ Porque wibic tóyooyi iniit jém tanjatun Dios, tsam tayaachanjampa.

Jém jixi miñpa juuts químpa jém jama

⁷⁹ sinjyucmi iga iyicquejpa jém ityajwñip piichcim, jém caanewñip icumuncom.

Miñpa tanquejáy jém tun jém nicpápic jut tawixpa Dios.

⁸⁰ Jesic yaj inmat jém Zacarías. Ocmi mijap jém imanic. Tsam iniit Dios iAnama, iwicutiñyiy ti ixunpa Dios. Jáy iti jém titsinaxyucmi jut da ti idiñyiy hasta núc jém jama iga Xiwan anquejaytap jém Israelpic pixinñtam.

2

Naypa Jesús

(Mt. 1:18-25)

¹ Jeetim tiempo jém Romapic anjagooyi jém César Augusto icutsat tum orde iga wattaiñ censo itumpiy jém naxyucmiyaj jém injacpápic jém Romapic anjagooyi. ² Watta jém wiñtipic censo cuando jém gobernador Cirenio injacpa jém naxyucmi de Siria. ³ Jesic cada pixinñ nicpa nacámayajtaji jut tsucum jém wiñicpic itúmmyaj. ⁴ Jeeyucmi set Belén jém José. Porque nicne iti tum attebet iñyi Nazaret jém naxyucmi de Galilea. Pero iticmi jém Belén jém naxyucmi de Judea. Porque jemum it idic jém ijatunwewe ijatun jém wiñicpic anjagooyi jém David. ⁵ Jesic nic nacámayajtaji jém José con Malía jém iwatnewñip trato iga ancoomiyajpa. Danam napicneyajta con jém José, pero jém woñi

manicomcaneum. ⁶ Iganam ityaj jém Belén, núc jém tiempo iga naypa jém tsixi. ⁷ Jesic icnay Malía jém icoponmanic, tum jaychixi. Inmon con punctucu, icmonpa tum cawajticjom. Como tsam itñim, da i icnucs tic.

Jém iwatyajpáppic cuenta jém borregoyaj iixyaj jém sinyucmipic pixiñtam

⁸ Da más juumi de jém Belén ityaj idic jém iwatyajpáppic cuenta jém borrego. Inmonyajpa jém iborregoyaj copjom iga iwatpa cuenta. ⁹ Jesic jemum iwññquejáy tum sinyucmipic pixiñ jém icutsatnewwip jém tanjatun Dios. Icunooquejpa jém tanjatun Dios ichoca jut ityaj jém iwatyajpáppic cuenta jém borrego. Jesic tsam pími cñnyaj jém pixiñtam. ¹⁰ Pero jém sinyucmipic pixiñ inñimáy:

—¡Odooy cñntaami! Ich miñ manañmadáy tum wibic añmatí. Tsam maymáayajpa itumpiy jém pixiñtam cuando imatonaypa. ¹¹ Mannímáypa iga yípti jama nay jém Ciapudoypáppic. Je jém tánomi CRISTO. Nay jém tsixi jém David iatbetbet jém Belén. ¹² Siip juuts tum seña manañmadáypa jut impátámpa jém tsixi; añmonnetá con punctucu, wone tum cawajticjom.

¹³ Iganam inmatpa jém sinyucmipic pixiñ, jeeti rato miñnyaj tsam jáyan jém sinyucmipic pixiñtam. Wanyajpa, icujípyajpa Dios. Nimyajpa:

¹⁴ Siip tançujíptámpa jém tanjatun Dios jém más yucmipic it.

Siip iwññanigáypa jém pixiñtam jém Diospic iwixxyajpa.

¹⁵ Jesic cuando nicgacum sinyucmi jém sinyucmipic pixiñtam, nanímayajta jém iwatyajpáppic cuenta jém borregoyaj:

—Siip tancípa jém Belén. Nicpa tánám ti naspá jem juuts tacjodóñata jém tanjatun Dios.

¹⁶ Jesic anjeega nicyaj. Cuando núcyaj, ipátyaj jém Malía con jém José, ipátyajtim jém tsixi wone jém cawajticjom. ¹⁷ Cuando iixyaj jém tsixi, jesic moj inmadayyaj jém ityajwip jem ti inñimáy jém sinyucmipic pixiñ de jém tsixi.

¹⁸ Itumpiy jém pixiñtam ipooñanjamyajpa cuando imatonayaj ti inmatyajpa jém iwatyajpáppic cuenta jém borregoyaj. ¹⁹ Pero jém Malía da ijaamanotpa ti inmayyaj jém pixiñtam. Tsam ijspa ianamajom. ²⁰ Ocmi setgacum jém iwatyajpáppic cuenta jém borregoyaj. Agui maymayyaj. Inwejpátyajpa Dios, icujípyajpa iga wiap imatonayaj y iixyaj itumpiy cosa juuts inñimáy jém sinyucmipic pixiñ.

Acwiñquejta jém tsixi Jesús jém mijpic masticjom

²¹ Jesic núc ocho día iga nayñe jém tsixi. Jém José y Malía iwadáy jém marca de circuncisión juuts jém Israelpic pixiñtam icostumbre. Accámáyta inñiyi iga JESÚS juuts iccámáy jém sinyucmipic pixiñ cuando danam manigiy jém Malía.

²² Ocmi cuando capsum jém jama iga accuáyta jém yomo, juuts nimpa jém Moisés inquímayooyi, jesic ininicyajpa Jerusalén jém xutu tsixi iga icwiñquejpa Dios iwññjom. ²³ Iwatyajpa jempic porque jayñetawum jém tanjatun Dios inquímayooyi iga: “Chí tanjatun Dios jém inçoponmanic, jém jaypic, iga tsíyñ juuts jém tanjatun Dios inñichi.” ²⁴ Jesic ininicyajtim tum sacrificio iga ichiba Dios juuts jayñetawum jém Dios inquímayooyi. Nimpa jém añquímayooyi: “Chí tanjatun Dios wisten cuucu o wisten mañpichona.”

²⁵ Jesic jeetim tiempo it idic Jerusalén tum pixiñ inñiyi Ximoj. Tum wibic pixiñ. Tsam ijspa Dios. Tsam injócpa jém jama iga Dios iciacputpa jém nación de Israel. Jém Ximoj tsam inñit jém Dios iAnama. ²⁶ Jém Dios iAnama

icjodóna jém Ximoj iga antes que caaba jém wídaya, iixpanam jém Cristo jém icutsatpáppic Dios. ²⁷ Jém Dios iAnama ichi jixi jém Ximoj iga tigíyíñ jém mijpic másticjom. Jesic jeeti rato núc jém José y Malía. Inimiñ másticjom jém xutu tsixi iga iwadáyíñ juuts nimpa jém wiñicpic anquímayooyi. ²⁸ Jesic jém Ximoj iñuuspac jém tsixi, moj icujíp Dios. Nimpa jém Ximoj:

²⁹ ManJatuj Dios, siip cupacneum juuts anjycámayñe wiñic.

Da anwadap caso siiga siip acaabam.

³⁰ Siip ich ánixcuymi ánixñe jém Ciacpudoypáppic.

³¹ Siip moj inwat itumpiy jém pixiñtam iwiñjom icuwiti yíp naxyucmi.

³² Tsíy juuts tum jucti iga iyicquejpa jém tungac pixiñtam jém dapic je de Israel.

Chiitapim jém wibic juctiantsoca jém Israelpic pixiñtam jém michpic immichi, manJatuj Dios.

³³ Jesic jém iapa con jém José agui ipooñanjamyajpa iga iñímáy jemppic jém Ximoj.

³⁴ Jesic jém Ximoj ichi ibendición. Iñímáyim jém Malía:

—Dios tacutsadáy yíp tsixi. Tsam wityajpa jém icupicyajpáppic. Pero jém dapic icupicyajpa tsam yaachwattap. Dios icutsat yíp tsixi juuts tum señal iga icjodónap jém Israelpic pixiñtam iga Dios taciacputtooba. Pero wati jém tantiwitam da icupicyajpa. Tsam imalmalnimayyajpa. ³⁵ Jesic quejpa jém malopic jixi jém anñécnewiip jém pixiñtam ijixianjom. Mich, miMalía, tum mijpic anyaaqui injampa juuts tum espada icutseñnaspá jém iñanama.

³⁶ Jesic ittim jem tum chomo. Dios inmatciwiñ jém yomo. Iníyi Ana. Jém ijatuj iníyi Fanuel. Jém wiñicpic itummiyaj jém tribu de Aser. Tsam chomom. Jém yomo it idic con iwídaya siete amtíy dende ancoomiyñe. Ocmi ca jém iwídaya. ³⁷ Pecam cunoyane, núcneum ochenta y cuatro amtíy. Siip da putpa de jém mijpic másticjom. Iwatpa ayuno y oración. Icuyoqap Dios tsuucim y siñi. ³⁸ Jeeti rato núc jém chomo jut it jém tsixi. Moj icujíp Dios iga wia miix jém tsixi. Ocmi inmadayyaj itumpiy jém pixiñtam iga nay jém tsixi jém Ciacpudoypaap. Porque jáyar jém pixiñtam injócyajpa iga ciacputtap jém attebet Jerusalén.

Setgacpa Nazaret jém José y Malía

³⁹ Cuando jém Malía y jém José yajum iwatyaj juuts nimpa jém Dios inquímayooyi, jesic setyaj iticmi jém attebet Nazaret jém naxyucmi de Galilea.

⁴⁰ Jesic mijap jém tsixi. Tsam iniit ipimi, wiap iwat jém iyoxacuy. Tsam jixiíy. Iniittim Dios itóyooyi.

Jém jaychixi it con jém maestroyaj jém mijpic másticjom

⁴¹ Cada amtíy nicyajpa jém Malía y José Jerusalén. Nicpa iwatyaj jém pascuasñ. ⁴² Jesic cuando iniit doce iamtiy jém Jesús, nicpa siñajiyaj Jerusalén juuts icostumbreyaj. ⁴³ Cuando cuyajum jém siñ, setyajpam iticmi. Jém jaychixi Jesús tsíy Jerusalén. Jém iapa con jém José da ijodon iga jemigam tsíy jem imanic. ⁴⁴ Jeeyaj injampa iga iwaganamiñpa jém iamigoyaj. Jesic moj seti. Witñeyajum tum jama. Jesic moj imétsyay jém jaychixi jut it jem itiwitam con jém iamigoyaj. ⁴⁵ Pero da ipát, jesic eybic set Jerusalén iga icuámayajpa.

⁴⁶ Cuando nasum tucunajama, jesigam ipát jém Jesús jém mijpic másticjom. Jemum wagacoñyaj con jém maestroyaj de jém Israelpic anquímayooyi. Jém

jaychixi imatonpa jém maestroyaj, icwácpatim jeeyaj. ⁴⁷ Itumpiy jém imatonneyajwiip agui ipooñanjamyajpa iga tsam jixiíy jém jaychixi iga tsam wiaip icutson jém maestroyaj, acwágóypatim mex je. ⁴⁸ Jesic jém José con jém Malía tñeanjac cuando iixyaj ti iwatpa jém jaychixi. Jém iapa inímáy jém Jesús:

—¿Mammañic, tiiga anwadayta jempic? Jém injatun con aich agui manjspa porque da mij. Tsam síp mancuámta.

⁴⁹ Jesic Jesús inímáy iapa:

—¿Tiiga ancuámta? ¿Que da injodon iga tienes que anwatpa juuts ixunpa anjatun Dios?

⁵⁰ Pero jém Malía con jém José da icutiyyiyaj ti inímáy jém Jesús.

⁵¹ Jesic setum iticmi Nazaret jém Jesús con jeeyaj. Seguido iwatpa juuts ipiimiyajpa. Jém iapa tsam ijsa ianamanjom titam iwatpa jém Jesús.

⁵² Ocmi mijap jém Jesús, más jixiíyum. Dios tsam iwixpa. Iwixyajpatim itumpiy jém pixiñtam.

3

Najíyoopa titsinaxyucmi jém Xiwan jém acchinoyóppic (Mt. 3:1-12; Mr. 1:1-8; Jn. 1:19-28)

¹ Jesic capsum quince antiy iga injacpa jém Romapic anjagooyi jém Tiberio César. Jesic jém Poncio Pilato injacpa jém naxyucmi de Judea como gobernador. Jém Herodes injacpa jém naxyucmi de Galilea. Jém Herodes itíwi jém Felipe injacpa jém Iturea y jém Traconite. Jém anjagooyi jém Lisanias injacpa jém naxyucmi Abilinia. ² It idic wisten jém cobacpic panij anjagooyi jém más mijpic. Tum jém Anás y tum jém Caifás.

Jesic jeetim tiempo it idic jém titsinaxyucmi jém Xiwan, jém Zacarías imaníc. Jemum chiita jém Xiwan tanjatun Dios inmadayooyi. ³ Jesic nicpa najíyooyi icuwiñti jém naxyucmi nocojom jém ni iníyi Jordán. Inímáy jém pixiñtam:

—Tsaci iga immalwatpa. Miñi manacchiniñtampa, jesic Dios miccáyáypa jém inñanpa.

⁴ Iwatpa jém Xiwan juuts ijaychacne librojom jém Isaías jém wiñicpic profeta. Nimpa:

Tammatonpa tum najíyooppic jém titsinaxyucmi:

“Ányáaayi jém tánQmi itun,
numtsagaytaami.”

⁵ Anjucnuctaami jém pacusyaj, tajquettaami jém cotsic y jém lumu iga nóñaiñ.

Numtsactaami jém tun jém wotnewiip,

anjucjtaamitim jém tun icuaja.

⁶ Jesic cuando miñpa jém taCiacputpáppic,

itumpiy jém pixiñtam iixyajpa jém icutsatnewiip Dios.

⁷ Jesic tsam jáyanj pixiñtam nic íamyaj jém Xiwan iga acchinoyajtañ. Pero jém Xiwan inímáy:

—¿Michañtam, i micjodóna iga impóyaytamiñ jém tsam mijpic castigo jém icmiñpáppic jém tanjatun Dios? ⁸ Siiga numa inñchacneum jém immalajixi, jesic wati juuts ixunpa Dios. Jesic quejpa iga cacneum inñjixi. Odoy nimaami iga: “Ich da amalo porque jém Abraham tsíy juuts ich anjatunwewe ijatun.” Odoy nimaami jempic porque Dios wiaip icset yip tsa juuts jém Abraham

imanictam. ⁹ Siip Dios itinquímtuoba jém cuyyaj jém dapic tím̄ap. Itinquímpa jém cuy, ocmi iñoquetpa.

¹⁰ Jesic jém p̄ixiñtam icwácyajpa jém Xiwan. N̄imyajpa:

—¿T̄i wiap anwatta iga anwattampa juuts ixunpa Dios?

¹¹ Jém Xiwan in̄imáy jeeyaj:

—Siiga iniit wisten iñyooñi, jesic ch̄i tum jém dapic yoodíy. Siiga iniit in̄wícuy, jesic ch̄i jém dapic iniñ iwícuy.

¹² Jesic jém ichécyajpáppic impuesto miñyajtim iga acchinjaytañ. Icwápatim jém Xiwan, in̄imáy:

—Maestro, ¿t̄i wiap anwatta?

¹³ Jém Xiwan in̄imáy:

—Tseeci jém impuesto juuts n̄impa jém anquímayooyi. Odoy tseeci más jáyan.

¹⁴ Miñyajtim algunos jém soldado iga icwácyajpa jém Xiwan. N̄imyaj:

—¿T̄i wiap anwatta aichfam?

Jém Xiwan in̄imáy:

—Odoy tobaayi tum p̄ixiñ im̄ichi p̄im̄imi. Odoy cumigooyi jém p̄ixiñtam iga in̄fobáypa itumiñ. Maymáyaj̄i con jém in̄coñwiyoooyi jutsan̄ miyojpa jém gobierno.

¹⁵ Tsam wiñigam injócyajpa jém p̄ixiñtam iga miñpa jém Cristo jém icutsatnew̄ip Dios. Jesic moj ijsyay ijixianj̄om, ¿tananj̄am iga ȳip Xiwan ȳbam jém Cristo jém tacutsadayñew̄ip Dios? ¹⁶ Pero jém Xiwan in̄imáy jém p̄ixiñtam:

—Ich manacch̄intampa con ni. Pero miñpa tun̄gac, je más p̄imi wiap que aich, da wiap annasca. Da wiap an̄cuwiyáyay jém iciac. Jém miñpáppic micch̄intampa con Dios iAnama y con jucti. ¹⁷ Icip̄in̄pa jém p̄ixiñtam juuts tum p̄ixiñ icut̄ip̄pa jém trigo. Iccáypa jém trigo graneroj̄om. Nooquet̄ap jém trigo ip̄uchi juct̄j̄om jut̄ da nunca p̄ichpa.

¹⁸ Jesic jém Xiwan tsam w̄i naj̄iyóypa. Seguido in̄químpa jém p̄ixiñtam iga ichacyajiñ jém malopic j̄ixi iga ip̄ictson̄yajiñ jém w̄ibic an̄mat̄i. ¹⁹ Jém Xiwan iwogáytim jém gobernador Herodes porque ip̄igáy jém ijáyuc jém Felipe iwich̄omo. Ininic iticciim. In̄iyi jém yomo Herodías. Wogayt̄a jém Herodes porque tsam jáyan t̄an̄ca iwat. ²⁰ Jesic tun̄gac más malopic cosa iwat. Ip̄im̄iy iga matst̄añ jém Xiwan, cott̄ap cárcel.

Acch̄inta Jesús

(Mt. 3:13-17; Mr. 1:9-11)

²¹ Cuando acchinjayta itump̄iy jém p̄ixiñtam, acch̄int̄atim mex jém Jesús. Jeeti rato iganam in̄wejp̄ta Dios, an̄áy jém sin̄. ²² Quet Dios iAnama sin̄yucmi. Jém p̄ixiñtam iixyay iga quet juuts tum cuucu, num̄miñ, núc hasta jém Jesúsyucmi. Imaton̄yay tum j̄iyi sin̄yucmi. N̄imayt̄a Jesús:

—Mich mam̄Manic, mantoypáppic. Agui amaymay con mimich.

Jém Jesús jém wiñicpic itúmmiyaj

(Mt. 1:1-17)

²³ Jém Jesús iniit treinta iamt̄iy cuando moj iwat jém iyoxacuy. Ijsyajpa idic jém p̄ixiñtam iga Jesús ijatun̄ jém José. Jém ijatun̄wewe jém Helí. ²⁴ Jém Helí ijatun̄ jém Matat. Jém Matat ijatun̄ jém Leví. Jém Leví ijatun̄ jém Melqui.

Jém Melqui ijatun jém Jana. Jém Jana ijatun jém José. ²⁵ Jém José ijatun jém Matatías. Jém Matatías ijatun jém Amós. Jém Amós ijatun jém Nahum. Jém Nahum ijatun jém Esli. Jém Esli ijatun jém Nagai. ²⁶ Jém Nagai ijatun jém Maat. Jém Maat ijatun jém Matatías. Jém Matatías ijatun jém Semei. Jém Semei ijatun jém José. Jém José ijatun jém Judá. ²⁷ Jém Judá ijatun jém Joana. Jém Joana ijatun jém Resa. Jém Resa ijatun jém Zorobabel. Jém Zorobabel ijatun jém Salatiel. Jém Salatiel ijatun jém Neri. ²⁸ Jém Neri ijatun jém Melqui. Jém Melqui ijatun jém Adi. Jém Adi ijatun jém Cosam. Jém Cosam ijatun jém Elmodam. Jém Elmodam ijatun jém Er. ²⁹ Jém Er ijatun jém Josué. Jém Josué ijatun jém Eliezer. Jém Eliezer ijatun jém Jorim. Jém Jorim ijatun jém Matat. ³⁰ Jém Matat ijatun jém Leví. Jém Leví ijatun jém Simeón. Jém Simeón ijatun jém Judá. Jém Judá ijatun jém José. Jém José ijatun jém Jonán. Jém Jonán ijatun jém Eliaquim. ³¹ Jém Eliaquim ijatun jém Melea. Jém Melea ijatun jém Mainán. Jém Mainán ijatun jém Matata. Jém Matata ijatun jém Natán. ³² Jém Natán ijatun jém David. Jém David ijatun jém Isai. Jém Isai ijatun jém Obed. Jém Obed ijatun jém Booz. Jém Booz ijatun jém Salmón. Jém Salmón ijatun jém Naasón. ³³ Jém Naasón ijatun jém Aminadab. Jém Aminadab ijatun jém Aram. Jém Aram ijatun jém Esrom. Jém Esrom ijatun jém Fares. Jém Fares ijatun jém Judá. ³⁴ Jém Judá ijatun jém Jacob. Jém Jacob ijatun jém Isaac. Jém Isaac ijatun jém Abraham. Jém Abraham ijatun jém Taré. Jém Taré ijatun jém Nacor. ³⁵ Jém Nacor ijatun jém Serug. Jém Serug ijatun jém Ragau. Jém Ragau ijatun jém Peleg. Jém Peleg ijatun jém Heber. Jém Heber ijatun jém Sala. ³⁶ Jém Sala ijatun jém Cainán. Jém Cainán ijatun jém Arfaxad. Jém Arfaxad ijatun jém Sem. Jém Sem ijatun jém Noé. Jém Noé ijatun jém Lamec. ³⁷ Jém Lamec ijatun jém Matusalén. Jém Matusalén ijatun jém Enoc. Jém Enoc ijatun jém Jared. Jém Jared ijatun jém Mahalaleel. Jém Mahalaleel ijatun jém Cainán. ³⁸ Jém Cainán ijatun jém Enós. Jém Enós ijatun jém Set. Jém Set ijatun jém Adán. Jém Adán ijatun jém Dios.

4

Cutitsta jém Jesús

(Mt. 4:1-11; Mr. 1:12-13)

¹ Jesic Jesús tsám iniit jém Dios iAnama iganam setpa de jém río Jordán. Dios iAnama ininic Jesús jém titsinaxyucmi. ² Jemum nic iti cuarenta jama. Jém Wocciwiñ miñ icutits iga icmalwatpa idic. Cuarenta jama da wíc Jesús, jesic núc jém cuarenta jama, pimi yua. ³ Jesic jém Wocciwiñ inímáy Jesús:

—Siiga numa Dios mimanic, acseti yíp tsa iga caxtánañi.

⁴ Jesic jém Jesús inímáy jém Wocciwiñ:

—Nimpa jém Dios inmati, jém jayñetawip: “Da no más iga incútpa caxtánañi miitpa. Tamatspacpatim itumpiy jém Dios inmati.”

⁵ Ocmi jém Wocciwiñ ininic jém Jesús tum mijpic cotsicyucmi. Tumti rato inquejay itumpiy jém naxyucmiyaj icuwiti de jém mundo jut injacyajpa jém anjagooyiyaj. ⁶ Jesic jém Wocciwiñ inímáy jém Jesús:

—Itumpiy yípyaj naxyucmiyaj ich ammiichi. Siip manchiiba mich porque ich acijunocodayñeta. I ansunpa iga anchiiba, wiap anchi. Jesic itumpiy jém pixiñtam micujípyajpa iga más mijpic minjagooyi. ⁷ Siiga mich anjcosteeñaypa y anjspa juuts ich adios, jesic immiichi itumpiy jém mananquejayñewip.

⁸ Pero Jesús inímáy:

—Nicsim, miWocciwiñ. Jayñeta_{wum} jém Dios in_{ma}ti: “Wi iga tanj_{ispa} tanj_{atu} Dios, je icutum tan_{cuyo}xap.”

⁹ Ocmi jém Wocciwiñ ininíc jém Jesús Jerusalén. Iniquím jém mijpic mastic in_{cobac}. Jém Wocciwiñ iní_{má}y Jesús:

—Siiga Dios mim_{anic}, yóyan_{queti} hasta naxyucmi. ¹⁰ Porque jayñeta_{wum} jém Dios in_{ma}ti iga:

Dios icutsatpa jém sin_{yuc}mipic p_{ixiñ}tam iga miwadiñ cuenta

¹¹ iga mimatstsonpa ic_{ijom} iga odoy coowaiñ impuy tsaayucmi.

¹² Pero Jesús iní_{má}y jém Wocciwiñ:

—Nimpatim jém Dios in_{ma}ti: “Odoy cut_{itsi} jém tanj_{atu} Dios siiga n_{uma} wiap.”

¹³ Jesic jém Wocciwiñ yaj icutits jém Jesús iga icmalwatpa idic. Ipoychac hasta tun_{gac} jama.

Mojpa iwat Jesús jém Dios iyoxacuy

(Mt. 4:12-17; Mr. 1:14-15)

¹⁴ Jesic set eybic Galilea jém Jesús. Tsam iniit jém Dios i_Anama iga wiap iwat juuts ixunpa Dios. Wanpa icuw_{iti} jém naxyucmi de Galilea iga setne jém Jesús. ¹⁵ Jesic cada tigan_{joj} jém Jesús nicpa accuyujooyi jém sinagoga, jém judíos im_{astic}. Jeeyaj tsam icuj_{ipyajpa}.

Nicpa Jesús Nazaret

(Mt. 13:53-58; Mr. 6:1-6)

¹⁶ Jesic tum jama núc Jesús jém atebet Nazaret jut mi_{ja}. Jesic jém jecuyjama, tigiy jém sinagoga juuts icostumbre. Teñchucum jém Jesús iga imaypa jém Dios in_{ma}ti jém jayñew_{ip}. ¹⁷ Chiita Jesús jém libro, jém ijaychacnew_{ip} jém profeta Isaías, iga imaypa. Jesic Jesús in_{ay} jém libro, ipát jut jayñeta_;

¹⁸ Tsam anait jém Dios i_Anama,

achiiñeta_; iga anan_{madá}yiñ jém wibic an_{ma}ti jém yaachaneyajw_{ip}.

Acutsatta_; iga anacpoc_{sá}yiñ i_Anama jém anyácneyajw_{ip}.

Acutsatta_; iga anan_{madá}yiñ jém presoyaj iga cutsigayyajt_{ap} y jém cách_{ti}yaj iga acp_{isyaj}t_{ap}.

Acutsatta_; iga anaccutsigáypa jém p_{ixiñ}tam jém tsampic malwadayñeyaj_{ta}.

¹⁹ Acutsatta_; iga anan_{mat}pa jém an_{ma}ti iga núcneum jém am_{ti}y iga Dios iw_iwadáypa jém p_{ixiñ}tam.

²⁰ Jesic Jesús in_{nuc} jém libro, ichi jém maestro imozo. Jesic coñ_{neacti}n jém Jesús. Itumpiy jém ityajw_{ip} jém sinagoga agui iámyajpa. ²¹ Jesic Jesús moj in_{madá}y jém p_{ixiñ}tam. Nimpa:

—Yíbam jama iní_xtámpa iga cupacneum yíp an_{ma}ti jém jayñew_{ip}.

²² Jesic itumpiy jém p_{ixiñ}tam agui iw_ian_{jam}yaj jém Jesús. Agui ipooñan_{jam}yaj cuando imatonyaj jém wibic an_{ma}ti jém in_{mat}new_{ip} Jesús. Jesic moj naní_mayyajtaji:

—¿Que da yíbam jém José im_{anic}?

²³ Jesic Jesús iní_{má}y jém p_{ixiñ}tam:

—Ich an_{jo}do_n iga mimichtam síp anní_{má}ypa tum refran: “¿Michóyioypáppic tiiga da minitsóyiy_{tap} in_{yaac}?” Anní_maytámpatim iga: “Watí yíim iní_{tic}mi jém wítampic cosa juutstim in_{wat}ne jém Capernaum.”

24 Iñímáytim jeeyaj:

—Wípictsonṭap tum profeta tunḡac attebet, pero cuando nicpa najíyooyi iticmi, jesic jém itíwítam da iwípictsonyaypa. 25 Numa, mannímáypa iga wiñigam it idic jém naxyucmi de Israel tsam jáyan jém yomtam jém cunoytam cuando najíyóypa jém Dios inṡatcūwiñ jém Elías. Jeetim tiempo cuando da chijóy tuj tres año y seis meses. Jesic tigiy tum mijpic yuu itumpiy jém attebetay icuwíti jém naxyucmi. 26 Pero Dios da icutsat jém Elías iga iyoxpádiñ jém Israelpic yomtam jém cunoytam. Dios icutsat jém Elías iga iyoxpádiñ jém tunḡac cunoya jém dapic je taich yomo. Jém yomo Sareptapic yomo de jém naxyucmi de Sidón. 27 Ittim idic jém naxyucmi de Israel tsam jáyan pixiñtam jém cupúgayñewiip iñaca cuando inṡmatpa jém wiñicpic aṡmatcūwiñ jém Eliseo. Pero jém Eliseo da icpis ni tum de jeeyaj. Nada más icpis jém Naamán tum Siriapic pixiñ, da je taich pixiñ.

28 Jesic tsam pimi jóyyaj itumpiy jém ityajwip jém sinagoga cuando imatonjay ti nimpa jém Jesús. 29 Tsucumyay jém pixiñtam, iquebacputyay jém Jesús aṡsicmi de jém attebet, nanicta tum tejayucmi juṭ watnetá jém attebet. Jemum icyágiyyajtooba idic jém Jesús. 30 Pero widanṡaspa Jesús jém pixiñtam aṡcucmi. Da i wiá mimats. Nic jém Jesús.

*Tum mal espíritu imats tum pixiñ
(Mr. 1:21-28)*

31 Jesic nic Jesús jém attebet Capernaum, jém naxyucmi de Galilea. Jemum cada jeucuyama nicpa inṡquejáy jém Dios inṡati jém pixiñtam. 32 Tsam ipooñanjamyaypa cuando imatonjaypa ti inṡquejáyapa jém Jesús. Porque aṡmatpa juuts tum anjagooyi.

33 Jesic jém sinagoga it tum pixiñ imatsne tum mal espíritu. Pimi aṡwejpa, nímayta Jesús:

34 —Atsaci, miJesús miNazaretpic, ¿tiiga ammoogíypa? ¿Que miñpa anactogoyta? Mánixpicpa, anjodon iga mich jém Yucmipic Dios miMiichi.

35 Jesic Jesús iwogáy jém mal espíritu. Iñímáy:

—Odoy jiyi. Puti yip pixiñ iṡnamanjom.

Jesic jém mal espíritu iccutin jém pixiñ naxyucmi jeeyaj iwiñjom. Put jém mal espíritu, da ti iwadáy. 36 Itumpiy jém ityajwip aguí anjécay. Nanímayyajṭap entre jeeyaj:

—¿Tiapaap yip aṡmadayooyi? Yip pixiñ inṡmatpa juuts tum anjagooyi. Con ipimi wiap ifop jém mal espíritu.

37 Jesic wanpa juṭ quej icuwíti jém naxyucmi ti iwat jém Jesús.

*Jesús icpis jém Peto imídapa
(Mt. 8:14-15; Mr. 1:29-31)*

38 Jesic put Jesús jém sinagoga. Nic jém Peto iticciim. Mimne actin jém Peto imídapa. Tsam pimi jawañiy. Iacunucsayyay jém Jesús iga icpixiñ jém yomo.

39 Jesic nocojom teñ jém Jesús juṭ wone jém yomo. Injiyjac jém jawan. Jém yomo ichac jém jawan, jeeti rato tsucum, moj icwíc jém miññeyajwip.

*Jesús icpis jáyan jém mimneyajwip
(Mt. 8:16-17; Mr. 1:32-34)*

⁴⁰ Jesic cuando tigíyum jama, jém pixiñtam inimíñayay Jesús itumpiy jém mimneyajwiip. Jesic Jesús ichiccunúgáy icobac cada tumtum. Jempigam icpisay itumpiy. ⁴¹ Tobayajtaptim jém mal espíritu wati jém pixiñtam ianamanjom. Agui anwejpa cuando putyaj. Nímayta jém Jesús:

—Mich jém Dios miManic.

Pero Jesús iwogáy jém mal espíritu. Da ijícpa iga jýpa porque jém mal espíritu ijodónayaj iga je jém Cristo.

Najíyóypa Jesús jém naxyucmi de Galilea
(Mr. 1:35-39)

⁴² Jesic cuquejtooba, put Jesús jém attebet. Nic tum lugar jut da ti idiíy. Pero jém pixiñtam, jém ityajwiip jém attebet, tsam imétsyaj, icunúcyaj. Iacunucsayaj iga tsíyñ con jeeyaj.

⁴³ Pero Jesús iñímáy:

—Tienes que anañmadáypa jém tungac attebetyaj jém wibic anmati jutpic ijacpa Dios jém ityajwiip yip naxyucmi. Jeeyucmi acutsat Dios.

⁴⁴ Jesic Jesús nicpa najíyooyi itumpiy jém sinagoga icuwiti jém naxyucmi de Galilea.

5

Jém milagro cuando matsta jáyan jem típi
(Mt. 4:18-22; Mr. 1:16-20)

¹ Jesic tum jama oy inmat Jesús jém Dios inmati tum laguna aññaca. Jém laguna iñiyi Genesaret. Tsam jáyan pixiñtam y yomtam miñ imatonjay hasta nacpitsiyajtap. ² Jesic Jesús iix wisten barco playa aññaca. Putneyaj iomi. Icheeyajpa jém ired niaññaca. ³ Jesic núc Jesús jut it jém barco, quim barcoyucmi. Imüchi jém Peto. Jesic Jesús iñímáy iga icniguiñ uxaj jojmi jém ibarco. Jesic coñ Jesús jém barcoyucmi. Moj inquejáy jém pixiñtam jém Dios inmati. ⁴ Cuando yajum najíyooyi, iñímáy jém Peto:

—Nanici imbarco jut jojmi jém ni. Patscuumi jém iñred nücñm. Tammatspa típi.

⁵ Jém Peto iñímáy:

—MamMaestro, muma tsuu ayoxata, da ammatsta ni tum típi. Pero siiga mich miñimpa, añcotpa eybic jém anred.

⁶ Jesic mu icotum jém ired, imatsyaj tsam jáyan típi hasta jactip jém ired. ⁷ Jesic jém Peto iwadáy seña jém itiwitam jém ityajwiip jém tungac barcojom iga miñiñ iyoxpát. Jesic miñyay, icucomyay icuistic jém barco hasta cumonjtooba. ⁸ Mu iix, jém Peto icosteeñáy jém Jesús ipuycñm, iñímáy:

—Mánomi, acupóyaayi porque tsam atañcaíy.

⁹ Jém Peto con jém ityajwiip imbarcojom agui ámanjacyaj iga imatsyaj tsam jáyan jém típi. ¹⁰ Agui ámanjacyajtim jém ityajwiip jém tungac barcojom, jém Jacobo con jém Xiwan, jém Zebedeo imanictam. Jeeyaj iwaganayoxayajpa jém Peto. Jesic Jesús iñímáy jém Peto:

—Oday cñi, tsacim iga immatspa típi. Nicpa tamméts pixiñ juuts típi iga icupicyajñ jém Dios inmati.

¹¹ Jesic ininicyaj imbarco niaññaca. Ichacyaj itumpiy jém iniitwip. Nic itujíyyaj jém Jesús.

Jesús icpis tum p̄ixiñ jém cupúgayñew̄iip iñaca
(Mt. 8:1-4; Mr. 1:40-45)

12 Cuando it Jesús jém tun̄gac attebet, ict̄síy tum p̄ixiñ tsam cupúgayñe iñaca. Mu iix Jesús, jém p̄ixiñ icosteeñáy ipuyc̄im. Icutuncsáypa iga icp̄ixiñ. N̄imayta:

—Mán̄omi, siiga in̄w̄ian̄jam, acp̄isi.

13 Jesic Jesús ich̄icunúy jém p̄ixiñ, iñímáy:

—An̄w̄ian̄jam. Micuáyñeum.

Jesic jeeti rato ichacum jém p̄ixiñ ipuuca, w̄its̄iyum. 14 Jesic Jesús iñímáy jém p̄ixiñ:

—Odooy i an̄madaayi iga ich manacp̄is, pero niḡi wiñquejaayi jém panij iga in̄quejáyiñ iga n̄uma mipisneum. Jesic omi ch̄i Dios tum ofrenda juuts n̄impa jém Moisés in̄químayooyi iga miixtap iga n̄uma mipisneum.

15 Pero jutquej wan̄pa iga acp̄isóypa jém Jesús. An̄tuum̄ayajpa tsam jáyan p̄ixiñtam iga imaton̄yajpa jém Jesús in̄madayooyi. Miñ̄yay jém mimneyajw̄iip iga acp̄isyajt̄aiñ. 16 Pero put Jesús jém attebet, nic icutum jut da ti id̄iȳiy iga in̄wejp̄atpa Dios.

Jesús icpis tum p̄ixiñ tusacane icum̄uma
(Mt. 9:1-8; Mr. 2:1-12)

17 Jesic tum jama cuando accuyujóypa Jesús, coñ̄yajt̄im jem jém fariseoyaj con jém maestroyaj de jém wiñ̄icp̄ic an̄químayooyi. Jeeyaj miñ̄yay de itump̄iy jém tigan̄jojjay de jém naxyucmi de Galilea y Judea. Miñ̄yajt̄im de jém attebet Jerusalén. Jém Jesús tsam iniit jém Dios ip̄imi. Wiap icpis jém mimneyajw̄iip. 18 Jesic núcyaj jutén jém p̄ixiñ, icópneyaj tseesyucmi tum p̄ixiñ tsam mimne. Tusacane icum̄uma, da tsigóypa. Tiḡiytooba idic jém ticjóm iga iámpa jém Jesús. 19 Pero da ip̄at̄yay jut̄ wiap itiḡiy porque tsam it̄ñim. Jesic químyaj jém tic̄yucmi, ijetyaj jém tic iñecxi. Ij̄imquetyaj tseesyucmi jém mimnew̄iip jém Jesús iwiñ̄jom jém p̄ixiñtam an̄cucmi. 20 Jesic cuando iix Jesús iga tsam icup̄icyajpa jeeyaj, iñímáy jém mimnew̄iip:

—Mip̄ixiñ, miwadayñetā perdón jém iñt̄añca.

21 Jesic jém escribasp̄ic maestroyaj con jém fariseoyaj ij̄isyajpa ij̄ixian̄jom iga: “¿Que iapaap ȳip p̄ixiñ? S̄ip icuj̄iy tanDios. Porque Dios icutum wiap taccáyáy tant̄añca.”

22 Pero Jesús ij̄odon̄ ti s̄ip ij̄isyaj ij̄ixian̄jom, jesic iñímáy jeeyaj:

—¿Tiiga iñ̄j̄ist̄ampa jem̄pic? 23 ¿Jup más da t̄añca iga annímáypa ȳip p̄ixiñ iga: “Miwadayñetā perdón jém iñt̄añca”, o iga annímáypa: “Tsucum̄i, w̄it̄im”? 24 Siip manan̄quejáypa iga jém Miñ̄ñew̄iip S̄inyucmi n̄uma iniit jém p̄imi iga wiap iccáyáy jém p̄ixiñtam it̄añca ȳip naxyucmi.

Jesic Jesús iñímáy jém p̄ixiñ jém tusacanew̄iip:

—Mannímáypa, tsucum̄im, p̄in̄im jém iñchees, nicsim iñt̄icc̄im.

25 Jesic iganam iámyajpa jém ityajw̄iip, jeeti rato tsucum jém p̄ixiñ. Ipinum jém ichees jut w̄one idic. Nic iticmi. Tsam icuj̄ippa Dios. 26 Itump̄iy jém p̄ixiñtam ipooñ̄anj̄amyaj. Icujīpyajpat̄im Dios. Tsam c̄inyaj. Nanímayyajt̄ap:

—Ȳip jama tánixta tum cosa dapic queman oypa tánix.

*Jesús inwejay jém Leví**(Mt. 9:9-13; Mr. 2:13-17)*

²⁷ Cuando cuyaj jém asunto, moj niqúi jém Jesús. Iix tum pixiñ jém ichécpáppic impuesto, iñiyi Leví. Coñ jut ichécpa jém impuesto. Jesús iñímáy jém pixiñ:

—Atúnñiyi.

²⁸ Jesic tsucum jém pixiñ, ichac jém iyoxacuy, nic itúnñiy jém Jesús.

²⁹ Jesic ocmi jém Leví inisiñap jém Jesús iticcim. Tum mijpic siñ iwat. Anwejayajta tsam jáyan jém ichécyajpáppic impuesto con tunjac más jém pixiñtam. Iwaganawícyajpa jém Jesús mesacim. ³⁰ Jesic jém fariseoyaj con jém maestroyaj de jém fariseo inqúimayooyi moj inwejayaj jém Jesús icuyujcwiñ. Nímayajtap:

—¿Tiiga miwagawíctampa y miwaganíctampa con jém ichécyajpáppic impuesto y con jém tunjac táncaiywñip?

³¹ Jesic Jesús iñímáy jém fariseoyaj:

—Jém dapic mimne da ixunpa jém tsóyíyoopaap. Pero jém mimneyajwñip ixunpa jém tsóyíyoopaap. ³² Ich da amiñ iga ananwejaypa jém dapic táncaiy. Amiñ iga ananwejaypa jém táncaiywñip iga ichacyajiñ jém itájca.

*Acwáctaj Jesús tiiga da iwatyajpa ayuno jém icuyujcwiñ**(Mt. 9:14-17; Mr. 2:18-22)*

³³ Jesic jém miññeyajwñip icwácyaj jém Jesús. Nímayta:

—¿Tiiga jém Xiwan icuyujcwiñ con jém fariseoyaj siempre iwatyajpa ayuno, iwatyajpa jém oración? Pero mich jém inçuyujcwiñ siempre wícyajpa, nícayajpa, da iwatyajpa ayuno.

³⁴ Jesic Jesús iñímáy jeeyaj:

—Siempre wícyajpa jut ançoomíyoyñimpa. Da i iwatpa ayuno cuando it jém yoomiypaap. ³⁵ Pero núcpa jama cuando da i jém yoomiypaap. Jesic numa iwatyajpa ayuno.

³⁶ Jesic Jesús inmadayaj jém pixiñtam tum xutu cuento. Inquejáypa jém pixiñtam iga jém jomipic jixi jém inimiññewñip Jesús da iwínanigáypa jém wiñicpic jixi. Nimpa Jesús:

—Da i ijacpa tum jomyooti iga intótspa tum pecapic yooti. Siiga iwatpa jempic, misap jém jomyooti. Jém jomipic puctucu datim iwínacutiñpa jém pecapic. ³⁷ Da i icotpa jomvino jém pecapic cuerobolsajom. Porque siiga iwatpa jempic, jesic pipa jém jomvino, tojanajpa jém pecapic cuerobolsa. Tegáypa jém vino. Togoypa jém cuerobolsa. ³⁸ Jeeyucmi cottap jém jomvino jém jomipic cuerobolsajom. ³⁹ Numa, jém iucpáppic jém pecapic vino da iuctooba jém jomvino porque nimpá iga: “Wí jém pecapic.”

6*Jesús icuyujcwiñ itúcyaj trigo jém jejcuyjama**(Mt. 12:1-8; Mr. 2:23-28)*

¹ Tum jejcuyjama wídanaspa Jesús jut ñipnetá jém trigo. Jém icuyujcwiñ ijudayajpa jém trigo ipac, icútyajpa. ² Jesic algunos jém fariseoyaj iwogayyaj jém Jesús icuyujcwiñ. Nímayta:

—¿Tiiga inwattampa contra jém tanañqúimayooyi jém jejcuyjama?

³ Jesic Jesús iñímáy jém fariseoyaj:

—¿Que da queman immay ti iwat jém David cuando tsam yuayajpa con jém icompañeroyaj? ⁴ Tigi y David jém Dios iticjom. Ipic jém caxtánañi jém tsacnetawwip altaryucmi. Icut jém David, ichiitim jém icompañeroyaj. Tanjodon iga jém tanañquímayooyi nimpá iga nada más jém panij wiap icut jém caxtánañi jém tsacnetawwip altaryucmi.

⁵ Jesic ocmi jém Jesús iñímáy jém fariseoyaj:

—Jém Miñnewwip Siñyucmi imichitim jém jejcuyjama, wiap iñímáy jém pixiñtam ti wiap iwatyaj jém jejcuyjama.

Pis jém pixiñ jém titsnewwip ici
(Mt. 12:9-14; Mr. 3:1-6)

⁶ Jesic tungagam jejcuyjama nic Jesús jém sinagoga. Moj inquejáy jém pixiñtam. Itim jem tum pixiñ mimne. Titsne jém inwici. ⁷ Jesic jém escribapic maestroyaj con jém fariseoyaj icuixyajpa jém Jesús siiga numa acpisóypa jém jejcuyjama. Imétsyajpa jutpic iquejajwadayyajpa jém Jesús.

⁸ Pero Jesús ijodon ti síp ijsyay. Iñímáy jém pixiñ jém titsnewwip ici:

—Teñchucumi, miñi miteñi yíp pixiñtam añucmi.

Jesic tsucum, nic teñi. ⁹ Jesic Jesús iñímáy jém pixiñtam jém ityajwip jem:

—Síp manacwáctampa: ¿Ti wiap tanwat jém jejcuyjama? ¿Tanwawatpa o tammalwatpa? ¿Wi iga tanjacpudáypa tum pixiñ iverda o tanaccáyáypa?

¹⁰ Jesic Jesús icuámsat jém pixiñtam icuwoyo, iñímáy jém pixiñ jém titsnewwip ici:

—iñimí inçici!

Jempam iwat jém pixiñ, witsiyum ici. ¹¹ Jesic tsam pími jóyyaj jém fariseoyaj. Moj nacwácyajtají entre jeeyaj ti wiap iwadayyaj jém Jesús.

Jesús icupin jém doce icuyujcwiñ
(Mt. 10:1-4; Mr. 3:13-19)

¹² Jesic tum jama nic Jesús tum cotsicyucmi. Nic inwejpát Dios muma tsuu.

¹³ Icuquejama inwejáy jém icuyujcwiñ. Icupin doce de jeeyaj, iccám juuts “apóstolyaj”. Taich tanañmatimi nimtooba jém cutsatnetawwip. ¹⁴ Icupin jém Ximój, Jesús icagáy iñiyi, icámáy iga Peto; jém Anti, je jém Ximój itíwi; jém Jacobo; jém Xiwan; jém Felipe; jém Bartolo; ¹⁵ jém Mateo; jém Tomax; jém Jacobo, je jém Alfeo imaníc; jém tungac Ximój, jém iñiyitim jém Zelote; ¹⁶ jém Judas, je jém Jacobo itíwi; y jém Judas Iscariote jém icijuncotwip jém Jesús.

Accuyujóypa Jesús jém wítipic nonjom
(Mt. 4:23-25)

¹⁷ Jesic quiet Jesús jém cotsicyucmi con icuyujcwiñ. Nic accuyujooyi tum wítipic nonjom. Antuumayaj tsam jáyan jém pixiñtam. Miñyaj icuwiti jém naxyucmi de Judea, jém Jerusalén y jém lamar añnaca jut it jém atebet Tiro y Sidón. Miñneyaj jem iga imatonayajpa jém Jesús inquímayooyi, iga acpisyajtajíñ jém mimneyajwip. ¹⁸ Pisyajtim jém tsampic iyaachwatyaj jém mal espíritu.

¹⁹ Jém pixiñtam tsam icunúcyajpa Jesús iga ichicpa porque tsam putpa jém ipimi iga icpisa itumpiy.

Maymáyaatami porque micháy juuts Dios mimanictam
(Mt. 5:1-12)

²⁰ Jesic jém Jesús iámmats jém icuyujcwiñ. Iñímáy:

—Maymáyaataami siiga šiip tsam miyaachap porque mitigiyñeta con Dios, šiip minjactámpa mimichtam.

²¹ 'Maymáyaataami siiga šiip miyuatámpa porque ocmim custámpa miwiiq-uitam.

'Maymáyaataami siiga šiip miwejtámpa porque ocmi mixictámpa.

²² 'Maymáyaataami siiga šiip mijóyixtamtap, miquebacputtamtap, mimalnámaytamtap y da i miwixtámpa. Pimi mimalwadaytamtap porque mimichtam anjucictámpa aich jém aMiññewiip Siñyucmi. ²³ Maymáyaataami cuando núcpa jém jama, miyóypa juuts tum tsixi, porque iñjodon iga Dios michiiba jáyar jém wítampic cosa siñyucmi. Jisi iga jém wiñicpic pixiñtam imalwadáytim jém wiñicpic Dios inmatcwiñ.

²⁴ 'Agui miuuguytim jém ricopic mipixiñtam porque šiip mimaymáyatámpa, pero ocmi da ti michiiba Dios.

²⁵ 'Agui miuuguytim siiga šiip cuspa miwiiqui. Ocmi miyuatámpa.

'Agui miuuguytim siiga tsam mixictámpa šiip porque ocmi minyáctámpa, miwejtámpa.

²⁶ 'Agui miuuguytim siiga itumpiy jém pixiñtam micujíptámpa šiip, porque jém wiñicpic pixiñtam icujípyajtim jém malopic anmatcwiñ jém migoyajpápic.

*Wi iga tantóyiñ jém tánenemigoyaj
(Mt. 5:38-48; 7:12)*

²⁷ Jesic Jesús iñimáytim jém pixiñtam:

—Pero šiip mannámaytámpa mimichtam iga toyi jém iñenemigoyaj. Wiwadaayi jém mijóyixajpápic. ²⁸ Anwejaati Dios iga iwíwadáytiñ jém mimalnámaypápic y jém mimalwadaypápic. ²⁹ Siiga i micótsáypa tum iñacpac, jigaayi iga micótsáyitím tunjac lado, odoy cianseedaayi. Siiga i mitobáyáypa jém iñchamarra, jigaayi iga mitobáyáyitím mex jém iñyoóti. ³⁰ Siiga i miwágáypa tum cosa, chi. Siiga i mitobáyáypa tum cosa jém immichipic, odom wágaayi iga micseedáytiñ. ³¹ Wiwadaayi jém tunjac juustim mich iñxunpa iga miwíwadaytaiñ.

³² 'Siiga no más iñtoypa jém mitoypápic, odoy jisi iga micujíptap. Porque jém malopic pixiñtam itoypatim jém iamigoyaj. ³³ Siiga inwíwadáypa no más jém miwíwadaypápic da micujíptap porque jém malopic pixiñtam iwíwadáypatim jém iwíwadaypápic. ³⁴ Siiga inicnucspa tumiñ no más jém pixiñ jém wiapaap micseedáy jém iñtumiñ, jesic da micujíptap. Porque jém malopic pixiñtam icnucspatim tumiñ jém iamigoyaj jém wiapaap icseedayyaj. ³⁵ Pero mannámaytámpa: Toytaami jém mijóyixpápic. Wiwadayaataami jém mimalwadaypápic. Siiga miñucsóypa tumiñ, chi. Odoy wadaayi caso siiga da wiap micseedáy jém iñtumiñ. Siiga inwatpa jempic, Dios miwíyojpa. Quejpa iga Dios mimanictam. Porque Dios iyaachanjampatim jém malopic y jém táncaywiip. ³⁶ Yaachanjamtaami itumpiy jém pixiñtam juustim tanjatun Dios miyaachanjamtámpa mimichtam.

*Odoy tanjixiñ tum tantíwi iga táncay
(Mt. 7:1-5)*

³⁷ 'Odoj jisi tum iñtiwi iga tãñcaiy, jesic Dios datim mijisáypa mich iñtãñca. Siiga tum pixiñ mimalwadáypa, odoj tseeci, jesic Dios da michégáypa mich iñtãñca. ³⁸ Siiga i miwágáy alguna cosa, siiga wi ñanama, chi jem dapic iniñ, jesic Dios jeetim quípsi mipigáypa iga micseedáypa mimich.

³⁹ Jesic Jesús inmadáypa jem pixiñtam yíp xutu cuento:

—Tum cáchtipic pixiñ da wiap iniwit tungac cáchti porque tsutyajpa icuisticay jem pacusjom. ⁴⁰ Tum cuyujcãwiñ da wiap ñasca jem imaestro, cuando yajum cuyuji da ictsíypa jem imaestro.

⁴¹ 'Tiiga iññimáypa jem iñtiwi iga tãñcaiy siiga da jutsañ jem itãñca juuts tum xutu puchi iniit iixcom. Pero mich tsam jáyan tãñca iniit jex juuts tum mijpic cuy iniit iñixcom. ⁴² Siiga da ñjampa jem cuy jem iniitwiip iñixcom, tiiga iñjspa iga wiap iñtóbáy jem puchi jem iñtiwi iixcom. Minimiógoyatãp iñyaac. Wiñti topi jem cuy jem michpic iniit iñixcom, jesic ocmi wiap iñtóbáy jem puchi jem iñtiwi iixcom.

Cuando tímãp tum cuy, jesic tánixpicpa

(Mt. 7:17-20; 12:34-35)

⁴³ 'Jem wibic cuy da wiap iwat jem malopic itim. Jem malopic cuy da wiap iwat jem wibic itim. ⁴⁴ Cada cuy tánixpicpa con itim. Da tantúcpa tum tsuj jem apitcuyucmi. Da tantúcpa uvas jem chicxchayucmi. ⁴⁵ Tum wibic pixiñ iwatpa wibic cosa porque iniit jem wibic jixi ñanamanjom. Jem malopic pixiñ iwatpa jem cosa dapic wítam porque iniit jem malopic jixi ñanamanjom. Jem añmatí jem putpáppic tanjipjom tsucum jem tánanamanjom. Siiga tum pixiñ inmatpa wibic cosa, jesic quejpa iga da malo. Pero siiga inmatpa tum cosa dapic wi, jesic quejpa iga malo.

Jem wisten jem ticwatpáppic

(Mt. 7:24-27)

⁴⁶ Jesic Jesús iñimáyim jem pixiñtam:

—¿Tiiga miñimtãmpa iga, “Mánomí, mánomí”, pero da inwattãmpa juuts mannimáypa? ⁴⁷ Wi iga miñpa immatorñ ich añmatí y iga inwadiñ juuts mannimáypa. Siip manañquejáypa juutspic mipixiñ siiga inwatpa juuts mannimáypa. ⁴⁸ Mijex juuts tum pixiñ wiapaap iticwat. Wiñti iwítajcúmpa jojmi iga icpimãp jem tic tsaayucmi. Jesic ocmi cuando compa jem ni, pími ictsíy jem niicoma jem tic. Pero da wiap ictsígóy ni imiswatpa porque acpimãnetã tsaayucmi. ⁴⁹ Siiga tum pixiñ imatorñpa ich añmatí, pero da icupicpa, jesic jem pixiñ jex juuts tum pixiñ jem dapic wiap iticwat. Jem pixiñ da iwítajcúmpa jojmi iga icpimãp jem tic jem tsaayucmi. Naxyucmi no más icpimãne. Jesic ocmi com jem ni, pími ictsíy jem niicoma jem tic, jeeti rato cutiñ, da ti tsíy.

7

Jesús icpis jem Romapic capitán imozo

(Mt. 8:5-13)

¹ Jesic yaj inmadáy Jesús jem pixiñtam, nic Capernaum. ² It idic jem tum jem Romapic capitán. Iniit idic tum imozo jem tsãmpic itoypa. Pero ocmi mimneactiñ jem imozo. Tsãm pími mimne. Caatoobam. ³ Jesic cuando

jém capitán ijodóna iga jém Jesús wiap icpisóy, icutsadáy juten jém Israelpic wídaytam iga icunucsáypa jém Jesús iga miñiñ icpis jém imozo.

⁴ Jesic jém wídaytam nic íám jém Jesús. Iacunucsáy, iñímáy:

—Awadaayi tum favor, jém capitán tum wibic pìxiñ, yoxpaati. ⁵ Porque tsam itoypa jém tannación. Tawadáyim tum jém tammastic jém sinagoga.

⁶ Jesic jém wídaytam iwagananicyajpa jém Jesús. Iganam núcyajpa nocojóm jém capitán iticciim, jém capitán icutsadáy anmati jém Jesús con tungac iamigoyaj. Iñimayyaj:

—Jém capitán miñímáy iga: “Mánomi, da más mançobacpijpa. Da wi iga miñúcpa anticciim porque mich wibic mipìxiñ, ich tsam atáñcaiy.” ⁷ Jeeyucmi ich da nic mamméts anyaac. Siip no más nímaayi jém caacuy iga ichaguiñ jém ammozo, tienes que pispa. ⁸ Porque ich anaítim tum ananjagooyi iga apimíyapa. Ich anaítim soldado jém ampimiyapaap. Siiga annímáypa jém ansoldado iga niguiñ, jesic tienes que nicpa. Siiga annímáypa jém ansoldado iga miñiñ, jesic tienes que miñpa. Siiga annímáypa jém ammozo iga iwadiñ tum cosa, jesic tienes que iwatpa.

⁹ Jesic miimaton jém Jesús junimpa jém capitán, ipooñanjampa. Íámseedáy jém pìxiñtam jém miñyajpáppic ituuñiançim. Iñímáy:

—Numa, mannímáypa, da ampátne ni tum pìxiñ icuwiti yíp Israel iga icupicpa Dios juuts yíp capitán.

¹⁰ Jesic jém capitán iamigoyaj setyajum iticciim. Iixyajum iga pisneum jém capitán imozo.

Jesús icpis tum caanewwip, jém cunoya imaníc

¹¹ Jesic jém tungac jama nic Jesús tum attebet iñiyi Naín. Waganicyajpa con wati jém icuyujcwiñ. Nicyajpatim jáyan jém pìxiñtam. ¹² Iganam núcyajpa jém attebet anñaca, iix iga nanictap tum tsúts. Jém caanewwip tum cunoya ijaymanic. Jém yomo da iniñ tungac imaníc. Icutum tsíy. Jáyan jém pìxiñtam iwagananicyajpa jém cunoya. ¹³ Mu iix jém tánomi, iyaachanjampa jém yomo. Iñímáy:

—Oday weji.

¹⁴ Jesic Jesús icunúc nocojóm jém tsúts, ichigáy icaja. Jém icópneyajwip teeñanjacyaj. Jesic Jesús iñímáy jém caanewwip:

—iMiwoñjaychixi, mannímáypa, tsucumi!

¹⁵ Jesic jém caanewwip idic coñchucum. Mojum jiyi. Jesic Jesús icijunçodáy iapa. ¹⁶ Mu iixyaj, pimi çnyaj itumpiy jém ityajwip jem. Moj icujípyaj Dios. Nímyajpa:

—Tawiñquejayne tum mijpic profeta.

Nímyajpatim:

—Dios tsam tayaachanjampa, jeeyucmi tacutsadayne yíp pìxiñ iga tayo xpátamiñ.

¹⁷ Jesic ocmi jodónata ti iwat jém Jesús icuwiti jém naxyucmi de Judea con jém tungac naxyucmi jém nocojompic.

*Jém Xiwan icutsat icuyujcwiñ iga icwácayajiñ jém Jesús
(Mt. 11:2-19)*

18 Ocmi acjodónatim jém Xiwan jém acchíñoypaap ti iwat jém Jesús. Jém Xiwan icuyujc#wiñ inmadáy. Jestic ocmi inwejáy wisten de jeeyaj. 19 Icusat iga niguiñ icwácyaj jém Jesús. Nímayta jém icuyujc#wiñ:

—Nigi acwaaci jém Jesús iga: “¿Que micham miCristo jém micutsatnewiip Dios o ananjóctampa tunjac?”

20 Jestic ocmi jém Xiwan icuyujc#wiñ ipát jém Jesús. Inímayyaj:

—Jém Xiwan, jém acchíñoypáppic, acutsatta iga manacwáguiñ siiga micham miCristo jém micutsatnewiip Dios o ananjóctampa tunjac.

21 Jestic jeetim hora cuando núcyaj jém Xiwan icuyujc#wiñ, jém Jesús icpispá jáyan jém pixiñtam jém iniiw#p caacuy, jém mimneyajw#p y jém imatsnewiip jém mal espíritu. Icpistim jáyan jém cáchtiyaj. 22 Jestic Jesús inímay jém Xiwan icuyujc#wiñ:

—Nigi nímaayi jém Xiwan ti iníxñeta y ti immatoneta. Anmadaytaami iga ixixóypam jém cáhti, witpam jém cuxujpic idic, pisneum jém cupúgayñewiip idic ináca, matóyóypam jém chajca, pisneum jém caaneyajw#p idic y jém yaachayajpaap ipictsonyaj jém wibic anmati iga Dios iciacputpa. 23 Agui maymay jém pixiñ jém dapic ijícpa iga i ictsacpa ich anamati.

24 Jestic nicyajum jém Xiwan icuyujc#wiñ. Moj inmadáy Jesús jém pixiñtam iga jém Xiwan tum Dios inmatc#wiñ. Nimpa:

—¿Ti oy inámta jém titsinaxucmi? ¿Que oy inámta tum pixiñ dapic wiap juuts tum poc jém aguipic ictsigóypa sawa? Da je. Oy inámta tum pixiñ wiapaap. 25 ¿Que oy inámta jém pixiñ agui wicuyajne? Da je. Tanjódon iga jém wicuyajnewiip ityaj jém rey iticcim. 26 ¿Que ti oy inámta jém titsinaxucmi? ¿Que oy inámta tum nunta profeta? Numa tum profeta más wiap que itumpiy jém wiñicpic Dios inmatc#wiñ. 27 Nimpa jém Dios inmati ti iwatpa jém Xiwan: Dios icutsatpa tum anmatc#wiñ iga iwitsagáypa jém Cristo itun.

Jém anmatc#wiñ anjagoyñeeba inic. Ocmi ituuñanccim miñpa jém Cristo.

28 Jestic Jesús inímaytim jém pixiñtam:

—Numa mannímáypa iga icuwiti yíp naxyucmi da i tunjac más wibic profeta que jém Xiwan jém acchíñoypaap. Pero cuando núcpa jém tiempo iga injacpa Dios, jém más xutupic más wiap que jém Xiwan.

29 Mu imatonyaj ti nimpa jém Jesús, jestic itumpiy jém pixiñtam agui maymáayaj. Agui maymáayajpatim jém ichécyajpáppic jém impuesto. Nimyajpa:

—Agui wi tanDios iga tanquejáypa yíp numapic anmati.

Porque casi itumpiy jém pixiñtam oy icchinyajta jut acchíñoypa jém Xiwan. 30 Pero jém fariseoyaj con jém maestroyaj de jém Israelpic anquímayooyi da icupicyajpa jém Dios inmati jém inimiññewiip jém Xiwan. Dios iwíwadaytooba idic, pero jeeyaj da iwianjamyaj. Jeeyucmi jém fariseoyaj da ijícpa iga icchinyajpa jém Xiwan. 31 Jestic tánQmi Jesús inímay jém antuamaneyajw#p:

—Jém pixiñtam jém ityajw#p siip 32 jex juuts jém tsixtam jém michyajpáppic plaza. Inímayyajpa jém iamigoyaj iga: “Mansusáypa jém flauta, pero da mietstampa. Ocmi manwánáypa jém wañi jém anyácnewiip, pero datim miwejtampa.” 33 Porque cuando miñ jém Xiwan jém acchíñoypáppic, da

icútpa caxtánañi, da iucpa vino; miñimtámpa iga jém Xiwan iniit tum mal espíritu. ³⁴ Ocmi ich anyaac amiñ siñyucmi. Awícpa y anícpa, pero michtam miñimtámpa iga tsam awícpa y tsam ánucca vino. Miñimtámpatim iga ich añcompañero jém ichécyajpáppic jém impuesto y jém táñcaiywüip. ³⁵ Quejpa iga wi jém jixi siiga wüputpa jém yoxacuy.

Oy joyi Jesús tum fariseopic pixiñ iticcim

³⁶ Tum fariseo inwejay Jesús iga niguiñ wüqui. Jesic nic jém Jesús, tigiy iticjom, coñ jém mesacim. ³⁷ Ittim jém atebet tum yomo witwidoypáppic idic. Jesic jém yomo ijodon iga nic wüqui jém Jesús jém fariseopic iticcim. Nictim mex jém yomo. Ininic tum wibic tsaafresco comme de pomada cñpáppic. ³⁸ Jesic jém yomo icunúic jém Jesús. Icosteeñay ipuycim. Wejpa jém yomo. Icheáypa jém Jesús ipuy con iixcañni. Ocmi jém yomo icujicháyáypa jém ipuy con jém iway. Inñacatsútsáypa ipuy. Ocmi icámáy jém pomada jém Jesús ipuyucmi. ³⁹ Jesic jém fariseo, jém inwejayñewüip Jesús, iix ti iwatpa jém yomo. Jém pixiñ ijjsa ijixianjom. Nimpa iga: “Siiga numa yíp pixiñ tum profeta, ¿siiga da icutiñyíypa iga yíp yomo tsam táñcaiy? Porque yíp yomo tum witwidoypáppic.” ⁴⁰ Jesic Jesús iñimáy jém fariseopic pixiñ:

—MiXimój, mannímaytooba tum añmatí:

Jesic jém pixiñ iñimáy jém Jesús:

—Maestro, anímaayi.

⁴¹ Jesic nimpa Jesús:

—It idic wisten pixiñ. Oy icacyaj tumiñ. Tum icac quinientos tumiñ de plata, tum icac cincuenta tumiñ de plata. ⁴² Ocmi icuistic da wiap icsetyay jém tumiñ. Jesic jém ichiññewüip jém tumiñ iwadáypa perdón icuistic. Dam ichécpa jém pixiñ. Siip, miXimój, ¿anímaayi juppíic más itoypa jém ichiññewüip jém tumiñ?

⁴³ Jesic jém Ximój icutsoñ. Nímayta Jesús:

—Jém más jáyanpic icacne jém tumiñ.

Jesús iñimáy jém Ximój:

—Numa, añwicutsoñ.

⁴⁴ Jesic Jesús iámseedáy jém yomo jut siip icheáy jém ipuy, iñimáy jém Ximój:

—Aami yíp yomo ti síp iwat. Cuando atigiy iñitcjom mich da anchi ni iga antseeba ampuy. Pero yíp yomo atseáypa ampuy con iixcañni. Acujicháyáypa ampuy con iway. ⁴⁵ Mich da anaññacatsútsa, pero yíp yomo tsam aññacatsútsáypa ampuy. ⁴⁶ Mich da anacámáy aceite añcobacyucmi, pero yíp yomo acámáy tum frasco jém pomada jém cñpáppic ampuyucmi. ⁴⁷ Jesic mannímáyypa iga Dios iccáyáy yíp yomo itáñca tsam jáyan. Jeeyucmi tsam pími itoypa Dios. Pero siiga Dios iccáyáypa tum pixiñ itáñca dapic jutsan, jesic jém pixiñ uxantim itoypa Dios.

⁴⁸ Jesic Jesús iñimáy jém yomo:

—Miccáyayta jém iñtáñca.

⁴⁹ Jesic jém ityajwüip jém mesacim con Jesús moj nanímayyajtaji entre jeeyaj:

—¿lapaap yíp pixiñ iga wiap iccáyáy jém yomo itáñca?

⁵⁰ Pero jém Jesús iñimáy jém yomo:

—Incupicne Dios jeeyucmi miciputneum. Chogoyñicsim.

8

Jém yomtam jém iyoxpátayajpáppic Jesús

¹ Ocmi Jesús oy joyi wáti jém atebet y jém tiganjoj. Oy najíyooyi. Inmatpa jém wibic añmatí jutpic Dios injacpa yíp naxyucmi. Itúníyyaj jém doce icuyujcáwiñ. ² Iwagananicayajpatim jém yomtam jém mimneyajwíip idic con jém iniitwíip idic jém mal espíritu. Jesús icpis jém yomtam. Tum de jeeyaj jém Malía, iníyitim Magdalena, tobayta siete jém mal espíritu. ³ Ittim jém Xiwana, jém iwídaya iníyi Chuzo. Jém píxiñ icuyoxap jém gobernador Herodes. Ittim jém Susana. Yípyaj con wáti más jém yomtam icwícyajpa jém Jesús con icuyujcáwiñ, ichiiyajpa titam iniityaj.

Dios inmatí jex juuts jém pac jém tanyinpáppic (Mt. 13:1-9; Mr. 4:1-9)

⁴ Tum jama añtuumayajpa tsam jáyan píxiñtam. Putyaj de wáti jém atebet yaj. Miñ iámyaj jém Jesús. Jesic Jesús inmadáy tum xutu cuento iga inquejáypa jém añtuumaneyajwíip. Inímáy:

⁵ —It idic tum píxiñ. Nic ñipi. Nic iyin jém pac icamjom. Jesic mu iyin jém pac, actin uxaj tunjom jém camañaca. Jém nasyajpaap icunepnepquetyaj. Jém jon icútquetyaj. ⁶ Actiním uxaj jém pac jém tsaanjom. Mu inay, jobittim tits porque da mujajom. ⁷ Actiním uxaj jém pac apidanjom. Jém apit iwagananay jém pac, ocmi ixamca. ⁸ Actiním jém pac jém wibic naxyucmi. Nay, wítimap. Cada tumtum jém pac chióy cien.

Jesic yaj inmat jém cuento. Pimi jiy Jesús. Inímáy jém píxiñtam:

—Siiga mitatsigiyta, amatontaami.

Tiiga inquejáypa jém icuyujcáwiñ con jém xutu cuento (Mt. 13:10-17; Mr. 4:10-12)

⁹ Jesic jém icuyujcáwiñ icwácyaj jém Jesús ti nimtooba jém xutu cuento.

¹⁰ Jesús inímáy:

—Dios michiñe jém jixi iga wiap injodónata jém cosa anyamnetawíip idic. Siip wiap incutiíyiy jutpic injacpa Dios jém ityajwíip yíp naxyucmi. Pero ich anaquejáypa jém tungacpic píxiñtam con yíp xutu cuento. Jesic cuando iixyajpa, da ijodónayajpa ti iixyaj. Cuando imatonayajpa, da icutiíyiyajpa ti imatonayaj.

Jém Jesús inmatpa ti nimtooba jém xutu cuento (Mt. 13:18-23; Mr. 4:13-20)

¹¹ Siip manañmadáypa ti nimtooba yíp xutu cuento. Jém pac jém Dios inmatí. ¹² Jém actinewíip tunjom jex juuts jém píxiñtam jém imatonneyajwíip jém Dios inmatí. Pero ocmi jém woccáwiñ miñ iccáyay inanamjom iga odoy icupicyajíñ, iga odoy cuputyajíñ. ¹³ Jém pac, jém actinewíip tsaanjom, jex juuts jém píxiñtam cuando imaton jém Dios inmatí, agui maymay, iwípicsonyaj. Pero da pimi tichigíy, da jáypa icupicyaj, pero cuando cutitstap, ichacyajpa jém añmatí. ¹⁴ Jém pac, jém actinewíip apidanjom, jex juuts jém imatonneyajwíip Dios inmatí, moypa iwat juuts ixunpa Dios, pero da iyaachíypa. Icupictooba idic, pero tsam ijsipa iyoxacuy. Ijispatim jém itumiñ

con jém maymáayaji. Jém jixi dapic wí ixamcaaba jém wibic jixi. Da wí tímáap.
 15 Pero jém pac, jém actiñnewiip jém wibic naxyucmi, jex juuts tum pxiñ wí
 ianama, imatonpa jém Dios inmati, iwadáypa caso. Icupicpa jém anmati, da
 nunca ichacpa. Wítimáap jém pxiñ. Siempre iwatpa juuts ixunpa Dios.

Jesús inmat jém jucti icuento

(Mr. 4:21-25)

16 Jesic nimpatim Jesús:

—Da i iñooba tum jucti iga icujappa coñcucim o iga ichacpa tseescucim.
 Tannooba jucti iga tantunpa yucmi iga iixixóypa jém tigiyápápic. 17 Jesanetim
 quejpa itumpiy cosa añécne idic. Quejpatim jém dapic quejne idic.

18 Wadaayi caso mimichtam, awimatontaami. Siiga inwipictsonpa jém Dios
 inmati, jesic Dios michiiba jáyay wítampic cosa. Pero siiga da inwipictsonpa
 jém Dios inmati, jesic da ti wiap michi Dios, más miccáyápa jém cosa jém
 iñjispápic idic iga iniit.

Miñay jém Jesús itiwitam con iapa

(Mt. 12:46-50; Mr. 3:31-35)

19 Jesic jém Jesús itiwitam con iapa miñay. Pero da wiap itigiyay jut it jém
 Jesús porque tsam itñim. 20 Anmadayta Jesús:

—Miññeum jém iñapa con iñiwitam. Jemum it anjicmi. Miixtooba.
 Mijypáttooba.

21 Pero Jesús iñimáy jeeyaj:

—Jém icupicneyajwiip jém Dios inmati, jeam ánapa, jeam antiwítam.

Jesús icteeñajac jém sawa con jém nipoa

(Mt. 8:23-27; Mr. 4:35-41)

22 Tum jama tigiy Jesús barcojom con icuyujcwiñ. Iñimáy:

—Tanictámpa jém laguna anwiñtuc.

Jesic nicyajum barcojom. 23 Iganam jacyajpa jém laguna, monpa Jesús jém
 barcojom. Miñúcyaj cucmi jém laguna, mojum poyi jém sawa tsam pimi. Agui
 poobatim jém ni. Moj tigiyi ni jém barcojom hasta cumontoobam jém barco.

24 Jesic nic ichicyusyaj jém Jesús. Nímayta:

—¡Maestro! ¡Maestro! ¡Tatogoytámpa!

Jesic yus Jesús, tsucum. Iwogáy jém sawa con jém nipoa. Iñimáy iga teeññ.
 Jesic teeñajac jém sawa con jém nipoa. Dam ti tsigóypa. 25 Jesic iñimáy jém
 icuyujcwiñ:

—¿Tíiga da incupictámpa iga Dios wiap?

Pero agui anjécneyaj jém icuyujcwiñ. Ipoañajamyajpa. Nacwácyajtap
 entre jeeyaj:

—Que iapaap yip pxiñ iga iñimáy jém sawa iga teeññ y icupicpa.

Jém Gadarapic pxiñ jém iníitwip jém mal espíritu

(Mt. 8:28-34; Mr. 5:1-20)

26 Ocmi núcyaj jém naxyucmi de Gadara jém nianwiñtuc de jém Galilea.

27 Jesic miquet jém Jesús jém barcojom, miñ tum Gadarapic pxiñ, icunú
 Jesús. Jáyay tiempo iniit jém mal espíritu. Icusici siba. Da puctugy, da
 tigiy. Nicne iti jut cumtap tsúts. 28 Mu iix jém Jesús, jém pxiñ costeññeactiñ
 ipucim. Pimi anwejpa. Nimpa:

—¿T̄iiga mit̄iḡiȳc̄úmpa con aichtam? Mich miJesús jém Yucm̄ipic Dios miManic. Maṅcunucsáypa, odoy ayaachw̄ati.

²⁹ Iñímáy jempic porque Jesús iquebacputpa jém mal espíritu jém p̄ixiñ iṅnamanj̄om. W̄at̄ciy jém mal espíritu imats jém p̄ixiñ. Jém it̄yajw̄iip jém at̄bet̄ ichénayñeyaj idic ici y ipuy con cadena. Pero ijacpa jém cadena y jém t̄iṅcuy jém iñuusmatsayñew̄iip ipuy. Jém mal espíritu ich̄icpoypa jém p̄ixiñ hasta jém t̄itsinaxyucm̄i. ³⁰ Jesic Jesús icwác jém p̄ixiñ, iñímáy:

—¿Mich, i iññ̄iyi?

Icutson. Nimpa:

—Ich aLegión.

Taich t̄anan̄mat̄imi n̄imtooba jém jáyan̄pic. Icn̄iyya jempic porque ts̄am jáyan̄ iniit̄ jém mal espíritu. ³¹ Jém mal espíritu icunucsáy Jesús iga odoy icn̄iguiñ jém mījpic josj̄om jūt̄ paj̄tap̄ jém mal espíritu. ³² Jesic it̄ idic jem̄ ts̄am jáyan̄ yoya. W̄icyajpa jém lumuyucm̄i. Jém mal espíritu iñímáy Jesús:

—Aj̄igaytaami iga at̄iḡiȳt̄ampa jém yoya iṅnamanj̄om.

Jesic Jesús ij̄igáy. ³³ Jém mal espíritu ichacum jém p̄ixiñ. Putum iṅnamanj̄om. T̄iḡiȳ jém mal espíritu jém yoya iṅnamanj̄om. Jesic jém yoya póyan̄tsucumyaj, joobañnasyaj jém tejajyucm̄i. Act̄iṅyaj jém nīic̄im. Jic̄icccayaj jém yoya.

³⁴ Jesic jém iwatyajpaap cuenta jém yoya, iixyay ti iñasca jém yoya. Ts̄am c̄iṅneyaj jeeyaj. Póyan̄tsucumyaj. Nicpa iṅmatyay jém at̄bet̄ Gadara y jém it̄yajw̄iip nocoj̄om ti iñasca jém yoya. ³⁵ Jesic miñ íamyaj it̄ump̄iȳ jém p̄ixiñtam̄ ti iñasca jém yoya. Miñúcyaj jūt̄ it̄ jém Jesús, jūt̄ jic̄icca jém yoya, ip̄átyaj jém p̄ixiñ jém iniitw̄iip idic jém mal espíritu. Jemum̄ coñ̄ jém Jesús ipuyc̄im, puctuḡiyum, j̄ix̄iyum. Jesic ts̄am c̄iṅneyaj jém p̄ixiñtam̄. ³⁶ Jém iixyajw̄iip ti iwat̄ Jesús, iṅmadayyajpa jém p̄ixiñtam̄ jém miññ̄eyajw̄iip juts̄a mic̄p̄ist̄a jém iniitw̄iip idic jém mal espíritu. ³⁷ Jesic it̄ump̄iȳ jém Gadarpic p̄ixiñtam̄ ts̄am ic̄iṅyajpa jém Jesús. N̄imayt̄a jém Jesús iga cáyiñ de jem̄. Jeeyucm̄i t̄iḡiȳ Jesús jém barcoj̄om, eybic̄ set̄ jūt̄ tsucum. ³⁸ Pero jém p̄ixiñ jém iniitw̄iip idic jém mal espíritu icunucsáy Jesús iga nicpa it̄uñ̄iȳ.

Pero Jesús da ij̄igáy. Ip̄im̄iȳ iga ts̄iyiñ. Iñímáy:

³⁹ —N̄ic̄im̄ iñ̄ic̄ic̄im̄. An̄madaayi jém iñ̄t̄iw̄itam̄ ti miwadáy Dios.

Jesic nic̄ jém p̄ixiñ. Nic̄ iṅmat̄ icuw̄itī jém at̄bet̄ ti iwadáy jém Jesús.

Ac̄p̄isyajta jém yomo jém ichigayw̄iip jém Jesús iyooti
(Mt. 9:18-26; Mr. 5:21-43)

⁴⁰ Jesic set̄gacum̄ Jesús jém laguna an̄wiñ̄tuc. Jém p̄ixiñtam̄, jém it̄yajw̄iip jem̄, iw̄ip̄ict̄sonyay. Agui maymayyay porque it̄ump̄iȳ in̄jóc̄neyaj idic. ⁴¹ Jesic n̄uc̄ tum̄ p̄ixiñ iñ̄iyī Jairo. Sinagoga an̄jagooyi jém p̄ixiñ. Costeñ̄neact̄iṅ jém Jesús ipuyc̄im̄. Icnunucsáy iga nīḡuiñ̄ it̄ic̄ic̄im̄. ⁴² Jém Jairo iniit̄ tum̄ iyom̄manic, doce iam̄tiȳ. Ts̄am̄ p̄imī mim̄ne jém woñī hasta caatoobam̄.

Iṅanam̄ nicpa Jesús, ts̄am̄ jáyan̄ jém p̄ixiñtam̄ ic̄p̄its̄iyyajpa. ⁴³ It̄ con jeeyaj tum̄ yomo mim̄ne doce am̄tiȳ con jém cacuy iga quetpa iñ̄ipiñ. Jém yomo yaj miwadáy gasto it̄ump̄iȳ itumiñ̄ iga iyoy jém tsóyioyopaap. Pero da ī wia mic̄pis. ⁴⁴ Jesic jém yomo icunúć Jesús it̄uñ̄ian̄c̄im̄. Ichigáy jém Jesús iyooti iṅna. Jeeti rato teñ̄ jém iñ̄ipiñ.

⁴⁵ Jesic acwágoypa Jesús. Nimpa:

—¿I atsic?

Nimyajpa itumpiy iga da i michic.

Jesic jém Peto con jém tungac icuyujc#wiñ inímayyaj Jesús:

—MamMaestro, tsam jáyan pxiñtam micpitsiyajpa, micyágyapa. ¿Tiiga micwágyapa iga i michic?

⁴⁶ Pero Jesús nimpa:

—Atsicta. Ancuti#yiy iga anacpis tum mimnewiip con ampimi.

⁴⁷ Jém yomo iix iga cuti#yiyta. Agui c#jne, agui cuetsáypa imiñ. Costeñneactiñ jém Jesús ipuycim. Nimpa jém yomo jém pxiñtam iwiñjom:

—Ich mantsigáy inyoofi iga apixiñ. Jeeti rato apis.

⁴⁸ Jesic Jesús inímay:

—Miyomo, mipisneum porque in#cupicne Dios. Siip chogoyñicsim.

⁴⁹ Iganam in#químpa Jesús jém yomo, jesigam núc tum de jém Jairo iticcim. Miñ in#madáy jém Jairo. Nimaytap:

—Caaneum jém in#yommanic. Odom más cobacpiji yip tamMaestro.

⁵⁰ Pero cuando Jesús imaton, inímay jém Jairo:

—Odoy c#ji. Cupici Dios. Pispá in#yommanic.

⁵¹ Jesic núc Jesús jém Jairo iticcim, da ijic iga i tigiypa. Icutum tigiyp Jesús con jém Peto, Jacobo, Xiwan y jém woñi ijatun con iapa. ⁵² Agui wejaypa jém ityajwiip jem. Pimi anyácneyaj iga caaneum jém woñi. Pero Jesús inímay:

—Odoy wejtaami. Da caane yip woñi, moñpa.

⁵³ Pero jém pxiñtam ixiccayajpa jém Jesús porque in#untawijodon iga caaneum jém woñi. ⁵⁴ Pero jesic Jesús imatsáy jém woñi ici. Pimi ijíyáy. Inímay jém woñi:

—Míwoñi, tsucumi.

⁵⁵ Jesic eybictim miñ ianama, jeeti rato tsucum jém woñi. Jesic jém Jesús inímay iapa iga icwíguiñ. ⁵⁶ Ipoñan#jamyajpa ijatun con iapa. Jesús inímay iga odoy i in#madáyñ ti in#asca jém woñi.

9

Jesús icutsatpa jém doce icuyujc#wiñ

(Mt. 10:5-15; Mr. 6:7-13)

¹ Jesic tum jama jém Jesús in#tuumawat jém doce icuyujc#wiñ. Ichi ipimi iga wiañ itop jém mal espíritu y iga wiañ icpisyaj jém mimneyajwiip. ² Icutsat iga niguiñ in#matyaj jém an#mati jutpic in#jacpa Dios yip naxyucmi. Icutsat iga icpisyajiñ jém mimneyajwiip. ³ Jesic Jesús inímay jém icuyujc#wiñ:

—Odoy nanictaami ni ti tunjom, ni imbastun, ni imbolsa, ni añi, ni tumiñ. Nanictaami no más tum in#yoofi. ⁴ Cuando miñúctámpa tum ticcim, jemum michíypa hasta miñicpa tungac tiganjoj. ⁵ Siiga da i miwipictson#támpa, puttaami jém attebet. Cunebaytaami impuy iga cáyiñ jém pótpót. Wattaami jempic iga in#nquejáypa iga tsam maloyaj jém ityajwiip jem.

⁶ Jesic moj ni#quiyaj jém icuyujc#wiñ, nasyajpa itumpiy jém tiganjoj. In#matyajpa jém wibic an#mati iga taciaputtámpa Dios. Jutquej icpisyajpatim jém mimneyajwiip.

Jém Herodes da icuti#yíypa iapaap jém Jesús

(Mt. 14:1-12; Mr. 6:14-29)

⁷ Jém gobernador Herodes ijodónja ti iwatpa Jesús. Pero da icutiíyípa japaap jém Jesús porque nımyajpa algunos iga pisneum jém Xiwan jém itıncujagayñewııp iisci. ⁸ Pero tunğac nımyajpa iga wiñquejne jém Elías, tunğac nımyajpa iga pisnegacum tum jém wiñıpcıc profeta. ⁹ Pero jém Herodes nımpa:

—Aich anyaac ampıımıy iga tıncujagaytıñ iisci jém Xiwan. ¿Jesic japaap yıp pıxiñ jém ammatonnewııp iga wiap iwat jáyan jém wıtampic cosa?

Jesic jém Herodes aguı iixtooba jém Jesús.

Jesús icwıcpa jém cinco mil pıxiñtam
(Mt. 14:13-21; Mr. 6:30-44; Jn. 6:1-14)

¹⁰ Jesic mixetyaj jém apóstolyaj, inmadayyaj jém Jesús ti inñascayaj. Jesic iwagananicyaj jém doce icuyujcıwiñ tunğac lugar juť da ti idıyıy, nocojom jém attebet Betsaida. ¹¹ Pero ijodónjayaj jém pıxiñtam juť nic Jesús, jesic nic icpoyyaj. Jesic Jesús ipictson jém pıxiñtam. Moj inquejáy juťpic injacpa Dios jém ityajwııp yıp naxyucmi. Icpıspatim jém mimneyajwııp.

¹² Jesic tsuuyım. Tigıytoobam jama. Jém doce icuyujcıwiñ icunúcyaj jém Jesús. Inımayyaj:

—Anquımyaji jém pıxiñtam iga nıguıñam moñiyaj iga nıguıñ imétsyaj jém wıccuy jém tıganjoj y jém ranchoyaj jém ityajwııp nocojom. Porque yım da ti idıyıy.

¹³ Pero Jesús inımáy icuyujcıwiñ:

—Acwıctaami mimichtam.

Nımyajpa jeeyaj:

—Da ti anaıtta más que cinco caxtánañi y wısten tııpi. ¿Ti inñunpa, iga nicpa tanjuı wıccuy iga tanacwıcpa itumpıy jém ityajwııp yım?

¹⁴ Porque ityaj como cinco mil jém pıxiñtam. Pero Jesús inımáy jém icuyujcıwiñ:

—Sııp accoñyajı como cincuenta cada grupo.

¹⁵ Jesic jempam iwatyaj jém icuyujcıwiñ. Accoñyajta naxyucmi itumpıy jém pıxiñtam. ¹⁶ Jesic Jesús ipic jém cinco caxtánañi y jém wısten tııpi. Ámquım sınyucmi, inwejpát Dios. Jesic mojum iwenwenjac jém caxtánañi y jém tııpi. Ichi icuyujcıwiñ, ipıımıy iga ichııyajiñ jém pıxiñtam. ¹⁷ Jesic itumpıy wıcyaj, cusyajum. Ocmı ipınyaj doce nacoon jém caxtánañi y jém tııpi jém cutsıywııp.

Jém Peto inmatpa iga Jesús je jém Cristo
(Mt. 16:13-19; Mr. 8:27-29)

¹⁸ Jesic tum jama icutum tsıy Jesús con icuyujcıwiñ iga inwejpátpa Dios. Jesic acwágóypa Jesús, inımáy jeeyaj:

—¿Junımyajpa iga ajapaap aich?

¹⁹ Jesic icutsonyaj jém icuyujcıwiñ:

—Nımyajpa iga mich miXiwan jém acchınoypaap. Tunğac nımyajpa iga mich miElías. Tunğac nımyajpa iga mich jém wiñıpcıc profeta jém pisnewııp.

²⁰ Jesic Jesús eybıctım icwác jém icuyujcıwiñ. Nımpa:

—¿Mimichtam, mijunımtámpa iga ajapaap aich?

Jém Peto inımáy jém Jesús:

—Mich miCristo jém micutsatnewııp Dios.

²¹ Pero Jesús inquım icuyujcıwiñ:

—Odoy ì anmadaayi iga icham aCristo.

Nimpa Jesús iga accaatap
(Mt. 16:20-28; Mr. 8:30-9:1)

²² Jesic nìmtim Jesús:

—Ich, jém aMiññewiip Sinyucmi, tsam pìmi ayaachwattap. Tsam pìmi ajóyiyajpa jém wídaytam, jém panij anjagooyiyaj y jém escribaspic maestroyaj. Da awìpictsonyajpa. Ocmi accaatap, pero jém tucunajama acpìstap.

²³ Jesic Jesús inímáy itumpiy de jeeyaj:

—Siiga michtam antúñiytamtooba, jesic odoy natoytaji iñyaac. Yaachiyyi cuando miyaachwattap, atúñiyi. ²⁴ Pero siiga tum pìxiñ tsam itoypa ivida iga itpa yíp naxyucmi, jesic togoypa ivida. Siiga miccaatap ich ançuyucmi, jesic da togoypa invida, miciaçputtap. ²⁵ Da ti cuwatcuy siiga tum pìxiñ inii itumpiy cosa jém itwiip yíp naxyucmi, pero ocmi caaba y togoypa ianama. ²⁶ Siiga michaap iga ininmatpa ich ananmati o siiga mich antsaaxpa, jesic ichgacti jém aMiññewiip Sinyucmi mantsaaxpatim cuando amiñgacpa yíp naxyucmi con jém sinyucmipic pìxiñtam y con jém tanjatun Dios ipìmi. ²⁷ Numa mannímáypa iga algunos de mimichtam da micaaba hasta que inixpa jutpic injacpa Dios yíp naxyucmi.

Ançacpa Jesús iámooyi
(Mt. 17:1-8; Mr. 9:2-8)

²⁸ Ocmi cuando yaj inmat Jesús, tunçac ocho día, quim tum çotsicyucmi. Iwaganasiiba jém Peto, Jacobo y Xiwan. Nic inwejpát Dios. ²⁹ Jesic iganam inwejpátpa Dios, ançac jém Jesús iámooyi. Pìmi popo ipuctucu, tsam pìmi tsoçpa. ³⁰ Jeeti rato núc wisten jém wiñicpic pìxiñ, jém Moisés y jém Elías, miñ inmatmatneyaj con jém Jesús. ³¹ Agui tsoçpatim mex jeeyaj. Anmatyajpa con Jesús jutsap iccupac jém Dios iyoxacuy cuando accaatap Jerusalén. ³² Tsam moñtooba idic jém Peto con jém icompañeroyaj. Ocmi cáy jém imoñi, mu iixyay iga agui tsoçpa jém Jesús iámooyi con ipuctucu y tsoçyajpatim jém wisten pìxiñ jém miññewiip. ³³ Jesic iganam nictooba jém Moisés y Elías, jém Peto inímáy jém Jesús:

—MamMaestro, agui wì iga taitpa yim. Siip mañwadaytampa tucuten nacxtic. Tum para mimich, tum para Moisés y tum para Elías.

Jém Peto cumoñ ijixi. Da icutiyyiypa ti nimpa. ³⁴ Iganam jiyja jém Peto, actiñ tum ucsi. Inmonyaj. Jesic tsam pìmi çinyaj jém Peto con jém icompañeroyaj iga tsíy jém ucsucim. ³⁵ Jesigam imatonyajpa tum jiyi jém ucsañjom. Nimpa:

—Yíbam ich amManic, jém tsampic antoypa. Matonjaami ti miñímáypa.

³⁶ Cuando cuyajum jém jiyi, jesic jém icuyujçwiñ iixyay iga icutumtim tsíy jém Jesús. Jesic jém icuyujçwiñ da ti ijyyaj. Jém tiempo da ì inmadayyajpa ti iixñeyaj.

Jesús icpis tum jaychixi imatsne idic jém coñxus caacuy
(Mt. 17:14-21; Mr. 9:14-29)

³⁷ Jesic tunçagam jama quetyaj jém çotsicyucmi jém Jesús con icuyujçwiñ. Tsam jáyan pìxiñtam miñ imétsyaj Jesús. ³⁸ Jesic tum pìxiñ pìmi ijíyáy jém Jesús jém pìxiñtam ançucmi. Nimpa:

—Maestro, awadaayi tum favor. Aámaayi yíp ammanic porque nada más tum anait. ³⁹ Imatsne tum mal espíritu. Agui imalwadáypa. Tsam pími anwejpa. Imatspa jém coñxus caacuy. Anmoypacpa ijip. Da ichacpa, pími iyaachwatpa. ⁴⁰ Ançunucusaytip jém inçuyujc#wiñ iga itobáyifñ jém mal espíritu, pero jeeyaj da wiá mitobáy.

⁴¹ Jesic Jesús inñimáy jém pixiñtam:

—A que mimichtam, ¿tiiga da inçupictámpa iga Dios wiap? ¿tiiga da inçutiyyitámpa? Jáyum tawagajti con mimichtam, tsam manyaachíyum, pero hasta sip datim ançupictámpa.

Jesic Jesús inñimáy jém tsixi ijatun:

—Namifñi yim jém immanic.

⁴² Iganam núcpa jém jaychixi, imats jém mal espíritu. Icutitñ naxyucmi. Eybictim imats jém coñxus caacuy. Jesic Jesús iwogáy jém mal espíritu, itobáy. Icpis jém jaychixi. Iciijunçodáy ijatun. ⁴³ Agui ipooñanjamyajpa itumpiy jém ityajw#ip jem, cuando iixyaj iga tsam pími wiap jém tanjatun Dios.

Jesús inmatpa eybic iga accaatap

(Mt. 17:22-23; Mr. 9:30-32)

Jesigam agui ámanjacyaj jém iixñeyajw#ip ti iwat jém Jesús. Nimyajpa jeeyaj iga da queman tánix yicxpíc cosa. Pero Jesús inñimáy icuyujc#wiñ:

⁴⁴ —Wimatontaami iga odoy inñjaamanodiñ. Ich, jém aMiññew#ip Sinjucmi, aciijunçottap jém malopic pixiñtam ichijom.

⁴⁵ Pero jém icuyujc#wiñ da icutiyyiyajpa ti nimpa Jesús. Dios da ijícpa iga icutiyyiyajifñ. Cñyajpa iga icwácyajpa ti nimtooba.

I tsíypa jém más mijpic anjagooyi

(Mt. 18:1-5; Mr. 9:33-37)

⁴⁶ Jesic Jesús icuyujc#wiñ moj nacwácyajtaji entre jeeyaj iga i tsíypa jém más mijpic anjagooyi. ⁴⁷ Pero Jesús icutiyyiy ti sip ijisyaj jém icuyujc#wiñ, jesic inwejáy tum xutu tsixi. Inimiñ jut coñ Jesús. ⁴⁸ Inñimáy jém icuyujc#wiñ:

—Siiga tum pixiñ iwipictsonpa tum xutu tsixi juuts yíp tsixi iga inquejáypa ananmatí, jesic jém pixiñ awipictsonpatim mex aich. Siiga awipictsonpa aich, jesic iwipictsonpatim jém anjatun Dios jém acutsatnew#ip yíp naxyucmi. Jém pixiñ, jém dapic nacujíptap, tsíypa juuts jém mijpic anjagooyi.

Jém dapic nicpa acontra con taich, tayoxpátpa

(Mr. 9:38-40)

⁴⁹ Jesic jém Xiwan inñimáy Jesús:

—MamMaestro, ánixñeta tum pixiñ itoppa jém mal espíritu mich inñiyimi. Jesic ananjyacta porque jém pixiñ da süba con taichtam.

⁵⁰ Pero Jesús inñimáy:

—Odoy ananjyactaami porque jém dapic nicpa en contra de taichtam, tayoxpátpa.

Jesús iwogáy jém Jacobo y jém Xiwan

⁵¹ Jesic núcpa jém tiempo iga químgacpa sinjucmi jém Jesús. Duro ijispa iga nicpa iccupac jém Dios iyoxacuy jemigam Jerusalén. ⁵² Jesic Jesús icutsat wisten icuyujc#wiñ iga niguiñ tum Samariapic atebet iga iwítsacpa tum tic jut núcpa.

⁵³ Pero jém Samariapic pìxiñtam da ipictson, da ichiiba lugar porque iixyay iga nicpa Jesús Jerusalén. ⁵⁴ Jesic cuando jém icuyujc#wiñ jém Xiwan y jém Jacobo iix iga jém Samariapic pìxiñtam da ipictsonpa Jesús, nìmpa jém icuyujc#wiñ:

—Mánomì, siiga iñxunpa, anacquettámpa jém sìnycmipic jucti iga anactogoypa yíp attebet. Wiaptim anwatta juuts iwat jém wiñicpic anmátc#wiñ jém Elías.

⁵⁵ Jesic Jesús iámmats jém Xiwan y Jacobo. Iwogáy. Nímayyajtap:

—Mimichtam, da inçuti#iyitámpa juppìc jìxi tanait. ⁵⁶ Ich jém aMiññew#ip Sìnycmi da amiñ iga anactogoypa jém ityajw#ip yíp naxyucmi, miñ ançiacput.

Ocmì nicyaj tunçac tiganjoj.

Tucuten pìxiñ itúñytooba idic jém Jesús

(Mt. 8:19-22)

⁵⁷ Iganam niquiyaj tunjom, tum pìxiñ iñímáy jém Jesús:

—Mánomì, ich nicpa mantúñy. Siempre jut miñnicpa ich anicpatim.

⁵⁸ Jesic Jesús iñímáy jém pìxiñ:

—Jém zorra iniit ijos jut monpa. Jém jon iniit ipeeñi. Pero ich, jém aMiññew#ip Sìnycmi, da anaj jut wiap anacnej ançobac.

⁵⁹ Jesic Jesús iñímáy tunçagam pìxiñ:

—Atúñ#yi.

Pero jém pìxiñ nìmpa:

—Mánomì, achìi lado iga nicpa ançum jém anjatun, jesic nicpa mantúñy.

⁶⁰ Jesús iñímáy jém pìxiñ:

—Tsaci jém caaneyajw#ip iga nacumyajtap jeeyaj. Pero mich niçi anmadaayi jém pìxiñtam jutsap injac Dios.

⁶¹ Jesic tunçagam pìxiñ iñímáy:

—Mánomì, ich nictooba mantúñy, pero wiñti ajígaayi iga nicpa ananquím jém ityajw#ip anticçim. Jesic nicpa mantúñy.

⁶² Pero Jesús iñímáy:

—Siiga tum pìxiñ imatscunúcpa jém arado y ámsètpa ituuñiançim, da wiap icuyoxa Dios.

10

Icutsatpa Jesús jém setenta icuyujc#wiñ

¹ Ocmì tánomì icupin setenta más icuyujc#wiñ. Icutsat wiswis cada attebet jut jém Jesús nictooba inmat jém Dios inmatì. Wiñti nicyajpa jém icuyujc#wiñ, ocmì nicpa Jesús. ² Jesic Jesús iñímáy jém icuyujc#wiñ:

—Como tum mijpìc cosecha tsam jáyan pìxiñtam icupicyajtooba jém Dios inmatì. Pero da ì wati jém yoxac#wiñ jém inmatyajpáppic jém Dios inmatì. Siip cunucsaaayi Dios iga icutsadiñ jém yoxac#wiñ iga ipinpa jém cosecha. ³ Siip nicsim. Mimichtam mijextam juuts tum mimañborrego. Siip mançutsattámpa jut it jém loboyaj. ⁴ Odoy nanictaami immorral, ni iñtumiñ accáycuy, ni tunçac inçiac. Odoy teeñanjaci tunjom iga algun ì iñdioschiiba.

⁵ Jesic mitigiytámpa tum ticjom, wiñti dioschiioytaami. Nìmtaami iga: “Dios miw#wadáyiñ, miitw#ip yíp ticçim.” ⁶ Siiga jemum it jém itoypáppic Dios,

jesic miwian̄tson̄pa. Pero siiga it jém ijóyixpáppic Dios, jesic da miwian̄tson̄pa. ⁷Jesic tsíytaāmi jeetim ticcim̄ jut miwipictson̄tam̄ta. Siiga micwíctam̄ta, jesic wíctaami, níctaami. Wī iga yojtāp jém yoxac̄iwiñ, wiap̄ ipictson̄ icoñwiyooyi. Pero odoy wíctaami ȳim̄ jeexic tic por tic. ⁸Jesic miñúctampā tum̄ atebet jut miwipictson̄tāp, cúttaamī tifam̄ michiifam̄tāp. ⁹Acpistaamī jém mimneyajw̄ip̄ jém ityajw̄ip̄ jem̄. Nímaytaamī iga núctoobā jém tiempō iga Dios in̄jacpā jém ityajw̄ip̄ ȳip̄ naxyucmi. ¹⁰Pero cuando miñúcpā tum̄ atebet jut dā ī miwipictson̄pa, jesic níctaamī calle, an̄madaayī jém ityajw̄ip̄. Nímaayi: ¹¹“Sīip̄ an̄cunebáypā ampuȳ iga antsacpā ȳim̄ jém pótpót̄ jém anaitw̄ip̄ ampuyucmi. An̄watpā jem̄pic̄ iga manan̄quejáypā iga dā ī awipictson̄ta. Pero jodó̄ngataamī iga manan̄quejayfoobā idic̄ jutsap̄ in̄jac̄ Dios̄ jém ityajw̄ip̄ ȳip̄ naxyucmi.” ¹²Pero mann̄imaytampā, man̄cuyujc̄iwiñ, iga cuando núcpā jém jamā iga Dios̄ ic̄īpīn̄pā jém ityajw̄ip̄ ȳip̄ naxyucmi, jesic más̄ p̄imī chiitap̄ castigō jém atebet, jém dapic̄ miwipictson̄ta, quē jém malopic̄ atebet̄ jém Sodoma.

Jém atebet̄yaj̄ jém dapic̄ icuyuc̄iyajpā jém Dios̄ in̄mat̄i
(Mt. 11:20-24)

¹³¡Aguī miuuguytim̄ mimichtam̄, miitw̄ip̄ jém atebet̄ Corazín! ¡Aguī miuuguytim̄ mimichtam̄ miitw̄ip̄ jém atebet̄ Betsaida! Jém ityajw̄ip̄ jém atebet̄ Tiro y jém Sidón̄ dā iixñeyaj̄ jém milagrō juuts̄ sīip̄ in̄ixpa. Pero meegā iixñeyaj̄, pecam̄ ichacneyaj̄ jém imalaj̄ixi, aguī anyácneyaj̄ iga tan̄caíy. ¹⁴Pero núcpā jém jamā iga Dios̄ ic̄īpīn̄pā jém ityajw̄ip̄ ȳip̄ naxyucmi. Cuando mic̄īpīn̄tampā, jesic michiitam̄tāp̄ más̄ p̄imī castigō quē jém wisten̄ malopic̄ atebet̄ jém Tiro y jém Sidón̄. ¹⁵Mimichtam̄, Capernaumpic̄ mipixiñ̄tam̄, tsam̄ minicuj̄iptam̄tāp̄, in̄j̄ispā iga minin̄ictam̄tāp̄ sīnyucmi, pero micquettam̄tāp̄ hastā jém infierno.

¹⁶Jesic̄ Jesús̄ in̄imáȳ icuyujc̄iwiñ:

—Sīigā tum̄ p̄ixiñ̄ mimaton̄pā mimichtam̄, jex̄ juuts̄ ich̄ amaton̄pa. Pero sīigā tum̄ p̄ixiñ̄ mijóyixpā mimichtam̄, ajóyixpat̄im̄ aich. Sīigā tum̄ p̄ixiñ̄ ajóyixpā aich, ijóyixpat̄im̄ jém an̄jat̄uñ̄ Dios̄ jém acutsatnew̄ip̄.

Set̄yaj̄ jém setenta

¹⁷Jesic̄ oc̄mī set̄yaj̄ jém setentā jém icuyujc̄iwiñ. Aguī maymayyaj̄. Nimyajpa:

—Mán̄Q̄mi, wiaptim̄ antop̄ jém mal̄ esp̄iritū mich̄ in̄ñiȳimi.

¹⁸Jesic̄ Jesús̄ in̄imáȳ:

—Ich̄ ánix̄ igā coñwiytā jém Woc̄c̄iwiñ. Actiñ̄ dendē sīnyucmī juuts̄ tum̄ majiywiñ. ¹⁹Sīip̄ maton̄taamī. Manchiilbā jém p̄imī iga wiap̄ in̄cunepquet̄ jém tsañ̄ y jém cacwi. Manchiibatim̄ jém p̄imī iga in̄coñwiyiñ̄ itump̄iȳ jém Woc̄c̄iwiñ̄ ip̄imī iga odoȳ wiñ̄ mimalwadáy. ²⁰Pero odoȳ maymáyātaamī iga wiap̄ in̄top̄ jém mal̄ esp̄iritu. Maymáyātaamī iga mijayc̄amayñetā in̄ñiyī sīnyucmi.

Maymaȳ jém Jesús̄
(Mt. 11:25-27; 13:16-17)

²¹Jesic̄ jeetī ratō aguī maymaȳ Jesús̄ porquē jém Dios̄ iAnamā icmaymáyāp. Moj̄ in̄wejpát̄ Dios. Nímpa:

—ManJatun, itumpiy jém ityajwip sinyucmi y naxyucmi mich immichi. Mançujippa iga da inñigáypa jém sabioyay iga icutiíyíypa jém wibic jixi. Pero agui miwí iga inchiiba jixi jém pixiñtam jém dapic nacujiptap iyaac iga wiañ icutiíyíy jém wibic jixi. Numa quejpa sip iga jempigam inwianjam.

²² Jesic Jesús inñimáy jém icuyujcwiñ:

—AnJatun Dios acijunçodáy itumpiy cosa. Da i ijodon japaap jém Dios iManic, jém anJatun icutum ijodon. Da i ijodon japaap jém anJatun Dios, ich, Dios aManic, anjodon. Ijodonjim jém pixiñtam, jém anquejayñewip japaap Dios.

²³ Jesic Jesús icuámset jém icuyujcwiñ. Inñimáy naps jeeyaj:

—Agui miwíjtampa porque sip inñixta titam iwatpa Dios.

²⁴ Mannímaytampa iga jáyan jém wiñicpic profeta y jém reyyaj iixyajtooba idic titam sip inñixta. Pero da wia miixyaj. Imatonyajtooba idic titam sip immatonja, pero da wia mimatonyaj.

Jém cuento de jém wibic Samariapic pixiñ

²⁵ Jesic teñchucum tum maestro de jém Israelpic anquímayooyi iga icutitspa Jesús. Inñimáy:

—Maestro, ¿ti wiaq anwat iga ampictsonja jém vida jém dapic cuyajpa?

²⁶ Jesic Jesús inñimáy jém pixiñ:

—¿Junimpa jém Dios inmati jém jayñewip? ¿Ti immay jem?

²⁷ Jesic jém maestro de jém anquímayooyi icutson jém Jesús. Nimpa:

—Tantóyiñ jém tanJatun Dios con itumpiy tánanama, con itumpiy tampimi y con itumpiy tanjixi. Tantóyiñ tantíwi como taich mismo.

²⁸ Jesic Jesús inñimáy jém pixiñ:

—Numa, mich anwicutson. Siiga inwatpa jempic, jesic impátpa jém vida jém dapic cuyajpa.

²⁹ Pero jém pixiñ nanquejtatooba iyaac iga da malo. Jesic eybictim icwác Jesús. Nimpa:

—¿Japaap jém antíwi?

³⁰ Jesic Jesús inmadáy yíp xutu cuento iga inquejáypa japaap jém itíwi. Inñimáy:

—Tum Jerusalénpic pixiñ nicpa idic naxwiñ jém atebet Jericó. Pero jém númyajpaap iteeñanjacyaj tunjom. Cunúmayayta itumpiy jém iníitwip, pimi cótsta, tsacta tunjom. Por uxaj caaba. Jesic nic jém númyajpáppic. ³¹ Ocmi miñpa jeetim tunjom tum Israelpic panij. Cuando iix jém coowanewip, icuwidáy, da icunúc, nic jém panij. ³² Jesic naspatim tum Levitapic pixiñ. Iacunúc, íám jém coowanewip, icuwidáytim. ³³ Ocmi miñpa jeetim tunjom tum Samariapic pixiñ, tunjac pixiñ. Mu iix jém coowanewip, iyaachanjam. ³⁴ Iacunúc jém pixiñ. Ichóyíyáy icoowaji con aceite y vino. Inmónáy puctucmi. Icuqum icawajyucmi. Ininic tum ticcim jut wattap cuenta. ³⁵ Jesic tunçagam jama moj niqui jém Samariapic pixiñ. Itop wisten tumiñ de plata, ichi jém tic iomi. Inñimáy: “Wati cuenta yíp pixiñ. Siiga más jáyan gasto inwatpa, miñpa manyojáy cuando anaspa eybic.”

³⁶ Jesic yaj inmat jém cuento. Jesús icwác jém maestro de jém anquímayooyi, inñimáy:

—¿I it̄iw̄i jém coow̄anew̄iip? ¿Jupp̄ic de jém tucuten, jém nasnew̄iip jém tun̄jom?

³⁷ Jém maestro in̄imáy Jesús:

—Jém iyaachanj̄amnew̄iip, jeam it̄iw̄i.

Jesic Jesús in̄imáy jém p̄ix̄iñ:

—Siip nicsim. W̄ati jem̄pic mex mich.

Oy joyi Jesús jém Malía y Marta it̄icc̄im

³⁸ Jesic mojpgacum niq̄ui Jesús. Núc tunḡac at̄tebet. Jemum ipát tum̄ yomo in̄iyi Marta. Jém yomo in̄imáy Jesús:

—M̄iñi miw̄iiqui antic̄cim.

³⁹ Jém Marta ijáyuc in̄iyi Malía. Jém jáyucpic coñ jém tán̄omi ipuȳcim iga imaton̄pa jém in̄māti. ⁴⁰ Pero jém Marta ts̄am jáyan̄ mandajo iniit. Iacunúc Jesús, in̄imáy:

—¿Mán̄omi, que da in̄wadáypa caso iga da ayox̄pátpa jém an̄jáyuc? Atsacne an̄cūtum con jáyan̄ mandajo. Cuts̄ati jém an̄jáyuc iga ayox̄pádiñ.

⁴¹ Jesic Jesús in̄imáy jém yomo:

—Marta, Marta, mich ts̄am in̄wadáypa caso. Agui iniit siip jém cobac̄p̄iji.

⁴² W̄i iga tan̄wadáypa caso de tum̄ cosa no más. Jém Malía ipátne jém w̄ibic cosa iga imaton̄pa ich anan̄māti. Da i w̄iap iccáyáy.

11

Jesús in̄quej jut̄pic tan̄an̄wejpáttámpa Dios

(Mt. 6:9-15; 7:7-11)

¹ Jesic tum̄ jama it̄ idic Jesús con icuyuj̄c̄iw̄iñ, in̄wejpátpa Dios. Cuando yaj iwat oración jém Jesús, tum̄ jém icuyuj̄c̄iw̄iñ in̄imáy:

—Mán̄omi, an̄quejaȳtaami iga w̄iañ̄i anan̄wejpátpa Dios juuts jém Xiwan, jém acch̄in̄oyapaap, in̄quejáy jém icuyuj̄c̄iw̄iñ.

² Jesic Jesús in̄imáy jém icuyuj̄c̄iw̄iñ:

—Cuando in̄in̄wejpáttámpa Dios, n̄im̄taami ȳim̄pic:

Man̄jat̄uñ Dios, miit̄w̄iip siñyucmi.

Agui cuáyñe mich in̄iyi.

W̄i iga m̄iñiñ jém jama iga in̄inj̄acpa ȳip naxyucmi.

W̄ati ȳip naxyucmi juuts mich in̄w̄ian̄jam, juutstim in̄watpa siñyucmi.

³ Ach̄iitaami cada jama titam an̄cúttámpa.

⁴ Awadaȳtaami perdón jém ant̄an̄ca juutstim aichtam an̄wadaȳñeta perdón jém amalwadaȳñew̄iip.

Awattaami cuenta iga odoy i w̄iañ̄i acut̄it̄sta iga acmalwattámpa.

⁵ Jesic Jesús in̄imáȳtim icuyuj̄c̄iw̄iñ:

—Siiga tum̄ de mimichtamp̄ic iniit tum̄ amigo, n̄icpa in̄am̄ tsuuc̄im, in̄in̄imáȳpa: ⁶ “Amigo, acc̄aci tucuten cax̄tánañi. Yaguiñ núc antic̄cim tum̄ ánamigo. Da ti anait iga anacw̄icpa.” ⁷ Pero jém it̄w̄iip tic̄jom micut̄son̄pa, n̄im̄pa: “Odoy awadaaȳi molestia. Siip an̄paj̄neum antic. Awaḡamon̄támpa con am̄man̄ictam. Da w̄iap ant̄sucum iga man̄chiiba algun ti.” ⁸ Mannimáȳpa, jesic teguet tsucumpa jém in̄namigo iga michiiba jém cax̄tánañi. Pero da porque ts̄am mitoȳpa. Michiiba porque da in̄chacpa iga in̄wadáypa molestia. Duro in̄wágáȳpa hasta que michiiba it̄ump̄iy juuts

iñxunpa. ⁹ Jeeyucmim annímaytámpa iga wágaytaami Dios, jesic michiiba titam mitogóyáy. Métstaami jém wítampic cosa, impáttámpa. Ticstaami jém puerta, mínáyaytáp. ¹⁰ Porque jém iwágaypáppic, chiitáp. Jém imétspáppic, ipátpa. Jém iticspaap jém puerta, áñáyaytáp.

¹¹ Mimichtam, siiga immanic miwágáypa tum caxtánañi, ¿que iñchiiba tum tsa? Siiga miwágáypa tum tñpi, ¿que iñchiiba tum tsañ? ¹² Siiga miwágáypa tum cánpu, ¿que iñchiiba tum cacwi? ¹³ Michtam, tsam mimalo, pero iñjodon jutsap iñchi immanictam tum wibic xaja. Pero tanjatun Dios, jém itwñp sinyucmi, da malo; ichiiba jém Dios iAnama jém iwágaypáppic.

Nimyajpa iga Jesús iniit acuerdo con jém malopic espíritu injagooyi
(Mt. 12:22-30; Mr. 3:20-27)

¹⁴ Tum jama Jesús itop tum mal espíritu. Jém mal espíritu iumawatne idic tum pixiñ. Da wiap ijy. Pero cuando topta, mojum jyi jém uma. Itumpiy jém pixiñtam, jém ityajwñp jem, agui ipooñanjamyaj. ¹⁵ Pero algunos jém ityajwñp nimyaj:

—Yip pixiñ wiap itop jém mal espíritu porque iniidáy jém Beelzebú ipimi, jém malopic espíritu injagooyi.

¹⁶ Tungac jém ityajwñp icutitsyajpa jém Jesús. Nimaytáp:

—Anquejaayi tum milagro. Anquejaayi tum seña iga quejiñ iga Dios micut-satne.

¹⁷ Pero Jesús ijodon ti sip ijisyaj. Inímáy:

—Siiga tum gobierno nawécyajtáp, áñayajpa entre jeeyaj, jesic nayajyajtáp. Siiga nawécyajtáp jém ityajwñp tum ticciim, áñayajpa, jesic nayajyajtaptim. ¹⁸ Jempictim ináscaaba jém Wocciwiñ siiga nawécyajtáp entre jeeyaj, áñayajpa, jesic da jáypa cuyajpa. Mannímáypa jempic porque miñimtámpa iga wiap antop jém mal espíritu porque ich anañt jém Beelzebú ipimi. ¹⁹ Siiga ich antoppa jém mal espíritu con jém Beelzebú ipimi, ¿jesic mich incuyucñwiñ, i ichiiba jém ipimi iga itoppatim jém mal espíritu? Jeeyaj iyaac minquejáypa iga mijixitogoyñeta. ²⁰ Siiga antoppa jém mal espíritu con jém Dios ipimi, jesic tsam wiquejpa iga núcneum jém tiempo iga Dios injacpa yip naxyucmi.

²¹ Siiga tum pixiñ tsam pimi iwatpa cuenta jém itic con jém espada y jém lejon, da i wiap inúmáy jém iníitwñp iticciim. ²² Pero siiga miñpa tungac pixiñ más pimi iga áñayajpa con jém tic iomi y icoñwíypa, jesic iccáyáypa jém iespada y jém ilejon, jém iñispáppic idic jém tic iomi iga nacupujtáp. Wiap itobáyay itumpiy jém iníitwñp. Nicpa iwéc con jém itiwitam.

²³ Jesic nímim Jesús:

—Jém dapic awaganayoxa aich, iwatpa en contra. Jém dapic ayoxpátpa iga ananhtuumawatyajpa jém pixiñtam, je más aquepquebáyáypa.

Miñgacum eybic tum mal espíritu
(Mt. 12:43-45)

²⁴ Put tum mal espíritu tum pixiñ ianamanjom. Siiba jém titsinaxyucmi. Imétspa jut jeypa. Pero da ipát. Nimpa iga: “Eybic asetpa jém ticciim jut aput.”

²⁵ Jesic mu ixetum, ipát jém pixiñ juuts tum tic petneum y wítacneum. ²⁶ Jesic inimiñ siete espíritu más pimi malo. Nic itiyaj jém pixiñ ianamanjom. Sip más pimi malo que wiñti.

Wítapa jém icupicneyajwñp jém Dios inmáti

²⁷ Cuando najiyóypa Jesús, pími jiyta tum yomo jém pixiñtam añcucmi. Jém yomo iñimáy jém Jesús:

—Agui wíitpa jém yomo jém micnaywíip, jém mictsútswíip iga mictsam.

²⁸ Pero Jesús iñimáy jém yomo:

—Más wíitpa jém imatonpáppic jém Dios inmadayooyi y iwatpa juuts iñimáypa.

Wágayta Jesús iga iwadiñ tum milagro

(Mt. 12:38-42; Mr. 8:12)

²⁹ Jesic jém pixiñtam tsam icutuumaçayaj jém Jesús. Moj jiyi Jesús. Nimpa:

—Tsam malo jém ityajwíip siip porque awágaypa tum milagro iga anañquejáyiñ iga Dios acutsatne. Pero Dios iwatpa no más tum señal juuts jém iwadayñewíip jém profeta Jonás. ³⁰ Dios iwadáy jém Jonás tum señal iga jém Nínivepic pixiñtam wiañi iixyaj. Jesaptim aich jém aMiññewíip Siñyucmi atsíy juuts tum señal para jém ityajwíip siip. ³¹ Jesic cuando núcpa jém jama iga Dios icípiñpa itumpiy jém pixiñtam, miñpa jém añtsapsaumípic reina. Tsucumpa iga iquejajwadáypa jém pixiñtam jém ityajwíip siip. Porque juumi miñ jém yomo iga imatonpa jém anjagooyi jém Salomón ijxi. Pero yim it con mimichtam tum más mijpic anjagooyi que jém Salomón, pero michtam da inçupictámpa. ³² Cuando núcpa jém jama iga çipíñóypa Dios, tsucumyajpa jém Nínivepic pixiñtam. Iquejajwadayyajpa jém ityajwíip siip. Porque jeyaj ichacyaj iga imalwatpa cuando najiyóypa jém Jonás. Siip yim it con mimichtam tum profeta más wíapaap que jém Jonás, pero michtam da iñchactámpa jém malajixi.

Jém wíbic jucti

(Mt. 5:15; 6:22-23)

³³ Da j iñooba tum nooquejucuy iga ichacpa jut da j iixpa ni tum cajoncucim. Pero accámtaç yucmi iga ixixóyiñ jém tigiyápápic. ³⁴ Jém tánixcuy juuts tum wíbic jucti añtsocá. Siiga wí jém tánixcuy, jesic itumpiy jém tammijtay it jém wíbic jucti añtsocajom. Pero siiga da wí jém tánixcuy, itumpiy jém tammijtay cupiichane. ³⁵ Wati cuenta jém jucti jém iniitwíip iga odoy tsíyiñ juuts piichi. ³⁶ Siiga itumpiy jém immijtay it jém wíbic jucti añtsocajom, da j ni uxañ piichi, tsam wíquejpa cuando tum nooquejucuy yicquejóypa con jém ichocá.

Jesús iwogáy jém fariseoyaj y jém escribaspic maestroyaj

(Mt. 23:1-36; Mr. 12:38-40; Lc. 20:45-47)

³⁷ Ocmi cuando yaj anmáti Jesús, tum fariseopic píxiñ inwejáy iga nicpa wiiqui iticcim.

Jesic tigiy Jesús, coñ jém mesacim. ³⁸ Pero agui ámanjac jém fariseo porque iix iga Jesús da iché ici antes que wícpa juuts nimpa jém fariseoyaj icostumbre. ³⁹ Pero tánQmi Jesús iñimáy jém fariseo:

—Mimichtam mifariseopic, inçujicháypa jém imvaso y jém iñçima iyucwiñ, pero iñanamanjom tsam it nuumi con jáyanj malopic jixi. ⁴⁰ Mimichtam, tsam micuixitam. Siiga injodon iga Dios miwadáy jém inçí, çíiiga da injspa iga Dios miwadáytim jém iñanama? Dios iwianjam iga cuáyñeiñ inçí, pero más iwianjam iga cuáyñeiñ iñanama. ⁴¹ Siiga inçhiiba tum limosna jém yaachayajpaap porque wíbic jixi iniit iñanamanjom, jesic quejpa iga micuáyñeum inçutero.

⁴² 'Agui miuuguytim mifariseopic mipixiñtam. Iñchiitámpa Dios jém iñdiezmo de jém yierba buena, de jém ruda y itumpiy jém iññipñibooyi. Pero da iñjístampa iga iñyoxpátámpa jém iñtíwítam jém yaachayajpáppic. Datim iñjístampa iga iñfoytámpa Dios. Wí iga iñyoxpátpa jém iñtíwítam y iñfoypa Dios y odoy iñchaguñ iga iñchiiba Dios jém iñdiezmo.

⁴³ 'Agui miuuguytim, mifariseopic mipixiñtam, porque iñcusúniypa jém más wibic coñcuy jém sinagoga. Tsam iñwianjamtim iga itumpiy jém pxiñtam midioschiiyajpa calle.

⁴⁴ 'Agui miuuguytim miescribaspic mimaestrotam y mifariseopic mipixiñtam. Iñyaac minimigóyaytá. Inicwatpa táñca jém tantíwítam porque ijísyajpa iga wibic mipixiñtam, pero tsam malo iñanama. Mimichtam mijex juuts tum tsúts ijos. Da iixyajpa jém pxiñtam, wityajpa jém tsútscumiyucmi, pero da ijodonjaj.

⁴⁵ Jesic tum maestro de jém Israelpic anquímayooyi iñímáy Jesús:

—Maestro, cuando miñampa jempic, jesic mich anañímaycúmpa aichtam.

⁴⁶ Pero Jesús iñímáy jém pxiñ:

—Agui miuuguytim mimichtam. Tsam iniñcodíypa jém iniñquímayooyi, je puro iñjixquiimi. Siip inictsiimatámpa jém tantíwítam con jém iniñquímayooyi. Da icíyajpa. Pero mimichtam da iñcuyágíyáypa jém ichimi con tum iñwayci iga iñyoxpátpa.

⁴⁷ 'Agui miuuguytim mimichtam, iñwattámpa jém mijpic monumento jut cumyajtá jém wiñicpic profeta. Pero jém wiñicpic iñtúmmítam iccaayaj jeetim profeta. ⁴⁸ Jesic quejpa iga iñwianjam ti iwatyaj jém wiñicpic iñtúmmítam. Jeeyaj iccaayaj jém wiñicpic profeta, mimichtam iñwattámpa jém monumento jut cumyajtá. Quejpa iga iniit de acuerdo con jém wiñicpic iñtúmmítam.

⁴⁹ 'Jeeyucmi nimpá Dios, jém tsampic jixíy: “Ancutsat jém profetayaj y jém apóstolyaj, pero jém malopic pxiñtam iccaayaj algunos, tungac icpóyiyajpa.”

⁵⁰ Pero mimichtam, miitwiiip siip, Dios michiitámpa tsam mijpic castigo. Michégaytámpa iñipiñ iga accaayajtá itumpiy jém Dios iprofetayaj dende watnetá yíp mundo. ⁵¹ Mimichtam, miitánwiiip, michégáypa iñipiñ itumpiy jém anmatciwiñ dende jém mojwiiip iccaatá, jém Abel, hasta jém Zacarías, jém accaanetawiiip jém altar iñcucmi con jém santuario jém mijpic masticjom.

⁵² 'Agui miuuguytim miccuyujoyapaap de jém Israelpic anquímayooyi. Iniñnéctámpa jém Dios iñmati iga jém Israelpic pxiñtam odoy wiañ icutiyyiyaj. Mimichtampic da iñcutiyyiytámpa jém Dios iñmati, da iñjigaytámpa jém Israelpic pxiñtam iga wiañ icutiyyiyaj.

⁵³ Jesic yaj anmati Jesús. Put jém ticjom. Jém escribaspic maestroyaj con jém fariseoyaj tsam ijóyiyajpa Jesús. Jesic icwácyajpa Jesús jáyan cosa iga icutitsyajpa. ⁵⁴ Tsam icunumyajpa. Iñmattopyajpa jém Jesús iga wiañ iquejajwadayyaj.

12

Jém malopic anquímayooyi jex juuts jém levadura

¹ Ocmi anuumayajpa tsam jáyan pxiñtam hasta napiitsyajtá. Jesic moj iñmadáy Jesús jém icuyujciwiñ. Nímayyajtá:

—Cuidado. Odoy cupici jém fariseopic inquímayooyi. Porque mimigóyáypa hasta namigóyaytap iyaac. Jáyanap jém malopic anquímayooyi jex juuts jém levadura icpípa jém jaapi. ² Porque Dios inquejpa itumpiy jém jixi jém inyamneyajwiip. Jodónatap itumpiy jém jixi jém anéncetawiiip. ³ Itumpiy jém anmatí jém ininmatnewiiip piichcäm, matontap juctianstocajom. Jém anmatí jém miyamninnewiiip ticjom, jut wianpajne, anmattap tigançobac jém yucmipic piso.

Tañçiiñ Dios porque je wiap tachi castigo
(Mt. 10:26-31)

⁴ Mánamigotam, mannímáypa iga odoy çintaami jém pixiñtam jém miccaatampápic. Porque ocmi da ti wiap miwadáy. ⁵ Pero mannímáypa i wiap inçin, çintaami Dios porque despues de que micaaneum, wiap micnic jém juctjom jut da nunca píchpa, jut impictsonpa inçastigo. Numa mannímáypa, çintaami Dios.

⁶ Mátap cinco xuxut jon por wisten tumiñ. Pero Dios ijispa jém xutu jon iga iwatpa cuenta. ⁷ Dios ijodon jutén inway iniiñ inçobacyucmi. Jeeyucmi mannímáytaipa: Odoy çintaami. Porque Dios tsam miwíwattámpa cuenta. Mitoytámpa más que jém xuxut jonyaj.

Jém Cristo ipictsonpa jém ipixiñtam
(Mt. 10:32-33; 12:32; 10:19-20)

⁸ Nimpatim Jesús:

—Siiga ininmadáypa jém inñiwitam iga mich inçupic iga Dios acutsat yíp naxyucmi, jesic cuando miñúcpa sinyucmi, mampictsonpatim jém sinyucmipic pixiñtam iwiñjom. ⁹ Pero siiga tum pixiñ inéncpa iga acupicne, jesic ich anañécpatim jém sinyucmipic pixiñtam iwiñjom.

¹⁰ Siiga tum pixiñ amalnímáypa aich, jém aMiññewiiip Sinyucmi, wadaytap perdón. Pero siiga tum pixiñ imalnímáypa jém Dios iAnama, da nunca i iwadáypa perdón.

¹¹ Cuando mininictamtap iga miquejajwadaytamtap jém juezcäm, jém anjagooyicäm, o jém sinagoga, jesic odoy jistaami jutpic inçutsontámpa o jutpic minicupjamtap. ¹² Porque cuando núcpa jém rato iga inçutsonpa, jesic Dios iAnama michiiba jixi jutpic inçutsonpa.

Siiga pimi inñoypa inñumí, da wiap inñúc jut it Dios

¹³ Tum pixiñ inímáy Jesús:

—Maestro, nímaayi jém anachi iga awégáyiñ jém anjatun imichi jém atsagayñetawiiip.

¹⁴ Pero Jesús inímáy jém pixiñ:

—Mipixiñ, çí accámne como ajuez o awégoypaap para mimichtam?

¹⁵ Nintim Jesús:

—Wadaayi caso mich inñyaac iga odoy inçusúniyiñ jáyan cosa. Da tanaitpa tamvida iga jáyan cosa tanaitpa.

¹⁶ Jesic Jesús inmadáypa tum xutu cuento iga inquejáypa jém pixiñtam. Inímáy:

—It idic tum ricopic pixiñ. Agui jáyan cosecha chióy jém iñas. ¹⁷ Jesic mojpa ijis jém rico. Nimpa: “¿Tí wiap anwat? Da anaí jut anaccáypa jém ançosecha.”

18 Jesic ijis ti wiap iwat. Nimpa: “Anjodon ti anwatpa siip. Ammiswatpa jem antic jut anaccáypa jem an cosecha. Anwatpa tungac más mijpic. Jemum wiap anaccáy itumpiy jem an cosecha con itumpiy jem anaitwüp. 19 Jesic anjispá ánanamanjom: Siip anait wíccuy y titam ansunpa para jáyan amtíy. Siip ajeypa, awícpa, aucpa, amaymáyp.” 20 Pero Dios inímáy jem rico: “Agui micuxi, ¿que da injodon iga yíbam tsuu micaaba? ¿Jesic jem iniccáyñewüp, j inchagáypa?”

21 Jesic yaj inmat jem xutu cuento, Jesús inímáy jem icuyujcñiwñ:

—Jempigam inascaaba jem pixiñ jem in tuumawatpáppic itumiñ para je iyaac. Tsam pími yaachap cuando caaneum porque da wiap ininíc jem itumiñ, datim núcpa jut it Dios.

Dios iwatpa cuenta jem icupicneyajwüp
(Mt. 6:25-34)

22 Ocmi Jesús inímáy icuyujcñiwñ:

—Mannímáypa iga odoy wadaayi caso iga miwittámiñ. Odoy wadaayi caso iga iniittámiñ jáyan inwíccuy o impuctucu. 23 Jem imvida más vale que jem inwíccuy. Jem immijtay vale más que jem impuctucu. 24 Jistaami jem jonyaj. Da ñippa, da ichicpa, da iniñ jut iccáypa jem cosecha, pero Dios icwícpatim. Numa, mimichtam más mivale que jem jonyaj. 25 Siiga pími injispá, da wiap inyón ni tum quípsi más. 26 Siiga da wiap inwat tum cosa dapic jutsaj iga pími injispá, ¿tiiga inwadáypa caso iga jut impicpa jem inwíccuy con jem impuctucu?

27 Jistaami jutpic mijap jem wibic moya jem lirio. Da yoxap ni da pitpa. Pero mannímáypa ni jem rey Salomón cuando tsam wícuyajne, da ictsíypa jem wibic moya. 28 Dios iwíaccuyajpa jem moya, pero da jáypa xichpa, nooquettap. Jeeyucmi mannímáypa: Cupíci iga Dios wiap miwatta cuenta. Michiiba titam mitogóyáy. 29 Odoy wadaayi caso jut impicpa titam incútpa y titam inucpa. Odoy jisí titam mitogóyáy. 30 Itumpiy jem pixiñtam icuwíti yíp naxyucmi imétsaypa titam icútyajpa. Pero mimichtam injatun ijodon titam mitogóyáy. 31 Meetsi wiñfi jut injacpa Dios, jesic ocmi Dios michiiba titam mitogóyáy.

Jutsap tanaccáy tantumiñ sinyucmi
(Mt. 6:19-21)

32 Odoy cñtaami. Mimichtam mamborregotam. Da miwatitam, pero tanjatun Dios iwánjam iga mimichap iga minjacpa. 33 Mayaami titam iniitta iga waiñ inchiita jem tumiñ jem yaachayajpáppic. Wati jem Dios iyoxacuy con jem inñtumiñ. Jempam iniccáypa jem inñtumiñ sinyucmi jut da nunca yajpa. Jem númpaap da wiap itigiy. Jem wechi da wiap ictogoy. 34 Porque jut it jem inñrienza, jemum itim jem inñanama.

Ittaami listo porque miñgacpa jem Jesucristo

35 Ittaami listo mimichtam juuts tum pixiñ iyoxacñiwñ. 36 Injócaypa iomi. Oy sñaji jut ancoomíyoyñimpa. Setpa tsuucim. Jesic da monpa jem iyoxacñiwñ. Jicsiy ináypa jem puerta cuando iticspa jem iomi. 37 Agui maymay jem yoxacñiwñ siiga da monpa cuando setpa jem iomi. Numa mannímáypa iga jem iomi tsam itoypa jem iyoxacñiwñ. Moypa iwat wíccuy jem iomi, icwícpa jem iyoxacñiwñ. 38 Siiga núcpa cugaptsu o hasta

cuquejacim y da monpa jem iyoxac#wiñ, jesic agui maymayaj jeeyaj porque jem iomi pimi iwixpa.

³⁹ Jesic nintim Jesús:

—Cutiiyitaami, siiga tum pixiñ ijodonj juchis hora núcpa jem númpaap, jesic da monpa jem pixiñ. Da ichacpa jem itic iga cunúmaytañ. Jesaptim mimichtam. ⁴⁰ Ittaami listo cuando ich, jem aMiññewiip Siñyucmi, amiñgacpa yíp naxyucmi. Porque cuando nimaajpa iga da amiñpa, jesigam amiñpa.

Jém malopic mayordomo y jém wibic

(Mt. 24:45-51)

⁴¹ Jesic Peto icwác Jesús. Inímáy:

—MánQmi, ¿íiiga ininmat yíp xutu cuento, para aichtam o para itumpiy jem pixiñtam?

⁴² Jesic tánQmi inímáy:

—Siip mananquejáypa iapaap jem wibic mayordomo jem icutiüyipáppic. It idic tum pixiñ iccám iga mayordomo tum jem iesclavo iga injacpa itumpiy jem imozoyaj. Iwécpatim jem wíccuy. ⁴³ Agui maymay jem mayordomo siiga iwatpa juuts ipimíy jem iomi cuando miñgacpa. ⁴⁴ Numa mannímaytámpa iga jem iomi iccámpa jem pixiñ juuts tum anjagooyi iga injacpa jem iñas y itumpiy jem iniitwiip. ⁴⁵ Pero siiga jem mayordomo ijíspa iga da jobit setpa jem iomi, jesic moypa imalwadáy jem imozoyaj jem pixiñtam y jem yomtam. Moj wiiqui jem mayordomo. Moj uqui hasta uquiap. ⁴⁶ Ocmi núc jem jama iga set jem iomi. Pero jem mayordomo da injóčne. Ni da ijodonj juchis núcpa jem iomi. Jesic mu inúc jem iomi, itoppa jem pixiñ. Ichiiba mijpic castigo con itumpiy jem dapic injóčneyaj.

⁴⁷ Siiga tum esclavo iwijodonj ti ixunpa jem iomi pero da iwatpa ni da icupicpa, jesic jem iomi pimi ichiiba castigo. ⁴⁸ Pero jem pixiñ jem dapic icutiüyipá ni da ijodonj ti ixunpa jem iomi, siiga imalwatpa jem pixiñ, jem iomi ichiibatim castigo, pero da más pimi. Siiga tum pixiñ iwicutiüyipá itumpiy jem Dios inmatí, jesic Dios iwianjam iga iwadiñ itumpiy juuts je ixunpa. Siiga jáyan jixi michiiba Dios, jesic je ixunpa iga más injucyoxañ.

Nawecyajtáp jem pixiñtam jem Jesús icuyucmi

(Mt. 10:34-36)

⁴⁹ Nintim Jesús:

—Ich anamiñ yíp naxyucmi tum wibic jixi. Pero da ipictsonyajpa itumpiy jem pixiñtam. Jém malopic pixiñtam tsam ijóyixyajpa jem iwipictsonjeyajwiip jem wibic jixi. Tsam nawecyajtáp jem pixiñtam. Siip agui ansunpa iga núguiñ jem tiempo cuando moypa nawecyajtaji. ⁵⁰ Ich amiñ iga ampictsonja jem yaachaji. Tsam pimi anyácne hasta que cupacpa ti ixunpa Dios. ⁵¹ Odoj jisí iga ich amiñ iga ananjyjacpa jem áñayajpáppic. Porque ich ancyucmi nawecyajtáp jem ityajwiip yíp naxyucmi. ⁵² Dende siip tsucumpa iga nawecyajtáp. Siiga ityaj cinco pixiñ tum ticciim, jesic jem tsucutenpic áñayajpa con wisten. ⁵³ Jém pixiñ áñayajpa con ijaymanic. Jém yomo áñayajpa con iyommanic. Tunjac yomo áñayajpa con ixáqui.

Jém seña tanquejáypa ti miñpa

(Mt. 16:1-4; Mr. 8:11-13)

⁵⁴ Jesús inímáypatim jem pixiñtam:

—Mu íñix iga químpa jém ucsi anñisáumi, miñímtámpa iga miñífooba tuj. Numa miñpa. ⁵⁵ Cuando poypa jém tsapsawa, miñímtámpa iga miñpa piji. Numa miñpa. ⁵⁶ Odoy namigóyaytaji. Íñjodoñ ti miñpa cuando íñixtámpa jém ucsi y íñjampa jém sawa. Jesic cuando íñixpa jém milagro jém siipic anwatpa, ¿tiiga da inçutiýiypa iga núcum jém tiempo iga Dios injacpa yíp naxyucmi?

Wínanigaayi jém mijóyixpápic
(Mt. 5:25-26)

⁵⁷ '¿Mimichtam, tiiga da wiap inçipiñta jup jém malopic y jup jém wibic?
⁵⁸ Jesic siiga mijóyixpa tum pxiñ y miñwejáypa jém anjagooyicim iga miquejajwadáypa, jesic witsaci jém asunto antes que miñúctámpa jém anjagooyicim. Jesic da miñúctámpa jém juezcim. Porque siiga miñúctámpa jém juezcim, jesic jém juez michijunçotpa jém policía icijom. Jém policía micotpa cárcel.
⁵⁹ Mannímáypa iga da miputpa hasta que yajpa iñyoj.

13

Wí iga tantsacpa jém malajixi

¹ Jesic jeetim tiempo núcyaj algunos jém pxiñtam iga inmadayajpa Jesús tum asunto. Nimyajpa:

—Jém anjagooyi Pilato icca jutén jém Galileapic pxiñ. Accaayajta jentim jut iwat sacrificio, mot jém íñipiñ con jém animat íñipiñ.

² Jesic Jesús íñimáy:

—¿Tiiga inñispa iga yípyaj más pimi táñcaiy que itumpiy jém Galileapic pxiñtam? ³ Siiga mimichtam da inçactámpa jém malajixi, jesic mitogoytámpaím inçumpiytam. ⁴ Danam más pecam caayaj dieciocho pxiñ cuando actiñ jém torre jém atebet Siloé, icuchijquetyaj. Odoy jistaami iga jém caaneyawip más táñcaiy que itumpiy jém ityajwip Jerusalén. ⁵ Mannímáypa siiga mimichtam da inçactámpa jém malajixi, jesic mitogoytámpaím inçumpiytam.

Jém tsuj jém dapic tím̄ap

⁶ Jesic Jesús inçattim yíp xutu cuento iga inquejáypa jém pxiñtam. Íñimáy:
—It idic tum pxiñ iniit tum finca de uvas. Jém uvasañjom ñiptatim tum tsuj. Cuando núc ititempo, nicpa íam siiga tím̄aneum jém tsuj, pero da tím̄ap.
⁷ Jesic jém nas iomi íñimáy jém iwatpápic cuenta jém uvas: “Cada amtiy miñpa ammésáy jém tsuj itim, pero da ampadáypa. Siip iniitum tres amtiy, da queman tím̄a jém tsuj. Siip witi jém tsuj. Anxajañipne.” ⁸ Jém iwatpápic cuenta jém nas íñimáy jém iomi: “Mánomi, tsacinam yíp amtiy. Ampuúsáypa jém nas, añcodáypa abono. ⁹ Siiga tím̄ap, it wi. Siiga datim tím̄ap, jesic tanwitquimpam.”

Acpistá tum yomo cómne ituuñi

¹⁰ Tum jejçuyjama accuyujóypa Jesús jém sinagoga jut icuyujcayajpa jém Dios inçati. ¹¹ Jemum it tum yomo. Mimne dieciocho amtiy. Tum mal espíritu iccómay ituuñi. Da wiap inçumteñ. ¹² Cuando iix Jesús, inwejá jém yomo. Íñimáy:

—Miyomo, siip Dios micpíspa. Mictsacpa jém caacuy.

13 Jesic Jesús ichiccunúc jém yomo. Jeeti rato numtsíy jém ituuñi. Jém yomo moj icujíp Dios. 14 Pero agui jóy jém sinagoga injagooyi iga acpisóypa jém Jesús jém jejcuyjama. Iñímáy jém ityajwíp jem:

—Tanait seis día iga tayoxap. Miñi minicpistaji jém yoxacuyjama. Odoy miñi jém jejcuyjama.

15 Jesic tánomi iñímáy jém anjagooyi:

—Tsam minimigóyaytap. Siiga níctitspa jém imbuey o imburro jém jejcuyjama, jesic tienes que injwipa, nicpa inicnic. 16 Yíp yomo taich yomo, jém Abraham iocmanic. Jém Wocciwiñ icmatsne idic yíp caacuy dieciocho amtiy. ¿Tiiga da wiap tanaccutsigáy yíp yomo de jém caacuy jém jejcuyjama?

17 Jesic cuando imatonjaj ti nim Jesús, pími tsaayaj jém dapic iwixyajpa Jesús. Pero los de más jém pixiñtam agui maymayaj mu iixyaj ti iwat Jesús. Iwianjamyaj jém wibic milagro.

Jesús inquejáy iga jáyanap jém Dios ipixiñtam

(Mt. 13:31-32; Mr. 4:30-32)

18 Jesic Jesús iñímáy jém pixiñtam:

—Siip manañquejáypa jutsap inpic jém Dios inquímayooyi. 19 Jém Dios inquímayooyi jex juuts tum mostaza ipac. Tum pixiñ iñip jém pac icamjom. Nay jém pac, mijap juuts tum mijpic cuy hasta jém jon iwatpa ipeeñi jém mostaza incisyucmi.

20 Nintim Jesús:

—Siip manañquejáypa jutpic jáyanap jém Dios inquímayooyi. 21 Jém Dios inquímayooyi jex juuts levadura. Tum yomo inimot uxaj jém levadura con tucuna jepe de harina. Jesic pipa itumpiy jém jaapi.

Jém xutupic puerta

(Mt. 7:13-14, 21-23)

22 Mojcacum niqwi jém Jesús Jerusalén. Oy najíyooyi jém mijpic atebet y jém xutupic tiganjoj. 23 Jesic tum pixiñ icwác jém Jesús. Nimpa:

—Mánomi, ¿que da wati jém iciacputyajpápic Dios?

Jesic Jesús iñímáy:

24 —Wattaami empeño iga mitigiytámpa jém xutupic puerta. Mannímaytámpa iga tsam jáyan pixiñtam tigiyyajtooba, pero da wiayajpa.

25 “Porque cuando núcum jém hora, jesic jém tic iomi inpajpa jém itic. Cuando anpajneum jém itic, dam wiap inígiyta. Michíytámpa anšicmi. Inícticstámpa jém puerta. Miñimtámpa: “¡Añayí jém puerta!” Pero miñímáypa jém tic iomi: “Da mánixpicpa. Da anjodon jutpic mipixiñ.” 26 Jesic nichtam moypa iñímáyta: “Tawagawícne y tawaganícne con mimich. Mich oyñe miccuyujooyi jém anáttbet.” 27 Pero eybictim nimpa jém tic iomi: “Mimichtam da mánixpicpa, da anjodon jutpic mipixiñtam. Tsam mimalotam, acupóyaytaami.” 28 Núcpa jama iga tsam pími miwejtámpa y inñichpa inñits. Pími minyáctámpa cuando iníxámpa iga iwaganaityajum Dios jém Abraham, jém Isaac, jém Jacob y itumpiy jém wiñicpic profeta; pero mimichtam michactamtá anšicmi. 29 Nicpa itiyaj jém anñisaumipic pixiñtam, jém anyomsaumipic, jém anwixaumipic y jém anšapsaumipic

pixiñtam. Nicpa wiiquiyaj jemum jut injacpa Dios. ³⁰ Jém ocmipic jém pixiñtam tsíyppa iga wiñti y jém wiñtipic tsíyppa iga ocmi.

Tsam anyáene Jesús cuando iix Jerusalén
(Mt. 23:37-39)

³¹ Jesic jeetim jama núcyaj jutén jém fariseoyaj. Nímayta Jesús:

—Nicsim, puti de yim porque jém Herodes miccaatooba.

³² Pero Jesús iñímáy jeeyaj:

—Agui jáyayanjichich jém Herodes juuts tum zorra, nigí nímayaí, iga antoppa jém mal espíritu, anacpíspa jém mimnewiip yíp jama y joymi. Jesic wistícmi cuyajpa jém anyoxacuy. ³³ Seguido añwatpa jém anyoxacuy hasta cupacpa. Da jáyppa anacupacpa. Ich da añçinpa jém Herodes porque da i wiap ica tum profeta añsím de jém Jerusalén.

³⁴ Mimichtam, miittanwiip Jerusalén, tsam iniccaata jém Dios iprofeta. Iññáscata tsaami jém icutsatneyajwíip Dios. Ich tsam mançiacputtamtooba idic, pero da inwianjamta. Watciy manañtuuma wattamtíp juuts jém piyuapa in tuumawatpa jém imaníc ixajcucim. Pero mimichtam da inwianjamta. ³⁵ Como da inwianjamta iga manyoxpátámpa, jesic Dios michacum. Siip da michíyppa juuts jém Dios mipixiñtam. Mannímáyppa iga da eybic ánixtámpa hasta que núcpa jém tiempo iga añcujíptámpa aich, jém acutsatnewiip jém tanjatun Dios.

14

Jesús icpís tum pixiñ cuxíñayñewiip

¹ Jesic tum jevcuyjama nic wiiqui Jesús tum fariseopic anjagooyi iticcim. Algunos jém fariseo iyamcuixyajpa jém Jesús siiga imalwatpa. ² Jesic tum pixiñ miñ iám jém Jesús. Imatsne jém caacuy iga cuxíñayñe. ³ Jesic Jesús icwác jém maestro de jém Israelpic añquímayooyi y jém fariseoyaj, iñímáy:

—¿Junimpa jém añquímayooyi? ¿Wiap tanacpís yíp pixiñ jém jevcuyjama o da wiap?

⁴ Pero jeeyaj da jiyayaj. Jesic Jesús ichiccunúc jém mimnewiip. Icpís. Jesic iñímáy:

—Chogoyñicsim.

⁵ Jesic Jesús iñímáy jém fariseoyaj:

—Siiga joppa tum pacusjom jém imburro o imbuey, jesic iñtoppa jeeti rato. Da inwadap caso siiga jevcuyjama.

⁶ Jeeyaj da wiá miicutsonyaj jém Jesús.

Da i iwíixpa jém nacujíptapáppic

⁷ Jesic Jesús iix iga jém añwejayñetawíip tsam imétsyajpa jém más wibic coñcuy mesacim. Jesic Jesús inmat tum ejemplo iga ichi jixi. Nimpa:

⁸ —Siiga miñwejayñeta iga niguiñ mixíñaji jut añcoomíoyoyñimpa, odooy meetsi jém coñcuy más wibic. Odooy coñi jut it noco jém anjagooyi porque wiap imiñ tum pixiñ más wiapaap que mich. ⁹ Jesic jém miñwejayñewiip miñímáyppa: “¡Tscucumi! Chji yíp tunçac pixiñ jém incoñcuy.” Jesic mich pími michaap, nicpa micoñi jém inañpigam coñcuyucmi. ¹⁰ Pero jesic cuando miñwejaytap jut wattap jém siñ, nicsim micoñi jém lugar más juumi. Jesic cuando miñpa jém miñwejayñewiip, miñímáyppa: “Amigo, yim it más

wibic coñcuy.” Jesic jém tunḡac p̄ixiñtam jém coñyajw̄iip jém mesaciim miw̄ixyajpa. ¹¹ Da i iw̄ixpa jém nacujiptap̄ppic. Pero jém dapic nacujiptap, iw̄inanigayyajpa jém it̄iwitam, icujipyajpa jém p̄ixiñ.

¹² Jesic Jesús in̄imáytim jém p̄ixiñ jém iwatp̄ppic jém siñ. Nimpa Jesús:

—Cuando mixiñap, da w̄i iga seguido iniñwejáypa jém in̄amigoyaj, jém in̄t̄iwitam y jém ricopic imvecino. Porque ocmi jeegagam miñwejáypa. Jemp̄ictim micseedáypa. ¹³ Pero cuando mixiñap, añwejaayi jém yaachayajp̄ppic, jém ciñtaça, jém cuxuj y jém cáchti. ¹⁴ Jesic maymáyaj̄i porque jeeyaj da wiap micseedáy iga nicpa micwíc. Pero Dios miyojpa jém jama cuando acpisyajtap jém icupicneyajw̄iip Dios jém caaneyajw̄ippic.

Jém ejemplo de jém mijpic siñ

(Mt. 22:1-10)

¹⁵ Jesic tum p̄ixiñ, jém iwaganaitw̄iip jém mesaciim, imatonj junimpa jém Jesús. Jesic jém p̄ixiñ in̄imáy:

—Agui maymayyaj jém nicpaap siñaj̄i juñ injacpa Dios.

¹⁶ Jesic moj in̄madáy Jesús ȳip ejemplo. Nimpa:

—It idic tum p̄ixiñ. Iwatpa tum mijpic siñ. Inwejáypa tsam jáyan p̄ixiñtam.

¹⁷ Jesic cuando yajum iwat jém w̄iccuy, icutsat tum icuyoxapaap iga niguiñ inwejáy jém in̄imayñew̄iip idic. Nimpa: “N̄ici miw̄iiquitam. Siip watneum jém w̄iccuy.” ¹⁸ Pero n̄imyajpa itumpiy iga da wiap in̄ic. Tum jém p̄ixiñ nimpa: “Yaguiñ anjuy tum jaça nas. Siip nicpa ánám. N̄imaayi jém in̄omi iga da wiap iga nicpa asiñaj̄i.” ¹⁹ Jesic nimpa jém tunḡac p̄ixiñ: “Yaguiñ anjuy cinco par de jém buey. Siip nicpa añcutits siiga yoxap. N̄imaayi jém in̄omi iga da wiap annic.” ²⁰ Nimpa jém tunḡac p̄ixiñ: “Yaguiñ añcoomyñe. Jeeyucmi da wiap annic.” ²¹ Cuando set jém icuyoxapaap, in̄madáy iomi junimpa itumpiy jém in̄imayñew̄iip idic. Jesic agui jóy jém iomi. In̄imáy jém icuyoxapaap: “N̄igi añwejaayi jém ityajw̄iip calle. N̄ici hasta jém xutupic calle icuw̄iti ȳip atbetet. Nam̄iñi ȳim jém yaachayajp̄ppic, jém cuxujaj, jém cáchtiyaj, jém ciñtaça y jém puytaça.” ²² Ocmi jém icuyoxapaap in̄imáy jém iomi: “Mánomi, añwatum juuts annimayñe, pero itñam lugar iga tanacw̄icyajpa.” ²³ Jesic jém iomi eybictim in̄imáy jém icuyoxapaap: “N̄igi meetsi más p̄ixiñtam jém tunjom y jém taañi añnaça juñ coñyajpa jém yaachayajpaap. N̄imaayi iga m̄iñiñ w̄iiqui anticc̄im. Ansunpa iga cómiñ ȳip antic. ²⁴ Mannimáypa, da añw̄ianjam iga miñyajpa w̄iiqui jeeyaj jém mojn̄ew̄iip annimayyaj.”

Ti wiap tanwat iga tats̄iypa juuts jém Jesús icuyujc̄iwiñ

(Mt. 10:37-38)

²⁵ Jesic it̄uñiyajpa Jesús tsam jáyan p̄ixiñtam. Áms̄et Jesús. In̄imáy:

²⁶ —Siiga más in̄toypa in̄jatun, in̄apa, in̄yomo, in̄chixtam, in̄achi, in̄jáyuc o in̄ch̄itsi que in̄toypa Dios, da wiap in̄ch̄iy juuts ich man̄cuyujc̄iwiñ. Siiga más minitoyp̄ap in̄yaac que in̄toypa Dios, da wiap in̄ch̄iy juuts ich añcuyujc̄iwiñ. ²⁷ Siiga da in̄yaach̄iypa iga miyaachwattap, jesic da wiap in̄ch̄iy juuts ich añcuyujc̄iwiñ. ²⁸ Siiga tum p̄ixiñ iwattooba tum torre, wiñti ijs̄pa jutsañ gasto inin̄icpa. Ijs̄pa siiga icts̄iypa itumiñ. ²⁹ Siiga ictsucum jém torre y da wiap iccupac, jesic agui ixiccayajpa jém iixyajp̄ppic. ³⁰ N̄imyajpa: “Ȳip

p̄ixiñ ictsucum iga iwatpa jém torre, pero da wiã miiccupac.” ³¹ Siiga tum rey áñatooba con tun̄gac rey, wiñti ij̄ixiñ siiga wiãp icoñw̄iy. Nimpa jém rey: “¿Que wiãp añcoñw̄iy con jém diez mil soldado siiga jém ánenemigo iniit veinte mil soldado?” ³² Jesic jém rey ij̄ispa iga da wiãp icoñw̄iy. Jesic cuando itñam juumi jém ienemigo, icutsadáypa tum representante iga icunucsáypa iga odooy áñayajiñ. ³³ Jesap̄tim mimichtam, siiga da iñchactámpa itump̄iy jém inuitw̄iip, da wiãp iñcháy juuts ich añcuyujciñwiñ.

Jém cana jém dapic paac
(Mt. 5:13; Mr. 9:50)

³⁴ Jesic Jesús iñimáȳtim:

—Wī jém cana. Pero siiga da paac, jesic da wiãp tan̄w̄itsac. ³⁵ Da wī ni para jém nas, ni datim wī iga tan̄codáypa jūf cum̄netā jém abono. Jesic tampatsáypa. Siiga mitatsigiyta, amaton̄taami.

15

Togoy tum p̄ixiñ iborrego
(Mt. 18:10-14)

¹ Jesic tum jama miñyaj jáyan jém p̄ixiñtam jém ichécyajpáppic jém impuesto y jém tan̄caiyw̄iip. Miñ imatonyaj jém Jesús in̄químayooyi. ² Jeeyucmi agui jóyñeyaj jém fariseoyaj y jém escribas̄pic maestroyaj. Icujiyyajpa jém Jesús. Nimyajpa:

—Yíp Jesús ipictson̄pa jém malopic p̄ixiñtam, iwaganawícyajpa.

³ Jesic Jesús in̄madáy yíp xutu cuento iga in̄quejáypa jeeyaj, iñimáy:

⁴ —Siiga tum de mimichtam iniit cien borrego y siiga togoypa tum jém iborrego, ¿que da ichacpa jém noventa y nueve jém itw̄iip cop̄jom y nicpa iméts jém togoyñew̄iip? Ich an̄impa iga seguido icuámpa hasta que ipát̄pa. ⁵ Jesic cuando ipátum, icónneeba inimiñ iqueeweyucmi. Agui maymaj. ⁶ Cuando núcpa iñicc̄im, in̄tuumāwatpa iamigoyaj con jém ityajw̄iip nocojom. Iñimáȳpa: “Maymáyātaami con aich, porque ampátum jém amborrego jém togoyñew̄iip idic.” ⁷ Jesap̄tim mannímaytámpa iga tsam it maymáyāji siñyucmi cuando tum p̄ixiñ tan̄caiyw̄iip ichacpa itán̄ca iga icupicpa Dios. Jém ityajw̄iip siñyucmi más maymáyāyajpa con tum p̄ixiñ cuando ichacpa itán̄ca que con jém noventa y nueve jém wībic p̄ixiñtam jém dapic tan̄caiy.

Togoy tum yomo itumiñ

⁸ Jesanetim siiga tum yomo iniit diez tumiñ de plata y togoypa tum, ¿que da ictsocpa jucti, ipetpa itic y iw̄ic̄uámpa hasta ipát̄pa? ⁹ Jesic cuando ipátum jém itumiñ, in̄tuumāwatpa jém iamigoyaj y jém ivecino. Nimpa jém yomo: “Maymáyātaami con aich porque ampátum jém antumiñ jém togoyñew̄iip idic.”

¹⁰ Jemp̄ictim mannímáȳpa iga maymáyāyajpa jém siñyucm̄ipic p̄ixiñtam jém ityajw̄iip con Dios cuando tum p̄ixiñ tan̄caiyw̄iip icucacpa ij̄ixi.

Togoy tum p̄ixiñ ijaymanic

¹¹ Nimpatim Jesús:

—It idic tum p̄ixiñ. Iniit wisten ijaymanic. ¹² Jém jáyucpic iñimáy ijatun̄: “Manjatun̄, awégaayi jém annímayñew̄iip iga anchiiba.” Jesic jém ijatun̄ iwégáy jém itumiñ y itump̄iy jém inuitw̄iip. ¹³ Jesic da watña jama jém jáyucpic

icumáyáy jém imichipic jém ichiwwip ijatun. Ipic jém itumiñ, nic juumi. Jém tunḡac atebet imichca jém itumiñ con jém yomtám y jém ojo. ¹⁴ Yaj imichca itumpiy jém itumiñ. Ocmi núc tum mijpic yuu jém naxyucmi. Yajneum jém itumiñ, agui yuap jém pixiñ. ¹⁵ Jesic nic íám tum pixiñ jém itwip jém atebet. Nic iméts yoxacuy. Jém pixiñ ichi tum yoxacuy. Icutsat irancho iga iwadáyiñ cuenta jém iyoya. ¹⁶ Jesic jém pixiñ tsám icútooba jém algarrobas, jém yoya iwíccuy. Pero ni ti da i ichiiba. ¹⁷ Jesigam jém pixiñ moj ijis iga tsám cuxi. Nimpa ijixianjom: “Jém anjatun iniit jáyan iyoxaciwñ iticcim. Jeeyaj tsám jáyan wíccuy iniityaj hasta cuspa wiiquiyaj. Pero ich yim ayuucatoobam. ¹⁸ Siip asetpa jut it anjatun, annímáypa: Manjatun, tsám jáyan táŋca anwat contra Dios y contra mimich. ¹⁹ Como tsám ammalwatum, da wí iga atsiypa juuts tum immānic. Atsíytooba juuts tum iñyoxaciwñ.” ²⁰ Jesic mojum seti ijatunçim.

Jesic cuando danam núcne, juuminam miñi, ámpu jém ijatun, iix iga setpam jém imānic. Agui iyaachanjám. Póyanḡsucum, nic inuusáy. Inḡacatsúts. ²¹ Jesic nimpa jém imānic: “Manjatun, tsám jáyan táŋca anwat contra Dios y contra mimich. Como tsám ammalwatum dam wí iga atsiypa juuts tum immānic.” ²² Pero ijatun iñímáy tum jém icuyoxapaap: “Impimi namñi jém más wibic yooti, accámaayi yíp ammanic. Accámaayitim tum cucuma icuyucmi y jém wibic ciac ipuyucmi. ²³ Namñi jém mañix jém tanacpínewip. Accaataami. Jesic tawíctámpa, tasíñatámpa. ²⁴ Anjisne idic iga caaneum yíp ammanic, pero siip vivojam. Togoyñe idic, pero siip quejum.” Jesic mojum síñajiyaj.

²⁵ Pero jém iachi nicne idic camjom. Jesic settim. Cuando nuuquim tomi iticcim, imaton iga anjiypa música, etsñmpa. ²⁶ Jesic inwejay tum jém icuyoxapaap. Moj icwác. Iñímáy: “¿Tíiga ticsoyaypa? ¿Tíiga etsaypa?” ²⁷ Jesic jém icuyoxapaap nimpa: “Setum jém iñjayuc. Jém iñjatun ipimáy iga accaatañ jém mañix jém tanacpínewip porque setum jém iñjayuc. Da ti iñasca.” ²⁸ Jesic tsám pími jóy jém achipic. Da tigiytooba jém iticjom. Jesic put jém ijatun. Nic icunucsáy iga tigiyiñ. ²⁹ Pero jém achipic imānic iñímáy ijatun: “Mich iñjodon iga tsám jáyan amtiy mañyoxane. Siempre anwat juuts annímáypa. Pero da nunca anchiñe ni tum xutu chivo iga anasíñap jém ánamigoyaj. ³⁰ Siip núc yíp immānic jém imalmichcanewip jém iñtumiñ con jém yomtám jém witwidoypáppic. Mich iniccaáy jém mañix jém tanacpínewip.” ³¹ Jesic ijatun iñímáy: “Mammanic, mich siempre miit con aich. Itumpiy jém ammichipic, immichitim mich. ³² Pero siip agui wí iga tasíñatámpa, tamaymáyatámpa porque caane idic jém iñjayuc, pero siip vivojam. Togoyñe idic, pero siip quejneum.”

16

Agui jáyayanjichich jém rico imayordomo

¹ Jesic jém Jesús iñímáyitim icuyujçiwñ:

—It idic tum ricopic pixiñ. Iniit tum mayordomo icuyoxap. Iwadáypa cuenta jém rico imichi. Pero ocmi jém rico ijodóna iga síp imichcaáy jém itumiñ. ² Jesic jém rico inwejay jém pixiñ. Iñímáy: “¿Tí yimpic ammatonpa

iga síp inwat? Siip witsaci inuenta, acijunçodaayi titam inwatne con jém anyoxacuy. Porque siip mantoppam. Dam je mammayordomo.”³ Jesic jém icuyoxapáppic jém rico moj ijis: “¿Siip, ti wiap anwat siiga accáyaytap yíp yoxacuy? Da wiap anwat tunçac yoxacuy. Atsaaptim iga anwácpa tumiñ. ⁴Siip anjodon ti wiap anwat iga anaidiñ i apictsonpa iticciim cuando dam anaj anyoxacuy. Ananécpa icuenta jém ijatsneyajwiip jém ánoimi. Jesic jeeyaj apictsonpa iticciim cuando atopawum jut ayoxap.”⁵ Jesic jém pixiñ moj inwejayaj jém ijatsneyajwiip jém iomi. Icwác jém mojewiip miñi. Inímáy: “¿Jutsan injatsne jém ánoimi?”⁶ Nimpa: “Anjatsne cien barril de aceite.” Jesic jém icuyoxapaap jém rico inímáy jém ijatsnewiip: “Yiim it jém imvale. Miñi micofi yiim, wati tunçac vale. Accaami no más cincuenta barril.”⁷ Ocmi icwác jém tunçac pixiñ, inímáy: “¿Mich, jutsan injatsne jém ánoimi?” Jesic nimpa jém pixiñ: “Ich anjatsne cien carga de trigo.” Jesic jém icuyoxapaap jém rico inímáy: “Yiim it jém imvale, wati tunçac vale. Accaami no más ochenta carga.”⁸ Ocmi cuando imaton jém rico, nimpa: “Tsam jáyayanjichich jém acuyoxapaap idic.”

Jesic Jesús inímáy jém icuyujçwiñ:

—Jém ityajwiip yíp naxyucmi, jém dapic icupicyajpa Dios, jeeyaj más jáyayanjichich que jém icupicneyajwiip Dios. ⁹Jeeyucmi mannímáypa iga wíwadaayi jém yaachayajpáppic con jém inñtumiñ jém inñitwiip yíp naxyucmi. Jesic inñit amigo iga mipictsonpa sinyucmi cuando micaaba.

¹⁰Siiga tum pixiñ iwíwatpa cuenta tum cosa dapic jutsan, jesic wiaptim iwat cuenta tum cosa jáyanpic. Pero siiga tum pixiñ da iwíwatpa cuenta tum cosa dapic jutsan, jesic datim wiap iwat cuenta tum cosa jáyanpic. ¹¹Siiga mimichtam da wiap inwatta cuenta jém riqueza jém itwiip yíp naxyucmi, jesic Dios datim michiiba jém sinyucmipic riqueza. ¹²Siiga da inwíwadap cuenta jém tunçac pixiñ imiichi, jesic da i michiiba jém cosa iga wiap immiicha porque da inwatpa cuenta.

¹³Tum esclavo, tum pixiñ juyñewiip, da wiap icuyoxa wisten iomi. Porque tum itoypa y tum ijóyixpa. Tum iwinanigáypa y jém tunçac da iwíxpa. Da wiap inçuyoxata Dios siiga tsam inñtoypa inñtumiñ.

¹⁴Jém fariseoyaj como tsam itoypa itumiñ, ixiccayajpa jém Jesús cuando imaton ti nim. ¹⁵Pero Jesús inímáy jém fariseoyaj:

—Mimichtam inyaac mininquejtap iga wibic mipixiñ. Miñimanñaayap iga wibic mipixiñ. Wiap immigóyayaj jém inñiwitam, pero Dios miixpigáypa inñanama, tsam pimi ijóyixpa jém migooyi.

Da i wiap icuyaj jém Dios inmatí

¹⁶Wiñti it idic jém anquímayooyi jém tachiñewiip jém Moisés y jém wiñicpic profeta. Ocmi miñ jém Xiwan jém acchínoypáppic. Moj inmat jém wibic anmatí jutpic injacpa Dios yíp naxyucmi. Siip tsam pimi tigiyajtooba jém pixiñtam jut injacpa Dios.

¹⁷Da i wiap icuyaj jém Dios inmatí. Meega cuyajpa jém sin y jém nas, jém Dios inmatí tienes que iccupacpa, da togoypa ni tum tiimi ni tum jiti.

*Odoy tsaci inñyomo iga impicpa tunçac yomo
(Mt. 19:1-12; Mr. 10:1-12)*

18 Siiga tum p̄ixiñ ichacpa iyomo y ipicpa tungac yomo, jesic pejóypa. Siiga tungac p̄ixiñ ipicpa jém yomo, jém tsacnetaw̄ip, jesic pejóypatim.

Jém ricopic p̄ixiñ y jém Lázaro

19 It idic tum p̄ixiñ tsam rico. Siempre w̄icuyajpa con jém w̄ibic puctucu jém tsoowiyw̄ip. Cada jama s̄inap, maymáyp. Tsam w̄i it. 20 Ittim idic tum p̄ixiñ agui yaachap, iñ̄iyi Lázaro. Agui iquimcane puuci iñ̄acyucmi. Nicpa coñi jém Lázaro jém rico itic an̄naca. 21 Tsam yuap jém Lázaro. Icuttooba idic jém ipaccapaap jém rico imesaciim. Jém chimpa icunúcyajpa jém Lázaro, iñ̄emáypa ipuuci. 22 Ocmi ca jém Lázaro. Jém s̄inyucm̄ipic p̄ixiñtam inin̄ic s̄inyucmi jém w̄icom jut it jém Abraham. Jesic ocmi caatim mex jém rico. Cumta. 23 Jém ianama nic iti jut tsam yaachayajpa jém caaneyajw̄ip. P̄imi yaachap jém rico. Cuando ámn̄ic, juumi iix jém Lázaro wagaityaj con jém Abraham. 24 Jesic p̄imi an̄wejpa jém rico. Nimpa: “Manjatun Abraham, ayaachanjami. Acutsadaayi jém Lázaro iga imujiñ ician̄quiñi con ni iga míñiñ amujáy antots iga cupagagaiñ porque s̄iip p̄imi ayaachap juctjom.” 25 Jesic Abraham iñ̄imáy: “Manic, j̄isi iga tsam miw̄iit idic cuando danam micaane. Pero jém Lázaro tsam yaachap idic. Pero s̄iip w̄i itum jém Lázaro, maymay. Mich tsam miyaachap. 26 Mannimáypatim iga it tum mijp̄ic pacus entre aichtam y mimichtam. Da i w̄iap ijac. Siiga ȳimp̄ic nic̄tooba jem̄ic, da w̄iap iñas. Siiga jem̄icp̄ic miñ̄tooba ȳim datim w̄iap iñas.” 27 Jesic nimpa jém rico: “Manjatun Abraham, man̄cunucsaypa, cutsati jém Lázaro anjatun itic̄cim. 28 Anait cinco ant̄iwi. Accutsadaayi jém Lázaro iga iñ̄imáyñi jém ant̄iwitam iga odoy míñiñ ȳim jut tsam ayaachap ansi.” 29 Pero Abraham iñ̄imáy jém rico: “Jeeyaj iniit jém Dios in̄mati jém ijayñew̄ip jém Moisés y jém wiñ̄icp̄ic profeta. W̄iap icup̄icyaj.” 30 Pero nimpa jém rico: “Da icup̄icyajpa, manjatun Abraham, pero siiga nicpa tum jém caanew̄ip, jesic icucacpa ij̄ixi jém ant̄iwitam.” 31 Pero jém Abraham iñ̄imáy: “Siiga da icup̄icyajpa jém Dios in̄mati jém ijayñew̄ip jém Moisés y jém wiñ̄icp̄ic profeta, jesic datim icup̄icyajpa siiga miñ in̄madáy tum caanew̄ip idic.”

17

Oday acmalwati tum iñ̄iwi (Mt. 18:6-7, 21-22; Mr. 9:42)

1 Jesic Jesús iñ̄imáy icuyujc̄iwiñ:

—Jutquej it jém malopic cosa iga micmalwatpa. Pero agui uuguytim jém p̄ixiñ jém ict̄an̄cawatpaap it̄iwitam. 2 Tsam jáyay castigo ichiiba Dios jém icmalwatp̄appic jém Dios ip̄ixiñtam. Más w̄i iga cutsénayt̄aiñ iisciyucmi tum molino icha y acpatsiyt̄aiñ lamar jém malopic p̄ixiñ iga jiccaiñ que iga icmalwatpa tum jém yaguiñ̄ipic icup̄icne Dios. 3 Jesic cuidado iga immalwatpa.

Siiga táncay tum iñ̄iwi, an̄jijȳaci iga ichaguiñ jém it̄an̄ca. Siiga icacpa ij̄ixi, wadaayi perdón. 4 Siiga iñ̄iwi mimalwadáypa siete veces tum jama, pero siete veces miñpa miñimáy iga: “Awadaayi perdón, an̄cucacum an̄jixi”, jesic wadaayi perdón siete veces.

Tan̄cupiguiñ iga Dios w̄iap iwat juuts tajiyc̄amayñe

5 Jesic jém doce apóstolyaj miñ iñ̄imayyaj jém Jesús:

—Mánŕomi, ayoxpáttami iga más ançupictámiñ iga Dios wíap iwat juuts ajiycámayñe.

⁶Jesic tánŕomi iñímáy icuyujc#wiñ:

—Siiga uxax inçupicpa iga Dios wíap iwat juuts mijiyámayñe, jesic ocni más inçupicpa. Jex juuts tum mostaza ipac. Da jutsax jém pac, pero ocni naypa, mijap. Numa meega inçupicpa uxax, jesic wíap iñímáy jém sicómoro cuy: “Nawixquímtaji, nigí miñayi lamar.” Jesic jém cuy mimatonpa. Iwatpa juuts iñímáypa.

Jém esclavo iwatpa juuts ip#máypa iŕomi

⁷Siiga iniit mich tum esclavo oy ijít nas o oy iwat cuenta jém imborrego, jesic cuando setum iñticcim, da iñímáypa jém íñesclavo iga miñi miwi-iqui. ⁸Pero mich imp#máypa jém íñesclavo. Iñímáypa iga: “Awadaayi jém anhwccuy. Accaami jém indelantal. Namíñi jém wíccuy, tuni mesayucmi. Wiñti acwiici ich, acñici, jesic ocni miwípa y miñcpatim mex mich.” ⁹Datim inçujíppa jém íñesclavo porque no más iwat juuts ip#máypa iŕomi. ¹⁰Jesaptim mimichtam cuando yaj inwat juuts mip#máypa Dios, jesic más wí iga iñímáypa Dios yimpic: “Aich mich ánesclavo. Da wí iga mich ançujíppa porque no más anwat juuts mich amp#máypa.”

Jesús icpis diez jém p#xiñ jém iniitw#p jém lepra

¹¹Jesic iganam nicpa Jesús Jerusalén, naspa jém naxyucmi Samaria y Galilea. ¹²Núc tum xutu tiganjoj anñaca. Iganam tigiy, ipát diez p#xiñ cupúgáyñeyaj iñaca. Juumi tsíyyaj iga odoy i icmachiñ jém caacuy. ¹³Jesic pimi anweyaypa jém mimneyajw#p, nimaaypa:

—MíJesús, mamMaestro, ayaachanj#mtaami.

¹⁴Jesic Jesús íammats, iñímáy:

—Nigí wiñquejaayi jém panijyaj.

Jesic mojum niçuiyaj. Iganam nicyajpa, jeeti rato wítsíyum jém iñaca, cuáyñeum. ¹⁵Jesic tum de jeeyaj cuando iix iga pisneum, set eybic jut it Jesús. Pimi jiyapa, agui icujíppa Dios. ¹⁶Jesic jém p#xiñ costeñneactij jém Jesús ipuycim. Nímayt# Jesús: “Iyucuidios iga anacpis.” Jém p#xiñ Samariapic. ¹⁷Jesic nimpa Jesús:

—¿Que da midieztam mipista? ¿Jut it jém nueve? ¹⁸¿Set no más yíp Samariapic p#xiñ iga icujíppa Dios? Yíp tungac p#xiñ, da je de Israel.

¹⁹Jesic Jesús iñímáy jém p#xiñ:

—Tsucumi, nicsim. Mich inçupicum iga Dios wíap micpis jeeyucmi micuáyñeum.

Juchis núcpa jém tiempo iga Dios injacpa yíp naxyucmi (Mt. 24:23-28, 36-41)

²⁰Jém fariseoyaj icwácyaj jém Jesús: Iñímáyayaj:

—¿Jup jama tsucumpa Dios iga injacpa yíp naxyucmi?

Jesic Jesús iñímáy:

—Cuando núcpa jém jama iga Dios injacpa yíp naxyucmi da ti íñixtampa ni da ti quejpa. ²¹Da i miñímáypa iga yim injacpa Dios o jeexic injacpa Dios porque siip núcneum iga injacpa Dios jém p#xiñtam iñnamanjom.

²² Ocmi Jesús inmadáy icuyujc#wiñ:

—Ich amiñ siñyucmi iga añwatpa jém Dios iyoxacuy. Núcpa jém tiempo iga michtam tsam inixtamtooba jém jama iga amiñgacpa yíp naxyucmi. Pero da inixtampa. ²³ Núcpa jém miçoyaypaap, miñmáypa iga yim it o jeexic it. Odoy cupici. Odoy nigí aami. ²⁴ Jex juuts quénpa jém majiywiñ, quejpa jutinqej. Jesabam aich, jém aMiññewiip Siñyucmi, cuando amiñgacpa yíp naxyucmi, itumpiy jém ityajwiip wiap aixyaj. ²⁵ Pero wiñi tsam pimi ayaachwattap. Jém pixiñtam, jém ityajwiip siip, tsam ajóyixyajpa; da awixyajpa. ²⁶ Juutstim jém tiempo cuando it idic jém Noé, jesaptim jém tiempo cuando amiñgacpa yíp naxyucmi. ²⁷ Cuando it idic jém Noé, wícyajpatim, ucyajpatim. Ançoomiyajpatim, ichiyajpatim iyommanictam iga ançoomiyajpa hasta que tigiy jém Noé ibarcojom. Jesic quím jém ni, cumon icutero yíp naxyucmi. Actogoyajta itumpiy. ²⁸ Jesanetim jém tiempo cuando it idic jém Lot. Jém pixiñtam wícyajpa y ucyajpatim, juyjúoyajpatim y máymáyoyajpatim, ñipyajpatim y tigayajpatim. ²⁹ Pero cuando put jém Lot de jém atebet de Sodoma, actiñ siñyucmi jucti y azufre juuts chijópa tuj. Actogoyajta itumpiy jém Sodomapic pixiñtam. ³⁰ Jesanetim aich jém aMiññewiip Siñyucmi cuando eybic awiñquejpa yíp naxyucmi, da i ijodon juchá amiñpa.

³¹ Jesic cuando núcum jém jama, siiga químne algunos jém tigançobac, jesic odoy quedañ iga itoppa itraste jém itwiip iticjom. Jém nicnewiip icamjom odoy sediñ iga miñpa ipic itraste. ³² Jistaami ti inasca jém Lot iwichomo. ³³ Jém pixiñ jém tsampic itoypa ivalda yíp naxyucmi tienes que togoypa jém ivalda. Pero jém dapic ijispa ivalda yíp naxyucmi, je da togoypa ivalda.

³⁴ Mannímáypa iga jeetim tsuu, wisten wagamonaypa tseesmi. Tum nanictap, tum tsactap. ³⁵ Wagawayajpa wisten yomo. Tum nanictap, tum tsactap. ³⁶ Wagayoxayajpa wisten pixiñ icamjom. Tum nanictap, tum tsactap.

³⁷ Mu imatonayaj icuyujc#wiñ icwácyaj jém Jesús. Inímayyaj:

—¿MánQmi, jut inascayajpa jempic?

Jesic Jesús inímáypa:

—Tsam wiñquejpa jut caane tum animat, jemum añtuumaneyaj jém nupuyaj. Jesaptim cuando núcpa jém jama, itumpiy pixiñtam wiap iixyaj.

18

Jém cunoya iwágáypa justicia jém juez

¹ Jesic Jesús inmat tum xutu cuento iga inquejáypa jém icuyujc#wiñ iga inwejpátyajiñ Dios cada jama y odoy cutiñaiñ. ² Niñpa Jesús:

—It idic tum atebet tum juez. Da icinpa Dios, datim iwixpa ni tum pixiñ.

³ Iftim jém atebet tum cunoya. Tsam nicpa iam jém juez iga iwitsaguiñ jém ipleito. Niñpa: “Anjiyjací jém amalwadaypápic iga odom más amoogíyiñ.”

⁴ Jém cunoya watciy oy iam jém juez, pero jém juez da imatónáypa. Pero ocmi ijispa icobacjom jém juez: “Ich da añcinpa Dios ni datim añwixpa ni tum pixiñ, ⁵ pero como yíp cunoya tsam miñpa acobacpij, siip anyoxpátpa. Da wiap anyachíy siiga seguido miñpa quejajwati.”

⁶ Niñpatim tánQmi:

—Jistaami ti iwat jém malopic juez. ⁷ Pero da jex jém tanJatun Dios. Tsam iyoxpátpa jém icupinneyajwíp. Da jáypa iyoxpát jém inwejpátpáppic tsuucim y siññi. ⁸ Mannímáypa iga Dios da jáyñe iyoxpátpa ipixiñtam. Pero cuando ich, jém aMiññewíp Siñyucmi, amiñgacpa yíp naxyucmi, da ampátpa wáti jém icupicneyajwíp Dios.

Wisten pixiñ inwejpátyajpa Dios

⁹ It algunos ijsyajpa iga da táñcaíy. Jeeyaj tsam ijóyixyajpa los de más. Jesic Jesús moj inmat tum xutu cuento iga inquejáypa jeeyaj iga táñcaíy itumpiy jém pixiñtam. Inímáy:

¹⁰ —Nicyaj wisten pixiñ jém mijpic masticjom iga iwatyajpa oración. Tum jém fariseopic pixiñ. Tunzac jém ichécpáppic impuesto. ¹¹ Jém fariseopic teñchucum, iyaac iwat oración. Nimpa: “ManDios, iyucuipdios iga ich da ajex juuts jém tunzac pixiñtam jém táñcaiyçwiñ, jém númpáppic y jém pejoypáppic. Ich da ajex juuts yíp ichécpáppic impuesto. ¹² Cada ocho día ich anwatpa ayuno wisciy. ManDios, manchiiba jém décima parte de itumpiy añcoñwiyooyi.” ¹³ Jesic jém ichécpaap impuesto tigiyñeñim masticjom, pero da núcpa jut inwejpátyajpa Dios. Da wiap íamquim siñyucmi. Tsam ixonpa ipecho porque pimi anyáçne iga imalwatne contra jém Dios inquímayooyi. Nimpa jém ichécpáppic impuesto: “ManDios, ayaachanjami, tsam atáñcaíy.”

¹⁴ Jesic nimitim Jesús:

—Mannímáypa iga Dios iccáyay yíp pixiñ itánca. Jesic setum iticciim, dam táñcaíy. Pero Dios da iccáyay jém fariseopic itánca. Porque jém inécpáppic jém itánca, Dios da ipictsonpa. Pero jém dapic inécpa jém itánca, Dios ipictsonpa.

Jesús ichi bendición jém xuxut tsixtam

(Mt. 19:13-15; Mr. 10:13-16)

¹⁵ Jesic tum jama namiñyajtá jém xuxut tsixtam jut it Jesús iga ichigayiñ icqbac iga ichiñ bendición. Pero cuando iixyay jém icuyujçwiñ, iwogayyay jém inimiññeyajwíp jém tsixtam. ¹⁶ Pero Jesús inwejáypa jém tsixtam. Inímáy icuyujçwiñ:

—Ich anwianjam iga miññi aámyaj jém xuxut tsixtam. Odoy anjijjaci. Porque jém tigiyajpaap jut injacpa Dios jex juuts yípyaj xuxut tsixtam. ¹⁷ Numa mannímáypa siiga tum pixiñ da ijécpa iga injacpa Dios juuts tum xutu tsixi, jesic da wiap inñuc jut injacpa Dios.

Tum ricopic anjagooyi icwácpa Jesús

(Mt. 19:16-30; Mr. 10:17-31)

¹⁸ Jesic miñ tum Israelpic anjagooyi iga icwácpa Jesús. Inímáy:

—Wibic Maestro, çti wiap anwat iga ampictsonpa jém vida jém dapic cuyajpa?

¹⁹ Jesic Jesús inímáy jém pixiñ:

—çtiiga miñnampa iga ich awi? It tum jém wibic, je jém tanJatun Dios. ²⁰ Inwijodon jém Dios inquímayooyi: “Odoy pejooyi; odoy accaooyi; odoy nuumi; odoy cumigooyi tunzac pixiñ; toyi jém injatun con jém inapa.”

²¹ Jesic jém pixiñ inímáy Jesús:

—Ich jempigam anwatne dende atsixiñam.

²² Mu imaton, Jesús inímáy:

—No más tum cosa mitogóyay. Cumáyaayi itumpiy jém iniitwüip, chji jém tumiñ jém yaachayajpápic. Jesic iniitpa jáyan wibic riqueza sinyucmi. Jesic mñi atúnjiiyi.

²³ Cuando imatorj jém pxiñ, tsam pimi anyác porque tsam tumiñiy.

²⁴ Cuando Jesús iix iga tsam anyác jém pxiñ, jesic iñimáy los de más:

—Tsam táñca iga jém ricopic núcyajpa jut injacpa Dios. ²⁵ Más dá táñca iñas tum camello jém núncyupac ijsojom que iga tigiyppa tum ricopic jut injacpa Dios.

²⁶ Jesic jém imatorneyajwüip iñimayyajpa Jesús:

—¿Jesic i wiap iciput?

²⁷ Jesús iñimáy:

—Jém dapic wiap iwat jém pxiñtam, wiap iwat Dios.

²⁸ Jesic jém Peto iñimáy Jesús:

—MánQmi, aichtam antsacneum itumpiy jém anaitwüip iga mantúnjyppa.

²⁹ Jesic Jesús iñimáy jém icuyujcwiñ:

—Numa mannímaypa, siiga iñchacpa iñtic o iñjaturj o iñapa o iñtjwitam o iñyomo o immanictam iga nicpa iñwat juuts mipimíyppa Dios, ³⁰ jesic Dios miwíyojpa yíp naxyucmi, ocmi nicpa miñti con Dios para siempre.

Eybic iñmatpa Jesús iga accaatap

(Mt. 20:17-19; Mr. 10:32-34)

³¹ Jesic Jesús iñwejput jém doce icuyujcwiñ, iñimáy:

—Matonṭaami, siip tanicpa Jerusalén. Jém wiñicpic profeta ijaychacne ti annascaaba aich jém aMiññewüip Sinyucmi. Jemic Jerusalén cupacpa itumpiy juuts ijaychacne. ³² Acijuncottap jém tungac pxiñtam icijjom jém dapic je de Israel. Jeeyaj asaayiyajpa, amalnimayyajpa y atsujcayajpa. ³³ Pimi acótsyajpa, ocmi accaayajpa jém malopic pxiñtam. Pero jém tucunajama acpistap de jut it jém caaneyajwüip.

³⁴ Jém icuyujcwiñ da wiap icutiyyay ti iñimáy jém Jesús. Porque Dios da ijicpa iga wiañ icutiyyi. Anñecne jém jixi para jeeyaj.

Jesús icpis tum cáchti de Jericó

(Mt. 20:29-34; Mr. 10:46-52)

³⁵ Jesic cuando núc noco Jesús jém atebet Jericó, jemum coñ tum cáchti tunajñaca iga iwácpa tumiñ. ³⁶ Mu imatorj iga naspa tsam jáyan pxiñtam, jém cáchti icwácpa ti naspa.

³⁷ Jesic jém ityajwüip iñimayyaj jém cáchti:

—Naxi jém Jesús jém Nazaretpic pxiñ.

³⁸ Jesic pimi añwejpa jém cáchti. Nimpa:

—iMijesús, jém rey David miManic, ayaachanjami!

³⁹ Jesic jém añjagoyñeyajwüip iñicyaj iwogayyajpa jém cáchti. Ipimíyyaj iga odoj jiyiñ. Pero jesic más pimi jyppa jém cáchti. Nimpa:

—Jém rey David miManic, ayaachanjami.

⁴⁰ Jesigam teeñajac Jesús. Ipimíy jém ityajwüip iga inimíñayiñ jém cáchti.

Cuando nanucta jut it Jesús, jesic iñimáy:

⁴¹ —¿Íi iñxunpa iga manwadáypa?

Nimpa jém cáchti:

—Mánŋmi, ansunpa iga actojaayi ánixcuy.

⁴² Jesic Jesús iníimáy:

—Manactojáypa iníixcuy. Iga tsam inçupicne, Dios micpis.

⁴³ Jeeti rato toj jém cáchti iixcuy. Ixixóypam. Mojum itúnjy jém Jesús. Icujíppa Dios. Jesic cuando itumpiy jém pxiñtam iixyaj ti inasca, icujíypa Dios.

19

Jesús y Zaqueo

¹ Jesic tigiy Jesús Jericó, naxi idic jém attebet. ² Jemum it idic tum pxiñ iníyi Zaqueo. Anjagooyi idic de jém impuesto. Tsam pimi rico. ³ Agui iixtooba jém Jesús, pero da wiap porque tsam itñim. Agui chapa jém Zaqueo. ⁴ Jesic póyantsum jém Zaqueo, anjagóy miñic, quim tum sicómoro cuyyucmi iga wiañ iix Jesús porque jemigam naspa. ⁵ Cuando naspa Jesús, iamquimáypa cuyyucmi jut it jém Zaqueo. Iníimáy:

—MíZaqueo, impimi queti. Yíp jama nicpa manjóyáy iníicciim.

⁶ Jesic jicsciy quet jém Zaqueo. Nic ichon jém Jesús, iwagananicpa iticciim. Tsam maymay jém Zaqueo. ⁷ Pero jém pxiñtam da iwianjamyaj iga nicpa Jesús con jém Zaqueo. Moj icujiyyaj jém Jesús. Nimyaj:

—Da wj iga nicpa tanjóyáy tum táñcaiywip iticciim.

⁸ Ocmi teñchucum jém Zaqueo iticciim, iníimáy Jesús:

—Mánŋmi, siip anwécpa itumpiy jém anaitwip. Cuccucmi anchiiba jém yaachayajpápic. Siiga j ammigóyayne iga annúmáy itumiñ, jesic anáseedáypa cuatro veces.

⁹ Jesic nimpa Jesús:

—Yíp jama ciacputtap jém ityajwip yíp ticciim. Táñcaiy idic, pero taich pxiñ, imanictim jém Abraham. ¹⁰ Ich, jém aMiññewip Siñyucmi, miñ ammés jém togoyñeyajwip iga anciacputpa.

Jesús inmat jém cuento de jém diez esclavo (Mt. 25:14-30)

¹¹ Iganam imatonjajpa, Jesús inmadáypatim jeeyaj tum xutu cuento. Porque da juumi jém Jerusalén y jém pxiñtam ijisyajpa iga dam jáyñe núcpa jém tiempo iga Dios injacpa yíp naxyucmi. ¹² Jesic Jesús iníimáy:

—It idic tum wibic pxiñ. Anwejaytap iga niguiñ iccámta juuts tum mijpic anjagooyi. Juumi nicpa ipic jém icargo. ¹³ Pero antes que nicpa, inwejay diez jém icuyoxapaap. Ichi cada tumtum cien tumiñ de plata. Iníimáy jeeyaj: “Nigi mimáymáyooyi iga inyoxacaiñ yíp tumiñ hasta amiñgacpa.” Ocmi nic jém pxiñ. ¹⁴ Pero jém ityajwip jém inaxyucmi tsam ijóyixajpa jém wibic pxiñ. Jesic jeeyaj icutsatyaj anmati hasta jut nicpa ipic jém icargo. Nimyajpa iga: “Da ansuntámpa iga accámta yíp pxiñ juuts ananjagooyi.” ¹⁵ Pero jém wibic pxiñ oy ipic jém icargo. Eybic set iticmi. Mu inúc, inwejay jém icuyoxayajpaap, jém ichiñewip jém tumiñ. Ijodónatooba jutsaj icoñwiyne jém itumiñ. Icwác cada tumtum de jeeyaj. ¹⁶ Núc jém wiñtipic. Nimpa: “Mánŋmi, jém cien tumiñ de plata icoñwiy mil tumiñ de plata.” ¹⁷ Jém anjagooyi iníimáy: “Agui wibic miyoxacawñ. Iga inwiyoxaca jém tumiñ, jesic manaccámpa como tum minjagooyi de diez attebet.” ¹⁸ Ocmi núc jém tungac

icuyoxapaap. Iñímáy: “Mánomi, jém cien tumiñ de plata icoñwíy quinientos tumiñ de plata.” ¹⁹ Jém anjagooyi iñímáy: “Jesic manaccámpa como minjagooyi iga ininjacpa cinco attebet.” ²⁰ Jesic núcpa tunjac jém icuyoxapaap. Nímpa: “Mánomi, yím it jém cien tumiñ de plata. Manaccáyayñe idic tum pañuelojom ²¹ porque agui acinjpa. Ich anjodon iga tsam impimíyypa jém iñyoxacwiñ. Mich inóbáyáy jém tunjac pixiñ imichi pimimi. Tunjac iñippa jém cama, pero mich impinjpa jém cosecha.” ²² Jesic nímpa jém anjagooyi: “Mich tsam mimalo. Síp mançipinjpa con micham ininjmati. Siiga injodon iga tsam ampimíyypa jém anyoxacwiñ y antobáypa jém tunjac pixiñ imichi pimimi y iga ampinjpa jém cosecha jém dapic anñipne, ²³ ¿jesic tiiga da injucocom antumiñ jém banco iga ich ampictsonpa antumiñ con icoñwíyooyi cuando asetum?” ²⁴ Jesic jém anjagooyi iñímáy jém ityajwíp: “Accáyayí yíp pixiñ itumiñ. Chí jém iniitwíp jém mil tumiñ de plata.” ²⁵ Jesic nímyajpa jeejay: “Mánomi, iniitum mil tumiñ de plata.” ²⁶ Pero jém anjagooyi iñímáy: “Jém iniitwíp, anchiiba más. Jém dapic jutsañ iniit, más anaccáyaypa jém uxanpic iniit. ²⁷ Síp namíñi yím jém dapic ixunyajpa iga ich accámta juuts anjagooyi iga ananjacpa. Accaayaji yím anjwiñjom jém malopic pixiñtam.”

Tigiy Jesús jém Jerusalén
(Mt. 21:1-11; Mr. 11:1-11; Jn. 12:12-19)

²⁸ Jesic cuando yaj anmati Jesús, mojgacum niqúi Jerusalén, anjagóypa iñic. ²⁹ Jesic núcyajtoobam jém wisten attebet jém Betfagé y Betania. Cotsic anñaca, jém cotsic iñiyi Olivos. Jesic Jesús icutsat wisten jém icuyujcwiñ iga iwatpa tum mandado. ³⁰ Nímayyajta:

—Nictaami jém tiganjoj jém tánámocnewíp. Cuando miñúctampa, impátampa tum burro tsenne. Jém burro da i queman iquímca. Wjji, anamíñaayi. ³¹ Siiga i micwácpa iga tiiga injwijpa, jesic nímaayi iga jém inñomi ixunpa.

³² Jesic nicyaj jém icutsatneyajwíp, ipátyaj juuts iñímáy Jesús. ³³ Cuando iwijyajpa jém burro, jém iqomi acwágóypa, iñímáy:

—¿Tiiga injwijpa amburro?

³⁴ Jesic jém Jesús icuyujcwiñ icutsonyaj. Iñímayyaj:

—Porque jém tánomi ixunpa.

³⁵ Nanigaytap Jesús jém burro. Jesic jém icuyujcwiñ icutócyajpa jém burro con iyooti. Acquímta Jesús burroyucmi. ³⁶ Iganam nicpa jém Jesús, jém ityajwíp itógayyajpa iyooti tunjom jut witpa jém burro. ³⁷ Jesic núcyajpa no-cojom Jerusalén. Nasyajpa jém cotsicanñaca iñiyi Olivos. Itúnjyyajpa itumpiy jém icupicneyajwíp Jesús. Agui maymayyaj. Pimi jyyajpa. Icujiyyajpa Dios iga agui jáyan wibic milagro iixyaj. ³⁸ Nímayajpa jém Jesús icuyujcwiñ:

—Tanjatun Dios tacutsadáy tum Rey, wí iga iwíwadáyíñ Dios. Maymáyyajpa jém ityajwíp sinyucmi. Síp agui cujíptap tanjatun Dios jém yucmipic it.

³⁹ Jesic algunos jém fariseoyaj jém ityajwíp jém pixiñtamanjom, iñímayyaj jém Jesús:

—Maestro, anjijjaci jém injuyujcwiñ porque icujiyyajpa Dios.

⁴⁰ Pero Jesús iñímáy jém fariseoyaj:

—Mannímaytámpa siiga jeeyaj da icujípyajpa Dios, jesic jyyajpa jém tsa jém itwíp tun anñaca.

⁴¹ Cuando núc nocojóm jém Jerusalén, mu iix jém attebet, agui wejpa Jesús.

⁴² Nimpa:

—Agui miuuguytim mimichtam miittanwüip yíp Jerusalén. Núctip jém wibic anñati iga miciaçputpa Dios, pero mimichtam da inñianjamta. Siip nasum jém jama iga impictsonjámpa jém wibic anñati. ⁴³ Núcpa jém jama iga miyaachwattamta. Jém inñenemigoyaj micuteñxetpa icuwoyo yíp attebet. Mincunúcyajpa cada lado hasta da jut wiaç imput. ⁴⁴ Miccutiñtamta naxyucmi. Miswattaptim itumpiy jém ticyaj, cujegápatim jém tsaataañi. Da tsíypa ni tum jém tsa jut cutatsquetne. Yajpa miccucaaytamta inñumpiytam. Miñtip Dios iga miciaçputtámpa, pero michtam da inñianjamta.

Jesús iwítsac jém mijpic mastic
(Mt. 21:12-17; Mr. 11:15-19; Jn. 2:13-22)

⁴⁵ Jesic tigiy Jesús jém mijpic masticjóm. Iquebacput anñicmi itumpiy jém máymáyoypáppic y jém juyjúoypáppic.

⁴⁶ Jesús inñimáy:

—Jempam jaychacnetá jém Dios inñati, nimpa Dios iga: “Ich antic jut jém ampixiñtam inñejpátyajpa Dios. Pero siip jém númyajpaap yamyajpa jém Dios iticjóm.”

⁴⁷ Jesic ocmi accuyujóypa jém Jesús cada jama jém mijpic masticjóm. Pero jém panij anjagooyiyaj con jém escribaspic maestroyaj con jém Israelpic anjagooyiyaj tsam imétsyajpa jutsap iccaayaj jém Jesús. ⁴⁸ Pero da ipátyajpa jutsap icca. Porque itumpiy jém pixiñtam pími iwianjamyaj iga imatonjajpa jém Jesús inñati.

20

Acwáçta Jesús i icutsat
(Mt. 21:23-27; Mr. 11:27-33)

¹ Tum jama accuyujóypa Jesús jém mijpic masticjóm. Inmadáypa jém pixiñtam jém wibic anñati iga Dios taciaçputpa. Jesic núcyaj jém panij anjagooyiyaj con jém escribaspic maestroyaj. Wagamiñyaj con jém wídaytam.

² Nímayta Jesús:

—Anímaayi: ¿I miñimáy iga inñwatpa yimpic? ¿I mipimíy?

³ Jesic Jesús icutson. Inñimáy:

—Ichgacti manacwáçpa. Anímaayi: ⁴ ¿I ipimíy jém Xiwan jém acchíoypaap? ¿Dios ipimíy o jém pixiñtam?

⁵ Jesic jém anjagooyiyaj moj nanímayajtaji entre jeeyaj:

—Siiga tannímáypa iga Dios ichi ipimi jém Xiwan iga acchíoypa, jesic wiaç tanímáy iga: “¿Jesic tiiga da incupicta?” ⁶ Pero siiga tannímáypa iga Dios da ichi ipimi jém Xiwan, jesic itumpiy jém pixiñtam tanácscaaba tsaami porque jeeyaj icupicyajpa iga nunta profeta jém Xiwan.

⁷ Jesic jém anjagooyiyaj icutsonyaj iga da ijodon j i ichi ipimi jém Xiwan.

⁸ Jesic Jesús inñimáy:

—Ich datim mannímáypa jut ampic jém ampimi iga anñwatpa juuts síp anñwat.

Jém malopic yoxacawiñ
(Mt. 21:33-44; Mr. 12:1-11)

⁹ Jesic Jesús mojpá inmat tum xutu cuento iga inquejáypa jém pixiñtam. Iníamáy:

—It idic tum pixiñ. Iniit tum jaça nas. Iníip tum finca de uvas. Ocmi icnucs jém inñas tungac jutén yoxacawiñ. Jesic jém nas iomi nic iti tungac naxyucmi. ¹⁰ Ocmi núc jém tiempo iga itúcyajpa jém uvas. Jém nas iomi icutsat tum jém icuyoxapaap iga iwéguiñ jém uvas con jém acnucsnetawip jém nas. Pero pimi cóstá, acsetá, da ti ichiiyá. ¹¹ Jesic jém nas iomi icutsat tungac jém icuyoxapaap. Pero cóstátim, malnimaytatim. Datim i ichi jém uvas. ¹² Jesic jém nas iomi tuciy icutsat tungagam jém icuyoxapaap, pero accoowata, quebacputtatim.

¹³ 'Ocmi ijis jém nas iomi: “¿Tí wiap anwat? Ancutsatpa jém ammanic jém tsampic antoypa. Ich animpa iga wixtap jém ammanic.” ¹⁴ Jesic jém pixiñ imaníc nic ipic jém uvas. Pero mu iixyá jém icnucsneyajwip jém nas, nanimayyátpa: “Yíbam ipictsonpa jém ijatun imichi. Siip tanaccaaba. Jesic taichtam tammichap yíp nas.” ¹⁵ Jesic matstá jém pixiñ imaníc, quebacputta, accaata anjicmi.

Jesic Jesús icwác jém pixiñtam:

—Siip anímaayi: ¿Tí iwatpa jém nas iomi con jém malopic pixiñtam? ¹⁶ Ich animpa iga miñpa iccucaáy itumpiy jém icnucsnewip jém inñas. Imétspa tungac iga iyoxacaiñ jém finca de uvas.

Quando imatonjajpa junimpa Jesús, jesic nimyaj jém anjagooyiyaj:

—¡Ni Dios da ixunpa iga tannascaaba jempic!

¹⁷ Jesic Jesús pimi íammats jeeyaj. Iníamáy:

—¿Jesic ti nimtooba jém Dios inmati jém jayñewíp?

Jém ticwatpaap ipatsáy jém tsa.

Ocmi eybictim pinjá,

accámta jut tsucumpa jém tiganñaana.

Siip jeetim tsa icóppacne jém tic.

¹⁸ Nímtim Jesús:

—Siiga michutpa yíp tsaayucmi, micusámáypa juuts tum majcuy. Siiga micuchijquetpa yíp tsa, michíypa juuts pooti.

I tanyojáypa jém impuesto
(Mt. 22:15-22; Mr. 12:13-17)

¹⁹ Jém panij anjagooyiyaj con jém escribaspic maestroyaj imatsyajtooba idic jém Jesús jeeti rato. Porque icutiyyiyaj iga jeeyaj icuyucmi inmatpa jém xutu cuento. Pero da wiap imatsyaj. Icinjajpa jém pixiñtam. ²⁰ Jesic agui icuixyajpa jém Jesús. Icutsatjajpa jém icusutsyajpáppic. Jeeyaj nímanñaayajpa iga icuyucayajpa jém Jesús inquímayooyi. Pero migóypa. Imétsyajpa jutpic wiap iquejajwadayyaj, icijunçotajtooba Jesús jém gobernador icijom. ²¹ Jeeyucmi icwácayajpa Jesús, nímayta:

—Maestro, anjodónata iga ininmatpa jém wibic jixi. Tsam wi jém inñanama. Mich da ammigóyáypa, siempre ininquejpa jém numapic anquímayooyi jém tachiiñewíp Dios. ²² Jesic anímaayi: ¿Wi iga tanyojáypa impuesto jém Romapic anjagooyi o da wi?

²³ Pero Jesús icutiyyiy iga agui jáyayanjichich jém icusutsyajpaap. Iníamáy:

—¿Íiiga ançutitstámpa? ²⁴ Anquejaayi tum jém tumiñ. ¿I iwiñpac, i iñiyi accámayñeta yíp tumiñyucmi?

Jesic nımyaj jém pixiñtam:

—Jém César, jém Romapic anjagooyi.

²⁵ Jesús iñimáy:

—Jesic jém Césarpic imıchi, chiitaami jém César. Jém Diospic imıchi, chiitaami Dios.

²⁶ Pero Jesús da ti inmat jém pixiñtamanjom iga jém ienemigoyaj da wiap iquejajwadayyaj. Ipoñanjamayjpa iga agui wiap icutson Jesús. Jém icutitsyajpáppic dam más jiy.

Jutsap icpisyajta jém caaneyajwıip

(Mt. 22:23-33; Mr. 12:18-27)

²⁷ Ocmi miñ íamyaj Jesús algunos jém saduceoyaj. Jeeyaj da icupicyajpa iga Dios icpispá jém caaneyajwıip. Icwácyajpa jém Jesús, nımyajpa:

²⁸—Maestro, jém Moisés tajaychagayñe iga siiga caaba tum pixiñ y ichacpa iyomo da manıgıy, jesic jém pixiñ itıwi ipigáypa jém iyomo iga inimanıcwatpa. Tsıypa jém imanıic juuts jém caanewıip imanıic. ²⁹ Jesic it idıic tum pixiñ con siete ijaymanıic. Ançoomıypa jém más açhpic. Ocmım ca. Da ichac ni tum imanıic. ³⁰ Jesic jém ipıitsı ipic jém icapay, jém cunoya. Ocmi jém pixiñ caatım mex je. Datım inimanıicwat jém yomo. ³¹ Jesic jém tunçac ijáyuc ipıctım jeetım yomo. Jempıgam iwatyaj icusiete. Ca itumpıy. Ni tum da inimanıicwat jém yomo. ³² Ocmi caatım mex jém cunoya.

³³ Jesic acwácta Jesús:

—Anımaayi cuando acpısyajtap jém caaneyajwıip, ¿jup de jeeyaj tsıypa iga jém yomo iwıdaya? Icusiete iniñçoomıyñeyaj jém yomo.

³⁴ Jesic Jesús icutson. Nımpa:

—Jém ityajwıip yıp naxyucmi jém pixiñtam y jém yomtım ançoomıyyajpa, napıcyajtap. ³⁵ Pero jém wiapaap iñıcyaj sınyucmi, jém icpısyajpáppıic Dios de jém caaneyajwıip, dam ançoomıyyajpa, dam napıcyajtap jém pixiñtam con jém yomtım. ³⁶ Jém nıcyajpáppıic sınyucmi da eybic caayjpa. Tsıyyajpa juuts jém sınyucmıpic pixiñtam. Jeeyaj Dios imanıictım porque Dios ichıııyaj jém jomıpic mıjtay. ³⁷ Jém Dios inmatı, jém ijaychacnewıip jém Moisés, tanquejaytámpa iga acpıstap jém caaneyajwıip. Nımpa iga cuando jípspa jém xutu cuy, Dios iñimáy jém Moisés iga: “Ich jém Abraham aDios, jém Isaac aDios y jém Jacob aDios.” ³⁸ Quejpa iga tanjatun Dios da je jém caanewııppıic iDios, je jém vıvopıic iDios.

³⁹ Jesic jém escribaspic maestroyaj iñımayyaj jém Jesús:

—Maestro, mıwınım.

⁴⁰ Da eybic icwácyajpa. Içınyaj.

I imanıic jém Cristo

(Mt. 22:41-46; Mr. 12:35-37)

⁴¹ Jesic jém Jesús iñimáy jém pixiñtam:

—¿Jutsap iñımyaj iga jém Cristo jém rey David imanıic? ⁴² Pero jém David ijaychacne jém Salmojom:

Jém tanjatun Dios iñimáy jém tánomi Cristo:

“Çoñı yım ananjwıımi

43 hasta que incoñwíy jém mijóyixyajpaap.”

44 ¿Pero jutsap ichíy jém Cristo juuts jém David imānic siiga nĩmtim jém David iga jém Cristo je jém iQmi?

Wogayta jém maestro de jém Israelpic anquĩmayooyi
(Mt. 23:1-36; Mr. 12:38-40; Lc. 11:37-54)

45 Iganam imatonjajpa itũmpiy jém pĩxiñtam, Jesús inquejáypa jém icuyujc#wiñ. Inĩmáy:

46 —¡Nawattaji cuenta! Odoy watĩ juuts iwatyajpa jém escribaspic maestroyaj. Agui iwianjamyaj iga iccámyajpa jém yagatsyootĩ. Agui iwianjamyaj iga tandioschiñ calle. Imétsyajpa jém más yucmipic coñcuy jém sinagoga. Cuando nicpa sijnaji icusúniyyajpa jém más wibic coñcuy jut wícyajpa. 47 Agui jáypa injwejpát Dios iga tamigóyáypa. Pero ocmĩ iccáyáypa jém cunoya itic. Yíp malopic pĩxiñtam ipictsonjajpa tsam mijpic castigo cuando nicpa iyoj itañca.

21

Jém pobrepic cunoya inimiñáy Dios tũm ofrenda
(Mr. 12:41-44)

1 Jém mijpic masticjõm ámqũm Jesús, iix jém ricopic icotyajpa tumiñ jém cajonjõm jut cottap ofrenda. 2 Iixtim tũm pobrepic cunoya. Icot cajonjõm wisten xuxut tumiñ. 3 Nĩmpa Jesús:

—Nũma, mannímáypa iga yíp pobrepic cunoya más chióy que itũmpiy jém miññeyajwĩp. 4 Yĩpyaj rico icotyajpa cajonjõm no más jém cutsýñewĩp. Pero yíp yomo aunque tsam yaachap, icuchíáy Dios itũmpiy jém iniitwĩp. Dam ti initsíy iga ijuypa iwĩccuy.

Nĩmpa Jesús iga miswattap jém mijpic mastic
(Mt. 24:1-2; Mr. 13:1-2)

5 Nĩmyajpa jém icuyujc#wiñ:

—Agui wĩwatneta yíp mijpic tammastic. Agui wĩtampic tsa accamayñeta. Agui wĩtampic xaja jém inimiññewĩp jém pĩxiñtam iga ichiiba Dios.

Jesic nĩmpa Jesús:

6 —Nũcpa jém jama iga miswattap yíp mijpic mastic. Da cutatsquetneeba ichíy ni tũm tsa. Itũmpiy accujegayajtap.

Jém seña iga tánixpa antes que cuyajpa yíp nas
(Mt. 24:3-28; Mr. 13:3-23)

7 Jesic jém icuyujc#wiñ icwácyaj jém Jesús. Nĩmayta:

—¿MamMaestro, juchis naspa yĩpyaj cosa? ¿Jup seña tánixtampa cuando nũctooba itũmpiy yĩpyaj cosa?

8 Nĩmpa Jesús:

—Nawattamtaji cuenta iga odoy i mimigóyáyĩ. Porque miñyajpa watĩ jém migoyajpaap ich anniyimĩ. Nĩmyajpa iga: “Ich aCristo”; y “Sĩp nũcum jém tiempo.” Pero odoy cupĩci. Odoy túñiyi. 9 Cuando immatonjampa iga miñpa jém guerra y miñpa jém bulla, odoy cĩji. Porque wiñtĩ naspa itũmpiy jexpic cosa. Pero danam jobit togoypa yíp nas.

10 Inĩmáyĩm Jesús:

—Tum nación áñayajpa con tunğac nación. Tum naxyucmi iwatyajpa guerra con tunğac naxyucmi. ¹¹ Miñpa jém mijpic nasyixi. Miñpa mijpic yuu, miñpa tsám jáyan caacuy jutinqej. Miñpa jém cosa agui michiganjécpa. Queyajpa jém mijpic seña sinyucmi.

¹² 'Pero wiñti mimatstamtap mimichtam. Mimalwadaytamtap. Mininictamtap jém sinagoga iga miquejajwadaytamtap. MicUcomtamtap cárcel. Mininictamtap jém rey iwiñjom y jém gobernador iwiñjom. Mijóyixtamtap ich ançuyucmi. ¹³ Jesic cuando miñúctampa jém anjagooyicim wiap ininmadayta jém wibic anmati. ¹⁴ Odoy wadaayi caso jutsap inicupujta iñyaac, ¹⁵ porque manchiiba anmati jutpic inçutsonpa. Manchiiba jém wibic jixi. Jém mijóyixpaap da wiap micoñwiy. Da wiap micseedáy jém ininmati. ¹⁶ Algunos de michtam mijóyixtampa jém inñjatuñ o inñapa o inñiwi o inñamigo. Mimatstamtap iga micñijuncottap jém anjagooyicim. Miccaatamtap algunos de mimichtam. ¹⁷ Itumpiy jém pixiñtam jém ityajwñp yíp naxyucmi mijóyixtampa ich ançuyucmi. ¹⁸ Pero da togoypa ni tum inway jém iniiwñp inçobacyucmi. ¹⁹ Siiga iñyaachíypa cuando pimi mimalwadaytap, jesic inçoñwiy jém invida.

²⁰ 'Pero cuando inñixtampa iga cutánsetneum Jerusalén con soldado, jesic inñodontam iga jobit togoypa jém attebet. ²¹ Siiga miit jém naxyucmi de Judea, jesic poytaami, nictaami jém çotsiganjom. Siiga miit jém attebet de Jerusalén, jesic puttaami, poytaami. Siiga miit anñicmi, jesic odoy tigiwi jém attebet. ²² Porque núcum jém jama iga Dios ichiiba castigo jém Jerusaléncpic pixiñtam. Cupacpa jém anmati jém ijaychacnewñp jém wiñicpic anmatcñwiñ. ²³ Agui uuguytim jém yomtam jém maniccomcanewñp y jém ictsúspáppic jém xuxut tsixtam. Porque miñpa tsám jáyan anyaahui yíp naxyucmi. Jém Israelpic pixiñtam ipictsonyajpa tsám mijpic castigo. ²⁴ Cuando miñpa jém guerra tsám jáyan accaayajtap, matsyajtap, nanicyajtap juumi hasta icuwñti yíp naxyucmi. Jém juumipic pixiñtam miñpa iti yíp Jerusalén, imñchap hasta cupacpa jém tiempo iga Dios ijigáypa iga tsíyyajpa jem.

Jutpic miñgacpa jém tánomi Jesús

(Mt. 24:29-35, 42-44; Mr. 13:24-37)

²⁵ 'Jesic quejpa jém seña jém jamyucmi, jém poyayucmi y jém matsaanjom. Itumpiy jém pixiñtam icuwñti yíp mundo tsám pimi çinyajpa cuando imatonyajpa iga pimi jupa y tsigóypa jém lamar. Da icutiñiyajpa ti wiap iwatyaj. ²⁶ Iga agui çinyajpa, jém pixiñtam cupónaquetyajpa cuando iixyajpa ti naspa yíp naxyucmi. Tsigoyyajpa jém matsa jém ityajwñp sinyucmi. ²⁷ Cuando amiñgacpa, aich jém aMiññewñp sinyucmi, jesic itumpiy jém pixiñtam jutquej yíp naxyucmi wiap aixyaj. Amiñgacpa ucsiyucmi juuts tum mijpic anjagooyi, anamiñpa jém Dios ipimi. ²⁸ Cuando moypa nañi yípyaj cosa, maymáyaj, agámquimi inçobac, porque dam jáyñe miciaçputtampa Dios.

²⁹ Inmatim Jesús yíp xutu cuento:

—Ámtaami jém tsuj y jém tunğac cuyyaj. ³⁰ Siiga inñixtampa iga químpa jém mañipic iay, jesic inñodon iga da jáypa naspa jém cujamsin, miñtooba jém cutujci. ³¹ Jesanetim cuando inñixtampa iga naspa yíp cosa, inñodontam iga núctoobam jém jama iga Dios inñajpa yíp naxyucmi.

³² 'Numa mannímaytámpa iga da yajpa cucaayiyaj jém ityajwíip jém tiempo hasta cupacpa itumpiy juuts mannímayñe. ³³ Cuyajpa jém sñj y jém nas, pero ich anañmáti cupacpa, da nunca cuyajpa.

³⁴ 'Cuidado iga manjcupiichciyapa cuando amiñgacpa. Da wí siiga tsám it jém malopic jixi inñanamajom, tsám miucpa, tsám inñispa jém iníitwíip yíp naxyucmi. ³⁵ Jém jama miñpa juuts wimpa tum trampa, ichiganjécyajpa jém pixiñtam icuwíti yíp naxyucmi, jém dapic anjócneyaj. ³⁶ Nawítsacnetamtaji, odoy tsaci iga inñwejpáttámpa Dios iga Dios miyoxpádiñ iga odoy im-malnascañ cuando miñpa jém jama. Jesic wíap inñúc ich anwiñjom jém aMiññewíip Sinyucmi.

³⁷ Jesic sññi Jesús inquejáypa jém ityajwíip jém mijpic másticjom. Tsuucim nicpa iti jém cotsicyucmi, jém cotsic inñyi Olivos. ³⁸ Cada cuqueja nicyajpa jáyan jém pixiñtam jém mijpic másticjom iga imatonyajpa jém Jesús.

22

Jém ienemigoyaj ijisyajpa jutsap imatsyaj jém Jesús (Mt. 26:1-5, 14-16; Mr. 14:1-2, 10-11; Jn. 11:45-53)

¹ Jesic núctooba jém sñj iga icútyajpa jém caxtánañi sin levadura, inñyi jém pascuasñ. ² Jém panij anjagooyiyaj con jém escribaspic maestroyaj imétsyajpa jutsap iccaayaj jém Jesús. Pero da wíap imatsyaj porque icinyajpa jém pixiñtam.

³ Jesic ocmi jém Wocciwiñ tigiy jém Judas Iscariote ianamanjom. Je tum de jém docepic icuyujciwiñ. ⁴ Jesic jém Judas nic inmadáy jém panij anjagooyi y jém comandante de jém másticjompic policia jutsap icijunçot jém Jesús. ⁵ Jesic agui maymayyaj jeeyaj. Inímayyaj iga ichiiba tumiñ jém Judas cuando icijunçotpa jém Jesús. ⁶ Jesic jém Judas iwat trato con jeeyaj. Moj iméts jutpic icijunçotpa jém Jesús cuando da iyaj jém pixiñtam.

Jém tánomi ictsucum jém Santa Cena (Mt. 26:17-29; Mr. 14:12-25; Jn. 13:21-30; 1 Co. 11:23-26)

⁷ Jesic núcum jém jama iga iwatyajpa jém sñj iga icútyajpa jém caxtánañi sin levadura, jém pascuasñ cuando accaayajtap jém mañborrego. ⁸ Jesús icutsat jém Peto con jém Xiwan iga iwítsacpa jém wíccuy. Nímayyajta:

—Nigi wattaami jém wíccuy iga tanacnaspá jém pascuasñ.

⁹ Icwácyajpa jeeyaj, nímayta Jesús:

—¿Jut inñxunpa iga tasiñatámpa?

¹⁰ Icutsonpa Jesús, nímaytap jém Peto y jém Xiwan:

—Cuando mitigiytámpa jém atebet, impáttámpa tum pixiñ ininícpa tum majcuy ni. Túñyitaami hasta núcpa jém ticcim jut tigiyapa. ¹¹ Nímaayi jém tic iomi iga jém imMaestro inímáyapa iga: “¿Jut it jém cuarto jut asiñatámpa con jém ançuyujciwiñ?” ¹² Jesic jém tic iomi minquejáypa tum mijpic cuarto jém yucmipic piso, wítsacneum, jut it itumpiy cosa iga tawícmonjámpa. Jemum wattaami jém wíccuy.

¹³ Jesic nicyaj, ipátyaj jém tic juuts inímáy Jesús. Jemum iwatyaj jém wíccuy iga wícmonyajpa jém pascuasñ.

¹⁴ Jesic núcum jém hora iga wícyajpa. Coñyajum Jesús jém mesacim con jém doce apóstolyaj. ¹⁵ Jesic inímáy jeeyaj:

—Tsam ansunpa iga anwatpa yíp sin con mimichtam antes que ayaachwattap. ¹⁶ Mannímáy támpa iga da eybic tawagawícpa jém pascuasín hasta que núcpa jém jama iga Dios injacpa yíp naxyucmi.

¹⁷ Jesic Jesús ipic tum copa icijjom. Inwejpát Dios.

Jesigam inímáy jém icuyujcwiñ:

—Pictaami yíp copa. Wéctaami entre mimichtam. ¹⁸ Mannímáy támpatim iga da eybic ánuropa yíp uvas iní hasta que miñpa jém jama iga Dios injacpa yíp naxyucmi.

¹⁹ Jesic imatspic tum caxtánañi. Cuando yaj inwejpát Dios, iwéc jém caxtánañi, ichi jém icuyujcwiñ. Inímáy:

—Yíp caxtánañi ich ammijtay. Anchiiba ammijtay iga accaatañ para mimichtam. Wattaami yimpic iga anjstámpa mimichtam.

²⁰ Ocmi jempectim iwat con jém copa. Cuando yajum wiiqui, inímáy icuyujcwiñ:

—Yíp copa jém jomipic trato jém anwatpáppic con mimichtam iga manwitsagáypa inítanca cuando antegáypa annipiñ.

²¹ Siip yim it con taichtam jém acijunotpáppic. It ici yíp mesayucmi.

²² Numa ich accaatap, jeeyucmi jém anjatun Dios acusat yíp naxyucmi. Pero agui uuguytim jém pixiñ jém acijunotpaap jém malopic pixiñtam icijjom.

²³ Jesic moj nacwácyajtaji entre jeeyaj iga i icijunotpa jém iMaestro.

I tsýpa juuts jém más mijpic anjagooyi

²⁴ Ocmi moj añajiyaj jém icuyujcwiñ. Nacwácyajta entre jeeyaj iga i tsýpa juuts jém más mijpic anjagooyi de jeeyaj.

²⁵ Pero Jesús inímáy:

—Yíp naxyucmicpic rey tsam pími iccámpa orde. Tsam ipimíypa jém ipixiñtam. Pero jeeyaj icujípyajpa jém irey aunque agui ipimíy. ²⁶ Pero mimichtam odoy wati jempic. Da wí iga tsam impimíypa jém inítwitam. Entre mimichtam jém más mijpic anjagooyi tienes que tsýpa juuts jém más mañipic. Jém más mijpic tienes que micuyoxatámpa inítumpiytam. ²⁷ ¿I más iníit ipimi, jém coññewip mesacim o jém icuyoxapaap, jém inimiñpáppic jém wíccuy? Mannímáypa iga ich amiñ iga mancuyoxap.

²⁸ Nímtim Jesús:

—Mimichtam siempre miitta con aich cuando tsam acutístá. ²⁹ Jeeyucmi manchiiba jém pími iga michíytamiñ juuts minjagooyítam cuando ich miñpa ananjac jém ityajwip yíp naxyucmi. Siip manchiiba jém ampimi porque ich achiñe jém anjatun Dios. ³⁰ Tawagaitámpa cuando miñpa ananjac jém pixiñtam yíp naxyucmi. Miwíctámpa y miñíctámpa ammesacim. Miwagacoñtámpa jém anjagooyi iconcuyucmi iga inçipinjatamiñ jém doce tribu de jém Israelpic pixiñtam.

Nimpa Jesús iga Peto injécpa

(Mt. 26:31-35; Mr. 14:27-31; Jn. 13:36-38)

³¹ Jesic Jesús inímáy jém Peto:

—MiPeto, ixí iga jém Wocciwiñ miwácnetá inítumpiytam. Tsam micutítspa siiga numa incupicnetá Dios. Micuxicstámpa juuts trigo. ³² Pero ananjewjétpa

Dios para mimich iga odoy iñchaguiñ iga iñcupicpa Dios. Pero ocmi cuando eybic iñcupicsetpa Dios, jesic yoxpaati jém iñtíwítam iga iwícupicyajiñ.

³³ Jém Peto iñímáy Jesús:

—MánQmi, aít listo iga tawaganicpa cárcel con mimich. Wiaptim tanwagaca.

³⁴ Pero jém Jesús iñímáy:

—MiPeto, mannímáypa iga yíptim jama antes que añwejpa jém cayu anañécpa túcciy, miñimpa iga da ánixpicpa.

Núcum jém jama iga yaachwattap jém Jesús

³⁵ Jesic Jesús iñímáy jém icuyujcñwiñ:

—Cuando mancutsatta sin morral, ni jém iñtumiñ accáycuy, ni tunjac iñciac; ¿jesic ti mitogóyáy?

Nimyaj jém icuyujcñwiñ:

—Da ti.

³⁶ Jesic Jesús iñímáy jeeyaj:

—Siiga siip inimiññe jém immorral o jém iñtumiñ accáycuy, jesic wiap ininic. Siiga da iniñ tñm espada, maayi jém iñchamarra iga iñjuypa.

³⁷ Mannímáypa iga numa anaccupacpa jém Dios iñmati jém jaychacnetawñp. Nimpa así: “Matstap jém Cristo, chiitap castigo juuts tñm accaoyñewñp.” Cupacpa itumpiy juuts jaychacnetaj jém Dios iñmati.

³⁸ Jesic nimyaj jém icuyujcñwiñ:

—MánQmi, yñm it wisten espada.

Nim Jesús:

—Itum wñ.

Jesús iñwejpát Dios jém lugar Getsemani

(Mt. 26:36-46; Mr. 14:32-42)

³⁹ Jesic put Jesús, nic juuts icostumbre jém Olivos cotsic. Itññyyaj jém icuyujcñwiñ. ⁴⁰ Cuando núcyaj jém cotsicyucmi, Jesús iñímáy jém icuyujcñwiñ:

—Añwejpáttaami Dios iga odoy ñ wiañ micutítsta.

⁴¹ Jesic Jesús ichac icuyujcñwiñ, nic uxañ más juumi, jutspiy tanwípnicpa tñm tsa. Jemum costeññeactñ, moj iñwejpát Dios. ⁴² Nimpa Jesús:

—Manjatun, siiga mich iñwianjam, odoy jñci iga annascaaba yíp mijpic yaachaji. Pero odoy wati juuts ich ansunpa, wati juuts mich iñwianjam.

⁴³ Jesic miñ iwiñquejáy tñm siñyucmipic pixiñ iga iccamamwadáypa jém Jesús íanama. ⁴⁴ Pero tsam pimi iñispa iga accaatap, jesic más pimi iñwejpátpa Dios. Agui pimi cupijpa hasta witspa naxyucmi juuts nñpiñ.

⁴⁵ Jesic yaj iñwejpát Dios. Tsucum, nic jut it jém icuyujcñwiñ. Ipát iga monyajpa jeeyaj porque tsam pimi anyácneyaj. ⁴⁶ Jesic Jesús iñímáy jém icuyujcñwiñ:

—¿Tiiga mimontámpa? Tsucumtaami. Añwejpáttaami Dios iga odoy ñ wiañ micmalwat.

Matsta jém Jesús

(Mt. 26:47-56; Mr. 14:43-50; Jn. 18:2-11)

47 Iganam jiypa ixi jém Jesús, jesigam núcyaj tsam jáyan p̄ixiñtam. Jém Judas, jém itw̄iip idic con jém docepic icuyujc̄iwiñ, inimiñ jém p̄ixiñtam iga ic̄ijun̄cotpa jém Jesús, icunúc, ichútsáy iacpac. 48 Jesic Jesús iñímáy:

—M̄iJudas, ¿que mich an̄wadáypa atraición aich, jém aMiññew̄iip Siñyucmi, con tum an̄nacatsuuchi?

49 Jesic cuando icuyujc̄iwiñ iixyay iga matst̄a jém Jesús, iñímayyay:

—Mán̄omi, ¿man̄cupujpa con jém espada?

50 Tum de jeeyaj it̄iñ jém cobacpic panij imozo. It̄iñquímáy it̄atsic jém an̄w̄im̄ipic. 51 Pero n̄impa Jesús:

—Odoy w̄ati jempic.

Jesic Jesús itóbáy eybic jém p̄ixiñ it̄atsic. 52 Siibatim mex jém panij an̄jagooyiyaj con jém mijpic mast̄ic in̄jagooyi y jém w̄idaytam. Miñpa imatsyay Jesús. Pero Jesús iñímáy:

—¿Tiiga miñ ammatsta con jém espada y con jém cuy? ¿Que ich an̄umpaap?

53 Jáyum tawagait̄i jém mijpic mast̄icjom, pero da i ammats. Pero siip Dios ij̄icpa iga w̄iap ammatsta. Núc jém hora, w̄iap in̄watta juuts ixunpa jém pīich̄im̄pic ip̄imi.

Jém Peto in̄nécpa jém Jesús

(Mt. 26:57-58, 69-75; Mr. 14:53-54, 66-72; Jn. 18:12-18, 25-27)

54 Jesic matst̄a jém Jesús, nanict̄a jém panij an̄jagooyi it̄icc̄im. Jém Peto ijuumact̄uñy. 55 Jesic jém it̄yajw̄iip jém tigan̄naca icnúcyaj jucti, coñyay iga samyajpa. Jém Peto iwaganacoñ̄it̄im. 56 Jesic tum yomo, jém panij imozo, iix jém Peto iga coñ jut acnúcnet̄a jucti. Tsam iámpa jém Peto, iixpic. Nim jém yomo:

—Yip p̄ixiñ siiba idic con je.

57 Pero jém Peto in̄néc. Iñímáy jém yomo:

—Miyomo, ich da ánixpicpa jém p̄ixiñ.

58 Ocmi tun̄gagam p̄ixiñ iix jém Peto. Nímayt̄a:

—iMich, tum de mijet̄im!

Pero jém Peto iñímáypa jém p̄ixiñ:

—iMip̄ixiñ, da ánixpicpa!

59 Ocmi como tum hora, tun̄gagam p̄ixiñ n̄impatim:

—Numa, yip p̄ixiñ it idic con je, quejpa iga Galileapic.

60 Jesic Peto iñímáy:

—Mip̄ixiñ, da an̄jodon̄ ti s̄ip iññimta.

Jesic jeeti rato iganam jiypa jém Peto, jesigam an̄wej jém cayu. 61 Tán̄omi iámseedáy, iix jém Peto. Jesic Peto ij̄is ti iñímáyñe jém tán̄omi cuando miñímayt̄a jém Peto iga: “Antes que an̄wejpa jém cayu, mich an̄an̄nécpa tuc̄ciy.” 62 Jesic put jém Peto. Tsam p̄imi wejpa. Agui anyácne.

Jém imatsneyajw̄iip Jesús ixaayiyaypa

(Mt. 26:67-68; Mr. 14:65)

63 Jesic jém imatsneyajw̄iip Jesús ixaayiyaypa. Ixonyajpa. 64 An̄mónayt̄a jém Jesús iixcuy con tum puct̄ucu. Jesic icwácay Jesús, nímayt̄a:

—Siiga mixabio, an̄ímaayi i mixon̄.

65 Jesic p̄imi imalmánimayyajpa jém Jesús.

Nanicta Jesús jut antuumaneyaj jém cobacpic panij anjagooyiyaj
(Mt. 26:59-66; Mr. 14:55-64; Jn. 18:19-24)

⁶⁶ Jesic cuquejum, antuumayajpa jém wídaytam jém Israelpic anjagooyiyaj. Ityajtim jém panij anjagooyiyaj con jém escribaspic maestroyaj. Nanicta Jesús jut antuumaneyaj jém wídaytam, jém Sanhedrín. Jesic jém anjagooyiyaj icwácyaj jém Jesús. Nímayta:

⁶⁷ —Siiga miCristo, jém micutsatnewiip Dios, jesic anmati.

Jesic Jesús iñímáy:

—Siiga mannímáypa iga ich aCristo, datim inçupictámpa. ⁶⁸ Siiga mannímáypa iga tiiga micwágoytámpa, jesic mich datim ançutsontámpa ni datim ançutsigaytámpa. ⁶⁹ Pero ich, jém aMiññewiip Siñyucmi, siip nicpa acoñi jém Dios inwimi, jém iniitwip itumpiy ipimi.

⁷⁰ Jesic itumpiy jém ityajwiip icwácyajpa Jesús. Nímyajpa:

—¿Que mich Dios miManic?

Jesic jém Jesús icutson. Nímpa:

—Mich miñimpa iga aicham.

⁷¹ Jesic nímyajpa jém pxiñtam:

—Dam tammétstámpa tunçac testigo, iyaagam nanmatcata.

23

Nanicta jém Jesús iga icüpiñpa jém Pilato
(Mt. 27:1-2, 11-14; Mr. 15:1-5; Jn. 18:28-38)

¹ Jesic tsucumyay itumpiy jém Israelpic anjagooyiyaj. Nanicta jém Jesús jém anjagooyi Pilato iwiñjom. ² Jemum moj iquejajwadadayaj. Nímayta jém Pilato: —Yip pxiñ tsam iccujñayñe jém pxiñtam jém ityajwiip yip naxyucmi. Nímpa iga da wi tanyojpa jém impuesto para jém Romapic anjagooyi. Nímtim iga je jém Cristo, tum Rey.

³ Jesic jém Pilato icwác jém Jesús. Nímayta:

—¿Que mich miRey de jém judíos?

Jesús icutson, iñímáy:

—Nüma juuts mich miñim.

⁴ Jesic Pilato iñímáy jém panij anjagooyiyaj con jém antuumaneyajwiip jem:

—Da ampádáy ni tum itañca yip pxiñ.

⁵ Pero jém pxiñtam más pimi jiyajpa. Nímyajpa:

—Yíbam tsam icujñayñe itumpiy jém ityajwiip yip naxyucmi de Judea con jém inçuímayooyi. Moj inmat jém inçuímayooyi jém naxyucmi de Galilea. Siip núcneum hasta yim.

Nanicta jém Jesús iga icüpiñpa jém anjagooyi Herodes

⁶ Jesic cuando Pilato imaton, acwágóypa. Nímpa:

—¿Pero que yip tum Galileapic pxiñ?

⁷ Cuando icutüyiy iga Galileapic pxiñ, jesic jém Pilato ipimiy iga nanictaiñ Jesús jut it jém Herodes, jém Galileapic gobernador, porque noco it jém Herodes. Miññe joyi Jerusalén. ⁸ Jesic cuando jém Herodes iix Jesús, agui maymay. Dende pecam iixtooba porque imatonne iga wiap iwat jém milagro. Siip ixunpa jém Herodes iga iwadiñ Jesús tum milagro. ⁹ Tsam pimi icwácpa jém Herodes, pero Jesús da icutsonpa. ¹⁰ Ittim idic jém panij anjagooyiyaj

con jém escribaspic maestroyaj. Pimi iquejajwadayyajpa Jesús. ¹¹ Jesic jém Herodes con jém isoldado da iwixiyajpa jém Jesús. Ixaayiyajpa, iccámayyajpa wibic punctucu juuts tum rey. Jesic eybictim nanicta Jesús jém Pilatocim. ¹² Jesic jeetim jama tsíyyaj juuts amigo jém Herodes con jém Pilato, porque wiñti pimi najóyiyajtap idic.

Pimiyta iga accaatañ jém Jesús
(Mt. 27:15-26; Mr. 15:6-15; Jn. 18:39-19:16)

¹³ Jesic jém Pilato intuumawatpa jém cobacpic panij con jém anjagooyiyaj y jém pixiñtam jém ityajwiip jem. ¹⁴ Nimpa jém Pilato:

—Mimichtam anamíñayta yíp pixiñ. Miñimtampa iga tsam iccujíñayñe itumpiy jém pixiñtam jém ityajwiip yíp attebet. Ich anwiciipij. Siip iñixñeta iga da ampádáy itánca tiiga inquejajwadayñeta. ¹⁵ Iciipinñim jém Herodes. Datim ipádáy itánca porque eybictim acutsadáy yim. Tsam wiquejpa iga da ti mal iwatne, da wiap anacca. ¹⁶ Siip anchiiba castigo, jesic ancutsigáypa.

¹⁷ Jém Pilato siempre icutsigáypa tum preso cuando naspá jém siñ. Jém pixiñtam wiap icupij jup preso icutsigáypa. ¹⁸ Pero itumpiy jém pixiñtam, jém ityajwiip jem, pimi jiyajpa. Nimyaj:

—¡Accai yíp pixiñ! ¡Cutsigaayi jém Barrabás!

¹⁹ Yíptim Barrabás cotta cárcel porque ictsucum tum rebelión jém attebet Jerusalén y porque accaoyñe. ²⁰ Jém Pilato icutsigaytooba idic jém Jesús. Eybictim iñimáy jém pixiñtam iga icutsigaytooba. ²¹ Pero jeeyaj más pimi jiyajpa. Nimyajpa:

—¡Cunuuntaami cunusyucmi! ¡Cunuuntaami cunusyucmi!

²² Jesic eybictim jém Pilato iñimáy jém pixiñtam:

—¿Tiiga? ¿Ti mal iwatne? Ich da ampádáy itánca iga accaatañ. Siip anchiiba castigo, jesic ancutsigáypa.

²³ Pero más pimi jiyajpa jém pixiñtam. Nimyajpa iga cunúntañ cunusyucmi. Jesic jém Pilato imatónáy jeeyaj. ²⁴ Iwat juuts iwianjamyaj. ²⁵ Icutsigáy jém Barrabás jém cotnetawwip idic cárcel porque tum rebelde, tsam accaóypa. Cutsigayta juuts ixunyajpa jém pixiñtam. Jém Pilato iciijunodáy Jesús jém malopic pixiñtam iciijom iga imalwadayyajñ juuts iwianjamyaj.

Cunúnta Jesús cunusyucmi
(Mt. 27:32-44; Mr. 15:21-32; Jn. 19:17-27)

²⁶ Jesic nanicta Jesús iga cunúntap cunusyucmi. Iganam niquiyaj, jém soldado ipátayaj tum pixiñ iñiyi Ximoj. Cirenepic pixiñ, seti idic icamjom. Matsta jém Ximoj, accónteñta jém cunus. Itutsapacpa jém Jesús.

²⁷ Itúnjyyajpatim tsam jáyan jém pixiñtam. Nicyajpatim jáyan jém yomtam. Pimi weyjajpa jém yomtam, anjácneyaj iga yaachwattap jém Jesús.

²⁸ Iámseedáy jém Jesús. Iñimáy:

—MíJerusalénpic miyomtam, odoy anawejtaami ich iga ayaachwattap. Wejtaami iga miyaachwattamtap mimichtam con jém immānictam. ²⁹ Porque miñpa jém jama iga nimyajpa: “Tsam maymay jém yomo jém dapic manigiy, jém dapic manicomcane y jém dapic ictsútspa tum tsixi.”

30 Jesic jeetim jama jém ityajw̄ip iñimayyajpa jém cōtsic: “Acujécqueti.” Iñimayyajpatim jém lumu: “Accucumqueti.”

31 N̄imtim Jesús:

—Siiga jempigam iñasca jém tsococuy, ¿jesic ti naspa con jém titsnew̄ip?

32 Nanictap̄tim wisten malopic p̄ixiñ iga accaayajtap̄ tumti lugar con jém Jesús. 33 Jesic núcyaj tum lumuyucmi, iñiyi jém Tsútsobacpac̄im. Jemun cunúnta jém Jesús cunusyucmi. Cada lado cunúnyajtap̄tim jém wisten malopic p̄ixiñ, tum jém in̄w̄imi, tum jém in̄n̄aymi. 34 Iganam cunúntap̄ jém Jesús, in̄wejpát Dios. Iñimáy:

—Man̄jatun, wadaayi perdón yípyaj p̄ixiñtam porque da ijodon̄ ti s̄ip iwatyaj.

Jém soldado iwécyaj jém Jesús ipuct̄ucu. Iwatyaj tum sorteo ī icon̄w̄iypa jém iyagatsyooti. 35 Jém p̄ixiñtam jém ityajw̄ip jem, iámyajpa jém Jesús. Jém Israelp̄ic an̄jagooyiyaj p̄imi ixaayiyajpatim. N̄imyaj:

—Ȳip p̄ixiñ n̄impa iga w̄iap iciacput̄ tun̄gac p̄ixiñ. Jesic siiga n̄uma je jém Cristo, jém icutsatnew̄ip Dios, w̄i iga naciacput̄tañ̄ iyaac.

36 Ixaayiyajpatim jém soldado. Icunúc, ichi jém c̄atsup̄ic vino iga iuguiñ, pero Jesús da iuc. 37 Jesic jém soldado iñimayyaj jém Jesús:

—Siiga mimicham jém judiōsp̄ic miRey, naciacput̄taji iñyaac.

38 Accámayt̄a tum letrero ic̄obacant̄icmi. Jayñe jém letrero tucuten̄ an̄mat̄imi, jém griego, jém latín y jém hebreo. Ȳim̄p̄ic n̄impa: “Ȳibam jém judiōs iRey.”

39 Jesic tum de jém wisten malopic p̄ixiñ, jém cunúnnet̄aw̄ip, p̄imi imaln̄imáy jém Jesús. Iñimáy:

—Siiga mich̄ miCristo, naciacput̄taji iñyaac. Aciacput̄taam̄ifim aichtam.

40 Pero jém tun̄gac iwogáy it̄iw̄i. Iñimáy:

—¿Que mich̄ da in̄c̄in̄pa Dios? S̄ip̄ tampict̄son̄net̄im jex̄p̄ict̄im castigo.

41 Taichtam tanait̄ razon iga tayaachwatt̄ap̄ porque s̄ip̄ tanyojpa jém tant̄an̄ca. Pero ȳip̄ p̄ixiñ da ti mal iwatne.

42 N̄imtim jém p̄ixiñ:

—MiJesús, āj̄isi cuando núcpa jém jama iga mich̄iypa juuts an̄jagooyi.

43 Jesic Jesús iñimáy:

—N̄uma mann̄imáypa iga ȳiptim̄ jama nicpa tawagait̄i paraíso.

Accaat̄a jém Jesús

(Mt. 27:45-56; Mr. 15:33-41; Jn. 19:28-30)

44 Núc cugap̄jama. Cupiich̄a icuw̄iti ȳip̄ naxyucmi. P̄imi piich̄a hasta las tres de la tarde. 45 Jém jama cupiich̄ane. Jém m̄aj̄p̄ic m̄astic̄jom̄ teeñ̄asaj̄tim̄ jém punct̄taañ̄i icuyagats. 46 Jesic Jesús p̄imi j̄iy. N̄im:

—Man̄jatun, man̄c̄īij̄un̄codáypa an̄n̄nama.

Jesic yaj̄ n̄imi, caum̄ jém Jesús.

47 Cuando jém Romap̄ic capitán iix ti iñasca, moj icuj̄ip̄ Dios. N̄impa:

—N̄uma, ȳip̄ tum̄ w̄ibic p̄ixiñ. Da ti mal iwatne.

48 Itump̄iȳ jém p̄ixiñtam, jém an̄tuuman̄eyajw̄ip̄, cuando iixyaj̄ ti acnascat̄a jém Jesús, ixonyajpa ipecho porque p̄imi an̄ȳacneyaj. Ocm̄i set̄yajum̄

iticcim. ⁴⁹ Pero itumpiy jém Jesús iamigoyaj con jém Galileapic yomtam jém miññeyajwiip con Jesús, tsíyyaj juumi iganam íamyajpa ti acnascata jém Jesús.

Cumta Jesús tum tsaajosjom
(Mt. 27:57-61; Mr. 15:42-47; Jn. 19:38-42)

⁵⁰ Jesic ittim jem tum wibic pixiñ iñiyi José, Israelpic anjagooyitim. Siempre iwatpa juuts ixunpa Dios. ⁵¹ Sip injóc jém jama iga Dios injacpa yip naxyucmi. Jém pixiñ tsucum jém atebet Arimatea, jém naxyucmi de Judea. Je da tigycum con jém tungac anjagooyiyaj cuando ijisyaj iga accaatap jém Jesús. ⁵² Jesic jém José nic íam jém Pilato. Iwágáy jém Jesús imijtay. ⁵³ Oy icquedáy jém imijtay jém cunusyucmi. Inmon con wibic puctucu de lino. Icum tum tsaajosjom, watnetawwip, jut da i queman icum tum tsús. ⁵⁴ Yiptim jama jém Israelpic pixiñtam iwataypa jém iwícuy iga wip ijejjaj jém jejcuyjama. Jesic cuando cumta jém Jesús, tsucumtooba jém jejcuy jama.

⁵⁵ Jém yomtam, jém miññeyajwiip de Galilea con Jesús, itúñyyaj jém José iga íamyajpa jém tsaajos y juuts cotneta jém Jesús imijtay. ⁵⁶ Jesic jém yomtam setyay iticcim, iwitsacyajpa jém poofi jém cñpáppic y jém wibic pomada. Ocmi jejjajpa jém jejcuyjama juuts nampa jém anquímayooyi.

24

Acpisnetawum jém Jesús
(Mt. 28:1-10; Mr. 16:1-8; Jn. 20:1-10)

¹ Jesic jém wiñtipic jama de jém semana, tsam tsúyitim, nicgac jém yomtam jém tsaajoscim. Ininicyaj jém pooti cñpaap jém iwatnewwip. Iwagananicyajtim jém tungac yomtam. ² Cuando núcyaj jém tsaajoscim, iixyaj iga ányáñeum jém tsaajos. Anjoobayñetawum jém jos añnúccuy. ³ Tigíyyaj jém yomtam jém tsaajosjom. Dam ipádáy jém tánQmi Jesús imijtay. ⁴ Agui cñyyaj, da icutíyyi ti nasne jem. Jesic iixyaj iga jemum teñ wisten pixiñ, agui tsocpa jém ipuctucu. ⁵ Tsam pími ichiganjécyaj jém yomtam, ámquetneyaj naxyucmi. Jesic jém sinyucmipic pixiñ iñímáy jém yomtam:

—¿íiiga miñ immétsta jém vivopic yim jut cumneta jém caaneyajwiip?

⁶ Je dam i yim. Acpisnetawum. Jistaami juuts miñimayta cuando it idic jém Galilea. ⁷ Miñímáy iga jém Miññewwip Sinyucmi cñjunçottap jém malopic pixiñtam icñjom, cunúntap cunusyucmi, jesic jém tucunajama acpistap.

⁸ Jesic jém yomtam ijisyajpa jém añmati juuts iñimayñe jém Jesús. ⁹ Jesic setyaj jém yomtam de jém tsaajos hasta jut añtuumaneyaj jém once con jém tungac jém Jesús icuyujcwiñ. Inmadayyaj ti iixyaj. ¹⁰ Sibba jém Malía Magdalena, jém Xiwana y jém Malía jém Jacobo iapa. Jeeyaj con jém tungac más yomtam inmadayyaj jém apóstolyaj ti iixyaj jém tsaajosjom. ¹¹ Pero jém Jesús icuyujcwiñ ijisyaj iga miñooyi. Da icupicyaj ti inmadáy jém yomtam.

¹² Jesic póyançumom jém Peto, nic jém tsaajoscim. Áncum jém tsaajosjom, iix no más jém inçunóycuy, tsacneta tum añeymi. Ocmi set jém Peto. Agui tñeñjac, ijspa ijixianjom ti nasne.

Jém Emaús cutuj
(Mr. 16:12-13)

¹³ Jesic jeetim jama nicyajpa jém tiganjoj Emaús wisten jém Jesús icuyujcwiñ. Jém Emaús como once kilómetro ijuumi de jém Jerusalén.

14 Iganam niquiyaj jém wisten icuyujc#wiñ, síp inmatyaj ti iñasca jém Jesús.

15 Iganam anmatyajpa jém wisten, jesigam núc Jesús jut niquiyaj; mojum iwagananicujaj. 16 Dios da ijícpa iga iixpiguñ jém icuyujc#wiñ. 17 Jesic Jesús moj icwác jém wisten, iñímáy:

—¿Tí siip ininmatta iganam miñiquitam tunjom? ¿Tíiga minyácneta?

18 Tum de jeeyaj, iñiyi Cleofas, icutson. Iñímáy:

—¿Mioy Jerusalén y da iñjodon ti nasne jemíc? ¿Que juumipic mipixiñ?

19 Jesic Jesús iñímáy jém pxiñ:

—¿Tí nasne jemíc?

Nimpa jém Cleofas:

—Tsam jáyaj cosa iñasca jém Jesús jém Nazaretpic pxiñ. Je tum profeta tsam wiap, agui wiaptim inmat jém Dios iwiñjom. Itumpiy jém pxiñtam tsam iwixyaypatim. 20 Pero jém cobacpic panijyaj con jém aichtampic ananjagooyiyaj icijuncoyay jém Jesús jém Romapic anjagooyi icijom iga accaatañ. Jemum cunúnta cunusyucmi. 21 Ichtam anjístampa idic iga jém Jesús wiap taciacputta taichtam jém taIsraelpic tapixiñtam. Siip nasneum tucunajama iga accaata. 22 Juten de jém aichtampic yomtam oy iámyaj jém tsaajos tsúyím. Agui atsiganjécta, 23 porque anmadayyaj iga dam i jém tsúts jém tsaajosjom. Anímayta iga iixyaj wisten sinyucmipic pxiñ. Nimpatim jém yomtam iga anmadaytatim iga pisneum jém Jesús. 24 Algunos de aichtam oy iámyaj jém tsaajos. Numa iixyaj jém cosa juuts nim jém yomtam. Pero da iixyaj jém Jesús.

25 Jesic Jesús iñímáy jém wisten icuyujc#wiñ:

—Odoy cuixataami. Agui mijixicomoneta iga da incupictámpa itumpiy juuts ijaychacneyaj jém wiñcpcic profeta. 26 ¿Que da iñjisa iga yaachwattap jém Cristo y ocmi quimpa sinyucmi?

27 Jesic jém Jesús moj inquejáy jém Dios inmatí jém ijaychacnewip jém Moisés y jém wiñcpcic profetayaj. Inquejáypa itumpiy jut jaychacneta de jém Cristo.

28 Jesic núcyajum jém wisten icuyujc#wiñ jém tiganjoj jut nicyajpa. Injamyajpa iga jém Jesús nicpanam más juumi. 29 Jesic jém icuyujc#wiñ iñimayyaj Jesús iga tsiyíñ con jeeyaj. Nímayta:

—Tsiyim yim con aichtam porque tsuuyim, piichabam iti.

Jesic jemum tsíy jém Jesús con jeeyaj. 30 Wagacoñyajum mesacim. Ipic Jesús tum caxtánañi, moj inwejpát Dios. Ocmi iwéc jém caxtánañi con jém wisten icuyujc#wiñ. 31 Jesic Dios ijigáy jém wisten iga iixpiguñ jém Jesús. Pero jeeti rato coñtogoy, da iixyaj jut in. 32 Jesic nacwácyajtap jeeyaj. Nimpa:

—¿Que da iñjisa iga agui imatspa tánanama cuando tanmadáypa tunjom y cuando tanquejáypa jém Dios inmatí?

33 Jesic jeeti rato setyaj jém wisten Jerusalén. Tigiy jém ticjom jut antuumneyaj jém once con jém tungac jém Jesús icuyujc#wiñ. 34 Nímayyajta jém oyñewip jém Emaús.

—Numa, pisneum jém tánomi. Dios icpis. Jém Peto iixñe.

35 Jesic jém wisten inmatyajitim ti iñascayaj tunjom y jutsa miixpicayaj jém Jesús cuando iwécpa jém caxtánañi.

Jesús iwiñquejáy jém icuyujc#wiñ
(Mt. 28:16-20; Mr. 16:14-18; Jn. 20:19-23)

³⁶ Iganam síp inmatyaj jém icuyujc#wiñ, jesigam núc jém Jesús, iwiñquejáy jut antuumaneyaj. Idioschi jeeyaj, inímáy:

—Xutsóytam.

³⁷ Pero jeeyaj agui anjécyaj, cinyaj. Ijisyaj iga iixyaj tum anama. ³⁸ Jesic Jesús inímáy:

—¿Tiiiga minjécnetá? ¿Tiiiga iniitta jexpic jixi inanamajom? ³⁹ Aámaayi jém ançi y ampuy. Icham aJesús. Atsictaami iga incuti#iytámiñ iga da je anama. Porque tum anama da maayíy ni da pagíy juuts ich anait.

⁴⁰ Iganam inmadáy jém icuyujc#wiñ, inquejáy ici y ipuy. ⁴¹ Agui maymayyaj jém icuyujc#wiñ. Como danam iwícupicne, agui tñeanjacyaj. Jesic Jesús inímáy jém icuyujc#wiñ:

—¿Iniitta uxan wíccuy iga ançispa?

⁴² Jesic chiita tum jaca tñipi jaasnew#ip. Chiitatim tum jaca chiñu con inayi.

⁴³ Ipictson jém Jesús. Moj ic#is.

⁴⁴ Ocmi inímáy:

—Siip accupacnetawum jém anmati jém mannímayñew#ip cuando ait idic con mimichtam. Mannímayñe iga tienes que anaccupacpa itumpiy juuts aychagayñe jém Moisés, jém wiñcpic profetayaj y jém Salmojom.

⁴⁵ Jesic jém Jesús ichi jixi jém icuyujc#wiñ iga waiñ icuti#iyay jém Dios inmati jém jayñew#ip. ⁴⁶ Jesús inímáy jém icuyujc#wiñ:

—Jém wiñcpic anmatc#wiñ ijaychacne iga tienes que accaatap jém Cristo jém icutsatnew#ip Dios. Ocmi acpistap jém tucunajama de jut it jém caaneyajw#ip. ⁴⁷ Jesic yiptim Cristo icutsatpa jém icuyujc#wiñ iga inmadayajiñ jém pixiñtam jém wibic anquímayooyi. Mojpa inmatyaj jém atebet Jerusalén. Ocmi núcpa yíp anmati itumpiy jém naciónyaj icuwiti jém naxyucmi. Anmadayajtap jém malopic pixiñtam iga icucaguiñ jém ijixi dapic wi. Cuando cucacum ijixi, jesic Dios iccáyáypa jém itajca. ⁴⁸ Mimichtam wiap ininmadayta jém pixiñtam porque inixñeta ti annascane. ⁴⁹ ¡Maton#taami! Mancutsadáypa jém Dios ipimi juuts mijycámayñe anjatun Dios. Jesic tsíy#taami yíp atebet Jerusalén hasta impictson#tampa jém sinyucmipic pimi.

Químpa Jesús sinyucmi
(Mr. 16:19-20)

⁵⁰ Jesic Jesús ininic jém icuyujc#wiñ hasta jém tiganjoj Betania. Icquím ici, inwejpátpa Dios iga iwíwadáyíñ jém icuyujc#wiñ. ⁵¹ Jesic yajum inwejpát Dios, nic Jesús. Nanictá sinyucmi. ⁵² Costeñyaj jém icuyujc#wiñ iga ijisyajpa Jesús. Ocmi setyajum Jerusalén. Agui pimi maymayyaj. ⁵³ Seguideo wagaityaj jém mijpic masticjom. Icuipyajpa Dios.

Jemum cuyaj.

Jém wibic anmatí jém ijayñewiip jém Xiwan

Jém Dios iManic oy iti yíp naxyucmi juuts tum pixiñ

(1 Jn. 1:1; Ap. 19:13)

¹ Wiñigam cuando moj iti itumpiy cosa, jesic ittim idic jém Dios iManic, iñiyitim jém Anmatí. Jém Dios iManic iwaganait tanjatun Dios. Jém Dios iManic jeetim jém Dios. ² Cuando moj iti itumpiy cosa, jesic jém Dios iManic iwaganait jém tanjatun Dios. ³ Wagayoxayaj iga iwatyajpa itumpiy cosa. Da i ni tum cosa dapic je iwati. ⁴ Je iniit jém vida iga tachuilba. Jém vida je jém jucti jém tsocáppic jém pixiñtam ianamanjem. ⁵ Tsocpa jém jucti piichcim y jém piichi da wiap icpich jém jucti.

⁶ It idic tum pixiñ jém icutsatnewiip Dios, iñiyi Xiwan. ⁷ Cutsatta jém Xiwan iga inmadayiñ jém pixiñtam iga miñpa jém Dios iManic juuts tum jucti. Oy inmaday jém pixiñtam iapaap jém miñpáppic iga icupicyajiñ cuando miñpa. ⁸ Jém Xiwan da je jém jucti, pero oy inmaday jém pixiñtam iapaap jém jucti jém miñpáppic. ⁹ Je jém numapic jucti. Miñ yíp naxyucmi iga iyicqueyajpa itumpiy jém pixiñtam.

¹⁰ Oy iti yíp naxyucmi. Iwaganayoxa jém tanjatun Dios iga iwatyaj yíp nas con itumpiy jém itwiiip yim, pero jém pixiñtam, yíp naxyucmic, da iixpicyaj jém Dios iManic. ¹¹ Oy iti iticmi, jém naxyucmi de Israel, pero jeeyaj da ipictsonyaj. ¹² Pero jém ipictsonyeyajwiip, jém icupicneyajwiip, chiijajta derecho iga tsíyyajiñ juuts jém Dios imanictam. ¹³ Da jex juuts tum pixiñ imaníc jém iwatnewiip yomyucmi, juuts iwianjam jém jatunpic, pero Dios imanigayajpa. Tsíyyaj juuts Dios imanictam.

¹⁴ Oy iti yíp naxyucmi jém Dios iManic juuts tum pixiñ. Maayítim juuts taichtam. Oy iti yíp naxyucmi con aichtam. Ánixayñeta iga inimiñ jém ipimi jém ijatunpic ichiñne jém tumpic iManic. Jém Dios iManic tsam tóyóypa, siempre nuumanmatpa, da migóypa. ¹⁵ Jém Xiwan oy inmaday jém pixiñtam iapaap jém miññewiip. Nim jém Xiwan:

—Yibam jém manñimayñewiip iga ocmim miñpa tum pixiñ más wiap que aich porque ittim idic dende wiñigam cuando danam anayñe aich.

¹⁶ Jém Dios iManic tsam tawiwadayñeta tantumpiytam. Tsam tawijta porque inimiñ jém wibic tóyooyi iga tayaachanjamtamiñ Dios. ¹⁷ Chiita jém Moisés jém wiñicpic anquímayooyi iga anmadayyajtaiñ jém pixiñtam. Jesic ocmi jém Jesucristo oy yíp naxyucmi iga tanquejay jutsap tayaachanjamta Dios y iga tanquejáypa jém numapic anquímayooyi. ¹⁸ Da i queman oypa iix jém tanjatun Dios; pero jém Dios iManic, jém tumpic, jém iwaganaitwiip Dios, tanquejayta juutspic Dios jém tanjatun Dios.

Jém Xiwan jém acchíoyapaap inmatpa de Jesucristo

(Mt. 3:11-12; Mr. 1:7-8; Lc. 3:15-17)

¹⁹ Algunos jém judíos, jém ityajwiip jém Jerusalén, icutsatyaj jém panijyaj con jém levitapic pixiñtam iga icwácyajiñ jém Xiwan. Nímayta:

—Nigi acwaaci jém Xiwan: “¿Mich, mijapaap?”

²⁰ Jesic cuando núcyaj jut it jém Xiwan, je da inyam. Iñimáy jeeyaj:

—Ich da je aCristo jém acutsatnewiip Dios.

²¹ Jesic nımyaj jém panınyaj:

—¿Jesic mıjapaap? ¿Que mıch jém mıElías jém wiñıcpic mıprofeta?

Pero jém Xiwan icutson. İñımáy:

—Ich da aje.

Nımyaj jém panınyaj:

—¿Que mıch jém mıprofeta jém mananjóctampaap?

Jém Xiwan iñımáy:

—Ich datım aje.

²² Jesic jém panınyaj iñımayyaj jém Xiwan:

—¿Mıch, mıjapaap? Anımaayi ıga wiñıñ ananmadayta jém acutsatnewiip. ¿Mıch iñyaac, tı wiap ananmadáy?

²³ Jesic jém Xiwan iñımáy jém panınyaj:

—İcham oy anajıyooyı jém titsınaxyucmı. Oy ananmadáy jém pıxiñtam ıga: “Áñyaayı jém tun, numtsacı, porque mıñpa jém tánQmı”, juuts nımpa jém profeta jém İsaías.

²⁴ Jém fariseoyaj icutsatyajtim jém icwácyajpáppic jém Xiwan.

²⁵ Acwáctatım jém Xiwan, nımayta:

—¿Jesic tııga mıchçıóypa sııga mıch da je mıCristo, nı da je mıElías nı da je mıprofeta jém mıñpáppic?

²⁶ Jém Xiwan iñımáy jeeyaj:

—Ich acchıóypa con nı. Pero yım it mımıchtámanjom tum pıxiñ jém dapıc iñıxpıcnetı. ²⁷ Ocmım mıñ jém pıxiñ, pero más wiap que aıch. Ich da wiap antsıy nı juuts tum imozo ıga anıcuwıjáyáypa jém ıciac.

²⁸ Jempıgam iñasca jém Xiwan jém attebet Betábara, anıwiñtuc de jém río Jordán jıt acchıóypa.

Jém Jesús je jém Dios iCordero

²⁹ Jém tungac jama jém Xiwan iix ıga mıñpa Jesús, iñımáy jém pıxiñtam:

—İxi, jém pıxiñ jeexic mıñpa, je jém Dios iCordero. Accaatap ıga ıccáyáypa itumpıy jém pıxiñtam itánca. ³⁰ Yıbam jém pıxiñ jém manımayñewıip ıga: “Ocmım mıñpa tum pıxiñ, pero más wiap que aıch, porque itım dende wiñıgam cuando danam anayñe aıch.” ³¹ Ich da ıdıc anjodonı japaap jém pıxiñ, pero ıch mıñ acchıóooyı con nı ıga jém itıyajwıip İsrıael wiñıñ ijodónayaj japaap jém Cristo.

³² Nımtım jém Xiwan:

—Ich ánix jém Dios iAnama juuts tum cuucu cuando quet dende sınyucmı. Mıñ itı con je. ³³ Jesic ıch da ıdıc anjodonı japaap jém pıxiñ jém mıñpáppic, pero cuando Dios acutsat ıga acchıóypa con nı, anımay ıga: “Cuando iñıxpa ıga jém Dios iAnama quetpa sınyucmı y mıñ itı con tum pıxiñ, jesic iñjodonı ıga jeam jém inınjópáppic. Acchıóypatım mex je con jém Dios iAnama, da je con nı.” ³⁴ Ich ánix ıga jempıgam iñasca yıp pıxiñ, jeeyucmı wiap manımay ıga yıbam pıxiñ jém Dios iManıc.

Jesús icupıj jém wiñtıpic icuyujcıwiñ

³⁵ Jesic tunıgagam jama jemtıım itıyaj jém Xiwan con wısten jém icuyujcıwiñ.

³⁶ İix jém Xiwan ıga wıdanıaspa jém Jesús. Jesic iñımáy jém icuyujcıwiñ:

—Ixtaami jém p̄ixiñ. Yíbam jém Dios iCordero.

³⁷ Jesic jém wisten icuyujc̄iwiñ imator̄ ti iñímáy, moj itún̄jy jém Jesús.

³⁸ Jesic Jesús iámseedáy, iix iga itún̄jyipa jém wisten, iñímáy:

—¿Tí miñ immétsta?

Nimyaj jém wisten:

—¿Rabí, (taichtam tanañmañimi nimtooba, Maestro), j̄ut miit?

³⁹ Jesic Jesús iñímáy jeeyaj:

—M̄iñi aami.

Jesic nic iám̄yaj j̄ut it Jesús. Jemum iyaj jém j̄ama, núcyaj a las cuatro.

⁴⁰ T̄um de jém wisten jém imator̄neyajw̄iip junimpa jém Xiwan, jém itún̄jyiw̄iip jém Jesús, iñ̄yi Anti. It̄wi jém Ximoj Peto. ⁴¹ Jesic jém Anti wiñi nic iméts it̄wi jém Ximoj, iñímáy:

—Ampátneum jém Mesías. (Taichtam tanañmañimi nimtooba jém Cristo.)

⁴² Ocmi jém Anti ininic jém Ximoj j̄ut it Jesús. Jesic Jesús iwiámpa jém Ximoj, iñímáy:

—Mich miXimoj, jém Jonás mim̄anic, pero siip manacnīyap iga miCefas. (Taichtam tanañmañimi nimtooba iga Peto.)

Jesús in̄wejáypa jém Felipe y jém Natanael

⁴³ Jesic tun̄gagam j̄ama nictooba idic Jesús jém naxyucmi de Galilea. Ipát jém Felipe. Ním̄ayta:

—M̄iñi atún̄j̄yi.

⁴⁴ Ȳip Felipe jém Betsaidapic p̄ixiñ, jeetim attebet j̄ut tsucum jém Anti y Peto. ⁴⁵ Jesic jém Felipe nic iméts jém Natanael, iñímáy:

—Ampátmeta jém p̄ixiñ jém tan̄mayñew̄iip iga miñpa jém Moisés y jém tun̄gac jém wiñ̄c̄pic profeta jém ijayñew̄iip Dios in̄mañi. Je jém Jesús, jém Nazaretpic, jém José im̄anic.

⁴⁶ Nimpa jém Natanael:

—¿Que wiap iput t̄um w̄ibic p̄ixiñ de jém attebet de Nazaret?

Nimpa Felipe:

—M̄iñi aami.

⁴⁷ Cuando Jesús iix iga icunúcpa jém Natanael, iñímáy:

—Ȳim miñpa t̄um nunta Israelpic p̄ixiñ, jém dapic iniñ̄ m̄igooyi.

⁴⁸ Jesic jém Natanael icwác jém Jesús, iñímáy:

—¿Jutsa mánixpic?

Nimpa Jesús:

—Antes que danam miñ̄wejayñe jém Felipe, mánix j̄ut miit jém tsujcuc̄im.

⁴⁹ Jesic jém Natanael iñímáy jém Jesús:

—Rabí, micham jém Dios miM̄anic. Micham miRey de Israel.

⁵⁰ Jesic Jesús icutsoñ, iñímáy:

—Siip mich an̄cup̄cpa porque mannímáy iga mánixñe jém tsujcuc̄im. Núcpa jama iga iñ̄ixpa jém más mijpic milagro. ⁵¹ Numa mannímáypa iga iñ̄ixt̄ampa iga añ̄aypa jém siñ y químpa y quetpa jém siñyuc̄m̄pic p̄ixiñtam aichyuc̄mi, jém aM̄iñ̄ew̄iip Siñyuc̄mi.

2

Jém an̄coom̄īyóycuy jém attebet de Caná

¹ Ocmi nas tucunajama, it tum aŋcoomíyóycuy jém attebet de Caná jém naxyucmi de Galilea, ittim jém Jesús iapa. ² Aŋwejayajtaŋtim jém Jesús con icuyujcwiñ iga niŋuiñ juŋ it jém aŋcoomíyóycuy. ³ Yaj jém vino, jesic Jesús iapa iñímáy:

—Siip yajneum jém vino.

⁴ Jesic jém Jesús iñímáy:

—Yomo, ¿fiiga annímáy iga yajneum jém vino? Danam núcne jém hora iga aŋwatpa jém milagro.

⁵ Jesic jém Jesús iapa iñímáy jém icuyoxayajpaap jém tic iomi:

—Wattaami itumpiy juuts miñímáypa.

⁶ Jemum it seis jém tsaamajcuy. Cucómayñeta ni iga icheeyajpa ici juuts jém judíos icostumbre. Cada jém majcuy iyajpa ochenta o cien litro de ni. ⁷ Jesic Jesús iñímáy jém mozo:

—Comtaami yípyaj majcuy con ni.

Jesic moj icomyaj jém seis majcuy hasta wi com. ⁸ Jesic Jesús iñímáy jém mozo:

—Siip topi uxaj, niŋi chji jém mayordomo de jém siŋ.

Jempigam iwatyaj. ⁹ Jesic jém mayordomo iuc uxaj jém ni jém acsetnetawwip iga vino, pero da ijodon juŋ ipicyaj jém vino. Pero jém mozo, jém itopneyajwip jém ni, ijodon juŋ ipic jém vino. Jesic jém mayordomo iŋwejáy jém piŋiñ jém yoomiypaap. ¹⁰ Iñímáy:

—Jesic nawattap siŋ, itumpiy ichiiba wiñí jém más wibic vino iga iuguñ jém iamigoyaj. Jesic ocmi cuando iucneyajum jáyaj jém wibic vino, jesic chiijajtaŋ jém vino dapic jáya wi. Pero mich iniccáyñe jém más wibic vino hasta siip.

¹¹ Jempam moj iwat Jesús jém milagro jém attebet de Caná, jém naxyucmi de Galilea. Aŋquejayajta jém piŋiñtam iga iniit jém Dios ipimi. Jém icuyujcwiñ tsam icupicyaj jém Jesús.

¹² Jesic ocmim, nic Jesús jém attebet Capernaum. Iwagananicuyaj iapa, itiwitam y jém icuyujcwiñ. Pero jemum da watña jama tsíyyaj.

Jesús iquebacputpa jém númyajpaap jém mijpic masticjom
(Mt. 21:12-13; Mr. 11:15-18; Lc. 19:45-46)

¹³ Jesic jeetim tiempo núctooba jém pascuasij jém iwatyajpáppic jém judíos. Nic Jesús Jerusalén juŋ iwatyajpa jém siŋ. ¹⁴ Y jém mijpic masticjom ipát jém imáyajpáppic jém xix, jém borrego y jém cuucuyaj. Jemum coñyajtim imesaciim jém icucacyajpáppic tumiñ. ¹⁵ Jesic Jesús ipic tum tipxi, iwat tum cótsóycuy. Iquebacput itumpiy jém piŋiñtam jém itwip masticjom con jém xixyay y jém borregoyaj. Ipatspatsquedáy itumiñ naxyucmi jém icucacyajpáppic tumiñ. Ichiputseedáy jém imesayaj. ¹⁶ Iñímáy jém piŋiñtam jém imáyajpaap jém cuucuyaj:

—Toptaami jém cuucuyaj aŋsici. Odoy acsettaami anjatun itic juuts tum mercado.

¹⁷ Jesic jém Jesús icuyujcwiñ ijisyajpa juuts jayñeta jém Dios inmaŋti. Niŋpa: “Ich tsam piŋi aŋwatpa cuenta mich iñtic, manjatun Dios.”

¹⁸ Jesic jém judíos icwácayajpa. Nímayta Jesús:

—¿I mipimíy iga inquebacput jém pixinám? Siiga Dios mipimíy, jestic anquejaayi aichtam tum milagro.

¹⁹ Jesús inímáy jeeyaj:

—Miswattaami yíp mastic, jestic jém tucunajama anactsucumpa eybic.

²⁰ Nimyaj jém judíos:

—Cuarenta y seis amtiy yoxayaj iga iwatyaj yíp mastic. ¿Que wiap inictsum en tucunajama?

²¹ Pero cuando nimpa Jesús iga iwatpa eybic jém mastic, je inmatpa de jém imíjtay. ²² Cuando accaatap jém Jesús y ocmi pispá, jestic jém icuyujcwiñ ijisyajpa ti inímáy jém Jesús. Jestic icupicyaj jém Dios inmati jém jayñetaWiip y jém inmati jém inímayñewiip jém Jesús.

Jesús ijodon ti iniityaj iqanamong jém pixinám

²³ Jestic iganam it Jesús jém Jerusalén, cuando iwatyajpa jém pascuasij, jáyan jém pixinám moj icupicyaj porque iixyaj jém wibic milagro jém iwatnewiip. ²⁴ Pero jém Jesús da iniíayaj confianza jém pixinám, porque ijodon ti iniityaj iqanamong itumpiy jém pixinám. ²⁵ Da ixunpa Jesús iga i inmadáypa iga tsam malo jém pixinám, porque ijodon iga tsam it mal iqanamong.

3

Jém Nicodemo oy iám jém Jesús

¹ It idic tum fariseopic pixiní iníyi Nicodemo, anjagooyi de jém judíos. ² Jém Nicodemo oy iám jém Jesús tsuucim. Mu inúc, inímáy:

—MamMaestro, anjodónata iga Dios micutsat iga anaquejaytámiñ aichtam. Da i wiap iwat jém wibic milagro juutspic mich inwatpa siiga da inwaganait Dios.

³ Jestic Jesús inímáy jém Nicodemo:

—Numa mannímáypa siiga tum pixiní da nayxetpa eybic, jestic da tsíypa juuts Dios imíchi ni da nicpa iti con Dios.

⁴ Jém Nicodemo icwác jém Jesús. Inímáy:

—¿Pero jutsap inayxet tum pixiní tsamipic? ¿Que wiap itigiy eybic jém iapa ipuujom iga nayxetpa?

⁵ Jesús icutson jém Nicodemo. Inímáy:

—Numa mannímáypa siiga tum pixiní da naypa con ni y da naypatim con Dios iAnama, da tsíypa juuts Dios imíchi ni da wiap itigiy jut it Dios. ⁶ Jém nayñewiip jém yomyucmi iniit no más jém vida yíp naxyucmi. Pero jém nayñewiip con Dios iAnama iniit jém sinyucmipic vida. ⁷ Odoy ámanjaci iga mannímáy iga siiga da miñayxetpa eybic da miñucpa jut it Dios. ⁸ Poypa jém sawa jut quej. Tammatonpa iga poypa jém sawa, pero da tanjodon jut miñpa ni jut nicpa. Jesaptim quejpa iga nayñe jém pixiní con Dios iAnama. Pero da tánixpa jutsa miñay.

⁹ Jestic jém Nicodemo inímáy jém Jesús:

—¿Pero que jutsap tannasca jemipic?

¹⁰ Nimpa Jesús:

—¿Que mich miIsraelpic mimaestro y da inçutiiyíypa ti mannímáypa?
 11 Numa mannímáypa aichtam anwíjodonçtam ti síp mannímáy. Mananmadaytámpa jém cosa jém ánixñewiip. Pero michtam da ançupigaytámpa. 12 Siiga mananmadáypa jém cosa jém itwíip yíp naxyucmi y da inçupicpa, ¿jesic jutsap inçupic siiga mananmadáypa jém cosa jém itwíip siñyucmi?

13 'Da i wiap iquím siñyucmi, no más ich wiap anquím. Ich jém aMiññewiip Siñyucmi, aif idic siñyucmi, pero aquet yíp naxyucmi iga anwatpa jém Dios iyoxacuy. 14 Wiñic jém Moisés ipañpa tum cuy, icquím tum tsañwatnas jém cuyucmi cuando oyyaj jém Dios ipixiñtam jém titsinaxyucmi. Jesaptim aich, jém aMiññewiip Siñyucmi, acquímçap tum cuyucmi 15 iga itumpiy jém pixiñtam, jém acupicneyajwíip aich, da togoypa, mas ipictsonyajpa jém vida jém dapic cuyajpa.

16 'Dios tsam itoyya itumpiy jém pixiñtam jém ityajwíip yíp naxyucmi. Jeeyucmi ijíc iga accaata jém tumpic iManic iga itumpiy jém icupicneyajwíip jém Dios iManic da togoypa, mas ipictsonpa jém vida jém dapic cuyajpa. 17 Porque Dios da icutsat iManic yíp naxyucmi iga ichiiba castigo jém pixiñtam. Icutsat iManic iga iciacputyajiñ itumpiy jém ityajwíip icuwíiti yíp naxyucmi.

18 'Siiga tum pixiñ icupic jém Dios iManic, jesic da i ichiiba castigo. Pero jém dapic icupicpa, jesic Dios ijíycámayñe iga ichiiba castigo porque da icupicpa jém Dios iManic jém tumpic. 19 Chiitap castigo jém pixiñtam porque cuando miñ yíp naxyucmi jém wibic juctiançsoca, jesic jeeyaj da iwíanjamyaj. Tsam itoyyajpa jém piichi porque tsam iwíanjam iga imalwatyajpa. 20 Itumpiy jém imalwatyajpáppic ijóyixyajpa jém wibic juctiançsoca. Da icunúcyajpa jém juctiançsoca iga odoy quejiñ iga imalwatyajpa. 21 Pero jém iwatneyajwíip juuts nimpa jém numapic anquímayooyi, icunúcyaj jém wibic juctiançsoca iga quejiñ iga iwíwatyajpa juuts ixunpa Dios.

Jém Xiwan jém acchínoyapaap eybic inçmatpa de Cristo

22 Jesic ocmi jém Jesús con icuyujçwiñ nicayaj jém naxyucmi de Judea. Jemigam nic itiyaj. Acchínoyaypa. 23 Acchínoyapatim jém Xiwan jém attebet Enón nocojom de jém attebet Salim porque jemíc tsam it ni. Nicayaj jém pixiñtam iga acchínyajtaiñ. 24 Porque danam pajneta cárcel jém Xiwan.

25 Jesic algunos de jém Xiwan icuyujçwiñ moj añajiyaj con jém judíos iga ti ixunpa jém Moisés inquímayooyi iga tsíy tum pixiñ çuayñe. 26 Jesic jém Xiwan icuyujçwiñ nic inçmadayyaj jém Xiwan. Inímayyaj:

—Mammaestro, jém pixiñ jém tanjiypátnewiip jém Jordán inwiñtuc, jém annímayñewiip mimich iga jeam jém Dios iManic, sip acchínoyapatim mex je. Nicayajpa itumpiy jém pixiñtam iga itúníyyajpa.

27 Jesic jém Xiwan inímáy jém icuyujçwiñ:

—Siiga da ti tachiiba Dios, jesic da ti tanait. 28 Michtam anwíjatonçneta cuando mananmadayta iga ich da je aCristo. Pero Dios acutsat iga ançagoyñeiñ ammiñ iga anwítsagáypa jém Cristo itun. 29 Cuando it jém ançoomíyócyuy, jesic jém representante wiñti iwítsacpa itumpiy jém cosa. Jesic ocmi miñpa jém yoomíyapaap iga ipictsonpa jém iyomo. Jesic maymay jém representante.

Jesap̄tim aich. Agui amaymay iga núcneum jém Cristo. ³⁰ Siip más jáyan̄ap̄ jém Cristo ipixiñtam. Dam atún̄iyayja jém p̄ixiñtam porque cuyajum jém anyoxacuy.

Jém Miññewiip Siñyucmi tsam wiap

³¹ Jém yucm̄ipic miññe, je más wiap que itump̄iy jém p̄ixiñtam. Pero jém tsucumnewiip ȳip naxyucmi iniit̄ ȳip naxyucm̄ipic j̄ixi. In̄matpa ȳip naxyucm̄ipic an̄quimayooyi. Pero jém yucm̄ipic miññe inimiñ jém más wibic j̄ixi. ³² In̄matpa jém wibic an̄quimayooyi jém iixñewiip y jém imaton̄newiip siñyucmi. Pero jém p̄ixiñtam da icup̄icyajpa jém in̄madayooyi, itump̄iy ij̄isyajpa iga mīgooyi. ³³ Pero ich aXiwan an̄cupic jém in̄quimayooyi y mannímáypa iga je jém numapic, da mīgōpa tan̄jatun̄ Dios. ³⁴ Porque jém icutsatnewiip Dios, in̄matpa jém Dios in̄mafi. Quejpa iga tsam p̄imi chiññeta jém Dios iAnama. ³⁵ Tan̄jatun̄ Dios tsam itoypa jém iManic. Iciijun̄codáy itump̄iy cosa iciijom̄ iga wīaiñ iwat juuts je iwan̄jam. ³⁶ Siiga i icup̄icpa jém Dios iManic, jesic ipictson̄pa jém vida jém dapic cuyajpa. Pero siiga tum̄ p̄ixiñ da icup̄icpa jém Dios iManic, jesic da ipictson̄pa jém vida jém dapic cuyajpa. Dios ichiiba jém p̄ixiñ jém mij̄pic castigo jém dapic cuyajpa.

4

Jesús an̄matyajpa con tum̄ Samariapic yomo jém mut̄cim̄

¹ Jesic imaton̄yay jém fariseoyaj iga más jáyan̄ jém p̄ixiñtam itún̄iyayja jém Jesús que jém Xiwan, icchin̄patim más jáyan̄ p̄ixiñtam. ² Pero jém Jesús iyaac da acchíróypa, nada más acchíroyyajpa jém icuyujc̄wiñ. ³ Mu ijodón̄a jém Jesús ti ij̄isyajpa jém fariseoyaj, jesic put de jém naxyucmi de Judea. Set eybic jém naxyucmi de Galilea.

⁴ Iganam nicpa Galilea jém Jesús, tienes que naspa jém naxyucmi de Samaria. ⁵ Jesic núc jém Jesús tum̄ Samariapic atbet in̄iyi Sicar. Da juumi jém nas jém ichiñewiip wiñgam̄ jém Jacob jém iman̄ic José. ⁶ Jemtim it̄ jém mut̄i jém iwatnewiip jém Jacob. Cugapjama núc jém Jesús. Agui sopsne. Juumi miñ. Jesic coñ Jesús jém mut̄cim̄. ⁷ Jesic jeeti rato núc tum̄ Samariapic yomo. Miñ ipic ni. Jesús in̄imáy jém yomo:

—Acwaaci uxaj ni.

⁸ Da i jém icuyujc̄wiñ. Nic ijuyyay titam icútyajpa jém atbet Sicar. ⁹ Jesic jém Samariapic yomo in̄imáy jém Jesús:

—¿Tiiga an̄wágaypa ni aich? Mich mijudío y ich aSamariapic ayomo.

Jempam nim̄ jém yomo porque jém judíos tsam ijóyixyajpa jém Samariapic p̄ixiñtam. ¹⁰ Jesic Jesús icutson̄ jém yomo. In̄imáy:

—Meega mich in̄jodon̄ i miwágaypa jém ni y meega in̄jodon̄tim iga Dios michiitooba jém wibic ni, jesic mich an̄wágaypa jém ni y ich manchiiba jém wibic ni jém michiipáppic jém vida.

¹¹ Jesic jém yomo in̄imáy jém Jesús:

—Pero mich da inij̄ timi in̄toppa jém ni. Tsam jojmi jém mut̄i. ¿Jutsap̄ in̄top̄ jém ni jém tachiiipáppic vida? ¹² Jém an̄jatun̄wewe ijatun̄ jém Jacob ichac ȳip mut̄i para aichtam. Jém Jacob con jém iman̄ictam nic̄yajpa yim̄. Icn̄icyajpatim̄ jém ian̄imatyaj. ¿Que mich más miwiap̄ que jém Jacob?

¹³ Jesic Jesús in̄imáy jém yomo:

—Itumpiy jém iucyajpáppic yíp ni, yímpic it mutjom, níctitsyajpa eybic.
 14 Pero jém iucpáppic jém ni, jém ichpic anchiiba, dam eybic níctitspa. Jém ni tsíypa juuts tum ni ixcu y ianamanjom. Iyaacquímpa jém ni iga ichiiba jém vida jém dapic cuyajpa.

15 Jém yomo iñímáy jém Jesús:

—Mimich, achji jém ni, jesic dam eybic aníctitspa. Da amiñgacpa yím iga ampícpa ni.

16 Jesús iñímáy jém yomo:

—Nigi anwejaayi jém inwidaya. Miñtaami yím.

17 Nim jém yomo:

—Da ajaayíy.

Jesic Jesús iñímáy:

—Da mimigóypa iga miñímpa iga da mijaayíy. 18 Porque iniit idic cinco inwidaya y jém píxiñ jém siíppic iniit da je inwidaya. Da mimigóypa iga da mijaayíy.

19 Cuando imaton junímpa Jesús, jesic jém yomo iñímáy:

—Quejpa iga mich miprofeta. 20 Aichtam jém aSamariapic anwewetam dende wiñigam ijisyajpa Dios yíp cotsicyucmi. Pero mimichtam miñímtámpa iga solamente Jerusalén wiap tanjista Dios.

21 Jesús iñímáy jém yomo:

—Cupíci siip ti mannímáypa. Núcpa jém jama iga wiap iñjista tanjatun Dios jutquej. Da miñícpa Jerusalén ni datim miquímpa yíp cotsicyucmi iga iníjwejpáttámpa Dios. 22 Mimichtam miitwíip Samaria da injodon iñjístámpa. Pero aichtam jém ajudíospic apíxiñtam ánixpicneta jém nunta Dios porque Dios ichac iga tsucum jém naxyucmi de Israel jém ciacpudoypaap. 23 Siip núctooba jém jama cuando jém numapic icupicneyajwíip Dios ijisyajpa Dios ianamanjom, ijisyajpa juuts nímpa jém numapic anquímayooyi. Jém tanjatun Dios imétspa jém ijisyajpáppic jempic. 24 Tanjatun Dios je tum Anama juuts jém sawa. Jém numapic icupicneyajwíip Dios jeeyaj numa ijisyajpa Dios ianamanjom juuts nímpa jém numapic anquímayooyi.

25 Jém yomo iñímáy Jesús:

—Anjodon iga miñpa jém Mesías jém icutsatpaap Dios, iñiyitim Cristo. Cuando núcneum jém Mesías, jesic tanquejáypa itumpiy jém wítampic anmatí.

26 Jesic Jesús iñímáy jém yomo:

—Icham aje, jém siíppic manañmat.

27 Jeeti rato núcyaj jém Jesús icuyujcwiñ. Tsam ámanjacyaj iga anmatpa Jesús con jém yomo. Pero da i icwác jém yomo iga: “¿Tí miñ imméts?” Ni datim i icwác jém Jesús iga: “¿Tíiga iníjmatpa jém yomo?” 28 Jesic jém yomo ichac imajcuy, nic jém attebet. Nic inmadáy jém píxiñtam:

29—Nigi aami tum píxiñ. Anmadáy aich itumpiy titam anwatne dende wiñic. ¿Que da yíbam jém Cristo?

30 Jesic jeeyaj putyaj jém attebet, nic iámyaj jém Jesús. 31 Iganam nicne jém yomo, jém Jesús icuyujcwiñ iñímayaj:

—MamMaestro, miñi miwiiqui.

32 Pero Jesús iñímáy jém icuyujcwiñ:

—Ich anait wíccuy jém dapic íñixpictámpa mimichtam.

³³ Jesic jém icuyujcñwiñ mojpá nacwácyajtaji entre jeeyaj. Nímyajpa:

—¿Tanañjam iga algunos inimíñáy jém wíccuy?

³⁴ Pero Jesús íñímáy icuyujcñwiñ:

—Cuando añwatpa juuts ixunpa Dios y anaccupacpa jém Dios iyoxacuy jex juuts ich añwíccuy. ³⁵ Michtam miñímtámpa iga: “Togoyñam cuatro meses iga itpa jém cosecha.” Pero ich mannímáypa, ixtaami iga ciñneum jém cosecha. Jáyan jém pñixñtam icupicyajtooba jém Dios inñmati. ³⁶ Jém ipinyajpáppic jém cosecha vojyajtáp. Ipinyajpa jém pñixñtam iga chiitáp jém vida jém dapic cuyajpa. Itumpiy jém inñipneyajwiip y jém ipinyajpáppic jém cosecha wagamaymáayajpa. ³⁷ Numa juuts nímpa jém añmati iga tum pñixñ inñippa jém cama, pero tunğac ipinpa jém cosecha. ³⁸ Mañcutsat iga niguiñ impin jém yoxaji jut mich da inñip. Tunğac yoxayajpa jém camjom, pero michtam impinájpa jém iyoxaji.

³⁹ Jáyan jém Samariapic pñixñtam jém ityajwiip jém atebet Sicar icupicyaj jém Jesús porque jém yomo inñímáy iga: “Jém pñixñ añmadáy itumpiy juuts ich añwatne.” ⁴⁰ Jesic cuando jém pñixñtam núcyaj jut it jém Jesús, icunucsayajpa. Inñimayaj iga: “Tsüyi yim con aichtam.” Jesic jemum tsíy jém Jesús wisna jama. ⁴¹ Jesic iganam accuyujóypa Jesús jém atebet Sicar, mástím jáyanam jém pñixñtam icupicyaj jém Jesús. ⁴² Jesic jeeyaj inñimayaj jém yomo:

—Siip añjodontam iga yíp pñixñ je jém Cristo jém iciacputpáppic itumpiy jém ityajwiip icuwñti yíp naxyucmi. Añjodónata porque anyaac ammatonñeta ti nímpa, da no más iga mich añañmadáy.

Jesús icpis tum mijpic añjagooyi ijaymanic

⁴³ Jemum poychíy wisnajama. Ocmi mojpgacum niqúi jém Jesús jém naxyucmi de Galilea. ⁴⁴ Porque iyaac nim jém Jesús iga: “Wipictsonñap jém profeta jutquej, pero cuando nicpa najíyooyi iticmipic atebet, jém itiwitam da iwipictsonñajpa.”

⁴⁵ Cuando núc Jesús Galilea, jesic jém Galileapic pñixñtam iwipictsonñaj. Porque oy sinajiyaj jém pascuasinj jém Jerusalén. Iixyajtím titam iwatne Jesús jém Jerusalén. ⁴⁶ Nicğac Jesús jém atebet Caná, jém naxyucmi de Galilea, jut icset jém ni iga vino. Jesic jemum it idic tum mijpic añjagooyi, icuyoxap jém rey. Mimne jém añjagooyi ijaymanic jém atebet Capernaum. ⁴⁷ Cuando ijodónap jém añjagooyi iga putneum Jesús jém naxyucmi de Judea y núcneum jém naxyucmi de Galilea, jesic nic íám jém Jesús. Jém añjagooyi icunucsáypa jém Jesús iga niguiñ iticñim iga icpisáyiñ jém ijaymanic porque caatoobam. ⁴⁸ Jesic Jesús inñímáy jém pñixñ:

—Mimichtam, siiga da inñixtámpa jém wibic seña y jém wítampic milagroyaj, da inñcupictámpa iga Dios acutsat yíp naxyucmi.

⁴⁹ Pero jém añjagooyi inñímáy Jesús:

—MánQmi, siñpti tanicpa antes que caaba jém ammanic.

⁵⁰ Jesic Jesús inñímáy jém añjagooyi:

—Siip nicsim inñicmi. Pisneum jém immanic.

Jém p̄ixiñ icupic ti iñímáy Jesús. Mojum seti iticmi. ⁵¹ Iganam seti idic iticmi jém anjagooyi, jesic tunjom ipát algunos de jém icuyoxayajpaap. Miñ imétsyaj jém iomi. Nímayta:

—Pisneum jém immanic.

⁵² Jesic jém anjagooyi icwác jeeyaj iga juchis hora moj uxánjaji iga pistooba jém imanic. Nímajaj:

—Matic a la una de la tarde ichac jém jawañ.

⁵³ Jesic jém ts̄ixi ijatun̄ ijis iga jeetim hora Jesús iñímáy iga: “Pisum jém immanic.” Jesic jém p̄ixiñ icupic Jesús con itumpiy jém ityajw̄ip itic̄im̄.

⁵⁴ Wisten milagro iwat Jesús cuando set jém naxyucmi de Galilea de jém naxyucmi de Judea. Yíp jém ocmipic.

5

Jesús icpis tum p̄ixiñ jém meyc̄im iñ̄iyi Betesda

¹ Jesic yaj iwat jempic, núc jém jama iga jém judíos iwatyajpa tum sin̄ Jerusalén. Nictim mex jém Jesús. ² Jemum Jerusalén it tum meyi watneta, taañian̄aca. Jém ni iñ̄iyi Betesda jém hebreopic an̄mañim̄i. Nocojom it jém taañi ipuerta iñ̄iyi jém Borrego iPuerta. Jém meyan̄aca it cinco corredor.

³ Woneyaj jém corredor jáyañ jém mimneyajw̄ip. Ittim jém cácht̄i, jém cuxuj y jém tusacanew̄ip icumij. Injócyajpa iga tsigóypa jém ni. ⁴ Porque aveces miñpa tum sin̄yucmipic p̄ixiñ iga ictsigóypa jém ni. Jesic jém wiñtipic tigiypa jém meyjom cuando tsigóypa jém ni, p̄ispa de cualquier jém caacuy. ⁵ Jemum it tum p̄ixiñ tsam pecam mimne. Inii tum jém caacuy treinta y ocho am̄tiy. ⁶ Jesic Jesús iix jém p̄ixiñ jut wone. Ijodón̄a Jesús iga tsam pecam mimne, iñímáy jém p̄ixiñ:

—¿In̄wian̄jam iga mipispa?

⁷ Jesic jém mimnew̄ip iñímáy Jesús:

—Mán̄omi, da an̄aj i acucumpa jém meyjom cuando tsigóypa jém ni. Iganam atigiytooba aich, wiñti tigiypa tunjac.

⁸ Jesús iñímáy jém p̄ixiñ:

—S̄ip̄ tsucum̄im, p̄in̄im̄ jém iñchees, w̄itim̄.

⁹ Jeeti rato pisum jém p̄ixiñ, ipin̄ jém ichees, mojum w̄iti.

Watta yíp milagro jém jecuyjama. ¹⁰ Jém judíos p̄imi jójñeyaj. Iñímayyaj jém p̄ixiñ jém pisnew̄ip:

—Yíp jama jém jecuyjama. Jém tanañquímayooyi da ijícpa iga iñchim̄teñpa iñchees yíp jama.

¹¹ Jesic jém mimnew̄ip idic iñímáy jém anjagooyiyaj:

—Jém p̄ixiñ, jém acpisnew̄ip, anímáy iga: “P̄in̄im̄ iñchees. W̄itim̄.”

¹² Jesic jeeyaj icwácayaj, iñímáy:

—¿I miñímáy iga: “P̄in̄im̄ jém iñchees, w̄itim̄”?

¹³ Pero jém acpisnetaw̄ip da ijodon̄ j icpis porque tsam itñim̄ jém lugar y nicneum jém Jesús. ¹⁴ Jesic ocmi Jesús icts̄iy jém p̄ixiñ jém mijpic masticjom. Iñímáy:

—S̄ip̄ mipisneum. Odom malw̄ati eybic iga odoy iññascañi tum cosa más p̄imi malo.

¹⁵ Jesic jém p̄ixiñ nic inmadáy jém judíos iga Jesús jém icp̄isnew̄iip. ¹⁶ Jém judíos ijóyxyajpa Jesús iga acp̄isóȳpa jém jejcuyp̄ama. Jeeyucmi tsam icp̄óȳyyaj jém Jesús. Imétsyay jut̄pic iccaayajpa. ¹⁷ Pero Jesús inímáy jeeyaj: —Jém an̄Jat̄uñ Dios yoxap hasta siip. Ich ayoxaptim.

¹⁸ Jeeyucmi jém judíos más p̄imi iccaayajtooba jém Jesús. Porque da solamente iga yoxap jém jejcuyp̄ama, pero n̄impatim Jesús iga: “Ich jém Dios an̄Jat̄uñ.” Jesic ts̄iy jex juuts tan̄Jat̄uñ Dios.

Jém Dios iM̄anic jextim ip̄imi juuts jém iJat̄uñ

¹⁹ Jesic Jesús inímáy jém p̄ixiñtam:

—N̄uma mannímáypa iga jém Dios iM̄anic da iwatpa juuts ij̄ispa iyaac, iwatpa juuts iix iga iwatpa jém iJat̄uñ. Jém Dios iM̄anic iwatpa jextim juuts iwatne iJat̄uñ. ²⁰ Jém an̄Jat̄uñ Dios itoȳpa jém iM̄anic y inquejáȳpa itump̄iy juuts je iwatpa. Ocmi Dios inquejáȳpatim iM̄anic jém más m̄ijpic milagro y mimichtam tsam miáman̄jact̄ampa cuando in̄ixt̄ampa. ²¹ Porque jém an̄Jat̄uñ Dios icp̄ispa jém caaneyajw̄iip, ichiiba vida. Jes̄aptim iwat jém Dios iM̄anic, ichiibatim vida jém p̄ixiñtam jém iw̄ian̄jamyajp̄áppic. ²² Jém an̄Jat̄uñ Dios da i ic̄ip̄in̄pa. Iccám iM̄anic juuts tum̄ an̄jagooyi iga ic̄ip̄in̄iñ itump̄iy jém p̄ixiñtam, ²³ iga itump̄iy de jeeyaj icuj̄ip̄yajiñ jém Dios iM̄anic. Jém dapic icuj̄ip̄pa jém Dios iM̄anic, jesic datim icuj̄ip̄pa jém an̄Jat̄uñ Dios jém icutsatnew̄iip.

²⁴ N̄imtim Jesús:

—N̄uma mannímáypa mimichtam, siiga immaton̄pa ich anan̄mat̄i y in̄cupic̄pa Dios jém acutsatnew̄iip, jesic iniitum jém vida jém dapic cuyajpa. Jesic da impictson̄pa jém castigo. Mich̄iyñe idic juuts caane jém in̄anama, pero siip vivojam jém in̄anama. ²⁵ N̄uma mannímáypa iga n̄ucpa jém j̄ama y siip n̄ucneum iga jém p̄ixiñtam, jém caaneyajw̄iip, imat̄ónayyajpa jém Dios iM̄anic ij̄iyi. Jém icupicneyajw̄iip ti in̄imáy, ipictson̄yajpa jém vida. ²⁶ Jém an̄Jat̄uñ Dios iniit jém vida y wiap ichi i quej. Ichiñeñim jém iM̄anic jexpictim p̄imi iga jee-gact̄i wiap michi jém vida juutstim an̄Jat̄uñ Dios. ²⁷ Jém Miñ̄new̄iip Siñyucmi chiit̄a jém p̄imi iga ic̄ip̄in̄ jém p̄ixiñtam. Jeeyucmi miñ ȳip naxyucmi. ²⁸ Odo y áman̄jaci cuando mannímáypa iga p̄isyajpa jém caaneyajw̄iip. Porque n̄ucpa jém j̄ama cuando itump̄iy jém p̄ixiñtam, jém caaneyajw̄iip, imat̄ónayyajpa jém ij̄iyi. ²⁹ Itump̄iy jém caaneyajw̄iip putyajpa de jut̄ cumneyajt̄a. Jém iwatneyajw̄iip juuts iw̄ian̄jam Dios, p̄isyajpa iga ipictson̄yajpa jém vida iga dam eybic caaba. Pero jém malopic p̄ixiñtam, p̄isyajpatim iga ipictson̄yajpa jém castigo jut̄ da nunca putpa.

Wīiquejpa iga Jesús iniit Dios ip̄imi

³⁰ Jesic n̄imtim Jesús:

—Ich da ti wiap an̄wat anyaac. An̄c̄ip̄in̄pa jém p̄ixiñtam juuts anímáy Dios. Jeeyucmi ich an̄wic̄ip̄in̄pa porque da an̄watpa juuts ich an̄w̄ian̄jam, pero an̄watpa juuts iw̄ian̄jam jém an̄Jat̄uñ Dios jém acutsatnew̄iip. ³¹ Siiga ich anyaac manan̄madáypa iga Dios acutsat, jesic da i acupigáȳpa jém anan̄madayooyi. ³² It tungac testigo jém miñmadayp̄áppic iga Dios acutsat. Ich an̄jodon̄ iga nuuman̄matpa cuando miñímáypa jut̄ amiñ. ³³ Michtam in̄cutsat jém p̄ixiñtam iga niguiñ icwácyaj jém Xiwan jém acch̄iñoyp̄aap. Jém Xiwan miñuuman̄madáy, da mimigóȳay. ³⁴ Ich da ansunpa jém testigo iga ayoxp̄átpa

aich, pero ammétspa jém testigo iga miyoxpáttámiñ iga miciaçputtámiñ mimichtam. ³⁵ Jém Xiwan jex juuts tum jucti iga miyícquejpa, agui wítsocpa. Cuando it jém Xiwan, mimichtam agui mimaymaytam iga impictson̄ta jém Xiwan in̄químayooyi. ³⁶ Pero it tum testigo más w̄i que jém Xiwan. Jém milagroyaj, jém an̄watnew̄iip, ts̄iy juuts tum testigo para ich. Cuando an̄watpa jém milagro juuts an̄ímáy Dios, jescic quejpa iga Dios acutsat ȳip naxyucmi. ³⁷ Jém an̄Jatur̄, jém acutsatnew̄iip ȳip naxyucmi, ts̄iytim juuts tum testigo iga ich amiñ sin̄yucmi, pero mimichtam da queman immaton̄ta jém Dios īiyi ni da queman iñixta jém icuwiñ. ³⁸ Mimichtam, da inīita jém Dios in̄māti iñanaman̄jom porque da an̄cupicta aich jém acutsatnew̄iip Dios. ³⁹ Mimichtam ts̄am in̄cuyujcatámpa jém Dios in̄māti jém jayñew̄iip porque iñjístámpa iga jemum impátpa jém vida jém dapic cuyajpa. Pero jém Dios in̄māti jém jayñew̄iip, miñmadáypa de aich. ⁴⁰ Mimichtam da mich̄iytamtooba juuts ich man̄cuyujc̄iwiñ iga w̄iañ impictson̄ta jém vida jém dapic cuyajpa.

⁴¹ N̄imtim Jesús:

—Ich da ammétspa jém pixiñtam ȳip naxyucmi iga acuj̄ipyajñ. ⁴² Man̄w̄ixpicpa mimichtam, an̄jodon̄ iga da iñtoytámpa Dios. ⁴³ Ich amiñ jém an̄Jatur̄ Dios iñiyimi, pero mimichtam da ampictson̄ta. Siiga miñpa tun̄gac pixiñ jém dapic je Dios im̄ich̄i, jescic impictson̄támpa. ⁴⁴ ¿Pero jutsap in̄cupicta Dios porque ts̄am minicuj̄iptamtap iñyaac? Da in̄wattamtooba jém w̄itampic cosa iga Dios icutum micuj̄iptámiñ. ⁴⁵ Odoj j̄isi iga ich anaquímpa jém quejaj contra mimichtam jém an̄Jatur̄ Dios iwiñjom. Pero jém Moisés n̄uma iniquímpa jém quejaj contra mimichtam porque miñim̄támpa iga in̄cupicta jém Moisés in̄químayooyi.

⁴⁶ Siiga n̄uma in̄cupicta jém Moisés in̄químayooyi, jescic in̄cupictámpatim iga Dios acutsat porque jém Moisés ijay iga ich amiñpa. ⁴⁷ Pero siiga da in̄cupictámpa ti ijay jém Moisés, ¿jescic jutsap in̄cupic ti mann̄ímáy?

6

Jesús icw̄ic cinco mil pixiñtam
(Mt. 14:13-21; Mr. 6:30-44; Lc. 9:10-17)

¹ Ocmi, cuando yaj iñasca jempic, nic Jesús jém laguna an̄wiñtuc, iñiyi jém laguna Galilea, iñiyitim Tiberias. ² Ts̄am jáyan̄ pixiñtam it̄uñiyayjpa Jesús porque iixyaj jém milagroyaj cuando icpis jém mimneyajw̄iip. ³ Quím Jesús tum çotsicyucmi, iwaganacoñyaj jém icuyujc̄iwiñ. ⁴ Núctooba jém pascuasiñ jém iwatyajpápic jém judíos. ⁵ Cuando ámquím Jesús, iix iga miñyajpa ts̄am jáyan̄ jém pixiñtam. Jescic iñímáy jém Felipe:

—¿Jut w̄iap tan̄juy caxtánañi iga tanacw̄ictámpa it̄ump̄iy ȳipyaj pixiñtam?

⁶ Ichobiyñímáy jém Felipe jempic iga icut̄itspa, porque ijodon̄ Jesús jutsap icw̄ic jém pixiñtam. ⁷ Jescic jém Felipe iñímáy:

—Meega tanait doscientos tumiñ de plata iga tanjuypa caxtánañi, da ictsiypa iga cada tumtum ipictson̄pa uxan̄.

⁸ Jescic jém Anti, tun̄gac jém icuyujc̄iwiñ, jém Ximoj Peto it̄iwi, iñímáy Jesús:

⁹ —Ȳim it tum̄ jaych̄ixi. Iniit cinco caxtánañi de cebada y w̄isten̄ t̄iipi. Pero como ts̄am jáyan̄ ityaj, da ictsiypa ni uxan̄.

¹⁰ Jescic Jesús iñímáy jém icuyujc̄iwiñ:

—Accoñyaji itumpiy jém pixiñtam.

Jesic coñyay múganjom, ityaj como cinco mil jém pixiñtam. ¹¹ Jesic Jesús ipic jém caxtánañi. Cuando yaj inwejpát Dios, ichi jém caxtánañi jém icuyujcwiñ. Jeeyaj iwécyay, ichiiyaj itumpiy jém pixiñtam jém coñyajwiiip. Jempictim iwat con jém tiiipi. Chiijayta juuts ixunyajpa jém pixiñtam. ¹² Jesic cuando cusum wiiquiyaj, iñimáy Jesús jém icuyujcwiñ:

—Siip pin̄taami itumpiy jém cutsiyñewiiip iga odoy togóyiñ ni uxan.

¹³ Jesic ipin̄yaj itumpiy jém cutsiyñewiiip, jém dapic yaj icútyaj jém pixiñtam. Icucomyay doce nacoon̄ con jém cutsiyñewiiip de jém cinco caxtánañi de cebada. ¹⁴ Jesic jém pixiñtam cuando iixyay jém milagro jém iwatnewiiip Jesús, nimyay:

—Numa yíp pixiñ jém Profeta jém tananjóctampáppic iga miñpa yíp naxyucmi.

¹⁵ Pero Jesús icutiíyiy iga miñpa imats jém pixiñtam iga iccámpa pimimi juuts tum̄ rey, jeeyucmi nic icutum̄ tum̄ cotsicyucmi.

*Witpa Jesús jém n̄wiñpacyucmi
(Mt. 14:22-27; Mr. 6:45-52)*

¹⁶ Jesic jocpiichabam̄ jti. Quetyaj jém Jesús icuyujcwiñ jém laguna añnaca.

¹⁷ Tigiyay tum̄ barcojom, moj niquiyaj jém laguna añwiñtuc jém attebet Capernaum. Cupiichawum, pero danam̄ quet̄ jém Jesús. ¹⁸ Jesic moj poyi jém sawa tsam̄ pimi. Agui mij jém niipoa. ¹⁹ Juumi nic jém barco como cinco o seis kilómetro. Icwityajpa jém barco con remos. Jesic jeeti rato iixyay iga miñpa jém Jesús, witpa imiñ jém n̄wiñpacyucmi. Núc nocojom̄ jut̄ it̄ jém barco. Tsam̄ pimi c̄nyaj jém icuyujcwiñ. ²⁰ Jesic Jesús iñimáy jeeyaj:

—Aicham, odoy c̄n̄taami.

²¹ Jesic iwipictson̄yay jém icuyujcwiñ, icquímyaj Jesús jém barcojom. Jesic tum̄ti rato núcyaj jém laguna añnaca jut̄ nicyajpa.

Jém pixiñtam imétsyajpa jém Jesús

²² Jesic icuquejama jém pixiñtam, jém tsíyñeyajwiiip jém laguna añnaca, jut̄ tsucumyay jém Jesús icuyujcwiñ, ijodónayay iga it̄ idic̄ jem̄ no más tum̄ barco. Ijodónayajtim̄ iga jém Jesús da iwagananic̄yay jém icuyujcwiñ barcojom.

²³ Iganam̄ siip̄ ijisyay jém pixiñtam, núcyay wañi jém barco, tsucumyay jém attebet de Tiberias. Núcyaj jém laguna añnaca nocojom̄ jém lugar jut̄ icútyajpa jém caxtánañi jut̄ inwejpát Dios jém tán̄omi. ²⁴ Jesic cuando jém pixiñtam iixyay iga dā ī jém Jesús ni jém icuyujcwiñ, tigiyay jém tum̄gac barcojom, jém yaguiñpic̄ miñyay, nicyajtim̄ jém attebet Capernaum iga imétsyajpa Jesús.

Jesús jém caxtánañi jém tachiiápáppic vida

²⁵ Jesic cuando ipátyaj jém Jesús jém laguna añwiñtuc nimyajpa:

—Mam̄Maestro, ¿juchis̄ miñtuc̄ yim̄?

²⁶ Jesic Jesús iñimáy jeeyaj:

—Numa mannímáypa, mimichtam̄ ammétstampa porque micusta mu in̄cúta jém caxtánañi. Da ammétstampa porque in̄cutiíyiyta ti manañquejayta con jém wibic̄ milagro jém añwatnewiiip. ²⁷ Odoy yoxataami no más para jém wíccuy, jém itwiiip̄ yíp̄ naxyucmi, porque je yajpa. Más w̄i iga miyoxatamiñ para jém tum̄gac wíccuy jém dapic̄ cuyajpa, jém michiiápáppic jém vida jém

dapic cuyajpa. Ich, jém aMiññewiip Siñyucmi, amiñ iga manchiiba jém wícucy jém dapic cuyajpa. Quejpa iga acutsat jém anJatuj Dios porque achi jém pimi iga wiañ anwat jém milagroyaj.

²⁸ Jesic jém pixiñtam iñimáy jém Jesús:

—¿Tí wiap anwatta iga anwattámpa jém Dios iyoxacuy?

²⁹ Jesús iñimáy jém pixiñtam:

—It tum yoxacuy iwianjam Dios iga inwattámiñ, acupictaami aich jém acutsatnewiip Dios yíp naxyucmi.

³⁰ Jesic jém pixiñtam iñimáy jém Jesús:

—¿Que jup seña anaquejáypa mimich iga mancupictámiñ? ¿Jup milagro wiap inwat? ³¹ Jém tanjatujwewetam wiñigam icútyaj jém maná jém titsinaxyucmi. Jayñeta jém Dios inmañi iga: “Chiiyajta jém pixiñtam jém siñyucmipic caxtánañi.”

³² Jesic Jesús iñimáy jém pixiñtam:

—Numa mannímáypa, da je siñyucmipic caxtánañi jém ichiññewiip jém Moisés jém wiñicpic pixiñtam. Pero anJatuj Dios michiiba jém nunta siñyucmipic caxtánañi. ³³ Porque jém caxtánañi, jém michiipáppic Dios, quetpa siñyucmi y ichiiba vida jém pixiñtam jém ityajwiip yíp naxyucmi.

³⁴ Jesic ninyaj jeeyaj:

—MánQmi, achiitaami siempre jexpic caxtánañi.

³⁵ Jesic Jesús iñimáy:

—Ich jém acaxtánañi jém michiipáppic jém vida. Siiga i miñpa atúnjy, jesic da nunca yuap; siiga i acupicpa aich, jesic da nunca níctitspa.

³⁶ Mannímáyta iga mex ánixñeta mimichtam, da ancupictámpa iga michíyiñ juuts ich mancuyujcwiñ. ³⁷ Itumpiy jém pixiñtam, jém achiipáppic jém anJatuj Dios, miñpa atúnjyyaj. Siiga miñpa atúnjy tum pixiñ, ampictsonpa, da anquebacutpa. ³⁸ Porque ich amiñ siñyucmi iga anwatpa juuts iwianjam Dios jém acutsatnewiip. Da amiñ iga anwatpa juuts aich anwianjam. ³⁹ Jém anJatuj, jém acutsatnewiip yíp naxyucmi, da ixunpa iga togoypa ni tum jém pixiñ jém achiññewiip aich. Achiita jém pimi iga wiañ anacpisyaj jém ampixiñtam jém caaneyajwiip jém inanjpigam jama. ⁴⁰ Porque jém anJatuj Dios, jém acutsatnewiip, iwianjam iga itumpiy jém pixiñtam, siiga iixyaj jém iManic, icupicyajpa, ipictsonyajpa jém vida jém dapic cuyajpa. Anacpisyajpa itumpiy jém ampixiñtam jém inanjpigam jama.

⁴¹ Jesic agui jóyñeyaj jém judíos. Icujiyyaj jém Jesús porque nimpa iga: “Ich jém acaxtánañi jém aquetnewiip siñyucmi.” ⁴² Ninyaj jeeyaj:

—¿Que da yibam jém José imaníc? Tánixpígáy jém ijatuj y iapa. ¿Tíiga tanímáypa iga quetne siñyucmi?

⁴³ Jesic jém Jesús iñimáy jém pixiñtam:

—Tsaci iga anjuciytámpa mimichtam. ⁴⁴ Da i wiap imiñ iga acupicpa siiga jém anJatuj Dios da inimiñpa. Ich anacpispá jém ampixiñtam jém caaneyajwiip jém inanjpigam jama. ⁴⁵ Jém wiñicpic profeta ijaychacne jém librojom iga: “Dios iccuyujyajpa itumpiy jém ipixiñtam.” Siip mannímáypa iga itumpiy jém pixiñtam jém iccuyujneyajwiip jém anJatuj Dios, jém imatonjeyajwiip, miñpa atúnjyyaj aich.

46 Nimpatim Jesús:

—Ich anjodon iga da i oypa iix jém anjatun Dios, ich ancutum ánixñe. Porque ich amiñ jut it jém anjatun. 47 Numa mannímáypa, jém acupicpaap aich, ipictsonpa jém vida jém dapic cuyajpa. 48 Ich jém acaxtánañi, jém manchiipáppic vida jém dapic cuyajpa. 49 Mimichtam injatunwewetam, jém wiñicpic, icútyaj jém maná jém titsinaxyucmi. Pero ocmi caayajtim jeeyaj. 50 Pero siip manañmadáypa iga it tungac caxtánañi jém quetnewiip sinyucmi. Siiga i icútpa yíp caxtánañi da eybic caaba. 51 Ichtim mismo jém acaxtánañi jém aquetnewiip sinyucmi. Siiga i icútpa yíp caxtánañi, itpa para siempre. Jém caxtánañi, jém manchiipáppic, ich ammitay. Ich anyaac anjícpa iga accaatap iga anyojáypa jém pixiñtam itánca iga ipictsonyajpa jém vida jém dapic cuyajpa.

52 Jesic jém judíos nacwácyajtap entre jeeyaj. Moj áñajiyaj. Nanímayyajtap: —¿Jutsap tachi jém imijtay iga tanjúdáypa?

53 Jesic Jesús inímáy jeeyaj:

—Ich jém aMiññewiip Sinyucmi, numa mannímáypa siiga mimichtam da incútpa ich ammitay y siiga da inñuca jém annipiñ, jesic da iniñ jém vida iga nicpa miji con Dios. 54 Siiga i icútpa jém ammitay y iucpa annipiñ, iniitum jém vida jém dapic cuyajpa; anacpíspa jém inañpigam jama. 55 Jém ammitay nunta wíccuy y jém annipiñ nunta uccuy, mimatspagáypa inñanama. 56 Siiga i icútpa ammitay y iucpa annipiñ, awaganaitpa aich y ich anwaganaitpa je. 57 Jém anjatun Dios jém acutsatnewiip iniit jém vida. Ich anaitim jém vida porque achiñe jém anjatun. Jesanetim jém ampixiñtam jém icútnewiip jém ammitay, iniityajtim jém vida jém dapic cuyajpa, porque ich anchiñe. 58 Manañmadáypa de jém caxtánañi jém quetnewiip sinyucmi. Yíp caxtánañi da jex juuts jém wíccuy jém maná jém icútneyajwiip jém injatunwewetam wiñigam. Jeeyaj caayajtim itumpiy. Pero siiga i icútpa yíp caxtánañi, iniitpa jém vida jém dapic cuyajpa para itumpiy tiempo.

59 Jesús inquejáypa jempic jém ityajwiip jém sinagoga jém atebet Capernaum.

Tachiita jém vida jém dapic cuyajpa

60 Jáyañ jém icuyujcwiñ cuando imatonayajpa ti nimpá jém Jesús, jesic nimañaj:

—Tsam tánca yíp anquímayooyi. ¿I wiap icupic?

61 Jém icuyujcwiñ mojpa icuyiyaj jém Jesús. Pero je ijodon ti síp inñimayaj, jesic inímáy:

—¿Que da inñianjamta yíp anquímayooyi? 62 ¿Jesic ti inñistámpa siiga mimichtam ánixtámpa, jém aMiññewiip Sinyucmi, cuando aquímgacpa sinyucmi jut ait idic wiñigam? 63 Tum pixiñ ianama iniit jém vida. Pero siiga putpa jém ianama, jesic jém imijtay da ti cuwatcuy. Ich anañmatí, jém manañmadayñewiip, numa iniit jém vida, iniit jém anama. 64 Pero todavía it algunos de mimichtam da incupictámpa ich anañmatí.

Mu icupin Jesús jém icuyujcwiñ ijodon iapaap da icupicpa y iapaap iwadáypa jém atracción. 65 Jesic Jesús inímáy itumpiy jém itunñiyajpaap:

—Jeeyucmi mannímáypa iga da *ı* wıap imiñ iga atúnıyypa siiga jém anJatun Dios da ijıcpa, siiga da anamíñáypa.

⁶⁶ Dende jesigam tsam jáyan jém Jesús icuyujcıwiñ ichaganputyaj iga iwanasıba, da más itúnıyypaj. ⁶⁷ Jesic Jesús icwácpa jém doce icuyujcıwiñ. Nımayta:

—¿Que mimichtam antsaganputpaım?

⁶⁸ İcutson jém Ximoj Peto, inímáy:

—MánQmı, ¿jesic *ı* antúnıyypa? Mimich iniit jém wıbıc anmatı jém tachi-ıpáppıc jém vida jém dapıc cuyajpa. ⁶⁹ Aıchtam manıcupıcnetámum y anıjodónanetámum iga mich miCristo jém Vivopıc Dios miManıc.

⁷⁰ Jesic Jesús inímáy jém icuyujcıwiñ:

—İch manıcupıñeta mimichtam jém doce manıcuyujcıwiñ. Pero tım de mimichtam miwocıwiñ.

⁷¹ İñmatpa Jesús de jém Judas Iscariote, jém Ximoj Iscariote imanıc. Je tım de jém docepıc icuyujcıwiñ, pero iwadáypa atraición jém Jesús.

7

Jém Jesús itıwıtam da icupıcyajpa

¹ Jesic ocni cuando yaj inıquejáy jempıc, sıba Jesús jém naxyucmi de Galilea. Da nıctooba jém naxyucmi de Judea porque jém judíos iccaayajtooba. ² Da jáypa núc jém sıñ iga iwatyajpa jém nacxtıc jém judíos. ³ Jesic jém Jesús itıwıtam inımayyaj:

—¿İıga michıy yım? Nıci jém naxyucmi de Judea iga itımpıy jém inıcuyujcıwiñ jém ityajwıp jém naxyucmi de Judea wıap iıxyaj tı inıwatpa. ⁴ Siiga *ı* ixunpa iga ixpıctıñ, jesic da iyamwatpa tım cosa jıt da *ı* iıxpı. Siiga mich inıwatpa jexpıc cosa, odoy yamwatı. Watı jém pıxiñtam anıucmi iga miıxtıñ.

⁵ Porque jém itıwıtam datım icupıcyajpa jém Jesús. ⁶ Jesic Jesús inímáy jeeyaj:

—Danam núcne jém hora iga anıwatpa juuts ixunpa Dios jém naxyucmi de Judea. Pero mimichtam juchıs quej wıap inıñıc. ⁷ Jém pıxiñtam, jém ityajwıp yıp naxyucmi, da mijóyixtımpa mimichtam. Pero tsam ajóyıxyajpa aıch porque ich atısy juuts tım testigo iga tsam imalwatıyajpa jeeyaj. ⁸ Mimichtam, nıcstaamım miıñajıtım. İch da anıcpa porque danam núcne jém hora iga anıcpa.

⁹ Ocni yaj nımi jém Jesús, jemum tsıy jém naxyucmi de Galilea.

Yamnic Jesús jém mıjpic sıñjom

¹⁰ Cuando nıcyajum sıñajıyaj jém itıwıtam, jesic nıctım mex jém Jesús. Da nıc cucwiñjom, pero yamnic. ¹¹ Jém judíos imétsıyajpa jém Jesús sıñjom. Nımayjpa:

—¿Jıt it jém pıxiñ?

¹² Jesic jém pıxiñtam jém ityajwıp jém sıñjom nacwácyajtıp entre jeeyaj jıpaap jém Jesús. Nımayjpa algunos iga aguı wıbıc pıxiñ jém Jesús. Pero tunıgac nımayjpa iga tsam imıgóyáypa jém pıxiñtam.

¹³ Pero da *ı* inımatpa jıt wıap imatonıyaj jém judíos porque tsam cıñıyajpa.

¹⁴ Cuando núcne cucmi iga sıñıyajpa jém pıxiñtam, jesic tıgyı Jesús jém mıjpic

mašticjom. Moj accuyujooyi. ¹⁵ Jesic jém judíos tsam ipooñanjamyaj cuando imatonjaj jém Jesús. Nímyaj:

—Da oy cuyuji yíp pìxiñ, pero tsam jìxiíy.

¹⁶ Jesic Jesús inñimáy jeeyaj:

—Yíp anquímayooyi da ich ammiichi. Imiichi jém acutsatnewiip. ¹⁷ Siiga tum pìxiñ iwianjam iga iwatpa juuts ixunpa Dios, jesic icutiwiíyipa iga Dios imiichi yíp anquímayooyi, da ich anjixquimi. ¹⁸ Siiga tum pìxiñ ijixquímpa tum anquímayooyi, iwatpa iga cujíptaiñ. Pero siiga tum pìxiñ ixunpa iga cujíptaiñ jém icutsatnewiip, jesic quejpa iga nuumanmatpa jém pìxiñ, da migóypa, da tájcaíy ni uxarj.

¹⁹ ¿Que da numa michiifeta jém Moisés jém wiñicpic anquímayooyi? Pero mimichtam, ni tum, da incupictámpa jém anquímayooyi. Mimichtam, ¿íiiga anaccaatamtooba aich?

²⁰ Nímyajpa jeeyaj:

—Mich iniit tum mal espíritu. ¿I miccaatooba?

²¹ Jesic Jesús inñimáy:

—Mimichtam agui impooñanjamtámpa iga ich anwat jém milagro jém jejcuy jama. ²² Jém Moisés ichac jém costumbre iga inwattámiñ jém marca de circuncisión. Datim Moisés ictsucum yíp costumbre, pero jém wiñicpic pìxiñtam iwattim jempic. Jeeyucmi mimichtam inwadaytámpatim jém marca tum jaychixi y da inwadaytámpa caso siiga jejcuy jama. ²³ Jesic siiga mimichtam inwadaytámpa jém marca de circuncisión tum jaychixi iga inwatpa juuts nímpa jém Moisés inquímayooyi, ¿jesic tiiga anjóiypa aich siiga anacpíspa tum pìxiñ mimnewiip jém jejcuy jama? ²⁴ Odoy nímí iga imalwatpa tum pìxiñ siiga da inwájodoj. Wiciipini con wibic jixi.

Nímpa Jesús iga Dios icutsat yíp naxycumi

²⁵ Jesic algunos jém ityajwiip jém Jerusalén moj nanímayajtaji entre jeeyaj:

—¿Da yíbam jém pìxiñ jém imétsyajpáppic jém anjagooyiyaj iga accaatañ?

²⁶ Yim it. Síp inmat jém pìxiñtam icucwiñjom. Pero da i ijíyáypa. ¿Tananjam iga jém anjagooyiyaj inuntawijodoj iga yíp pìxiñ jém Cristo jém icutsatnewiip Dios? ²⁷ Pero taichtam tanjodoj jut miñ yíp pìxiñ. Pero cuando miñpa jém Cristo da i ijodoj jut tsucumpa.

²⁸ Jeeyucmi pími jiyapa Jesús jut accuyujóyapa jém miipic mašticjom, nim mu ijy:

—Numa michtam ánixpicpa y injodojtam jut amiññe, pero ich da amiñ anyaac. Jém acutsatnewiip je jém numapic Dios, michtam da inixpictámpa. ²⁹ Pero ich ánixpicpa porque ich amiññe Dioscim, jeam acutsatne.

³⁰ Jeeyucmi jém anjagooyiyaj tsam imatsyajtooba jém Jesús. Pero da i wiap imats porque danam núcne jém hora iga matstap. ³¹ Y tsam jáyay jém pìxiñtam icupicyaj jém Jesús. Nímyajpa:

—Cuando miñpa jém Cristo, ¿que wiap iwat tungac más wibic milagro que jém iwatnewiip yíp pìxiñ? Da wiap.

Jém fariseoyaj icutsat jém policía iga imachiñ jém Jesús

³² Jesic jém fariseopic anjagooyiyaj imatonɣaj ti nımyajpa jém pıxiñtam de jém Jesús. Jesic jeeyaj con jém panij anjagooyiyaj icutsat jém mastıcjompıc policıa ıga nıguıñ imatsyaj jém Jesús. ³³ Jeeyucmi Jesús inñımáy jém pıxiñtam: —Apoyıtpa con mimichtam tım rato. Da jáypa nicpa aıti jıt it jém acutsatnewııp. ³⁴ Michtam ammétstámpa, pero da ampáttámpa porque nicpa aıti jıt mimichtam da wıap inñıcta.

³⁵ Jesic jém judıos moj nacwácyajtaı entre jeeyaj:

—¿Jıt nicpa yıp pıxiñ ıga da wıap tampáta? ¿Tananjam nicpa jém tungac naxyucmi jıt it jém Israelpıc pıxiñtam jém inmatyajpáppıc griego ıga iccuyujpa jém griegoyaj? ³⁶ ¿Tı nımtooba yıp pıxiñ cuando nımpa ıga: “Michtam ammétstámpa, pero da wıap ampáta y jıt nicpa aıti, da wıap inñıcta?”

Jém ni jém tachııpáppıc vida

³⁷ Jesic núc jém jama ıga cuyajpa jém sıñ, jém más mıjpic jama. Teñchucum jém Jesús jém pıxiñtam anɣucmi. Pımi ijıyáypa jém pıxiñtam, nımayyajtap:

—Siıga mıñıctıtstámpa, mıñı manacnıcpa. ³⁸ Siıga tım pıxiñ acupıcpa aıch, jesic iniıt juuts nımpa jém Dios inmatı: “Tım mıjpic nııxcuy ıanamanjom.”

³⁹ Cuando inmatpa jempıc, nımtooba Jesús ıga jém icupıcneyajwııp, ipıctsonyajpa jém Dios ıAnama. Porque danam núcne jém Dios ıAnama hasta nicgacpa Jesús sınyucmi.

Nawecyajtap jém pıxiñtam

⁴⁰ Jesic cuando jém pıxiñtam imatonyajpa ti nımpa jém Jesús, nımyajpa algunos ıga: “Yıp pıxiñ nıma jém profeta jém tananjócnewııp.”

⁴¹ Pero tungac de jeeyaj nımyajpa:

—Yıp pıxiñ nıma jém Cristo jém icutsatnewııp Dios.

Peró jém tungac más de jeeyaj nımyajpa:

—¿Que wıap imiñ jém Cristo de Galilea? ⁴² Tanjodon ıga nımpa jém Dios inmatı ıga jém Cristo jém David ıocmanıc imanıc. Naypa jém Belén, jeetim attebet jıt it ıdıc jém David.

⁴³ Jempıgam nawecyajta jém pıxiñtam. ⁴⁴ Algunos de jeeyaj imatsyajtooba jém Jesús, pero da ı wıa mimats.

Jém anjagooyiyaj da icupıcyaj jém Jesús

⁴⁵ Jesic jém mastıc ipolıcıa setyajum jıt ityaj jém panij anjagooyiyaj con jém fariseoyaj. Jesic acwácyajta jém policıa:

—¿Tııga da inimiñta jém preso?

⁴⁶ Nımyaj jém policıa:

—Da ı nunca wıap inmat juuts jém pıxiñ.

⁴⁷ Jém fariseoyaj inñımayyaj jém policıa:

—¿Que mıch inɣupıctámpatım jém migooyı? ⁴⁸ Injodontam ıga jém tananjagooyiyaj ni jém fariseoyaj da icupıcyajpa yıp pıxiñ. ⁴⁹ Pero yıpyaj pıxiñtam da icutııyıyaypa jém tananjıımayooyı, jeeyaj da wıap inıcyaj jıt it Dios.

⁵⁰ Jesic jém Nicodemo, jém oyñewııp ıám jém Jesús tsuucım, tım fariseopic anjagooyı, inñımáy:

⁵¹ —Jém tananjıımayooyı da ijıcpa ıga chiıtap castıgo tım pıxiñ siıga da wıñtı cııpıntap ıga quejıñ siıga imalwatne.

⁵² Jém tunꝓac anꝓagooyiyaj iñimayyaj jém Nicodemo:
—¿Que mich miGalileapictim mipixiñ? Cuyujcai jém Dios inꝓaꝓi iga iñꝓoꝓoꝓaĩñ iga ni tum jém profeta da miñpa de jém naxyucmi de Galilea.

⁵³ Jesic cada tumtum nicyaj iticciim.

8

Matsta tum yomo jém pejoypáppic

¹ Pero nic Jesús jém coꝓsicyucmi iñiyi Olivos. ² Jesic jém tunꝓac jama, icuquejama, nicꝓaca Jesús jém mijꝓic maꝓticꝓom. Anꝓuumayaj jém pxiñtam iga imatonꝓajpa. Jesic coñ jém Jesús, moj inꝓuejáy jém anꝓuumaneyajwꝓip. ³ Jesic algunos jém escribapꝓic maestroyaj con algunos jém fariseoyaj inimiñyaj tum yomo ꝓut it Jesús. Matsta jém yomo porque páꝓta ꝓut pejóypa ixi. Namiñta jém yomo hasta jém pxiñtam anꝓucmi iga icwácyajpa jém Jesús. ⁴ Nímayꝓap:

—Maestro, matsta yꝓ yomo porque páꝓta ꝓut pejóypa ixi. ⁵ Nímpa jém Moisés inꝓuímayooyi iga tannáꝓscatamiñ tsaami jém pejoypaap. Jesic mich anímaayi ꝓup castigo tanchiiba yꝓ yomo.

⁶ Nímyajpa jempic jém fariseoyaj iga icutítspa jém Jesús. Iméꝓsyajpa ꝓꝓꝓic iquejajwadayyajpa jém Jesús. Jesic cóꝓneactiꝓ jém Jesús, moj jayi naxyucmi con ici. ⁷ Pero jeeyaj da ichacpa iga icwácyajpa. Jesic teñchucum jém Jesús, iñímáy jém inimiññewꝓip jém yomo:

—Siiga tum de mimichtam da mitáꝓcaíy, wꝓ iga iñyígáypa con jém wiñtꝓic tsa.

⁸ Jesic eybictim cóꝓneactiꝓ jém Jesús, moꝓgacum jayi naxyucmi con ici. ⁹ Jesic cuando jém pxiñtam imatonꝓaj ti iñímáy jém Jesús, agui iꝓsyajpa ianamanꝓom iga táꝓcaíytim. Tumtumti moj niꝓuiyaj. Wiñtꝓi nicyaj jém más tsamꝓic hasta cunigayyaj itumpꝓiyaj. Jesic icutumtim tsíy jém Jesús con jém yomo, jemum teñ jém cuarto icucmi. ¹⁰ Jesic teñchucum jém Jesús. Da ꝓ iix, tsíy no más jém yomo. Jesic Jesús iñímáy:

—Miyomo, ¿ꝓut it jém miquejajwádaypáppic? ¿Que da ꝓ wꝓa michi castigo?

¹¹ Jém yomo icutsoꝓ. Iñímáy:

—Da ꝓ, mánꝓmi.

Jesic Jesús iñímáy jém yomo:

—Ich datim manchiiba castigo. Siꝓ nicꝓim. Odom malwꝓaꝓi eybic.

Jesús jém wꝓibic juctianꝓsoꝓa

¹² Ocmi eybictim accuyujóypa Jesús, iñímáy:

—Icham jém ajuctianꝓsoꝓa, amiñ iga anyicquejpa jém ityajwꝓip yꝓ naxyucmi. Jém atúꝓyapaap da siiba jém ꝓiichcim, pero iníit jém jucti anꝓsoꝓa ianamanꝓom, jém ichiꝓpáppic vida jém dapic cuyajpa.

¹³ Jesic jém fariseoyaj iñimayyaj jém Jesús:

—Mich iñyaac miꝓmatpa iga múꝓapaap, jeeyucmi da quejpa iga miñuumanꝓmatpa.

¹⁴ Jesic Jesús iñímáy jeeyaj:

—Siiga ich anyaac ananꝓmatpa iga ajapaap, jesic nꝓma jém ananꝓaꝓi porque anꝓoꝓoꝓ ꝓut amiñ y anꝓoꝓoꝓtim ꝓut anꝓca. Pero mimichtam da iñꝓoꝓoꝓtam ꝓut amiñ ni datim iñꝓoꝓoꝓ ꝓut anꝓca. ¹⁵ Michtam micꝓinꝓoyáꝓpa

juuts nımpa yıp naxyucmıpic anquımayooyi. Ich da i ançııpınpa. ¹⁶ Pero siiga acııpınóypa juuts tum juez, jesic awıçııpınóypa porque da anyaac acııpınóypa. Anwaganacııpınóypa jem anJatun Dios jem acutsatnewııp yıp naxyucmı. ¹⁷ Jayñetawum michtampic inınquımayooyi: “Siiga wısten testigo nımpatım jemıpic, wı ıga tançupıcpa.” ¹⁸ Jesic itum wı porque anyaac atsiy juuts tum testigo ıga mananmadáypa aıapaap. Tsiytım juuts testigo jem anJatun Dios, jem acutsatnewııp yıp naxyucmı.

¹⁹ Jesic icwácyajpa jeeyaj. Nımayta jem Jesús:

—¿Jut it jem inJatun?

Jesús icutson, inıímáy jeeyaj:

—Mımıchtam da ánixpıcta aıch ni datım inııxpıcta jem anJatun Dios. Siiga ánixpıcta aıch, jesic inııxpıctámpatım jem anJatun Dios.

²⁰ Jempıgam inmatpa Jesús jem mııpic maıstıçom ıganam accuyujóypa jem cuarto jut pınıta jem ofrenda. Pero da i wıap imats porque danam núcne jem ihora.

Jém dapıc icupıcpa Jesús da wıap inııcyaj jut nıcpa je

²¹ Jesic eybıctım inıímáy jeeyaj:

—Ich anıcpa. Mımıchtam amméstámpa, pero da wıap ampátta. Jesic cuando micaanetámum, nıcpa inıyoıta jem inıtánca jut da nunca mıputpa. Jut ich anıcpa, mııchtam da wıap inıtıcta.

²² Jesic nımyajpa jem judıos:

—¿Jut nıcpa yıp pıxıñ? ¿Que nacaatap iyaac? Porque nımpa: “Jut ich anıcpa, mıchtam da wıap inıtıcta.”

²³ Jesic Jesús inıímáy jeeyaj:

—Mımıchtam mıñaxwıñpıç, ich asııwıñpıç, ich amıñ sııyucmı. Mımıchtam yıp naxyucmıpic mıpıxıñtam, ich da yıp naxyucmıpic apıxıñ. ²⁴ Jeeyucmı manıímáypa ıga cuando micaanetámum, nıcpa inıyoıta jem inıtánca. Porque siiga da inçupıctámpa ıga ich amıñ sııyucmı, jesic cuando micaanetámum, nıcpa inıyoıta jem inıtánca.

²⁵ Jesic icwácyajpa jeeyaj, nımayta jem Jesús:

—¿Que mıch mııapaap?

Jesic Jesús inıímáy:

—Ich ajeam juuts manıımayñe wıñtı. ²⁶ Wıa mananquejayta ıga mııchtam tsam mııtánçayıta y wıaptım meega mançııpınpa mııchtam. Pero da anwatpa, porque nada nada manmatpa yıp naxyucmı jem anquımayooyi jem anımayñewııp jem acutsatnewııp. Je da mıgóypa, sıempre nuumanmatpa.

²⁷ Pero da icutııyııyay ıga nımtooba Jesús ıga jem tanJatun Dios ichııñe jem inquımayooyi. ²⁸ Jeeyucmı Jesús inıímáy jem pıxıñtam:

—Ich jem aMıññewııp sııyucmı y cuando acquııtap aıch jem cunusyucmı, jesic inçutııyııytámpa aıapaap. Mananmadaytımpa jem anquımayooyi jem anquejayñewııp jem anJatun Dios. Da anyaac anııxquıımpa. ²⁹ Jem anJatun Dios jem acutsatnewııp yıp naxyucmı, anwaganat aıch. Da atsacne ançutum porque sıempre anwatpa juuts je iwıanjam.

³⁰ ıganam inmatpa jemıpic jem Jesús, jesic jáyan jem pıxıñtam mıj icupıcyaj.

Jém Dios imanıctam y jem icuyoxayajpápic jem Wocçıwıñ

³¹ Jesic Jesús inñímáy jém judíos jém s̄ippic icupicneyaj:

—Siiga mimichtam da inñactámpa iga inwattámpa juuts mannímáypa, jesic numa michíypa iga man̄cuyujc̄wiñ. ³² Wiap in̄cutīiyīyta jém numapic an̄químayooyi, jesic jém numapic an̄químayooyi miccutsigaytámpa iga odoy michíytámiñ juuts tum esclavo.

³³ Jesic los de más jém judíos, jém dapic icupicneyaj Jesús, inñimayyaj:

—Aichtam jém Abraham amanictam. Da nunca atsíyta juuts tum esclavo. ¿Íiiga annímaytámpa iga acutsigaytamtañ?

³⁴ Jesic Jesús inñímáy jeeyaj:

—Numa mannímáypa, itumpiy jém imalwatyajpáppic tsíy juuts esclavo porque iwatpa juuts ip̄imíypa jém malopic j̄ixi ianamanjom.

³⁵ Mannímáypatim iga tum esclavo da wiap iwaganait jém iomi itumpiy tiempo. Pero tum p̄ixiñ iman̄ic wiap iwaganait jém ijatuj itumpiy tiempo.

³⁶ Siiga Dios iman̄ic miccutsigáypa, jesic da michíypa juuts esclavo iga in̄cuyoxap jém Woc̄c̄wiñ. ³⁷ Ich an̄jod̄on̄ iga mimichtam jém Abraham mimanictam, pero mimichtam an̄cumectámpa iga anaccaatamtooba aich porque da in̄wianjamta ti manan̄madáypa. ³⁸ Manan̄madáypa jém an̄químayooyi jém an̄quejayñew̄ip an̄jatuj Dios. Pero mimichtam inwattámpa juuts miñimayta mimichtam in̄jatuj.

³⁹ Jesic jeeyaj inñimayyaj jém Jesús:

—Aichtam an̄jatuj jém Abraham.

Jesic Jesús inñímáypa:

—Siiga numa mimichtam jém Abraham mimanictam, w̄i iga inwattámpatim juuts iwatpa jém Abraham. ⁴⁰ Pero mimichtam an̄cumectámpa iga anaccaatámpa aich, aunque manan̄madayñe jém numapic in̄químayooyi jém achiiñew̄ip an̄jatuj Dios. Jém Abraham da nunca iwat jempic.

⁴¹ Michtam, s̄ip inwattámpatim juuts iwatpa mich in̄jatuj.

Jesic jeeyaj inñimayyaj jém Jesús:

—Aichtam da je ajeppen. Aichtam an̄jatuj tum, jém Dios an̄jatuj.

⁴² Jesic Jesús inñímáy jeeyaj:

—Siiga numa Dios in̄jatuj, tienes que antoytámpa aich porque ich amiññe jut it Dios. Ich da amiñ anyaac; Dios acutsatne yip naxyucmi. ⁴³ ¿Íiiga da in̄cutīiyīytámpa ti mannímáypa? Da wiap in̄cutīiyīyta porque da in̄cupicpa ich anan̄madayooyi. ⁴⁴ Mimichtam in̄jatuj jém Woc̄c̄wiñ. Jeam mim̄ichitam. In̄wianjamta iga inwattámpa juuts ixunpa jém in̄jatuj. Jém Woc̄c̄wiñ jém accaoypáppic dende wiñigam. Datim nunca nuuman̄matpa. In̄matpa migooyi porque je jém migoypaap, ictsucum jém migooyi. ⁴⁵ Aunque ich mannuuman̄madáypa, mimichtam da an̄cupictámpa. ⁴⁶ Ni tum de mimichtam da wiap ampádáy ich antájca. Siiga mannuuman̄matpa, ¿jesic tiiga da an̄cupictámpa aich? ⁴⁷ Siiga Dios im̄ichi tum p̄ixiñ, iw̄imat̄on̄pa jém Dios in̄mat̄i. Mimichtam da je Dios mim̄ichitam jeeyucmi da immaton̄támpa jém Dios in̄mat̄i.

Itim jém tán̄omi Cristo cuando danam i jém Abraham

⁴⁸ Jesic jém judíos imalnímáy jém Jesús, n̄imayaj:

—¿Da mannímáy iga Samariapic mipixiñ y tum mal espíritu iniit iñanamanjom?

⁴⁹ Jesic Jesús iñímáy:

—Ich da anaj jém mal espíritu. Ich anwatpa jém wítampic cosa iga wíixtaiñ jém anjatun Dios. Pero mimichtam da anwíixtámpa aich. ⁵⁰ Ich anyaac da ammétspa iga acujíptaiñ. Jém anjatun Dios ixunpa iga acujíptaiñ. Jeetim anjatun icipinpa jém malopic pixiñtam, ichiiba castigo. ⁵¹ Numa mannímáypa, siiga tum pixiñ icupicpa ich anamadayooyi, jesic da nunca caaba.

⁵² Jesic jém judíos iñímayyaj jém Jesús:

—Siip ancutiíyítámpa iga mich iniit tum mal espíritu iñanamanjom. Tsam wiñigam ca jém Abraham. Caayajtim jém wiñicpic profeta, pero mich miñimpa iga siiga tum pixiñ icupicpa jém inimadayooyi, jesic da nunca caaba. ⁵³ ¿Que mich más miwíap que jém anjatun Abraham jém caanewíip? Cucaayajtim itumpiy jém wiñicpic profeta. ¿Mich ti iñjispá iga mijapaap?

⁵⁴ Jesic Jesús icutson, iñímáy jeeyaj:

—Siiga anacujíptap anyaac, jesic da ti acuwatcuy. Pero anjatun Dios acujíppa. Jeetim Dios, jém miñimtampáppic iga mich iñDios. ⁵⁵ Pero mimichtam da iñixpictámpa Dios. Ich numa ánixpicpa. Siiga mannímáypa iga da ánixpicpa Dios, jesic amigóypatim juuts mimichtam. Pero ich numa ánixpicpa Dios y siempre anwatpa juuts je amadáy. ⁵⁶ Agui iwianjam jém iñjatun Abraham iga wíap iix jém jama iga amiñ yíp naxyucmi, agui maymay mu iix jém jama.

⁵⁷ Jesic jém judíos iñímayyaj jém Jesús:

—Mich da iniñ ni cincuenta iñamtíy ¿y miñimpa iga iñixñe jém Abraham?

⁵⁸ Jesic Jesús iñímáy:

—Numa mannímáypa cuando danam nayñe jém Abraham, ich aittim.

⁵⁹ Jesic jém pixiñtam ipinyaj tsa iga iñácscayajpa idic tsaami. Pero yam jém Jesús, put jém masticjom, nas jém pixiñtam anucumi. Nic.

9

Jesús icpis tum pixiñ cachti mu iñay

¹ Cuando naspa Jesús tum lugar, iix tum pixiñ, cachti mu iñay. ² Jesic jém Jesús icuyujcúwiñ icwácyajpa. Nímayta:

—MamMaestro, ¿tiiga cachti yíp pixiñ mu iñay? ¿Que yíp pixiñ iyaac iwat táñca, o jém ijatun con iapa iwat táñca iga cachtiá mu iñay?

³ Jesic Jesús iñímáy jém icuyujcúwiñ:

—Da cachti yíp pixiñ iga táñcaíy iyaac o iga táñcaíy jém ijatun o iapa. Cachtiá yíp pixiñ iga ixtaiñ iga Dios wíap iwat jém wibic milagro. ⁴ Iganam siññi wí iga tanwatpa jém Dios iyoxacuy jém acutsatnewíip, porque miñpa jém piichi cuando da i wíap iwat jém yoxacuy. ⁵ Iganam ait yíp naxyucmi, jesic ich jém wibic juctiantsooca, anyicquejpa jém ityajwíip yíp naxyucmi.

⁶ Jesic yaj iñímáy jempic, Jesús tsujpa naxyucmi, iwat uxan tuuti con ichuyñi, iccámáy jém tuuti jém cachti iixcuyucmi. ⁷ Jesic iñímáy jém cachti:

—Nigi cutseayai jém iñixcuy jém meyjom jém lugar Siloé.

Taichtam tanaŋmałımı jém Siloé nımtooba jém cutsatnetawııp.

Jesic jém cáchtı nicpa icutseáy jém iıxcuy. Cuando setpa, ixixóypam.
 8 Jesic jém ivecinoyaj con jém iıxñeyajwııp idic cuando iwácpa tumiñ, moj nanımayyajtaji entre jeeyaj:

—¿Que da yıbam jém coññepaap idic yım iga iwácpa tumiñ?

9 Nımyajpa algunos:

—Numa, yıbam jém pıxiñ.

Tuŋgac nımyajpa:

—Quenam jeam, pero da je.

Pero jém cáchtıpic idic nımpa:

—Aıcham.

10 Jesic jém aŋtuumaŋeyajwııp iñımayyaj jém cáchtıpic idic:

—¿Jutsa mıtoj jém iñıxcuy?

11 Nımpa jém cáchtıpic idic:

—Jém pıxiñ iñıyı Jesús iwat uxaŋ tuuti, accámáy ánixcuuyucmi y anımay iga: “Nıgi cutseayı jém iñıxcuy jém meyjom jém lugar Siloé.” Jesic oy aŋcutseáy ánixcuy, mojum aixixooyı.

12 Jesic nımyaj jeeyaj:

—¿Sııp juıt it jém pıxiñ?

Jém cáchtıpic idic icutsoŋ:

—Da anjodoŋ juıt iŋ.

Jém fariseoyaj icwácyajpa jém cachtıpic idic

13 Jesic ocmım nanıcta jém cáchtıpic idic jém anjagooyıcmım juıt it jém fariseoyaj. 14 Jecuyjama idic cuando jém Jesús iwat uxaŋ jém tuuti iga ictoıáy jém cáchtı iıxcuy. 15 Jesic jém fariseoyaj eybic icwácyaj jém cáchtıpic idic. Nımayta:

—¿Jutsa mıixıóy?

Jesic jém cáchtıpic idic nımpa:

—Jém pıxiñ accámáy uxaŋ jém tuuti ánixcuuyucmi. Oy aŋcutseáy jém ánixcuy jém meyjom. Sııp aixıóypam.

16 Jesic algunos jém fariseoyaj nımyaj:

—Jém pıxiñ, jém iwatnewııp jemıpic, da je de Dios porque yoxap jém jecuyjama contra jém tanaŋquımayooyı.

Pero jém tuŋgac jém fariseoyaj nımyajpa:

—¿Pero jutsap iwat jém wıbic milagro sııga táŋcaıytım jém pıxiñ?

Jesic nawécyajta jém fariseoyaj. Agui áŋayajpa. 17 Eybıctım acwácta jém cáchtıpic idic. Nımayta:

—¿Mich ti mıñımpa, ıapaap jém mıctojayñewııp iñıxcuy?

Nımpa jém cáchtıpic idic:

—Je tum profeta.

18 Pero jém judıos da icupıcyajpa iga cáchtı idic jém pıxiñ. Datım icupıcyajpa iga actojayta iıxcuy hasta que iŋweıáyayyaj jém pıxiñ iıatun con ıapa. 19 Jém fariseoyaj icwácyajpa jém pıxiñ iıatun. Nımayta:

—¿Que yıp pıxiñ mich immanic, jém mıñımpaap iga cáchtı mu iñay? ¿Jutsap mıixıóy sııp?

20 Jesic nımyaj iıatun con ıapa:

—Anjodon iga numa yibam jem ammanic, cachtí miñay. ²¹ Pero da anjodon jutsa miixixóy y ni datim anjodon i ictojáy jem iixcuy. Acwaaci jem ammanic porque siip mijam, wiap minmadáy iyaac i ictojáy iixcuy.

²² Jempigam nimpa jem cáchtipic idic ijatun con iapa porque icinyajpa jem judíos. Porque jeeyaj iccám tum orde siiga nimpa tum p̄ixiñ iga jem Jesús je jem Cristo, jesic quebacputta jem sinagoga. ²³ Jeeyucmi nımyaj jem p̄ixiñ ijatun con iapa iga: “Acwaaci jem ammanic porque siip mijam jem ammanic.”

²⁴ Jesic jem judíos eybictim inwejáypa jem cáchtipic idic. Nımayta:

—Anuntawianmadaayi. Jisi iga Dios taixpa. Odoy amigóyaayi. Ichtam anjodon iga táncaiy jem p̄ixiñ jem miñimpaap iga micpis.

²⁵ Jesic jem cáchtipic idic inımay jem anjagooyi:

—Ich da anjodon siiga táncaiy jem p̄ixiñ. Pero annuntawijodon iga acachtí idic y siip aixixóypam.

²⁶ Jesic eybictim acwácta. Nımayta jem cáchtipic idic:

—¿Ti miwadáy jem p̄ixiñ? ¿Jutsa mictojáy jem inıxcuy?

²⁷ Jem cáchtipic idic inımay jem anjagooyi:

—Mannımayñeum ti awadáy jem p̄ixiñ, pero mimichtam da incupictámpa ti mannımayñe. ¿Tiiga anacwáctámpa eybic? ¿Que michiytooba juuts icuyjicwiñ?

²⁸ Jesic agui jóyyaj jem anjagooyiyaj. Moj imalmalnımayyaj jem p̄ixiñ. Nımayta jem cáchtipic idic:

—Mimich micuyjicwiñ jem p̄ixiñ. Aichtam jem Moisés acuyjicwiñ.

²⁹ Ichtam anjodon iga wiñigam Dios ijáy jem Moisés, pero yip Jesús ni da anjodon jutpic p̄ixiñ.

³⁰ Jesic jem cáchtipic idic inımay jem anjagooyi:

—Yip cosa da oypa tánix. Mimichtam miñimtámpa iga incupicne Dios, pero da injodon tam jutpic p̄ixiñ actojáy ánıxcuy. ³¹ Tanwijodon iga Dios da imatónáypa tum malopic p̄ixiñ. Pero siiga tum p̄ixiñ ijspa Dios y iwatpa juuts ixunpa Dios, jesic numa Dios imatónáypa. ³² Nunca oypa tammaton iga tum p̄ixiñ wiap ictojáy tum cachtí iixcuy jem cáchtipic miñay. ³³ Siiga yip p̄ixiñ da je de Dios, jesic da ti wiap iwat.

³⁴ Jesic jeeyaj inımayyaj jem p̄ixiñ:

—Mich tsam p̄imi mitáncaiy miññay. ¿Que mich siip anaccuyjtoobam aich?

Jesic quebacputta jem sinagoga jem cáchtipic idic.

Tsıy juuts cachtí jem dapic icutıyıy jem Dios inımatı

³⁵ Jesic Jesús ijodóna iga quebacputta jem sinagoga jem cáchtipic idic. Cuando mipát jem p̄ixiñ, jesic Jesús inımay:

—¿Que mich incupicpa jem Dios iManic?

³⁶ Jem p̄ixiñ inımay jem Jesús:

—Mánomi, anımaayi: ¿Iapaap jem Dios iManic iga wiıñ ancupic?

³⁷ Jesic Jesús inımay:

—Mich inıñe. Aicham jem Dios aManic jem siipic minımat.

³⁸ Jesic jem cáchtipic idic costenñeactıy jem Jesús iwiñjom. Inımay:

—Mánomi, mancupicpa.

³⁹ Jesic Jesús iníimáy jém ityajwíip jem:

—Ich amiñ yíp naxyucmi iga añçipinɣajpa jém pìxiñtam. Amiñ iga ixixóyiñ jém cáchtipic, amiñ iga cáchtiaɣajñ jém ixixoypáppic.

⁴⁰ Jesic algunos jém fariseoyaj jém iwaganaityajwíip Jesús, cuando imatoɣaj ti inmadáy, nímɣaj:

—¿Que mijunimpa iga aicham acáchtítam?

⁴¹ Jesic Jesús icutsoɣ. Nímɣayajta:

—Meega micáchtí, jesic da i michégáɣpa jém inťajca, pero como miñimtámpa iga miixixóɣpa, jesic michíytámpa con jém inťajca.

10

Jém iwatpáppic cuenta jém borrego

¹ Numa mannímáypa, siiga tum pìxiñ da tigíɣpa jém borrego itaañi ijipjom, pero tigíɣpa tum áneyimi, jesic quejpa iga tum númpaap, pimimi ininígáɣpa tunɣac imíchi. ² Pero siiga tum pìxiñ tigíɣpa jém taañi ijipjom, jesic quejpa iga jém borrego iomi. ³ Cuando núc jém borrego iomi, jesic jém iwatpáppic cuenta jém puerta, ináɣpa jém puerta iga tigíyiñ jém borrego iomi. Jém borregoyaj, jém imíchipic, iixpicɣajpa jém iomi. Imatónactiɣáɣpa jém iomi ijíyi. Jesic jém pìxiñ inɣejáɣpa jém iborregoyaj jém imíchipic con iníyi. Itoppa jém taañijom.

⁴ Jesic cuando yajum itop itumpiy jém iborregoyaj, mojum niquiyaj. Jém iomi anɣagoyñeeba iníic, jém iborregoyaj itúnɣiyajpa porque imatónactiɣáɣpa ijíyi.

⁵ Jém borregoyaj da itúnɣiyajpa jém tunɣac pìxiñ jém dapic iixpicpa. Içinɣajpa, cupóyayajpa porque imatónactiɣáɣpa iga da je iomi ijíyi.

⁶ Jesús inɣejáɣpa jém pìxiñtam con yíp cuento, pero jeeyaj da icutɣiyajpa ti inmadaytooba jém Jesús.

Jesús jém wibic pastor iwatpa cuenta jém iborregoyaj

⁷ Jesic Jesús eybictim inmadáɣpa jém pìxiñtam. Nimpa:

—Numa mannímáypa iga icham jém apuerta jut tigíɣyajpa jém borregoyaj.

⁸ Jém tunɣac maestroyaj, jém wiñtipic miñɣaj cuando danam anúcne, je jém númyajpaap, pero jém borregoyaj da iwadayajpa caso. ⁹ Icham jém apuerta. Siiga i tigíɣpa con aich, jesic ciacputtap. Jex juuts tum borrego tigíɣpa y putpa jém itaañijom y ipátpa jém wítampic múc.

¹⁰ Jém númpaap miñ iga númpa, accaóɣpa, icujíñáɣpa jém pìxiñtam. Pero ich amiñ iga anchiiba jém pìxiñtam jém vida iga iníidiñ jáyan. ¹¹ Ich jém wibic apastor tsam anwíidap jém amborregoyaj. Jém wibic pastor nachíitap iga accaatap iga jempigam icupuja jém iborregoyaj. ¹² Pero jém coñwíyoopaap jempic yoxap iga yojtap, da je pastor, da imíchi jém borrego. Jesic cuando iixpa iga miñpa jém lobo, çinpa jém pìxiñ, ichacpa jém borregoyaj, poypa. Jesic jém lobo imatspa jém borregoyaj, iccupóyayajpa. ¹³ Poypa jém yoxapaap porque nada más coñwíyóɣpa, da ijspa jém borregoyaj, porque da je imíchi.

¹⁴ Ich jém wibic apastor. Anixpicpa jém ampìxiñtam y jeeyaj aixpicɣajpatim aich. ¹⁵ Jextim juuts jém anɣatun Dios aixpicpa aich y ich anixpicpatim jém anɣatun. Ich anyaac anachiitap iga accaatap iga jempigam añcupujpa jém amborregoyaj. ¹⁶ Anaittim tunɣac jém amborregoyaj, da yímpic, ich anamiñpañim. Amatónayajpañim ich anjiji, acupicpatim mex jeeyaj. Jesic

anan̄tuumawatpa itumpiyyaj iga wagaityajiñ tumti lugar y tumti pastor injacyajpa.

¹⁷ Jém an̄Jatun̄ Dios tsam atoypa porque anyaac anachiitap iga accaatap. Jesic ocmi anyaactim ampictson̄pa eybic jém amvida. ¹⁸ Jém ánenemigoyaj da wiap acca, pero ich anyaac an̄jicpa iga accaatap. Ich anait jém p̄imi iga anyaac anachiitap iga accaatap. Anaiftim jém p̄imi iga anyaac ampictson̄pa eybic jém amvida. Jempigam an̄watpa porque ap̄im̄y jém an̄Jatun̄ Dios.

¹⁹ Jesic cuando jém judíos imaton̄yajpa ti n̄impa jém Jesús, mojpa ánjajiyaj. Nawécyahtap eybic. ²⁰ Wañi de jeeyaj n̄imyaj:

—¿Tiiga in̄wadaytampa caso? Yíp p̄ixiñ iniit tum mal espíritu, tsam locon̄matpa.

²¹ Pero tungac de jeeyaj n̄imyaj:

—Jém iniitw̄ip tum mal espíritu da wiap in̄mat jém wibic an̄mat̄i juuts in̄matpa yíp p̄ixiñ. Jém mal espíritu da wiap ictoḡy tum cácht̄i iixcuy.

Jém judíos iñáscayajtooba tsaami jém Jesús

²² Jesic núc jém tiempo de succuc cuando jém Jerusalénpic p̄ixiñtam icusiñacayajpa jém m̄jpic mastic. Wattap jém siñ cada am̄tiy. ²³ Jesic nic Jesús jém m̄jpic masticj̄om, widañn̄aspa jém corredor iñ̄iyi Salomón. ²⁴ Jesic an̄tuumaneyaj tsam jáyan̄ jém judíos, icuteñ̄xetyaj jém Jesús. N̄imyaj jeeyaj:

—¿M̄iapaap? Tsam an̄jodón̄ajtooba. Siiga micham miCristo, siñbam nunta an̄mat̄i.

²⁵ Jesic Jesús iñim̄y jeeyaj:

—Mann̄imayñeum iga ich aCristo, pero da in̄cupicta ti mann̄im̄y. An̄wat jém milagroyaj con jém an̄Jatun̄ Dios ip̄imi iga wiquejiñ iga icham aCristo.

²⁶ Pero mimichtam da in̄cupictampa porque da je mamborregotam juuts mann̄imayñe pecam. ²⁷ Ich amborregoyaj amatón̄actiyyápa jém an̄j̄iyi y ich an̄ix̄picpatim jém amborregoyaj. Jeeyaj atún̄iyyajpa. ²⁸ Anchiiba jém amborregoyaj jém vida jém dapic cuyajpa. Jesic da nunca togoypa. Da i wiap atobáyá ich an̄ch̄ij̄om. ²⁹ Jém an̄Jatun̄ Dios achi jém amborregoyaj y da i wiap atobáyá jém amborregoyaj jém an̄Jatun̄ Dios ich̄ij̄om, porque jém an̄Jatun̄ Dios tsam wiap. Je iniit itumpiy ip̄imi. ³⁰ Ich con jém an̄Jatun̄ Dios atum̄t̄itam.

³¹ Jesic jém judíos eybictim ip̄in̄yajpa tsa iga iñáscayajpa tsaami Jesús. ³² Jesic Jesús iñim̄yapa jeeyaj:

—Jáyan̄ w̄itampic milagro an̄wat mimichtáman̄j̄om jém an̄Jatun̄ Dios ip̄im̄imi. ¿Jup milagro anan̄núcpa iga annáscatampa tsaami?

³³ Jesic jém judíos iñim̄ayyaj Jesús:

—Da mannáscatampa tsaami iga in̄watne jém w̄itampic milagro. Mannáscatampa tsaami iga in̄cuj̄iypa tan̄Dios. Mich mip̄ixiñ, pero miñimpa iga mich miDios.

³⁴ Jesic Jesús iñim̄y jeeyaj:

—¿Que da jayñetawum jém Moisés in̄químayooyi iga n̄impa Dios: “Mimichtam midioſtam”? ³⁵ Siiga icn̄iyya jeeyaj iga diosyaj jém ip̄ictson̄neyaw̄ip̄ jém Dios in̄mat̄i, y da i wiap ictogoy jém Dios in̄mat̄i jém jaychacnetaw̄ip̄, ³⁶ ¿jesic tiiga miñim̄tampa iga ich an̄cuj̄iypa Dios cuando an̄impa iga: “Ich jém Dios aM̄anic”? Porque Dios acupin̄ y acutsat yíp naxyucmi iga an̄wadiñ juuts je iw̄ian̄jam. ³⁷ Siiga ich da an̄watpa jém wibic

milagro juuts iwatpa jém anJatun Dios, jesic odoy acupictaami. ³⁸ Pero siiga ich anwatpa jém wítampic milagro juuts iwatpa Dios y mimichtam da inçupictámpa ti mannímáypa, jesic cupici iga da je migooyi jém milagroyaj iga wiañ inçutiyyi yta iga jém anJatun Dios it con aich y ich aít con anJatun Dios.

³⁹ Jesic jeeyaj eybictim imatsyajtooba jém Jesús, pero cäput, da wia mimatsyaj.

⁴⁰ Eybictim nic Jesús jém ni anwiñtuc inñiyi Jordán. Jemum tsíy Jesús jut moj acchínooyi jém Xiwan. ⁴¹ Jesic tsám jáyan pixiñtam nic iámyaj jém Jesús. Nímyajpa jeeyaj:

—Jém Xiwan, jém acchínooyápápic, da iwat ni tum milagro. Pero jém Xiwan da tamigóyáy cuando tanmadáy ti iwatpa yíp pixiñ.

⁴² Jemum tsám jáyan jém pixiñtam icupicyaj jém Jesús.

11

Ca jém Lázaro

¹ Jesic mimne tum pixiñ inñiyi Lázaro jém atebet Betania. Yíp jém atebet jut it jém Malía con itíwí jém Marta. ² Yíptim Malía jém iccámayñewiip jém pomada jém cñpaap jém tánQmi Jesús ipuyucmi y icujicháyáy ipuy con iway. Jém mimnewiip, jém Lázaro, itíwítim jém Malía. ³ Jesic jém Malía y Marta icutsadáy anmañti jém Jesús. Inñimáy:

—MánQmi, mimneactin jém pixiñ, jém inñtooyápápic.

⁴ Mu imaton jém Jesús iga mimne jém iamigo, nímpa:

—Yíp caacuy da iccaaba. Imats yíp caacuy iga ixtaiñ jém Dios ipimi y iga ixtaiñtim jém Dios iManic ipimi.

⁵ Jesús tsám itoypa jém Marta, jém Malía y jém Lázaro. ⁶ Mu imaton Jesús iga mimne jém Lázaro, jesic da jobit nic iám, jemum tsíy tungac wisnajama. ⁷ Jesic cuando nasneum wisnajama, Jesús inñimáy jém icuyujcwiñ:

—Tanictámpa eybic jém naxyucmi de Judea.

⁸ Jém Jesús icuyujcwiñ inñimayyaj:

—MamMaestro, jém Judeapic pixiñtam da más pecam miñácscatooba idic tsaami. ¿Que miñicgacpa eybic?

⁹ Jesús inñimáy jém icuyujcwiñ:

—Tum jama inít doce hora. Siiga tum pixiñ wítpa siññi, jesic da inñeppa ipuy iga tsutpa porque iguixixóypa jém jama jém icuyicquejpaap yíp naxyucmi. ¹⁰ Pero siiga tum pixiñ wítpa tsuucim, jesic tsutpa porque da i jém jama iga iyicquejpa.

¹¹ Jesic ocmi eybictim nímpa Jesús:

—Monpa siip jém tánamigo Lázaro, pero nicpa antsicyus.

¹² Jesic Jesús icuyujcwiñ inñimayyaj:

—MánQmi, siiga monpa jém Lázaro, jesic tanjodon iga pispa.

¹³ Nímtooba Jesús iga caaneum jém Lázaro, pero jém icuyujcwiñ injampa iga nunta monpa. ¹⁴ Jesic Jesús inñumanmadáy jém icuyujcwiñ. Nímayyajta:

—Caaneum jém Lázaro. ¹⁵ Ich amaymay iga da aí cuando ca jém Lázaro porque siip más wí para mimichtam. Más inçupictámpa Dios. Jesic nicpa tánám jém Lázaro.

¹⁶ Jesic jém Tomax, inñiyitim Mechi, inñimáy los de más jém Jesús icuyujcwiñ:

—Tanictámpatim iga tanwaganacaaba jém tánQmi.

Jesús wiap icpis jém caaneyajwiip

¹⁷ Jesic cuando núc Jesús jém Betania, ijodóna iga cuatro jama cumnetawum jém Lázaro imijtay tum tsaajosjom. ¹⁸ Jém Betania noco it jém atebet Jerusalén, ijuumi como dos kilómetro y medio. ¹⁹ Jesic tsam jáyan jém judíos nic íamyaj jém Marta y Malía iga icpócsayyajpa íanama iga odoy anyáguifi porque caane jém itíwi. ²⁰ Cuando imaton jém Marta iga miñpa jém Jesús, jesic nic iméts tunjom. Tsíy jém Malía iticcim. ²¹ Mu iñúc jut it Jesús, nimpa jém Marta:

—MánQmi, meega miit yim cuando mimneactin jém antíwi, jesic da idic ca.

²² Pero ich anjodon iga Dios michiiba siip titam inwágáypa.

²³ Jesic Jesús iñimáy jém Marta:

—Pispa jém iñíwi.

²⁴ Jesic Marta iñimáy jém Jesús:

—Anjodon iga pispa jém antíwi cuando pisyajpa jém caaneyajwiip jém ínanpigam jama.

²⁵ Jesús iñimáy jém Marta:

—Ich wiap anacpis jém caaneyajwiip. Wiap anchi i quej jém vida jém dapic cuyajpa. Siiga tum píxiñ acupicpa aich, aunque caaneum, pispa. ²⁶ Siiga vivonam tum píxiñ jém ínanpigam jama y acupicpa aich, jesic da nunca caaba. ¿Que da incupicpa yíp anmati?

²⁷ Jesic jém Marta iñimáy jém Jesús:

—Numa, mánQmi, ich ancupicpa iga micham miCristo jém Dios miManic. Mich jém mimiñnewiip naxyucmi, jém ananjónetanwiip.

²⁸ Cuando yaj inmat jempic jém Marta, nic inwejay itíwi jém Malía. Iyamnímay:

—Núcneum jém tamMaestro, siip minwejaypa.

²⁹ Jesic mu imaton jém Malía, jicsciy tsucum, nic íam jém Jesús. ³⁰ Danam núcne Jesús jém tiganjoj. Tsíyñe jemtim jut oy ictsíy jém Marta. ³¹ Jesic jém judíos, jém ityajwiip jém Marta iticcim iga icpócsayyajpa íanama, iixyaj iga agui jicsciy nic jém Malía. Jesic jeeyaj itúnnyajpa. Injamyaj iga nic weji jém Malía jém tsaajoscim.

³² Jesic jém Malía, mu iñúc jut it jém Jesús, icosteeñáy ipuycim. Nimpa jém Malía:

—MánQmi, meega miit cuando mimneactin jém antíwi, da idic ca.

³³ Cuando iix Jesús iga tsam wejpa jém Malía y weyajpatim mex jém judíos, pími anyác jém Jesús, tsam ijampa jém anyaaqui íanamanjom. ³⁴ Jesic Jesús icwác, iñimáy:

—¿Jut iñchac jém imijtay?

Nimyaj jeeyaj:

—MánQmi, miñi aami jut it.

³⁵ Wej jém Jesús. ³⁶ Jesic nimyaj jém judíos:

—Ixí. Tsam pími itoypa jém iamigo.

³⁷ Pero jém tunjac nimyaj:

—Yíp píxiñ ictojoy jém cácti iixcuy, ¿tiiga da icpíspa jém Lázaro iga odoy caiñ?

Acpiста jém Lázaro

³⁸ Jesic eybictim pimi anyácne jém Jesús, tsam pimi ijampa jém anyaaqui ianamanjom. Núc jém tsaajoscim jut cumnetá jém Lázaro. Anúcnetá jém tsaajos con tum mijpic tsa. ³⁹ Jesic Jesús inímáy jém pixiñtam:

—Accáyaayi yíp tsa.

Jém Marta, jém caanewiip itíwi, inímáy jém Jesús:

—Pero manómi, siip iniitum cuatro jama caane, tsam anjejpam.

⁴⁰ Jesús inímáy jém Marta:

—¿Que da mannímáy siiga incupicpa iga ich wiap manyoxpát, jesic iníxáypa jém tanjatun Dios ipimi?

⁴¹ Jesic jém ityajwiip iccáyayaj jém tsa. Ámquím Jesús sinyucmi, moj inwejpát Dios. Nimpa:

—Manjatun Dios, iyucuidios iga mich ammatónayñe ti mannímáy.

⁴² Anjodon iga siempre mich ammatonpa, pero mannímáypa yimpic iga jém pixiñtam wiññ icutiyyayaj iga mich ancutsatne yíp naxyucmi.

⁴³ Jesic cuando yaj inwejpát Dios, pimi jaypa jém Jesús. Nimpa:

—MiLázaro, puti.

⁴⁴ Jesic putum jém Lázaro, jém caanewiipic idic. Anmónayñetá ici y ipuy con puctucu. Anmónayñetatim icobac con tum puctucu. Jesic Jesús inímáy jém pixiñtam:

—¡Cuwijáyaayi jém inmónóycuy, cutsigaayi!

Jém anjagooyiyaj ijsiyajpa jutsap imatsyaj jém Jesús

(Mt. 26:1-5; Mr. 14:1-2; Lc. 22:1-2)

⁴⁵ Cuando iixyaj tiawat jém Jesús, jesic moj icupicyaj jáyan jém judíos jém miññeyajwiip iam jém Malía. ⁴⁶ Pero algunos nic íamyaj jém fariseoyaj iga inmadáypa tiawat jém Jesús. ⁴⁷ Jesic jém cobacpic panijyaj, con jém fariseoyaj, inuumawatyaj jém Sanhedrín, jém wídaytam. Nímyaj:

—¿Ti wiap tanwatta con yíp pixiñ? Tsam jáyan milagro iwat. ⁴⁸ Siiga seguido tanjicpa iga iwatpa jém milagroyaj, jesic núcpa jém jama iga itumpiy jém pixiñtam icupicyajpa yíp Jesús. Jesic jém Romapic anjagooyi icutsadáypa jém soldado iga imiswadayyajpa jém mijpic mastic y imichap jém tannas.

⁴⁹ Jesic tum de jeeyaj, jém Caifás, cobacpic panij jém amtíy, moj anmati con jém anjagooyiyaj jém antuumaneyajwiip. Nimpa jém Caifás:

—Mimichtam da ti injodonam. ⁵⁰ Datim incutiyyihta iga más wi iga accaatap tum pixiñ para itumpiy jém pixiñtam iga odoj togoyñ jém tannaxyucmi.

⁵¹ Jém Caifás da iixquím iyaac, pero Dios ichi jém jixi porque je jém cobacpic panij. Jeeyucmi jém Caifás wiap inmadáy jém pixiñtam iga accaatap jém Jesús iga iyoxpátpa itumpiy jém ityajwiip jém naxyucmi Israel. ⁵² Da solamente iga iyoxpátpa jém ityajwiip Israel, pero accaatap jém Jesús iga inuumawatyajpa itumpiy jém icupicneyajwiip Dios jutquej icutero yíp mundo. ⁵³ Jesic jeetím jama jém anjagooyiyaj moj ijsiyaj jutpic iccaayajpa jém Jesús.

⁵⁴ Jeeyucmi jém Jesús da siiba jut iixpa jém judíos. Put jém naxyucmi de Judea. Nic iti tungac lugar nocojom jém titsinaxyucmi. Jém attebet iníyi Efraín. Jemum nic itiyaj Jesús con icuyuciwñ.

⁵⁵ Núctooba jém pascuasñ jém iwatyajpáppic jém judíos. Icuwiti jém naxyucmi de Israel tsucumyaj jáyan jém pixiñtam iga nicyajpa jém attebet Jerusalén iga iwatyajpa jém costumbre iga cuáyñeñ inama antes que núcpa

jém pascuasij. ⁵⁶ Jesic cuando núcyaj Jerusalén jém pixiñtam, imétsyajpa jém Jesús. Tigiyyaj jém masticjom, moj nanímayyajtaji entre jeeyaj:

—¿Que tananjám iga miñpa sijnaji jém Jesús o da miñpa?

⁵⁷ Jesic jém cobacpic panijyaj con jém fariseoyaj tsam imatsyajtooba jém Jesús. Ipiimiyaj jém pixiñtam, nímayyajta:

—Siiga i ijodoj jut it jém Jesús, jesic acjodónajaj jém tananjagooyi iga matstaiñ.

12

Tum yomo iccámáy jém wibic perfume jém Jesús ipuyuyucmi

(Mt. 26:6-13; Mr. 14:3-9)

¹ Jesic seis día antes que naspa jém pascuasij, nic joyi Jesús jém atbet Betania jut it jém Lázaro, jém icpisnewiip jém Jesús de jut it jém caaneyajwiiip.

² Jém iamigoyaj inisijnap jém Jesús. Jém Marta icwícpa jém miññeyajwiiip. Ittim jém Lázaro. Iwaganawícayajpa jém Jesús mesacim. ³ Jém Malía inimiñ tum libra jém wibic perfume, naps nardo, jém cínpápic, jém aguijic tsoowiy. Iccámáy jém perfume jém Jesús ipuyuyucmi. Ocmi jém Malía icujicháyaypa jém Jesús ipuy con iway. Agui cínpa jém perfume, comne jém tic de cifi. ⁴ Ittim tum de jém Jesús icuyujcwiñ, jém Judas Iscariote, jém Ximoy Iscariote imaníc, jém iwadaypápic atraición jém Jesús. Nim jém Judas:

⁵ —¿Tiiga da tammáypa yíp wibic perfume? Ivale tres cientos tumiñ de plata. Jesic wiap tanyoxpát jém yaachayajpápic.

⁶ Jém Judas da iyaachanjampa jém yaachayajpápic, pero nimpa jempic porque númpa jém pixiñ. Iwatpa cuenta jém tumiñ ibolsa y siempre iñúmpa jém tumiñ. ⁷ Nimpa Jesús:

—Oday moogiyi yíp yomo. Iccáyñe idic jém perfume iga accámáypa cuando acumtap. ⁸ Siempre ityaj con mimichtam jém yaachayajpápic, pero ich da seguido aitpa con mimichtam.

Jém anjagooyiyaj ijsiyajpa jutsap iccaayaj jém Lázaro

⁹ Jesic jáyan jém Jerusaléncic pixiñtam ijodónayaj iga jemum it jém Jesús. Jesic nic iámyaj. Da no más nic iámyaj jém Jesús, pero iixyajtoobatim jém Lázaro jém acpisnetawiiip. ¹⁰ Jesic jém panij anjagooyiyaj iwatyajpa acuerdo iga iccaayajpatim jém Lázaro. ¹¹ Porque cuando jém judíos iixyaj iga numa acpisnetajém Lázaro, jesic jáyan ichacyajpa jém Israelpic anquímayoooyi, moypa icupicyaj jém Jesús.

Tigiy Jesús Jerusalén juuts tum anjagooyi

(Mt. 21:1-11; Mr. 11:1-11; Lc. 19:28-40)

¹² Jém tungac jama jáyan pixiñtam nicne sijnajiyaj jém atbet Jerusalén. Iwatyajpa jém pascuasij. Cuando ijodónayaj iga núcpa Jerusalén jém Jesús, ¹³ jesic itúcyaj jáyan jém suyat iay. Nic imétsyaj jém Jesús tunjom. Mu ipátayaj, tsam icujipyajpa. Pimi jiyajpa jém pixiñtam. Nimyajpa:

—¡Hosanna! ¡Agui wj jém tanjatun Dios! ¡Tanujiptámpa jém Rey de Israel jém miññewiip jém tanjatun Dios iñiyimi!

¹⁴ Jesic jém Jesús ipát tum mañburro. Iquímca. Iwat juuts jayñeta:

¹⁵ Oday cijnataami miittanwiiip jém atbet Sión.

Ixtaami iga siip miñpa jém iñRey.

Iquímca tum mañburro.

16 Wiñti jém Jesús icuyujc#wiñ da icuti#yiyajpa, pero ocmi cuando pisneum y químgac sinyucmi jém Jesús, ijisyajpa iga jempigam nimpa jém Dios inmati y jempigam iñascaaba jém Jesús cuando núcpa Jerusalén.

17 Jodónjatap jutquej ti iwat jém Jesús mu inwejáy jém Lázaro jém tsaajosjom jut cumne. Jém ityajwip con Jesús cuando pis jém Lázaro, inmadayyaj i quej ti iixyaj. 18 Jeeyucmi miñ íamyaj Jesús tsam jáyay jém pxiñtam porque imatonyaj iga iwat jém milagro. 19 Jesic jém fariseoyaj nanímayyajtap:

—Sip quejpa iga da ti wip tanwatta. Ixi, itumpiy jém pxiñtam icuwiti yip naxyucmi itúnjyaypa.

Algunos jém griegopíc pxiñtam tsam iixtooba jém Jesús

20 Miñyajtim sijnajiyaj algunos jém pxiñtam jém anmatyajpaap jém anmati griego. Miñyaj Jerusalén iga ijisyajpa Dios. 21 Jeeyaj nic íamyaj jém Felipe, jém miñnewip jém atebet Betsaida jém naxyucmi de Galilea. Jém griegopíc pxiñtam icunucsayyaj jém Felipe. Nímayta:

—Awadaayi tum favor. Nigi nímaayi jém Jesús iga tsam anjiypáttooba.

22 Jesic jém Felipe nic inmadáy jém Anti ti ixunpa jém griegopíc pxiñtam. Jesic iwagananicayaj jém Anti y jém Felipe iga inmadayyaj Jesús ti ixunpa jém pxiñtam. 23 Jesic jém Jesús inímáy jém icuyujc#wiñ:

—Núneum jém tiempo iga ich, jém aMiñnewip Sinyucmi, ampictsonpa eybic jém ampimi jém anaitwip idic sinyucmi. 24 Numa mannímáypa siiga tum pac da ñiptap nascim jut caaba imayi, jesic tsíypa icutum. Pero siiga caaba imayi, jesic jáyanap. 25 Siiga tum pxiñ tam itoypa iverda yip naxyucmi, jesic togoypa iverda. Pero siiga tum pxiñ da itoypa iverda yip naxyucmi, jesic da togoypa iverda, inítpra para itumpiy tiempo. 26 Siiga tum pxiñ acuyoxatooba, jesic ansunpa iga atúnjyíñ, jesic jemtum jut aítpra aich itpatim jém acuyoxapáppic. Siiga tum pxiñ acuyoxap aich, jesic jém anjatun Dios iwixpa jém pxiñ.

Nimpa Jesús iga accaatap

27 Sip tsam anyácne. ¿Que ti wip annímáy jém anjatun? Ich da annímáypa jém anjatun Dios iga: “Manjatun, ayoxpaati iga odoy ayaachwattaiñ”. Da anwatpa jempic porque ich amiñ yip naxyucmi iga ayaachwattaiñ. Jesic annímáypa iga: 28 “Manjatun Dios, wati juuts mich inxunpa iga jém pxiñtam micujípyajiñ”.

Jesic jiyapa Dios sinyucmi. Nimpa:

—Sip anwatneum y anwatpatim eybic iga acujípyajiñ jém pxiñtam.

29 Jesic jém pxiñtam, jém antuumaneyajwip, imatonyaj jém jiyi. Nímyajpa iga tñpa jém majywiñ. Pero tunyac nimpá:

—Ijyáy tum sinyucmipic pxiñ.

30 Jesic Jesús inímáy jém pxiñtam:

—Tammatonjeta yip jiyi mimichtam inçuyucmi, da para ich, iga inçuti#iytamiñ ti iwatpa Dios. 31 Sip núcpa jém hora iga c#pintap jém ityajwip yip naxyucmi. Sip accáyaytap ipimi jém Wocciwiñ, jém injacnewip yip naxyucmi. 32 Pero ich cuando acquímtap cunusyucmi, jesic anchiiba jixi jém pxiñtam iga acupiguíñ.

³³ Cuando inmatpa jempic jem Jesús, inquejáya jem pixiñtam iga accaatap cunusyucmi. ³⁴ Jesic jem pixiñtam inimayyaj jem Jesús:

—Tammatorne iga nimpa jem Dios inmati iga itpa jem Cristo para itumpiy tiempo. ¿Jesic tiiga miñmpa iga accaatap cunusyucmi jem Miññewiip Sinyucmi? Anímaayi: ¿Lapaap jem Miññewiip Sinyucmi?

³⁵ Jesic Jesús inimáya jeeyaj:

—Jem juctianťsoca poy it tum rato con mimichtam. Wittaami iganam it jem juctianťsoca iga odoy mictsiyiñ jem piichi. Porque jem witpáppic jem piichcim da ijodon jut nicpa. ³⁶ Iganam itpa jem juctianťsoca, jesic acupictaami aich iga inittámiñtim jem juctianťsoca jem inanamanejom.

Jesic cuando yaj nimi jem Jesús, nic iyámáy jem pixiñtam.

Wati jem judíos da idic icupicyajpa

³⁷ Tsam jáyan milagro y seña iwat Jesús jem pixiñtamanjom, pero jeeyaj da icupicyajpa iga je jem Cristo. ³⁸ Iwatyajpa jempic iga cupaguiñ jem anmati jem ijaychacnewiip jem wiñcipic profeta jem Isaias. Nimpa:

Manjatun Dios, mich ininquejáy jem pixiñtam jem impimi, pero da i icupicpa mich ininmati jem anamiññewiip.

³⁹ Jeeyucmi jem Israelpic pixiñtam da icupicyajpa jem Cristo, porque nintim jem Isaias:

⁴⁰ Dios icáchíwatpa jem pixiñtam,

icamamwadáy icobac iga mástim da wiap icutiyyiyaj jem Dios inmati.

Jempam iwat Dios iga jem pixiñtam da ti iixyajpa iixcuymi ni da wiap icutiyyiyaj inanamanejom iga Dios iwíwadaytooba idic.

Datim wiap ichacyaj jem malopic ijixi iga Dios iccáyayiñ itañca.

⁴¹ Wiq inmat jempic jem Isaias porque wiñgam iix jem Cristo ipimi. Ijaychacne ti inascaaba jem Cristo cuando miñpa yip naxyucmi.

⁴² Pero da itumpiy jem Israelpic pixiñtam cuixayaj. Jáyan icupicyaj, hasta algunos jem anjagooyiyaj icupicyajtim jem Jesús. Pero iga tsam icinyajpa jem fariseoyaj jesic inyampa iga icupicne. Icinayajpa iga quebacputyajtap jem sinagoga. ⁴³ Más iwianjamyaj iga cujipyajtaiñ yip naxyucmi que iga Dios icujípa.

Jem Jesús inmati icipiñpa jem pixiñtam

⁴⁴ Jesic ocmi pimi jiyja jem Jesús. Nimpa:

—Siiga i acupicpa aich, jesic icupicpatim mex jem anjatun Dios jem acutsatnewiip yip naxyucmi. ⁴⁵ Jem aixpáppic aich, iixpatim mex jem anjatun Dios jem acutsatnewiip. ⁴⁶ Ich, jem ajuctianťsoca, amiñ yip naxyucmi iga itumpiy jem acupicyajpáppic aich, da tsíyyajpa piichcim. ⁴⁷ Siiga i imatonpa ich anamati, pero da icupicpa, jesic ich anyaac da anchiiba jem icastigo. Ich da amiñ iga acipiñoypa. Amiñ iga anciacputpa jem ityajwiip yip naxyucmi.

⁴⁸ Siiga tum pixiñ ajóyixpa y da iwatpa juuts nimpa ich anamati, jesic jem inanjpigam jama ich anamati tsíyja juuts tum juez. Jeetim anamati icipiñpa y ichiiba castigo jem dapic ipictsonpa ich anamati. ⁴⁹ Ich anyaac da anjixquimpa jem anamati, pero jem anjatun Dios jem acutsatnewiip animáy jutsap anamat jem anmati y ti ananquejáya jem pixiñtam. ⁵⁰ Ich anjodon iga jem anjatun Dios inquímayooyi ichiiba jem pixiñtam jem vida jem dapic

cuyajpa. Jeeyucmi ananmatpa jém ananmati juuts anímáyñe jém anJatun Dios.

13

Jesús icheáypa jém icuyujc#wiñ ipuy

¹ Jesic núctooba jém jama iga jém Israelpic pìxiñtam iwatyajpa jém pascuasiñ. Ijodon Jesús iga núcneum jém hora iga nicgacpa sinyucmi jut it iJatun Dios. Jém Jesús tsam pimi itoypa jém itúnjyyajwiip, jém imichipic, da nunca ichacpa iga itoypa.

² Jesic iganam wícmonyajpa Jesús con jém icuyujc#wiñ, jém Wocci#wiñ iccám jém malopic jixi jém Judas Iscariote ianamanjom iga iwadáypa atraición jém Jesús. Yip Judas jém Ximój imanic. ³ Ijodon Jesús iga jém iJatun Dios icijuncodáy itumpiy cosa icijom. Ijodonim iga miñ de Dios y eybic nicpa jut it Dios. ⁴ Cuando yajtoobam wiiquiyaj, teñchucum jém Jesús, ichac iyooti, ipic tum toalla, iwoycunuc jém imijpacyucmi. ⁵ Itec ni tum palanganajom, jém icheáy ipuy jém icuyujc#wiñ. Ocmi icujicháyaypa ipuy con jém toalla jém iwoycunucnewiip jém imijpacyucmi.

⁶ Cuando núc Jesús jut it jém Peto, jesic Peto iñímáy:

—Mánomi, ¿que mich antseáypatim ampuy?

⁷ Nimpa Jesús:

—Siip da incuti#yíyipa tiiga mantseaytámpa jém impuy, pero ocmi incuti#yiytámpa.

⁸ Jesic jém Peto iñímáy jém Jesús:

—Mich da nunca manjígáypa iga antseáypa ampuy.

Jesic nimpa Jesús:

—Siiga da mantseáypa impuy, jesic da je mammichi.

⁹ Jesic Peto iñímáy jém Jesús:

—Mánomi, atseayit ampuy. Atseayitim jém anci y ançobac.

¹⁰ Jesic iñímáy Jesús:

—Siiga yaguiñ chinne tum pìxiñ, jesic da ixunpa iga chinpa eybic. No más ixunpa iga icheeba ipuy porque cuáyñeum icutero. Mimichtam micuáyñeum, pero tum de mimichtam, jém mançuyujc#wiñ, da micuáyñe.

¹¹ Porque jém Jesús ijodon japaap iwadáypa atraición. Jeeyucmi nimpa Jesús iga: “Da iñtumpiytam micuáyñeta.”

¹² Cuando yaj icheáy jém icuyujc#wiñ ipuy, jesic jém Jesús icot iyooti, eybictim coñ jém mesacim. Iñímáy jém icuyujc#wiñ:

—¿Incuti#yíy ti siip manwadayta? ¹³ Mimichtam annímáyatámpa iga: mam-Maestro y mánomi. Wi iga miñimtámpa jempic porque mimichtam numa manaccuyujpa y numa mimichtam mammichane. ¹⁴ Aunque michtam amMaestro y ánomi, mantseáypa impuy, jesic wítim iga minitseytamtaiñ impuy mimichtam. ¹⁵ Mantseáy jém impuy iga mananquejáypa iga wi iga iwattamiñ juuts ich manwadayta. ¹⁶ Numa mannímáypa, tum pìxiñ iesclavo da wiap iñasca jém iqomi. Tum mensajero da más mij que jém icutsatpáppic.

¹⁷ Siiga incuti#yiytámpa ti mannímáypa y siiga iwattámpa jempic, jesic agui mimaymáyatámpa.

¹⁸ Eybic jiyapa Jesús. Nimpa:

—Da anímtooba iga inñtumpiytam wiap inçutiiyiyta porque anwixpicpa jém ançupinneyajwiip. Anjodon japaap amalwadáypa. Nimpa jém Dios inñmati, jém jayñetawiiip, iga: “Tum pixiñ anwaganawícpa aich, ocmi awadáypa atraición.” Siip cupactooba jém anñmati. ¹⁹ Mannímáypa siip ti annascaaba aich, jesic cuando inñixtámpa iga cupacum jém ananñmati, wiap inçupicta iga ich jém aCristo jém acupinnewiiip Dios. ²⁰ Numa, mannímáypa siiga i ipictsonpa jém ançatsatnewiiip, jesic apictsonpañim aich. Siiga i apictsonpa aich, ipictsonpañim jém anñatun Dios.

Nimpa Jesús iga jém Judas iwadáypa atraición

(Mt. 26:20-25; Mr. 14:17-21; Lc. 22:21-23)

²¹ Jesic cuando yaj inñmat jempic jém Jesús, tsam pimi anyácne iñnamanjom. Nimpa Jesús:

—Numa siip mannímáypa, tum de mimichtam aciiñjocotpa jém ánenemigo iciiñom.

²² Jesic jém Jesús icuyujcwiñ tsam naámyajtap. Nimyajpa iñnamanjom iga: “¿Japaap iwadáypa atraición jém tánomi?” ²³ Tum jém Jesús icuyujcwiñ, jém tsampic itoypa, iwaganacoñ jém Jesús. ²⁴ Jesic jém Peto iwadáy seña con icobac iga jém pixiñ icwáguñ Jesús japaap jém iwadaypaap atraición. ²⁵ Jesic jém pixiñ icunúc noco iga iyámacwácpa. Nimaytap jém Jesús:

—Mánomi, ¿i miwadáypa atraición?

²⁶ Jesic Jesús icutson. Nimpa:

—Siip ansonpa tum jaca caxtánañi jém anchimajom, anchiiba jém pixiñ jém awadaypáppic atraición iga quejiñ japaap.

Jesic cuando ixon jém caxtánañi, ichi jém Judas Iscariote, jém Ximoj imaníc.

²⁷ Jesic yaj ipictson jém Judas jém caxtánañi, tigiy jém Wocciwiñ jém Judas iñnamanjom. Jesic Jesús inñimáy jém Judas:

—Jém siippic inñwatpa, niñi wati jicsciy.

²⁸ Jém tungac icuyujcwiñ, jém ityajwiiip mesacim, da icutiiyiyaj tuiga inñimáy jempic jém Judas. ²⁹ Ijisyajpa algunos iga cutsattap jém Judas iga niñiñ ijuy titam ixunyajpa iga siñayajpa. Tungac ijisyajpa iga cutsattap jém Judas iga ichiñ tumiñ jém yaachayajpáppic. Porque iwatpa cuenta jém tumiñ ibolsa. ³⁰ Jesic yajum icút jém caxtánañi, nic jém Judas. Piichcim.

Jém jomipic anquímayooyi

³¹ Jesic cuando nicneum jém Judas, moj anñmati jém Jesús. Inñimáy jém icuyujcwiñ:

—Siip cujiptap jém Miñnewiiip Siñyucmi. Cujiptaptim tanñatun Dios je icuyucmi. ³² Siiga cujiptap Dios ich ançuyucmi, jesic acujiptaptim aich jém anñatun Dios icuyucmi. Siip iwatpa Dios jém witampic cosa iga acujiptañi y da jáyñe iccupacpa. ³³ Mammánictam, mantoytampáppic, siip tum ratotim tawagaitta. Pero ocmi mimichtam tsam ançuámtámpa, da ampáttámpa. Siip mannímáypa juuts annímayñe jém judíos, mimichtam da wiap inñiñicta jut ich anicpa. ³⁴ Siip manchiiba tum jomipic anquímayooyi, natoytamtaji con jém inñiwitam. Juuts mantoytámpa mimichtam, jesic jempictim natoytamtaji con jém inñiwitam. ³⁵ Siiga minitoytamtap con jém inñiwitam, jesic itumpiy jém ityajwiiip yip naxyucmi ijodónayajpa iga ich mançuyujcwiñ.

*Nimpa Jesús iga jém Peto inécpa
(Mt. 26:31-35; Mr. 14:27-31; Lc. 22:31-34)*

³⁶ Jesic jém Peto icwác jém Jesús, iñímáy:

—MánQmi, ¿jut miñicpa?

Nimpa Jesús:

—Jemum jut ich anicpa, mimichtam da wiap iññicta siip, pero ocni miñictampaím mex mimichtam.

³⁷ Jesic jém Peto iñímáy:

—MánQmi, ¿tiiga da wiap annicta siip? Ich anyaac anchiiba amvida iga accaatap para mimich.

³⁸ Jesic nimpa Jesús:

—¿Que mich michióypa imvida iga miccaatap para aich? Numa mannímáypa iga antes que anwejpa jém cayu, anañécpa tres veces iga ich mançuyuciiwiñ.

14

Jesús je jém tun jém nicpáppic jut it tanjatun Dios

¹ Mimichtam, odo anyáctaami iñanamanjom iga ich anicpa. Cupictaami Dios, acupictaamítm mex aich. ² Jém anjatun Dios iticcím tsam it jém wítampic lugar jut nicpa miñtitam. Meega da idic j, da idic mannímáy. Nicpa manwitsagáy tum lugar para mimichtam. ³ Siiga nicpa manwitsagáy tum lugar para mimichtam, jesic amiñgacpa eybic iga mananictampa, iga jut aítpa aich jemtm miñtampa mimichtam. ⁴ Mimichtam iñjodontam jut anicpa, iñjodontim jém tun.

⁵ Jém Tomax iñímáy:

—MánQmi, da anjodontam jut miñicpa. ¿Jutsap anjodongata jém tun?

⁶ Jesic Jesús iñímáy jém Tomax:

—Icham jém atun. Ich anamiñ jém numapic anquímayooyi. Ich anchiiba jém pixiñtam jém vida jém dapic cuyajpa. Da j núcpa jut it anjatun Dios siiga da acupicpa aich. ⁷ Siiga mimichtam ánixpictampa aich, jesic iñixpictampaím jém anjatun Dios. Siip mojum iñixpicta Dios, iñixfetámum.

⁸ Jesic jém Felipe iñímáy Jesús:

—MánQmi, aguixtaami jém tanjatun Dios, jesic itum wí. Da ti más an-suntampa.

⁹ Jesic Jesús iñímáy jém Felipe:

—A que miFelipe, tsam wiñigam awagaitta con mimichtam. ¿Que mich da ánixpicpa? Jém aixñewiip aich, iixñetim jém anjatun Dios. ¿Tiiga mich annímáy iga: “Aguixtaami jém tanjatun Dios”? ¹⁰ ¿Que da inçupicpa iga anwaganait anjatun Dios y jém anjatun Dios awaganait aich? Jém anañati, jém manañmadayñewiip, da je anjixquimi. Jém anjatun Dios, jém itwiip ánanamanjom, iwatpa jém wítampic cosa juuts je iwianjam. ¹¹ Cupictaami iga anwaganait anjatun Dios y jém anjatun Dios it ánanamanjom. Siiga da wiap inçupicta iga ich anwaganait jém anjatun Dios, jesic acupictaami aich porque iñixñeta jém milagroyaj jém anwatnewiip. ¹² Numa mannímáypa; jém pixiñ, jém acupicnewiip, wiaptim iwat jém milagroyaj jextim juuts ich anwatpa, wiaptim iwat más wíbic milagro que ich porque anicgacpam siñyucmi jut it

anJatuj. ¹³ Siiga ininwejpáttámpa Dios ich anniyimi iga inwágayfámpa algun ti, jesic ich anwatpa juuts mich anwágáypa iga cujíptaiñ jém anJatuj Dios. ¹⁴ Titam inwágáypa Dios ich anniyimi, jesic ich anwatpa juuts anwágáypa mimichtam.

Nimpa Jesús iga icutsatpa jém Dios iAnama yíp naxyucmi

¹⁵ 'Siiga mimichtam antoytámpa, jesic cupictaami ananquímayooyi. ¹⁶ Ich anjuncusáypa anJatuj Dios iga michiitámiñ jém Dios iAnama iga miyoxpáttámiñtim juuts aich iga míñiñ miwaganait con mimichtam para siempre. ¹⁷ Jém Dios iAnama minquejayfámpa itumpiy jém numapic anquímayooyi. Jém ityajwip yíp naxyucmi ijóyixyajpa Dios, da wiap ipictsoj jém Dios iAnama, porque da wiap iixyay ni da wiap iixpicayaj. Pero cuando núneum jém Dios iAnama, jesic mimichtam inixpictámpa porque miwaganaitta. Miñpa iti jém Dios iAnama mimichtam inanamajom. ¹⁸ Da mantsactámpa incutum juuts tum yuctucu. Eybic miñpa aiti con mimichtam. ¹⁹ Da jáyñe anicpa, jesic yíp naxyucmipic pixiñtam da más aixyajpa, pero mimichtam eybic ánixtámpa. Ich manchiiba jém vida porque ich anait jém vida. ²⁰ Jesic cuando núcpa jém jama, mimichtam injodónatámpa iga anwaganait jém anJatuj Dios. Injodónatámpatim iga mich miit con aich y ich ait con mimichtam. ²¹ Siiga tum pixiñ ijodonj ich ananquímayooyi y icupicpa, jesic quejpa iga tsam atoypa jém pixiñ. Siiga atoypa aich tum pixiñ, jesic jém anJatuj Dios tsam itoypatim jém atoypápic aich. Ich antoypatim jém atoypápic. Ich anyaac anwiñquejáypa jém pixiñ iga icutiíyiyiñ ajapaap.

²² Jesic jém tungac Judas, jém dapic Iscariote, inímáy jém Jesús:

—Mánomi, ¿siiga anwiñquejayfámpa aichtam, pero da inwiñquejáypa jém ityajwip yíp mundo, jém dapicnam micupicneyaj?

²³ Jesic Jesús inímáy jém icuyujcawiñ:

—Siiga tum pixiñ atoypa, jesic numa icupicpa jém ananmati. Jém anJatuj Dios tsam itoypatim jém pixiñ. Jesic ich con jém anJatuj Dios miñpa anwaganaitta jém icupicpápic ich ananmati. ²⁴ Jém pixiñ, jém dapic atoypa aich, da iwatpa juuts nimpa ich ananmati. Yíp anmati, jém siipic immatojne, da anjixquimi; achiiñe jém anJatuj Dios, jém acutsatnewip yíp naxyucmi.

²⁵ 'Mananmadáy itumpiy yípyaj cosa iganam ait con mimichtam. ²⁶ Jesic ocmi anJatuj Dios micutsadáypa jém Dios iAnama iga miyoxpádiñ juuts tum representante para ich. Miñpa minquejayfa itumpiy jém ananquímayooyi. Miñpa iga micjístámiñ itumpiy jém ananmati jém mananquejayñewip.

²⁷ 'Siip mantsagáypa jém paz, manchiiba jém wibic jixi iga da ti idiyiy inanamajom, da jex juuts michiitap yíp naxyucmi. Jesic odoy anyáctaami inanamajom, odoy cijnataami. ²⁸ Immatoneta cuando mannímáy iga: "Anicpa, pero eybic miñpa aiti con mimichtam." Siiga numa antoytámpa, jesic maymáyaataami iga ich anicgacpa siip jut if anJatuj Dios, porque jém anJatuj más wiap que aich. ²⁹ Mananmadáypa siip titam miñpa antes que núcpa, jesic cuando inixtámpa itumpiy cosa juuts mannímáyñe idic, injucpictámpa iga Dios acutsat.

³⁰ 'Siip tum ratotim mananmatpa, porque siip núcum jém tiempo iga miñpa yíp naxyucmipic anjagooyi. Je da iticutigiyi con ich, da ti wiap awadáy.

³¹ Pero siip anwatpa juuts apimíyapa jém anJatun Dios iga jém ityajwüip yíp mundo ijodónayajiñ iga tsam antoypa jém anJatun Dios. Siip tsucumtaami. Tanictámpam.

15

Jém Jesús juuts tum uvas icobac

¹ Ich ajex juuts tum nunta uvas icobac. Jém anJatun Dios jém iwatpáppic cuenta jém uvas. ² Jagaytap itumpiy jém uvas incis jém dapic tímá. Pero jém incis jém tímáppic, witsactap, anticsaytap uxañ inquiñi iga más tímáñ. ³ Siip mimichtam cuáyñeum iñanama porque incupic jém ananquímayooyi, jém manañmadayñewüip. ⁴ Seguido wagaittaami con aich y ich seguido manwaganaitpa mimichtam. Siiga tum cuy incis da pimane jém cuyyucmi, jesic da tímá. Jém cuy incis da wiap itíma iyaac. Jesaptim mimichtam da wiap inwatta jém wítampic cosa juuts ixunpa Dios siiga da miwagaitta con aich.

⁵ Ich ajex juuts tum uvas icobac. Mimichtam mijex juuts tum uvas incis. Siiga tum pixiñ seguido awaganaitpa aich y siiga ich anwaganaitpa jém pixiñ, jesic wiap iwat jém wítampic cosa juuts tsam tímá. Siiga da manyoxpáttámpa, jesic da ti wiap inwatta. ⁶ Siiga tum pixiñ da seguido awaganaitpa aich, jesic jex juuts tum cuy incis jém dapic tímá. Pátsaytap, titspa. Ocmi pintap, cottap juctjom, nooquettap.

⁷ Siiga seguido miwagaitpa con aich y da iñchacpa iga incupicpa ich anañmáti, jesic wágaytaami Dios titam iñxunpa y je michiiba. ⁸ Jém anJatun Dios tsam cujírtap cuando inwíwattámpa mimichtam, juuts tsam miwítámp. Jempigam michiytámpa iga ich mancuyujcñwiñ. ⁹ Mantoytámpa mimichtam juustim jém anJatun atoypa aich. Seguido wíwattaami porque ich tsam mantoytámpa. ¹⁰ Siiga incupictámpa ich ananquímayooyi, jesic seguido inwíwattámpa porque ich tsam mantoytámpa. Jextim juuts aich ancupicpa jém anJatun Dios inquímayooyi y seguido anwatpa juuts je iwianjam porque tsam atoypa jém anJatun Dios.

¹¹ Manañmadáypa yípyaj cosa iga iniidiñtim jém maymáyaji juustim ich anait, iga tsam pimi mimaymáyatámiñ. ¹² Yiim it ich ananquímayooyi: Natoytamtaji con iñtíwítam juuts ich mantoytámpa mimichtam. ¹³ Siiga nachiítap iyaac tum pixiñ iga accaatap para jém iamigo, jesic quejpa iga tsam pimi itoypa jém iamigo. ¹⁴ Mimichtam mánamigotam siiga inwattámpa juuts mannímaypa. ¹⁵ Siip dam más michíyapa juuts mánesclavo porque tum esclavo da icutiíyíyapa ti iwatpa jém iomi. Pero siip mannímaypa iga mánamigotam porque manañquejayñetámum itumpiy jém jixi jém achíñewüip jém anJatun Dios. ¹⁶ Mimichtam da ancupiñneta aich, pero ich mancupiñneta mimichtam. Manchiiñeta jém cargo iga niguiñ inwatta jém wibic cosa juuts ich ansunpa. Jesic numa inwíwatpa y da iñchacpa jém wibic jixi, juuts tanimpa, miwítámp. Jesic titam inwágáypa anJatun Dios, ich anniyimi, michiiba. ¹⁷ Siip manañquímpa iga natoytamtaji con jém iñtíwítam.

Jém malopic pixiñtam ijóyixyapa Jesús con jém icupicneyajwüip

¹⁸ Siiga tsam mijóyixpa jém malopic pixiñtam jém ityajwüip yíp naxyucmi, jesic jisi iga wiñti ajóyixtim aich. ¹⁹ Siiga mimichtam mimalotim juuts jém

ityajwɨp yíp naxyucmi, jesic mitoytámpatim jém malopic pixiñtam. Pero manɔcupiñne iga iñchaganpudiñ jém ityajwɨp yíp naxyucmi. Jeeyucmi tsam mijóyixpa jém malopic pixiñtam porque ðam mijex juuts jeeyaj. ²⁰ Jistaami ti mannímáy iga tum esclavo da más mij ipimi que jém iomi. Siiga yíp naxyucmi pic pixiñtam amalwadayyaj aich, jesic michgacti mimalwadayyajpatim. Meega icupicyaj ich anañmatí, jesic icupicyajpatim mex mich inijmatí. ²¹ Mimalwadayatamtap ich anɔcuyucmi porque jém malopic pixiñtam da iixpicayja jém anɔatun Dios jém acutsatnewɨp yíp naxyucmi.

²² Meega ich da miñ anañmadayyaj jém pixiñtam jém wibic añmatí, jesic jeeyaj da inijyaj la culpa iga imalwatyajpa. Pero ich anamíñáy jém wibic añmatí, jesic jeeyaj inijyaj la culpa siiga da icupicyajpa, da wiap inéncyaj itáñca. ²³ Jém ajóyixpáppic aich, ijóyixpatim jém anɔatun Dios. ²⁴ Jeeyaj da inijyaj la culpa meega da miñ añwat jém wibic milagroyaj jém pixiñtamanjom, jém dapic oypa íñix. Pero siip jém pixiñtam iixñeyajum jém milagroyaj y ajóyixyajpa aich y ijóyixyajpatim jém anɔatun Dios. ²⁵ Annascaaba jempic iga cupacpa jém añmatí juuts jayñeta wiñigam jém inquímayooyi de jeeyaj. Nimpa: “Jém malopic pixiñtam ajóyixyajpa sin motivo.”

²⁶ ‘Cuando anúcpa juť it anɔatun Dios, manɔcutsadáypa jém Dios iAnama iga miyoxpáttamiñ, iga icamawadiñ íñanama. Miñpa miñmadáy de aich. Miñquejaytámpa itumpiy jém numapic añmatí. ²⁷ Mimichtam wiaptim inijmadáy jém pixiñtam de aich porque miitta con aich dende moj anañmat jém wibic añmatí.

16

¹ Siip manañmadáypa yípyaj cosa iga inɔcutiñyitámiñ ti miñpa. Jesic siiga mimalwadayatamtap, da miñyáctámpa ni da iñchactámpa jém Dios inmatí. ² Miquebacputtamtap jém sinagoga. Núcpa jém hora cuando jém malopic pixiñtam imétsyajpa jutsap miccaayaj, porque ijisyajpa iga iwatyajpa juuts ixunpa Dios siiga miccaaba. ³ Yicxpícosa iwatyajpa jém malopic pixiñtam porque da quemán iixpicayj jém anɔatun Dios y datim aixpicayja aich. ⁴ Siip manañmadáypa ti miñpa iga cuando núcpa jém hora iga jém malopic pixiñtam mimalwadáypa, jesic inijstámpa ti mannímáyñeta. Pecam da idic manañmadayñeta ti miñpa porque manwaganaita mimichtam.

Tañquejáypa ti watpa jém Dios iAnama yíp naxyucmi

⁵ Siip nicgacpa aiti juť it jém acutsatnewɨp. Pero ni tum de mimichtam da anacwáctámpa iga: “¿Juť miñicpa?” ⁶ Pero siip tsam miñyácneta íñanamanjom porque manañmadayta ti miñpa. ⁷ Mannímáypa siip jém numapic añmatí. Más yí para mimichtam iga anicpa. Porque siiga da anicpa, jesic da miñpa jém Dios iAnama iga miyoxpáttámpa. Pero siiga anicpa, jesic manɔcutsadáypa jém Dios iAnama. ⁸ Cuando núcpa yíp naxyucmi jém Dios iAnama, jesic inquejáypa jém ityajwɨp yíp naxyucmi iga táñcaíy. Inquejáypatim jém pixiñtam jutsap iwatyaj juuts ixunpa Dios. Inquejáypatim jém pixiñtam iga núcpa jém jama iga cɨpinjaytap itumpiy jém malopic pixiñtam, chiiyajtáp castigo. ⁹ Jém Dios iAnama inquejáypa jém pixiñtam iga táñcaíyyaj porque da acupicyajpa. ¹⁰ Anquejayajtaptim jém pixiñtam jutsap iwatyaj juuts ixunpa

Dios porque siip anicgacpa jut it jém anJatun y mimichtam da más ánixtámpa. ¹¹ Anquejayajaptim jém pxiñtam iga cxiñóypa Dios porque Dios icxiñneum jém Wocxiwiñ, jém injacpáppic yíp mundo, y ichibatim castigo.

¹² 'Manañmadayátamtooba jáyay más cosa, pero siip da wiap iñyaachíy.

¹³ Pero cuando miñpa jém Dios iAnama jém inmatpáppic jém numapic anmañti, jesic minquejaytámpa itumpiy jém numapic anquimayoooyi. Porque Dios iAnama da minmadáypa de iyaac, pero minmadáypa itumpiy jém cosa jém imatonnewiip. Minquejaytámpa ti miñpa. ¹⁴ Jém Dios iAnama ipictsonpa itumpiy jém ich ananquimayoooyi y miwianquejaytámpa. Iwatpa jempic iga jém pxiñtam awixyajiñ aich. ¹⁵ Itumpiy jém anJatunpic imiichi, ammiichitim aich. Jeeyucmi mannímaypa iga jém Dios iAnama ipictsonpa ich ananquimayoooyi y minquejaytámpa mimichtam.

Cáypa jém anyaaqui, maymáayajiñ jém Jesús icuyujcxiwiñ

¹⁶ 'Da jáyñe mimichtam da ánixtámpa. Pero ocmi da jáypa ánixtámpa eybic. Porque anicpa jut it anJatun Dios.

¹⁷ Jesic algunos jém Jesús icuyujcxiwiñ nanímayajtap entre jeeyaj:

—¿Que ti nimtooba iga: “da jáyñe da ánixtámpa”, y “da jáypa ánixtámpa eybic” y “porque anicpa jut it anJatun”? ¹⁸ ¿Que ti nimtooba iga: “dam jáyñe da tánixtámpa”? Da tancutiíyíyipa ti nimtooba jém tánomi.

¹⁹ Jesic jém Jesús icutiíyíy iga jém icuyujcxiwiñ icwáctooba. Jesic iñimáy jeeyaj:

—¿Que minicwáctamtap ti animtooba cuando mannímayñe iga: “dam jáyñe, da ánixtámpa” y ocmi, “da jáypa ánixtámpa eybic”? ²⁰ Numa, mannímaypa iga tsam miwejtámpa, tsam minyáctámpa. Jém malopic pxiñtam jém ityajwiip yíp naxyucmi tsam maymáayajpa. Pero mimichtam tsam minyáctámpa. Pero ocmi cáypa jém anyaaqui, setpa iga mimaymáyatámiñ mimichtam. ²¹ Cuando tum yomo icnaypa tsixi, agui anyácne iga yaachap porque núcneum jém tsixi itoya. Pero ocmi cuando nayñeum jém tsixi, dam ijsipa jém yomo iga tsam yaacha micnay jém tsixi porque agui maymay iga icnayñe tum tsixi yíp naxyucmi. ²² Jesanetim mimichtam siip tsam minyáctámpa, pero jesic ocmi miñgacpa mánám y tsam mimaymáyatámpa. Jesic jém maymáyaji da i wiap miccáyáy. ²³ Cuando núcum jém jama iga amiñgacpa, jesic da ti anacwáctámpa mimichtam.

'Numa mannímaypa iga jém anJatun Dios michiiba titam inwágaytámpa ich anniyimi. ²⁴ Hasta siip da ti inwágayta Dios ich anniyimi. Siibam wágaytaami Dios titam iñxunpa iga tsam mimaymáyatámpa cuando impictsonjtámpa.

Jesucristo icoñwiy jém Wocxiwiñ ipimi

²⁵ 'Hasta siip manañmadayñe cuentujmi, pero núcpa jém hora iga da manañmadáypa cuentujmi. Mannuntawianmadáypa ti iwianjam jém anJatun Dios. ²⁶ Jesic cuando núcpa jém jama, da anañwejpátpa Dios para mimichtam porque mimichtam inwágaypa Dios titam iñxunpa ich anniyimi. ²⁷ Jém anJatun Dios iyaac mitoytámpa porque michtam antoytámpa aich y incupictámpa iga ich atsucum jut it anJatun Dios. ²⁸ Ich atsucum jut it anJatun Dios. Miñ aiti yíp naxyucmi. Siip acáypam yíp naxyucmi. Eybictim anicgacpa jut it anJatun Dios.

²⁹ Jesic nımyaj jém icuyujc#wiñ:

—Sıip nıma iññuntawıanmatum. Dam inmatpa cuentujmi. ³⁰ Sıip anjodónatámum iga inçutiıyıpa itumpiy cosa, da inxunpa iga i micwácpa. Jeeyucmi mançupictámpa iga nıma Dios micutsatne yıp naxyucmi.

³¹ Jesic jém Jesús inímáy jeeyaj:

—¿Nıma, inçupictámpa sıip? ³² Mannímáypa iga núcum jém jama iga ançupóyaytámpa mimichtam. Micupujaytámpa. Miñictámpa yım jeexic. Antsactámpa aich ançutum. Pero ich da atsiyapa ançutum porque siempre it con aich jém anJatuj Dios. ³³ Mannımayta itumpiy yıpyaj cosa iga odooy ti inçıntıamiñ porque ançupicneta aich. Tienes que miyaachwattamtap yıp naxyucmi, pero camamwati inñanama porque ich ançoñwıyñeum itumpiy jém Wocçıwiñ ipımi jém itwıip yıp naxyucmi.

17

Jesús inwejpátpa Dios para jém icuyujc#wiñ

¹ Jesic cuando yaj inmat jempic jém Jesús, ámquım sınyucmi. Moj inwejpát Dios. Nımpa:

—ManJatuj Dios, sıip núcneum jém hora iga accaatap. Sıip wati titam inxunpa iga jém pıxiñtam awıixyajiñ aich, jém michpic immıanic. Jesic ich anwatpatım jém yoxacuy juuts mich inxunpa iga jém pıxiñtam miwıixyajiñtım. ² Mich anchi jém pımi iga ananjacpa itumpiy jém pıxiñtam. Ampıctson jém autoridad iga anchııyajpa jém vida jém dapic cuyajpa itumpiy jém pıxiñtam jém michpic anchıiñe. ³ İpıctsonyajpa jém vida jém dapic cuyajpa sııga mııxpıcyajpa mimich jém tumpic miDios y sııga aixpıcyajpatım aich, jém aJesucristo jém michpic ançutsatne yıp naxyucmi.

⁴ Yajum anwat jém yoxacuy jém anchıiñewıip mimich, jeeyucmi tsam micujıpyajpa jém ityajwıip yıp naxyucmi. ⁵ Sıip manJatuj Dios, awadaayı juuts mich inxunpa iga acujıptaiñ con mimich juutstim acujıpnetá cuando jáy tawagaıti cuando danam tanwatne yıp mundo.

⁶ Yıp ampıxiñtam, jém inçupıñnewıip yıp naxyucmi, mich immıchi idic y sıip mich anchi. Ananquejayyaj yıp ampıxiñtam itumpiy jém michpic inıñquımayooyi iga miwııxpıcyajiñ. Sıip iwatyajpa juuts nımpa inıñquımayooyi. ⁷ Sıip ijodónayaj iga mich immıchi itumpiy jém ananquımayooyi jém michpic anchıiñe. ⁸ Anchıiñeyajum jém ampıxiñtam jém anmıti, jém michpic anchıiñe. Sıip ipıctsonyeyajum jém anmıti y ijodónayajum iga nıma ich amiñ sınyucmi jut mıit. İcupıcyajpa iga mich ançutsatne yıp naxyucmi.

⁹ Sıip mananwejpátpa mimich para jém ampıxiñtam. Da mananwejpátpa para jém ityajwıip yıp naxyucmi jém dapic acupıcneyaj. Solamente mananwejpátpa para jém ampıxiñtam jém michpic anchıiñe porque immıchıtım mich. ¹⁰ Itumpiy jém ichpic ammıchi, immıchıtım mich. Y jém michpic immıchi, ammıchıtım ich. Acujıptap aich porque jém ampıxiñtam iwıwatıyajpa.

¹¹ Sıip ich da atsiyapa yıp naxyucmi. Tsııyyajpa jém ampıxiñtam. Ich anıcpa sınyucmi jut mıit. Sıip manJatuj Dios, miCuáyñewıip, con mich impımi wati

cuenta jém ampixiñtam jém anchiiñewiip iga iniityajiñ tumti jixi juutstim taichtam. ¹² Iganam añwaganaiťyaj yíp naxyucmi jém añcuyujc#wiñ, jém anchiiñeyajwiip mimich, ich añwatneyaj cuenta con mich impimi. Da ti iñscaneyaj. Da togoyñe ni tum, nada más jém togoyñewiip dende wiñgam. Je togoy iga cupacpa jém añmati jém jaychacnetaw#ip.

¹³ Siip an#pa jut miit, manJatun Dios. Pero iganam ait yíp naxyucmi, mannímáypa yípyaj cosa, jesic jém añcuyujc#wiñ maymáayajpatim juutstim aich. ¹⁴ Ich anchiiñeyaj jém añcuyujc#wiñ jém michpic in#mati. Jém malopic pixiñtam, jém ityajw#ip yíp naxyucmi, tsam ijóyixyajpa jém añcuyujc#wiñ porque jeeyaj datim yíp naxyucm#pic pixiñtam. Jextim juuts ich da yíp naxyucm#pic apixiñ. ¹⁵ Siip da mannímáypa iga accaayi jém añcuyujc#wiñ yíp naxyucmi. Pero mannímáypa iga wati cuenta iga jém Wocci#wiñ da wiap imalwadáy. ¹⁶ Ich añcuyujc#wiñ da je yíp naxyucm#pic pixiñtam, jextim juuts aich da yíp naxyucm#pic apixiñ. ¹⁷ Accámajai yíp añcuyujc#wiñ juuts mich iñyoxac#wiñ iga tsiyyajiñ juuts mich immiichi iga inmatyajiñ jém numapic añmati. Jém michpic in#mati jém nunta numapic. ¹⁸ Añcutsatpa jém añcuyujc#wiñ iga inquejyajiñ jém pixiñtam jém ityajw#ip yíp naxyucmi juutstim mich añcutsatne yíp naxyucmi. ¹⁹ Ich anyaac anaccámta juuts mich iñyoxac#wiñ para que jém añcuyujc#wiñ wiaptim iniccám juuts tum iñyoxac#wiñ iga inmatyajiñ jém numapic añmati.

²⁰ Da manañwejpátpa solamente para jém añcuyujc#wiñ jém si#ppic it, pero manañwejpátpa para itumpiy jém pixiñtam jém acupicyajpáppic aich cuando imatonyajpa jém añcuyujc#wiñ in#mati. ²¹ Manwágáypa, manJatun Dios, iga tumti jixi iniityajiñ itumpiy jém ampixiñtam jém acupicneyajw#ip, jesaptim juuts taich tumti jixi tanaitta. Yoxpaati itumpiy jém acupicneyajw#ip iga tumti jixi tanaittamiñ tantumpiytam. Jesic jém dapic acupicneyaj, wiñiñ icupicyaj iga mich añcutsatne yíp naxyucmi. ²² Anchiñe jém impimi, jém michpic anchi, iga tumti jixi iniityajiñ jextim juuts taichtam tumti tanjixi tanaitta. ²³ Ich ait jém añcuyujc#wiñ iñamanjom. Mich miittim ich áñamanjom. Jeeyucmi tumti jixi tanaitta tantumpiytam. Jesic jém tunjac pixiñtam, jém dapic icupicneyaj, iw#jodon iga mich añcutsatne yíp naxyucmi. Ijodonfim iga tsam iñfoyyajpa jém añcuyujc#wiñ juutstim mich antoypa aich.

²⁴ ManJatun Dios, ansunpa iga añwaganaiťyajiñ jém añcuyujc#wiñ, jém michpic anchiñe. Ansunpatim iga iixyajiñ jém ampimi jém michpic anchiñe porque mich antoypa antes que wattap yíp nas. ²⁵ ManJatun Dios, agui micuáyñe. Jém ityajw#ip yíp naxyucmi da miixpicyajpa, pero ich, numa mánixpicpa y jém ampixiñtam ijodónayaj iga mich añcutsatne yíp naxyucmi. ²⁶ Añwanquejáy jeeyaj iga icutiyyiyajiñ iga miñapaap mimich. Seguido anañquejáypa iga iniityajiñ jém wiñic tóyooyi juuts mich antoypa aich. Jesic ich ait jém ampixiñtam iñamanjom.

18

*Matsta Jesús, nanicta preso
(Mt. 26:47-56; Mr. 14:43-50; Lc. 22:47-53)*

¹ Jesic cuando yaj inmat yípyaj anmati, moj niquyaj con jém icuyujcwiñ. Nicayaj tum ni anwiñtuc, iñiyi Cedrón. Jemum it tum finca de olivos, tigiyaj Jesús con icuyujcwiñ. ² Jém Judas, jém iwadayaap atraición, ijodonjim jut it jém lugar porque waciy iwaganaoyaj jém Jesús jém icuyujcwiñ. ³ Jém panij anjagooyaj con jém fariseoyaj icutsatyaj juten pixiñtam y jém policia con jém Judas iga nicpa imatsyaj jém Jesús. Jesic jém Judas ininicpa jeeyaj hasta jut it jém Jesús. Ininicyaj jém espada y lanza. Ininicajpatim jucti iga iyicquejpa. ⁴ Iwijodon Jesús ti iñascaaba, pero da cñpa. Jesic nic iwiñquejay jém miññeyajwip. Iñimáy jeeyaj:

—¿I immétspa?

⁵ Nimyajpa jém policia:

—Jém Jesús, jém Nazaretpic.

Jesic Jesús iñimáy:

—Aicham.

Jém Judas, jém iwadayaap atraición jém Jesús, iwaganait jém policia.

⁶ Cuando iñimáy Jesús jém miññeyajwip iga: “Aicham”, jesic itumpiy de jeeyaj iñicayaj ituñi, tsutyaj. ⁷ Jesic eybictim iñimáy Jesús jém policia:

—¿I immétspa?

Nimyajpa jeeyaj:

—Jém Jesús, jém Nazaretpic.

⁸ Jesús eybic iñimáy jeeyaj:

—Mannimayñeum iga aicham. Siiga ammétstampa aich, jesic wiñti jigaayi iga nicyajin yip ampixiñtam.

⁹ Nimpa jempic jém Jesús iga cupacpa jém anmati jém inmatnewip wiñti.

Nimpa: “Jém ampixiñtam, jém achiiñewip Dios, ni tum da antsictogoy.”

¹⁰ Jesic jém Peto itop jém espada, itinquimáy tum pixiñ itatsic jém anwimipic. Jém pixiñ icuyoxap jém cobacpic panij, iñiyi Malco. ¹¹ Jesic Jesús iñimáy jém Peto:

—Coti jém espada iñacjom. ¿Que da iñjodon iga anjatun Dios ijicpa iga ayaachwattap y ich tienes que anyaachípa?

Nanicta Jesús jém panij anjagooyi iticcim

(Mt. 26:57-58; Mr. 14:53-54; Lc. 22:54)

¹² Jesic jém pixiñtam jém icutsatneyajwip jém panijyaj y jém comandante con ipolicia imatsyaj jém Jesús. Ichenyaj. ¹³ Jesic wiñti nanictap Jesús jém Anás iticcim, jém Anás imiit jém Caifás, jém cobacpic panij jém amtij. ¹⁴ Jeetim Caifás, jém ichiiñewip consejo jém judíos, iga más wi iga accaatañ tum pixiñ iga odoy togoyajin itumpiy jém Israelpic pixiñtam.

Jém Peto iñnécpa iga iixpicpa Jesús

(Mt. 26:69-70; Mr. 14:66-68; Lc. 22:55-57)

¹⁵ Jém Peto itujy Jesús con jém tunjac icuyujcwiñ. Jém Caifás iixpicpa jém pixiñ, jeeyucmi tigiy con Jesús jém Caifás itaañjom. ¹⁶ Pero tsiy anscimi jém Peto jém taañ anñaca. Tigiyñe jém tunjac discípulo, jém iixpicpápic jém Caifás, ijíyá jém yomo jém iwatpápic cuenta jém puerta. Iacunucsay iga tigiyñ jém Peto.

¹⁷ Jesic jém yomo iñimáypa jém Peto:

—¿Que mimich, da yíp p̄ixiñ micuyujc̄iwiñ?

Jesic n̄impa jém Peto:

—Ich da aje.

¹⁸ Jesic como tsam sucsuc, jém policía con jém icuyoxayajpaap jém c̄obacpic panij, icnúcyaj jucti iga samyajpa. Iwaganaityajt̄im jém Peto. Sampatim mex je.

Jém panij anjagooyi icwácpa Jesús

(Mt. 26:59-66; Mr. 14:55-64; Lc. 22:66-71)

¹⁹ Jesic jém c̄obacpic panij moj icwác jém Jesús. N̄imaytap:

—¿Itam jém in̄cuyujc̄iwiñ? ¿Juutspic an̄químayooyi s̄ip in̄in̄quej?

²⁰ Jesic Jesús icutson̄. N̄impa:

—Ich siempre anan̄matpa jém anan̄mat̄i itump̄iy jém p̄ixiñtam iwiñjom̄ jut wiap̄ imaton̄yay ī quej. Siempre accuyujóypa jém sinagoga y jém mījpic masticjom̄. Da ti anyáman̄matpa. ²¹ ¿T̄iiga anacwácpa aich? Acwácyāji jém p̄ixiñtam jém amaton̄neyajwīip. Jeeyaj wiap̄ miñmadayyay ti anan̄quejayñeyaj. Iwījodon̄yay ti annímáy.

²² Cuando n̄impa jempic jém Jesús, jesic tum̄ policía ichi tum̄ toji iacpacyucmi. N̄impa jém policía:

—¿Que jempigam in̄cutson̄pa jém c̄obacpic panij?

²³ Jesic Jesús in̄ímáy jém policía:

—Siiga amalnim̄, jesic anímaayi ti mal anim̄. Pero siiga da amalnimne, ¿jesic t̄iiga an̄cótspa?

²⁴ Tsennetā jém Jesús cuando jém Anás icutsadáy jém c̄obacpic panij, jém Caifás.

Eybictim̄ in̄nécpa jém Peto iga iixpicpa Jesús

(Mt. 26:71-75; Mr. 14:69-72; Lc. 22:58-62)

²⁵ Jesic jemum̄ teñ jém Peto nocojom̄ jém juctic̄im̄. Sampa ixi. Jém it̄yajwīip in̄ímayyay jém Peto:

—Mimich, ¿da yíp p̄ixiñ micuyujc̄iwiñ?

Jém Peto in̄nécpa. N̄impa:

—Ich da aje.

²⁶ Jesic tum̄ jém icuyoxapaap jém c̄obacpic panij īj̄iyáypa jém Peto. Jém it̄wi, jém it̄in̄químayñew̄īip itatsic. N̄imayt̄a jém Peto:

—¿Que da mánix jém finca de olivos, jut matst̄a jém p̄ixiñ?

²⁷ Jesic eybictim̄ in̄néc jém Peto iga iixpicpa Jesús. Jesic jeetim̄ rato an̄wejpa tum̄ cayu.

Nanict̄a Jesús jém Pilato iwiñjom̄

(Mt. 27:1-2, 11-14; Mr. 15:1-5; Lc. 23:1-5)

²⁸ Jesic topt̄a Jesús jém Caifás iticc̄im̄. Nanict̄a jém palacio jut it̄ jém Romapic gobernador. Tsuuytim̄. Joccuquej. Jém panij anjagooyiyaj da tiḡiyay jém palacio porque īj̄isyajpa jém Israelpic p̄ixiñtam̄ siiga tiḡiyapa jém Romapic p̄ixiñtam̄ iticjom̄, da ts̄iy juuts cuáyñe, jesic da wiap̄ icútyaj jém pascuas̄in̄ wiccuy. ²⁹ Jeeyucmi put ipalacio jém Pilato, nic an̄c̄im̄ iga iám jém Israelpic anjagooyiyaj. N̄imayt̄a jeeyaj:

—¿T̄i quejaj inimiñ para yíp p̄ixiñ?

³⁰ Jesic jém judíos in̄jagooyiyaj icutson̄yay, n̄imayaj:

—Meega da pimi mal iwatne yíp pxiñ, jesic da mançijunçodáypa inçijom.

³¹ Jesic jém Pilato iñímáy jeeyaj:

—Nasettaami eybic jemíc, çipinçtaami con michtam ininçuímayooyi.

Jesic nimyajpa jém judíos:

—Da anaíta derecho iga anaccaatámpa ni tum pxiñ.

³² Iwatyajpa jempic iga cupacpa jém ançmati jém nimnewiçp Jesús cuando iñímáy jém icuyujçwiñ jutpic accaatap. ³³ Jesic jém Pilato tigiygacum jém palacio. Inwejáy Jesús, iñímáy:

—¿Que micham jém judíospic miRey?

³⁴ Jesic Jesús icutson jém gobernador, iñímáy:

—¿Que mich iñyaac miñimpa jempic o tunçac miñmadayñe iga aiaapaap?

³⁵ Nimpa jém Pilato:

—¿Que ich ajudío? Jém michpic iñiçiwitam, jém judíos, con jém panij anjagooyiyaj miçijunçotyaj ich ançijom. ¿Ti mal inwatne?

³⁶ Jesic Jesús iñímáy jém Pilato:

—Numa ich atsiýpa juuts anjagooyi, pero da ananjacpa jém pxiñtam juuts yíp naxyucmipic anjagooyiyaj. Siiga ananjacpa juuts yíp naxyucmipic anjagooyi, jesic anayajpa jém ampixiñtam iga odoy i wiañ acijunçot jém judíos icijom. Pero ich da ananjacpa juuts yíp naxyucmipic anjagooyiyaj.

³⁷ Jesic jém Pilato iñímáy jém Jesús:

—¿Que numa micham jém miRey?

Jesús icutson, Nimpa:

—Mich miñimpa iga ich aRey. Ich anay y amiñ yíp naxyucmi iga anañmadáypa jém pxiñtam jém numapic ançuímayooyi. Jesic itumpiy jém icupicyajpáppic jém numapic ançuímayooyi, imatonjajpa ti anañmadáypa.

³⁸ Nimpa jém Pilato:

—¿Ti jém numapic ançuímayooyi?

*Çijunçotta Jesús iga accaatáñ
(Mt. 27:15-31; Mr. 15:6-20; Lc. 23:13-25)*

Jesic cuando yaj icwác jém Pilato, putgac ançicmi. Eybictim nic iñímáy jém judíos:

—Ni tum itañca da ampadáy yíp pxiñ. ³⁹ Pero iniitta tum costumbre iga cada pascuasij ançutsigáypa tum preso para mimichtam. ¿Jesic ti iñxunpa, inwianjamta iga ançutsigáypa jém judíos iRey?

⁴⁰ Jesic itumpiy de jeeyaj eybictim pimi jiyajpa. Nimyajpa:

—Odoy cutsigaayi yíp pxiñ. Cutsigaayi jém Barrabás.

Jém Barrabás tum númpaap.

19

¹ Jesic jém Pilato ipimíy isoldado iga imatsyajiñ jém Jesús y icótsyajiñ pimi con jém cótsóycuy. ² Jesic ocmi jém soldado ipicyaj apit, itacpa tum corona, iccámayaj jém Jesús icóbacyucmi. Iccámayajtim tum yagats yooti moradopic. ³ Jém soldado ixaayiyajpa, icunúcyajpa Jesús, iñímayajpa:

—Xutsóy, miRey de jém judíos.

Tsam icótsayajpa iaçpac.

⁴ Jesic jém Pilato eybic put ançicmi jém ipalacio. Iñímáy jém judíos:

—Ixtaami. Manamíñáy eybíc yíp pìxiñ iga manacjodónata iga da ampádáy ni tum itánca.

⁵ Jesic naputtá Jesús jém palacio. Accámayñeta jém apít corona icobacyucmi. Accámayñetañim jém yagats yooti moradopic. Jesic jém Pilato íñímáy jeeyaj:

—Yim it jém pìxiñ.

⁶ Jesic cuando jém panij anjagooyiyaj con jém policia iixyaj jém Jesús, pimi jiyayja, nìmyajpa:

—¡Cunúntaami cunusyucmi! ¡Cunúntaami cunusyucmi!

Jém Pilato íñímáypa jeeyaj:

—Nanictaami mimichtam. Cunúntaami cunusyucmi. Ich da ampádáy ni tum itánca.

⁷ Pero jém judíos íñímáy jém Pilato:

—Anaitta tum anañquímayooyi. Nìmpa jém anañquímayooyi iga accaatañim jém pìxiñ porque nìmpa iga: “Dios aMānic.”

⁸ Jesic jém Pilato mu imaton ti inmadayyaj, mástím cñ. ⁹ Jesic eybictim jém Pilato ininic Jesús jém palacio, eybíc icwácpa, nímayta:

—¿Jutpic mipìxiñ?

Pero Jesús da icutson.

¹⁰ Jesic Pilato íñímáy jém Jesús:

—¿Que mimich, da anjáyápa? ¿Da íñjodon iga ich anait jém autoridad iga mancunúnpa cunusyucmi y anaitim autoridad iga mancutsigápa?

¹¹ Jesic Jesús íñímáypa jém Pilato:

—Mich da ti wiap anwadáy siiga da jícpa anjatun Dios. Jém autoridad jém iníitwip mimich, michiñe jém anjatun Dios. Jeeyucmi jém acíjuncotnewip mich inçijom más táñcaíy que mimich.

¹² Dende jesigam jém Pilato imétstip jutsap icutsigáy jém Jesús. Pero pimi jiyayja jém judíos. Nìmyajpa:

—Siiga incutsigápa yíp pìxiñ, jesic da je miamigo jém emperador jém itwip Roma. Siiga tum pìxiñ nacántap iga rey, jesic tsíypa iga jém emperador ienemigo.

¹³ Jesic cuando jém Pilato imaton ti íñímáyajpa jém pìxiñtam, eybictim itop jém Jesús jém palacio. Ininic ançicmi. Coñ jém Pilato jém coñcuyucmi jut cñíñóypa. Jém lugar íñiyi Gabata. Jém hebreopic anmajimi nìntooba jém piso jut wíwatnetá con jém tsa. ¹⁴ Iwatayja jempic como las seis de la mañana. Yíp jém jama antes que núcpa jém jecuyjama, jeetim semana cuando wattap jém pascuasñ. Jesic jém Pilato íñímáy jém judíos:

—Yim it jém íñRey.

¹⁵ Jesic pimi jiyayja jém pìxiñtam. Nìmyajpa:

—¡Accaataami! ¡Accaataami! ¡Cunúntaami cunusyucmi!

Jém Pilato íñímáy jém pìxiñtam:

—¿Que íñxuntampa iga ancunúnpa cunusyucmi jém íñRey?

Jesic jém panij anjagooyiyaj íñímáyajpa jém Pilato:

—Da anaíta tunjac más rey. Aichtam anrey jém emperador jém itwip Roma.

16 Jesic ocmi jém Pilato icijun̄cot Jesús jém soldado icijom̄ iga cunúntaĩñ cunusyucmi. Jeeyaj ininicyaj jém Jesús.

Cunúnta cunusyucmi jém Jesús
(Mt. 27:32-44; Mr. 15:21-32; Lc. 23:26-43)

17 Jesic nanicta Jesús. Accónnetā icunus. Nicpa jém lugar iñiyi jém Tsútscōbacpacciim. Iñiyit̄im Gólgota jém an̄māt̄imi hebreo. 18 Jemum cunúnta Jesús cunusyucmi. Jeet̄im jama cunúntat̄im cunusyucmi tun̄gac wisten̄ pīxiñ. Páñaytā jém icunus tum̄tum cada lado. Cucmi tsíy jém Jesús icunus. 19 Jém Pilato iwat̄ tum̄ letrero iga accámaytāĩñ jém Jesús icobac̄an̄ticmi. Jaycámnetā: “Jesús jém Nazaretpic̄ jém judíos iRey.” 20 Jáyan̄ jém judíos imayyajpa jém letrero porque jūt̄ cunúnnetā cunusyucmi jém Jesús, da juumi de jém at̄ebet Jerusalén. Wat̄netawom̄ jém letrero tres an̄māt̄imi, jém hebreo, jém latín y griego. 21 Jém pañij an̄jagooyi iñimayyaj jém Pilato:

—Odoy jaȳi iga: “judíos iRey”, jaȳi iga: “N̄impa ȳip̄ pīxiñ iga ich̄ aRey de jém judíos.”

22 Pero jém Pilato iñimáy jém pañijyaj:

—Como an̄jayñeum, tsíyñam̄ jūt̄pic̄ an̄jayñe.

23 Jesic jém soldado cuando icunúnneyajum̄ jém Jesús cunusyucmi, itobayyaj itump̄iȳ jém Jesús ipuct̄ucu. Iwéc̄yay icucuat̄ro jém soldado, pero jém iyooti táct̄netā icuyagats, da núnne. 24 Jesic nanimayyaj̄tap̄ jém soldado:

—Da tan̄jact̄ampa ȳip̄ yooti, pero tammétst̄ampa por sorteo ī icoñwíypa. Jeam̄ im̄ichap̄ ȳip̄ yooti.

Iwat̄yajpa jemp̄ic̄ iga cupacpa jém an̄mat̄i juuts̄ jayñetā jém Dios in̄mat̄i. N̄impa iga: “Jém pīxiñtam̄ awégayyajpa ich̄ ampuct̄ucu. Iméts̄yajpa por sorteo ī icoñwíypa jém anyooti.” Jempam̄ iwat̄yaj jém soldado.

25 Jūt̄ cunúnnetā cunusyucmi Jesús, da juumi it̄tim̄ iapa, con iapa iyomt̄iw̄i, it̄ jém Malía jém Cleofas iwich̄omo y Malía Magdalena. 26 Jesic cuando iix̄ Jesús jém iapa y iix̄tim̄ iga nocojom̄ teñ̄ tum̄ jém icuyujc̄iw̄iñ jém tsamp̄ic̄ itoypa, jesic iñimáy jém iapa.

—Miyomo, jemp̄ic̄ it̄ mich̄ im̄man̄ic̄.

27 Jesic ocmi jém Jesús iñimáȳt̄im̄ jém icuyujc̄iw̄iñ jém tsamp̄ic̄ itoypa:

—Jemp̄ic̄ it̄ mich̄ iñapa.

Jesic dende jém tiempo jém pīxiñ ininic̄ jém Jesús iapa it̄icc̄im̄ iga iwat̄pa cuenta.

Ca jém Jesús
(Mt. 27:45-56; Mr. 15:33-41; Lc. 23:44-49)

28 Jesic ocmi ijodon̄ Jesús iga cupacneum̄ itump̄iȳ jém iyoxacuy. Jesic iga cupacpa jém Dios in̄mat̄i, jém jaychac̄netaw̄iip̄, n̄impa:

—Ich̄ an̄ict̄its̄pa.

29 Jemum̄ it̄ tum̄ majcuy comne con jém tam̄pic̄ vino. Jesic algunos imujpa juuts̄ tum̄ pūqui con jém vino, iccám̄ tum̄ waycuyyucmi iga igucpa Jesús uxañ jém vino. 30 Jesic iuc uxañ jém tam̄pic̄ vino, n̄im̄ Jesús:

—Cupacneum̄.

Iñ̄quet̄ icobac̄, put̄ ianama, caum̄ jém Jesús.

Tséñaytā jém Jesús ipócpac̄an̄ca con lanza

³¹ Jesic yíp jém jama antes que núcpa jém jejcuyjama. Jeetim jejcuy jama cuyajpa jém pascuasij, jeeyucmi jém judíos da iwianjamyaj iga tsíyyajpa jém tsúts cunusyucmi jém jejcuyjama. Jesic iwágayajpa jém Pilato iga ichiñ orde iga nácsnásquidáytañ jém iwítputy jém cunúnnetawíip cunusyucmi iga ixtañ iga caaneum. Jesic wiap icquetyaj. ³² Jesic jém soldado nic iñácsnásquidáyayaj iwítputy jém wiñtipic pixiñ jém cunúnnetawíip cunusyucmi con Jesús y ocmi jém tungac. ³³ Pero cuando núcyaj jut it jém Jesús, jém soldado iixyaj iga caaneum. Jeeyucmi da iñácsnásquidáy jém iwítputy.

³⁴ Pero tum soldado ichéyáy ipócpacajna con lanza, jeeti rato putpa niipiñ y ni. ³⁵ Ich, jém ánixñewiip ti iñasca jém Jesús, atsiy juuts testigo jém numapic iga incupictamiñ. Da mammigóyáypa. Ich anwijodon ti síp manajmadáy. ³⁶ Iwatyajpa jempic iga cupacpa jém anmatí jut jayñeta jém Dios inmatí. Nimpa iga: “Da i iquidáypa ni tum ipac.” ³⁷ Tungac parte nimpatim jém Dios inmatí: “Jém pixiñ aguí iámyajpa jém pixiñ jém tsejnetawíip.”

Cumta jém Jesús

(Mt. 27:57-61; Mr. 15:42-47; Lc. 23:50-56)

³⁸ Ittim jem tum pixiñ iñiyi José, Arimateapic pixiñ. Icupicnetim Jesús, pero inyampa iga icupicpa porque tsam icijpa jém Israelpic anjagooyiyaj. Jesic cuando caaneum Jesús, jém José nic iwágáy permiso jém Pilato iga ininigáypa Jesús imijtay. Jém Pilato ichi permiso. Jesic jém José oy ipigáy imijtay, ininic. ³⁹ Siibatim jém Nicodemo, jém oyñewiip iám Jesús tsuucim. Jém Nicodemo inimiñ cien libras jém pooti jém cijnpaap, namotneta jém mirra con jém áloes. ⁴⁰ Jesic jém José y jém Nicodemo ininigáy jém Jesús imijtay. Iccámayaj jém pooti jém cijnpaap, inmónayyaj con wibic puctucu. Iwadáy itumpiy juuts jém Israelpic pixiñtam icostumbre cuando icumpa tum tsúts. ⁴¹ Jem jut cunúnta cunusyucmi jém Jesús it tum huerto. Jém huertojom it tum tsaajos yaguñ watneta, jut cumtap tsúts. Pero da i queman icot ni tum tsúts jém tsaajosjom. ⁴² Noco it jém tsaajos. Jeeyucmi jém José y Nicodemo nic icodayyaj jém Jesús imijtay jém tsaajosjom porque tsucumtoobam jém jejcuy jama iga jejjajpa jém judíos.

20

Pis jém Jesús

(Mt. 28:1-10; Mr. 16:1-8; Lc. 24:1-12)

¹ Jesic cuando nasneum jém jejcuyjama, jém tungagam jama, icuquejama, jém Malía Magdalena nic tsuuytim jém tsaajoscim. Piichinam. Mu iñuc, iix iga jopputnetawum jém tsa jém jos innúccuy. ² Jesic póyan tsucum jém Malía, nic iám jém Peto y jém tungac icuyujcwiñ, jém tsampic itoypa Jesús. Jém Malía iñimáy jém wisten icuyujcwiñ:

—Topnetawum jém tánomi imijtay jém tsaajosjom, nanicnetawum. Da anjodon jut tsacta.

³ Jesic moj niqú jém Peto con jém tungac jém Jesús icuyujcwiñ. Nicyajpa jém tsaajoscim. ⁴ Poyimi nicyaj icuistic, pero jém tungac icuyujcwiñ más jicsciy nic que jém Peto. Anjagóy miñuc jém tsaajoscim. ⁵ Jém mojnewiip nuuqui ámcúm jém tsaajosjom. Iix iga it no más jém wibic puctucu, jém Jesús inmónóycuy, pero da tigi y jém tsaajosjom. ⁶ Ocmim núc jém Peto, tuuñiancim miñ. Tigi y jém tsaajosjom. Iixtim iga jemum it no más jém inmónóycuy.

⁷ Iixtim iga it jém icobacajmónócyuy, pacsnetajwum, tsacnetajwum tum áñeymi. ⁸ Jesic tigiy mex jém tunjac icuyujc#wiñ, jém mojnawip nuuqui jém tsaajoscim. Iix iga da i jém Jesús imijtay, jesic icupic iga pisneum. ⁹ Porque danam icuti#iyñeyaj jém Dios inmatí jut jayñeta iga tienes que pispa jém Jesús de jut it jém caaneyajwip. ¹⁰ Jesic jém wisten jém icuyujc#wiñ setyaj eybic itccim.

Iwiñquejáy Jesús jém Malía Magdalena
(Mr. 16:9-11)

¹¹ Pero tsíy jém Malía jém tsaajosajñaca. Wejpa jém yomo. Iganam wejpa ámcúmpa jém tsaajosjom. ¹² Iix wisten jém sinyucmipic pñixiñ. Agui popo ipuctucu. Jemum coñyaj jut it idic jém Jesús imijtay. Tum coñ jut it idic icobac, tum coñ jut it idic ipuy. ¹³ Jesic jeeyaj icwácyajpa jém Malía. Nímaytaþ:

—Miyomo, ¿ñiiga miwejpa?

Jesic nimpá jém Malía:

—Awejpa porque nanicnetajwum jém ánQmi imijtay y da anjodon jut tsagayñeta.

¹⁴ Cuando yaj jiyi jém Malía, ámsset ituuñajc#im. Iix iga jemum teñ jém Jesús. Pero da icuti#iyppa iga numa jeam jém Jesús. ¹⁵ Jesic Jesús iñímáy jém Malía:

—Miyomo, ¿ñiiga miwejpa? ¿i immétspa?

Jém Malía da iixpicpa iga jeam jém Jesús, injampa iga je jém pñixiñ jém iwatpáppic cuenta jém huerto. Jeeyucmi Malía iñímáy:

—Mimich, siiga ininicine jém ánQmi imijtay, anmadaayi jut iñchacne, jesic nicpa ampic.

¹⁶ Jesic nimpá Jesús:

—iMiMalía!

Jesic ámsset jém Malía. Ijáy jém Jesús. Nímayta jém hebreopic anmatími:

—iRaboni!

Tanañmatími nimtooba: MamMaestro.

¹⁷ Jesic Jesús iñímáypa jém Malía:

—Odoy atsici porque danam aquímne jut it anJatuj Dios. Siip nígi anmadaayi jém tantíwítam, jém ancyujc#wiñ, iga aquímgacpa jut it jém anJatuj y iñJatujtim mimichtam, hasta jut it ich anDios y iñDiosím mimichtam.

¹⁸ Jesic jém Malía Magdalena nic inmadáy jém Jesús icuyujc#wiñ. Nimpá jém Malía:

—Anixñeum jém tánQmi.

Inmadáytim jeeyaj ti iñímáy jém Jesús.

Iwiñquejáyim Jesús jém icuyujc#wiñ
(Mt. 28:16-20; Mr. 16:14-18; Lc. 24:36-49)

¹⁹ Jesic jém wiñtipic jama de jém semana, anjtuumañeyaj tsuucim jém Jesús icuyujc#wiñ tum ticjom. Wianpajnetá jém tic porque tsam icinjaypa jém judíos. Jesic jeeti rato iixyaj iga jém Jesús iwaganaityajum icuyujc#wiñ. Pero da i iix jut tigiy. Nimpá jém Jesús:

—iXutsóytam!

²⁰ Mu iñímáy Jesús, jesic inquejáy jém ici y ipócpacajñaca jut coowane. Jesic icuyujc#wiñ cuando iixyaj jém tánQmi, tsam pimi maymayaj. ²¹ Jesic eybictim iñímáy Jesús:

—¡Xutsóytam! Juuts jém anJatuj Dios acutsat yíp naxyucmi iga aŋwatpa jém Dios iyoxacuy, jempictim maŋcutsattámpa mimichtam iga inŋwattámiñ jém Dios iyoxacuy.

²² Jesic cuando yaj inmadáy jempic jém Jesús, ixujpa jém icuyujc#wiñ. Iníimáy:

—Pictsonŋtaami jém Dios iAnama. ²³ Siiga mimichtam inŋoxpátpa jém pixiñtam iga jeeyaj inmadáypa Dios itáŋca, jesic wadaytap perdón jém itáŋca. Dam i ichiiba castigo. Pero siiga da inŋoxpátpa jém pixiñtam iga inmadáypa Dios itáŋca, jesic da i iwadáypa perdón jém itáŋca.

Jém Tomax iix iga numa pisneum jém Jesús

²⁴ Pero jém Tomax tum de jém docepic icuyujc#wiñ, jém iníiyitim Mechi, da i con los de más cuando núc jém Jesús jut it icuyujc#wiñ. ²⁵ Jesic jém tunŋac icuyujc#wiñ inmadayaj jém Tomax ti iixñeyaj:

—Ánixñetámum jém tánQmi.

Pero jém Tomax iníimáy jeeyaj:

—Siiga da ánixáypa ici jut jetne con jém clavos y aŋcodáypa aŋwayci jut coowane y siiga da aŋcucompa aŋci jut tseŋayñeta jém ipócpacaŋŋaca, jesic da aŋcupicpa.

²⁶ Jesic tunŋagam ocho día eybictim aŋtuumayaj jém Jesús icuyujc#wiñ tum ticcim. Jesic itum mex jém Tomax. Iwianŋajneyajtim jém tic. Jesic eybictim miñ Jesús, iwaganaityaj jém icuyujc#wiñ. Da i iix jut tigiy jém Jesús. Iníimáy jeeyaj:

—¡Xutsóytam!

²⁷ Jesic iníimáy jém Tomax:

—Míñi aámaayi jém aŋci. Coti inŋwayci jut coowane. Cucomi inŋci jut coowane jém ampócpacaŋŋaca. Tsaci iga da inŋcupicpa. Cupici iga apisneum.

²⁸ Jesic jém Tomax iníimáy jém Jesús:

—¡MánQmi, manDios!

²⁹ Jesic Jesús iníimáy jém Tomax:

—Mich inŋcupicpa iga apisneum porque ánixñe. Pero tsam wiptpa jém dapic ánixñeyaj, pero icupicyajpa iga apisneum.

Nimpa jém Xiwan tiiga ijay yíp libro

³⁰ Jém Jesús tsam jáyay wítampic milagro iwat cuando iwaganait icuyujc#wiñ. Pero da anjaycámne itumpiy jém milagro yíp librojom. ³¹ Pero yimpic anjaycámneum iga inŋcupictámiñ iga Jesús je jém Cristo jém Dios iManic. Siiga inŋcupictámpa, jesic impictsonŋtámpa jém vida jém dapic cuyajpa jém tánQmi Cristo iníiyimi.

21

Iwiñquejáy Jesús siete jém icuyujc#wiñ

¹ Jesic ocmim Jesús iwiñquejáy eybictim jém icuyujc#wiñ jém laguna aŋŋaca jém Tiberias. Yimpic iwiñquejáy jém icuyujc#wiñ. ² Iwaganaityaj jém Ximoj Peto algunos jém Jesús icuyujc#wiñ. It jém Tomax, iníiyitim Mechi, ittim Natanael jém Galileapic pixiñ, ittim Zebedeo imanictam con tunŋac wisten jém icuyujc#wiñ. ³ Jesic jém Ximoj Peto iníimáy jém icompañeroyaj:

—Nicpa atipmachi.

Nimyaj jeeyaj:

—Anictámpatim. Tawaganicpa.

Jesic nicyaj, químyaj tum barcojom. Pero jém tsuu da ti imatsyaj ni tum tiiipi. ⁴Jesic cuquejtoobam, núc Jesús jém ni aññaca. Pero jém icuyujcwiñ da iixpicyaj iga Jesús. ⁵Jesic jiyapa Jesús, iñímáy:

—¿Miwoñjaychixtam, da iniitta tiiipi?

Jeeyaj icutsonyaj. Nimyaj:

—Da i.

⁶Jesic jém Jesús iñímáy jeeyaj:

—Coti jém iñred jém anwimipic lado de jém imbarco. Jemum immatspa jém tiiipi.

Jesic icotyaj jém ired y tsam jáyan tiiipi imatsyaj. Da wiap itopyaj jém ired porque tsam jáyan tiiipi imatsyaj. ⁷Jesic jém Jesús icuyujcwiñ, jém tsampic itoypa, iñímáy jém Peto:

—Yíbam jém tánQmi.

Jesic cuando jém Peto imaton iga tánQmi, icot iyooti, porque iccáyñe idic iga tiiimatspa. Quet jém barcojom, tigi y niicim jém Peto iga nicpa íam jém Jesús. ⁸Jesic los de más jém Jesús icuyujcwiñ inimiñyaj jém barco hasta playa aññaca. Ijicneyaj jém red comne de tiiipi, porque da juumi jém playa como cien metros. ⁹Cuando putyaj anxicmi, ipátyaj jut acnúcnetā jucti. Iixyaj iga sip ijaasta tiiipi juuyjom, ittim caxtánañi. ¹⁰Jesic Jesús iñímáy icuyujcwiñ:

—Namñi algunos jém tiiipi jém yaguñpic immatsta.

¹¹Jém Peto quím jém barcoyucmi, iwij jém ired, moj ijic anxicmi. Comne jém red con mijtampic tiiipi. Ityaj ciento cincuenta y tres. Tsam jáyan tiiipi, pero da jac jém red. ¹²Jesic Jesús iñímáy jém icuyujcwiñ:

—Miñi miwiiquitam.

Ni tum de jém icuyujcwiñ da icwácyaj iga: “¿Mijapaap?” Porque iñuntawijodon iga tánQmi. ¹³Jesic Jesús icunúc, ipic jém caxtánañi icijjom, ichi icuyujcwiñ, jesaptim iwat con jém tiiipi.

¹⁴Siiip tres vecesam iwiñquejáy Jesús jém icuyujcwiñ dende pisne.

Anmatyajpa Jesús con jém Peto

¹⁵Jesic yaj wiiquiyaj, jém Jesús icwác jém Peto. Nímayta:

—MiPeto, jém Jonás mimanic, ¿que mich más antoypa que jém tunçac ançuyujcwiñ?

Jesic Peto icutson. Iñímáy jém Jesús:

—Numa, mánQmi, mich iñjodon iga tsam mantoypa.

Jesic Jesús iñímáy jém Peto:

—Acwiici jém ammañborregoyaj.

¹⁶Jesic eybictim icwácpa Jesús jém Peto. Nímayta:

—MiPeto, jém Jonás mimanic, ¿que tsam antoypa?

Jém Peto icutson. Nimpa:

—Numa, mich iñjodon iga tsam mantoypa.

Jesic Jesús iñímáy:

—Wați cuenta jém amborregoyaj.

¹⁷Jém Jesús túcciyam icwácpa jém Peto. Nímayta:

—MiPeto, jém Jonás mimanic, ¿que tsam antoypa?

Jesic jém Peto tsam anyác porque tres vecesam icwácpa siiga itoypa, jesic iñímáy jém Jesús:

—MánQmi, mich iñjodon itumpiy cosa. Iñjodoním iga mantoypa.

Jesic Jesús iñímáy jém Peto:

—Acwícyají jém amborregoyaj. ¹⁸ Numa mannímáypa iga cuando danam michami, jesic inçotpa iñyaac jém iñyooí y miñicpa jut mich iñxunpa. Pero cuando michamim, jesic iñtampa inçí y tunçac miccámáypa iñyooí. Mininçpa jut mich da miñctooa.

¹⁹ Nimpa jempic Jesús iga icjodónap jutpic accaatap jém Peto iga cujíptaiñ Dios. Jesic Jesús iñímáy jém Peto:

—Atúniiyi.

Jém Jesús icuyujcwiñ jém tsampic itoypa

²⁰ Jesic ámsetpa jém Peto, iix iga itúníyapa jém tunçac jém Jesús icuyujcwiñ jém tsampic itoypa, jém ipitsnewiip cuando wagawícyajpa jém pascuasij. Jeetim pxiñ jém icwácnewiip Jesús iga: “¿I miwadáypa atraición?” ²¹ Cuando Peto iix iga itúníyapa jém pxiñ, jesic iñímáypa jém Jesús:

—MánQmi, ¿ti iñascaaba yíp pxiñ?

²² Jesús icutson. Nímaytap jém Peto:

—Siiga ich ansunpa iga da caaba yíp pxiñ hasta amiñgacpa, ¿jesic mich iñticutigiyi? Mich atúniiyi.

²³ Núc jém anmati jut it jém icupicneyajwip Jesús, wanpa iga da caaba jém tum jém icuyujcwiñ, jém tsampic itoypa. Pero Jesús da nim iga da caaba jém pxiñ. Nim iga: “Siiga ich ansunpa iga da caaba yíp pxiñ hasta amiñgacpa, ¿jesic mich iñticutigiyi?”

²⁴ Icham jém axiwan jém tsampic atoypa jém Jesús, jeeyucmi wiap manañmadáy yípyaj cosa. Siip anjaycampa librojom. Anjodon iga da je migooyi.

²⁵ Ityaj jáyan cosa más jém iwatnewiip Jesús. Siiga jaycántap itumpiy cosa juuts iwatne Jesús, ich animpa iga icuwiti yíp naxyucmi da cutigiyajpa jém libro. Jemum cuyaj.

Ti iwatyaj jém Apóstolyaj

Jesucristo ijìycunúc iga icutsatpa Dios iAnama

¹ Mánamigo Teófilo, jém wintipic toto manjáyáy titam iwat Jesús y titam inquej dende wiñti ² hasta jém jama cuando químgacpa siñyucmi. Antes que químgacpa siñyucmi inquejáy jém apóstolyaj, jém icupinnewiip, ti wiap iwatyaj. Inquejáy con jém Dios iAnama. ³ Jesic cuando yaj iñasca jém yaachaji iga mu iccaatá, iwiñquejáy eybic jém icuyujcìwiñ iga vivo. Cuarenta jama iwiñquejáy jém ipixiñtam wati veces iga iixyajiñ iga da caane. Inmadáy jutsap injac Dios jém ityajwìp yíp naxyucmi.

Jesús químpa siñyucmi

⁴ Tum jama cuando an̄tuumaneyajum jém icuyujcìwiñ, jém Jesús inquím iga odoy putyajíñ jém attebet Jerusalén. Iñímáy iga:

—An̄jocci hasta que cupacpa juuts mijìycamayñe jém tan̄jatuj Dios juuts ich manñímáyñe. ⁵ Mannímáy iga jém Xiwan acchìjòypa con ni, pero da jáypa michiitam̄tap jém Dios iAnama.

⁶ Jesic jém an̄tuumaneyajwìp icwácyajpa jém Jesús:

—¿Que yípti rato mojpa ininjac yíp tannaxyucmi Israel?

⁷ Jesús icutsoj, iñímáy:

—Michtam da wiap in̄jodòñata jucha ni júp jama iwatpa jém tan̄jatuj Dios, iwatpa con ipimi juuts je ixunpa. ⁸ Pero mimichtam impictson̄tampa jém Dios ipimi. Michiitam̄tap jém Dios iAnama iga wiap ininjmadáy jém pìxiñtam titam iñix iga ich an̄watne. Mojpa ininjmatta Jerusalén, icuwìti jém naxyucmi de Judea, hasta jém naxyucmi de Samaria, y hasta más juumi, icuwìti de yíp naxyucmi.

⁹ Cuando yaj inmadáy jém icuyujcìwiñ, naquímta Jesús siñyucmi. Iganam síp iámyaj, ucsitogoy. Dam i más iix. ¹⁰ Iganam iámyajpa jut químpa Jesús siñyucmi, jeefi rato miñ iwaganateñ wisten pìxiñ, agui popo ipuctucu. ¹¹ Iñímáy:

—MiGalileapic mipìxiñtam, ¿fiiga miámquím̄neta siñyucmi? Yíptim Jesús, jém químnewiip siñyucmi, jem̄pictim miñgacpa eybic.

Cupin̄ta jém Matías iga tsìyiñ juuts jém Judas

¹² Jesic setyaj Jerusalén de jém cotsic iñiyi Olivos. Ijuumi juuts nìmpa jém ley iga wiap tanwít tum jejcuy jama. ¹³ Cuando núcyaj jém attebet Jerusalén, químyaj jém yucmipic piso. Tigiyaj jém cuarto jém in̄úcsneyajwìp. Jemum ittim Peto, Jacobo, Xiwan, Anti, Felipe, Tomax, Bartolo, Mateo, jém tungac Jacobo jém Alfeo iman̄ic, Ximój Zelote y Judas jém Jacobo it̄iwì. ¹⁴ An̄tuumaneyaj iga seguido iwatyajpa oración con tum̄ti iixi. Jemum ittim jém yom̄tam; jém Malía, jém Jesús iapa con Jesús it̄iwitam.

¹⁵ Jesic tum jama iganam an̄tuumaneyaj, teñchucum jém Peto jém pìxiñtaman̄jom, ityaj jem como ciento veinte. Nìmpa jém Peto:

¹⁶ —Mimichtam mant̄iwitam, tienes que cupacpa jém Dios in̄matì juuts nìm jém David cuando inquejáy jém Dios iAnama ti miñpa. Inmatpa iga jém Judas icìjuncotpa jém Jesús iga matstaiñ. ¹⁷ Jém Judas it̄idic con aichtam jém docepic jém Jesús icuyujcìwiñ. Tan̄waganayoxatampa idic. ¹⁸ Juyta tum

jaça nas con jém tumiñ jém icoñwiyñewiip iga imalwadáy jém Jesús. Ocmi mutsneactiñ, tojañsaj ipuu, cupudáy. ¹⁹ Cuando ijodónayaj ti iñasca jém Judas, jém Jerusalénpic pixiñtam icñiyayaj jém nas Acéldama. Jeeyaj inmatimi nimtooba jém nas jém niipiñ çowa. ²⁰ Porque nimpa jém Salmojom jut jayñeta:

Da oomíypa ichíy jém iñas.
Da i nicpa iti jem.
Nimpatim:

Tuñgac tsíypa iga iwatpa jém iyoxacuy.

²¹ Jesic nimpatim jém Peto:

—Siip tañcupiñpa tum de jém tañwaganaiñwip seguido cuando siiba tánomi Jesús con taichtam, ²² dende icchiñ jém Xiwan hasta químgac Jesús siñyucmi. Tum de taichtam tsíypa juuts tum testigo iga numa pisneum jém tánomi Jesús de jut it jém caaneyajwip.

²³ Jesic cupiñta wisten de jeeyaj. Tum jém José, iñiyi Barsabás, iñiyitim Justo. Jém tuñgac iñiyi Matías. ²⁴ Jesic los demás inwejpátayajpa Dios. Nimyajpa:

—Mánomi, mich iñixpigáypa itumpiy jém pixiñtam ianama. Anquejaayi juppíc de yíp wisten mich inçupiñ ²⁵ iga iwadiñ jém yoxacuy juuts jém apóstolyaj jém inçutsatnewiip. Togoy jém Judas iga tsam imalwat. Nic jut ipictsonpa jém icastigo.

²⁶ Jesic iwatyajpa tum sorteo. Icoñwíy jém Matías, cupiñnetá. Accámta con jém once apóstolyaj.

2

Cuando miñpa jém Dios iAnama

¹ Cuando núc jém jama de pentecostés, anjuumanejay tumti lugar itumpiy jém icupicneyajwip Jesús. ² Jeeti rato imatonjay tum miñpic anjiyi siñyucmi juuts tum miñpic sawa. Tsam pimi jupa. Tigiy jém injiyi ticjom jut coñyay jeeyaj. ³ Jesic iixyay jáyan juctianquiñi. Nawécta jém juctianquiñi, núcyaj cada tumtum jém pixiñtam icobacyucmi. ⁴ Ipictsonjay jém Dios iAnama, tsam iniit ianamanjom. Mojpa inmat tuñgac anmatimi juuts ipiimíypa jém Dios iAnama.

⁵ Jém tiempo anjuumanejay Jerusalén jém Israelpic pixiñtam iga iwatyajpa juuts jém icostumbre iga iñisyajpa Dios. Miññeyaj de itumpiy nación icuwiti yíp naxyucmi. ⁶ Cuando imatonjay iga tsam pimi jupa, anjuumanejay itumpiy jém pixiñtam. Tsam çinyaj, da icutiñyiy ti iwatyajpa porque cada tumtum imaton iga jyyajpa jeeyaj inmatimi. ⁷ Tsam ipooñanjamyaj, ámanjacyaj. Nanímayyajtap entre jeeyaj:

—¿Que da itumpiy jém siñpic jyyajpa Galileapic pixiñtam? ⁸ ¿Junim ammatontámpa iga jypa annuntaanmatimi? ⁹ Yim ittim jém pixiñtam de tuñgac naxyucmi. Miññeyaj de jém naxyucmi de Partia, de Media, de Elam, de Mesopotamia, de Judea, de jém naxyucmi de Capadocia, de jém Ponto y de jém naxyucmi de Asia. ¹⁰ Ittim de Frigia, de Panfilia, de Egipto y de jém naxyucmi de África jém más juumipic de Cirene. Ittim jém Romapic pixiñtam jém yaguiñpic miññe. Ittim jém nunta Israelpic pixiñtam y jém tuñgacpic pixiñtam jém mojwip icupic jém judíos inquímayooyi. ¹¹ Ittim jém pixiñtam

de Creta y de Arabia. Ammaton̄ta aichtampic anan̄mat̄imi iga an̄madayyajpa jém w̄itampic cosa jém tawadayñewiip Dios.

¹² Itumpiy agui ipooñanjamyaj. Da icutiñiyíy ti wiap ijisyaj. Nacwácayjatp:

—¿Yíp ti nimtooba?

¹³ Pero tun̄gac ixaayiyajpa. Nimpa:

—Yípyaj uquiyaj.

Ti iñímáy Peto jém pixiñtam

¹⁴ Pero jém Peto teñchucum con jém once apóstolyaj. Pimi jiy. Iñímáy jém an̄tuumaneyajwiip:

—Mijudeapic mipixiñtam con iñtumpiy jém miittan̄wiip Jerusalén, wijodón̄taami ti mannímáypa. Maton̄taami. ¹⁵ Yíp pixiñtam da uquiyaj juuts nictam iñjistámpa porque yaguiñ tait a las nueve de la mañana.

¹⁶ Iwatyajpa jempic porque asíam nimpá jém wiñicpic profeta jém Joel:

¹⁷ Jém iñan̄pigam jama, nimpá Dios, anchiiba án̄Anama jém pixiñtam.

Michtam iñjaymanictam y jém iñyommanictam in̄matyajpa ich anan̄mat̄i.

Jém woñjaychixtam iixyajpa poñ.

Jém wiđaytam mawíñayajpa.

¹⁸ Anchiyajpa jém án̄Anama jém acuyoxayajpáppic jém pixiñtam y jém yomtam iga in̄matyajpa ich anan̄mat̄i.

¹⁹ Siñyucmi manan̄quejáypa jém impooñanjampáppic jém dapic oypa iñix.

Naxyucmi manan̄quejáypatim seña.

Jém seña juuts n̄ipiñ, juuts jucti, juuts ucşjoco.

²⁰ Jém jama píchpa ichoça,

jém poya tsíypa juuts n̄ipiñ antes que núcpa jém jama iga miñpa jém iñ̄omi.

Jesigam agui w̄iquejpa jém Dios ipimi.

²¹ Jesic tan̄jatun̄ Dios iciacputpa itumpiy jém in̄wejpátayajpáppic jém tán̄omi iñiyimi.

²² Nimitim jém Peto:

—MiIsraelpic mipixiñtam, amatón̄gaytaami ti mannímáypa. Tsam w̄iquejpa mimichtáman̄jom iga Dios icutsat jém Jesús jém Nazaretpic pixiñ. Dios ichi ipimi iga wiap iwat jém dapic oypa tánix, jém wibic milagro y jém seña. Michtam in̄wijodon̄tam. ²³ Pero michtam da in̄wadáy caso iga Dios icutsat jém Jesús. In̄c̄ijun̄cotta jém enemigo ic̄ijom. Iñasca jempic porque dende wiñgam ixunpa Dios iga mimichtam in̄c̄ijun̄cottámpa jém malopic pixiñtam ic̄ijom iga accaatañ cunusyucmi. ²⁴ Pero Dios icpis. Iciacput. Porque da wiap iga caaneeba ichíy. ²⁵ Jém wiñicpic an̄jagooyi David in̄matpa de Jesús cuando nimpá:

Siempre ánixpa jém án̄omi an̄wiñjom.

Awaganait aich iga odoy ac̄iñiñ.

²⁶ Jeeyucmi ich agui amaymay án̄anaman̄jom.

Anan̄matpa jém wibic an̄mat̄i porque agui amaymay.

Jeeyucmi da ac̄iñpa iga acaba porque an̄jodon̄ iga apispa.

²⁷ Man̄jatun̄ Dios, mich da iñchacpa án̄anama jém lugar jut it jém caaneyajwiip.

Datim iñjícpa iga púcpa imijtay jém micuyoxapáppic jém Cuáyñewiip iAnama.

²⁸ Anan̄quejáy jém tun̄ jém ananicpáppic jut ampictson̄pa jém vida.

Agui amaymay iga nicpa awagañti con mimich.

Jempam nimpá jém David cuando inmatpa de Cristo.

²⁹ Jesic nintim Peto:

—Mantiwitam, tsam wiquejpa iga caaneum jém tanjatunwewe David, cumta jém tsaajosjom. Hasta siip yim it jém tsaajos. ³⁰ Pero jém David tum jém Dios inmatciwiñ idic. Ijodon iga Dios ijycámayñe iga tum jém iocmanic, jém naypáppic ocmi, jeam jém Cristo. Tsíypa juuts jém más mijpic anjagooyi. ³¹ Jém David iixñe ti miñpa dende wiñigam. Inmatpa iga pispa jém Cristo. Nimpá iga jém ianama da tsíypa jut it jém caaneyajwñip, jém imijtay da púcpa. ³² Yíptim Jesús icpis jém tanjatun Dios. Aichtam antumpiytam ánixñeta. Jeeyucmi atsiyta juuts testigo. ³³ Ocmi nanicta sinyucmi jém Dios inwimi. Ipicton jém Dios iAnama juuts ijycámayñe iJatun. Jém siippic íñix y immatonje, jeetim Dios iAnama iwat. ³⁴ Porque da je jém David quim sinyucmi, pero nim jém David:

Jém tanjatun Dios inímáy jém tánQmi Cristo:

“Miñi micoñi anajwimi,

³⁵ hasta que ich manaccoñwíypa jém íñenemigo.”

³⁶ MiIsraelpic mipixiñtam, wijodónataami iga yíptim Jesús, jém michtampic incunúnta cunusyucmi, Dios iccám jém tánQmi y jém Cristo.

³⁷ Cuando mimatonjay ti nimpá jém Peto, agui anyácyaj ianamanjom jém pixiñtam. Tsam icwácyajpa jém Peto con jém tunjac apóstolyaj. Inímayyajpa:

—Mantiwitam, ¿ti wiap anwatta?

³⁸ Jesic ocmi jém Peto icutson. Inímáy:

—Cucactaami inñixi. Chintaami cada tumtum de mimichtam jém Jesucristo iniyimi iga Dios miccáyaypa jém inñanca. Jesic Dios michiiba jém iAnama. ³⁹ Wiñigam Dios ijycámayñe iga miwíwadáypa mimichtam y jém immanictam. Iwíwadáypatim jém ityajwñip juumi con itumpiy jém iwianjamayajpáppic jém tanjatun Dios iga inwejaypa.

⁴⁰ Jém Peto inmadáypa jáyan anmatí. Tsam pimi inquímpa jém pixiñtam. Inímáy:

—Pictsontaami yíp wibic anmatí iga miciaacputtamtap iga da inwagananicpa jém togoyñeyajwñip.

⁴¹ Jesic jém ipictonnewip jém wibic anmatí acchinyajta. Jeetim jama tsam jáyan tigiyñeyaj, como tres mil pixiñtam. ⁴² Seguido icuyujcayajpa juuts inquejayñe jém apóstolyaj. Nawinanigayyajtap itumpiy de jeeyaj. Inwejpátayajpa Dios. Anjtuumayajpa iga iwécyajpa jém caxtánañi.

Inwíwascayajpa jém wiñtipic icupicneyajwñip Cristo

⁴³ Cada tumtum de jeeyaj tsam icinpa Dios. Jém apóstolyaj iwatyajpa jáyan jém milagro y jém seña. ⁴⁴ Itumpiy jém icupicneyajwñip Cristo ityaj de acuerdo. Titam iniityaj icumunmichiyaj. ⁴⁵ Imayyajpa titam iniityaj. Iwécyajpa jém tumiñ, ichiyyajpa jém dapic iniyyaj iga ijuypa titam itogóyay.

⁴⁶ Cada jama antuumayajpa jém mijpic masticjom con tumti ijixi. Iwécyajpa jém caxtánañi tic por tic. Wagawicyajpa. Agui maymayaj. Wibic jixi iniityaj jém ianamanjom. ⁴⁷ Tsam icujípyajpa Dios. Jém dapic icupicpa Cristo iwixiyajpa jém icupicneyajwñip Cristo. Cada jama jém tanjatun Dios inimiñpa jém pixiñtam jém iciaacputpáppic iga más jáyanap jém icupicneyajwñip.

3

Acpiſta tum cuxuj

¹ Tum jama nicyajpa jém Peto y Xiwan jém mijpic maſticjom. Nicpa iwat oración a las tres de la tarde, jesigam jém hora de oración. ² Jesic tsacta tum cuxuj jém maſtic añnaça. Je cuxuj mu iñay. Nanicta tum jém puerta iñnaça iñiyi jém Wibic Puerta. Jemum tsacta cada jama iga iwágáyiñ tumiñ jém tigiyaypáppic jém mijpic maſticjom. ³ Cuando jém cuxuj iix iga tigiyapa jém Peto y jém Xiwan, iwágáy tumiñ. ⁴ Jesic jém Peto y Xiwan iámmatsyaj jém cuxuj. Jém Peto iñímáy jém pxiñ:

—Aámmatsi.

⁵ Jém cuxuj icupic, iámmats jém Peto. Ijjspa iga ichiiba tumiñ. ⁶ Pero Peto iñímáy:

—Da anaj plata ni oro, pero manchiiba jém anaitwñp. Jém Jesucristo de Nazaret iñiyimi mannímáypa: Tsucumi. Wñtim.

⁷ Ocmi jém Peto imatsáy ici, jém iñwimipic, ijictsucum. Jeeti rato wñſíyum jém cuxuj ipuy. ⁸ Teñchucumum jém cuxuj, yóyquímpa, mojum wñti. Tigiy jém maſticjom con jeeyaj. Wñtpa, yóyquímpa, icujíppa tanjatun Dios. ⁹ Itumpiy jém pxiñtam iix jém cuxujpic idic iga witpam y icujíppa Dios. ¹⁰ Iixpicyajpa iga jeetim jém pxiñ jém iwácpáppic tumiñ jém maſticañnaça juť it jém Wibic Puerta. Agui tñeanjacyaj, agui ipooñanjamyaj cuando iix ti iñasca jém pxiñ.

Titam iñmat jém Peto jém corredor de Salomón

¹¹ Jesic jém cuxuj, jém acpiſnetawñp, da ichactooba jém Peto y Xiwan. Poyimi miñyaj jém pxiñtam, añtuumayajpa jém Salomón icorredor juť ityaj jém Peto y Xiwan. Agui ámanjacyaj. ¹² Cuando iix iga agui añtuumayajpa jém pxiñtam jém Peto iñímáy:

—Miſraelpic mipxiñtam, ¿tiiga ampoñanjamtámpa, tiiga agui anántámpa? ¿Que mich iñjs iga ich anacpis yíp pxiñ iga wiap anacwit con ich ampimi? ¿Que iñjspa iga tsam wibic apxiñ? Odoy jisi jempic. Porque Dios icpis. ¹³ Jém wiñcpic tanjatunwewetam jém Abraham, jém Isaac y jém Jacob tsam ijisyajpa tanjatun Dios. Jeetim Dios siip iwat así iga tañcujíptamiñ jém iManic Jesucristo, jém michpic iñcñjuñcotta jém anjagooyi iciñjom iga accaatañ. Cuando jém Pilato icutsigaytooba idic, mimichtam da iñjicta. ¹⁴ Da iñjicta iga cutsigaytaiñ jém wibic pxiñ jém dapic tañcaíy. Pero iñwácta iga cutsigaytaiñ tum accaoyapa. ¹⁵ Jempam iniccaata jém tachiipáppic jém tamvida. Pero Dios icpis de juť it jém caaneyajwñp. Aichtam atsiyta juuts atestigo iga numa piſneum. ¹⁶ Yiptim Jesús iñiyimi acpiſta yíp pxiñ jém siipic iñix, michtam iñixpicta. Wñſiy porque icupic iga jém Jesús wiap iyoxpát. Iñasca así juť iñámpacneta.

¹⁷ Mantñwítam, anjodon iga immalwadáy jém Jesús porque da iñcutñiyiy iga Dios icutsat. Dafim icutñiyiyaj jém ininjagooyíam. ¹⁸ Itumpiy jém wiñcpic Dios iñmacñwiñ nımyaj iga tienes que yaachwattap jém Cristo jém icutsatnewñp Dios. Siip Dios iccupacneum juuts nımyaj jeeyaj. ¹⁹ Jeeyucmi mannímáypa: Cucaci iñjixi, tsaci iga immalwatpa, jesic jém tanjatun Dios miccáyaypa jém iñtañca. Michiiba tum wibic maymáyaj iñanamanjom, ²⁰ micutsadáypa jém Cristo jém icupinewñp dende wiñgam

para mimichtam. ²¹ Siip nic iti sinyucmi jém Jesucristo. Jemum tsíy hasta que iwítsacpa itumpiy cosa juuts nim jém wiñicpic anmatcñwiñ jém cuáyñewiip. ²² Jempigam inímáy Moisés jém wiñicpic tanjatunwewetam: “Jém tanjatun Dios ictsucumpa tum jém profeta entre mimichtam juuts acutsat aich. Matonñtaami itumpiy titam miñímáypa jém profeta. ²³ Porque itumpiy jém dapic iwadáypa caso yíp anmatcñwiñ iga icupicpa, actogoytap, toptap de jém nación de Israel.”

²⁴ Itumpiy jém wiñicpic anmatcñwiñ dende jém Samuel hasta siip, inmatyaja iga iwatpa Dios juuts tánixpa siip. ²⁵ Mimichtam injatunwewetam jém wiñicpic anmatcñwiñ. Dios ijycámáy iga miwíwadáypa. Iwat tum trato con jém wiñicpic tanwewetam cuando inímáy jém Abraham así: “Tum jém mich immanic tsam iwíwadáypa itumpiy jém pixiñtam icuwiti yíp naxyucmi.” ²⁶ Cuando Dios icpis jém iManic Jesucristo, wiñti micutsadáy iga miwíwadáyñ mimichtam. Ixunpa Dios iga inñchaguiñ iga immalwatpa cada tumtum de mimichtam.

4

Nanicta jém Peto y Xiwan jém anjagooyi iwiñjom

¹ Iganam jém Peto y Xiwan inmadayaja jém pixiñtam, miñyay jém panijyay. Wagamiñyay con jém policía icomandante y con jém saduceoyaj. ² Tsam jóyñeyay porque jém Peto y Xiwan inquejáypa jém pixiñtam iga acpistap jém caaneyajwñip porque pisneum jém Jesús de jut it jém caaneyajwñip. ³ Ocmi matstá jém Peto y Xiwan, cotta cárcel porque tsuuyim. Hasta icuquejama cñpinñap. ⁴ Pero tsam jáyan jém imatonneyajwñip jém Peto inmati icupicyaj jém Cristo. Jeetim jama icupicyaj como cinco mil pixiñtam.

⁵ Icuquejama anuumayaj Jerusalén jém Israelpic anjagooyiyaj, con jém widowatam, con jém escribaspic maestroyaj. ⁶ Ittim jém Anás jém cobacpic panij anjagooyi. Ittim jém Caifás, jém Xiwan, jém Alejandro y itumpiy jém cobacpic panij itiwitam. ⁷ Jesic cutsatta jém policía iga inimíññ jém Peto y Xiwan jém anjagooyiyaj iwiñjom. Acwácta:

—¿I ipimimi, i iniyimi inwatpa jexpic cosa?

⁸ Jesic Peto tsam iniit jém Dios iAnama. Inímáy:

—Mananjagooyitam, miIsraelpic miwidatam, ⁹ mich anacwácpa jutsa mu iwíwadatya jém cuxujpic idic, jutsa micpista. ¹⁰ Siip mananmadáypa michtam inwiñjom iga itumpiy jém Israelpic pixiñtam ijodónayajiñ iga Jesucristo icpis yíp pixiñ yimpic it inwiñjom. Acpista jém Jesús iniyimi, jém Nazaretpic. Jeetim pixiñ mimichtam inñcunúnta cunusyucmi. Pero Dios icpis de jut it jém caaneyajwñip. ¹¹ Yíptim Jesús tsíy juuts tum wibic tsa para jém tic. Pero michtam, jém miticwattampáppic, impatsaytip. Pero siip yíptim tsa imatpacne jém tic. ¹² Da i tungac wiapaap taciapcut icuwiti yíp naxyucmi. Dios da icutsat tungac pixiñ iga taciapcutpa.

¹³ Jém anjagooyiyaj aguí ipoofañjamyaj porque iix iga da cñpa inmat jém Peto y Xiwan. Icutiyiyay iga da cuyujne, siiba juuts cualquier pixiñ. Jesic icutiyyiyay iga jáy iwaganasi jém Jesús. ¹⁴ Iixyajtım iga iwaganateñ jém cuxujpic idic, jeeyucmi da wiap inñim iga miñooyi. ¹⁵ Quebacputta jém Peto y

Xiwan con jém cuxujpic idic iga jém anjagooyiyaj wiañ ijisyaj ti wiaþ iwatyaj.

¹⁶ Jesic nanímayyajta entre jeeyaj:

—¿Tí wiaþ tanwat con yíp pixiñtam? Porque itumpiy jém ityajwüþ Jerusalén iwijodon iga iwat tum wibic milagro. Da wiaþ tananyam. ¹⁷ Pero iga odom más juumi niguiñ yíp anmati, jesic tannímáypa iga: Manchiiba tum mijpic castigo siiga seguido ininmatpa yíp Jesús iniyimi.

¹⁸ Jesic ocmi anwejayta jém Peto y Xiwan jém anjagooyicim. Nímayta:

—Odoy más anmati jém Jesús iniyimi. Odoy anmadaayi jém pixiñtam jexpic anquímayooyi.

¹⁹ Pero jém Peto y Xiwan inímáy jém anjagooyi:

—Jistaami michtam inyaac siiga más wi iga mancupicpa mimichtam o iga ancupicpa Dios. ²⁰ Aichtam da wiaþ antsacta iga ananmattampa ti ánixñe y ti amatonje.

²¹ Jesic eybic inímayyaj jém anjagooyi iga ichiiba castigo siiga da ichacpa iga inmatpa. Pero da i wia michi castigo porque itumpiy jém pixiñtam tsam icujípyajpa Dios porque iix ti inasca jém cuxujpic idic. Ocmi cutsigayta jém Peto y Xiwan. ²² Jém pixiñ jém wadayñetawüþ jém milagro, jém acpisnetawüþ, iniitum más de cuarenta iamtij.

Jém icupicneyajwüþ Jesús iwágayyajpa Dios iga iyoxpáñ

²³ Cuando cutsigayñetawum jém Peto y Xiwan, nicyaj jut it icompañeroyaj. Inmadáy itumpiy titam inímayyaj jém panij anjagooyiyaj y jém Israelpic wídaytam. ²⁴ Cuando imatonjay ti inímáy jém Peto, itumpiy jém Jesús icuyuciwñ con tumti jixi moj inwejpátyaj Dios. Nimyajpa:

—ManJatun Dios, mich inwat jém sñ, jém nas, jém lamar y itumpiy jém itwüþ yim. ²⁵ Wiñigam jém inçuyoxapaap jém David ijaychac mich ininmati. Mich inñama iyoxpát iga ijay. Inímáy:

¿Tíiga tsam jóyñeyaj jém naciónyaj jém dapic icupicyajpa Dios?

¿Tíiga tsam ijsquímpa jém pixiñtam jém cosa da para ti wi, jém dapic i iyoxpápa?

²⁶ Antuumayaj jém reyyaj con yíp naxyucmipic anjagooyi.

Nicyaj en contra de jém tanJatun Dios,
nicyaj en contra de jém Cristo jém icutsatnewüþ Dios.

²⁷ Numa antuumayaj yíp Jerusalén jém Herodes y jém Poncio Pilato, jém tungac pixiñtam jém dapic je de Israel con jém Israelpic pixiñtam. Nicyajpa en contra de jém wibic imManic Jesús jém michpic iniccám iga Ciapudoyapaap.

²⁸ Jeeyaj cupacpa iwatyaj juuts mich inñisne iga inascaaba jém imManic.

²⁹ Siþ manJatun Dios, ixi yíp pixiñtam. Nimyajpa iga achiiba tum mijpic castigo. Mançuyoxatampa. Ayoxpátaami iga wiaþ jém ananmat ininmati. Aca-mamwadaayi ananama iga odoy acññiñ. ³⁰ Achñi jém inpmi iga anacpisa jém mimnewüþ, iga anwatpa jém milagro y jém seña jém Jesucristo iniyimi, jém wibic imManic.

³¹ Cuando yaj inwejpátyaj Dios, pimi tsigóypa jém tic jut antuumaneyaj. Itumpiy jém pixiñtam tsam iniityaj jém Dios inñama. Da cñnyajpa iga inmatpa jém Dios inmati.

Itumpiy cosa icumunmichiyaj

³² Itumpiy jém icupicneyajwïp tumti ijixi y tumti ianama. Da i ijispa iga im#chi icutum titam iniityaj. Ijispa iga itumpiy cosa icumunm#chiyaj. ³³ Jém apóstolyaj seguido inmatpa iga pisneum jém tánQmí Jesús. Tsam wïap inmat porque Dios ichi jém ipimi y tsam tóyoyajpa. ³⁴ Da i jém yaachayajpáppic. Porque itumpiy jém iniitwïp iñas o itic, imáy iga inimiñpa jém tumiñ. ³⁵ Ipietson jém apóstolyaj, iwécyajpa, ichiijaypa cada tumtum de jeeyaj iga ijuypa titam itogóyay. ³⁶ It idic tum levitapic pixiñ iñiyi José. Nay jém isla de Chipre. Jém apóstolyaj iccámayyaj iñiyi, Bernabé. Jém iñiyi nímtooba jém yoxpádoypaap. ³⁷ Yíp pixiñ iniit idic tum jaca nas, ocmí imáy. Inimiñ jém tumiñ, iciijunçodáy jém apóstolyaj iciijom.

5

Jém Ananías y Safira itájca

¹ Jemum ittim tum pixiñ iñiyi Ananías con iwichomo Safira. Imáyayjím tum jaca nas. ² Pero yíp pixiñ inñéc uxaj jém nas ichowa. Jém iyomo ittim de acuerdo con iwídaya. Nímyaj iga yicsájam ichowa jém nas. Jém pixiñ miñ ichagáy jém apóstolyaj ipuyçim. ³ Jesic Peto iníimáy jém Ananías:

—MiAnanías, çtiiga tigiy jém Wocçiwíñ inñanamanjom iga immigóyápa jém Dios iAnama iga inñéçsáy uxaj jém nas ichowa? ⁴ ¿Que da immi#chi jém nas cuando danam immáyñe, cuando immáyñeum immi#chitim jém ichowa? ¿Tiiga inñispa iga inwatpa jempic? Immigóyáy Dios, da immigóyáy tum pixiñ. ⁵ Cuando imaton jé nímpa jém Peto, actiñ jém Ananías, jemti caanas. Jesic tsam pími çñyay itumpiy jém imatonneyajwïp ti inasca jém pixiñ. ⁶ Tsucumyaj jém woñjaychixtam, inmonyaj jém tsúts, nic icumyaj.

⁷ Cuando nasne tres hora, miñ jém Ananías iwichomo, da ijodon ti nasne. ⁸ Jesic jém Peto icwác jém yomo:

—Anímaayi, çnuma jesájam ichowa jém nas jutsaj achi jém inwídaya?

Nim jém yomo:

—Numa jesájam.

⁹ Jesic Peto iníimáy:

—¿Tiiga inwatta de acuerdo con inwídaya iga inçutitspa jém Dios iAnama? Jemum miñiyaj ançicmi jém oyñewïp icum jém inwídaya. Siip michgacti nicpa micum.

¹⁰ Jeeti rato actiñ jém yomo jém Peto ipuyçim. Caanas. Cuando tigiyyaj jém woñjaychixtam caaneum jém yomo. Itopyaj, nic icum tum lado juç cumnetá jém iwídaya. ¹¹ Tsam pími çñyay itumpiy jém icupicneyajwïp Cristo con jém imatonneyajwïp ti inascayaj.

Wattap jáyan jém milagro y seña

¹² Jém apóstolyaj iwatyaj jáyan jém milagro y seña jém pixiñtámanjom. Anñumaneyaj itumpiy de jeeyaj jém mijpic mastic icorredor iñiyi Salomón. ¹³ Pero jém dapic icupicpa Cristo ni tum da inpitsneyaj, pero tsam iwíxyajpa jém Dios ipixiñtam. ¹⁴ Jém icupicneyajwïp Cristo más jáyanap. Jém pixiñtam y yomtam cada jáma más icupicyajpa jém Dios inmatí. ¹⁵ Itopyajpa jém mimneyajwïp con ichees. Nicpa ichacyaj calle iga cuando naspá jém Peto, ictsíyáyiñ jém icumunçi algunos de jeeyaj. ¹⁶ Inimiñyajpatim jém

mimneyajwíppic jém tunḡac attebetayaj jém ityajwíip nocojōm Jerusalén. Inimiñayaj jém mimneyajwíip y jém imatsneyajwíip jém mal espíritu. Cupisayyaj itumpiy.

Matsta jém Peto y Xiwan

17 Jesic jém cōbapic panij anjagooyi con jém iwaganaityajwíip, jém sa-
duceopic pixiñtam, tsam pími icujóyiyay. 18 Matsta jém apóstolyaj, cotta
cárcel. 19 Pero jeetim tsuu Dios icutsat tum sɨnyucmipic pixiñ iga ínjáyíñ jém
cárcel. Topta jém apóstolyaj. Nímayta:

20 —Nigi miteñi jém mijpic masticjōm. Anmadayyaj jém pixiñtam iga Dios
ichiitooba jém jomipic vida.

21 Cuando imatonyaj jém apóstolyaj, icuquejama, tsúyítim, tigiyay jém mijpic
masticjōm, moj inquejáy jém pixiñtam.

Jesic jeetim jama an̄tuumaneyaj jém cōbapic panij con itumpiy jém Is-
raelpic anjagooyiyaj y jém wídaytam iga iwatyajpa tum mijpic junta. Pimiyta
jém policía iga niguiñ itopyaj cárcel jém presoyaj. 22 Pero cuando jém policía
núc jém cárcel, da ipátayaj jém preso. Jesic eybic setyay. Miñ inmadáy jém
anjagooyi. 23 Nímayjpa:

—Cuando anúc jém cárcel tsam wian̄pajne y jém guardia ichan̄wíwatne
cuenta jém cárcel ipuerta. Cuando an̄ájáy jém cárcel da j ampát.

24 Cuando imaton ti inímáy jém policía, agui ipooñanjamyaj jém panij
anjagooyiyaj con jém mastic icomandante. Da icutiyyiyaj ti naspá y hasta jut
cuyajpa yíp asunto.

25 Jeeti rato miñ tum pixiñ, inmadáy jém anjagooyi:

—Jém wisten pixiñ, jém michtampic impajta cárcel, sɨp it jém mijpic
masticjōm. Síp iccuyuj jém pixiñtam.

26 Jesic jém comandante con ipolicía nic imétsyay jém apóstolyaj. Inimiñayaj,
pero da imalwadáy porque tsam cɨneyaj. Ijɨspa iga in̄ácsayajpa tsaami
jém pixiñtam. 27 Cuando inimiñayaj, nanicta jém anjagooyiyaj iwíñjōm, jém
Sanhedrín. Jesic jém cōbapic panij inímáy:

28 —¿Da mannímayñeum iga odoy an̄mati yíp pixiñ in̄iyimi? ¿Pero ti síp
in̄wat? Icuwíti yíp Jerusalén núc jém inin̄mati. ¿Que mich antsagaytooba la
culpa iga accaata yíp pixiñ?

29 Jesic jém Peto con jém tunḡac apóstolyaj icutsonyaj. Inímayyaj:

—Más wí iga an̄cupicpa Dios que iga an̄cupicpa jém pixiñtam. 30 Jém
wiñcɨpic tan̄wetam ijɨsyajpa Dios. Jeetim Dios icpɨs jém Jesús jém michpɨc
iniccaata, in̄cunúnta cunusyucmi. 31 Pero Dios inin̄ic sɨnyucmi, iccoñ in̄wimi.
Iccám iga Mijpic in̄Jagooyi, iccám iga jém Ciacpudoypaap. Iwadáy jempic iga
ichiiba lugar jém Israelpic pixiñtam iga icucacpa ijɨxi iga wadaytap perdón
jém itánca. 32 Aichtam atsíyfa juuts tum testigo iga numa pis jém Cristo, quim
eybic sɨnyucmi. Tsíyítim juuts tum testigo jém Dios iAnama jém ichiñewíip
Dios jém icupicneyajwíip.

33 Cuando imatonyaj ti nimpa jém Peto, tsam jóyñeyaj jém anjagooyi. Tsam
iccaayajtooba. 34 Pero entre jeeyaj ittim idic tum fariseopɨc pixiñ in̄iyi
Gamaliel. Tum accuyujoypaap de jém Israelpic an̄químayoyi. Jém pixiñtam

tsam iwixyaypa. Teñchucum, ipimíy jém policía iga iquebacpudiñ tum rato jém apóstolyaj. ³⁵ Ocmi iníímáy jém anjagooyiyaj:

—MiIsraelpic mipixiñtam, nawattamtaji cuenta. Cuidado iga immalwadáypa yíp pixiñtam. ³⁶ Jistaami iga pecam tsucum jém Teudas, tum pixiñ tsíytip juuts tum mijpic anjagooyi. Initsucum como cuatrocientos pixiñtam. Ocmi accaata jém pixiñ y jém itúñiyaywíip cutogóyayaj. Jemum cuyaj. ³⁷ Más ocmi cuando wataj jém censo, tsucum jém Judas, tum Galileapic pixiñ. Initsucum tsam jáyanj pixiñtam. Pero ocmi accaatajtim. Cupóyayaj itumpiy jém itúñiyaywíip. ³⁸ Jeeyucmi mannímáypa, tsaci yíp pixiñtam. Odoy moogíyí. Porque siiga yíp anquímayoooyi pixiñtam iixquiimi, cuyajpa. ³⁹ Pero siiga yíp pixiñtam iniidáy Dios ijxi, mich da wíap inictogoy. Nawattamtaji cuenta. Cuidado iga iníñatampa Dios.

⁴⁰ Jesic itumpiy jém anjagooyiyaj icupicyaj juuts nim jém Gamaliel. Ocmi anwejayta jém apóstolyaj, cótsyajta, nímayajta iga odoy más anmati Jesús iníyimi. Ocmi cutsigayajta. ⁴¹ Jém apóstolyaj putyaj jém anjagooyi iwiñjom. Agui maymayaj porque Dios ijíc iga yaachwatayajta jém Jesús icuyucmi. ⁴² Jesic cada jama accuyujópa jém mijpic masticjom y jém itiganjomayaj. Da ichacpa iga inmatpa jém wibic anmati iga Jesús je jém Cristo.

6

Accámta siete jém iyoxpátpáppic jém apóstolyaj

¹ Jém tiempo tsam jáyanaj jém Dios ipixiñtam. Icupicyajpatim jém griegopic pixiñtam. Jeeyaj agui jiyaypa acontra de jém Israelpic pixiñtam porque inéjawégáypa jém cunoytam iwíccuy cuando iwécpa jém wíccuy cada jama. ² Ocmi jém apóstolyaj iníñatampayaj itumpiy jém icupicneyajwíip jém Cristo. Inímayaj:

—Da wí iga antsactampa iga anajmatpa jém Dios inmati iga acwígoyátampa. ³ Jeeyucmi mantíwítam, métsaami siete de mimichtam jém wibic pixiñtam, jém jixiywíip, jém tsampic iniit jém Dios iAnama. Accámtaami iga iwatpa jém yoxacuy iga iwécpa jém wíccuy. ⁴ Pero aichtam seguido anajwejpátampa Dios, anajquejpa jém Dios inmati.

⁵ Jesic itumpiy jém Dios ipixiñtam ityaj de acuerdo iga iwatyajpa juuts nímaj jém apóstolyaj. Cupiñta jém Esteban. Jém pixiñ tsam iniit jém Dios iAnama. Cupiñajtatim Felipe, Prócoro, Nicanor, Timón, Parmenas y jém Nicolás. Jém Nicolás miñ de jém Antioquía. Je tigiñe idic iga icupicpa jém Israelpic anquímayoooyi. ⁶ Ocmi namiñta icusiete jém pixiñtam hasta jut it jém apóstolyaj iga inwejpádáypa Dios para jeeyaj. Cada tumtum de jeeyaj jém apóstolyaj ichicunúgáy icobac.

⁷ Jesic tsam jáyanaj jém Dios inmati, núcpa yim jeexic. Tsam jáyanajtim jém Dios ipixiñtam jém atebet Jerusalén. Wati jém Israelpic panij icupicyajtim.

Matstaj jém Esteban

⁸ Jém Esteban tsam iniit jém Dios ipimi y tsam iniit jém wibic tóyooyi. Agui iwatpa jém milagro y jém seña jém pixiñtamanjom. ⁹ Jesic algunos jém pixiñtam miñ iníñayaj jém Esteban. Miñaj algunos de jém sinagoga de jém Libertinopic pixiñtam. Miñajtim de jém naxyucmi de Cirene, de

jém naxyucmi de Alejandría, de jém Cilicia y de jém Asia. Moj íñacayaj jém Dios in̄m̄ati con jém Esteban. ¹⁰ Pero jém p̄ixiñtam da wiã micoñwíy jém Esteban porque tsam jixiíy. Jém Dios iAnama iyoxpát iga tsam wiã micutsoñ. ¹¹ Jém áñayajpáppic con Esteban iyojpa algunos p̄ixiñtam iga icumigóypa jém Esteban. Nimyaj:

—Ich ammatonj iga yíp Esteban imalnímáy jém Moisés in̄químayooyi. Tsam icujiypatim Dios.

¹² Jém áñayajpáppic con Esteban icujiñáy jém p̄ixiñtam, jém Israelpic wídaytam y jém escribaspic maestroyaj. Icutuumacayaj jém Esteban, matsta, nanictã jém panij anjagooyiciim. ¹³ Ocmi inimiñyay tungac jém migoypaap. Nimyaj:

—Yíp p̄ixiñ da ichacpa iga icujiypa jém tammastic. Tsam icujiypatim jém Moisés in̄químayooyi. ¹⁴ Ammatonjta iga n̄impa iga Jesús jém Nazaretpic p̄ixiñ imiswatpa jém tammastic y icucagáypa jém costumbre jém tatsagayñewiip Moisés.

¹⁵ Jesic itumpiy jém coñyajw̄iip jem, agui iámyajpa jém Esteban. Iixyay iga anjac jém iámooyi juuts tum̄ siñyucm̄ipic p̄ixiñ.

7

Nacupujtap jém Esteban

¹ Jesic jém cobapic panij anjagooyi icwác jém Esteban. In̄ímáy:

—¿Que n̄uma in̄wat juuts n̄imyajpa?

² Jém Esteban in̄ímáy:

—Mant̄iwitam, minjagooyíam, amatonjtaami. Jém wibic tanDios iwiñquejáy jém wiñicpic tan̄wewe jém Abraham. Iwiñquejáy jém naxyucmi de Mesopotamia cuando danam nicne iti jém naxyucmi de Harán. ³ Dios in̄ímáy: “Puti jém in̄ñaxyucmi. Tsaci jém in̄ñiwitam. Nicsim jém naxyucmi iga manañquejáypa.” ⁴ Ocmi jém Abraham put jém naxyucmi de Caldea jut it̄ idic. Nic̄ iti jém naxyucmi de Harán. Jemigam ca jém ijatun̄. Ocmi Dios inimiñ jém Abraham hasta yim̄ jut̄ taitta s̄ip. ⁵ Pero Dios da ichi ni tum̄ jaca nas jém im̄chipic ni jut̄ icteñpa ipuy. Pero ijyicámayñe iga ichiiba jém nas y cuando caaneum, tsíypa jém nas para jém im̄anictam. Pero cuando ijyicámáy iga ichiiba jém nas da in̄ij im̄anic ni tum̄. ⁶ Dios in̄ímáy: “Jém im̄anictam nicpa jém tungac naxyucmi. Nicpa iti juuts juumipic p̄ixiñtam. Tsíyyajpa iga esclavo, yaachwatyajtap cuatrocientos amt̄iy.” ⁷ Nimpatim Dios: “Ich anchiiba castigo jém p̄ixiñtam jém ityajw̄iip jém naxyucmi jut̄ natsíyyajta iga esclavo. Jesic cuando putyajpa jem̄ic, miñyajpa eybic yíp naxyucmi iga acuyoxap.” ⁸ Dios iwat tum̄ trato con jém Abraham. In̄ímáy iga iwadáyin̄ jém marca de circuncisión jém im̄anictam juuts tum̄ seña iga Dios iwadayñe jém trato con jeeyaj. Jeeyucmi cuando nay jém im̄anic Isaac, cuando in̄iitum̄ ocho día, jém Abraham iwadáy im̄anic jém marca de circuncisión. Ocmi cuando man̄igíyum jém Isaac, iwadáytim̄ jempic jém im̄anic Jacob. Ocmi cuando man̄igíyum jém Jacob iwadáytim̄ jempic jém im̄anictam. Jém doce im̄anictam tsíyyaj juuts jatun̄pic de jém doce tribu de Israel.

⁹ Yíp Jacob im̄anictam jém wiñicpic tant̄iwitam tsam ijóyixyay jém ijáyuc José. Iachiyaj imáychi jém ijáyuc jém tungac p̄ixiñtam. Ocmi nanictã juumi jém

naxyucmi de Egipto. Pero Dios iwaganait jém José. ¹⁰ Iciacput de itumpiy jém yaachaji. Dios iyoxpát jém José iga tsam jixiíy iga iwixiñ jém Egiptopic rey jém Faraón. Ocmi jém Faraón iccám jém José iga gobernador de jém naxyucmi de Egipto. Chiifatim jém cargo iga injacpa jém ityajwüp jém rey iticciim.

¹¹ Ocmi miñ tum mijpic yuu y tum mijpic yaachaji jém naxyucmi de Egipto y jém Canaán. Jém wiñcpic tantiwitam da ipátyajpa ti icútpa. ¹² Pero cuando jém Jacob ijodóna iga it trigo Egipto icutsat imañictam, jém wiñcpic tantiwitam, iga ijuyajpa jém trigo. Yíp jém wiñtipic viaje. ¹³ Ocmi eybictim icutsat imañictam Egipto. Jesic jém tungac viaje jém José, jém máyñetawüip wiñigam, injmadayyaj iächiyaj iga itíwi. Jesic jém rey Faraón icutiíyiy júp raza jém José. ¹⁴ Jesic José inímáy itiwitam iga: “Namiñi jém tanjatun con itumpiy jém tantiwitam.” Jém miññeyajwüp setenta y cinco con itumpiy imañictam. ¹⁵ Jesic jempam iwat jém Jacob. Nic iti jém naxyucmi de Egipto. Ocmi jemigam ca jém Jacob. Más ocmi caayajtim jém imañictam jém naxyucmi Egipto. ¹⁶ Cuando ca jém Jacob, naseedayta iticmi jém ipacyaj jém atebet Siquem. Jemum cúmayta jém ipac tum tsaajosjom. Jeetim tsaajos ijuy wiñic jém Abraham. Imáychi tum pixiñ imañictam, iníyi jém pixiñ Hamor.

¹⁷ Cuando núctooba jém tiempo iga cupacpa jém trato jém Diospic iwadayñe jém Abraham, jesic tsam jáyanap jém Israelpic pixiñtam jém naxyucmi de Egipto. ¹⁸ Ocmi tsucum tungac rey jém naxyucmi de Egipto jém dapic iixpicpa jém José. ¹⁹ Yíp anjagooyi tsam imigóyáy jém wiñcpic tantiwitam. Tsam imalwadáy jém tanjatunwewetam. Ipiimíy iga ichaguiñ jém imañictam, jém yaguiñpic nayñe, iga caayajiñ. ²⁰ Jesic jém tiempo nay jém Moisés, tum wibic tsixi, Dios tsam iwixpa. Jém ijatun icmijap tres meses iticciim. ²¹ Ocmi jém ijatun ichac jém imanic iga caiññam. Jesic jém Faraón iyommanic ipin jém xutu tsixi. Icmijap juuts inuntamanic. ²² Jeeyucmi jém Moisés tsam wicuyujne. Iwicutiíyiyta itumpiy jém jixi jém itwüip Egipto. Jém Moisés tsam wiap iwat ti quej. Tsam wiap injmat.

²³ Cuando jém Moisés iniit cuarenta iamtiy, ijispa iqanamanjom iga nicpa ijooyáy jém itiwitam jém Israelpic pixiñtam. ²⁴ Jemum iix tum Egiptopic pixiñ sip imalwadáy tum Israelpic pixiñ. Jesic jém Moisés icupuj jém itíwi. Icca jém pixiñ, ichégáy iga imalwadáy jém itíwi. ²⁵ Jém Moisés ijispa iga jém itiwitam icutiíyiyne iga Dios icutsat jém Moisés iga iccutsigáiyñ. Pero jeeyaj da icutiíyiyaj. ²⁶ Jesic tungagam jama jém Moisés ipát wisten jém Israelpic pixiñtam sip injayaj. Injiyjac. Inímáy: “Odoy añataami con inííwi. ¿Tiiga minicóstamtap?” ²⁷ Ocmi jém añayajpáppic idic con itíwi agui ijóyic jém Moisés. Inímáy: “¿I miccám juuts juez iga ananjijactámpa? ²⁸ ¿Que anaccaabatim aich juuts matic inicca jém Egiptopic pixiñ?” ²⁹ Jesic cuando imaton ti nim jém pixiñ, poy jém Moisés. Nic iti jém naxyucmi de Madián juuts tum juumipic pixiñ. Jemum nay wisten ijaymanic.

³⁰ Cuando nasne cuarenta amtíy jém titsinaxyucmi, jém Moisés it idic nocojom jém cotsic iníyi Sinaí. Jemum iix tum xutu cuy jípspa ixi. Jém nuctojom iwiñquejáy tum sinyucmipic pixiñ, jém icutsatnewüip tanjatun Dios. ³¹ Agui ipooñanjam cuando iix jém juuti. Cuando icunúc nocojom iga iwíámpa, imaton iga jiyja jém tanjatun Dios. Nimpa: ³² “Ich jém wiñcpic pixiñtam aDios. Ich jém Abraham aDios, jém Isaac aDios y jém Jacob aDios.” Jesic Moisés moj cuetsaayi. Agui cin, da wiap injámmoc jém juuti. ³³ Jesic jém

tanjatun Dios inímáy jém Moisés: “Tsaci jém inçiac porque yim jut miteñ tsam it jém Dios ipimi. ³⁴ Ich ánixñe jém ampixiñtam iga tsam yaachwatyajtap jém naxyucmi de Egipto. Ammatoñ iga agui weyjajpa. Jeeyucmi aquet naxyucmi iga ançiacputpa jeeyaj. Jesic miñi, mançatsatpa eybic jém Egipto jut miit idic.”

³⁵ Yíptim Moisés jém tsampic ijóyixyaj jém wiñicpic pìxiñtam jém inímáyñewiip iga: “¿I miccám juuts minjagooyi y juuts mijuez?” Yíptim Moisés Dios iccám juuts tum anjagooyi iga iciacputpa jém ipixiñtam. Wiap iwat porque ichi ipimi jém sinycmipic pìxiñ jém iixñewiip jut yótpa jucti jém xutu cuyucmi. ³⁶ Yíptim Moisés itopyaj Egipto jém wiñicpic tantiwitam. Tsam iwat jém milagro y jém seña jém naxyucmi de Egipto, jém Tsabats Lamar y jém titsinaxyucmi jut jáy iti cuarenta amtij. ³⁷ Yíptim Moisés inímáy jém Israelpic pìxiñtam iga: “Dios icutsatpa tungac profeta juutstim acutsat aich. Tsucumpa jém nunta tantiwitámanjom juuts ich atsucumne. Cupici ti nimpá.” ³⁸ Yíptim Moisés it idic con jém wiñicpic tantiwitam jém titsinaxyucmi cuando ijáyáy jém sinycmi pìxiñ jém çotsicyucmi Sinaí. Ipiçson jém vivopic Dios inmañi iga tachiñ taichtam.

³⁹ Pero jém wiñicpic tantiwitam da icupicyaj jém Moisés. Ijóyixyaj. Ijisyaj iñamanjom iga setpa eybic Egipto. ⁴⁰ Inímayyaj jém Aarón: “Awadaayi tum watnas jém anquejaypáppic jém tun porque da tanjodon jut nic jém Moisés jém tatopnewiip jém naxyucmi de Egipto.” ⁴¹ Ocmi jém Aarón iwat tum watnas, tum xutu xix. Iccaayajpa jém animat jém watnas iwiñjom iga iwatpa sacrificio. Agui maymayyaj iga wiap iwat icimi jém watnas. ⁴² Ocmi Dios ichaganputyaj jém pìxiñtam. Ichi lugar iga ijisyajpa jém maçsa y itumpiy cosa jém tánixpáppic sinycmi. Jempam ijaychacne jém librojom jém wiñicpic anmaçwiñ. Nimpá Dios:

Mimichtam miIsraelpic mipixiñtam, mich da inicca jém animat iga anwadáy sacrificio iga anchiiba ich anwiñjom

cuando jáy tawagañti jém titsinaxyucmi jém cuarenta amtij.

⁴³ Inçópcóbóypa jém watnas Moloc con jém ipuctumçastic.

Inisibatim jém watnas Renfán imaçsa

jém michpic inwatneta inçimi iga inñistampa.

Jeeyucmi manquebacputtampa jém inñaxyucmi.

Mançatsattampa más juumi de jém naxyucmi de Babilonia.

⁴⁴ Nimpá jém Esteban:

—Jém wiñicpic tantiwitam inisibatim jém puctumçastic jut accáyap jém tsatabla jut jayñeta jém Moisés inçumayoyi. Jém puctumçastic iwat jém Moisés juuts Dios ipimíy. Iwat juuts Dios inquejáy jém çotsicyucmi. ⁴⁵ Jesic ocmi cuando caum jém Moisés, jém wiñicpic tantiwitam con jém Josué ipiçsonyaj jém puctumçastic juuts tum herencia. Ininicyaj jém tungac naxyucmi iganam itobáyáy jém tungac pìxiñtam iñas. Dios iquebacput jém tungac pìxiñtam iga ichi jém nas jém wiñicpic tantiwitam. Inisiyajpa jém puctumçastic hasta cuando tsíy jém David juuts anjagooyi. ⁴⁶ Dios tsam itopya jém David. Je agui iwattooba tum mijpic tic jut itpa jém tanjatun Dios, jém ijspáppic jém tanjatunwewe jém Jacob. ⁴⁷ Pero jém Salomón, jém David

imanic, iwadáy Dios tum tic, jém mijpic mastic. ⁴⁸ Mex jém yucmipic Dios da ipa jém ticjom jém watnetawip cimi, juuts nim jém wiñicpic anmatcwiñ:

⁴⁹ Nimpa tanjatun Dios: Siñyucmi it ancoñcuy.

Naxyucmi anaccámne ampuy.

¿Juutspic tic anwadaytampa?

¿Jut it jém lugar jut wiap anjej?

⁵⁰ ¿Que da ich ançimi anwat itumpiy jém yimpic ityaj?

⁵¹ Jesic jém Esteban inímayim jém anjagooyiyaj:

—Michtam tsam malotam inanama juuts jém dapic icupicpa Dios. Jém inñatsic da matónopya, da inwattooba juuts miñimáypa jém Dios inama. Michtam mijextim juuts jém wiñicpic tantiwitam. ⁵² ¿Jupic jém wiñicpic profeta da imalwadáy jém wiñicpic tantiwitam? Iccaayaj jém wiñicpic anmatcwiñ jém inmatnewip iga miñpa naxyucmi jém Wibic Pixiñ jém icut-satnewip Dios. Siip jeetim pixiñ mich inwadayta atraición. Iniccaata. ⁵³ Michtam impictsonja jém Dios inquímayooyi jém tacijun codayñewip jém siñyucmipic pixiñ, pero da inwatta juuts nimpa jém anquímayooyi.

Accaata jém Esteban

⁵⁴ Cuando imatonayaj jém pixiñtam ti nimpa jém Esteban, tsam ijóycayaj hasta ichiganjiyyajpa itits jém Esteban icuyucmi. ⁵⁵ Pero jém Esteban tsam iniit jém Dios inama. Jesic amquím siñyucmi, iix jut it Dios. Iixtim iga teñ jém Jesús jém Dios inwimi. ⁵⁶ Jesic inímay jém pixiñtam:

—Aami. Ich ánix iga áháyñe jém siñ. Ánix jém Pixiñ jém Miññewip Siñyucmi. Siip teñ jém Dios inwimi.

⁵⁷ Pero jém pixiñtam innúcyaj jém itatsic. Pimi jiyyajpa, poyimi miñyay, inuumaçayaj jém Esteban. Imatsyaj. ⁵⁸ Itopyaj jém atebet, ininicyaj ançicmi. Inácsayaj tsaami. Moj iyigayyaj jém Esteban jém icumigoyñeyajwip iga icujyapa Dios. Ichagayyaj iyooti tum mañpixiñ ipuycim, inñyi Saulo, iga iwadáypa cuenta. ⁵⁹ Iganam sip iyigayyaj tsaami jém Esteban, inwejpát Dios. Nimpa:

—Mánomi Jesús, pictsonja inanama.

⁶⁰ Ocmi jém Esteban costeññeactin. Pimi jiypa. Nimpa:

—Mánomi, odoy tségayyaji yip pixiñtam itañca iga amalwadáy.

Yaj nimi, caum jém Esteban.

8

Jém Saulo tsam icpóyypa jém icupicnewip Cristo

¹ Jém Saulo it de acuerdo con jém iccaaneyajwip jém Esteban.

Jeetim jama jém ijóixiyajpáppic moj ictsucumyay iga pimi imalwadáypa jém Dios ipixiñtam jém ityajwip Jerusalén. Itumpiy cupóyayyaj. Cunigayyaj yim jeexic hasta jém naxyucmi de Judea y Samaria. Tsíy Jerusalén no más jém apóstolyaj. ² Algunos jém wibic pixiñtam icum jém Esteban. Agui weyjajpa iga accaata jém pixiñ. ³ Jesic jém Saulo moj iyaachwatyaj jém Dios ipixiñtam. Nicpa iméts tic por tic. Pimimi ijicputpa jém pixiñtam con jém yomtam. Icotyajpa cárcel.

Anmattap jém wibic anmāti Samaria

⁴ Pero jém cupóyayjwíp Jerusalén nic inmatyay jém wibic anmati jut quej. ⁵ Jesic jém Felipe, tum de jeeyaj, nic jém attebet Samaria. Jemum inmadáy jém pixiñtam jém Cristo inqúimayooi. ⁶ Anuumayajpa itumpiy de jeeyaj, imatoñyajpa ti nimpa jém Felipe. Tsam iwadáypa caso cuando iixyay jém seña jém iwatnewíp. ⁷ Porque acpisyajta tsam jáyan jém iniitwíp idic jém mal espíritu. Topta jém mal espíritu. Tsam pími anwejpa mu iput. Acpisyajtatim jém tusacaneyajwíp icumij y jém cuxujyay. ⁸ Jeeyucmi itumpiy jém ityajwíp jém attebet tsam maymayyay.

⁹ Pero it idic jém attebet tum pixiñ inñyi, Ximoj. Icuuycane jém magia iga inawatwadáypa jém itiwitam. Tsam imigóyáypa jém pixiñtam. Nimpa iga: “Ich tum apixiñ tsam awiap.” ¹⁰ Itumpiy jém pixiñtam tsam iwadáypa caso. Icupicyajpa jém cuyujnewíp y jém dapic cuyujne. Nimyajpa:

—Yíp pixiñ iniit jém Dios ipimi.

¹¹ Tsam iwícupicyajpa porque dende wiñigam imigóyáypa jém pixiñtam con jém magia. ¹² Pero jesic jém Felipe inimiñ jém wibic anmati iga Dios injactoba yíp naxyucmi y iga wíap taciaput jém Jesucristo inñyimi. Tsam icupicyay jém pixiñtam y jém yomtám. Acchiñyajta. ¹³ Jesic jeetim Ximoj, jém nawatpic idic, icupictim. Acchiñta. Mojum itúnij jém Felipe. Agui ipoñanjampa cuando iix jém milagro y jém seña juuts iwatpa jém Felipe.

¹⁴ Jesic cuando jém apóstolyaj jém ityajwíp Jerusalén ijódónayaj iga jém Samariapic pixiñtam ipictsonyay jém Dios inmati, icutsat jém Peto y Xiwan Samaria. ¹⁵ Cuando núcyaj jém Samaria, moj inwejpádáy Dios para jém icupicneyajwíp Cristo iga ipictsoniñ jém Dios iAnama. ¹⁶ Porque ni tum de jeeyaj danam ipictsonne jém Dios iAnama. No más acchiñneyajta jém tánomi Jesús inñyimi. ¹⁷ Jesic jém Peto y Xiwan ichigáy jém pixiñtam icobac con ici. Jempam ipictsonyay jém Dios iAnama.

¹⁸ Jesic jém Ximoj, jém nawatpic idic, cuando iix iga chiñta jém Dios iAnama cuando jém apóstolyaj ichigáy jém pixiñtam icobac con ici, ¹⁹ inñimáy:

—Manyojpa. Achñitim jexpic pími mex aich iga cuando antsigáypa tum pixiñ icobac con añci, jesic ipictsonpatim jém Dios iAnama.

²⁰ Jesic jém Peto inñimáy:

—Miwagatogóyini con jém inñtumiñ porque inñispa iga jém Diospic tachiiba wíap inñyuy con tumiñ. ²¹ Mich da iniñ derecho iga inwatpa jém Dios iyoxacuy ni da miwíap porque da wí jém inñanama jém Dios iwiñjom. ²² Tsaci jém malopic jixi. Anwejpaati tanjatun Dios siiga wíap miwadáy perdón jém inñañca jém inñisnewíp inñanamanjom. ²³ Porque ánix iga tsam iniit jém cujóyiooyi inñanamanjom juuts jém chuxñiwi tsampic tam. Jém malopic jixi michenne.

²⁴ Jesic jém Ximoj inñimáy jém Peto:

—Anwejpáttaami Dios para ich iga odoj ti annascañ juuts mich annimayñe.

²⁵ Jesic yaj inmat jém Dios inmati jemic, setyay jém Peto y Xiwan Jerusalén. Nasyajpa wati jém tiganjoj jém naxyucmi de Samaria. Inmatyajpa jém wibic anmati iga Dios taciaputpa.

Jém Felipe ipát jém Etiopíapic pixiñ

²⁶ Jesic ocmi Dios icutsat tum sinyucmipic pixiñ. Inñimáy jém Felipe:

—Tsucumi. Nicsim antsapsaumi. Píci jém Gaza cutun, jém tsucumnewíp Jerusalén.

Naspa jém tun jém titsinaxyucmi. ²⁷ Jesic jém Felipe tsucum. Nic. Tunjom ipát tum Etiopíapic pìxiñ. Capun pìxiñ. Mijpic anjagooyi jém pìxiñ, tesorero. Iccáyaypa jém yompic anjagooyi itumiñ. Jém yomo injacpa jém naxyucmi de Etiopía. Iñiyi jém yomo Candace. Jém pìxiñ oy Jerusalén iga ijispa Dios. ²⁸ Settim idic iticmi, coñ jém icarretajom, síp imay jém libro jém ijaychacnewiip jém Isaías jém wiñicpic profeta. ²⁹ Jesic jeeti rato jém Dios iAnama iñímáy jém Felipe:

—Cunuuci jém carreta, wagananìci.

³⁰ Póyantsucum jém Felipe, cuando icunúc noco, imaton iga síp imay jém libro jém ijayñewiip Isaías. Jesic jém Felipe icwác jém capun pìxiñ, iñímáy:

—¿Incutiyyíy ti síp immay?

³¹ Jém pìxiñ iñímáy:

—¿Jutsap ancutiyyíy siiga da ì anquejáypa? Mĩni tawagacoñi yíp carretajom.

³² Jem jut síp imay jém Dios inmatì nìmpa asì:

Nanicta jém pìxiñ, accaata juuts tum borrego juuts tum mañborrego da anwejpa cuando cupoodatap, jesanetim jém pìxiñ datim jìypa.

³³ Tsam pimi yaachwatta, chiita castigo, pero da ì icìpiñ. ¿Jém imanictam, ì wiap inmadáy porque da jáypa cuyajpa ivida yíp naxyucmi?

³⁴ Jesic jém capun pìxiñ icwác jém Felipe. Iñímáy:

—¿Anímaayi, ti nìntooba yíp anmatì? ¿Jém wiñicpic profeta, inmatpa de iyaac o inmatpa de tunjac pìxiñ?

³⁵ Jesic jém Felipe moj inmadáy jém anmatì jém siippic imay. Inmadáy jém wibic anmatì de Jesús. ³⁶ Iganam waganicyajpa, núcyaj tum lugar jut it ni. Jesic jém capun pìxiñ iñímáy jém Felipe:

—Yim it ni. ¿Que ich da wiap anacchin?

³⁷ Jém Felipe iñímáy:

—Siiga incupicpa con itumpiy iñanama, wiap manacchin.

Jesic jém pìxiñ iñímáy Felipe:

—Ich ancupicpa iga Jesucristo je jém Dios iManic.

³⁸ Ocmi icteñ jém icarreta. Quetyaj, tigiyay jém niicim. Jém Felipe icchin jém anjagooyi. ³⁹ Cuando putyaj jém niicim, jém Dios iAnama ininìc jém Felipe. Jém anjagooyi da más iix. Mojum niqui, tsam maymay. ⁴⁰ Jesic páttaj jém Felipe jém atebet Azoto. De jem moj niqui. Inmatpa jém wibic anmatì itumpiy jém atebet yaj hasta núc jém atebet Cesarea.

9

Jém Saulo cuando moj icupic Jesús (Hch. 22:6-16; 26:12-18)

¹ Jesic jém Saulo seguido imalwadáypa jém tánomi ipixiñtam. Tsam icumecpa iga iccaaba. Jeeyucmi nic iam jém cobacpic panij anjagooyi. ² Nic iwác tum toto iga wiap itigiyay jém sinagogayaj jém ityajwip jém atebet Damasco iga icuámpa jém icupicneyajwip Cristo, jém pìxiñtam y yomtam iga imatspa y ininìcpa Jerusalén. ³ Iganam niqui jém Saulo tunjom, cuando

núctooba jém attebet Damasco, iix tum jucti tsam pimi tsocpa sinjucmi. ⁴ Jesic jém Saulo actiη naxyucmi. Imatoη tum jiyi. Nímaytap:

—Saulo, Saulo, ¿tíiga anacpoypa?

⁵ Jesic jém Saulo icwác. Nímpa:

—¿Miiapaap, mánomi?

Jém jiyi icutsoη. Nímpa:

—Ich a Jesús jém michpic siη anacpoy. Iñyaactim siη inimalwadayta. Mijex juuts jém yunta jém iñeppáppic jém ichenóycuy inqúñi.

⁶ Jém Saulo tsam pimi cuetsáypa porque agui cηne. Nímpa:

—¿Mánomi, ti iñxunpa iga aηwatpa?

Jesic tánomi iñímáy:

—Tsucumim, nici yíp attebet Damasco. Jemum miñímaytap ti wiap inwat.

⁷ Jém pixiñtam, jém iwagananicpáppic jém Saulo, tsam pimi cηη porque imatoη jém jiyi, pero da i iix. ⁸ Ocmi tsucum jém Saulo jut actiηne idic naxyucmi. Tojne jém iixcuy, pero da ixixóypa. Matsayta ici, jicteñta. Nanicta jém attebet Damasco. ⁹ Jemum tucunajama da ixixóypa. Da wíc ni da níc.

¹⁰ It idic Damasco tum pixiñ iñiyi Ananías, icupicnetim Cristo. Iwiñquejáy tánomi juuts tum poñ. Iñímáy:

—¡Ananías!

Jesic jém pixiñ iñímáy:

—Yim aít, mánomi.

¹¹ Jesic iñímáy jém tánomi:

—Tsucumi. Nici jém calle iñiyi Numa, hasta jém Judas iticim. Acwaaci tum pixiñ de Tarso iñiyi Saulo, síp inwejpát Dios. ¹² Jém Saulo iixtim tum poñ. Iix iga miñpa tum pixiñ iñiyi Ananías, tigiyapa jém ticjom, iccámpa ici jém Saulo icobacyucmi iga eybictim ixixóyíñ.

¹³ Jesic imatoη jém Ananías, iñímáy jém tánomi:

—Mánomi, tsam jáyan pixiñtam aηmadayne ti iwat yíp pixiñ iga tsam imalwadáy jém impixiñtam jém micupicneyajwip jém attebet Jerusalén. ¹⁴ Siη núcneum yim con jeetim orde jém ichiñewip jém cobacpic panij iga imatspa itumpiy jém inwejpátpáppic Dios mich iñiyimi.

¹⁵ Jesic jém tánomi iñímáy jém Ananías:

—Siη nicsim. Ich aηcupiη yíp pixiñ iga inmadáyíñ ich anañquímayooyi jém tungacpic pixiñtam, jém tungac naxyucmi ireyyaj y jém Israelpic pixiñtam iwiñjom. ¹⁶ Ich anañquejáypa iga tsam pimi yaachwattap yíp pixiñ ich aηcuyucmi.

¹⁷ Ocmi jém Ananías nic jém ticim jut it jém Saulo. Tigiy, iccám ici icobacyucmi. Iñímáy:

—Mantíwi Saulo, jém tánomi Jesús miwiñquejáy iganam mimiñpa tunjom. Siη acutsat iga wiap iñixixóy eybic y iga tsam iníidiñ jém Dios iAnama.

¹⁸ Jeeti rato actiη iixcuyucmi juuts típi iñaca, wiawum miixixóy eybic. Jesic ocmi tsucum jém Saulo, acchiñta. ¹⁹ Ocmi wícum, eybic ipictsoη ipimi. Tsíy juna jama con jém icupicneyajwip Cristo jém attebet Damasco.

Jém Saulo inmatpa jém wibic aηmatí Damasco

²⁰ Ocmi moj inmat jem wibic anmati jem sinagoga. Inmaday jem pixiñtam iga Jesús je jem Dios iManic. ²¹ Itumpiy jem imatonayjappic tsam ipooñanjamyaj. Ninyajpa:

—¿Que da yiptim pixiñ jemc Jerusalén tsam icpoy jem inwejpátráppic Dios jem Jesús iniyimi? ¿Que da yiptim pixiñ sip miññe yim iga imatspa jem pixiñtam y ininipa jem panij anjagooyicim?

²² Pero jem Saulo más pimi inmatpa jem Dios inmati. Je da cñpa. Inquejáypa iga Jesús je jem Cristo hasta imiswadáy ijixi jem judíos jem ityajwñp Damasco.

Cñput Saulo jem attebet Damasco

²³ Cuando watña jama it jem Saulo, jem judíos iwatyaj acuerdo iga iccaayajpa. ²⁴ Pero ocmi jem Saulo ijodóna iga tsucum y siññi jem ienemigo inñeñe jem puerta anñaca iga iccaaba cuando putpa jem attebet. ²⁵ Pero jem icupicneyajwñp Cristo icotyaj jem Saulo tum mijpic coonjom. Ijinquetyaj tsucum jem taañi iweññaj. Jempam cñput.

Jem Saulo nic Jerusalén

²⁶ Cuando núc jem Saulo jem Jerusalén, tigiytooba idic jut antuumaneyaj jem icupicneyajwñp Cristo. Pero itumpiy jem pixiñtam tsam icñyaypa. Da icupicpa iga jem Saulo numa icupicneum jem Cristo. ²⁷ Pero jem Bernabé iwagananic jem Saulo. Nic icwiñquej jem apóstolyaj iwiñjom y inmadáypa jutsa miix jem Saulo jem tánomi tunjom y jutsa mijíyáy. Inmadáypatim iga jem Saulo da cñpa inmat jem Damasco jem Jesús iniyimi. ²⁸ Jesic jemum tsíy Jerusalén jem Saulo. Mojum iwaganasñyay jeeyaj. ²⁹ Seguido inmatpa jem Dios inmati jem tánomi iniyimi. Da cñpa. Anmatmatneyajpa, añayajpa con jem Israelpic pixiñtam jem iyyajpáppic jem griego anmati. Pero jeeyaj tsam iccaayajtooba jem Saulo. ³⁰ Cuando ijodónayaj jem tantiwitam, nanicta Saulo jem attebet Cesarea y de jem cutsattá hasta iticmi jem attebet Tarso.

³¹ Jesic da i imoogíyapa jem Dios ipixiñtam icuwiti jem naxyucmi de Judea y de Galilea y de Samaria. Jesic más iwicutiyyayajpa Dios inmati jem icupicneyajwñp Cristo. Tsam iwíwatayajpa porque tsam icñpa tánomi. Dios iAnama iyoxpátpa iga tsam jáyanap jem Dios ipixiñtam.

Acpistá jem Eneas

³² Jesic jem Peto nicpa ijooyáy jem tantiwitam yim jeexic. Nictim ijooyáy jem icupicneyajwñp Cristo jem attebet Lida. ³³ Jemum ipát tum pixiñ iniyi Eneas. Ocho antiy mimne icheesmi. Tusacane icumij. ³⁴ Jesic jem Peto inñmáy:

—Eneas, Jesucristo micpíspa. Tsucumi. Pññi jem imoncyuy.

Jesic jeeti rato tsucum jem Eneas. ³⁵ Jesic itumpiy jem pixiñtam jem ityajwñp jem attebet Lida y Sarón iixyay iga pisneum. Ichacyaj jem wiñcipic anquímayooyi, moj icupicyaj jem tánomi.

Acpistá jem Dorcas

³⁶ Jeetim tiempo it idic jem attebet Jope tum yomo icupicnetim Cristo. Iniyi Tabita. Jem anmatimi griego nimtooba Dorcas. Yip yomo tsam iwíwatpa, iyoxpátpa jem yaachayjappic. ³⁷ Jesic jeetim tiempo mimneactñ jem yomo, ocmi ca. Jesic acchñaytá jem imijtay. Nanicta tum cuarto jem tunjac

pisoyucmi. ³⁸ Jém attebet Jope da juumi de jém attebet Lida. Cuando imatonjay iga it jém Peto jém attebet Lida, jém icupicneyajwip Cristo icutsatyaj wisten pixiñ iga niguiñ inwejay jém Peto. Inimáy:

—Jicscay nici jém Jope.

³⁹ Jesic nic jém Peto con jém miñneyajwip inwejay. Cuando núc jém Jope, nanicta jém cuarto jut it jém tsúts jém yucmicpiso. Itumpiy jém cunoytam inuumaçaneyaj. Tsam weyjajpa. Inquejajyajpa jém Peto jém wibic tecxi y yooti jém inúnwip jém Dorcas cuando vivonam. ⁴⁰ Jesic Peto inimáy iga pudin itumpiy jém ityajwip cuartojom. Costeñneactin, moj inwejpát Dios. Iámseedáy jém yomo jém caanewip, inimáy:

—Tabita, tsucumi.

Jesic jém yomo ictoy iixcuy. Cuando iix jém Peto, coñchucum. ⁴¹ Jém Peto imatsáy ici, ijicsucum. Inwejay jém tantiwitam y jém cunoytam. Inquejay iga pisneum. ⁴² Icuwiti jém attebet Jope imatonjay it inasca jém yomo. Tsam jáyan icupicyaj jém tánomi. ⁴³ Tsíy jém Peto jém attebet Jope watña jama tum pixiñ iticciim. Iniyi Ximoy jém pixiñ, icinpápic cuero.

10

Jém Peto y Cornelio

¹ It idic jém attebet Cesarea tum pixiñ iniyi Cornelio. Capitán idic, injacpa tum batallón, jém grupo iniyi jém Italiano. ² Yip pixiñ ijsyajpa Dios con itumpiy jém ichixtam y itiwitam. Icinjaypa Dios. Ichuiba tumiñ jém yaachayajpápic iga iyoxpátpa. Siempre inwejpátpa Dios. ³ Tum jama como las tres de la tarde iix tum poñ. Inuntawix iga tigy hasta jut it jém Cornelio tum sinyucmicpico pixiñ jém icutsatnewip Dios. Inimáy:

—¡Cornelio!

⁴ Jém Cornelio agui iámpa jém sinyucmicpico pixiñ, tsam pimi cinne. Jesic icwác. Nimpa:

—¿Tí, mánomi?

Jesic jém sinyucmicpico pixiñ inimáy:

—Dios mimatónayneum jém inoración. Ijodon iga agui inyoxpátpa jém yaachayajpápic y Dios tsam iwianjam. ⁵ Sip cutsati algunos pixiñtam jém attebet Jope iga inwejaypa tum pixiñ iniyi Ximoy, iniyitim Peto. ⁶ Yip pixiñ it jém tunjac Ximoy iticciim jém cinpápic cuero. It jém lamar anñaca. Jém pixiñ minmadáypa ti wip inwat.

⁷ Jesic nic jém sinyucmicpico pixiñ jém inimiñnewip jém anmatí. Jém Cornelio inwejay wisten jém imozo y tum soldado. Jém soldado siempre iwatpa juuts piimiytap. Ijispatic Dios. ⁸ Jesic jém Cornelio inmadáy itumpiy ti iix y ti inimáy jém sinyucmicpico pixiñ. Ocmi icutsat jém attebet Jope.

⁹ Jesic icuquejama nic imétsyay jém Peto. Iganam niquiyay tunjom cuando nuctoobam nocojom jém attebet Jope, jesic jeeti rato quim jém Peto jém yucmicpico piso iga inwejpátpa Dios. Cugapjama. ¹⁰ Pimi yuane jém Peto, agui wíctooba, pero iganam síp iwadayta iwíccuy, iix tum poñ. ¹¹ Iix iga aháy jém sin. Juuts tum mijpic manta jimquetta hasta naxyucmi, tsénayñeta icucuatro itatsic. ¹² Ityaj jém mantajom itumpiy jém animat yip naxyucmicpico, jém cuatropic ipuy, jém tsañay y jém jonyaj. ¹³ Ocmi imaton tum jiyi. Nimayta:

—Peto, tsucumi, accai, cuuti.

14 Pero jém Peto icutsoŋ. Nimpa:

—MánŌmi, da queman oypa aŋcút jém dapic wī taŋcút, ni jém nīmyajpáppic iga tactaŋcaíypa.

15 Eybictim jíyayta. Nīmayta:

—Jém Diospic iwītsac iga wī taŋcút, da jī wīap iñim iga tactaŋcaíypa.

16 Jempigam iñasca tucciy. Ōcni eybictim quím jém manta siŋyucmi.

17 Iganam ámanjac jém Peto iga iix jém poñ, núcyaj jém tiganŋaca jém pīxiñtam jém icutsatnewīp jém Cornelio. Acwágoyyajpa jém Ximoj iticcīm. 18 Cuando núcyaj iticcīm, pīmi jīy. Icwácyaj siiga jemum it jém Ximoj iñiyitim Peto.

19 Iganam Peto sīp ijs ti nīntooba jém poñ, Dios iñama iñímáy:

—Aami, sīp miméts tucuten pīxiñ. 20 Tsucumi, queti jém yucmīpic piso, nīcsim con jeeyaj. Odoy cīŋi porque ich maŋcutsadayñe.

21 Jesic quet jém Peto, nic iám jém tucuten pīxiñ jém icutsatnewīp jém Cornelio. Iñímáy:

—Icham jém ammétstampáppic. ¿Íiiga mimiñta yīm?

22 Jesic iñímáy jém pīxiñtam:

—Amiñta porque acutsatta jém capitán Cornelio. Je tum wībīc pīxiñ, tsam iwatpa juuts ixunpa Dios. Itumpiy jém Israelpic pīxiñtam tsam iwīanjamayaj, tsam itoyajpa jém capitán. Da más pecam oy iwīñquejáy tum siŋyucmīpic pīxiñ jém icutsatnewīp Dios. Nimpa jém siŋyucmīpic pīxiñ iga miñwejáyiñ iticcīm iga imatoŋpa jém capitán mich iniŋmaŋi. 23 Jesic jém Peto iñímáy jém pīxiñtam:

—Tigiyi.

Jemum tsíyyaj jém tsuu con jém Peto. Icuquejama waganicyajpa jém Peto con jeeyaj. Iwagananicyajpatim algunos jém tantīwītam jém ityajwīp jém atebet Jope. 24 Jesic jém tungagam más jama, núcyaj jém atebet Cesarea. Jemum iŋjócneyaj jém Cornelio con algunos itīwītam y con jém más wībīc iamigoyaj jém iñwejayñewīp. 25 Cuando núc jém Peto jém Cornelio iticcīm, put jém Cornelio, miñ iwīpictsoŋ. Costeñactiŋ jém Peto iwīñjōm iga iñwejpáttooba.

26 Pero jém Peto iwjīcsucum. Iñímáy:

—Teñchucumi. Ich apīxiñtim juuts mimich.

27 Iganam sīp iŋmatyaj, tigiyyaj jém Cornelio iticjōm. Jém Peto ipát tsam jáyan pīxiñtam aŋtuumaneyaj. 28 Jesic Peto iñímáy:

—Michtam iñjōdoŋ iga jém judíos iñquímayooyi da ijícpa iga aŋtuumap jém judíos con jém tungac pīxiñtam ni datim ijícpa iga tigiypa jém tungac pīxiñ iticjōm. Pero Dios aŋquejayñe iga da wī iga tanjīspa iga tum pīxiñ tactaŋcawatpa, da wī iga tanjīspa iga tum pīxiñ da jex juuts taich. 29 Jeeyucmi cuando mich anaŋwejáy, amiñ. Da ti anjīy. Sīp manacwácpa, ¿Íiiga anaŋwejáy?

30 Jesic jém Cornelio iñímáy:

—Iniitum cuatro día como yīptim hora ait anticcīm. Aŋwatne ayuno. Anaŋwejpátpa Dios juuts siempre aŋwatpa cada cutsuuyaji. Jesic awīñquejáy tum pīxiñ tsam tsocpa ipuctūcu. 31 Jém pīxiñ anímáy: “MīCornelio, Dios mīmatōŋayñeum jém iñoración. Ijīspa iga tsam iñyōxpátpa jém yaachayajpáppic.”

32 Anímáyitim: “Cutsati algunos jém impīxiñtam hasta jém atebet Jope iga inīmīñiñ jém Ximoj iñiyitim Peto. Jém pīxiñ it jém tungac Ximoj iticcīm

jém icinjáppic cuero jém itwáip lamar aññaca. Cuando núcpa, miñmadáypa ti wáip injwat.”³³ Jeeyucmi jeeti rato añcutsat jém ampixiñtam iga niñuiñ miméts. Agui wá iga mimiñ. Sáp tantumpiytam taitta yám Dios iwiñjom. Tsám ammatonjtamtooba itumpiy cosa juuts miñímáy jém tánomi.

Najíyóypa jém Peto jém Cornelio iticcám

³⁴ Jesic jém Peto moj jiyi. Nímpa:

—Núma sáip tançutiíyáypa iga jém tanjatun Dios da iñejaixpa ni tum pixiñ. Itumpiy iixpa jextim.³⁵ Pero Dios iwípicsonpa itumpiy jém pixiñtam icuwiti yíp naxyucmi siiga icinja Dios y iwíwatpa.³⁶ Dios icutsadá jém wibic añmatí jém Israelpic pixiñtam. Iñímáy iga tawípicsonpa tanjatun Dios porque tawíwadáy jém Jesucristo. Je tantumpiytam tánomi.³⁷ Michtam injwíjodon ti nasne jém naxyucmi de Judea. Jemigam tsucum jém Galilea cuando najíyóypa y acchíyóypa jém Xiwan.³⁸ Injwíjodontim iga ocmi Dios ichi jém Jesús de Nazaret jém Dios iAnama ipími. Injwíjodontim iga jut quej nícpa jém Jesús, iwíwadáypa jém pixiñtam, icpíspa itumpiy jém iyaachwatya-jpáppic jém Wocciwiñ. Jém tanjatun Dios iwaganait, jeeyucmi wáip iwat jempic.³⁹ Aichtam atsiyta juuts testigo. Ánixñeta itumpiy cosa juuts iwat jém attebet Jerusalén y icuwiti jém judíos iñaxyucmi. Ocmi jeeyaj iccaayaj, cunúnta cunusyucmi.⁴⁰ Pero Dios icpís jém tucunajama y awiñquejayta aichtam.⁴¹ Da iwiñquejay itumpiy pixiñtam. No más awiñquejay aichtam iga acupijnetawáip dende wiñí jém tanjatun Dios iga atsiyta juuts testigo. Awagawícta, awaganícta con je cuando píseum de jut it jém caaneyajwáip.⁴² Acutsatta iga anañmadaytámiñ jém pixiñtam y anañquejaytámiñ iga Dios iccám yíptim Jesús iga juez iga icápiñpa jém vivopic y jém caaneyajwáppic.⁴³ Dende wiñigam itumpiy jém Dios injmatcáwiñ injmatyájtím iga miñpa jém Jesús. Nímyajpa iga jém icupicpaap jém Jesús, wadaytap perdón jém itañca jém Jesús iñiyimi.

Ipictsonpatím Dios iAnama jém dapic je de Israel

⁴⁴ Iganam sáip injmat jém Peto, núc jém Dios iAnama. Ipictsonyay itumpiy jém imatonneyajwáip jém Peto injmatí.⁴⁵ Tsám ipooñanjamyajpa jém Israelpic pixiñtam jém miññeyajwáip con Peto, jém icupicnewáip Cristo, cuando iix iga chiitátmim jém Dios iAnama jém tunjac pixiñtam jém dapic je de Israel.⁴⁶ Porque imatonnyaj iga jyyajpa jém tunjac pixiñtam injmatími. Tsám icujípyajpa Dios.⁴⁷ Jesic Peto iñímáy:

—¿I wáip iñim iga da wáip tanacchin yíp pixiñtam? Porque ipictsonneum Dios iAnama juutstím taichtam.

⁴⁸ Jesic Peto ipímiy iga acchiniyajtáñ jém pixiñtam jém Jesucristo iñiyimi. Ocmi cunucsayta jém Peto iga tsíyiñ juna jama con jeeyaj.

11

Jém Peto injmadáypa jém ityajwáip Jerusalén ti iñasca jém attebet Jope

¹ Jesic jém apóstolyaj con jém tantíwítam, jém ityajwáip Judea, ijwíjonyaj iga jém tunjac pixiñtam, jém dapic je de Israel, ipictsonyájtím jém Dios injmatí.

² Cuando set Jerusalén jém Peto, agui icujyyaj jém Israelpic p̄ixiñtam jém icupicneyajw̄ip Jesús. ³ N̄imyaj:

—¿Źiiga oy iñjooyá jém tun̄gac p̄ixiñtam jém dapic je de Israel? ¿Źiiga miwagaw̄icpa con jeeyaj?

⁴ Jesic jém Peto moj in̄madá y títam iñasca dende wiñi. Iñímáy:

⁵ —Ich aít idic jém atebet Jope. Iganam síp anan̄wejpát Dios, ánix tum̄ poñ. Ánix juuts tum̄ mijpic manta tsénayñetā icucuatro itatsic, jímquetta dende s̄nyucmi hasta j̄ut aít. ⁶ Cuando an̄wíam ti it̄ jém mantajom, ánix ȳip naxycm̄ipic an̄imat jém cuatropic ipuj, jém jím̄ni an̄imat, it̄tim jém tsañ, jém pachi y jém jonyaj. ⁷ Jesic ammaton̄ tum̄ j̄iyi. An̄imayta: “Peto, tsucumi, accai, cuuti.” ⁸ Pero annímáy: “Mán̄omi, ich da queman an̄cút jém dapic w̄i tan̄cút jém tactán̄cayp̄ap̄pic.” ⁹ Jesic eybic ājyáy jém s̄nyucm̄ipic j̄iyi. Anímáy: “Jém Diospic iw̄itsac, da w̄iap tannim iga da w̄i tan̄cút.” ¹⁰ Annasca tucci. Ocmi eybic jímquím̄ta s̄nyucmi. ¹¹ Jeeti rato núcyaj tucuten̄ p̄ixiñ jém tic̄cim̄ j̄ut aít idic. Tum̄ Cesareapic p̄ixiñ icutsat iga miñ améts. ¹² Jém Dios iAnama anímáy iga aniguñ con jeeyaj y iga odoy ac̄iñiñ. An̄wagananictatim ȳip seis tant̄iw̄itam. Antumpiytam atigiyta jém p̄ixiñ itic̄jom, tum̄ capitán. ¹³ An̄madá y jutsa miix itic̄cim̄ tum̄ s̄nyucm̄ipic p̄ixiñ. Miñ in̄madá jém capitán. Iñímáy: “Cutsati algunos p̄ixiñtam jém atebet Jope iga inimíñiñ jém Ximoj iñ̄iyit̄im Peto. ¹⁴ Je miñpa min̄madá jutsap̄ in̄c̄iput y jutsap̄ ic̄iputyaj itumpiy jém ityajw̄ip iñ̄ic̄cim̄.” ¹⁵ Cuando moj anan̄mat jém Dios in̄mat̄i, ipictson̄yaj jém Dios iAnama juutstim taichtam matampictson̄ wiñi. ¹⁶ Jesic an̄jis ti tanímáy jém tán̄omi. N̄impa: “Jém Xiwan acch̄īj̄oypa con ni, pero mimichtam impictson̄t̄ampa Dios iAnama.” ¹⁷ Siiga Dios ichi jém tun̄gac p̄ixiñtam jém Dios iAnama juuts tach̄iñeta taichtam, jém tan̄cupicnew̄ip Jesucristo, ¿jesic ich ajapaap iga anicpa contra jém tan̄jatun̄ Dios?

¹⁸ Jesic cuando imaton̄yaj jém tant̄iw̄itam, jém ityajw̄ip Jerusalén, da j̄iyaj. Moj icuj̄ipyaj Dios. N̄imyaj:

—Jém tan̄jatun̄ Dios ichiit̄im lugar jém tun̄gac p̄ixiñtam jém dapic je de Israel iga icucayajpa ījxi iga iniitpatim jém vida jém dapic cuyajpa.

Jém Dios ip̄ixiñtam jém atebet Antioquía

¹⁹ Cuando accaatā jém Esteban, jeetim jama moj icpoyajtā los demás jém icupicneyajw̄ip Cristo. Cupóyayaj. Algunos n̄icyaj hasta jém atebet Fenicia, Chipre y Antioquía. Jemigam in̄madayaj jém w̄ibic an̄mat̄i jém Israelpic p̄ixiñtam. Pero da in̄madá jém tun̄gac p̄ixiñtam jém dapic je de Israel. ²⁰ Pero algunos jém tant̄iw̄itam jém ityajw̄ip jém atebet Chipre y Cirene n̄icyaj jém atebet Antioquía. In̄madayaj jém tun̄gac p̄ixiñtam jém dapic je de Israel iga w̄iap ic̄īacputyaj jém tán̄omi Jesús. ²¹ Jém tant̄iw̄itam tsam̄ iniit̄ jém tán̄omi ip̄imi. Tsam̄ jayan̄ jém p̄ixiñtam ichacyaj jém wiñ̄icpic an̄quím̄ayooyi. Moj icupicyaj jém tán̄omi Jesús.

²² Cuando ijodón̄ayaj jém Dios ip̄ixiñtam, jém ityajw̄ip Jerusalén, icutsat jém Bernabé iga n̄iguñ Antioquía. ²³ Cuando núc jém Bernabé, iix iga Dios agui iw̄iwadayñe jém p̄ixiñtam. Jesic agui maymay jém Bernabé. Moj in̄quím̄yaj itumpiy jém p̄ixiñtam iga iw̄icup̄iguñ y odoy ichaguñ jém tán̄omi in̄madayooyi. ²⁴ Porque jém Bernabé tum̄ w̄ibic p̄ixiñ, tsam̄ iniit̄ jém Dios

iAñama. Tsam iwicupicpa iga Dios wiap. Jeeyucmi jáyan pixiñtam tigiñeyaj iga icupicyajpa jem tánomi Jesús. ²⁵ Ocmi jem Bernabé nic jem atebet Tarso. Nic iméts jem Saulo. Cuando ipát, ininic Antioquia. ²⁶ Jáy itiyaj jemum con jem Dios ipixiñtam. Oy ití tum amtiy. Inquejáy jáyan pixiñtam jem Dios inmati. Yiptim Antioquia moj iccámayajta iñiyi iga cristiano jem icupicneyajwiip Cristo.

²⁷ Jeetim tiempo algunos jem profeta, jem ityajwiip Jerusalén, nic Antioquia. ²⁸ Tum de jeeyaj, iñiyi Agabo, teñchucum jut antuamneyaj jem tantiwitam. Dios iAñama icjodóna ti miñpa. Nimpa iga miñpa tum mijpic yuu icuwiti de yip naxyucmi. Ocmi numa cupac juuts nim, jem tiempo cuando injacpa jem Romapic anjagooyi Claudio. ²⁹ Jesic ocmi jem icupicneyajwiip Cristo, jem Antioquiapic pixiñtam, moj ijsayaj iga icutsadayajpa tum yoxpádooyi jem tantiwitam jem ityajwiip Judea. Ichiiyajpa cada tumtum jutsaj wiayajpa. ³⁰ Jempigam iwatyaj. Cutsadayta jem yoxpádooyi jem Dios ipixiñtam injagooyiyaj. Oy ichac jem Bernabé y Saulo.

12

Accaata Jacobo y pajta jem Peto

¹ Jeetim tiempo moj icpoy jem rey Herodes algunos jem Dios ipixiñtam. ² Accaata con espada jem Jacobo jem Xiwan itíwi. ³ Cuando jem Herodes iix iga agui iwianjam jem Israelpic pixiñtam, jesic ipimiytim iga matstaiñ mex jem Peto. Iñasca jempic cuando wattaq jem siñ iga cúttap jem caxtánañi sin levadura. ⁴ Cuando matsta jem Peto, nanicta cárcel. Jem cárcel tsam wi watnetá cuenta con cuatro grupo de soldado. Cada grupo ityaj cuatro soldado. Jem Herodes ijspa idic iga itoppa jem Peto cuando cuyajneum jem siñ iga icipinpa jem pixiñtam iwiñjom. ⁵ Jeeyucmi tsíy Peto jem cárcel, tsam wíwatnetá cuenta. Pero jem Dios ipixiñtam tsam pimi inwejpádáypa Dios para je.

Dios itop jem Peto jem cárcel

⁶ Ocmi cuando núc jem tiempo iga jem Herodes ijspa iga itoppa jem Peto, jeetim tsuu moñpa Peto cucmi de wisten soldado. Tsenne con wisten cadena. Algunos jem soldado iwatne cuenta jem cárcel ipuerta. ⁷ Jeeti rato iwiñquejáy jem Peto tum siñyucmicpic pixiñ jem Diospic icutsatne. Jem cárcel ijojmi cutsoctic juuts tum jucti. Jesic jem siñyucmicpic pixiñ ichigáy jem Peto ipópac. Ichicyus. Iñimáy:

—Jicsciy tsucumi.

Jesic wij jem cadena jem Peto iciiyucmi, cutiñ naxyucmi. ⁸ Jem siñyucmicpic pixiñ iñimáy:

—Tsencaami jem iñcinturón immijpacyucmi. Coti inciac.

Cuando yaj iwat jempic, iñimáy jem siñyucmicpic pixiñ:

—Coti iñyoóti. Atúñiyi.

⁹ Jesic put jem Peto, mojum itúñiy jem siñyucmicpic pixiñ. Pero da icutiñiyíy siiga numa ti iwatpa jem siñyucmicpic pixiñ. Je ijspa no más iga imawíñ. ¹⁰ Pero nasyaj jut inteññe jem wiñtipic soldado y jem ocmipic soldado. Cuando núcyaj jut it jem tinçuy puerta jem calle anñaca, aháy iyaac jem puerta.

Putyaj, widaṇnasyaj tum calle, jeeti rato nic jém sɨnyucmɨpic pɨxiñ. Tsɨy icutum jém Peto. ¹¹ Jesigam jém Peto icutiɨyɨy iga numa. Nɨmpa:

—Siip aṇcutiɨyɨy iga numa jém tánŌmi icutsat tum sɨnyucmɨpic pɨxiñ iga aciacputpa jém Herodes icɨjɨm con jém Israelpic pɨxiñtam icɨjɨm jém amalwadaypɨpic idic.

¹² Iganam sɨp iɨs jém Peto ti iñasca, nic jém Malía iticcim. Jém yomo jém Xiwan iapa iñiyitim Marco. Jem tsam jáyan pɨxiñtam aṇtuumaneyaj. Sɨp iwatyaj oración. ¹³ Cuando jém Peto itics jém puerta, miñ iṇtson tum woñi iñiyi Rode. ¹⁴ Imatónactɨyáy iga Peto iɨyɨ. Pero jém woñi da iṇáy jém tic. Tsam maymay, póyanɨsucum, nic jojmi iga iṇmadáy jém aṇtuumaneyajwɨp iga núcneum jém Peto jém puerta aṇṇaca. ¹⁵ Pero jeeyaj iñimáy jém woñi:

—Mich miloco.

Pero jém woñi nɨmpa:

—iNuma, da je migooyi!

Jesic nɨmyajpa jém pɨxiñtam:

—¿Que da je Petotim iṇnama?

¹⁶ Seguido iticspa puerta jém Peto. Cuando iṇáy jém puerta jém pɨxiñtam, iixyaj jém Peto, tsam pɨmi ámanjacyaj. ¹⁷ Pero jém Peto iwat seña con ici iga odoy jɨyyajiñ. Moj iṇmadáy jutsa mitop tánŌmi jém cárcel. Iñimáy jém pɨxiñtam:

—Aṇmadaytaami jém Jacobo y los demás jém tantɨwitam.

Ocmi put jém Peto, nic tunṅac lugar.

¹⁸ Icuquejama pɨmi cuijñayñeyaj jém soldadoyaj porque da ijodon ti iñasca jém Peto. ¹⁹ Jém Herodes icutsat jém soldado iga inimíñiñ jém Peto, pero da ipát. Jesic jém Herodes iṇwejay jém soldado jém iwatneyajwɨp cuenta jém cárcel. Icɨpɨñ. Ocmi ipimɨy iga accaayajtañ itumpɨy de jeeyaj. Jesic put jém Herodes jém naxyucmi de Judea, nic iti jém atebet de Cesarea.

Cajém Herodes

²⁰ Jesic jém Herodes tsam pɨmi ijóyixpa jém pɨxiñtam jém ityajwɨp jém atebet de Tiro y Sidón. Pero jém pɨxiñtam iwatyaj acuerdo con jém Blasto, tum miɨpictim aṇjagooyi, icuyoxap jém rey Herodes. Iyojyaj jém Blasto iga iyoxpáñ. Icnucsay iga odoy imoogiyajajiñ jém rey porque jém pɨxiñtam ipɨcpa iwícuy jém rey Herodes iñaxyucmi. ²¹ Jém Herodes iṇwejay jém pɨxiñtam. Iñimáy júp jama miñyajiñ. Jesic jém jama icot jém rey ipuctucu. Nic coñi jém icofñcuyucmi jut cɨpɨñóypa. Moj najíyooyi. ²² Jesic jém pɨxiñtam, jém iṇwejayñeyajwɨp, tsam pɨmi jɨyyajpa, tsam icujɨpyajpa jém Herodes. Nɨmyaj:

—Yɨmpic jɨypa da je pɨxiñ, tum dios.

²³ Jeeti rato tanjatun Dios icutsat tum sɨnyucmɨpic pɨxiñ iga icmimneiñ jém Herodes porque da icujɨppa Dios. Más iwánjam iga cujɨptañ iyaac. Jempigam ca. Jém tsuuquiñ icútyaj.

²⁴ Pero jém tánŌmi iṇquímayooyi más jáyanap. Aṇmattap jutɨñquej jém aṇmañi.

²⁵ Jesic jém Bernabé y Saulo cuando cuyaj jém iyoxacuy, putyaj Jerusalén. Setyaj iticmi. Iwagananicajpa jém Xiwan iñiyitim Marco.

13

Jém Bernabé y Saulo moƿa iwat jém ƿoxacuy iga ininicipa Dios inƿati juumi

¹ Jesic jemigam juƿ anƿuumayajpa jém Dios ipixiñtam, jém attebet Antioquia, ityaj jém Dios inƿaƿciwiñ y jém wibic maestroyaj. Ityaj jém Bernabé; jém Ximój inƿiyitim Niger; jém Lucio, jém Cirenepic p̄ixiñ; jém Manaén, icuyoxap idic jém Herodes jém gobernador de Galilea; itim jém Saulo. ² Tum jama cuando anƿuumaneyaj jém p̄ixiñtam iga ij̄spa jém tánQmi y iwatyajpa ayuno, Dios iAnama inimáy jém p̄ixiñtam:

—Tsaci aparte yip Bernabé y Saulo jém anƿcupinewiip iga acuyoxap.

³ Iwatyaj ayuno jém Dios ipixiñtam, inƿejpátyaj Dios, iccámayyaj ici jém Bernabé y Saulo icobacyucmi. Jesic nanquimayjta.

Jém apóstolyaj inƿmatyajpa jém Dios inƿati jém attebet Chipre

⁴ Jesic Dios iAnama icutsat jém Bernabé y Saulo. Nicyaj jém attebet Seleucia. Jemum tigiyay barcojom iga nicpa jém isla de Chipre. ⁵ Cuando núc jém attebet Salamina, moƿ inƿmat jém Dios inƿati jém judiós imasticjom, jém sinagoga. Iwagananicyajtim jém Xiwan iga iyoxpátpa. ⁶ Inƿmatyaj yim jeexic icuwiti jém isla de Chipre. Núcyaj jém attebet Pafos. Jemum ipát tum nawat inƿi Barjesús. Nimpa iga tum Israelpic anƿaƿciwiñ, pero je tum migoypaap.

⁷ Jém nawat it idic con jém gobernador Sergio Paulo. Yip anjagooyi tsam jixiy. Inƿejáy jém Bernabé y Saulo porque agui imatontooba jém Dios inƿati.

⁸ Pero jém nawat, inƿiyitim Elimas, nicpa en contra de jém Bernabé y Saulo. Da ichiitooba lugar jém gobernador iga icupiguiñ Cristo. ⁹ Jesic jém Saulo, inƿiyitim Pablo, tsam iniiit jém Dios iAnama. Iwiámmats jém nawat. ¹⁰ Inimáy:

—Mimigoypaap, tsam malopic mipixiñ, Wocciwiñ mimanic. Mich tsam mienemigo de itumpiy jém wítampic cosa. Agui inƿwótpa jém tánQmi inƿimayoooyi jém numapic. ¹¹ Siip jém tánQmi michiiba castigo. Siip micachtiap. Juna jama da wiap inix jém jama ichoça.

Jesic jeeti rato imats juuts tum oma jém iixcuy, cupiicha. Moƿa iméts i wiap ijicteñ. ¹² Cuando jém gobernador iix ti inasca jém p̄ixiñ, icupic Cristo. Agui ipooñanjampa cuando imaton jém tánQmi inƿimayoooyi.

Jém Pablo y Bernabé nicyaj jém tungac Antioquia jém attebet de Pisidia

¹³ Ocmi jém Pablo con icompañeroyaj tigiƿ barcojom, putyaj jém attebet Pafos. Nicyaj jém attebet Perge jém naxyucmi de Panfilia. Pero jém Xiwan ichaganput iga iwaganasiiba jeeyaj, set Jerusalén. ¹⁴ Ocmi nasyaj jém attebet Perge, núcyaj jém tungac Antioquia jém itwiip jém naxyucmi de Pisidia. Jemum tum jeucuy jama tigiyay jém sinagoga, coñyaj. ¹⁵ Jém sinagoga injagooyiyaj imayyaj jém Dios inƿati, jém Moisés inƿimayoooyi y jém ijaychacnewiip jém wiñpic anƿaƿciwiñ. Cuando yaj imayyaj, jesic jém anjagooyiyaj icutsadá anƿati jém Pablo. Nimayta:

—Mantiwitam, siiga iniiit ti inimaytooba yipyaj p̄ixiñtam iga ininquímpa, siibam wiap ininmadáy.

¹⁶ Jesic jém Pablo teñchucum. Iwat tum seña con ici iga odoy i jiyiñ, moƿ inmadáy:

—MiIsraelpic mipixiñtam y mimichtam inƿinƿampáppic tanjatun Dios, ma-tonƿtaami. ¹⁷ Tanjatun Dios, jém Israelpic p̄ixiñtam iDios, icupin jém wiñpic

tanjatunwewetam. Tsam icjayanayaj jem tanwewetam cuando oy itiyaj jem naxyucmi Egipto juuts juumipic pixiñtam. Ocmi itop jem naxyucmi de Egipto con ipimi. ¹⁸ Dios iyaachiy iga tsam imalwatyajpa jeeyaj cuando jáy itiyaj cuarenta amtij jem titsinaxyucmi. ¹⁹ Ocmi Dios ictogoy siete nación jem ityajwiip jem naxyucmi de Canaán iga chiitap jem nas jem tanjatunwewetam. ²⁰ Jesic ocmi Dios iccám jem juezyaj iga injacyajpa jem Israelpic pixiñtam cuatrocientos cincuenta amtij. Injacyajpa jem juezyaj hasta que núc jem tiempo de Samuel jem Dios inmatciwiñ. ²¹ Ocmi iwácyaj tum nunta rey iga injaguñ. Jesic Dios iccám jem Saúl juuts rey iga injacpa cuarenta amtij. Jem Saúl, jem Cis imanic, tsucum de jem tribu de Benjamín. ²² Ocmi Dios itop jem Saúl. Accámta jem David iga rey. Nimpa Dios: “Ampát jem David jem Isaí imanic. Jem ijixi jextim juuts aich. Iwatpa juuts ich anwanjam.” ²³ Yiptim David iocmanic manic jem Jesús, jem iciacputpáppic jem Israelpic pixiñtam. Dios ictsucum juuts tajycámayñe wiñgam. ²⁴ Antes que miñpa jem Jesús, jem Xiwan inmaday itumpiy jem Israelpic pixiñtam iga icucacyajiñ ijixi y iga acchinyajtañ. ²⁵ Cuando dam jáyñe iga caaba jem Xiwan, nimpa: “Ich da aje jem michpic iñjspa iga miñpa. Pero ocmi miñpa antuuniancim tum pixiñ más wip que aich. Ich da ipati iga anwijáypa iciac ipuyucmi.”

²⁶ Mantiwitam, jem Abraham mimanictam, jem incintampáppic Dios, taichtam tacutsadayta jem wibic anmati iga taciacputpa Dios. ²⁷ Jem ityajwiip Jerusalén y jem injagooyiyaj da ijodonyaj iga Jesús je jem icutsatnewiip Dios. Datim icutiyyiyajpa cuando imayyajpa cada jejucy jama jem anmati jem ijaychacnewiip jem wiñcipic anmatciwiñ. Cuando accaata jem Jesús, cupacpa iwat juuts nim jem wiñcipic anmatciwiñ. ²⁸ Mex da ipadayyaj itança jem Jesús iga accaatañ, jem pixiñtam iwágáy jem Pilato iga accaatañ. ²⁹ Cuando jem pixiñtam yaj imalwadayyaj jem Jesús juuts ijaychacne jem wiñcipic anmatciwiñ, icquetyaj jem icunusyucmi, icumyay. ³⁰ Pero Dios icpis de jut it jem caaneyajwiip. ³¹ Wátña jama iwiñquejáy jem icuyujciwiñ jem iwaganamiññewiip de Galilea a Jerusalén. Siip jeeyaj tsiyay juuts testigo iga inmadayyajpa jem pixiñtam iga numa pisneum.

³² Siip aichtam mananquejáypa jem wibic anmati jem Diospic ijycámayñe jem wiñcipic tanjatunwewetam. ³³ Siip Dios iccupac jem promesa para taichtam jem wiñcipic pixiñtam tamanictam. Iccupac Dios cuando icpis jem Jesús, juuts jaychacnetá jem salmo dos. Nimpa: Mich mammanic.

Yip jama manchi jem vida.

³⁴ Jem tanjatun Dios ijychacne iga icpisa jem imanic de jut it jem caaneyajwiip iga jem imijtay da púcpa. Yimipic nimpa jut jaychacnetá: Manyaachanjampa,

manwijwadáypa juuts anjiycámayñe jem David.

³⁵ Jeeyucmi nimpatim jem tunjac salmo:

Da anjicpa iga púcpa imijtay jem acuyoxapaap, jem tsampic antoypa.

³⁶ Numa jem David tsam icuyoxa jem itiwitam juuts iwianjam Dios. Ocmi ca, cumta juttim cumneyaj jem ijatunwewe, púc jem imijtay. ³⁷ Pero jem icpisnewiip Dios, da púc jem imijtay. ³⁸ Mantiwitam, jodónataami iga

yíptim Jesús iñiyimi miñmadaytamta iga Dios miwadaytampa perdón jém iñtãca. ³⁹ Yíp pïxiñ iñiyimi itumpiy jém icupicneyajwïp Jesús wadayta perdón itumpiy jém itãca jém dapic wiap iwïtsagáy jém Moisés inquímayooyi. ⁴⁰ Nawattamtaji cuenta mimichtam iga da iññascaaba juuts ijaychacne jém wiñicpic anmatciwiñ. Nimpa yïmpic:

⁴¹ Mimalopic mipixiñtam, tsam iñxiccatãmpa jém wibic cosa.

Núcpa jama iga agui miãmanjacpa, pero mitogoypa.

Porque ich aDios anwatpa tum mijpic cosa jém tiempo de mimichtam.

Pero mimichtam da incupictãmpa mex i miñmadãypa.

⁴² Iganam putyaj jém Pablo con icompañeroyaj jém sinagoga, jesic jém pixiñtam iñimayyaj:

—Yíp tungac jeucy jama miñi anmadaytaami eybic jém siïppic ammatonta.

⁴³ Cuando cupudayyaj de jut antuumaneyaj, jesic tsam jáyan jém judíos con jém tungac pixiñtam, jém iwianjamyajpãppic jém Moisés inquímayooyi, itúñiyaypa jém Pablo y Bernabé. Jesic jeeyaj inquímãpa jém pixiñtam iga seguido icupiguiñ y odoy ichaguiñ jém Dios itóyooyi.

⁴⁴ Jesic jém tungac semana jém jeucy jama antuumayajpa casi itumpiy jém ityajwïp jém atebet iga imatonyajpa jém Dios inmatí. ⁴⁵ Pero cuando jém judíos iix iga antuumaneyaj tsam jáyan pixiñtam, jesic tsam najajoyajpa, moj imalmalnimayyaj jém Pablo. Nimyajpa iga tsam migóypa. ⁴⁶ Jém Pablo y Bernabé da cïjpa inmat. Iñimáy:

—Tienes que wiñi manañmadãypa jém Dios inmatí mimichtam miIsraelpic mipixiñtam. Pero como da impictsontooba jém vida jém dapic cuyajpa, siïp ananigãypa jém wibic anmatí jém tungac pixiñtam jém dapic je de Israel.

⁴⁷ Porque jempigam tanímáy jém tanjatun Dios. Nimpa yïmpic:

Manaccám juuts tum wibic jucti para jém tungac pixiñtam jém dapic je de Israel.

Mançutsatpa iga ininicpa jém wibic anmatí iga Dios iciacputtooba jém pixiñtam icuwïti yíp naxyucmi.

⁴⁸ Jesic cuando imatonyaj jém tungac pixiñtam, jém dapic je de Israel, agui maymayyaj. Nimyajpa:

—Yíp Dios inmatí tsam wï!

Jesic icupicyaj itumpiy jém icupinnewïp Dios iga ipictsonyajiñ jém vida jém dapic cuyajpa. ⁴⁹ Jesic anmattap jém Dios inmatí icuwïti jém naxyucmi de Pisidia. ⁵⁰ Pero jém judíos tsam ijóyixyajpa jém wibic anmatí. Moj ictsucum iga icpóyiyaypa jém Pablo y Bernabé. Jém malopic judíos iñimáy jém wibic yomtam con jém mijpic anjagooyiyaj iga iyoxpáñ. Jesic moj icpóyiyay hasta icquebacputyaj jém naxyucmi de Pisidia. ⁵¹ Jesic cuando putyaj jém Pablo y Bernabé, icunebayyaj jém pótpót ipuyucmi iga quejiñ iga jém pixiñtam da ipictsonyaj jém Dios inmatí. Ocmi nicyaj jém atebet Iconio. ⁵² Pero jém icupicneyajwïp Cristo jém atebet Antioquia tsam maymayyaj. Tsam iniityaj Dios iAnama.

¹ Jesic jém attebet Iconio jém Pablo y Bernabé wagatigiyay jém judíos isinagoga. Como tsam wiap inmatyay jém wibic anmati, tsam jáyan pixiñtam icupicyay jém Cristo. Icupicyajtim jém judíos con jém griegopic. ² Pero jém judíos, jém dapic icupicpa, tsam pimi imalnimayyay jém Pablo y Bernabé. Icjóyixyajtim jém tungac pixiñtam jém dapic je de Israel. ³ Jeeyucmi tsíyyaj jemum jém Pablo y Bernabé wafña jama. Da cñpa inmat porque ijodon iga iyoxpátpa jém tánomi. Numa Dios inquejáypa jém pixiñtam iga da migóypa jém Pablo cuando inmatpa de jém Dios itóyooyi. Chiitatim jém Dios ipimi iga wiap iwat jém milagro y jém seña jém dapic oypa tánix. ⁴ Pero nawécayta jém pixiñtam jém ityajwiip jém attebet. Alunos iwianjamyay jém judíos inquímayooyi, algunos iwianjamyay jém apóstol inquímayooyi. ⁵ Ocmi jém judíos con jém tungac pixiñtam iwatyay acuerdo con jém anjagooyiyay iga imalwadayyajpa jém Pablo y Bernabé, iga iñácscayajpa tsaami. ⁶ Pero jém Pablo y Bernabé cuando ijodónayay, poyyay, nicay jém attebet Listra y Derbe jém naxyucmi de Licaonia. Nasyaj itumpiy jém attebetay jém nocojompic it ⁷ iga inmatyajpa jém wibic anmati.

Yigayta tsaami jém Pablo jém attebet Listra

⁸ Jém attebet Listra coñ tum cuxuj calle anñaca. Da nunca wiap iwit porque cuxuj miñay. ⁹ Jém pixiñ síp imaton ti nimpá jém Pablo. Jesic jém Pablo iámmats, iix iga tsam icupicpa iga Dios wiap icpis. ¹⁰ Jesic jém Pablo ijíyáypa pimi. Nimpá:

—¡Tsucumi, numteñi!

Jém pixiñ teñchucum, yóyquím, mojum wíti. ¹¹ Cuando jém pixiñtam iixyay ti iwat jém Pablo, pimi jiyaypa jém Licaoniapic anmatimi. Nimyajpa:

—Quetneum wisten diosyay, jex juuts pixiñ.

¹² Ijisyay jém pixiñtam iga jém Bernabé jém dios Júpiter y jém Pablo jém dios Mercurio porque je agui anmatpa. ¹³ Jém panij, jém icuyoxapáppic jém dios Júpiter, iniñt imastic jém attebet anñaca. Inimiñ jutén xix tsam iwíaccuyajne con jém moya. Jém panij con jém pixiñtam iccaayajtooba jém xix juuts tum sacrificio jém Pablo iwíñjom iga ijisyajpa juuts tum dios. ¹⁴ Pero jém apóstolyay, jém Pablo y Bernabé, cuando icutiyyiyay ti iwatpa jém pixiñtam, jesic ichiccujac jém iyooti. Tigiy jém pixiñtamanjom, mojj jiyi pimi. ¹⁵ Nimpá:

—¡Mipixiñtam! ¿Tiiga inwattámpa jempic? Ich apixiñ juuts mimichitam. Jeeyucmi amiñ iga manactsactámpa jexpic jixi jém dapic tayoxpátpa. Cupici jém vivopic Dios jém iwatnewiip sin, nas y lamar. Itumpiy jém Dios iwati. ¹⁶ Wiñigam Dios ijíc iga itumpiy jém pixiñtam iwatyajpa con ijixi juuts ixunpa iyaac. ¹⁷ Pero dende wiñigam tanquejáypa juutspic Dios jém tanjatun Dios. Tsam tawiwadáypa. Ichiñjóypa tuj iga tanaiftámpa wibic cosecha. Tachiiba titam tanjútpa iga tamaymáypa.

¹⁸ Mextim inmadáypa jempic, jém Pablo tsam táñca ictsac jém pixiñtam iga iccaaba jém xix iga iwadáypa sacrificio jém Pablo y Bernabé iwíñjom.

¹⁹ Ocmi miñyajtim jem jém malopic judíos, jém ityajwiip jém Antioquia y jém Iconio. Mojj icumigoyay jém pixiñtam iga Pablo icujyapa Dios. Jesic iccupicyay, iyigayyay tsaami jém Pablo. Ijisyay iga caaneum. Ijicputyay anscimi de jém attebet. ²⁰ Pero cuando icuyujciwiñ in tuumacayay jém Pablo, eybic tsucum, tigiy jém attebet. Jém tungac jama put jém attebet con jém Bernabé,

nicyaj jém attebet Derbe. ²¹ Ocmi cuando yaj inmat jém wibic anmati jém attebet Derbe, tsam jáyan tigiyay iga icupicyajpa Cristo. Jesic set jém attebet Listra, jém Iconio y jém Antioquia. ²² Cuando nasyaj jém tungac attebet yaj tsam iyoxpátpa jém icupicneyajwip Cristo. Inquímpa iga odoy ichaguñ jém Dios inmati. Inimayyapatim iga tienes que tayaachwattap y tacutitstap iga tanúcpa jut it Dios. ²³ Accámta tum anjagooyi cada masticjom jut antuumayajpa jém Dios ipixiñtam. Jesic jém Pablo y Bernabé cuando yaj iwat oración y ayuno, icijun cot jém anjagooyiyaj jém tánomi icijom iga iwatyajiñ cuenta jém icupicneyajwip Cristo.

Jém Pablo y Bernabé setpa Antioquia y Siria

²⁴ Ocmi nasyajpa jém naxyucmi de Pisidia, núcya jém naxyucmi de Panfilia. ²⁵ Inmat yaj jém Dios inmati jém attebet Perge. Ocmi nicyaj hasta tum attebet iniyi Atalia. ²⁶ Jemum tigiyay tum barcojom. Set eybic jém Antioquia, jém attebet jut tsucumyay, jut jém tantiwitam icijun cot yaj jém Dios icijom iga iwatpa cuenta con jém wibic tóyooyi cuando nicpa iwat jém yoxacuy jém sippic cuyajneum. ²⁷ Cuando núcya jém Antioquia, in tuumawatyaj jém Dios ipixiñtam. Jesic jém Pablo y Bernabé inmadayyaj itumpiy juuts iwadáy Dios. Inmadáyitum itumpiy jutsap ináyáy jém puerta jém tánomi para jém tungac pixinñtam jém dapic je de Israel iga wiaññim icupicyaj. ²⁸ Jesic jeeyaj tsíyyaj wati jama con jém tantiwitam.

15

An tuumayaj jém apóstolyaj Jerusalén

¹ Jesic algunos pixinñtam, jém ityajwip idic Judea, miñyay Antioquia. Moj inquejayyaj jém tantiwitam iga da taciaputtap siiga da tampictsonpa jém marca de circuncisión jém ictsucumnewip jém Moisés. ² Jesic jém Pablo y Bernabé anayaj con jém inimiññeyajwip jém migooyi. Jesic cupiñta jém Pablo y Bernabé con tungac más pixinñtam iga nicpa iwitsac jém asunto Jerusalén con jém apóstolyaj y jém wídaytam, jém injacpáppic jém Dios ipixiñtam.

³ Jesic jém Dios ipixiñtam jém ityajwip Antioquia oy ijagan tsacyaj tunjom. Ocmi nasyaj jém Fenicia y Samaria. Inmadayyaj jutsa micupicyaj jém tungac pixinñtam jém dapic je de Israel. Agui maymayyaj itumpiy jém tantiwitam cuando imaton yaj.

⁴ Cuando núcya jém Jerusalén jém Pablo y Bernabé, iwipictsonyay jém Dios ipixiñtam. Iwipictsonyajtum jém apóstolyaj y jém wídaytam. Moj inmadayyaj titam iwadáy Dios con jeeyaj. ⁵ Pero jemum itim jutén jém fariseoyaj, icupicyajtum jém Jesucristo inquímayooyi. Teñchucum, nimyajpa:

—Jém tungac pixinñtam jém dapic je de Israel tienes que iwatpatim jém marca de circuncisión cuando moypa icupic Jesús. Tienes que iwatpatim juuts nimpa jém Moisés inquímayooyi.

⁶ Ocmi antuumayaj jém apóstolyaj con jém wídaytam. Moj ijisyaj siiga wi iga tanwatpa juuts nimpa jém fariseoyaj. ⁷ Cuando yajum anajiyaj, teñchucum jém Peto. Inimáy:

—Mantiwitam, michtam injodon iga da más pecam Dios acupin de mimichtamanjom iga ananmadáypa jém wibic anmati jém tungac pixinñtam jém dapic je de Israel iga icupicyajiñ mex jeeyaj. ⁸ Dios ijodon ti tanjisa

tánanamanjom. Tanquejáy iga jém tunḡac p̄ixiñtam n̄uma icupicyajpatim Cristo porque chiijajta jém Dios iAnama juutstim taichtam. ⁹ Dios da iñejaxpa jém p̄ixiñtam. Iixpa jém tunḡac p̄ixiñtam jextim juuts taichtam. Dios icuáyáy ianama porque icupicpatim Cristo mex jeeyaj. ¹⁰ Jesic tiiga da iñcupicpa ti iwatpa Dios. ¿Tiiga inicts̄im̄ap jém tant̄iwitam con jém wiñ̄icpic añquímayooyi? Porque ni taichtam ni jém wiñ̄icpic tanjatun̄wewetam da wiap tanaccupac juuts n̄impa jém wiñ̄icpic añquímayooyi. ¹¹ Pero taichtam tan̄cupicpa iga Jesucristo taciap̄utpa porque tsam tatoypa. Tachiiba jém tóyooyi juuts tum xaja. Jemp̄ictim iwadáypa Dios jém tunḡac p̄ixiñtam.

¹² Jesic itump̄iy jém p̄ixiñtam jut añtuumaneyaj dam j̄iyaj. Moj icumatonyaj iganam in̄matpa jém Pablo y Bernabé jutsa miyoxpát Dios iga iwat jém milagro y seña entre jém tunḡac p̄ixiñtam, jém dapic je de Israel. ¹³ Cuando yaj n̄imiyaj, teñchucum jém Jacobo, in̄imáy jém p̄ixiñtam:

—Mant̄iwitam, amatontaami. ¹⁴ Tanmadáy jém Peto jutsa miw̄iwadáy Dios jém tunḡac p̄ixiñtam cuando moj ipictson̄yaj jém Dios in̄mat̄i. Cupinyajtatim jut̄en de jeeyaj iga ts̄iyyajpa juuts jém Dios ip̄ixiñtam. ¹⁵ Cuando iwat jemp̄ic, icts̄iypa jém añmat̄i juuts ijaychacne jém wiñ̄icpic añmat̄c̄iwiñ. N̄impa ȳimpic:

¹⁶ Jesic yaj iñasca jemp̄ic, amiñgacpa eybic iga añw̄itsagáypa jém David itic jém act̄iñnew̄iip.

Añwatsetpa jom̄ipic jém mis̄anew̄iip, eybic anact̄eñpa.

¹⁷ Añwatpa jemp̄ic iga jém tunḡac p̄ixiñtam imétsyajiñ Dios.

Jesic itump̄iy jém cupin̄netaw̄iip, jém dapic de Israel, ts̄iyyaj juuts ich amp̄ixiñtam.

¹⁸ N̄impa jém tan̄jatun̄ Dios:

Tsam wiñ̄igam jodón̄ata iga naspa jemp̄ic.

¹⁹ N̄impatim Jacobo:

—Jeeyucmi ich an̄impa w̄i iga da tammooḡiypa jém tunḡac p̄ixiñtam jém dapic je de Israel cuando ichacpa jém wiñ̄icpic j̄ixi iga icupicyajiñ Dios.

²⁰ W̄i iga tan̄jáyypa tum t̄oto iga ichaguñ iga icupicpa jém watnas, iga odoy pejóȳiñ, odoy icúdiñ jém an̄imat jém pencanew̄iip ni jém jupcanew̄iip y odoy icúdiñ jém n̄ipiñ. ²¹ Dende wiñ̄igam it jém in̄matp̄appic jém Moisés in̄químayooyi cada tigan̄joj. Maytap jém añmat̄i cada jejucy jama jém sinagoga.

²² Jesic jém apóstolyaj con itump̄iy de jém Dios ip̄ixiñtam con jém w̄idaytam ij̄isyaj iga icupinyajpa wisten̄ p̄ixiñ de jeeyaj iga icutsatpa Antioquía con jém Pablo y Bernabé. Jesic cupin̄ta jém Judas in̄iyifim Barsabás y tum p̄ixiñ in̄iyi Silas. Ȳip wisten̄ ts̄iy iga jém Dios ip̄ixiñtam in̄jagooyijaj. ²³ Icutsat tum t̄oto con jeeyaj. N̄impa:

“Aichtam aapóstoltam, con jém w̄idaytam, con itump̄iy jém tant̄iwitam jém ityajw̄iip ȳim, man̄cutsadáypa wātidios, mant̄iwitam, jém miittan̄w̄iip jém atbet Antioquía y jém naxyucmi de Siria y Cilicia. ²⁴ An̄jodon̄aneta iga oyñe ȳimpic p̄ixiñtam, pero aichtam da añcutsatneta. Ȳipyaj mimiḡóyypa, micuj̄iñáypa con jém in̄mat̄i. Mip̄im̄iypa iga in̄wadiñ jém marca de circuncisión y iga odoy in̄chaguñ jém Moisés in̄químayooyi. ²⁵ Jeeyucmi añcumun̄jista iga añcupin̄pa wisten̄ p̄ixiñ aichtampic iga niguiñ miám̄ta con jém Bernabé y jém Pablo jém tantoyp̄appic. ²⁶ Ȳip wisten̄ p̄ixiñ wat̄ciy accaatātooba

jém tánQmi Jesucristo icuyucmi. ²⁷ Jeeyucmi mançutsadáypa jém Judas y Silas iga nicpa miñmadáy iyaac itumpiy juuts manjáyáypa yíp totoyucmi. ²⁸ Dios iAnama da iwianjam iga manactsimmap con jém mijpic anquímayooyi y aichtam anjístámpatim jempic. Manañmadáypa ti ixunpa Dios iga tanwatpa: ²⁹ Odoy cuuti jém animat imayi, jém accaanetawwip jém watnas iwifñom, jém watnetawwip sacrificio. Odoy cuuti jém nñipiñ ni jém animat jém pencanewwip. Odoy pejooyi. Odoy tsici tunçac yomo. Siiga seguido inwatpa juuts nimpá yíp anquímayooyi, jesic inwíwatpa. Jesañam manjáyáy.”

Nicyajpa Antioquía jém cuatro pixiñ

³⁰ Jesic yaj inquimayaj, mojum niquiyaj jém cuatro pixiñtam jém attebet Antioquía. Cuando núcyaj, inuumawatyaj itumpiy jém Dios ipixiñtam. Içijunçodayyaj jém toto. ³¹ Cuando yaj imayyaj jém toto, jém tantiwitam agui maymayyaj porque tsam iyoxpát jém toto. ³² Jém Judas y Silas profetayaj, chiüyajta jém jixi iga wiap inmat jém Dios inmatí. Tsam inmadayyajpa jém pixiñtam ti ixunpa Dios. Tsam iyoxpátpa iga iwicupicyajpa y da ichacyajpa jém wibic anmatí. ³³ Jesic jáy wagajiyaj. Cuando yaj iwat iyoxacuy, jém tantiwitam inquimayaj iga setpa eybic juftim tsucumyaj. ³⁴ Pero jém Silas ijs iga tsiypa Antioquía. ³⁵ Tsiyyajtim jém Pablo y Bernabé. Da ichacyaj iga najiyóypa y inquejáypa jém pixiñtam jém tánQmi inmadayooyi. Jemum tsiyyajtim wañi jém tantiwitam.

Jém Pablo eybic nicpa juumi

³⁶ Da wañña jama jáyitiyaj, jém Pablo inímáy jém Bernabé:
—Nicpa tanjójáy eybic jém tantiwitam itumpiy jém attebet jut moj tanañmat jém tánQmi inmadayooyi iga tanjodónap jutsane iitiyaj.
³⁷ Jém Bernabé iwagananictoobatim jém Xiwan inñiyitim Marcos. ³⁸ Pero jém Pablo da iwianjam iga iwagananicpa jém Xiwan porque ichaganput jém yoxacuy jém attebet Panfilia. ³⁹ Ocmi jém Pablo añayaj con jém Bernabé. Mex jeegacti natsaganputyajta. Jém Bernabé ininic jém Marcos. Tigiy barcojom, waganicyaj jém isla de Chipre. ⁴⁰ Jesic jém Pablo icupin jém Silas. Nicyaj. Jesic jém tantiwitam inquimayaj, inwejpátyaj tanjatun Dios iga iyoxpádiñ. ⁴¹ Nasyajpa jém naxyucmi de Siria y Cilicia. Jut quej nicpa iyoxpát jém Dios ipixiñtam iga más wiañ iwatyaj juuts ixunpa Dios.

16

Waganicpa jém Timoteo con jém Pablo y Silas

¹ Jesic jém Pablo y Silas nicyaj jém attebet Derbe y Listra. Jemum ipát tum pixiñ jém icupicnewwip Cristo inñiyi Timoteo. Jém iapa tum Israelpic yomo, tsam icupicpatim Cristo. Jém ijatun tum griegopic pixiñ. ² Jém tantiwitam jém ityajwip Listra y jém Iconio tsam iwixyaypa jém Timoteo. ³ Jém Pablo iwagananictooba jém Timoteo. Jeeyucmi iwadáytim jém marca de circuncisión iga odoy ijóyixiñ jém judíos jut nicyajpa jém Pablo. Porque ijodonjay iga jém ijatun griegopic pixiñ. ⁴ Jesic nicyaj, nasyajpa wañi jém attebet. Inquejayyajpa ti wiap iwatyaj juuts ipimíy jém apóstolyaj y jém wídaytam jém ityajwip Jerusalén. ⁵ Jesic jut anuumayajpa Dios ipixiñtam mástim icupicyajpa. Cada jama más jáyanap.

Imqwiñix Pablo tum Macedoniapic p̄ixiñ

⁶ Jém Dios iAnama da ijígáy iga inmatpa jém Dios inmaṭi jém naxyucmi de Asia. Jeeyucmi widañnasyaj jém naxyucmi de Frigia y Galacia. ⁷ Ocmi núcyaj juṭ tsucum jém naxyucmi de Misia. De jem ijsyaypa iga tigiypa jém naxyucmi de Bitinia. Pero Dios iAnama datim ijígáy iga inmatyaypa jém Dios inmaṭi jem. ⁸ Jesic icuwidayaj jém naxyucmi de Misia, nicyaj naxwiñ jém atebet Troas jém lamar aṇṇaca. ⁹ Jesic tsuucim jém Pablo iix tum poñ. Iix iga jemum teñ tum Macedoniapic p̄ixiñ. Icunucsáypa. Iñimáy:

—Nasi yim Macedonia, miñi ayoxpátaami.

¹⁰ Mu iix jém poñ, jicsciy anawitsactamta iga anictámpa Macedonia. Anjodóṇgata iga numa aṇwejay Dios iga niguiñ anajmat jém wibic aṇmaṭi Macedonia.

Cuando ityaj Filipos jém Pablo y Silas

¹¹ Atigiyta barcojom jém atebet Troas. Anumnicta jém isla de Samotracia. Tunḡagam jama anúcta jém atebet Neápolis. ¹² De jem anicta hasta Filipos, tum Romapic colonia. Je jém más mijpic atebet de jém parte de Macedonia. Jáy aṭitám jemum juna jama. ¹³ Tum jecuy jama aputta aṇsicmi de jém atebet. Anicta tum ni aṇṇaca. Anúcta tum lugar juṭ siempre inwejpátaypa Dios. Acoñta, moj anaṇmadayaj jém Dios inmaṭi jém yomtam jém aṇtuumaneyajwiip jem. ¹⁴ Tum de jeeyaj inñiyi Lidia. Jém yomo tsucum jém atebet Tiatira. Imáypa jém wibic puctucu jém color morado. Tsam ijspa Dios. Iwimatonpa jém Dios inmaṭi. Jém tánomi Ináyáy jém yomo ianama iga iwadáyiñ caso ti nimpá jém Pablo. ¹⁵ Jesic acchiñta jém Lidia. Acchiñyajtám itumpiy jém ityajwiip iticim. Ocmi icunucsáy jém Pablo. Iñimáy:

—Siiga inñispa iga aṇwicupic jém tánomi, miñi michiyi ich anticim.

Jesic aṇcupicta, atsiyta.

¹⁶ Jesic tunḡagam jama anictámpa eybic jém lugar juṭ iwatyaypa oración. Tunjom ampát tum woñi juyñeta, tum esclava. Iniiṭ tum mal espíritu. Jém woñi tum sabio. Imétsa suerte. Tsam iwicoñwíypa tumiñ para jém iomi jém ijuyñewiip. ¹⁷ Yip woñi moj atúñiyta aichtam. Pimi jiyta jém woñi, nimpá:

—Yip pixiñtam icuyoxap jém yucmipic Dios. Inmatyaypa jutsap taciaput Dios.

¹⁸ Jempam iwat jém woñi waṭña jama. Ocmi jém Pablo ijóyca. Iámseedáy, inñimáy jém mal espíritu:

—Jém Jesucristo inñiyimi manñimáypa, puti yip woñi ianamanjom.

Jeeti rato jém mal espíritu ichacum jém woñi.

¹⁹ Pero mu iix jém woñi iomi iga da más icoñwíypa tumiñ, jesic matsta jém Pablo y Silas. Nanicṭa jém anjagooyicim jém plaza aṇṇaca. ²⁰ Iciijunḡot jém juez icijjom. Nimpá jém woñi iomi:

—Yipyaj judios tsam iccujíñáypa jém pixiñtam jém ityajwiip tánatbet.

²¹ Inquejpa tum aṇquímayooyi jém dapic wiap tañcuyucata porque taichtam taRomapic tapixiñtam.

²² Ocmi tsucumyay jém pixiñtam iga iquejajwadayaypa jém Pablo. Jém juez ipimiy iga ichodayyajñi iyooti iga cóstaiñ con waycuy. ²³ Pimi icótsyaj, ocmi icotyaj cárcel. Pimiyaṭa jém carcelero iga iwíwadiñ cuenta. ²⁴ Cuando ipictson

jém orde, icot jém Pablo y Silas jém más jojmipic cuarto de jém cárcel. Codayta ipuy tum cuycotcuyjom, acmatsta tum cadena.

²⁵ Cuando núc cugaptsu, jém Pablo y Silas iwatyajpa oración; iwánayajpa Dios tum himno. Jém tungac preso imatonyajpa. ²⁶ Jeeti rato tsam pimi yispa jém nas. Tsam pimi ixics jém cárcel. Jeeti rato ányay itumpiy jém ipuerta. ²⁷ Ányay itumpiy jém cuycotcuy icadena, cutsigayajta itumpiy jém preso. ²⁷ Jesigam yus jém carcelero. Iix iga ányáñeum itumpiy jém cárcel ipuerta. Itop imachiti iga nacaatap iyaac porque ijispa iga cupóyayñeyajum itumpiy jém preso. ²⁸ Pero jém Pablo pimi ijíyáy. Inímáy:

—Odoy wati jempic. Da apoyñeta, antumpiytam aitta yim.

²⁹ Jesic jém carcelero iwác jucti. Tigiy poyimi jém cárcel. Pimi cuetsáypa, tsam cñne. Ocmi costeñeactin jém Pablo y Silas iwiñjom. ³⁰ Ocmi itop jém Pablo y Silas. Icwác. Inímáy:

—Mípixiñtam, ¿ti wiap anwat iga aciacputtap?

³¹ Jesic jém Pablo y Silas inímáy:

—Cupici tánomi Jesucristo. Jesic miciaconutpa, ciacputtaptim itumpiy jém ityajwip iticim.

³² Jesic moj inmadáy Dios inmati jém carcelero con itumpiy jém ityajwip iticim. ³³ Jeetim hora, tsuucim, danam cuquejne, jém carcelero icheáy jém Pablo y Silas icoowaji. Jesic jeeti rato acchinajta jém pixiñ con itumpiy jém ityajwip iticim. ³⁴ Ocmi ininic iticim jém Pablo y Silas iga acwíyajtap. Agui maymay jém pixiñ con itumpiy jém ityajwip iticim porque icupicyaj Dios.

³⁵ Icuquejama jém juezyaj icutsatyaj jutén jém policía iga inímáyin jém carcelero iga icutsigáyin jém Pablo y Silas. ³⁶ Jesic ocmi jém iwatnewip cuenta jém cárcel inmadáypa jém Pablo:

—Apimiy jém juezyaj iga mancutsigáyin. Siip puttaamim. Chogoyñicsim.

³⁷ Pero jém Pablo inímáy:

—Aunque aichtam aRomapic, acótstamtá jém pixiñtam iwiñjom ni da i acipin. Acotta cárcel. ¿Que ijisyajpa iga siip ayamcutsigayyajtooba? Da wiap. Más wí iga miñyajiñ jeeyaj iga acutsigayajpa iyaac.

³⁸ Jém policía nic inmadayyaj jém juezyaj. Jesic tsam pimi cñnyaj jeeyaj cuando imatonyaj iga Romapic pixiñtam. ³⁹ Jesic miñyaj jém juezyaj iga iwágáypa perdón jém Pablo y Silas iga tsam imalwadáy. Icuucsay iga pudin jém attebet. ⁴⁰ Cuando yajum puti cárcel jém Pablo y Silas, nic jém Lidia iticim. Nic íamyaj jém tantiwitam. Inquimay ti wiap iwatyaj. Ocmi nicyajum.

17

Cujíñáypa jém Tesalónicapic pixiñtam

¹ Jesic jém Pablo y Silas nasyaj jém attebet de Anfípilis y Apolonia. Ocmi núcyaj jém attebet Tesalónica jut it tum jém judíos isinagoga. ² Juuts siempre jém Pablo tigiyta jut antuumaneyaj. Tucunasemana inquejyapa Dios inmati cada jejcuyjama. ³ Inquejáy jém pixiñtam jut jayñeta jém Dios inmati. Inmadáypa iga tienes que yaachwattap jém Cristo y ocmi acpistap. Inímáytim:

—Yiptim mismo Jesús siip mananmadáypa, je jém Cristo.

⁴ Jesic algunos jém Israelpic pixiñtam icupicyaj, inpitsyaj jém Pablo y Silas. Icupicyajtim jáyan jém griegopic pixiñtam jém ijisyajpáppic Dios y wati jém

witampic yomtam jém jixiyywɨp. ⁵ Ocmi jém judíos, jém dapic icupicyajpa jém wibic aɲmaɲi, tsam najajóypa. Aɲtuumayaj con algunos jém malopic pixiñtam jém dapic yoxayajpa, jém witwidoypáppic calle. Ictsucumyaj tum mijpic bulla iga iccujiñaypa jém pixiñtam. Inácsayyaj jém Jasón itic. Imétstip jém Pablo y Silas iga itopyajpa iga ininicyajpa jém pixiñtam iwiñjom. ⁶ Pero cuando da ipát jém Pablo ticjom, matsyajta jém Jasón con algunos jém tantiwitam. Ijctetñayaj hasta jém aɲjagooyicim. Jém pixiñtam pimi aɲweyajpa. Nimyajpa:

—Yíbam pixiñtam iccujiñayñeyaj icuwiti yíp naxyucmi. Siip núcneyajum yim. ⁷ Yíp Jasón ipictsonne iticim. Itumpiy de jeeyaj da iwatyajpa juuts nimpa jém Romapic aɲquímayooyi. Nimyajpatim iga it tunzac rey, jém Jesús.

⁸ Jesic jém pixiñtam con jém aɲjagooyiyaj tsam pimi cujiñayyaj cuando imaton ti nimyajpa. ⁹ Jesic jém Jasón con icompañeroyaj ichiyyaj tumiñ jém aɲjagooyi iga odooy más idiñ jém bulla. Ocmi cutsigayta.

Jém Pablo y Silas nicpa jém attebet Berea

¹⁰ Jesic jeeti tsuu jém tantiwitam icutsatyaj jém Pablo y Silas iga nicyajñ jém attebet Berea. Ocmi cuando núcyaj, tigiyaj jém judíos isinagoga. ¹¹ Pero jém Bereapic pixiñtam más da maloyaj que jém ityajwiip jém attebet Tesalónica. Tsam maymayyaj, iwipictsonyaj jém Dios inmaɲi. Cada jama icuyujcayajpa jém aɲmaɲi jém jayñewiip, icuámyajpa siiga numa jesaneum juuts inímáy jém Pablo. ¹² Jeeyucmi tsam jáyan de jeeyaj icupicyaj. Icupicyajtim jáyan jém griegopic yomtam y pixiñtam jém witampic. ¹³ Pero jém judíos jém ityajwiip Tesalónica, cuando ijodóyayaj iga jém Pablo inmatpa Dios inmaɲi Berea, nicyaj jemnic iga iccujiñayajpatim jém pixiñtam. ¹⁴ Jesic jém tantiwitam jém ityajwiip Berea jicscy icutsat jém Pablo jém lamar aɲnaca. Pero jém Silas y Timoteo tsíyyaj jém attebet Berea. ¹⁵ Jém iwagananicnewiip jém Pablo ininicyaj hasta jém attebet Atenas. Cuando setyaj, jém Pablo icutsadáy aɲmaɲi jém Silas y Timoteo con jeeyaj. Inímáy iga: Jicscy miñi, da mijaypa.

Jém Pablo it jém attebet Atenas

¹⁶ Iganam jém Pablo injócpa jém Silas y Timoteo, iix iga jém ityajwiip jém attebet Atenas agui icupicyajpa jém watnas. Tsam jáyan ityaj. Jesic jóyñe jém Pablo iɲnamajom. ¹⁷ Jeeyucmi aɲmatyajpa jém Pablo con jém ityajwiip jém sinagoga, jém judíos, con jém tunzac pixiñtam jém ijisyajpáppic Dios. Cada jama aɲmatyajpatim jém Pablo con jém pixiñtam jém ipátneyajwiip plaza. ¹⁸ Jemum ipátyaj algunos jém pixiñtam jém icuyujcanewiip jém epicúreospic inquímayooyi con jém icuyujcanewiip jém estoicospic inquímayooyi. Jeeyaj moj aɲmatiyaj con jém Pablo. Nimyajpa:

—¿Tí nímtooba yíp pixiñ tsam aɲmattero?

Tunzac jém pixiñtam nimyajpa:

—Quénam tum najíyoyapaap de tunzac dios.

Nimyajpa jempic porque jém Pablo inmatpa jém Cristo inquímayooyi iga pis jém Jesús de jut it jém caaneyajwiip. ¹⁹ Ocmi jém pixiñtam ininicyaj jém Pablo tum lugar iníyi Areópago jut siempre aɲtuumayajpa iga accuyujóypa. Jém pixiñtam icwácayaj jém Pablo. Inímáy:

—Aichtam anjodónatooba tiapap yíp jomipic anquímayooyi jém michpic inimiñ. ²⁰ Mich ananmadáypa tungac jixi jém dapic queman ammatonja. Anjodónatooba ti nimtooba.

²¹ Porque itumpiy jém Atenaspic pixiñtam con jém juumipic pixiñtam jém ityajwñip jem, tsam iwianjamyaj jém jomipic jixi iga imatonyajpa y iga inmatyajpa.

²² Ocmi jém Pablo teñchucum jém pixiñtam anjucmi jém ityajwñip jém Areópago. Inímáy:

—Mimichtam, miittanjwñip Atenas. Ánix iga tsam jáyan diosyaj injstámpa. ²³ Cuando anas jut it wañi jém indios, ampát tum altar jut jayñeta yíp anjati. Nimpa jém letra: “Jém dios jém dapic i iixpicpa.” Siip mananmadáypa de jém Dios, jém dapic inixpictámpa mimichtam.

²⁴ Yíbam Dios iwat jém nas con itumpiy jém ityajwñip yíp naxyucmi. Imiichi jém sin y jém nas. Da siiba jém masticjom jém iwatnewñip jém pixiñtam. ²⁵ Jém pixiñtam da wñap iyoxpátayaj yíp Dios iga ichiiba titam itogóyáy. Porque je iniiñ itumpiy cosa. Tachiiba tamvida tantumpiytam. Tachiibatim jém sawa iga tsaupicpa. Tachiiba itumpiy cosa.

²⁶ De tum pixiñ ictsucum iga ityaj itumpiy jém naciónyaj jém ityajwñip icuwñi de yíp naxyucmi. Ijisa jut itpa jém naciónyaj y jutsan ityaj. ²⁷ Dios iwadápa jempic porque ixunpa iga icuámiñ jém pixiñtam iga wñañ ipát. Numa Dios da juumi it con taichtam. ²⁸ Porque yíp naxyucmi tanwaganaitpa Dios. Je tachiiba tamvida y tampimi. Tum de mimichtam jém ininmafcñwiñ nimpa iga: “Taichtam Dios tamanictam.” ²⁹ Siiga Dios tamanictam, da wñap tanjista iga tanjatun Dios jex juuts tum watnas jém watnetawñip de oro, plata o tsa, jém iixquimpáppic jém pixiñtam iga iwatpa. ³⁰ Dios da ijisáy itánca jém wiñcpcic pixiñtam porque jeeyaj da ijodon ti wñi tanwat. Pero siip Dios ipimiy itumpiy jém pixiñtam icuwñi de yíp naxyucmi iga icucacyajiñ ijixi. ³¹ Porque Dios ichac tum jama iga icipñpa itumpiy jém pixiñtam, jém ityajwñip yíp mundo. Iwñicpñpa con tum pixiñ jém iccámnewñip juuts juez. Tanquejáy tantumpiytam iga numa iwatpa jempic cuando pis yíp pixiñ de jut it jém caaneyajwñip.

³² Jesic cuando imatonyaj jeeyaj iga pis tum pixiñ caanewñip, algunos agui ixicayajpa. Pero jém tungac nimyajpa:

—Tungac jama ammatonjooba eybic ti miñimpa.

³³ Jesic put jém Pablo jut antuumaneyaj. Nic. ³⁴ Pero algunos jém pixiñtam nic itúnjy jém Pablo. Icupictim jém Cristo inquímayooyi. Itúnjy jém Dionisio tum Areópagic pixiñ, y tum yomo inñyi Damaris con tungac más.

18

Jém Pablo nicpa jém attebet Corinto

¹ Ocmi jém Pablo put jém attebet Atenas. Nic jém attebet Corinto. ² Jemum ipát tum judío inñyi Aquila. Nay jém attebet Ponto. Yaguiñ miñ de jém naxyucmi de Italia. Iwaganamiñ iwichomo Priscila. Putyaj jém naxyucmi de Italia porque jém Romapic anjagooyi jém Claudio ipimiy itumpiy jém Israelpic pixiñtam iga pudiñ jém attebet Roma. Jesic jém Pablo nic ijooyáy jém Aquila y Priscila. ³ Jeetim yoxacuy iwatyajpa juuts iwatpa jém Pablo. Jeeyucmi nicpa

iwaganaityaj. Wagayoxayajpa. Iwatyajpa jém puctuctic. ⁴ Cada jejcuy jama jém Pablo nicpa inquejayaj jém an̄tuumaneyajwip jém sinagoga. Iccupicyaj jém judíos con jém tun̄gac p̄ixiñtam jém dapic je de Israel.

⁵ Mu ixetyaj jém Silas y Timoteo de jém Macedonia jém Pablo inmadáypa jém judíos con itumpiy ij̄ixi iga Jesús je jém Cristo. ⁶ Pero jeeyaj tsam ijóyixyajpa jém Pablo. Tsam imalmaln̄mayyaj. Jesic Pablo icuxicsáy iyooti juuts tum seña. Iñímáy:

—Michtam iniit la culpa siiga micaaba y da impictson̄pa jém vida jém dapic cuyajpa. Ich da anai la culpa. Dende siip nicpa anan̄madáy jém tun̄gac p̄ixiñtam jém dapic je de Israel.

⁷ Jesic put jém sinagoga, nic tum p̄ixiñ iticcim̄ iñiyi Justo. Jém sinagoga an̄naca it jém itic. Yip p̄ixiñ tsam ij̄ispa Dios. ⁸ Jém sinagoga injagooyi iñiyi Crispo. Icupictim̄ jém tán̄omi con itumpiy jém ityajwip iticcim̄. Jesic tsam jáyan jém Corintopic p̄ixiñtam mu imaton̄yaj ti n̄impa jém Pablo, icupicyajtim̄ jém Cristo y acch̄inyajta. ⁹ Jesic tum tsuu jém Pablo iix tum poñ. Jém tán̄omi iñímáy jém Pablo:

—Odooy c̄ipi. Seguido an̄mati ich anan̄mati. Odooy tsaci iga inin̄matpa. ¹⁰ Ich man̄waganait̄ mimich jeeyucm̄i da i wiap mimalwadáy. Tsam jáyan amp̄ixiñtam anait̄ yip attebet.

¹¹ Jesic jemigam tsíy jém Pablo tum am̄tiy y medio jém attebet Corinto. Inquejáypa jém p̄ixiñtam jém Dios in̄mati.

¹² Jém tiempo jém gobernador Galión in̄jacpa jém naxyucm̄i de Acaya. Jesic jém judíos an̄tuumayaj iga imatsyajpa jém Pablo. Ocm̄i nanict̄a jém an̄jagooyicim̄. ¹³ Iñímayyaj jém gobernador:

—Yip p̄ixiñ inquejáy jém p̄ixiñtam iga ij̄isyajiñ Dios con tun̄gac an̄químayooyi jém dapic jex juuts aichtam anan̄químayooyi.

¹⁴ Jesic j̄iytooba idic Pablo cuando jém Galión iñímáy jém Israelpic p̄ixiñtam:

—MiIsraelpic mip̄ixiñtam, siiga tsam mij̄pic t̄ajca iwat yip p̄ixiñ o siiga accaoyñe, jesic mammatón̄jáypa ti miñ̄impa. ¹⁵ Pero siiga nada más in̄ñacat̄ampa michtam inin̄madayooyi y jém inin̄químayooyi y jém iñ̄Dios iñiyi, jesic w̄itsactaami iñ̄yaac. Da an̄cip̄in̄tooba jexpic cosa.

¹⁶ Jesic topyajta jém an̄jagooyicim̄. ¹⁷ Cuando putyaj, jesic jém griegopic p̄ixiñtam imatsyaj jém Sóstenes jém sinagoga injagooyi, icótsyaj jém gobernador iwiñ̄jom. Pero jém Galión da iwadáy caso.

Jém Pablo set eybic jém Antioquia

¹⁸ Jemum tsíy jém Pablo jáyan tiempo. Ocm̄i in̄quím̄yaj jém tant̄iwitam, tigiȳpa barcojom con jém Priscila y Aquila iga nicyajpa jém naxyucm̄i de Siria, jém attebet Cencrea. Antes que tigiȳpa jém barcojom, icujeebáy icobac juuts tum seña iga icupacpa juuts ij̄ycamayñe Dios. ¹⁹ Ocm̄i núcyaj jém attebet Efeso. Jemum ichacyaj jém Priscila y Aquila. Jesic tigiȳ jém sinagoga jém Pablo iga inquejáypa Dios in̄mati jém judíos porque jemum an̄tuumaneyaj. ²⁰ Jém p̄ixiñtam icunucsayyaj jém Pablo iga tsíyñ̄ más jáyan tiempo con jeeyaj, pero Pablo da ij̄ic. ²¹ Cuando nictoobam jém Pablo, in̄quím̄ jém p̄ixiñtam. Iñímáy:

—Wí iga anicpa Jerusalén iga anacnaspá jém sin jém miñpáppic. Pero eybic miñpa mánámta siiga Dios iwianjam.

Ocmi tigiý barcojom jém attebet Efeso. Nic Cesarea. ²² Cuando núc jém Cesarea, nictim Jerusalén iga idioschijajpa jém Dios ipixiñtam. Ocmi nic jém attebet Antioquía.

²³ Jesic jáy iti juna jama Antioquía. Ocmi put eybic. Nic yim jeexic cada tumtum tiganjoj jut oyñe wiñti. Nas icuwiti jém naxyucmi de Galacia y Frigia. Iyoxpátpa jém Dios ipixiñtam iga odoy ichaguñ jém Dios inmati.

Jém Apolos najiyópa jém attebet Efeso

²⁴ Jesic jeetim tiempo núc jém attebet Efeso tum judío iñiyi Apolos. Nay jém attebet Alejandría. Tsam wiap inijiyóy. Tsam iwicutuyiýpa jém Dios inmati. ²⁵ Tsam iwicyuyjane ti ixunpa tanjatun Dios iga tanwatpa. Inmatpa Dios inmati con itumpiy ianama. Iwianquejápa jém pixiñtam jém tánomi Jesucristo inquímayooyi. Mex da iwijodon jém anquímayooyi, no más ijodon jém Xiwan inquímayooyi jém acchínoyapa. ²⁶ Jém Apolo tigiý jém sinagoga, moj inmat jém Dios inmati. Je da cinpa. Pero cuando jém Priscila y Aguila imatonaj, ininicyaj jém Apolo tungac aņeymi. Iwianquejápa iga más iwicutuyiýpa jém tanjatun Dios inmadayooyi.

²⁷ Jesic cuando nictooba jém Apolo jém naxyucmi de Acaya, jém tantiwitam jém ityajwip Efeso tsam iyoxpátajpa. Ijáyay tum toto jém ityajwip Acaya iga wipictsonñtañ jém Apolo. Jesic ocmi cuando núcneum Acaya jém Apolo, tsam iyoxpát jém icupicneyajwip Cristo, jém ipictsonñeyajwip jém Dios itóyooyi. ²⁸ Iwianquejápa jém judíos jém pixiñtamanjom iga da wiputne jém inquímayooyi. Tsam wiquejpa jém migooyi y jeeyaj da wiap inyam. Inquejpa con Dios inmati jém jayñewip iga numa Jesús je jém Cristo jém injócyajpáppic.

19

Jém Pablo nicpa Efeso

¹ Iganam it jém Apolo jém attebet Corinto, naspá jém Pablo jém tiganjojaj jém ityajwip jém cotsiganjom jém naxyucmi de Galacia y Frigia. Ocmi núc Efeso. Jemum ipát algunos jém icupicneyajwip Cristo. ² Jém Pablo icwác jém pixiñtam. Iñimáy:

—¿Que impictsonñta jém Dios iAnama cuando moj incupic Cristo?
Nimyajpa:

—Da ammatonñta siiga it jém Dios iAnama.

³ Jesic jém Pablo icwác. Iñimáy:

—¿I iñiyimi micchintamta?

Nimyajpa:

—Acchintamta juuts acchínoyápa jém Xiwan jém acchínoyapa.

⁴ Jém Pablo iñimáy:

—Jém Xiwan icchinpa jém pixiñtam juuts tum seña iga icucaguñ jém ijxi. Iñimáytim iga icupiguñ jém miñpáppic ocmi, je jém Jesucristo.

⁵ Jesic yaj imatonaj, acchinajtap jém tánomi Jesús iñiyimi. ⁶ Jém Pablo ichiccunúc cada tumtum icobacyucmi, jesic ipictsonñaj jém Dios iAnama. Moj jiyi tungac aņmatimi. Inmatyajpa jém jxi jém ichiñewip Dios. ⁷ Ityaj jem con itumpiyaj como doce jém pixiñtam.

⁸ Jáy ití jem jém Pablo tres meses. Tígy jém sinagoga, da cɨɨpa inmat. Chocoyɨm inquejáypa jém pixiñtam jutsap injac Dios yíp naxyucmi. ⁹ Pero algunos tsam maloyaj ianama, da icupicyaj. Tsam imalmalnímayyaj jém tánQmí inqúimayooyi jém pixiñtam iwiñjom. Jesic jém Pablo ichaganputyaj jeeyaj. Ininic jém icupicnewwip Cristo tum escuela jém Tiranno imuchi. Jemum accuyujóypa cada jama. ¹⁰ Jemum tsíy wisten amty. Jempigam itumpiy jém ityajwip jém naxyucmi de Asia imatorɨaj jém tánQmí inqúimayooyi. Miñyaj jém judíos con jém tunɨac pixiñtam jém griegopic. ¹¹ Dios ichi ipimi jém Pablo iga wiañ iwat jém mɨjtampic milagro. ¹² Siiga jém Pablo ichicpa tum pañuelo o tum puctucu y ocmi cuntsadaytap tum mimnewwip iga ichiguñ, jesic pispa. Putpatim jém mal espíritu.

¹³ It idic jem algunos jém judíos jém nicyajpáppic yim jeexic, jeeyaj itopyajpa jém mal espíritu. Itopyajtoobatim idic jém Jesucristo iniyimi. Inimáypa jém imatsnewwip jém mal espíritu:

—Sip mampimíypa. Jém Jesús iniyimi jém inmatpáppic jém Pablo, puti de jem.

¹⁴ It idic tum judío iniyi Esceva, cobacpic panij. Init siete ijaymanic, iwatyajpatim jempic. ¹⁵ Jesic tum jama cuando itopyajpa idic tum mal espíritu, jiyapa jém mal espíritu, nimpa:

—Ich ánixpicpa jém Jesús. Ánixpicpatim jém Pablo. Pero mich, ¿mijapaap?

¹⁶ Ocmi jém pixiñ jém iniwip jém mal espíritu yóyquimpa, moj añajiyaj con jém itopyajpáppic idic. Como tsam init ipimi jém iniwip jém mal espíritu, icoñwiy; más wiap que jém sietepic, jém itopyajpáppic idic. Tsam pimi malwadayyaja. Poyyaj icusicyaj hasta iticcim, coowaneyaj. ¹⁷ Itumpiy jém ityajwip jém Efeso ijodónayaj, jém judíos con jém griegopic. Tsam cɨɨyaj. Tsam pimi icujípyaj jém tánQmí Jesús. ¹⁸ Jesic jáyan jém icupicneyajwip Cristo miñ inmadáyayaj Dios jém itañca titam iwatne pecam. ¹⁹ Miñyaj jáyan jém nawatyaj. Inimiñyaj jém ilibroyaj. Miñ inooquetyaj jém pixiñtam iwiñjom. Ocmi ijisyaj jutsan ivale jém libro. Ivale cincuenta mil tumiñ de plata. ²⁰ Jempam tsam jáyanap jém Dios inmati, tsam wiquejpa jém tánQmí ipimi.

²¹ Ocmi cuando nas itumpiy yípyaj cosa, jém Pablo ijis iga nicpa jém naxyucmi de Macedonia y Acaya y ocmi hasta Jerusalén. Nimpa:

—Wiñti anicpa Jerusalén, ocmi anictoobatim jém atebet Roma.

²² Jesic jém Pablo icutsat jém naxyucmi Macedonia wisten jém icuyoxayajpaap jém Timoteo y Erasto iganam tsíy jém Pablo juna jama jém naxyucmi de Asia.

Cujñayyaj jém ityajwip Efeso

²³ Jeetim tiempo tsam inacayajpa jém Dios inqúimayooyi. Jém dapic icupicpa Cristo pimi ijóyixpa jém wibic anqúimayooyi. ²⁴ Tum pixiñ iniyi Demetrio ictucum jém pleito. Yíp pixiñ tum platero, iwat tum xutu mastic iwatnas. Jém watnas en forma de jém dios iniyi Diana imastic. Yíp pixiñ con icompañeroyaj icoñwiyaypa jáyan tumiñ con jém iyoxacuy. ²⁵ An tuumayajpa con jém tunɨac pixiñtam jém iwatyajpáppic jexpictim yoxacuy, nimayyaja:

—Mantiwitam, michtam inwajodon iga tsam tawitpa con yíp yoxacuy.

²⁶ Sip inixñeta y immatorneta ti nimpa yíp Pablo. Sip inmat iga jém diosyaj, jém watnetawip cimi, da je nunta dios. Tsam icupicyajpa jáyan pixiñtam, da no

más yïm Efeso, pero icupicayjpatim icuwïti jém naxyucmi de Asia. ²⁷ Da wï siiga togoypa jém tanyoxaji. Da wï siiga tsïypa jém tammastic juuts tum cosa da para ti wï. Da wï siiga jém pïxiñtam mojpa ijóyixay jém tandios Diana, jém sïppic ijisyajpa itumpiy jém ityajwïp Asia y icuwïti de yïp naxyucmi.

²⁸ Cuando imatonjay ti nïmpa jém Demetrio, jesic tsam jóyyaj jém pïxiñtam. Tsam pïmi añweyjajpa. Nïmyajpa:

—Tsam wï jém tandios Diana, jém tanjïstampáppic yïm Efeso.

²⁹ Jesic cujiñayyaj jém pïxiñtam icuwïti jém atebet. Itumpiy de jeeyaj poyimi nicayaj jém mijpic añci jut iwatyajpa jém asamblea. Matsyajta jém Gayo y Aristarco jém Pablo icompañeroyaj, Macedoniapic jeeyaj. Nanicyajta poyimi hasta jut añtuumaneyajpa jém Efesopic pïxiñtam. ³⁰ Jém Pablo tigiytooba idic jut añtuumaneyaj jém pïxiñtam iga icupuja jém wisten. Pero jém icupicneyajwïp Dios da ijigáy. ³¹ Ittim jem jutën jém Pablo iamigoyaj, jém Asiapic anjagooyiyaj. Jeeyaj icutsadáy añmañti jém Pablo iga odoy tigiyiñ jém mijpic añci.

³² Tsam jáyan jém pïxiñtam añtuumaneyaj, tsam pïmi añweyjajpa. Tum nïmpa tum cosa y tunçac nïmpa tunçac cosa. Porque tsam cujiñayyaj jém pïxiñtam. Casi da ì ijodon tiiga añtuumaneyaj. ³³ Jesic algunos jém ityajwïp jem inmadayyaj jém Alejandro tiiga añtuumaneyaj jém pïxiñtam. Jesic jém judíos iyáctëñ ininic jém Alejandro jém pïxiñtam iwiñjom iga ijíyáyiñ. Jesic jém Alejandro iwat seña con ici iga odoy jiyayjiñ jém pïxiñtam porque icupujtooba jém wisten pïxiñ. ³⁴ Pero cuando icutiyyiyaj jém pïxiñtam iga judío jém Alejandro, jesic tsam pïmi añweyjajpa dos hora. Nïmyajpa:

—Tsam wï tandios, Diana, jém tanjïstampáppic yïm Efeso.

³⁵ Jesic ocmi jém secretario injiyjac jém pïxiñtam. Cuando cuyaj iga añweyjajpa, iñímáy:

—MiEfesopic mipïxiñtam, da ì ni tum pïxiñ jém dapic ijodon iga taichtam taccámnetä iga tanwattámpa cuenta jém tammastic jut it jém tandios Diana y jut it jém iwatnas jém actiñnewïp siñyucmi. ³⁶ Da ì wiap iñim iga migooyi. Jesic odoy jiytaami más. Odoy ti wattaami siiga da wiñti iñjïspa ti inwatpa. ³⁷ Porque yïp wisten pïxiñ da icujiyñe jém iñdios Diana ni da imalnímáyne. ³⁸ Yïp Demetrio con icompañeroyaj siiga ì ijóyixpa, wiap iquejajwadáy jém juezcïm. Jeeyucmi it jém juez iga iciipinpa jém pleito. Jemum wiap iwitsacyaj. ³⁹ Siiga algo más iñxuntámpa, wï iga ininjóctámpa hasta cuando tanuumanawattámpa jém tananjagooyi. ⁴⁰ Siip wiap ì taquejajwadáy iga tarebelde porque tanuumañta sin anjagooyi. Da ti wiap tannim siiga tacwáctamtap tiiga it yïp bulla.

⁴¹ Yaj nïmi jempic, jém secretario iccuyaj jém junta.

20

Nicpa jém Pablo jém Macedonia y Grecia

¹ Cuando cuyaj jém bulla, jesic jém Pablo inwejay jém icupicneyajwïp Cristo iga ichiiba jïxi. Ocni inquímuyaj, nanuusyajta. Nic jém Pablo jém naxyucmi de Macedonia. ² Jut quej nicpa, inquejay jém tantiwitam ti wiap iwatyaj. Inmadayyaj tsam jáyan añmañti. Cuando yaj icuwitxet jém Macedonia, núc jém

naxyucmi de Grecia. ³ Jemum tsíy tres meses. Cuando tigiytooba idic jém barcojom iga nicpa jém Siria, imaton iga algunos jém judíos imétsyajpa jutsap iccaayaj. Jeeyucmi jém Pablo ijis iga setpa puymi. Naspá eybic jém naxyucmi de Macedonia. ⁴ Jesic jutén jém iamigoyaj itúñiyay jém Pablo. Nicyaj jém Sópater, tum Bereapic p̄ixiñ, y Aristarco. Nicyajtim tum Tesalónicapic p̄ixiñ iñiyi Segundo, tum Derbepic p̄ixiñ iñiyi Gayo y Timoteo. Nicyajtim jém Tíquico y Trófilo, tsucumneyaj jém naxyucmi de Asia. ⁵ Yípyaj tantiwitam anjagóy miñicyaj, jemigam ananjócyajpa jém attebet Troas. ⁶ Cuando nas jém siñ iga cútta jém caxtánañi sin levadura, jesic atsucumta jém Filipos, atigiyta barcojom. Awitta barcojom cinco día hasta anúcta jém attebet Troas. Jemigam anactsíy jém ánamigoyaj jém tsucumneyajwiip wiñi. Jemum atsíyta siete día.

Jém Pablo nicpa joyi jém attebet Troas

⁷ Jém wiñtipic jama de jém semana, antuumayaj jém icupicneyajwiip Cristo iga iwécyajpa jém caxtánañi. Jém Pablo moj accuyujooyi. Nictooba Pablo jém tungac jama jeeyucmi accuyujóypa hasta cugaptsu. ⁸ Antuumaneta tum cuarto jém yucmipic piso. Jemum tsocpa jáyaj jucti. ⁹ Ittim jem tum woñjaychixi iñiyi Eutico. Coñ jém ventana yucmi. Como jém Pablo tsam jáyaj hora inmat jém Dios inmatí, imats moñi jém jaychixi, jesic jooban nas jém tucuten piso iyucmi. Cuando pin̄ta, caaneum. ¹⁰ Jesic quet jém Pablo, icunú noco, inhuusáy. Inímáy jém ityajwiip jem:

—Odoy c̄ñtaami. Da caane, vivo.

¹¹ Ocmi Pablo quim eybic jém yucmipic piso. Iwéc jém caxtánañi, wícyaj. Jesic seguido moj inmat jém Dios inmatí hasta cuquej. Ocmi nic jém Pablo. ¹² Jesic nanicta jém jaychixi iticcim, vivojam. Agui maymayyaj iga da ca.

Nicpa Pablo jém attebet Mileto

¹³ Aichtam anjagóypanicta barcojom hasta jém attebet Asón iga jemigam ampicnaspá jém Pablo. Jempigam anwatneta trato. Nic jém Pablo puymi. ¹⁴ Cuando anactsíytamta jém attebet Asón, tigiy barcojom jém Pablo, awaganicta jém attebet Mitilene. ¹⁵ Jesic aputta de jem, jém tungac jama anumnas jém attebet Quío. Tungagam jama anúcta jém attebet Samos. Amojta noco jém attebet Trogilio. Tungac más jama anúcta jém attebet Mileto. ¹⁶ Jém Pablo ijis iga anumnastampa jém attebet Efeso iga da ajáyátampa jém naxyucmi de Asia. Agui jicsíy nictooba Jerusalén iga ictsiyñ jém siñ de pentecostés siiga wiap.

Jém Pablo ichi jixi jém anjagooyiyaj

¹⁷ Cuando anúcta jém Mileto, jém Pablo inwejay jém Dios ipixiñtam injagooyiyaj jém ityajwiip Efeso. ¹⁸ Cuando núcneyaj, inímáy jém Pablo:

—Michtam injodon ti anwatne dende jém wiñtipic jama cuando anúc jém naxyucmi de Asia. ¹⁹ Itumpiy tiempo cuando manwaganaitta mimichtam, tsam ançuyoxa jém tánomi. Da anacujipta anyaac. Tsam pimi anyáene. Tsam acutitsta porque jém judíos ijisyaj jutsap accaayaj. ²⁰ Pero ich da antsac iga manajmadáy itumpiy jém Dios inmatí jém tsampic miyoxpátpa. Manajquejay jut antuumaneyaj jáyaj jém p̄ixiñtam y manajquejáyit in̄ticc̄im.

²¹ Anajmadáy jém judíos con jém dapic je judíos iga icucacyajiñ ijixi jém Dios iwiñjom y iga icupicyajiñ jém tánomi Jesucristo. ²² Siip anicpa Jerusalén. Apimíy jém Dios iAnama. Da anjodon ti acnascatap jemíc. ²³ No más cada

tiganjoj jut ich anicpa, jém Dios iAnama acjodónap iga ayaachwattap, apajtap. ²⁴ Pero da anwadáypa caso. Ni datim ançinpa iga accaatap. Da ti cuwacuy jém amvida. Ich amaymay siiga anaccupacpa jém anyoxacuy y siiga anwatpa juuts apimíy jém tánQmi Jesús iga ananmatpa jém wibic anmafi iga Dios tsam tatoypa.

²⁵ Siip ich anwijodon iga ni tum de mimichtam, jém mananmadayñewiip jém Dios inmati, da eybic ánixtampa. ²⁶ Jeeyucmi siip tsam mannimaytooba iga ich da anai la culpa de ninguno de mimichtam siiga mitogoypa y da impictsonpa jém vida jém dapic cuyajpa. ²⁷ Manwanmadáy itumpiy jém Dios inmati. Da ti ananécne ni uxan. ²⁸ Siip nawattamtaji cuenta mimichtam inyaac. Minjagooyitam jém miccámmewiip Dios iAnama, wattaami cuenta jém Dios ipixiñtam jém ijuyñewiip jém tánQmi Cristo con inipiñ. ²⁹ Ich anjodon iga cuando anicneun, miñayja jém migoyyajaap iga icto-goypa jém Dios ipixiñtam juuts tum lobo tsam malo iccaaba jém borrego. ³⁰ Mimichtamanjom tsucumpa algunos jém migoyyapaap. Moypa imigóyáy jém icupicnewiip Cristo iga ictsacpa jém Dios inmati iga iccupiguiñ jém migooyi. ³¹ Jesic nawattamtaji cuenta. Jistaami iga tres amtíy oy mananmadáy jém Dios inmati tsuucim y siñfi. Pimi mananquim hasta awejpa iga odoy i mictsaguiñ jém Dios inmati.

³² Siip mançijunçotpa jém tanjatun Dios icijom iga miwattamiñ cuenta y iga miyoxpátpa con jém wibic anmafi iga tsam tatoypa Dios. Jém anmafi tsam miyoxpátpa iga más inwicupicpa. Miyoxpátpa iga impictsonpa jém herencia con itumpiy jém cuáyñewiip ianama. ³³ Da mancusuníyáy jém inñumiñ, plata y oro, ni jém impuctucu. ³⁴ Michtam inwijodon iga ich ayoxa ançimi iga odoy ti atogóyayiñ ni ich ni jém anwaganaitwiip. ³⁵ Siempre mananquejayñeta iga wi iga tayoxap iga tanyoxpátpa jém yaachayajpáppic. Jistaami ti nimpá jém tánQmi Jesús cuando nim: “Más tamaymay iga tachióypa que iga tachitap.”

³⁶ Cuando yaj nimi jempic, jém Pablo costeñneactiñ, moj inwejpát Dios con itumpiy jém ityajwiip jem. ³⁷ Agui weyjajpa, itumpiy nanuusyajta, innacatsútsyaj jém Pablo. ³⁸ Tsam anyácneyaj jém pixiñtam porque nimpá jém Pablo iga da nunca iixyajpa eybic. Ocmi nic ijagantsacyaj hasta tigiñ barcojom.

21

Jém Pablo nicpa Jerusalén

¹ Cuando antsacta jém tantiwitam, atigiya jém barcojom. Anumnic hasta jém attebet Cos. Jém tungac jama anicta jém attebet Rodas y de jem anicta jém attebet Pátara. ² Jém attebet Pátara ampátta tum barco jém nicpáppic Fenicia. Jemum atigiya, anicta. ³ Jesic anastámum, ánix jém isla de Chipre. Tsíy tum lado annaymi. Anumnic hasta jém naxyucmi de Siria. Jemum anuc porque jém barco ichacnaspá jém ichimi jém puerto de Tiro. ⁴ Jemum ampátta jém icupicneyajwiip Cristo. Atsiya con jeeyaj siete día. Dios iAnama icjodóna jém icupicneyajwiip Cristo ti inñascaaba jém Pablo. Jeeyucmi nimayta jém Pablo iga odoy niguiñ Jerusalén. ⁵ Pero cuando núc jém siete día, mojum aniquitam. Itumpiy jém icupicneyajwiip Cristo con iyomtam y con ichixtam nic ajagantsacta ançicmi de jém attebet, jém lamar anñaca acosteña, moj

ananjejpáttá Dios. ⁶ Ocmi ananquímtamta, ananuustamta. Aichtam aquímta barcojom. Jeeyaj setyajum iticmi.

⁷ Atsucumta jém Tiro, anicta hasta jém attebet Tolemaida. Jenum atsac jém barco, moj aniquítam puymi. Jesic jém attebet Tolemaida andioschi jém tantíwítam, atsíyta con jeeyaj tum jama. ⁸ Jesic icuquejama atsucumta aichtam con jém Pablo, anicta jém attebet Cesarea. Anúcta jém Felipe iticciim. Je tsam wíap inmadáy Dios inmati jém pixiñtam jém dapicnam icupicne. Yíp pixiñ tum de jém siete jém iyoxpátpáppic jém apóstolyaj. Jenum atsíyta iticciim. ⁹ Jém Felipe iniit cuatro iyommanic da jaayiyñeyaj. Dios iyoxpátpa iga inmatyajpa ti miñpa. ¹⁰ Watña jama aitta jem cuando núc tum Judeapic pixiñ inñyi Agabo, tum profeta, wíaptim inmat ti miñpa. ¹¹ Miñ aámta. Ipigáy jém Pablo imijpactsencuy, jém icinturón. Natsentá iyaac jém pixiñ. Ichen ici y ipuy. Jesic nimpa jém Agabo:

—Nimpa jém Dios iAnama iga jém attebet Jerusalén jém judíos ichénáypa así yíp cinturón iomi, ocmi ciijuncottap jém tunjac pixiñtam icijom.

¹² Cuando ammatonja ti nimpa jém pixiñ, jesic aichtam con jém tantíwítam jém ityajwíip Cesarea anjyactsíyta jém Pablo iga odoy niguiñ Jerusalén.

¹³ Pero jém Pablo animayta:

—¿Tiiga miwejtámpa, tiiga antsiganýácwattámpa? Ich anjícpa iga atsentap y da solamente iga atsentap, anjicpatim iga accaatap Jerusalén jém tánomi Jesucristo icuyucmi.

¹⁴ Como da amaton jém Pablo ti annímayta, jesic antsacta. Annímayta iga wati juuts ixunpa jém tánomi.

¹⁵ Cuando cupac jém jama iga aitta jém Cesarea, anjwitsacta jém antraste, atsucumta. Anicta jém attebet Jerusalén. ¹⁶ Anwagananicta algunos jém Cesareapic pixiñtam jém icupicneyajwíip Cristo. Ininicyajtim tum Chiprepic pixiñ inñyi Mnasón. Yíp pixiñ tsam wiñigam icupicne Cristo. Jém Mnasón iniit itic Jerusalén. Jenum anúcta, acwíctamta, y acmonjamtá.

Jém Pablo nicpa ijooyáy jém Jacobo

¹⁷ Cuando anúcta Jerusalén, jém tantíwítam tsam awípictonja, agui maymayaj. ¹⁸ Jesic icuquejama Pablo nic ijooyáy jém Jacobo. Awagananictatim aichtam. Anjuumanejaytim jem itumpiy jém wídaytam jém injayajpáppic jém Dios ipixiñtam. ¹⁹ Jém Pablo idioschi. Ocmi inmadáy parejo jém anjuumanejaywíip jutsap iwíwadáy Dios jém tunjac pixiñtam jém dapic je de Israel cuando oy inmadáy jém wibic anmati. ²⁰ Cuando imatonjay, tsam icujípyaj Dios. Nímayta jém Pablo:

—Mantíwi, ixi iga tsam jáyan miles de jém judíos icupicneyaj jém Jesucristo inquímayooyi. Itumpiy de jeeyaj ninyajpa iga da wí iga tantsacpa jém Moisés inquímayooyi. ²¹ Ijodónaneyaj iga mich ininquejáy itumpiy jém judíos, jém juumipic nicneyaj, iga odoy icupiguiñ jém Moisés inquímayooyi. Ininquejáytm iga odoy iwadáyñ imanictam jém marca de circunción y odoy iwadiñ jém wiñicpic costumbre. ²² ¿Jesic ti wíap tanwata? Porque cuando imatonjay jém pixiñtam iga miñúcne, tienes que micutuumaçayajpa. ²³ Jesic wati juuts siip mannímáy. It yim con aichtam cuatro pixiñ. Jeeyaj icupactooaba juuts ijycámáy Dios. ²⁴ Wagananici, wagachintaami juuts nimpa jém tanjcostumbre, yojóyaayi jutsan iwatpa gasto. Jesic ocmi wíap ijepyaj

icobac. Jempigam icutiyyajpa itumpiy jém tantiwitam iga inwixpatim jém Moisés inqúimayooyi y iga incupicpatim mex mich. ²⁵ Pero jém tungac pixiñtam, jém dapic de Israel, jém icupicneyajwip Cristo, anjayayñe iga odoy iwadiñ jém Israelpic costumbre. No más annímáy iga odoy icúdiñ jém animat imayi jém accaatawip jém watnas iwiñjom ni odoy icúdiñ jém nipiñ ni odoy icúdiñ jém animatayaj jém pencanewip y odoy pejooyi.

Matsta Pablo jém masticjom

²⁶ Jesic jém Pablo ininic jém cuatro pixiñtam. Icuquejama wagaacchinyajta con jeeyaj juuts nim jém Israelpic costumbre. Ocmi tigiyyaj jém mijpic masticjom iga quejiñ iga cupacpa iwatyaj jém costumbre y jucha ichacyajpa jém ofrenda cada tumtum de jeeyaj.

²⁷ Cuando cuyajtooba jém siete día, algunos jém judíos, jém miññeyajwip de Asia, iixyay jém Pablo jém mijpic masticjom. Jesic iccujíñayaj itumpiy jém pixiñtam jém ityajwip jem. Imatsyaj jém Pablo. ²⁸ Pimi anweyajpa. Nimyajpa:

—MiIsraelpic mipixiñtam, ayoxpaati. Yibam jém pixiñ jém inquejaypáppic jém pixiñtam jutinquej contra tannación, contra jém tanañqúimayooyi y contra jém tammastic. Tungac más tanca iwat. Inimiñ tammasticjom jém tungac pixiñtam jém griegoyaj. Inimiñ jém tancaiywip jém wibic tammasticjom.

²⁹ Nimpa jempic porque iixyay iga jém Pablo iwaganasiiba Jerusalén tum Efesopic pixiñ iniyi Trófimo. Jeeyucmi jeeyaj injampa iga inioy jém mijpic masticjom. Pero da inioy.

³⁰ Jesic cujiñayaj itumpiy jém pixiñtam icuwiti jém atebet. Miñyay poyimi. Icutuumacayaj jém Pablo. Imatsyaj. Ijicputyaj jém masticjom. Jicsciy injajyay jém mastic. ³¹ Iccaayajpa idic jém Pablo. Cuando acjodónata jém coronel iga tsam cujiñayaj jém pixiñtam icuwiti jém Jerusalén, ³² jesic jeeti rato jém coronel intuumawat isoldado cada grupo con icapitán. Nicayaj poyimi hasta jut it jém pixiñtam. Cuando iixyay iga núcyaj jém coronel con isoldado, jesic ichacyaj iga icótspa jém Pablo. ³³ Jesic jém coronel icunúc. Matsta jém Pablo. Ipiimiy jém isoldado iga icheniñ con wisten cadena. Ocmi icwácpa, nimpa:

—¿Mich, miñapaap? ¿Tí inwatne?

³⁴ Pero jém pixiñtam pimi jyyajpa. Tum nimpa tum cosa y tungac nimpa tungac cosa. Jém coronel da wip icutiyyi ti nimyajpa porque tsam it bulla. Jesic ipiimiy jém isoldado iga ininigiñ jém cuartel. ³⁵ Cuando núcyaj jut quimyajpa jém cuartel, jém soldado icópne ininicyaj jém Pablo porque agui imalwadayyajtooba jém pixiñtam. ³⁶ Porque itumpiy jém pixiñtam jém miñajpáppic ituññançim pimi jyyajpa, nimyajpa iga accaatañ jém Pablo.

Nacupujtap jém Pablo jém pixiñtam iwiñjom

³⁷ Iganam cottap Pablo jém cuartel inímáy jém coronel:

—Mannímáytooba idic tum anmati.

Jesic jém coronel inímáy:

—¿Que mich wip inimat jém griegopic anmati? ³⁸ ¿Jesic mich da je jém miEgiptopic mipixiñ, jém dapicnam peca ictsucum tum rebelión, jém ininicnewip jém titsinaxucmi jém cuatro mil pixiñtam, jém accaoyajpaap?

³⁹ Jesic Pablo inímáy:

—Ich ajudío. Anay jém attebet Tarso. Ich apertenece jém más mijpic attebet de jém naxyucmi de Cilicia. Manwágáypa tum favor. Ajígaayi iga ananmadáypa yíp pixiñtam.

⁴⁰ Ocmi jém coronel ijígáy iga inmadáypa jém pixiñtam. Teñchucum jém Pablo jém escalerayucmi. Iwat seña con ici iga odoy j jiyiñ. Jesic cuando dam j jiyipa, moj jiyi jém Pablo jém hebreopic anmatimi. Inimáy:

22

1—Mantiwitam, minjagooyitam, amatónaayi iga anacupujtap.

2 Cuando imatonjay iga jiyipa jém Pablo jém hebreopic anmatimi, jesic mástím da jiyaj. Inimáy jém Pablo:

3—Ich ajudío. Anay jém attebet Tarso jém naxyucmi de Cilicia. Amija yim Jerusalén. Ich accuyuj jém maestro Gamaliel. An cuyuca jém wiñcpc tananquimayooyi jém tachiñewiip jém wiñcpc tanjatunwewetam. Tsam anwadáy caso iga an cuyoxap Dios con itumpiy ananama juustim mimichtam inwattámpa yíp jama. ⁴ Ich pecam tsam anacpoy jém icupicneyajwip yíp jomipic anquimayooyi hasta anaccaaba. Ammatspa pixiñ y yomtam, ancotpa cárcel. ⁵ Jém cobacpic panij anjagooyi con itumpiy jém tananjagooyiyaj tsíyyaj juuts testigo porque achiiyaj jém toto iga wiap amméts jém icupicneyajwip yíp jomipic anquimayooyi. Anic jém attebet Damasco iga ammatspa jém pixiñtam y anamiñpa preso Jerusalén iga chiitap castigo.

*Pablo inmatpa jutsa micupic Cristo
(Hch. 9:1-19; 26:12-18)*

⁶ Pero cuando aniqui tunjom, como cugapjama, anúctooba jém attebet Damasco, tsam pimi tsoepa tum jucti sinyucmi. Acuyicquej jut aniqui. ⁷ Acutiñ naxyucmi. Amaton tum jiyi. Animáy: “¿Saulo, Saulo, tiiga anacpoypa?”

⁸ Ocmi anacwác. Annimáy: “¿Mijapaap, mánQmi?” Jesic animáy: “Ich aJesús de Nazaret jém michpic sip inicpoy.” ⁹ Jém ityajwip con aich iixyaj jém jucti. Tsam pimi cinyaj. Imatonjay jém jiyi, pero da icutiyyiyaj ti animáy. ¹⁰ Jesic ich annimáy: “¿MánQmi, ti wiap anwat?” Jém tánQmi animáy: “Tsucumi, ñici Damasco, jemum miñimaytap itumpiy cosa titam ansunpa iga inwatpa.”

¹¹ Como jém jucti ichoqa acachtiwat, ajicteñyaj jém anwagananicpáppic hasta anúcta Damasco.

¹² Jemum it idic tum pixiñ iniyi Ananías. Tum wibic pixiñ. Iwatpa itumpiy juuts nampa jém Moisés inquimayooyi. Itumpiy jém judíos, jém ityajwip Damasco, tsam iwixyajpa. ¹³ Jém Ananías miñ aám. Acunúc, animáy: “Mantiw Saulo, amquimi.” Jesic anámquimáy, jeeti rato wiawum mu anixixóy.

¹⁴ Jesic jém Ananías animáy: “Jém tanjatun Dios jém icupicnewiip jém wiñcpc tantúmmitam, micupin iga injodónaiñ ti ixunpa Dios iga inwatpa. Micupin iga inixpa jém Cristo, iga immatonpa ti miñimáypa. ¹⁵ Michiypa juuts testigo para je iga ininmadáypa itumpiy jém pixiñtam icuwi ti yíp naxyucmi ti inixñe y ti immatonne. ¹⁶ Sip odoy anjooci, tsucumi, çinj. Anwejpaati tanjatun Dios jém Cristo iniyimi iga miccáyáypa jém inñanca.”

Jém Pablo inmat jutsa micutsatta jém tungac pixiñtamanjom

¹⁷ 'Cuando aset Jerusalén atigiy jém mǝjpic maſticjom iga anajwejpátpa Dios. Jemum ánix tum poñ. ¹⁸ Ánix jém tánQmi. Anímáy: "Jicsciy puſi yíp Jerusalén porque yípyaj pxiñtam da iwadáypa caso iga ininmadáypa ich anajmaſi." ¹⁹ Ocmi annímáy: "MánQmi, jeeyaj ijodonjaj iga jáy amméts jém pxiñtam jém micupicnewiip cada sinagoga. Ammatsyajpa iga aŋcotpa cárcel. Tsam aŋcótſyaj. ²⁰ Cuando accaata jém Esteban, jém inmatpáppic mich ininmaſi, ich aſiibatim. Ich ait de acuerdo iga accaata. Aŋwadáy cuenta jém iyootiyaj jém iccaaneyajwiip." ²¹ Pero jém tánQmi anímáy: "Nicsim. Maŋcutsatpa juumi iga ininmadáypa ich anajmaſi jém tunjac pxiñtam jém dapic je de Israel."

Jém Pablo it jém coronel icijjom

²² Cuando imatonjaj iga nǝmpa jém Pablo iga inmadáypa Dios inmaſi jém juumiipic pxiñtam, pimi jóyñeyaj jém Israelpic pxiñtam. Moj jiyiyaj pimi. Nimyajpa:

—Accaatañ yíp pxiñ. Da wi iga tsíypa vivo.

²³ Tsam pimi aŋwejyajpa. Itopyaj iyooti, ipatsquetyaj naxyucmi. Ipatſquímajpa pótpót. ²⁴ Jeeyucmi jém coronel ipimíy jém isoldado iga ininicyajiñ jém cuartel. Ipimíy iga cótſtañ jém Pablo iga inmađiñ tiiga iccujiñáy jém pxiñtam y tiiga tsam jiyajpa jeeyaj acontra de jém Pablo. ²⁵ Pero cuando tsenneta jém Pablo iga cótſta, inímáy jém capitán jém itwiip jem:

—¿Que mich wiap incótſ tum Romapic pxiñ jém dapic i icipiñne?

²⁶ Cuando imatonj jém capitán, nic inímáy jém coronel:

—Cuidado iga immalwadáypa yíp pxiñ porque Romapic.

²⁷ Jesic miñ jém coronel, icwác jém Pablo:

—¿Que numa mich miRomapic mipxiñ?

Nǝmpa jém Pablo:

—Numa, ich ajeam.

²⁸ Jém coronel inímáy:

—Ich tsam jáyan tumiñ anyoj iga atſiy juuts aRomapic apxiñ.

Jesic nǝmpa jém Pablo:

—Pero ich aRomapic porque anay jém Roma inaxyucmi.

²⁹ Jesic jeeti rato jém icótsyajpáppic idic ichacyaj. Jém coronel tsam cinpatim iga ichenne cuando ijodónja iga Romapic pxiñ.

Aŋwejayta Pablo jém anjagooyaj iwñjom, jém Sanhedrín

³⁰ Jesic icuquejama jém coronel ijodónatooba tiiga jém judíos iquejajwadáypa jém Pablo. Iccáyay jém cadena. Jesic inſtuumaſwat itumpiy jém cobapic panij con jém Sanhedrín. Jesic nanicta jém Pablo jém anjagooyaj iwñjom.

23

¹ Jesic jém Pablo iámmats jém Sanhedrín, inímáy:

—Mantiwitam, ich anjodon iga hasta siip anwatne juuts ixunpa Dios. Da ti aŋcinpa jém Dios iwñjom.

² Jesic jém Ananías, jém cobapic panij, ipimíy tum policia, jém itwiip nocojom jut it jém Pablo, iga itojáyiñ ijip. ³ Jesic jém Pablo inímáy jém panij:

—Dios micótspa mimich. Mich tsam minimigóyaytap. Jemum micóñ iga ançipinpa juuts nimpa jem anquímayooyi, ¿jesic tiiga inwatpa acontra jem anquímayooyi iga ançóts?

⁴ Jesic jem ityajwip jem iníamáy jem Pablo:

—Odoy malnímaayi jem cobacpic panij jem iccámnewip Dios.

⁵ Jem Pablo iníamáy:

—Mantíwítam, da anjodon siiga cobacpic panij. Nimpa jem Dios inmati jut jayñeta: “Odoy malnímaayi jem ininjagooyi jem injacpápic jem pixiñtam.”

⁶ Ocmi jem Pablo icutiyyi iga wisten partido it jem jut antuumaneyaj. It jem fariseoyaj, ittim jem saduceoyaj. Jesic pimi jiyja iga imatonjajiñ. Nimpa:

—Mantíwítam, ich afariseopic apixiñ. Jem anjatun con anjatunwewe fariseopic pixiñ. Siip anqueajwadayta porque ancupicpa iga pispa jem caaneyajwip.

⁷ Cuando yaj nimi jem Pablo, moj anajiyaj jem fariseoyaj con jem saduceoyaj. Nawécyajta jem pixiñtam jut antuumaneyaj. ⁸ Porque jem saduceoyaj ninyajpa iga da pispa jem caaneyajwip. Datim icupicyajpa iga it jem sinyucmi pixiñtam ni jem espíritu, pero jem fariseoyaj icupicyajpa iga it itumpiy jexpic cosa. ⁹ Jesic tsam pimi jiyajpa itumpiy jem pixiñtam. Jesic teñchucum algunos jem accuyujoypaap de jem fariseopic anquímayooyi. Nimpa:

—Yip pixiñ da ti mal iwatne. Wip ijíyáy tum sinyucmipic pixiñ o tum espíritu. Da taniçtampa acontra de Dios.

¹⁰ Jesic tsam pimi anajajpa. Jem coronel cinpa iga ichichansajajpa jem Pablo. Jeeyucmi ipimiy jem isoldado iga itopyajpa pimimi jem Pablo jem pixiñtam icijóm y iga ininiguñ eybic jem cuartel.

¹¹ Jeetim tsuu jem tánomí iwiñquejáy jem Pablo jem cuartel. Iníamáy:

—MiPablo, camamwati iníanama. Juuts inimat ich ananmati yip Jerusalén tienes que inimatpatim jem atebet Roma.

Ijisyajpa jutsap iccaayaj jem Pablo

¹² Jesic icuquejama algunos jem judíos iwatyajpa de acuerdo iga iccaayajpa jem Pablo. Ninyajpa iga: “Da tawicpa ni da taniçpa hasta que tanaccaaba jem Pablo.” ¹³ Ityaj más de cuarenta pixiñtam jem nimneyajwip jempic. ¹⁴ Ocmi nic íamay jem panij anjagooyi con jem wídaytam de Israel. Iníamayaj:

—Aichtam animneta iga siip da awicpa ni da anicpa hasta anaccaaba jem Pablo. ¹⁵ Siip mimichtam con jem Sanhedrín wágytaami jem coronel iga joymi inimiñiñ nichtam inwiñjóm. Nimanñayaj iga chocoymi inçipinpa. Jesic aichtam aittampa listo iga anañteñtampa tunjóm antes que núcpa jut miitta.

¹⁶ Pero jem Pablo iyomtíwi imaníc ijodóna iga añteñtap tunjóm. Jesic nic inmadáy iachí jem cuartel. ¹⁷ Ocmi jem Pablo inwejay jem capitán jem iwatnewip cuenta. Iníamáy:

—Nanici yip jaychixi jut it jem coronel. Iniit tum anmati iga iníamápa.

¹⁸ Jesic jem capitán ininic jem jaychixi jut it jem coronel, iníamáy:

—Jem preso, jem Pablo, anwejay. Iwác iga manamíñayñ yip jaychixi. Iniit tum anmati iga miñimápa.

¹⁹ Jesic jém coronel imatsáy ici jém jaychixi. Ininic aparte. Iñímáy:

—¿Íi annímáytooba?

²⁰ Jém jaychixi iñímáy:

—Jém judíos ityaj de acuerdo iga joymi miwágayyajpa iga ininiguñ jém Pablo jém Israelpic anjagooyi iwiñjom. Nimanjaayap iga icipinpa chocoymi.

²¹ Pero odoy cupici porque más de cuarenta jém pixiñtam injeñyajpa tunjom. Iwatyaj acuerdo iga da wícpa ni da nícpa hasta iccaaba jém Pablo. Siip ityajum listo. Injócneyaj iga inçutsoñpa.

²² Ocmi jém coronel inquím jém jaychixi, iñímáy:

—Odoj i anmadaayi juuts annímáyñe.

Cutsattq jém Pablo jém gobernadorcim

²³ Jém coronel inwejay wisten jém icapitán. Ipiimíy iga nawítsacyajtañ doscientos soldado jém nicyajpáppic puymi y setenta jém nicyajpáppic cawajyucmi y doscientos soldado jém ininicyajpáppic jém lanza. Iñímáy iga nicyajñ jém attebet Cesarea tsuucim a las nueve. ²⁴ Ipiimíy iga imétsayajiñ cawaj iga icquímcaaba jém Pablo y iga iwíwadiñ cuenta hasta que núcpa jut it jém gobernador Félix. ²⁵ Jém coronel ijay tum toto, icutsadáy jém gobernador Félix con jém isoldado. Nimpa jém toto:

²⁶ “Ich a Claudio Lisias. MiFélix, tsam wibic migobernador. Siip mandioschiiba. ²⁷ Jém judíos imatsne idic yíp pixiñ. Iccaatooba idic. Ançupuj con jém ansoldado. Cuando anjodóna iga Romapic pixiñ, ²⁸ anjodónatooba tiiga iquejajwadayyajpa, jesic ananic jut antuamanejay jém Israelpic anjagooyiyaj. ²⁹ Ampát tiiga iquejajwadayyaj. Iwat algo en contra jém Israelpic anquímayooyi. Pero da inii itañca iga iccaayajpa ni datim wí iga ipajyajpa. ³⁰ Anjodóna iga jém judíos ijisyajpa iga iccaayajpa. Jeeyucmi mançutsadáypa yíp pixiñ. Ampimíytm jém iquejajwadayñewiip iga nicyajñ mich inwiñjom. Jesáñam manjáyáy.”

³¹ Jesic jém soldado iwatyaj juuts ipimíy jém coronel. Tsuucim ininicyaj jém Pablo hasta jém attebet Antípatris. ³² Jesic icuquejama jém soldado, jém nicneyajwiip puymi, setyaj eybic jém icuartel. Jém tunçac soldado, jém nicneyajwiip cawajyucmi, seguido iwagananicayajpa jém Pablo. ³³ Cuando núcyaj jém attebet Cesarea, icijunçodáy jém toto jém gobernador icijjom. Ininicyaj jém Pablo jém gobernador iwiñjom. ³⁴ Cuando yaj imay jém toto jém gobernador, icwác jém Pablo iga jutpic pixiñ. Cuando ijodóna iga nay jém naxyucmi de Cilicia, ³⁵ jesic iñímáy:

—Mammatóñaypa jém iñasunto cuando miñpa jém miquejajwadayñewiip.

Jesic jém gobernador ipimíy iga nanictañ jém palacio de Herodes iga wattañ cuenta.

24

Nacupujta Pablo jém gobernador Félix iwiñjom

¹ Ocmi cuando nasne cinco día, núcyaj Cesarea jém çobacpic panij jém Ananías con algunos jém Israelpic anjagooyiyaj. Inimiñyajñim tum abogado iñiyi Tértulo. Miñ iquejajwadayyaj jém Pablo jém gobernador iwiñjom.

² Cuando namiñta jém Pablo, jesic jém Tértulo moj iquejajwadáy. Nímayta jém gobernador:

—Iyucuiɓdios, migobernador, iga tsam tawjiŋtta. Da i jém pleito. Tsam wiap ininjac yíp naxyucmi porque tsam mijixíy. ³ Icuwiti yíp naxyucmi anjodonŋtam iga mich tsam anwiwadayta. ⁴ Pero iga odoy manactogóyáyiñ jáyan tiempo, manɓunucśaypa iga amatónaayi tum rato ti mannimáypa. ⁵ Yíp pxiñ tsam pimi malo, juŋ quej ictsucum iga iccujíñáypa jém judíos iga nawécyajtap. Yíp pxiñ jém cobacɓic jém grupo nazareno. ⁶ Ininictooaba idic jém tunɓac pxiñ jém táŋcaiywíp jém mijɓic maŋticjom. Jeeyucmi ammatsta. Anɓipinŋtooba idic con aichtampic ananquímayooyi. ⁷ Pero jém coronel Lisias tigi y con isoldado, pimimi itop. ⁸ Inímáy jém iquejajwadayñewíp iga nicyajíñ iquejajwaday mich inwiñjom. Siip mich mismo wiap inɓipin iga injodónaíñ numa tiiga anquejajwadayñeta.

⁹ Jém judíos, jém miññeyajwíp jém gobernadorcím, nimaajtím iga numa. ¹⁰ Ocmi jém gobernador iwadáy seña jém Pablo iga jíyiñ. Jesic nimpa Pablo:

—Ich amaymay iga wiap anɓutson jém aquejajwadayñewíp mich inwiñjom. Anjodon iga jáyan amtíy michíy iga minjagooyi yíp naxyucmi. ¹¹ Siiga in-icwáɓpa yíp pxiñŋtam, jean minmadáypa iga apenas doce día anúcne Jerusalén iga ananwejpátpa Dios. ¹² Da apát juŋ síp anána jém pxiñŋtam, ni datim apát iga síp anɓujíñáy jém ityajwíp jém mijɓic maŋticjom, ni tum sinagoga, ni tunɓac parte de jém atebet. ¹³ Yípyaj da wiap awiñɓacchi juuts nima y iga ich anwatne. ¹⁴ Pero ich mananmadáypa iga numa anɓuyoxap jeetim Dios jém ijsneyajwíp jém wiñɓic anjatunwewetam. Ich aít de acuerdo con jém jomipic anquímayooyi, pero jeeyaj nima y iga migoooyi. Ich anɓucɓicpa itumpiy jém ijaychacnewíp jém wiñɓic anmaŋcwiñ y jém Moisés inquímayooyi. ¹⁵ Ich ananjóɓatím juuts jeeyaj iga Dios icpisa jém caaneyajwíp, jém witampic y jém malopic. ¹⁶ Jeeyucmi siempre anwadáypa caso iga anwatpa. Jesic da ti anɓinpa jém tanjatun Dios iwiñjom ni jém pxiñŋtam iwiñjom.

¹⁷ Cuando tsam wiñgam anicne, jesic aset eybic anticmi iga anyoxpátpa jém antiwitam jém yaachayajpáppic y iga antsacatím tum ofrenda.

¹⁸ Iganam síp anwat jempic, algunos jém judíos, jém miññeyajwíp de Asia, apát jém mijɓic maŋticjom. Anwatne jém costumbre iga acuáyíñ. Da anamiñ jáyan pxiñŋtam ni da i jém bulla. ¹⁹ Más wi meega miñ aquejajwaday jém Asiapic judíos siiga iniit algo encontra para ich. ²⁰ Witím meega yípyaj pxiñŋtam, jém miññeyajwíp yim, minmadáypa mimich ti mal anwatne, siiga apadáy antánca cuando acipin jém panij anjagooyi iwiñjom. ²¹ Da ti anwat no más pimi ajiy cuando aít jém anjagooyi iwiñjom, annímáy: “Siip acipintap porque anɓucɓicpa iga pisa jém caaneyajwíp.”

²² Jém Félix iwicutiíy jém jomipic anquímayooyi. Cuando yaj imaton jé nimpa jém Pablo, jém Félix ipoychac jém asunto; da icipin. Nimpa:

—Cuando miña jém coronel Lisias iga acjodónap ti inwatne, jesic yajpa anwitsac jém asunto.

²³ Ocmi jém gobernador Félix ipimíy jém capitán iga seguido iwatpa cuenta jém Pablo jém galacio. Pero ijicpa iga tigi ypa jém iamigoyaj iga miña iam y ichiiba iwiccuy titam itogóyáy.

²⁴ Jesic tunɓac jama más, miñgacum eybic jém gobernador Félix con iwichomo Drusila, tum Israelpic yomo. Inwejay jém Pablo iga inmadáyíñ

jutsap micupic jém Jesucristo. ²⁵ Pero Pablo inmadáy iga Dios ixunpa iga tanwíwadiñ, ixunpatim iga tum píxiñ nanjactap iyaac iga odoy imalwadiñ. Inmadáytim iga núcpa jama iga Dios iciipinpa itumpiy jém píxiñtam. Jesic cuando imaton, jém Félix tsam pími cñ. Inímáy jém Pablo:

—Siip poyñcsim. Cuando anaítpa lugar manañwejaypa eybic.

²⁶ Ijispatim jém Félix iga jém Pablo ichiiba tumiñ iga cutsigaytaiñ. Jeeyucmi watciy inwejaypa iga anmatpa con je. ²⁷ Wisna amtíy inasca así jém Pablo. Ocmi jém Félix putum de gobernador. Jém Porcio Festo jeegagam tsíy iga gobernador. Pero jém Félix, como ixunpa iga iwíxiñ jém judíos, da itop jém Pablo.

25

Anwejayta Pablo jém gobernador Festo iwiñjom

¹ Yaguiñ núc jém naxyucmi jém gobernador Festo. Nas tucunajama, put jém atebet Cesarea, nic Jerusalén. ² Jém panij anjagooyiyay con jém anjagooyiyay de jém judíos, nic íamyaj jém gobernador. Iquejajwadáypa jém Pablo. ³ Iwágayyay tum favor jém gobernador. Nímyaj:

—Mancunucsaypa, ayoxpaati, cutsati jém Pablo Jerusalén.

Nímyaj jempic porque ijisyajpa iga inñeyajpa tunjom iga iccaaba.

⁴ Pero jém gobernador Festo icutson. Nímpa:

—Jém Pablo tsíy preso Cesarea. Ich anyaac da jáyñe anicpa jemíc.

⁵ Jeeyucmi mannímáypa, wí siiga algunos de mimichtam minjagooyitam tawaganictampa Cesarea. Siiga jém píxiñ iwat algun tñca, jesic jemigam wiap inquejajwadáy.

⁶ Jesic jém Festo cuando iyaj ocho o diez día Jerusalén, set eybic Cesarea. Icuquejama nicum coñi jém oficina jut cñpínóyapa. Ipimíy jém soldado iga inimíñiñ jém Pablo. ⁷ Cuando jém Pablo tigiy jém oficina, icunúcyaj jém judíos, jém miññeyajwiip de Jerusalén. Moj iquejajwadayyay iga tsam mijtampic tñca iwatne. Pero da i wiap miwiñpacchi. ⁸ Jesic nacupujtap jém Pablo. Nímpa:

—Ich da ti mal añwatne contra jém judíos inquímayooyi, ni contra jém mijpic mastic, ni contra jém Romapic anjagooyi.

⁹ Jém gobernador Festo ixunpa iga iwíixyajiñ jém judíos, jeeyucmi icwác jém Pablo, nímayta:

—¿Que inñunpa iga mancutsatpa Jerusalén iga jemigam micipinñtaiñ?

¹⁰ Pablo icutson, inímáy:

—Ich ait yim jut cñpínóyapa jém gobernador. Yíp oficina jém Romapic anjagooyi imíchi. Yim tienes que acipinñtap. Mich inwijodon iga da ammalwadayñe jém judíos. ¹¹ Siiga tsam pími ammalwatne, wí iga ampictsonpa jém castigo iga accaatap. Pero siiga da quepa jém antñca juuts jeeyaj aquejajwadayñe, jesic da i wiap acijunçot jém Israelpic píxiñtam icijom. Anwácpa iga jém Romapic anjagooyi iyaac acipíñiñ.

¹² Cuando yaj añmatiyaj con jém ichiipáppic jixi jém gobernador Festo, inímáy jém Pablo:

—Inwác iga micipinñiñ jém Romapic anjagooyi, siip jemigam miñicpa.

Anwejayta jém Pablo jém rey Agripa iwiñjom

¹³ Cuando da waŋña jama nasne, núc Cesarea jém rey Agripa con iyomo Berenice. Miñ idioschi jém gobernador Festo. ¹⁴ Ityaj Cesarea waŋña jama. Jesic jém Festo inmadáy jém rey ti iñasca jém Pablo. Iñímáy:

—Yim it tum pxiñ ichac preso jém Félix cuando put de gobernador.

¹⁵ Cuando aoy Jerusalén jém panij anjagooyiyaj con jém iwidaytam de jém judíos, anmadayyaj ti iwatne yíp pxiñ. Awágáy iga anchiñ castigo. ¹⁶ Ich ancutsoj iga taichtam jém taRomapic, da tanaifa jém costumbre iga tanchi-iba castigo tum pxiñ siiga da wiñti iwiñpacchiiba jém iquejajwadayñewiip iga wiap inicupujta iyaac. ¹⁷ Jeeyucmi cuando núcyaj yim jém Israelpic anjagooyiyaj, da jáypa ançipin. Icuquejama acõñ jut aciipinóypa, anañwejáy jém pxiñ. ¹⁸ Pero cuando núc yim jém iquejajwadaypápic, da iniquímyaj quejaj iga imalwatne juuts ich anjjsa idic. ¹⁹ No más tsam jóyñe iga inimiñ tum jomipic anquímayooyi y iga inmatpa de tum pxiñ inñi Jesús. Accaata, pero siip nimpa jém Pablo iga pisneum. ²⁰ Ich da ancutiyyíy ti anwatpa con yicxpac asunto. Jesic anacwác jém Pablo siiga iwianjam iga ancutsatpa Jerusalén iga jemigam witsactañ. ²¹ Pero como je iwác iga çipinñañ jém Romapic anjagooyicim, jém Augusto, ich ampimiy iga tsiyiñ preso hasta wiap ancutsat jém Romapic anjagooyicim.

²² Jesic jém Agripa iñímáy jém gobernador Festo:

—Ich agui ammaton̄tooba ti nimpa yíp pxiñ.

Jém Festo iñímáy:

—Joymi immaton̄pa.

²³ Icuquejama jém rey Agripa con iwichomo Berenice núcyaj jém palacio. Agui wí cuyajneyaj. Iwaganamiñyaj jém soldado injagooyiyaj con jém más mijpic anjagooyiyaj de jém atebet Cesarea. Jém gobernador Festo ipimiy isoldado iga inimiñiñ jém Pablo. ²⁴ Jesic moj jiyi jém Festo. Nimpa:

—Mirey Agripa, con inñumpiytam miitwiip yim. Yibam jém pxiñ. Tsam jáyan jém judíos iquejajwadayñe contra je. Iquejajwadáy Jerusalén y iquejajwadáytim yim Cesarea. Da ichacpa iga nimyajpa iga accatañ. ²⁵ Ich animpa iga da ti iwatne iga iccaayajpa. Pero iyaac iwác iga icipinñiñ jém Romapic anjagooyi jém Augusto. Jeeyucmi anjjs iga ancutsatpa jemíc. ²⁶ Pero como da ampádáy itañca iga anjáyaypa jém tananjagooyi jém Romapic, jeeyucmi anamiñ mich inwiñjom, mirey Agripa, iga inçipinñiñ. Jesic si-iga quejpa ti mal iwatne, wiap anjáyáy jém tananjagooyi jém itwiip Roma. ²⁷ Ich animpa iga da wiap ancutsat tum preso jém tananjagooyicim siiga da anjáyaypa tiiga quejajwadayñeta.

26

Jém Pablo inmatpa ti iwatne jém rey Agripa iwiñjom

¹ Ocmi jém rey Agripa iñímáy jém Pablo:

—Wiap annímáy iñyaac ti inwatne.

Jesic jém Pablo icquím ici, moj inmat así:

² —Mirey Agripa, agui amaymay iga wiap anañmat mich inwiñjom iga anacupujtap juuts aquejajwadayñe jém judíos. ³ Ich agui amaymay porque mich inwiñxpica itumpiy jém judíos icostumbre. Inñodon̄tim jutsap inçayaj jém inquímayooyi. Jeeyucmi mañwágaypa iga amatón̄yaayi chocoymi.

Pablo inmatpa ti iwat antes que icupicpa Cristo

⁴ Itumpiy jém judíos ijodonyaj juuts jáy anwat dende atsixiñam jém naxyucmi jut anay y jém Jerusalén. ⁵ Jeeyaj iwijodonyaj y wiap inmat siiga iwianjamyaj iga ich ançuyujca jém fariseopic anquimayoooyi jém más táncapic tanwat de itumpiy jém anquimayoooyiyaj. ⁶ Yim siip acupintap porque ananjócpa iga Dios icpíspa jém caaneyajwiip juuts ijíyámáy jém wiñicpic anjatunwewetam. ⁷ Itumpiy jém Israelpic pixiñtam, jém doce tribu, injócyajpatim jém promesa. Jeeyucmi anjstámpa Dios y ançuyoxatámpa tsuucim y sinñi. Siip, manrey Agripa, jém Israelpic pixiñtam aquejajwadayne porque ananjócpa jeetim promesa. ⁸ ¿Tiiga inñispa iga Dios da wiap icpís jém caaneyajwiip?

Pablo pecam icpoypa idic jém icupicneyajwiip Cristo

⁹ Pecam ich anyaac anjispatim iga ammalwadáypa jém pixiñtam jém ituníypáppic jém Jesús de Nazaret. ¹⁰ Jempigam anwat Jerusalén con jém toto jém achiiñewiip jém panij anjagooyiyaj. Ampaj tsam jáyan jém icupicneyajwiip jém Cristo, jesic miccaayajta jeeyaj, ich aít de acuerdo. ¹¹ Wati veces anchi castigo iga ichaguñ iga icupicpa jém Cristo. Jempam anwat itumpiy jém sinagoga. Tsam pími anjójixpa idic. Tsam ammalwadáy, anacpóyíy juumi hasta jém tunçac naxyucmi.

Pablo inmatpa eybic jutsa micupic Cristo

(Hch. 9:1-19; 22:6-16)

¹² Jeeyucmi anic jém atebet Damasco. Jém panij anjagooyiyaj acutsat con tum toto. ¹³ Pero cuando aniqui tunjom, mirey Agripa, como cugapjama ánix tum jucti sinyucmi. Más pími tsocpa que jém jama. Actsíy jém ichoça con jém anwagananicpáppic.

¹⁴ Jesic antumpiytam acutiñta naxyucmi. Jesic ammaton tum jiyi, anímayta jém hebreo anmatimi: “¿Saulo, Saulo, tiiga ammalwadáypa? Inyaac siip minimalwadaytap; juuts iwatpa jém buey cuando inhepa jém ichenójycuy inquñi, inyaac miniccoowatap.” ¹⁵ Ocmi ich annímáy: “¿Mijapaap, mánomi?” Jesic anímáy: “Ich aJesús jém síppáppic ammalwadáy. ¹⁶ Tsucumi. Manwiñquejay iga mancupin iga ançujoxap. Michíypa juuts testigo iga ininmatpa ti inñix siip y ti inñixpa ocmi. ¹⁷ Manyoxpátpa iga odoy mimalwadayyajiñ jém Israelpic pixiñtam y jém tunçac pixiñtam jém dapic je de Israel. Siip mancutsatpa iga nicpa ininmadáy ich ananmati jém tunçac pixiñtam jém dapic je de Israel. ¹⁸ Mancutsatpa iga inictójáypa iixcuy iga odom más wityajiñ piichim, pero wityajiñ juctianjtsocajom. Mancutsatpatim iga inictsacpa jém tunçac pixiñtam jém Wocciwiñ ipimi iga ipictsóñiñ jém Dios ipimi. Ininmadáypa ich ananmati iga acupiguñ aich, jesic wadaytap perdón jém itança. Jesic Dios imanigayajpa con los demás jém cuáyñewiip ianama.”

Pablo iwatpa juuts inímáy Jesucristo

¹⁹ Jeeyucmi, mirey Agripa, anwatpa juuts anímáy cuando Dios anquejay jém poñ. ²⁰ Wiñti oy aninmadáy jém anmati jém ityajwiip jém atebet Damasco, ocmi anic Jerusalén y icuwiti jém naxyucmi de Judea. Ocmi anic jut it jém tunçac pixiñtam jém dapic je de Israel. Anímáy iga icucaguñ ijixi y iga ichaguñ iga imalwatpa y moypa iwíwat iga quejiñ iga cucacneum

ijixi. ²¹ Jeam anañnúc. Jeeyucmi amats jém judíos jém mǎjpic mǎsticjom. Iwatyaj tum trato entre jeeyaj iga accaayajpa. ²² Pero Dios tsam ayoxpát. Hasta siip da antsacne iga anañmatpa Dios inmatí. Anañmadáypa cualquier pixiñtam jém mǎjpic anjagooyi y jém dapic cargojý. Ich anañmatpa no más juuts nimpá jém wiñicpic añmaćiwiñ y jém Moisés cuando inmatyajpa ti miñpa. ²³ Jeeyaj nımyaj iga yaachwattap jém Cristo y ocmi accaatap. Je jém wiñicpic icpispáppic Dios de jut it jém caaneyajwıip. Chiitap jém Israelpic pixiñtam jém wıbic jıxi iga icutiıyiyajiñ. Chiitapim jém tungac pixiñtam, jém dapic je de Israel.

Por uxañ jém rey Agripa icupicpatim Cristo

²⁴ Iganam nacupujtap jém Pablo, tsam pımi jiy jém gobernador Festo. Nimpá:

—ıMich, miPablo, tsam miloco! Iga tsam pımi micuyujne milocojane.

²⁵ Pero Pablo icutsoñ. Iñímáy:

—Miwıbic miFesto da alocojane. Sıp manañmadáy jém numapic añmatí jém jıxiywıip. ²⁶ Yım it jém rey Agripa. Je tsam iwıcutııyıpa itumpıy yıpyaj cosa. Jeeyucmi manwıañmadáypa, da acıñpa. Ich anımpa iga iwıjodoñ itumpıy yıp jomıpic añquımayooyi porque da yamwatnetá jut da ı iixpa. ²⁷ Mırey Agripa, ¿que incupicpa juuts nimpá jém wiñicpic añmaćiwiñ? Ich anımpa iga incupicpa.

²⁸ Jesic jém Agripa iñímáy Pablo:

—Por uxañ anaccupicpa Cristo.

²⁹ Ocmı Pablo iñímáy:

—Por uxañ o por jáyan, ich tsam ansunpa iga incupicpa. Da solamente mimich, pero itumpıy jém sııppic amatoñneyaj. Tsam añwıañjam iga michıytampa juuts aich, pero sin cadena.

³⁰ Cuando yaj nımi jém Pablo, teñchucumyaj jut coñyaj jém rey, jém gobernador y jém Berenice con itumpıy jém iwaganaitwıip. ³¹ Jesic putyaj jém anjagooyıyaj, nicıyaj aparte. Moj nanımayyajtaji entre jeeyaj:

—Yıp pixiñ da ti iwatne iga accaatap ni iga pajtap cárcel.

³² Jém Agripa iñímáy jém Festo:

—Wıap tanćutsigáy idic yıp pixiñ meega da iwác iga icııpıñiñ jém Romapic anjagooyı.

27

Nanıćta Pablo Roma

¹ Jesic icunúcyaj jıxi iga acutsattamtap jém naxyucmi de Italia. Jém Pablo con jém tungac presoyaj cııjuncottá tum capitán icıjom. Iñıyı Julio. Jém batallón iñıyı Augusto. ² Atıgıyta tum barcojom. Tsucum jém barco Adramıto. Naspá jém attebetıyaj lamar añnaća jém naxyucmi de Asia. Awaganıćtampa con jém Arıstarco. Je tsucumne jém attebet Tesalónica jém naxyucmi de Macedonia. ³ Icuquejama anúćta jém attebet Sidón, lamar añnaća. Jém capitán Julio tsam iyaachanjam jém Pablo. Ijıgáypa iga nicpa iám jém iamıgoyaj. Ijıgáypatim iga iyoxpátpa y iga ichııba titam itogóyáy.

⁴ Atsucumta jém attebet Sidón. Anasta jém isla de Chipre jém an̄naymipic lado porque tsam pimi jém sawa. ⁵ Anjacta jém lamar jém naxyucmi Cilicia y Panfilia iñuma. Anúcta jém attebet Mira jém naxyucmi de Licia.

⁶ Jemic jém capitán Julio ipát tum barco jém tsucumnewip jém attebet Alejandría. Nicpa jém naxyucmi de Italia. Jém capitán acotta barcojom. ⁷ Watña jama anictámpa chocoymi. Tsam táncaq̄ mu annúcta jém attebet Gnido iñuma. Como tsam pimi jém sawa, da tacnas jem. Jeeyucmi aquetta hasta jém isla de Creta. Anúcta jém punto de Salmón iñuma. Anasta noco jém isla de Creta. ⁸ Tsam táncaap̄ iñic jém barco. Witpa lamarañnaca. Ocmi anúcta tum lugar iñiyi jém Wibic Puerto, nocojom jém attebet Lasea.

⁹ Tsam jáyan̄ tiempo anactogoyta. Siip tsam it peligro iga anictámpa barcojom porque nasne jém siñ de ayuno. Núcne jém tiempo cuando tsam poypa jém sawa. Jeeyucmi Pablo ichi jixi jém pixiñtam. ¹⁰ Iñimáy:

—Mipixiñtam, ánixpa iga siip tsam it peligro iga tanicpa barcojom. Wiap itogoy jém barco con itumpiy jém carga hasta togoypatim jém tamvida.

¹¹ Pero jém capitán da imatoñ ti iñimáy jém Pablo. Más icupicpa jém barco iomi y jém icwitpáppic jém barco. ¹² Casi itumpiy jém ityajwip jém barcojom agui nictooba porque da wicom jém puerto juñ aitta iga annascatámpa jém tiempo de pagac cuando tsam poypa jém sawa. Nicyajtooba jém attebet Fenice, tungac puerto, jeetim isla de Creta. Íñámocne anjamtigiyimi. Jemum wiap annascata jém tiempo de succuc.

Tsam it mal tiempo jém lamar

¹³ Jesic moj poyi jém tsapsawa, ijisyajpa iga wicoomap, wiap iñicyaj. Tsucum jém barco, moj niqui jém lamar an̄naca jém isla de Creta. ¹⁴ Pero da jáy mactsiyta tum sawa tsam pimi. Juuts tum ciclón. Jemic acámayyaj iñiyi jém euraquilón. ¹⁵ Moj ininic jém barco. Como da wiap anáñammoc jém sawa, jesic jém icwitpáppic jém barco ijicpa iga ininicpa. ¹⁶ Anasta tum xutu isla iweñtan, iñiyi jém isla Claudia. Jem da pimi núcpa jém sawa. Tsam táncaq̄ maampin̄ta jém lancha jém ijicnewip jém barco. ¹⁷ Cuando yaj ipinyaj jém lancha, moj ichenyaj jém barco con mijpic tipxi iga odoy sámíñ. Tsam cñneyaj. Wip tsíypa jém pooycim jém lugar iñiyi Sirte. Jesic icquedayyaj ivela. Ijigayyaj iga ininiguiñ jém sawa. ¹⁸ Icuquejama como tsam pimi poypa jém sawa, jém pixiñtam moj ipatspatsayyaj lamar jém barco ichimi. ¹⁹ Jesic núcum tucunajama, aichtam anyaac ampatsáyayta jém barco itñcuy con jém itraste. ²⁰ Watña jama it jém mal tiempo, da aguixta jém jama ni jém maṣsa. Como tsam pimi actsiy jém sawa, anjistámpa antumpiytam iga acucaaytámpa.

²¹ Tsam jáyan̄ jama da awicta. Jesic jém Pablo teñchucum jém pixiñtamanjom. Iñimáy:

—Mant̄wítam, meega in̄wadáy caso ti mannimáy y da tatsucum jém isla de Creta juñ tait idic, jesic da idic tannascaaba yip mijpic yaachaji con yip togoyi.

²² Pero siip camamwattaami iñanama. Porque ni tum de mimichtam da micaatámpa aunque yip barco togoypa. ²³ Tsumic awiñquejáy tum siñyucmipic pixiñ jém icutsatnewip Dios, jém ichpic anjacpa y an̄cuyoxap. ²⁴ Jém siñyucmipic pixiñ animáy: “MiPablo, odoy cñi porque tienes que mininúctap jém Romapic an̄jagooycim. Mich in̄cuyucmi Dios iciacputyajpa itumpiy jém pixiñtam jém in̄wagananicpaap jém barcojom iga odoy caayajiñ.”

²⁵ Jeeyucmi manímáypa mimichtam iga odoy cįntaami. Porque ich anćupicpa iga Dios wiap tayoxpát. Ich anjodon iga numa tannascaaba juuts anímáy jém sįnyucmipic pıxiñ. ²⁶ Pero tienes que tananicpa jém barco hasta tananucpa tum isla.

²⁷ Cuando nasne dos semana iga anıquitam, jém sawa ananicta jém lamar iñıyi Adria. Jesic como cugaptsu jém icwıyajpáppic jém barco įamyajpa iga núctooba naxyucmi. ²⁸ Iquípsıy jém lamar jutsıy įıojmi. İniit treinta y seis metro. Cuando wıyaj uxan más juumi, eybic iquípsıy, iniit veintisiete metro. ²⁹ Tsam icınyajpa iga núcpa jém tsaayucmi, jesic icquedayyaj cuatro iancla jém barco itutscım iga ichenyajpa. Tsam anyácneyaj, sıp įnjócyaj iga cuquejiñ. ³⁰ Algunos jém marinero aguı quettooba jém barcojom iga poypa. Moj icquet jém lancha, nımanıaayap iga icquedáypa jém iancla jém icobaccımpic. ³¹ Pero jém Pablo įmadáy jém capitán y jém isoldado:

—Siiga yıp pıxiñtam da tsıypa barcojom, michtam micucaaytampa iñtumpıytam.

³² Ocmi jém soldado itıncıyagáy jém lancha itıpxi jut cutsenneta jém barcoyucmi iga cutıñıñ nücım. ³³ Icuquejama jém Pablo iñímáy itumpıy jém pıxiñtam iga wıcyajiñ. İñímáy:

—İniitum dos semana da miwıcneta. ³⁴ Jeeyucmi manćunucśaypa iga miwıctámpa uxan iga impıctsonpa impımi porque ni tum de mimichtam da mıtoğoypa, da toğoypa ni tum jém įway jém itwııp įcobacyucmi.

³⁵ Cuando yaj nımi jém Pablo, imatspacne tum caxtánañi icıjom. Įwejpát Dios jém pıxiñtam iwiñjom. Ocmi iwenjac jém caxtánañi, moj wııquı. ³⁶ Jesic itumpıy jém pıxiñtam icamamwat įanama. Mojum wııquıyaj mex jeeyaj. ³⁷ Aıfta jém barcojom adoscientos setenta y seis. ³⁸ Cuando yaj wııquıyaj, moj įpatspatsayyaj lamar jém trigo iga más xejcyaiñ jém barco.

Po jém barco

³⁹ Icuquejama jém icwıtpáppic jém barco da įjodonıyaj jıp naxyucmi itıyaj. İxyaj tum lugar jut wıcom jut wıtıjom jém pooyanćı. İjıspa siiga wiap inınic jém barco jém. ⁴⁰ Itıncıyay jém tıpxi jut tsenne idic jém ancla, ichacyaj lamar. İwıyáj jém timón itıpxi. İcquım jém vela, jém icobaccımpic, iga icwıdıñ jém sawa. Jém barco moj pıti jém lamar anıaca. ⁴¹ Núc jut it jém corriente, tsıy jém barco icobac pooycım, wı cámpne, da tsıgóypa. Jém ituts moj icıucıyagáy jém lamar poa. ⁴² Jesic jém soldado įjısyajpa iga iccaayajpa jém preso iga odoy pınanıyacyajiñ iga poypa. ⁴³ Pero jém capitán icıacputtooba jém Pablo. Da įjıgáy jém soldado iga iccaayajpa jém preso. İpımıy jém wıapaap iñıjen iga tıgıyıñ lamar iga putpa anśıcmı. ⁴⁴ İñímáy jém dapıc wiap iñıjen iga ipıguıñ tabla o tum įaca jém barco icuy iga iyoxpátpa. Asıam cupudayyaj itumpıyay anśıcmı.

28

Núc jém Pablo jém isla de Malta

¹ Cuando acııputtámum antumpıytam, anjodonıta iga jém isla iñıyi Malta. ² Jém jemıcpic pıxiñtam tsam awııxta. İcnúcyaj juctı porque tsam succuc, tsam chıjóypa tuj. Anımayta iga: “Mıñı mıxami.” ³ Ocmi jém Pablo ipıñ uxan cıpi tıtsnewııp. İganam icotpa juctjom, put tum tsañ, ipóyay jém juctı ipıji.

Tiñnecám jém Pablo iciiyucmi. ⁴ Cuando jém ityajwiiip jem iixyaj iga tiñnecám jém tsañ iciiyucmi, nanímayyajtá:

—Yíp pxiñ tùm accaoypaap. Aunque ciiput jém lamar, Dios da iwianjam iga tsíypa vivo.

⁵ Pero Pablo icuxicsáy jém tsañ juctjom. Da ti iñasca. ⁶ Jesic jeeyaj agui injócyaj siiga xijpa jém ici o jeeti rato caaba. Pero ocmi cuando tsam injócyaj, iix iga da ti iñasca. Jesic icacyaj ijixi. Moj nímiyaj:

—Yíp pxiñ tùm dios.

⁷ Jém anjagooyi iñiyi Publio. Injacpa jém isla. Noco it jém iñas. Tsam awipectsonja. Achiita jut amonja juuts aamigotam. Jemum atsiyta tucunajama. ⁸ Mimne idic jém Publio ijatun. Imatsne jém jawan y jém niipiñtiñ. Tigiy jém Pablo jut wone. Injwejpádáy Dios para je, ichigáy icobac, icpis. ⁹ Cuando iixyaj ti iwat jém Pablo, jesic miñyajim itumpiy jém mimneyajwiiip icuwiti jém isla. Acpiisyajtatim. ¹⁰ Jesic jém pxiñtam tsam awixtámpa, tsam acujiptámpa. Ocmi cuando anictooba eybic jém tunjac barcojom, jeeyaj achiita titam atogóyayta iganam anictámpa.

Jém Pablo núcpa Roma

¹¹ Cuando anyajta tres meses jém isla de Malta, atigiyta tunjac barcojom. Jém barco iñascatim jém tiempo de succuc jeetim isla. Tsucum jém attebet Alejandria. Jém barcoyucmi if wisten watnas iñiyi Cástor y Pólux. ¹² Anúcta nianñaca tùm attebet Siracusa. Tucunajama atsiyta. ¹³ Jesic icquimayyaj jém barco ivela, moj aniquitam. Anúcta jém attebet Regio. Icuquejama poupa jém tsapsawa, jesic jém tunjac jama anúcta jém attebet Puteoli. ¹⁴ Jemum ampátta algunos jém tantiwitam. Jeeyaj acunucsayta iga atsiytamiñ tùm semana con jeeyaj. Ocmi moj aniquitam Roma. ¹⁵ Jém tantiwitam jém ityajwiiip Roma, ijodóyayaj iga anúctamtooba, miñ amétsta tùm lugar iñiyi Foro de Apio. Núcyaj algunos hasta jém Tres Tabernas. Cuando iix jém Pablo iga núcyaj jém tantiwitam, moj ichi gracia Dios, más da cijpa. ¹⁶ Cuando anúcta Roma, jém capitán icijuncot jém tunjac presoyaj jém comandante icijom. Pero ijic iga da i ipaj jém Pablo. Jigayta iga nic iti tunjac áñeymi con tùm soldado jém iwatpápic cuenta.

Jém Pablo inmatpa jém Dios inmatí Roma

¹⁷ Cuando nasne tucunajama, jém Pablo inwejay jém anjagooyiyaj de jém judíos, jém ityajwiiip Roma. Cuando antuumaneyajum, nímayyajtá:

—Mantiwitam, da ammalwadáy jém Israelpic pxiñtam ni datim anwatne en contra de jém wiñicpic tanjostumbre jém tachiñewiiip jém wiñicpic tanjatunwewetam. Pero amatsta Jerusalén, acijuncotta jém gobernador icijom. ¹⁸ Cuando yaj acipin, acutsigaytooba idic porque da ti apádáy iga accaatañ. ¹⁹ Pero jém judíos da ijic iga acutsigaytañ. Jeeyucmi anwáj iga acipiniñ jém Romapic anjagooyi mex da anquejajwadaytooba jém antiwitam jém judíos. ²⁰ Jeeyucmi mancutsadáy anmatí iga mñi aámtaami iga manamatpa. Ich atsenne con yíp cadena porque ancupicpa iga Dios icpispa jém caaneyajwiiip. Jesanetim icupicyaj jém Israelpic pxiñtam dende wiñigam.

²¹ Jesic jém miñneyajwiiip Roma iñímáy jém Pablo:

—Da ampictsonne ni tum toto de jem naxyucmi de Judea iga ti inñascane mimich. Ni tum jem tantiwitam, jem miññeyajwip jem Jerusalén, da anmadayaj iga mich immalwatne. ²² Agui ammaton̄tooba jem anmati jem michpic ininmatpa porque anjodónane iga jut quej tsam jóyixtap yip jomipic anquimayooyi.

²³ Jesic jeeyaj icámayaj tum jama iga miñyajiñ eybic iga imatonjajpa jem Pablo. Cuando núc jem jama, miñyaj tsam jáyan jem Romapic pixiñtam hasta jem ticcim jut it jem Pablo. Dende tsuyim hasta tsuán inmadáy jem pixiñtam jutsap injac Dios jem ityajwip yip naxyucmi. Inquejáypa iga Jesús je jem Cristo jem icutsatnewip Dios. Inquejáy con jem wiñicpic anquimayooyi jem ijaychacnewip jem Moisés y jem wiñicpic anmatciwiñ. ²⁴ Algunos jem pixiñtam icupicyaj jem Pablo inmadayooyi. Pero jem tungacyaj da icupicyaj. ²⁵ Jem dapic iwianjamyaj moj niquiyaj. Cuando cunigayyaj, nim jem Pablo:

—Wimim jem Dios ianama cuando inímáy jem wiñicpic tanjatunwewetam por medio de jem wiñicpic anmatciwiñ jem Isaías. Yimpic nim:

²⁶ Nigi nímaayi yip pixiñtam:

Numa immaton̄tampa jem anmati, pero da incutiyíyipa.

Numa inixtámpa, pero da injodónatámpa.

²⁷ Porque yip pixiñtam ianama tsam pimi malo,

tsam inejamaton̄pa,

jem iixcuy inmichñe,

iga odoy ixixóyiñ con iixcuy,

ni odoy matónóyiñ con itatsic,

ni odoy icutiyíyiñ con ianama,

ni da icacpa ijixi iga anaccáyápa itañca.

²⁸ Jodónataami iga dende siip Dios icutsadáypa jem tungac pixiñtam jem wibic anmati iga Dios taciacputpa. Cutsadaytap jem tungac pixiñtam, jem dapic je de Israel. Jeeyaj numa imatonjajpa.

²⁹ Cuando yajum inmat jem Pablo, nicyaj jem judíos. Tsam añayajpa entre jeeyaj.

³⁰ Jesic jem Pablo tsíy wisten antiy jem ticcim jem inñcsnewip. Ipictonjajpa itumpiy jem miñpáppic íam. ³¹ Inmadáypa jem pixiñtam iga Dios injactooba jem ityajwip yip naxyucmi. Inquejáypa jem tánomi Jesucristo inquimayooyi. Da cñpa jem Pablo, da i imoogíyipa. Jemum cuyaj.

Jém carta jém ijáyayñewiip Pablo jém Romapic pìxiñtam

Jém Pablo ijáyáypa Dios ipìxiñtam jém ityajwìp Roma

¹ Ich aPablo, siip manjáyáypa. Ançuyoxap jém tánŌmi Jesucristo. Dios acupin iga accám juuts tùm apóstol, jém icutsatnewiip Dios. Acupin iga anañmadiñ jém wibic añmañi iga Dios iciacputtooba jém pìxiñtam.

² Wiñgam jém Dios inñafciwiñ ijaychacneyaj iga Dios tajiyćamayñe iga núcpa jama iga Dios taciacputpa. Jaychacneta jém promesa jém wibic librojom jém Diospic imñichi. ³ Nìmyajpa iga miñpa jém Dios iMañic, jém tánŌmi Jesucristo. Ocmi nay yíp naxyucmi jém Jesucristo juuts tùm pìxiñ, jém rey David iocmanic imanic. ⁴ Quejpa iga Dios iMañic, jém tsampic iniit jém Dios ipimi, porque acpista de juñ it jém caaneyajwìp. Jeetim wibic jixi iniit juuts tanjatun Dios. ⁵ Jém Jesucristo amñchane, jeeyucmi Dios ayaachanjam y ayoxpát iga ananictámpa juumi jém wibic añmañi iga itumpiy jém tunğacpic pìxiñtam wiañ icupicayaj jém Cristo y iwatyajpa juuts ixunpa Dios. ⁶ Mimichtam jém tunğacpictim mipìxiñtam. Dios miñwejaytámpatim iga michiytamiñ juuts jém Jesucristo mimñchitam.

⁷ Siip manjáyaytámpa mimichtam, miittañwìp jém mijpic attebet Roma, jém mitoytampápic tanjatun Dios. Miñwejaytámpatim Dios iga michiytamiñ juuts jém Dios ipìxiñtam jém dapic táncay. Tsam watidios mançutsadaytámpa. Jém tanjatun Dios con jém tánŌmi Jesucristo miwìwadaytamiñ.

Jém Pablo nictooba joyi jém mijpic attebet Roma

⁸ Wiñti anchiiba gracia jém tanjatun Dios jém tánŌmi Jesucristo iñiyimi para iñtumpiytam mimichtam porque icuwiñi yíp naxyucmi añmattap iga michtam tsam inçupictámpa tánŌmi Jesucristo. ⁹ Ich añcuyoxap jém tanjatun Dios con itumpiy ánanama. Anañmadáypa jém pìxiñtam jutsap iciacputyaj jém Dios iMañic. Dios ijodon iga cada jama anañwejpátpa Dios para mimichtam. ¹⁰ Ich tsam nictooba manjójáy, pero da awiap. Siip añwágáypa Dios, siiga Dios ixunpa, wiap nicpa manjójáy. ¹¹ Tsam mánixtamtooba. Tsam manyoxpáttooba iga más wiap inçutñiyta ti ixunpa Dios. ¹² Ich animpa iga mimichtam anyoxpátpatim cuando ánixpa iga tsam inwìcupicpa jém tánŌmi Cristo. Jempam tanayoxpáttamtap.

¹³ Mantiwitam, ich ansunpa iga iñjodónatamiñ iga watciy nictooba manjójáy, pero hasta siip da awiap. Ansunpa iga idiñ tùm wibic cosecha mimichtamajom, juustim cuando oy anañmadáy jém tunğac pìxiñtam jém dapic je de Israel. ¹⁴ Ich tsam anjisa itumpiy jém pìxiñtam jém dapic imatorne jém Dios inmañi. Tsam ait obligado iga anyoxpátpa itumpiy jém pìxiñtam jém añmatyajpápic griego y jém tunğacpic pìxiñtam; jém cuyujneyajwìp y jém dapic cuyujne. ¹⁵ Jeeyucmi ich tsam manañmadaytámtobatim jém wibic añmañi mimichtam, miittañwìp jém mijpic attebet Roma.

Jém wibic anḡaṡi wiap tayoxpát

¹⁶ Ich da atsaap iga ananḡatpa jém wibic anḡaṡi porque je iniit jém Dios ipimi iga taciaputtámpa siiga taṅcupicpa Cristo. Wiñti ipictsonyay jém Israelpic pixiñtam, ocni ipictsonyajpaṡim jém tungac pixiñtam, jém dapic je de Israel. ¹⁷ Jém wibic anḡaṡi tacjodḡata iga Dios tawitsagáy tantáṅca iga wiañ tapictsonḡa Dios. Tapictsonḡa cuando taṅcupicpa Cristo y solamente siiga taṅcupicpa. Nimpa así jém Dios inḡaṡi: “Jém icupicnewiip iga Dios iwitsagáy jém itáṅca, ipictsonḡa jém vida jém dapic cuyajpa.”

Tsam táṅcaíy itumpiy jém pixiñtam

¹⁸ Quejpa iga Dios icutsatpa tum mijpic castigo dende sinyucmi. Chiitap castigo itumpiy jém pixiñtam, jém iwatyajpáppic contra jém Dios inḡuimayooyi y jém imalwatyajpáppic. Como tsam pimi malo, da ijicpa iga núpa jém numapic anḡaṡi. ¹⁹ Chiitap castigo porque tsam wiḡuejpa juutspic Dios jém tanḡatuḡ Dios. Itumpiy pixiñtam tsam iwijodonyay porque jeetim tanḡatuḡ Dios inḡuejáy. ²⁰ Dende watneta yíp nas, tsam wiḡuejpa juutspic Dios jém tanḡatuḡ Dios, jém dapic nunca cuyajpa ipimi. Da tánixpa Dios, pero wiap tánixáy titam iwatne. Jesic jém pixiñtam iniit la culpa iga da iixpicyajpa Dios. ²¹ Inuntawijodonyay juutspic Dios jém tanḡatuḡ Dios, pero da ijisyajpa juuts Dios. Datim icujípyajpa Dios para itumpiy jém wiḡampic cosa juuts iwatne. Ocni núc jém jama iga jém pixiñtam ijixi da para ti wi. Tsam maloyaj. Da wiap icutiíyíy juppic jém numapic y juppic jém migooyi. Jeeyaj juuts cupiichane jém ianama. ²² Nimyajpa iga tsam jixiíy, pero mástim quejpa iga da jixiíy ni uxañ. ²³ Ichacyaj iga ijispa jém numapic Dios, jém dapic nunca caaba. Iwatyaj jém watnas iga ijisyajpa. Watneta en forma juuts tum pixiñ jém caapáppic, o juuts tum jon, o juuts tum animat, o juuts tum tsañ.

²⁴ Jeeyucmi Dios ichacyaj jém pixiñtam. Ijicpa Dios iga más pimi imalwatyajiñ juuts icusúniyyajpa jém pixiñtam ianamanḡom hasta namalwadayajtap con itiwitam. Iwatyajpa jém da wibic cosa jém tsampic tatsaap taṅwat, ²⁵ porque jeeyaj da icupicneyaj jém numapic Dios, más icupicneyaj jém migooyi. Ijisyajpa jém cuy y jém tsa jém Diospic iwatne. Icuvoxayajpa jém watnas. Pero da ijisyajpa ni da icuvoxayajpa jém tanḡatuḡ Dios, jém iwatnewiip itumpiy cosa. Wi iga taṅcujíptamiñ para siempre. Amén.

²⁶ Jeeyucmi Dios ijic iga jém pixiñtam wiap iwatyaj jém malopic cosa, jém tsampic icusúniyya jém malopic pixiñtam. Jém yomtam ichacyajpa iga ipicpa pixiñ. Moj iwatyaj contra juuts siempre iwatyajpa jém wibic pixiñtam. Moj napicyajtaji yomtam con yomtam. ²⁷ Jesanetim jém pixiñtam ichacyajpa iga ipicpa yomo. Tsam icusúniyyajpa pixiñ juuts yomo. Pixiñ con pixiñ napicyajta. Yaachwadaytap jém imijtay. Ipictsonyajpa jém castigo iga iwatyajpa jexpic táṅca.

²⁸ Como da iwianḡamyaj iga ijisyajpa Dios, jesic Dios ijic iga más imalwadiñ jém pixiñtam. Ijicpa iga iwatyajiñ jém malopic cosa jém Diospic da iwianḡam. ²⁹ Comne ianama con itumpiy jém malopic jixi. Tsam ichicyajtooba jém tungac yomo. Tsam icusúniyya pixiñ juuts tum yomo. Tsam cujóyíyóypa. Tsam najajóypa, accaóypa, tsam áḡatero, tsam migóypa, tsam imalwadáypa i quej y tsam cujóyóypa. ³⁰ Imalnímáypa jém itiwitam. Ijóyixyajpa Dios. Da iniñ respeto. Tsam natoytap iyaac. Tsam nacujíptap. Ijixquimpa jém da

witampic cosa. Da itoypa ni ijatuj ni iapa. ³¹ Da jixiíy. Da iccupacpa juuts iníimáypa itíwi. Da tóyóypa. Da iyaachanjampa jém itíwi. ³² Jeeyaj tsam iwíjodon iga Dios ipimíypa iga accaayajtaiñ jexpic pixiñtam. Pero jém malopic pixiñtam da iwadáypa caso. Seguido imalwatyajpa. Agui maymaytím cuando imalwatyajpatim jém itíwitam.

2

Cüpióypa Dios con jém numapic anquímayooyi

¹ Mich iniit la culpa siiga miñimpa iga malo yíp pixiñtam. Jistaami iga inyaac miniquejajwadayatap porque mimichtam mimalotim, inwattámpatim jexpic cosa. Ich da anticutigiyi miñapaap mimich. ² Tanjodon iga Dios icipinpa jém pixiñtam con jém numapic anquímayooyi. Chiijaytap castigo itumpiy jém iwatneyajwip jexpic cosa. ³ ¿Que mich inñispa iga miciputpa y Dios da michiiba castigo? ¿Tiiga miñimpa iga tsam táncaiy jém iníwi porque tsam imalwat? ¿Que da inñispa iga inwatpatim jexpic cosa? ⁴ ¿Tiiga inñójixpa jém Dios itóyooyi jém dapic cuyajpa? ¿Que da inwadáypa caso iga tsam iyaachíypa Dios iga tammalwatpa y da jobit ichiiba castigo jém pixiñtam jém imalwatyajpáppic? Jodónataami iga jém tanjatuj Dios tsam miyaachanjampa porque ixunpa iga inucaguiñ inñixi.

⁵ Pero michtam da mimatóhóypa, da inwattooba juuts miñimáy Dios, da inucacta inñixi. Más jáyanap incastigo jém michiipáppic Dios hasta cuando núcpa jém jama iga ichiiba castigo Dios jém malopic pixiñtam. Jesic inixtámpa iga Dios iwicipinpa jém pixiñtam. ⁶ Dios icyojpa cada tumtum juuts iwatne. ⁷ Chiitap jém vida jém dapic cuyajpa itumpiy jém pixiñtam jém dapic ichacpa iga iwíwatpa, jém imétsápáppic jutsap inñuc jut it Dios, jém iwianjampáppic iga Dios iwíxpa, jém imétsápáppic jém vida eterna. ⁸ Pero Dios ichiiba tum mijpic castigo itumpiy jém iwatpáppic juuts je ixunpa iyaac, jém dapic icupicpa jém numapic anquímayooyi, jém tsampic imalwatpa. ⁹ Tsam yaachwatyajtap, tsam anyácneyaj itumpiy jém pixiñtam jém imalwatneyajwip. Wiñti inascaaba así jém Israelpic pixiñtam, ocmi jempictim inascaaba jém dapic je de Israel. ¹⁰ Pero itumpiy jém iwíwatyajpáppic, chiitap derecho iga núcpa jut it Dios. Jém tanjatuj Dios tsam iwíxpa, iyoxpátpa iga odooyi ti ijixiñ. Wiñti inascaaba así jém Israelpic pixiñtam, ocmi inascaabañ así los demás, jém dapic je de Israel.

¹¹ Porque jém tanjatuj Dios da innégáypa ni tum pixiñ itánca, iwicipinpa parejo. ¹² Jém iwatnewip tánca, jém dapic ipictsonne jém Moisés inquímayooyi, chiitaptim castigo sin jém anquímayooyi. Jém iwatnewip tánca cuando iniit jém Moisés inquímayooyi, jesic cipintap con jeetim anquímayooyi. Chiitap castigo. ¹³ Porque Dios da iwítsagáypa tum pixiñ itánca siiga ixajamatonpa jém Moisés inquímayooyi. Pero Dios iwítsagáypa tum pixiñ itánca siiga iwatpa juuts nimpa jém Moisés inquímayooyi. ¹⁴ Cuando jém tunjac pixiñtam, jém dapic je de Israel, iwatyajpa ijiximi juuts nimpa jém Moisés inquímayooyi, pero da inij jém anquímayooyi, jesic jém ijixi jex juuts jém wibic anquímayooyi. ¹⁵ Jexpic pixiñtam cuando iwíwatpa, quejpa iga jaycámneta inamanjom jém anquímayooyi. Jesic jém pixiñtam jispa ijixianjom siiga iwíwatne o imalwatne. Iyaac naciipintap. ¹⁶ Cuando núcpa jém jama iga icipinpa Dios,

quejpa itumpiy cosa jém anéncnewiip jém pixiñtam ianamanjom. Accámta jém Jesucristo juuts tum juez iga icipinpa juuts nimpa jém wibic anquímayooyi, jém ichpic manajmadayñe.

Jém Israelpic pixiñtam tsam itoypa jém wiñcipic anquímayooyi

¹⁷ Pero mimichtam miñimtámpa iga miIsraelpic mipixiñtam. Tsam inçupictámpa jém Moisés inquímayooyi. Tsam minicujiptamtañ iñyaac iga inçupictámpa jém nunta Dios. ¹⁸ Injodontam ti ixunpa Dios iga tanwattámpa. Wiap inçupin jém más wibic cosa iga inwattámpa porque inwicyuyjane jém Dios inquímayooyi. ¹⁹ Inñistámpa iga inicjodónap jém tun jém cáchfiyay. Inñistim iga wiap inyicquej jém wityajpáppic piichcim. ²⁰ Inñistámpa iga wiap ininquejáy jém pixiñtam, jém dapic jixiíy, jém dapic cuyujne, porque mich iniit jém Dios inquímayooyi. Numa jém anquímayooyi naps jém numapic jixi. ²¹ Numa, mimichtam, ininquejáypa tungac pixiñ, ¿jesic tiiga da mininquejaytap inyaac? Ininquejáypa iga da wi iga tanúmpa, pero mich miñúmpatim. ²² Inñimáypa jém pixiñtam iga odoy pejooyi, pero mich mipejóypatim. Tsam pimi injóyixpa jém watnas jém tungac diosyay, jém dapic je nunta Dios, ¿pero que numa inwixpa jém tanjatun Dios y siempre inwatpa juuts je ixunpa? ²³ Mimichtam tsam minicujiptañ inyaac porque iniit jém numapic anquímayooyi. Pero jut quej jém pixiñtam ixiccayajpa jém tanjatun Dios porque mimichtam da inwattámpa juuts nimpa jém Dios inquímayooyi. ²⁴ Nimpa así jém Dios inmati jut jayñeta: “Jutquej jém pixiñtam, jém dapic je de Israel, imalnimayajpa jém tanjatun Dios inñiyi michtam inçuyucmi iga da inwattámpa.”

²⁵ Siiga inwattámpa juuts nimpa jém Dios inquímayooyi, jesic vale mucho iga miwadayta jém marca de circuncisión. Pero siiga da inwatpa juuts nimpa jém anquímayooyi, jesic da ti micuwatcuy iga miwadayta jém marca de circuncisión. ²⁶ Jesanetim siiga jém tungac pixiñ, jém dapic marcajy, iwatpatim juuts nimpa jém Dios inquímayooyi, jesic Dios ipictsonpatim jextim juuts marcajy. ²⁷ Siiga tum pixiñ da marcajy iwatpa juuts nimpa jém Moisés inquímayooyi, jesic minquejáypa iga mitañcaiy porque mimichtam iniitta jém Dios inmati y iniittatim jém marca de circuncisión, pero da inwattámpa juuts nimpa jém Moisés inquímayooyi. ²⁸ Mextim nayñe jém naxyucmi de Israel, pero da je nunta Israelpic pixiñ. Jesanetim jém nunta marca de circuncisión da je jém watnewiip jém tammajtayyucmi. ²⁹ Jém numapic Israelpic pixiñ iniit jém marca de circuncisión ianamanjom. Ijspa ianamanjom iga numa Dios imichi. Tawadápa así jém Dios iAnama, da je jém Moisés inquímayooyi. Jesic jém pixiñtam da tacujípa, pero tacujípa Dios.

3

¹ ¿Jesic para ti wi iga taIsraelpic tapixiñtam? ¿Para ti wi jém marca de circuncisión? ² Wi para wati cosa. Wiñti mannimáypa iga Dios icijunçot jém Israelpic pixiñtam icijom jém Dios inmati. ³ Numa, algunos jém Israelpic pixiñtam ichacyaj jém Dios inmati, da iccupacyaj juuts ijyicamayñeyaj Dios. Pero Dios iccupacpa juuts tajyicamayñe, je da jex juuts taichtam. ⁴ Numa, jém tanjatun Dios iccupacpa juuts tajyicamayñe. Siiga migóypa itumpiy jém pixiñtam, jém tanjatun Dios da nunca migóypa. Nimpa así jém Dios inmati:

Dios da miǵóypa, iñuumanmatpa.

Siiga cüpiñtap, tsam wi quejpa iga da táñcaíy.

⁵ Pero siiga más pimi tammalwatpa, más quejpa iga da malo jem tanjatun Dios, ¿jesic ti wiap tannim? ¿Tananjam malo jem tanjatun Dios iga tatségáypa jem tantánca? ¿I ijspa jempic? ⁶ ¡Da malo! Porque siiga táñcaíytm jem tanjatun Dios, ¿jutsap icüpiñ itumpiy jem pixiñtam jem ityajwiip yip naxyucmi iga ichiiba castigo?

⁷ Pero siiga tsam tamigóypa, jesic más wi quejpa iga Dios da miǵóypa hasta más pimi cujíptap. ¿Jesic tiiga tachiiba castigo iga tsam tatáncaíy? ⁸ ¿Jesic tiiga da más pimi tammalwatpa iga más pimi cujíptaiñ jem tanjatun Dios? Asiam nımyajpa algunos iga aichtam anañquejáypa. Tsam pimi acujıypa. Jexpic pixiñtam más wi iga chiitaiñ tum mijpic castigo.

Tatáncaíy tantumpiytam

⁹ ¿Jesic ti iñıjspa iga taichtam jem taIsraelpic tapixiñtam más tawıtam que jem tunjac pixiñtam? Datim. Tatáncaíytm tantumpiytam siiga taIsraelpic tapixiñtam o da taje. Tienes que tampictsonpa jem castigo iga tanait jem tantánca. ¹⁰ Jaychacnetawum así jem Dios inmaııı:

Da i ni tum wıbic pixiñ jem ñapic táñcaíy.

¹¹ Da i wiap icutıııy ti ixunpa Dios.

Da i imétspa Dios.

¹² Itumpiy ichacyaj jem wıbic tun.

Nıcyajpa jem malopic tun.

Ni tum pixiñ da iwıwatpa juuts ixunpa Dios.

¹³ Jem malopic anmaııı agui putpa ijıpjom.

Jem ijıpj juuts tum tsúts ijos.

Agui it miǵooyı ijıpjom.

Jex juuts tum malopic tsañ, tsam cujíyóypa.

¹⁴ Tsam malmalnımpa.

Tsam it jooya ianamanjom.

¹⁵ Agui jıcsıy accaóypa.

¹⁶ Jutquej nıcpa ichacyaj jem anyaaqui y jem yaachaji.

¹⁷ Da ipát jem wıbic tun iga iwınanıgáypa jem itıwıtam.

¹⁸ Da icıñpa Dios.

¹⁹ Tanjodonıtam iga chiıta jem wiñıcpic anquımayooyı jem Israelpic pixiñtam iga injaguıñ. Nımayajta ti wiap iwıtyaj, pero da iwıtyajpa. Jesic ipıctsonıyapıtam jem castigo jem ichııpıppic Dios con itumpiy jem malopic pixiñtam jem ityajwiip yip naxyucmi. Da ti wiap iñımyaj. ²⁰ Dios da ipıctsonıpa jem nımyajpıppic iga cupacpa iwıwat juuts nımpa jem wiñıcpic anquımayooyı. Jem anquımayooyı no más tanquejáypa iga tatáncaíy porque da i wiap iwıwat itumpiy jem anquımayooyı.

Jutsap tawıtsagáy jem tantánca

²¹ Pero sııp Dios tanquejáy jutsap tawıtsagáy jem tantánca iga tapıctsóñıñ Dios sin jem Moısés inquımayooyı. Pero jem anmaııı, jem ijaychacnewııp jem wiñıcpic anmaıııwiñ con jem Moısés inquımayooyı, icuıstic nımpa iga miñpa jem Cristo iga iwıtsagáyıñ jem pixiñtam itánca. ²² Dios iwıtsagáypa jem

pixiñtam itánca siiga icupicpa jém tánQmi Jesucristo. Pictsonṭap itumpiy jém icupicneyajwip siiga Israelpic pixiñ o siiga tunḡac pixiñ. ²³ Itumpiy pixiñ tancaiyaj. Da i núcpa juṭ it Dios porque da i iwatne juuts je ixunpa. ²⁴ Pero jém tanḡatun Dios iwitsagáypa jém pixiñtam itánca iga witsiyiñ porque tsam tóyóypa Dios. Ichiiba juuts tum xaja. Wiap tawadáy así porque jém tánQmi Jesucristo tayojáy tantánca. ²⁵ Dios icutsat iManic Jesucristo iga ipictsoḡáyiñ jém pixiñtam icastigo. Itegáy iñipiñ iga iyojáy jém pixiñtam itánca. Siip Dios imatónáypa jém pixiñtam itánca siiga icupicyajpa Jesucristo. Asíam quejpa iga da malo jém tanḡatun Dios. Iyaachanjampa jém pixiñtam. Da jobit ichégáypa jém pixiñtam itánca jém iwatneyajwip wiñigam. ²⁶ Asíam quejpa iga siip datim malo jém tanḡatun Dios, iwitsagaytooba jém pixiñtam itánca siiga icupicpa Jesucristo.

²⁷ Jesic da wi iga tanacujiptap iga tawitsagayta jém tantánca porque da taichtam tanwat jempic. Dios da tamatónáypa jém tantánca iga tanwatpa juuts nimpá jém wiñicpic anquímayooyi, jém ipictsonnewiip Moisés. Pero tamatónáypa tantánca porque tancupicpa jém Jesucristo. ²⁸ Jempigam quejpa iga Dios ipictsonṭa jém pixiñtam jém icupicneyajwip iga Jesucristo wiap taciacput. Dios da ipictsonṭa jém ninyajpáppic iga cupacpa iwat juuts nimpá jém wiñicpic anquímayooyi.

²⁹ ¿Que iñjispá iga jém tanḡatun Dios solamente para jém Israelpic pixiñtam? ¿Que da iDios tim jém tunḡac pixiñtam, jém dapic je de Israel? Numa, imichitim mex jeeyaj. ³⁰ Porque nada más tum Dios it. Iwitsagáypa itánca jém Israelpic pixiñtam siiga icupicyajpa Cristo. Iwitsagáypatim itánca jém tunḡac pixiñtam cuando icupicyajpa jeeyaj. ³¹ ¿Que iñjispá iga da para ti wi jém anquímayooyi cuando tancupicpa Cristo? Odoy jistaami así. Una vez tancupicneum Cristo, jesic más tanwatpa juuts nimpá jém Dios inquímayooyi.

4

Tanwatpatim juuts iwat jém Abraham

¹ ¿Tí tanimpá jesic iga ipát jém Abraham jém tanḡatunwewe iḡatun, jém wiñicpic tantúmmi? ² Meega jém Abraham iwat itumpiy juuts nimpá jém wiñicpic anquímayooyi, jesic tienes que iwipictsonṭa Dios y agui nacujiptap iyaac jém Abraham. Pero da wiap inicujipta iyaac jém Dios iwiñjom. ³ ¿Jesic tí nimpá jém Dios inṡati jém jayñewip? Nimpá iga: “Jém Abraham icupic iga Dios wiap iwitsagáy itánca. Jeeyucmi Dios ipictson.” ⁴ Yojtap jém yoxapaap, pero jém icoñwiyoooyi da je tum xaja. ⁵ Siiga tum pixiñ da ti iwatpa iga icoñwíypa jém vida jém dapic cuyajpa, pero icupicpa Dios jém wiapaap iwitsagáy jém malopic pixiñtam itánca, jesic Dios iixpa jém pixiñ juuts tum wibic pixiñ. ⁶ Asítim nimpá jém rey David iga agui wi itpa jém pixiñ jém wadayñetawip perdón jém itánca jém ipictsonpáppic jém vida jém dapic cuyajpa juuts tum xaja, da je icoñwiyoooyi. ⁷ Nimpá:

Agui maymay jém pixiñtam jém Diospic iwadayñe perdón jém itánca, jém accáyañetawip jém itánca.

⁸ Agui maymay jém pixiñtam jém dapic ichégáypa Dios jém itánca.

⁹ ¿Que solamente jém Israelpic pixiñtam wiap ipictsonyaj jém maymáyaj? ¿O ipictsonpatim jém tunḡac pixiñtam? Mannímayñeum iga Dios iix jém

Abraham juuts tum wibic pixiñ porque icupic iga Dios wiap iwıtsagáy jém itánca. ¹⁰ ¿Juchis iñasca así jém Abraham? ¿Cuando wadayñeta wum jém marca de circuncisión o cuando danam i iwadayñe? Dios iix jém Abraham juuts tum wibic pixiñ cuando danam i iwadayñe jém marca. ¹¹ Ocmi ipictson jém marca de circuncisión jém Abraham juuts tum seña o juuts tum sello iga matónayñeta wum jém itánca porque icupicne Dios. Cuando iwat así jém Abraham tsıy juuts tum jatunpic para itumpiy jém pixiñtam jém icupicneyajwıp Dios cuando da iniıyay jém marca de circuncisión. Cuando icupicyajpa, jesic Dios ipictsonyajpatim juuts tum wibic pixiñ jém dapic táncaıy. ¹² Tsıytim jém Abraham juuts tum jatunpic para itumpiy jém wadayñeta wıp jém marca de circuncisión. Da solamente porque iniıt jém marca, pero iga icupicyajpatim Dios juuts icupicpa jém Abraham cuando danam i iwadayñe jém marca de circuncisión.

Jém Abraham icupic Dios jeeyucmi wadayta jém promesa

¹³ Dios iñimáy así jém Abraham: “Manchiıba jém nas jém ichpic ammıchi con itumpiy immanıctam.” Pero Dios da ijıycámáy así jém Abraham porque iwat juuts nımpa jém wiñicpic anquımayooyi. Jıycámayta porque icupicpa iga Dios wiap iwıtsagáy jém itánca. ¹⁴ Pero siıga jém pixiñtam imıchayaj jém nas porque iwatneyaj juuts nımpa jém wiñicpic anquımayooyi, jesic xajatim tanıcupicpa Cristo. Jesic da ti cuwatıcy jém promesa juuts ijıycámayñe Dios. ¹⁵ Jém iwatyajpáppic contra jém anquımayooyi tienes que ipictsonpa castigo. Siıga da i jém anquımayooyi, da i wiap iwat contra jém anquımayooyi.

¹⁶ Jesic Dios tawıtsagáypa tantánca siıga tanıcupicpa iga wiap. Tachiıba titam tajıycámayñe juuts tum xaja. Da tampıctsonpa juuts tanıcoñwıyooyi. Jesic seguro ichiıba jém xaja itumpiy jém icupicneyajwıp Dios juuts icupic jém Abraham, siıga iniıt jém wiñicpic anquımayooyi o siıga da iniı. Jesic jém Abraham tsıy juuts tum jatunpic para tantumpıytam taıchtam porque tanıcupicpatim juuts je. ¹⁷ Abraham ipictson yıp promesa jém Dios iwiñjom. Jeetim Dios jém icupicnewıp jém Abraham, ichiıba ivida jém caaneyajwıp. Iwatpa jém cosa jém dapıcnam idic i. Asíam nımpa jém Dios inımatı jut jaychacneta: “Ich manaccám juuts tum jatunpic para itumpiy jém pixiñtam.”

¹⁸ Casi da wiap ijıs iga iñascaaba así jém Abraham, pero icupic iga Dios wiap iwat, ijıspa iga núcpa jém jama iga tsıypa juuts jatunpic para icuwıti yıp naxyucmi juuts iñimáy Dios. Nımpa: “Tsam jáyanap jém immanıctam.” ¹⁹ Jém Abraham iniıt idic como cien iamtıy. Da ichacpa iga icupicpa Dios cuando ijıspa jém Abraham iga tsam widayam y tsamıtım mex jém iwıchomo jém Sara. Jeeyaj caayajtoobam. Como tsamim, da wiap imanıgıyyaj. ²⁰ Da ichacpa iga icupicpa juuts ijıycámayñe Dios. Pero más pımi icupicpa y moj icujıp Dios. ²¹ Porque iñuntawıjodonı iga Dios tsam iniıt ipımi, wiap iwat itumpiy juuts ijıycámayñe. ²² Jeeyucmi Dios iwıtsagáy jém Abraham itánca y ipictson juuts tum pixiñ dapic táncaıy porque icupic iga Dios tsam wiap.

²³ Cuando nımpa iga wıpıctsonıta jém Abraham porque icupic Dios, jesic da jaychacneta solamente para jém Abraham no más. ²⁴ Pero jaychacnetaım para taıchtam iga tanıjonı iga Dios tawıpıctsonpatım siıga tanıcupicpa jém tanıjatunı Dios, jém icpısnewıp jém tánomı Jesucristo de jut it jém caaneyajwıp. ²⁵ Cııjunıcotta, accaata jém Jesucristo iga tayoıjaytıamiñ tantánca. Acpısta iga Dios tawıpıctsonıtıamiñ.

5

Siip da tançijpa jém castigo

¹ Jesic Dios tapictsonpa juuts tum pìxiñ dapic tãñcaíy porque tançupicne iga Dios tawjwadáypa. Siip tatsíyfa amigo con Dios porque jém tánQmi Jesucristo tayojoyñeum jém tantánca. ² Jém Jesucristo tsam tayoxpátpa iga tanúcpa jut it Dios, jém tsampic tatoypa, porque tançupicne. Jeeyucmi da tantsacpa jém Dios inmafi. Siip agui tamaymaytam porque tanjodon iga núcpa jama iga nicpa taifi jém wicòm jut it Dios. ³ Pero agui tamaymáyatámpafim cuando tsam tayaachwattap porque tanjodon iga cuando tayaachwattap, jesic tananyujpa más iga tanyaachíyíñ. ⁴ Siiga tanyaachíypa cuando tacutítstap o iga tayaachwattap, jesic Dios tsam tawjixpa. Siiga Dios tsam tawjixpa, jesic mástim tanjodon iga tanjatun Dios iccupacpa juuts tajycámayñe. ⁵ Siiga tanjisa iga jém tanjatun Dios agui wiap, jesic da nunca tanjácpa; y Dios iAnama, jém tachiñewiip jém tánanamanjom, tsam tayoxpátpa iga wiáñ tançutiíyíy iga tsam pími tatoypa jém tanjatun Dios.

⁶ Jesic cuando da ti wiap tanwatta iga tanacupujtap tanyaac, Dios icupin jém jama iga accaatap jém tánQmi Jesucristo para itumpiy jém malopic píxiñtam. ⁷ Casi da i ijícpa ni tum pìxiñ iga accaatap para tum wibic píxiñ iga icupujpa. Pero quizás algunos ijícpa iga accaatap iga icupujpa tum tsam wibic píxiñ. ⁸ Pero Dios tanquejáy iga tsam tatoypa. Porque iganam tsam tamalotam, accaata jém Jesucristo para taichtam. ⁹ Siip tawipictsonpa Dios porque jém Cristo ifegáy iñiipiñ iga tajojáy tantánca. Jeeyucmi tanjodon iga taciacputtámpafim jém Cristo iga dam tampictsonpa jém pímpic castigo jém ichiipáppic Dios jém malopic píxiñtam. ¹⁰ Taichtam tatsíyñe idic juuts enemigo con Dios. Jesic accaata jém Dios iManic iga tatsíytámiñ amigo con Dios. Siip como tatsíyfa juuts amigo con Dios, mástim tanjodon iga taciacputtámpa jém Dios iManic porque vivojam. ¹¹ Da solamente tacupujpa de jém castigo, también tamaymáypa siip iga tánixpicnetámum jém tanjatun Dios. Agui tayoxpátne jém tánQmi Jesucristo iga tatsíytámiñ amigo con Dios.

Jém Adán y jém Cristo

¹² Tum píxiñ jém Adán moj iwat tãñca. Asíam moj tsucumi jém tãñca yíp naxyucmi. Cuando moj imalwat jém píxiñ, tsucum iga caayajpa jém píxiñtam. Jeeyucmi itumpiy jém píxiñtam caayajpa porque itumpiy píxiñ tãñcaíy. ¹³ Wiñigam cuando danam i ichiñe jém Moisés jém anquímayooyi, itfim tãñca yíp naxyucmi. Pero cuando da i jém anquímayooyi, da quejpa iga tãñcaíy jém píxiñtam. ¹⁴ Caayajpa itumpiy jém píxiñtam dende it jém Adán hasta cuando it jém Moisés. Caabatim jém dapic iwatne jém tãñca juuts iwat jém Adán. Je juuts tum figura de jém Cristo, jém miñpáppic ocmi. Pero jém Adán tactãñcaíypa, jém Cristo inimiñ jém vida.

¹⁵ Dios itóyooyi más mij que jém Adán itãñca. Caayajpa jáyay píxiñtam porque tum píxiñ, jém Adán, iwat jém tãñca. Pero más mij jém Dios itóyooyi porque tachiiba jém vida juuts tum xaja. Tsam jáyay píxiñtam wíwadayta porque tsam tayaachanjampa jém tungac píxiñ, jém Cristo. ¹⁶ Jém Adán itãñca da jex juuts jém wibic xaja jém Diospic tachiñe. Jém Adán iwat tum tãñca, jeeyucmi tsucum jém castigo para itumpiy jém píxiñtam. Pero Dios

iciacputpa jém pìxiñtam jém iwatneyajwìp tsam jáyan jém táŋca. Tachiiba juuts tum xaja. ¹⁷ Tum pìxiñ moj iwat jém táŋca, jeeyucmi caayajpa itumpiy jém pìxiñtam, pero sùp Dios iyaachanjampa. Sùp ì quej pìctsonṭap juuts tum pìxiñ dapic táŋcaíy. Chiṭap juuts tum xaja, ipìctsonyajpa jém jomipic vida porque icupicyajpa tum pìxiñ, jém Jesucristo.

¹⁸ Jesic como iwat táŋca tum jém pìxiñ, itumpiy jém pìxiñtam ipìctsonyajpa jém castigo. Pero da jex jém Jesucristo juuts Adán. Je iwat juuts ixunpa Dios, jesic Dios ipìctsonpa itumpiy jém pìxiñtam siiga icupicpa Cristo. ¹⁹ Tum pìxiñ jém Adán da iwat juuts iñímáy Dios. Jeeyucmi tsam jáyan jém pìxiñtam táŋcaiyay. Jesaptim tum pìxiñ jém Cristo iwat juuts iñímáy Dios. Jeeyucmi tsam jáyan jém pìxiñtam wìpìctsonyajtāp jém Dios iwiñjom.

²⁰ Chiñetā jém Moisés jém anquímayoyi iga más quejiñ jém pìxiñtam itáŋca. Pero cuando más quejpa jém táŋca, jesic más pìmi iyaachanjampa Dios jém pìxiñtam. ²¹ Jém táŋca juuts tum malopic anjagooyi. Caayajpa itumpiy jém táŋcaiywìp. Jém wìbic tóyooyi jex juuts tum wìbic anjagooyi. Itumpiy jém icupicneyajwìp jém tánQmi Jesucristo wìtsagaytā jém itáŋca. Ipìctsonyajpa jém vida jém dapic cuyajpa.

6

Vivo jém icupicneyajwìp jém Cristo

¹ ¿Jesic ti iñjìspa, wì iga seguido tammalwatpa iga Dios más tayaachanjaamiñ? ² Da wì iga seguido tammalwatpa. Porque taichtam tanwaganaca Cristo cunusyucmi cuando tayojáy tantáŋca. ¿Jesic tiiga seguido tammalwatpa? ³ ¿Que da iñjodontam iga cuando tacchiñtā iga tatsiytamiñ juuts jém Cristo imñichi, jex juuts tanwaganaca jém Cristo cuando yaj tacchiñtā? ⁴ Cuando tacchiñtā iga quejiñ iga tanwaganaca jém Cristo, jextim juuts tawagacumtātim con Cristo. Acpiṣtā jém Cristo de jut it jém caaneyajwìp con jém tanṭatun Dios ipìmi iga tanaitpa jém jomipic vida iga wiañ tanwat juuts ixunpa Dios.

⁵ Porque siiga tanwaganaca jém Cristo cuando accaata cunusyucmi, jesic tienes que tacpiṣtātim taichtam juuts acpiṣtā jém Cristo. ⁶ Tanjodon iga jém wiñicpic jìxi, jém tanaitwìp idic, iwaganaca jém Cristo cunusyucmi. Accaata iga cuyajpa jém pìmi jém tacmalwatpáppic, jesic da tatsiypa juuts tum esclavo iga seguido tammalwatpa juuts tapimiytāp. ⁷ Porque cuando caaneum tum pìxiñ, da más imalwatpa. ⁸ Pero siiga tanwaganaca jém Cristo, jesic tanjodontam iga tampìctsonṭampa tum vida juuts jém Cristo ivida iga tanwaganaitpa je. ⁹ Tanjodon iga jém tánQmi Cristo una vez pis de jut it jém caaneyajwìp, da nunca caaba eybic. Da más icìŋpa iga caaba. ¹⁰ Accaata jém Cristo iga iccuyajpa jém táŋca. Tumciy ca jém Cristo, da eybic caaba. Eybic ipìctson jém vida iga icuyoxap Dios. ¹¹ Jesanetim, mimichtam, jìsi iga michiy juuts micaaneum iga da más immalwatpa. Impìctsoneta jém jomipic vida jém tachiiñewìp jém tánQmi Jesucristo iga inṭcuyoxatamiñ jém tanṭatun Dios.

¹² Jeeyucmi odoy jìci iga micmalwatpa jém malopic jìxi, jém iniitwìp iñanamanjom. Odom más watì juuts ixunpa jém immijtay. ¹³ Odoy acnúcsi jém immijtay jém Wocciwiñ iga micmalwatpa. Pero jìci iga miñúcsáyiñ Dios jém immijtay juuts tum pìxiñ caane idic, pero sùp pisneum. Sùp acnúcsi Dios jém immijtay iga inwìwatpa. ¹⁴ Sùp jém táŋca da jex juuts tum anjagooyi iga

mip#míypa iga immalwatpa. Porque dam minjacne jém Moisés inqúimayooyi. Pero siip Dios miyaachanjampa, miwadayñeum perdón jém inñájca.

Siip tançuyoxap Dios

¹⁵ ¿Que inñjspa iga seguido wí tanwat jém tánca porque dam tanjacpa jém Moisés inqúimayooyi y Dios tawadayñeum perdón jém tantánca? Da wí iga tanwattámpa jempic. ¹⁶ Michtam inñjodontam siiga inñjcpa iga mimichap tum pxiñ juuts inñomi, jesic tienes que inwatpa juuts mip#míypa. Jesanetim siiga inwatpa juuts nmpa jém malopic jixi, jesic jém jixi tsíy juuts jém inñomi y miccaaba. Pero siiga inçupicpa Dios, jesic iniitpa jém wibic vida. ¹⁷ Mimichtam michíyñe idic juuts tum esclavo de jém malopic jixi, pero iyucupdios iga siip miputneum. Siip inçupicpa con itumpiy inñanama jém wibic anqúimayooyi jém michiñewiip Dios. ¹⁸ Jesic micutsigayñetawum iga odoy minjaguñ jém malopic jixi. Mojum inwíwat juuts ixunpa Dios. ¹⁹ Siip manañmadáypa juuts jém pxiñtam ijiximi iga más inwicutiyyíyñ. Inñicne idic iga agui immalwatpa. Siip jempictim ciijuñcodaayi Dios jém immijtay iga inwatpa jém wítampic cosa juuts ixunpa Dios.

²⁰ Cuando tsam inçuyoxa jém malopic jixi, da idic inwatpa juuts mip#míypa jém wibic jixi. ²¹ Tsam miyoxaca jém malopic jixi jém dapic miyoxpátpa. Siip agui michaap cuando inñjspa ti jáy inwat. Itumpiy jém iwatneyajwíip así nicpa jém infierno. ²² Pero siip micutsigayñetawum. Dam minjacne jém malopic jixi. Mojum inwatta juuts ixunpa Dios. Je numa tsam miyoxpátpa iga inwatpa jém wítampic cosa juuts ixunpa Dios. Itumpiy jém iwatyajpáppic así, ipictsonpa jém vida jém dapic cuyajpa. ²³ Itumpiy jém imalwatyajpáppic ipictsonpa juuts tum coñwíyooyi iga nicpa jém infierno. Pero Dios tachiiba jém vida jém dapic cuyajpa juuts tum xaja cuando tamichap jém tánomi Jesucristo.

7

Ti imejcyu jém Moisés inqúimayooyi

¹ Mantíwítam, mimichtam inñjodontam jém Moisés inqúimayooyi. Inçutiyyitámpa iga jém anqúimayooyi wiap injac tum pxiñ nada más iganam vivo. ² Tum pxiñ iyomo tienes que iwaganaitpa iwídaya iganam da caane porque nmpa así jém Dios inqúimayooyi. Pero siiga caaba jém iwídaya, icutumtim tsíypa jém yomo, jém anqúimayooyi da nmpa iga da wiap ipic tunjac pxiñ. ³ Jesic siiga tum yomo ipicpa tunjac pxiñ iganam da caane jém iwídaya, pejóypa jém yomo. Pero siiga caaneum jém iwídaya, jém anqúimayooyi ijícpa iga ipicpa tunjac pxiñ, da pejóypa jém yomo.

⁴ Mantíwítam, jesanetim mimichtam dende miwaganaca jém Cristo, dam minjacpa jém Moisés inqúimayooyi. Siip mimichaneum jém Cristo, jém acpisnetawíip de jut it jém caaneyajwíip. Siip wiap tanwatta jém wítampic cosa juuts ixunpa Dios. ⁵ Cuando danam tánixpicne jém Cristo, tanwattámpa idic juuts iwatyajpa jém pxiñtam, jém dapic icupicneyaj Dios. Jesic jém Moisés inqúimayooyi ichicyus jém malopic jixi tánanamanjom. Jém malopic cosa tacnicpa jém infierno. ⁶ Siip dam ti cuwatcyu jém Moisés inqúimayooyi. Tajextam juuts tacaane. Dam tanjacpa jém wiñicpic anqúimayooyi. Tatsíytámum iga tançuyoxap Dios con jém jomipic vida jém tachiñewiip Dios inñanama.

Tanímayta jut miñ jém táŋca

⁷ ¿Jesic ti tanjísipa? ¿Que malo jém wiñicpic anquímayooyi? Da malo. Pero siiga da ancutiñiyípa jém anquímayooyi, jesic datim anjodon iga atáŋcaíy siiga ancusúníyápa tungac pxiñ imiichi. Siiga jém anquímayooyi da nimpá iga odooy cusúníyaay tum pxiñ imiichi, jesic da anjodon iga táŋca. ⁸ Pero jém táŋca tsam acmalwat cuando ammaton jém anquímayooyi. Tsiyusta itumpiy jém malopic jixi áŋanamanjom. Porque cuando danam i jém anquímayooyi, jesic jém malopic jixi tsíy juuts caane idic. ⁹ Ich anjísne idic iga anwíwatne cuando danam anaí jém Dios inquímayooyi. Pero ocni núc jém anquímayooyi, moj tsucumi jém malopic jixi áŋanamanjom. Jesic quejpa iga da anaí jém vida jém dapic cuyajpa. Ich juuts acaane. ¹⁰ Anjístip iga jeetim anquímayooyi achíiba jém vida jém dapic cuyajpa. Pero da achi jém vida, más acnicpa jém infierno. ¹¹ Jém malopic jixi amigóyáy. Anjísne idic iga ampictsonpa jém vida jém dapic cuyajpa. Pero con jeetim anquímayooyi acnicpa jém infierno.

¹² Jesic quejpa iga da malo jém Dios inquímayooyi. Jém anquímayooyi wí, da tamalwadápa. Tsam tayoxpápa. ¹³ ¿Que inñispa iga yíp wibic anquímayooyi acnicpa jém infierno? Asítim anquejápa jém anquímayooyi iga tsam malo jém táŋca. Jém antáŋca amalwadáy con jém wibic cosa jém Dios inquímayooyi. Asíam quejpa iga tsam pími malo jém táŋca.

¹⁴ Tanjodon iga Dios inquímayooyi tsam wí, miñ siñyucmi. Pero ich tsam amalo, siempre anwatpa juuts iwatyajpa yíp naxyucmicpic pxiñtam. Ich ancuoyaxp idic jém malopic jixi. Juuts tum pxiñ juyñeta, ancuoyaxp jém antáŋca. ¹⁵ Da ancutiñiyípa tiiga anjísipa iga ammalwatpa. Da anwatpa juuts ich ansunpa, pero anwatpa jém malopic cosa jém dapic anwianjam. ¹⁶ Siiga anwatpa jém malopic cosa jém dapic anwianjam, jesic jempigam quejpa iga ich ancupicpa iga wí jém Dios inquímayooyi. ¹⁷ Jesic quejpa iga da ich ammalwatpa, pero más wí tanimpa iga jém táŋca, jém anaitwíp áŋanamanjom, jeam acmalwatpa. ¹⁸ Ich anjodon iga da anaí ni tum wibic cosa áŋanamanjom. Malo itumpiy yíp naxyucmicpic jixi. Agui anwíwattooba, pero da awiap. ¹⁹ Da anwatpa jém wibic cosa juuts ich ansunpa, pero anwatpa jém malopic cosa jém dapic anwianjam. ²⁰ Jesic siiga ich anwatpa jém malopic cosa, jém dapic anwianjam, jesic quejpa iga da ich ammalwatpa. Pero más wí tanimpa iga jém antáŋca, jém anaitwíp áŋanamanjom, jeam imalwatpa.

²¹ Jempigam annascaaba aich. Cuando anjísipa iga anwíwattooba, siempre ammalwatpa. ²² Anjodon áŋanamanjom iga tsam wí jém Dios inquímayooyi. ²³ Pero ánix iga anait áŋanamanjom tungac jixi juuts tum malopic anquímayooyi. Tsam ijóyixpa jém wibic jixi. Da iwianjam iga anwíwatpa. Jém malopic jixi, jém anaitwíp ammíjtayyucmi, atsenne juuts tum preso.

²⁴ Ich tsam pími anyácne. ¿I wíap aciácut de yíp malopic jixi, jém accaapápic? ²⁵ Siip anchíiba gracia jém tanjatun Dios porque aciácutneum jém tánomi Jesucristo. Jesic ich mismo ancupicpa jém Dios inquímayooyi con itumpiy áŋanama. Ananjacpa jém malopic anjixi jém anaitwíp áŋanamanjom. Pero siempre jém malopic jixi anjactooaba aich, tsam acmalwattooba.

8

Tantúníyapa jém Dios iAnama

¹ Siip Dios da ichiiba castigo jém pixiñtam, jém icupicneyajwüip jém tánQmi Jesucristo, itumpiy jém imüchipic. Jeeyaj ichacneyaj iga iwatyajpa juuts nimpa jém malopic jixi. Siip icupicyajpa jém Dios iAnama. ² Jém Dios iAnama jém tachiiñewüip jém vida, tanjacpa porque Cristo tamüchi. Taccutsigáypa jém malopic jixi jém taccaapáppic. ³ Jém Moisés inqúmayooyi da wiap iyoxpát jém pixiñtam porque jeeyaj da wiap iwatyaj itumpiy jém anqúmayooyi. Pero jém tanJatun Dios numa wiap iyoxpát jém pixiñtam. Icutsat iManic yíp naxyucmi. Miñ iti juuts tum pixiñ tancaiywüip. Oy iyoyáy jém pixiñtam itança. Dios ichégáy Cristo jém pixiñtam itança cuando accaata. ⁴ Iwat así iga wiap tanaccupac juuts nimpa jém Dios inqúmayooyi porque siip da tanwatpa juuts nimpa jém malopic jixi, pero tanwattampa juuts nimpa jém Dios iAnama.

⁵ Jém pixiñtam, jém iwatpáppic juuts nimpa jém malopic jixi ianamanjóm, wiap tanim iga injacpa jém malopic jixi. Pero jém iwatpáppic juuts nimpa jém Dios iAnama, injacpa jém wibic jixi jém ichiiñewüip jém Dios iAnama. ⁶ Siiga siempre tanjacpa jém malopic jixi jém itwüip tánanamanjóm, jesis caaba tánanama. Da nicpa tañti con Dios. Pero siiga jém wibic jixi tanjacpa, jém tachiiñewüip jém Dios iAnama, jesis tanait jém vida. Da ti idíyáy, tumti tanjixi con Dios. ⁷ Porque siiga jém malopic jixi injacpa tum pixiñ, jesis ijóyixpa tanJatun Dios. Jém pixiñ da iwattooba, ni da wiap iwat juuts nimpa jém Dios inqúmayooyi. ⁸ Jém tsampic iwatpa juuts nimpa jém malopic jixi ianamanjóm, da wiap iwat juuts ixunpa Dios.

⁹ Pero mimichtam da minjactampa jém malopic jixi jém itwüip iñanamanjóm. Minjacpa jém wibic jixi jém tachiiñewüip jém Dios iAnama siiga numa iniit jém Dios iAnama iñanamanjóm. Pero siiga tum pixiñ da iniñ jém Dios iAnama, jém tachiiñewüip Cristo, jesis jém pixiñ da je jém Cristo imüchi. ¹⁰ Caaba jém tammijtay porque tanwatne jém tanca. Pero siiga numa tanait Cristo tánanamanjóm, jesis vivo jém tánanama porque Dios tawatsagáy jém tantança. ¹¹ Siiga iniit jém Dios iAnama iñanamanjóm, jém icpisnewüip Jesús de jut it jém caaneyajwüip, jesis jeetim Dios, jém icpisnewüip jém Jesucristo, ichibatim vida jém immijtay jém caapáppic. Micpíspa porque iniit jém Dios iAnama iñanamanjóm.

¹² Jesis, mantiwitam, da taj obligado iga tammalwadiñ juuts nimpa jém malopic jixi jém itwüip tánanamanjóm. ¹³ Porque siiga inwatpa juuts nimpa jém malopic jixi, jém iniitwüip iñanamanjóm, tienes que micaaba, da miñúcpa jut it Dios. Pero siiga iñícpa iga miyoxpátpa jém Dios iAnama iga mictsacpa iga immalwatpa, jesis iniitpa jém wibic vida.

¹⁴ Itumpiy jém pixiñtam siiga ijícyajpa iga inquejáypa jém Dios iAnama jém wibic tun, jeeyaj jém Dios imanictam. ¹⁵ Jém Dios iAnama, jém tachiiñewüip, da tatsacpa juuts tum esclavo iga eybic tançinpa jém wiñicpic anqúmayooyi. Pero tayoxpátpa iga tatsíyñ juuts Dios tamanictam. Tayoxpátpañim iga tannímáypa Dios: “ManJatun Dios.” ¹⁶ Jeetim Dios iAnama tadjodónap tánanamanjóm iga taichtam Dios tamanictam. ¹⁷ Siiga Diosam tamanictam, jesis tampictsonpa itumpiy jém Diospic imüchi jém tachiiñewüip Dios. Tanwagapictsonpa con jém tánQmi Jesucristo. Yíp naxyucmi tawagayaachap con Cristo, pero núcpa jama iga tawagaitpa con Cristo jut wícóm, jut nicpa tañtitam para siempre.

18 Ich animpa iga casi da tanjjspa jém yaachaji, jém tannascanewwip yíp naxyucmi, cuando tánixpa jém maymáyaji jém tachiipáppic jém Cristo cuando tanwaganaif je. 19 Itumpiy cosa yíp naxyucmi, jém iwatnewwip Dios, tsam injócyajpa, tsam iixyajtooba jém tiempo cuando quejpa iapaap jém Dios imanctam, cuando ipictsonyajpa titam ijycámayñe Dios. 20 Dios ichac yíp nas iga da ti cuwatcuy porque asíam ixunpa Dios, da juuts ixunpa jém iwatnewwip Dios. Y jém Dios iwati, jém itwwip yíp naxyucmi, tsam injócpa jém jama iga iwitsacpa Dios itumpiy cosa. 21 Porque núcpa jama iga itumpiy jém cosa, jém iwatnewwip Dios, da misap, da nunca cuyajpa. Ciiputyajpa itumpiy jém Dios iwati juuts jém Dios imanctam. 22 Tanjodonjam iga hasta siip itumpiy jém cosa, jém Diospic iwati, tsam yaachap juuts tum yomo agui toyppa cuando icnaypa tum tsixi. 23 Da solamente yaachap jém cosa, jém iwatnewwip Dios, pero tayaachaptim taichtam, jém tampictsonnewwip jém Dios iAnama como jém wiñtipic xaja, jém tachiñnewwip Dios. Tsam tanjampa jém yaachaji tánanamanjom iganam tananjócpa jém tiempo cuando tapictsonjap juuts Dios tmanictam. Yíp nimtooba cuando Dios icjoomasetpa jém tammijtay. 24 Taciacputneta porque tanjjspa iga Dios wiap tawiwadáy. Siip tananjócpa jém jama iga tawiwadáypa, pero danam núcne. Da i injócpa tum cosa una vez ipictsonne porque iniitum. 25 Pero siiga tananjócpa alguna cosa jém dapicnam núcne, jesic seguido tananjócpa y da tantsacpa hasta que tampictsonpa.

26 Jempictim jém Dios iAnama tsam tayoxpátpa cuando da tanwicutiyyiypa ti ixunpa Dios. Da tanjodonj jutsap tanajwejpát Dios juuts je iwianjam. Pero jém Dios iAnama iyaac inwejpátpa Dios para taichtam. Tsam yaachap jém Dios iAnama, iñúcpa Dios para taichtam con jém jixi, jém dapic wiap iput juuts tum jyi. 27 Jém tanjatun Dios iixpigáypa jém pixiñtam ijanam. Ijodonjim ti nimtooba jém Dios iAnama. Porque tumti ijixi jém Dios iAnama con tanjatun Dios cuando inwejpátpa Dios para jém Dios ipixiñtam.

Da i wiap tactsac jém Dios itóyooyi

28 Tanjodonj iga titam tannascaaba, Dios tawiwadáypa siiga tantoyppa Dios, siiga tacupinne iga tanucyoaxap. 29 Porque dende wiñigam ijsipa Dios iga icupinpa jém ipixiñtam, ocmi icsetpa juuts jém iManic Cristo. Iwianjam Dios iga Cristo tsíy juuts jém achpic con jáyan itiwitam. 30 Jesic Dios inwejay jém pixiñtam jém icupinneyajwip. Iwitsagáy itañca jém inwejayñeyajwip. Jesic jém iwitsagayñewwip itañca, icsetpa juuts jém iManic Cristo, jém itwwip sinyucmi.

31 ¿Ti tanimpa? Siiga Dios if con taichtam, ¿jesic i wiap tamalwadáy? 32 Jém tanjatun Dios da iñéc iManic iga odoj i ichiñ castigo. Ijic iga ipictson itumpiy jém castigo. Iciijunçot iManic iga accaatáñ para taichtam. Jesic tanjodonj iga tachiitámpafim itumpiy cosa con iManic. 33 ¿Jesic i wiap iquejajwadáy jém icupinneyajwip Dios? Tanjatun Dios iwitsagayñeum jém itañca. 34 ¿Jesic i wiap tachi castigo? Jém tánomi Jesucristo da tachiiba jém castigo porque je accaatá para taichtam. Ocmi acpistá de jut if jém caaneyajwip, nic iti jém tanjatun Dios inwimi jut siip tacupujtámpa. 35 ¿I wiap tactsac iga tatoypa jém Cristo? Je da nunca ichacpa iga tatoypa. Siiga tammalnascaaba, tsam tayaachap, tajóyixtáp, odoj jisi iga da tatoypa tánomi Jesús. Siiga tayuucatooba, siiga

da tapuctugíy, tamalwadaytap o taccaatatooba; odoy jistaami iga Cristo michacpa iga mitoypa. ³⁶ Nĩmpa Dios inmati jut jayñeta:

Mich inçuyucmi accaatamtap.

Muma jama it jém peligro.

Amatstamtap juuts jém borregoyaj iga accaayajtap.

³⁷ Titam tannascaaba tancoñwĩyapa porque tsam tayoxpátpa jém Cristo jém tsampic tatoopa. ³⁸ Ich anwĩjodon iga da ti wiap tactsac jém Dios itóyooyi. Siiga tacaaba o tavivo, ni jém sinyucmipic pixiñtam, ni jém malopic espíritu, ni cualquier jém anjagooyiyaj, ni jém cosa jém itwĩip siip, ni jém cosa jém miñpápic, ³⁹ ni jém sinyucmipic ni jém naxyucmipic da wiap tactsac jém Dios itóyooyi jém tanquejayñewiip tánomi Jesucristo.

9

Cupinyajta jém Israelpic pixiñtam

¹ Siip mannuumanmadáyapa iga tsam pĩmi anjĩspa jém Israelpic pixiñtam. Jém tánomi Cristo ijodon iga da mammigóyáypa. Jém Dios iñnama anímáy ánanamanjom iga numa. ² Tsam pĩmi anyácne. Tsam it anyaaqui ánanamanjom, da cuyajpa. ³ Tsam ansunpa iga ciacputyajtap jém antĩwitam jém Israelpic pixiñtam. Tsam anyoxpáttooba. Meega awiip, antsacpa iga ançupicpa Cristo iga ampictsonpa jém castigo juuts tum malopic pixiñ meega wiap ançiaput jém antĩwitam. ⁴ Jeeyaj tsĩyyajpa jém nación de Israel, jém Dios imĩchi. Dios ipictsonyay juuts imañictam. Iixyajtim jém wibic juctiançoca cuando iwaganait Dios jém titsinaxyucmi. Watçiy ijycámáy Dios jutsap iwĩwadáy. Ipictsonyay jém Moisés inçuímayooyi. Chiijajta jém derecho iga ijĩsyajpa Dios jém mijpic masticjom. Chiitajtim itumpiy jém promesa. ⁵ Jém wiñicpic itĩwitam jém Abraham, Isaac y Jacob; jém ictsucumneyajwĩip jém nación de Israel. Jém Cristo, jém icutsatnewiip Dios, nay juuts tum Israelpic pixiñ. Jém yucmipic Dios tançujĩtampa para siempre. Amén.

⁶ Pero da animtooba siip iga da cupacpa juuts ijycámáy Dios jém wiñicpic pixiñtam. Porque da itumpiy jém Israel imañictam jém nunta Israelpic pixiñtam. ⁷ Da itumpiy jém Abraham imañictam tsĩyyaj juuts iñuntamanic. Porque nĩmpa así jém Dios inmati: “No más jém Isaac imañictam tsĩy juuts mich imañictam.” ⁸ Yĩp nimtooba iga da itumpiy jém Abraham imañictam tsĩyapa juuts Dios imanic. Nada más jém ijycámáyñewiip Dios iga naypa, jeeyaj tsĩyapa juuts Dios iñuntamanic. ⁹ Dios ijycámáy jém Abraham iga naypa imanic. Nĩmpa Dios: “Yĩp tunçac amtĩy amiñgacpa y jém Sara icnaypa tum ijaymanic.”

¹⁰ Da no más jém Abraham y Sara. Jesanetim jém wiñicpic tanjatun jém Isaac con jém iyomo Rebeca. Manĩgĩy jém yomo. Mechi jém imanic jém Jacob y Esaú. ¹¹⁻¹³ Pero cuando danam nayñe jém imanic, ni da ti iwatneyaj, ni cosa wibic ni malo, Dios iñímáy jém Rebeca: “Jém açhpic immanic tsiyapa iga icuyoxap jém ijayuc.” Jesanetim nĩmpa jém Dios inmati jém jayñetawĩip. Nĩmpa Dios: “Antoypa jém Jacob, pero da anwĩlxpa jém Esaú.” Jesic quejpa iga tanjatun Dios iniit derecho iga icupĩnna i ixunpa iga cupacpa jém Dios iyoxacuy. Da tacupĩnna porque tanĩmpa iga tanwĩwatne.

14 ¿Tí tanimpa? ¿Que malo jém tanjatun Dios iga icupinpa i ixunpa? Da malo. 15 Porque Dios inímáy jém Moisés iga: “Anyachanjampa jém ichpic ansunpa, antoypa jém ichpic anwanjam.” 16 Jesic Dios da iwíwadáypa tum pxiñ iga jém pxiñ ixunpa ni porque jém pxiñ tsam imétspa iga wíwadaytaiñ, pero Dios iyaachanjampa itam ixunpa. 17 Wiñigam Dios inímáy jém Faraón jém Egiptopic anjagooyi. Jaychacnetaj jém Dios inmati: “Manaccámne juuts rey iga ananquejaypa jém pxiñtam ampimi. Cuando iixyajpa ti inñascaaba, jesic icuwiti yip naxyucmi núcpa jém anmati iga it tum jém numapic Dios.” 18 Jesic Dios iyaachanjampa itam ixunpa, pero icamamwadáypa ianama jém tungac iga más malojaiñ.

19 Miñimtámpa mimichtam: “Siiga iwatpa jempic Dios, ¿jesic tiiga nimpa iga táncay jém pxiñ? ¿I wiap wat contra titam ixunpa Dios?” 20 Odoj jisi jempic. A que mipixiñ, ¿mijapaap iga incutsonpa Dios? ¿Tiiga inñapa Dios? ¿Que tum suuj inímáy jém pxiñ, jém suujwatpáppic, iga: “¿Tiiga anwat jempic?” 21 Tanjodoj iga jém suujwatpáppic iwatpa titam ixunpa con jém nas. Tumti nas ipicpa para tum wibic suuj, jeetim nas ipicpa iga iwatpa tungac suuj jut cottap jém da wítampic cosa.

22 Dios tsam inquejaytooba ipimi jém malopic pxiñtam, tsam ichiitooaba castigo, tsam iccuyajtooba, pero iyaachiyne. Da jobit inimiñpa jém castigo porque 23 icjodónatooba jém tungac pxiñtam, jém iyaachanjampáppic, iga tsam ichiitooaba jém wítampic cosa. Dende wiñigam icupin jém pxiñtam, jém ipictsonpáppic jém wítampic cosa siyucmi. 24 Taichtam tacupineta jém taIsraelpic tapixiñtam. Cupintatim jém tungac, jém dapic je de Israel. 25 Iwatpa Dios juuts nimpa jém wiñicpic anmatciwiñ jém Oseas:

Jém pxiñtam, jém dapic idic ammichi, tsiypa juuts ich ampixiñtam. Jém dapic i itoypa, ich tsam antoypa.

26 Jeetim lugar jut inímáy Dios jém pxiñtam:

“Mimichtam da je mampixiñtam”,

jeetim pxiñtam tsíy juuts jém vivopic Dios imanictam.

27 Jém Isaías inmatpa de jém nación de Israel cuando nimpa:

Tsam jáyanane jém Israelpic pxiñtam juuts jém pooy, jém itwip lamar anñaca, pero da wati iciacputpa Dios.

28 Porque tanjatun Dios da iyaachíypa para siempre, pero núcpa jama iga icutsatpa jém castigo yip naxyucmi. Iccupacpa juuts tajycámayne.

29 Wiñigam jém Isaías nimpatim ti miñpa:

Siiga tanjatun Dios, jém más mijpic anjagooyi, da iyaachanjampa jém tan-nación de Israel y da ichagáypa jém imanictam, jesic yajpa taccucaáy juuts jém attebetay de Sodoma y Gomorra.

Ciacputtap itumpyi jém icupicneyajwip Cristo

30 Jodónatami ti mannimáypa. Jém tungacpic pxiñtam, jém dapic de Israel, da imétsyaj jutsap iwítsac itañca. Pero ipátyaj iga Dios wiap iwítsagáy jém pxiñtam itañca cuando icupicyajpa Cristo. 31 Pero jém Israelpic pxiñtam tsam imétsyajpa jutsap iwítsagáy jém itañca con jém Moisés inquímayooyi, pero da ipátyaj jutsap porque da wiap iccupacyaj juuts nimpa jém Moisés

inquímayooyi. ³² Ijjsipa iga jém Moisés inquímayooyi wiap iwítsagáy jém pìxiñtam itánca siiga iwatyajpa juuts nìmpa, pero da icupicpa jém Cristo iga Dios iwítsagáyin jém itánca. Jexpic jìxi juuts tum tsa jut inèpyajpa ipuy, jut tsutyajpa. ³³ Jaychacnetá así jém Dios inmatì. Nìmpa Dios:

Ich antsacpa tum tsa jém naxyucmi de Sión.

Jém tsa ipaccaaba jém pìxiñtam.

Pero siiga ì icupicpa je, da nunca natsaawattap.

10

¹ Mantìwitam, tsam ansunpa ánanamanjom, tsam anañwejpátpa Dios para jém Israelpic pìxiñtam iga núcpa jama cuando ciacputyajtáp. ² Ich anjodon iga jeeyaj tsam iwatyajtooba juuts ixunpa Dios, pero da inuntacutiyyípa ti ixunpa Dios. ³ Da icutiyyípa jutsap iwítsac jém itánca iga ipictsonpa Dios. Imétyajpa tunjac manera iga iwítsacpa iyaac jém itánca iga wíaiñ inúc jut it Dios. Porque da iwianjamyaj iga icupicpa jém Cristo iga iwítsagáyin Dios jém itánca. ⁴ Porque Jesucristo iccupac jém Moisés inquímayooyi, iccuyajtim. Jeeyucmi wítsagayñetawum itánca itumpiy jém icupicneyawwip jém Cristo.

⁵ Jém Moisés ijaychacne jutsap ichíy tum pìxiñ sin tánca. Nìmpa así: “Siiga tum pìxiñ capspa iwat itumpiy cosa juuts nìmpa jém anquímayooyi, jesic asíam ipictsonpa jém vida.” ⁶ Pero siiga incupicpa Cristo iga miwítsagáyin Dios jém inítánca, jesic odoy jisi inánamanjom: “¿Ì wiap iquím sinyucmi iga icquetpa jém Cristo?” ⁷ Odoy jisi: “¿Ì tigiya jém mñpic josjom tsam jojmi iga nicpa itop jém Cristo de jut it jém caaneyawwip?” ⁸ Wì jém anmatì, jém itwip inánamanjom, jém puttopáppic inñipjom, jém ichpic anañmattámpa jut quej. Nìmpa iga jém pìxiñtam tienes que icupicpa Cristo iga wítsagaytaiñ jém itánca. ⁹ Siiga ininmadáypa jém pìxiñtam iga jém Cristo mich inómi y siiga incupicpa inánamanjom iga Dios icpis jém Cristo de jut it jém caaneyawwip, jesic Dios miciaacputpa. ¹⁰ Porque tanjucicpa jém Cristo tánanamanjom iga Dios tawítsagáyin jém tantánca. Tananmadáypa jém pìxiñtam iga tanjucicpa jém Cristo iga taciapudiñ Dios.

¹¹ Nìmpa así jém Dios inmatì: “Jém icupicneyawwip jém Cristo da nunca ichaaixpa jém Cristo.” ¹² Jém Israelpic pìxiñtam jextim juuts jém dapic de Israel. Jém tánómi Cristo itumpiy jém pìxiñtam iómiyaj. Ichiiba jém wibic riqueza itumpiy jém iwágaypáppic. ¹³ Porque nìmpa así jém Dios inmatì: “Ítam iwágáypa jém tánómi Dios iga iciacpudiñ, tienes que iciaacputpa.” ¹⁴ ¿Pero jutsap iwágayyaj Dios iga iyoxpádiñ jém pìxiñtam, siiga da icupicyajpa jém Cristo? ¿Jutsap icupicyaj jém Cristo jém pìxiñtam siiga da queman imatonjaj jém Cristo inmatì? ¿Jutsap imatonjaj jém anmatì siiga da ì inmadayajpa? ¹⁵ ¿Jutsap inmat jém Cristo inmatì tum pìxiñ siiga da ì icutsatpa? Juuts nìmpa jém Dios inmatì: “Agui wì jém inimiññewwip jém wibic anmatì iga agui tawixpa Dios.”

¹⁶ Pero da itumpiy iwadáypa caso jém wibic anmatì jém taciacputpáppic. Juuts nìmpa jém Isaias: “¿Mánómi, ì icupicpa jém anmatì jém ichpic anañmatpa?”

¹⁷ Jesic quejpa iga jém pìxiñtam icupicpa jém Cristo siiga imatonjajpa jém wibic anmatì. Imatonjajpa siiga ì inmadáypa jém Cristo inmatì.

¹⁸ Ich manacwácpa. ¿Que da imatonneyaj jém pìxiñtam jém wibic anmatì? Tanjodon iga numá imatonneyaj. Nìmpa así jém Dios inmatì:

Maton̄ta jém j̄yi icuw̄iti jém naxyucmi.
Núc jém an̄mati hasta jut cuyaj jém in̄an̄pic tigan̄joj.

¹⁹ Sīp eybictim manacwácpa. ¿Que da icutīyiyay jém Israelpic pixiñtam?
Wiñti n̄mpa así jém Moisés:

Dios in̄ímáy jém Israelpic pixiñtam iga:

“Sīp an̄w̄iwadáypa jém tun̄gac pixiñtam jém dapic de Israel iga
mantsicujóypa.

Anyoxpátpa jém pixiñtam jém dapic j̄ixīy iga mantsicjóypa.”

²⁰ Jesic ocmi da c̄n̄pa jém Isaías iga in̄madáypa jém Israelpic pixiñtam así:
N̄mpa Dios:

“Jém dapic amétsyajpa, apátayaj.

Anyaac an̄wiñquejáy jém pixiñtam jém dapic acuámayj.”

²¹ Pero cuando in̄matpa Dios de jém Israelpic pixiñtam, n̄mpa así juuts
ijaychacne jém Isaías: “M̄ma jama an̄an̄wejaytip jém pixiñtam, jém dapic
acupicpa, jém dapic iwatyajpa juuts ich an̄w̄ian̄jam.”

11

Ciacputtaptim jém Israelpic pixiñtam

¹ Sīp manacwácpa. ¿Que n̄ma tan̄jatun̄ Dios ichacne iga iyoxpátpa jém
ipixiñtam jém nación de Israel? Da ichacne porque ich mismo aIsraelpic
apixiñ. Jém an̄jatun̄wewe ījatun̄wewe jém Abraham. Ich antúmmitam jém
tribu de Benjamín. ² Dios da ichacne icutum jém ipixiñtam. Dende wiñgam
Dios iixpicpa jém Israelpic pixiñtam porque je im̄ichi. ¿Que da in̄jodon̄ jut
jaychacne jém Dios in̄mati ti in̄asca jém wiñicpic an̄matc̄wiñ jém Elías? Je
tsam̄ p̄imi iwágáypa Dios iga ichiñ castigo jém Israelpic pixiñtam. N̄mpa:
³ “Man̄jatun̄ Dios, jeeyaj iccaayaj jém in̄in̄matc̄wiñ, jém in̄matpáppic mich
in̄in̄mati. Imiswatyajt̄im jém altaryaj jut īj̄syajpa idic Dios. Ich ats̄y an̄cutum,
tsam̄ accaayajtoobatim mex aich.” ⁴ Pero Dios icutson̄. N̄mayta jém Elías:
“Ich anait̄ siete mil pixiñtam jém am̄m̄ichipic jém dapic icosteeñayaj jém
watnas jém Baal.” ⁵ Jesanetim̄ sīp ts̄yñeyaj algunos jém Israelpic pixiñtam
jém Diospic im̄ichi. Dios icupin̄, jeeyucmi iciacput porque tsam̄ tóyóypa.
⁶ Siiga icupin̄ porque tsam̄ tóyóypa, jesic da ī w̄iap icoñw̄iy. Cuando tachiit̄a
t̄um xaja, jesic da tanyojáypa jém tachiñew̄iip. Dios tacupin̄ porque tsam̄
tóyóypa, da porque tan̄w̄iwatne.

⁷ ¿Jesic ti in̄asca jém Israelpic pixiñtam? Tsam̄ imétsyajtip jutsap iw̄itsac jém
it̄anca. Tsam̄ jáyay da ipátayaj. Pero Dios icupin̄ algunos jém pixiñtam, da
más w̄ati, iga ipátayaj̄iñ t̄it̄am imétsyajpa. Pero los demás, Dios ichac iga más
icupicyajpa jém migooyi. ⁸ Jaychacnet̄a así jém Dios in̄mati: “Dios iccumón̄gáy
ij̄xi jém pixiñtam. Ichac iga icucuȳi, pero da ixixóypa. T̄atsiḡy, pero da
matón̄óypa. Asiam̄ iwatyajpa hasta sīp.” ⁹ Wiñgam n̄mpa jém David:

Jém̄ jin̄yay, jém iwatyajpáppic jém Israelpic pixiñtam, ts̄ȳpa juuts t̄um trampa,
juuts jém suycuy jém imatspáppic t̄um an̄imat.

W̄i iga ipictson̄pa jém castigo.

¹⁰ Cácht̄iap jém iixcuy iga odoy ixixóȳiñ.
Tsam̄ p̄imi ts̄im̄ane hasta wotne ituuñi.

Ciacputtaptim jém tungacpic pixiñtam

¹¹ ¿Tananjam iga actiñ jém Israelpic pixiñtam iga da eybic tsucum? Da jucha. Cuando tsam imalwatyaj, jesic Dios wiap iciacput jém tungac pixiñtam tsam jáyan. Siip wí siiga jém Israelpic pixiñtam icuixiñ ti iñascayaj jém tungacpic pixiñtam hasta que icusúníypatim. ¹² Cuando imalwatyaj jém Israelpic pixiñtam, jesic jém tungac pixiñtam ipictsonyaj jém wítampic riqueza. Cuando togoy jém Israelpic pixiñtam, jesic chiita derecho jém tungac pixiñtam iga tsíyyajiñ juuts Dios imíchi. Pero siip mannímáypa iga cuando núcpa jama iga tigiyyajpa eybic itumpiy jém Israelpic pixiñtam, jesic itpa tum maymáyají tsam pími.

¹³ Siip manañmadáypa mimichtam, jém tungacpic mipixiñtam, iga achiita tum mijpic cargo. Accámta juuts tum apóstol iga anañmadáypa jém wibic añmañti jém tungac pixiñtam, jém dapic de Israel. ¹⁴ Añwatpa así porque ich anímpa iga cuando iixyajpa jém antiwítam, tsam icusúníypatim jém wibic añmañti y núcpa jama iga ciacputyajtaptim jeeyaj. ¹⁵ Cuando Dios ichac jém Israelpic pixiñtam iga icupicyajpa jém migooyi, jesic jém tungac pixiñtam wiap ichíyyaj juuts amigo con Dios. Pero cuando núcpa jama iga jém Israelpic pixiñtam eybic tsíyyajpa juuts Dios ipixiñtam, jesic agui it maymáyají juuts cuando píspa tum píxiñ caanewiip. ¹⁶ Siiga Dios imíchi jém caxtánañi jém mojawip iwat jém panadero, jesic imíchitim itumpiy jém jaapi. Siiga Dios imíchi jém mero cuytichic, jém Abraham, jesic imíchitim jém cuy inçis jém Israelpic pixiñtam.

¹⁷ Jém Israelpic pixiñtam juuts tum olivos inçis. Algunos tinçujacta y mimichtam micámta jém olivos icuyyucmi juuts tum injerto jut it idic jém Israelpic pixiñtam. Mimichtam mijextam juuts jém cimarrón olivos. Siip michíy juuts jém nunta olivos. Mimatspacpa jém cuy. ¹⁸ Odoy jistaami iga más miwí que jém tungac añcis jém tinçujacnetawip. Siiga minicujiptap iñyaac, jistaami iga mich da immatspacne jém cuytichic, pero jém cuytichic mimatspacne mimich.

¹⁹ Siiga miñimpa: “Núma, tinçujacta jém olivos inçis iga accámtap aich juuts tum injerto”, ²⁰ it wí. Pero jistaami iga tinçujacta jeeyaj porque ichacyaj iga icupicpa Dios. Mich micámta porque inçupicpa. Jesic odoy nacujiptaji iñyaac iga agui wibic mipixiñ. Nawattají cuenta iga odoy michudiñ. ²¹ Porque siiga Dios da iyaachanjám jém nunta olivos inçis, jesic datim miyaachanjám tampa mimichtam siiga inwattámpatim jempic. ²² Ixtaami iga tsam tóyopa Dios, pero núcpa jama iga ichiiba castigo jém malopic pixiñtam. Jém ichacneyajwip iga icupicpa Dios ipictsonpa mijpic castigo, pero Dios tsam wí it con mimichtam siiga seguido inwattámpa juuts ixunpa Dios. Porque siiga inçactámpa iga inçupicpa Dios, jesic miñinçujactaptim juuts jém olivos inçis. ²³ Pero siiga jém Israelpic pixiñtam eybic icupicyajpa Dios, jesic accámtap eybic jém cuyyucmi juuts tum injerto. Porque Dios wiap iccám eybic ilugar jut it idic. ²⁴ Porque mimichtam mijextam juuts tum cimarrón olivos. Pero Dios wiap miccám juuts tum injerto jém wibic cuyyucmi. Pero más da táncpa iga iccámpa eybic jém olivos inçis jém imíchipic.

Ocmi ciacputyajtap jém Israelpic pixiñtam

²⁵ Mantiwitam, ansunpa iga jodónataami yíp jixi jém añnécnewiip idic. Odoy jistaami iga más mijixiyta que jém Israelpic pixiñtam. Dios ichac jém Israelpic pixiñtam iga más icupicyajpa jém miñooyi hasta que yajpa tigiyiyaj jém tunjacpic pixiñtam jutsañ icupiñne Dios. ²⁶ Jesic cuando iñascaaba así, Dios iciacputpa itumpiy jém Israelpic pixiñtam. Nimpa así jém Dios inmafi: Jém Ciacpudoypaap miñpa jém atebet Sión.

Accáyaytap jém malopic jixi jém Jacob imanictam, jém Israelpic pixiñtam.

²⁷ Ich anjycámáy iga añwatpa así cuando anaccáyáypa jém ampixiñtam itáñca.

²⁸ Pero jém Israelpic pixiñtam tsíyyaj hasta šiip enemigo con Dios porque ijóyixyajpa jém wibic añmafi. Cuando iwatyajpa así, jesic mimichtam michiiftamtap lugar iga immatonjtampa jém añmafi. Pero hasta šiip tsam itoypa Dios jém Israelpic pixiñtam porque wiñigam icupiñne jém ijatunweve ijatun iga tsíyyajiñ juuts imiichi. ²⁹ Jém tachiñewiip Dios da taccáyáypa. Jém icupiñneyajwiip Dios da nunca ichacpa iga iyoxpátpa. ³⁰ Wiñti mimichtam michiyta juuts rebelde, da inwatta juuts ixunpa Dios, pero šiip miyaachanjampa Dios porque jém Israelpic pixiñtam ichacyaj iga icupicpa Dios. ³¹ Jesanetim jeeyaj šiip tsíyyaj juuts rebelde, da iwatyaj juuts ixunpa Dios iga núcpa jama iga iyaachanjampatim Dios mex jeeyaj juuts miyaachanjampa mimichtam. ³² Ijícpa Dios iga imalwatyajpa itumpiy jém pixiñtam iga wiañi iyaachanjam itumpiy jém pixiñtam.

³³ Tsam mij jém Dios ijixi. Ijodon itumpiy cosa. Da i wiap icutiüyiy titam iwatpa Dios ni tiiga iwatpa así. ³⁴ Nimpa Dios inmafi:

¿I icutiüyiyapa jém Dios ijixi?

¿I ichi jixi jém tanjatun Dios?

³⁵ Itumpiy cosa je imiichi. Da i ichi ni ti iga icseedáypa.

³⁶ Porque Dios iwat itumpiy cosa. Ipimimi wadayta iga cujiptañ Dios. Cuando tanjspa ti iwat, da yajpa tanjcujiptámpa tanjatun Dios. Amén.

12

Wi iga tanchiiba Dios jém tamvida

¹ Jesic mantiwitam, tánixpa iga Dios tsam tayaachanjampa. Jeeyucmi mancunucsáypa iga inçijunçodáyñ Dios jém immijtay juuts tum sacrificio dapic caane, tum wibic xaja cuáyñe jém wiapaap ipictson Dios. Asiam iwianjam Dios iga tanjistamiñ. ² Odoy wattaami, odoy jistaami juuts jém malopic pixiñtam jém ityajwiip yíp naxyucmi. Cucaci jém inñjixi, pictsonaami jém jomipic jixi iga micjoomasettaiñ. Jesic wiap inçutiüyiy ti ixunpa Dios iga tanwattámpa, jém wibic cosa, jém dapic malo, jém iwianjampáppic Dios.

³ Dios acupin iga añcuyoxap jeeyucmi mannímáypa, odoy jistaami iga agui miwiap. Cada tumtum de mimichtam jistaami como tum pixiñ tsampic jixiñy. Siiga michiifta iga más inçupicpa Dios, jesic más mijpic cargo michiiba Dios.

⁴ Jesanetim juuts tammijtay. Wañti cosa tanait tammijtayyucmi. Pero da tumti yoxacuy iwatyajpa. ⁵ Jesanetim taichtam tsam tajáyanjam, pero tumti tamijtay porque tançupicnetim jém Cristo. Cada tumtum de taichtam tumti jém mijtayyucmi tapimane.

⁶ Dios tachiñe wañti yoxacuy juuts je iwianjam. Cada tumtum de taichtam wi iga tanwattamiñ juuts tachiñeta Dios. Siiga tachi jém yoxacuy

iga tanaŋmatpa jém Dios inŋmati, jesic wí iga tanaŋmadiñ juuts taŋcupic Dios. ⁷ Siiga tachiita jém yoxacuy iga taŋcuyoxatamiñ jém tantiwitam, jesic wí iga taŋcuyoxap. Siiga tachiita jém yoxacuy iga tanaŋquejáypa jém tantiwitam, jesic wí iga tanaŋquejáyiñ parejo. ⁸ Siiga tachiita jém yoxacuy iga tanaŋquejáypa jém pixiñtam iga más icupiguiñ, jesic wí iga taŋwattamiñ jempic. Jém iniitwip jém yoxacuy iga iwat jém Dios iyoxacuy con jém itumiñ, jesic wí iga ichiñ jáyan. Jém iniitwip jém cargo iga injacpa jém Dios ipixiñtam, jesic wí iga iwadiñ con itumpiy ianama. Jém iniitwip jém cargo iga iyoxpátpa jém yaachayajpáppic y jém mimnewip, wí iga iwadiñ con maymáyaji.

Jém icupicneyajwip Jesús tienes que iwíwatyajpa

⁹ Naittaami jém numapic tóyooyi con jém inñiwitam. Jóyixtaami jém malopic jixi. Seguido wíwattaami. ¹⁰ Natoytamtaji con jém inñiwitam juuts tum inñuntatiwi. Nawixtamtaji con itumpiy jém inñiwitam. Wí iga más inñoytamiñ jém inñiwitam que iga iminitoytap iñyaac.

¹¹ Odoy cutiñataami iga inwíwattámpa. Cuyoxataami jém tánomi con itumpiy iñanama.

¹² Maymáyataami porque ininjóctámpa jém jama cuando miñgacpa jém Cristo. Yaachiytaami cuando miyaachwattamtap. Seguido aŋwejpátaami Dios.

¹³ Yoxpaati jém icupicneyajwip Cristo, chiitaami titam itogóyáy. Wipictsoni jém miñyajpáppic juumi.

¹⁴ Wíwadaayi jém mimalwadaypáppic. Wágaayi Dios iga iwíwadáyíñ jém pixiñ. Odoy malnímaayi.

¹⁵ Maymáyataami con jém maymáyaajpáppic. Aŋyáctaami con jém anyácneyajwip.

¹⁶ Naittaami tumti jixi con jém tantiwitam. Odoy nacujíptaji iñyaac. Odoy cusúniyi iga más miwítpa que jém inñiwitam. Wínanigaayi jém pobreyaj. Odoy jisi iga más mijixíy.

¹⁷ Siiga i mimalwadáypa, odoy acseedaayi jém mal. Wadaytaami caso iga inwíwattamiñ jém pixiñtámanjom. ¹⁸ Wattaami jutspiy wíap inwíwatta iga odoy miñatamiñ con jém pixiñtam. ¹⁹ Mantiwitam mantoytampáppic, odoy tségaayi jém mimalwadaypáppic. Tsaci iga ichégáypa Dios. Ichiiba castigo jém mimalwadayñewip. Nimpa así jém Dios inŋmati: “Ich antségáypa jém imalwadayñewip jém ampixiñtam. Ich anáseedáypa jém mal. Nimpa tanjatun Dios.” ²⁰ Nímtim jém Dios inŋmati: “Siiga yuap jém iñenemigo, acwiici. Siiga níctitspa, acniici. Porque siiga inwíwadáypa jém iñenemigo, jesic agui pimi tsaap iga mimalwadayñe.” ²¹ Odoy juici iga micmalwatpa jém malopic jixi. Wíwadaayi jém malopic pixiñ iga incoñwíyíñ jém malopic jixi.

13

¹ Wí iga cada tumtum de taichtam taŋcupictamiñ jém anjagooyi, jém gobierno imiichi. Porque Dios ichi derecho jém anjagooyi iga injacpa jém pixiñtam. Dios iccám itumpiy jém anjagooyi. ² Jesic jém dapic icupicpa jém anjagooyi nicpa en contra de jém iccámnewip Dios. Jém nicpáppic en contra tienes que chiitap castigo. ³ Da i iccám jém anjagooyi iga icñiñ jém iwíwatpáppic. Pero jém malopic pixiñtam icñpa jém anjagooyi. Siiga da

inɔwɔnjam iga inɔinpa jém anjagooyi, jesic wɔwɔtɔ. Jesic miwɔixpa jém anjagooyi. ⁴ Porque Dios iccám jém anjagooyi iga iwɔtɔpa jém yoxacuy iga miwɔwadáypa. Pero siiga immalwatpa, cɔnɔi jém anjagooyi porque da ixajaaccám Dios jém anjagooyi. Iccám iga ichiiba castigo jém pixiñtam jém imalwatpáppic. Jém anjagooyi icuyoxap Dios iga ichiiba castigo jém pixiñtam jém imalwatnewiip. Jempigam ixunpa Dios. ⁵ Jeeyucmi wɔi iga tanɔcupictámiñ jém anjagooyi, da no más iga odoy tampictsoñiñ jém castigo, pero tanjɔspa tanjiximi iga tanɔwɔwatpa. ⁶ Jeeyucmi mimichtam iñyojtámpatim jém impuesto. Porque jém anjagooyi icuyoxap Dios cuando ichécpa jém tumiñ. ⁷ Yoji itumpiy jém ichécpáppic impuesto. Yojitim jém contribución. Naidaayi respeto jém anjagooyiyaj. Toyyajɔi.

⁸ Siiga iñjatsne algunos, jesic yoji hasta yajpa iñyoj. Pero da nunca yajpa tantoy jém tantɔwɔtam. Jém itoypáppic jém itɔwɔtam cupacpa iwɔt jém anɔquímayooyi. ⁹ Niɔmpa así jém anɔquímayooyi: “Odoj pejooyi. Odoj accaoooyi. Odoj nuumi. Odoj migóyaayi jém iñɔwɔtam. Odoj cusúniyi tunɔgac pixiñ imiichi.” Yip anɔquímayooyi con itumpiy los demás niɔmpa iga tantóyiñ jém tantɔwɔtam como taich mismo tanatoytɔp. ¹⁰ Jém tóyoypaap da imalwadáypa jém itɔwɔtam. Jesic siiga tannuntatoypa jém tantɔwɔtam, capsɔpa tanɔwat jém Dios inɔquímayooyi.

¹¹ Wɔi iga tanɔwɔtámpa así porque tanɔjodɔñ juchis hora taít. Wɔi iga tayustámiñ porque más nocojomum it jém tiempo iga taciacputpa Dios que cuando moj tanɔcupic jém Cristo. ¹² Siip cuyajtooba jém tsuu, quíimtooba jém jama. Wɔi iga tantsactámiñ iga tammalwatpa juuts iwɔtɔyajpa jém dapic icupicyajpa Cristo. Mojpɔ tanɔwɔwat. Tantsacpa iga tammalwatpa juuts jém imalwatɔyáppic piichcɔim. Mojpɔ tanɔwɔwat juuts tum soldado jém siipap juctianɔsoajom. ¹³ Wɔi iga tanɔwɔwattámiñ juuts jém siiyajpáppic siñi. Da tautámpa, da tanɔwattámpa jém malopic siñ. Da tanyamtsáyap tum yomo, odoy jisi jém malopic cosa. Da wɔi iga tanɔtámpa, odoy cuyóyiooyi. ¹⁴ Accaami jém wibic jixi juuts Jesucristo iixi iga miyoxpátpa iga da immalwatpa. Odoj malɔtɔi juuts iñjɔspa iñanamanjom.

14

Da wɔi iga tanɔcujyɔpa tum jém tantɔwɔi

¹ Siiga núc tum pixiñ jém dapic iwɔcupicne jém Cristo inɔquímayooyi, jesic pictsoñi. Odoj wogaayi jém pixiñ porque iñejacupicpa jém anɔquímayooyi. ² Algunos jém iwɔcupicneyajwiip jém Dios inɔmati ijsɔpa iga wiap icút ti quej. Pero it tunɔgac jém pixiñ iñejacupicpa jém Dios inɔmati, da icispa jém mayi, icútpa naps jém verduras. ³ Jesic jém icútpáppic itumpiy cosa odoy ijóyixiñ jém dapic icútpa. Jém dapic icútpa itumpiy cosa, odoy icujýyiñ jém itɔwɔi jém icútpáppic itumpiy cosa porque Dios ipictsoñpatim jém pixiñ. ⁴ ¿Mich miɔapaap iga inɔcujyɔpa jém tunɔgac pixiñ jém icuyoxapáppictim Dios? Solamente iQmi wiap iñim siiga wiputpa jém iyoxacuy o da wiputpa. Pero tienes que wiputpa porque jém tánQmi Cristo iyoxpátpa iga wipudiñ jém iyoxacuy.

⁵ Tum pixiñ ijsɔpa iga tum jama más mij que jém tunɔgac jama. Pero tunɔgac pixiñ ijsɔpa iga itumpiy jama jex. Cada tumtum pixiñ wɔi iga iixiñ ianamanjom siiga iwɔwatpa. ⁶ Jém ijspáppic iga tum jama más mij, ixutspa jém jama iga iwɔwadáypa tánQmi. Jém ijspáppic iga itumpiy jama jex,

iwɨwadáypatim jém tánQmi. Jém icútpáppic itumpiy cosa, iwɨwadáypatim jém tánQmi porque icujíppa Dios. Jém dapic icútpa itumpiy cosa, iwɨwadáypatim tánQmi porque icujíppatim Dios.

⁷ Ni tum de taichtam da tañcuřum tait yíp vida, cuando tacaaba datim tañcuřum nicpa taiti. ⁸ Siiga tavivo tañwatpa juuts ixunpa jém tánQmi Jesucristo. Siiga tacaaneum, tañwatpatim juuts je ixunpa. Jesic siiga tavivo o tacaaneum, tánQmitim tamichí. ⁹ Jeeyucmi ca jém Cristo y eybictim pis iga tsíyíñ juuts iQmi jém caaneyajwíppic y jém vivopic.

¹⁰ ¿Tiiga inñjspa iga imalwatpa jém inñtíwi siiga icútpa ti quej? ¿O mimich, tiiga inñjyixpa jém inñtíwi siiga da icíspa jém mayi? Porque núcpa jama iga tantumpiytam tacipinřamtap jém Dios iwiñjom jut cñpínjyopa tánQmi Jesucristo. ¹¹ Porque asiam jaychacnetá:

Nimpa tánQmi:

“Como ich avivo tienes que acosteeñáypa itumpiy jém pixiñtam, inřmatyajpa Dios iwiñjom ti iwatyaj.”

¹² Jesic cada tumtum de taichtam tienes que tanañmadáypa Dios ti tañwatne yíp naxyucmi.

Da wí iga tanacwatpa táñca tum tantíwi

¹³ Jesic da tañcujyipa jém tantíwítam. Más wí iga da tanacwatpa táñca tum tantíwi o iga da nunca tañcutitspa iga tanacmalwatpa. ¹⁴ Ich añwijodon iga wítam itumpiy jém wíccuy porque añquejayñe así jém tánQmi Jesucristo. Pero jém ijispáppic iga táñcaíy siiga icútpa algun wíccuy, jesic jém pixiñ táñcaíypa siiga icútpa. ¹⁵ Siiga pimi inřchiganjácwatpa jém inñtíwi iga inřcísipa jém mayi, jesic quejpa iga da mitóyóypa. Odoy octogoyi jém inñtíwi iga tsam inřcístooaba jém mayi porque accaata jém Cristo iga iciacpudiñtim jém inñtíwi. ¹⁶ Jesanetim siempre jisí ti inřwatpa iga odoy i imalnímáyíñ jém wibic añquímayooyi mich inřcuyucmi, aunque inřjodon iga da immalwatpa siiga inřcísipa jém mayi. ¹⁷ Siiga tatigiyñe con Dios ipixiñtam, jesic da ti cuwatcuy jém añquímayooyi ti wí tañcútpa y ti wí tánucpa. Pero siiga Diosam tamichítam, wí iga tañwíwadiñ y iga tañwínanigáyíñ jém tantíwítam. Tsam tamaymáyp porque tanaif Dios iAnama tánanamanjom. ¹⁸ Siiga asiam inřcuyoxatámpa jém tánQmi Cristo, tsam miwíxpa jém tañjatun Dios, miwíxyajpatim jém pixiñtam.

¹⁹ Jesic tammétstámpa jutsap tañwíwat iga tañwínanigáyíñ jém tantíwítam. Tammétstámpatim jutsap tanayoxpáttamtá iga más tañcutiyiytámiñ ti ixunpa Dios. ²⁰ Odoy octogóyaayi jém Dios iyoxacuy porque inñjspa iga inřcísipa algun mayi. Numa itumpiy jém wíccuy wí tañcís. Pero da wí inřcís jém mayi jém icwatpáppic táñca jém inñtíwi. ²¹ Wí iga da tañcísipa jém mayi y da tánucpa jém vino o tañwatpa tunřac cosa iga inřmalwatpa jém inñtíwi iga mojpa inřejacupic jém Dios inřmati. ²² Siiga inřcupicpa iga itumpiy jém wíccuy wí tañcís, jesic jisí mich inřyaac jém Dios iwiñjom. Tsam wítpa jém pixiñ siiga ijispa ianamanjom iga itumpiy wíccuy wí tañcís. ²³ Pero siiga algunos ijispa iga da wí tañcís, siiga icíspa, jesic táñcaíypa porque ijispa iga da wí tañcís. Titam tañjísipa iga da wí tañwat siiga tañwatpa, jesic tatáñcaíypa.

15

Wí iga tanyoxpátpa jém tantiwitam

¹ Taichtam como tanwícupicne jém Dios inmati, wí iga tanyaachíypa jém tantiwitam, jém dapic iwícupicne. Wí iga da tanwattámpa juuts taich tansunpa. ² Pero cada tumtum de taichtam wí iga tanwattámiñ juuts ixunpa jém tantiwitam. Tanwíwatpa, tanyoxpátpa iga más iwícutiíyíyíñ jém Dios inmati. ³ Porque jém tánQmi Cristo datim iwat juuts ixunpa iyaac. Inasca jém Cristo juuts nimpá jém Dios inmati: “ManJatun Dios, jém malopic pixiñtam, jém mijóyixyajpáppic, ajóyixpatim aich.” ⁴ Itumpiy jém Dios inmati wiñigam jaychacnetá iga tanquejáypa taichtam. Jém Dios inmati tsam tayoxpátpa iga tanyaachíyíñ cuando tayaachwattap iga odoy tanyáguíñ. Jeeyucmi tananjócpa jém jama iga tampictsonpa titam tajiyámayñe Dios. ⁵ TanJatun Dios tsam tayoxpátámpa iga tanyaachiytámiñ cuando tayaachwattap, iga odoy tanyáctámiñ. Sñp miyoxpátámpatim mimichtam iga tumti jixi iniittámiñ juuts tanquejáy tánQmi Jesucristo ⁶ iga tantumpiytam jempictim tançujíptámiñ tanJatun Dios, jém tánQmi Jesucristo iJatuním, jém iDiosim.

Anmadayta jém tungac pixiñtam jém wibic anmati

⁷ Jesic jempictim nawípicsonhtamtaji mimichtam juutstim taich tawípicson jém Cristo, jesic agui cujíptap jém tanJatun Dios. ⁸ Ich animpá iga oy iti yíp naxyucmi jém tánQmi Cristo juuts tum yoxacíwiñ iga icuyoxap jém Israelpic pixiñtam. Iccupaca itumpiy cosa juuts ijycámayñe Dios jém wiñicpic pixiñtam, jém ictsucumnewíp jém nación de Israel. Jempam tanquejáypa iga Dios da tamigóyáypa. Je iccupaca juuts tajiyámayñe. ⁹ Oy yíp naxyucmi jém tánQmi Cristo iga jém tungac pixiñtam, jém dapic de Israel, icujípyajiñ Dios porque tsam iyaachanjampa. Juuts nimpá jém Dios inmati: Jeeyucmi mançujíppa, manJatun Dios, con jém tungac pixiñtam, jém dapic de Israel.

Manwánáypa tum wañi iga mançujíppa.

¹⁰ Eybictim nimpá jém Dios inmati:

Maymáyataami jém dapic je miIsraelpic mipixiñtam.

Wagamaymáyataami con jém Dios ipixiñtam.

¹¹ Eybictim nimpá jém Dios inmati:

Cujíptaami Dios iñtumpiytam, jém dapic je miIsraelpic mipixiñtam.

Wí iga itumpiy pixiñtam icujípyajiñ Dios.

¹² Eybictim nimpá jém Isaías:

Anaypa eybic jém Isaí itjichic.

Jém wiñicpic pixiñ Isaí iocmanic manic eybic tsucumpa juuts anjagooyi iga injacpa jém tungacpic pixiñtam jém dapic je de Israel.

Jém tungacpic pixiñtam tsam injócyajpa iga tsucumpa jém anjagooyi.

¹³ Tanjodon iga Dios tawíwadáypa. Ich ansunpa iga Dios mimaymaywadiñ iga da ti incijpa iñanamanjom iganam incupictámpa Cristo. Ansunpatim iga Dios iAnama miyoxpátámiñ iga más y más iñjistámpa jém jama cuando cupaca itumpiy cosa juuts tajiyámayñe Dios.

¹⁴ Mantiwitam, anwijodon iga mimichtam tsam mitóyóypa y capsum micuyuji hasta wiap mininquejaytamtá con iñtíwítam. ¹⁵ Pero manjáyáy yíp

toṭo iga manañmadáypa juuts tum iñjatun iga odoy iñjaamanódiñ jém wibic añquímayooyi jém inçuyujcanewiip. Manjáyáypa así porque Dios acupiñne iga ¹⁶ anañmadáypa jém Jesucristo inçuímayooyi jém tungac pixiñtam jém dapic je de Israel. Cuando ananicpa juumi jém wibic añmaṭi iga Dios taciapcutpa, añcuyoxap Dios juuts jém wiñicpic pañijyaj icuyoxayaj Dios. Jém tungacpic pixiñtam cuando moj icupic Cristo, jeeyaj juuts tum xaja para Dios. Jesic Dios iAnama icujicháyáy jém pixiñtam ianama iga iwipictsóñiñ Dios.

¹⁷ Ich animpa iga wiṭput jém anyoxacuy jém añwadayñewiip Dios porque da ich añwat, jém Jesucristo ayoxpát. ¹⁸ Siip manañmadáypa solamente titam awadáy Cristo iga jém tungac pixiñtam, jém dapic de Israel, icupicyajiñtim mex jeeyaj. Moj icupicyaj cuando imaton jém añmaṭi, cuando iixyaj ti wiap iwat jém Cristo. ¹⁹ Ayoxpát iga wiap añwat jém milagro y jém cosa agui taámanjacpa. Dios iAnama iwatpatim jáyan wítampic cosa con ipimi. Capsum anañmat jém añmaṭi jutsap taciapcut jém Cristo dende Jerusalén hasta jém naxyucmi de Ilirico. ²⁰ Ich siempre añwianjam iga ananicpa jém wibic añmaṭi jém tungac lugar jut da i imatónayñe jém Jesucristo iñyi. Porque da añwattooba tum tic jém baseyucmi jém ičsucumnewiip tungac pixiñ. ²¹ Asíam niimpa jém Dios inṃmaṭi:
Jut da i queman inṃmat de je,
siip icutiyyiyajpa jém wibic añmaṭi.
Jém dapic oypa imaton,
siip ijodónayaj.

Jém Pablo nictooba Roma

²² Jeeyucmi da nunca wiap nicpa manjójáy aunque tsam anictooba idic. ²³ Pero siip cupacum anyoxacuy icutero yip lugar jut jém pixiñtam da idic imatonne jém Cristo inçuímayooyi. Como tsam wiñigam nictooba manjójáy, ²⁴ siip anjspa iga manjójñasáypa cuando anicpa España. Cuando yajpa manjójayta, jesic mimichtam ayoxpáttaami iga anicpa España. ²⁵ Pero siip anicpa Jerusalén. Nicpa anyoxpát jém tantiwitam, jém icupicneyajwiip Jesucristo. ²⁶ Porque jém Dios ipixiñtam jém ityajwiip jém naxyucmi de Macedonia y Acaya ijsiyajpa iga inṭuumawatyajpa tumiñ iga icutsadáypa jém tantiwitam, jém yaachayajpáppic jém atebet Jerusalén. ²⁷ Agui maymayaj iga wiap iyoxpátayaj. Ich animpa iga wiñim porque jém Jerusalénpic pixiñtam tsam iyoxpátim jém tungac pixiñtam jém dapic je de Israel. Ichiiyaj jém wibic añmaṭi. Jesic wi siiga jém tungac pixiñtam iyoxpátpa jém Jerusalénpic pixiñtam con jém itumiñ. ²⁸ Cuando yajpa añçijunçot yip tumiñ, jesic anicpa España. Jesic manjójñasáypa. ²⁹ Cuando anúc jemíc jut mütta, añwijodon iga tsam tawiwadaytampa jém tánQmi Jesucristo.

³⁰ Siip mantiwitam, iga tsam inçupicpa tánQmi Jesucristo y Dios iAnama michiñta jém wibic tóyooyi, mançunucsóypa iga añwejpádaytaami Dios para aich con itumpiy impimi. ³¹ Wágaayi Dios iga aciapudiñ iga jém dapic icupicyajpa Cristo jém naxyucmi de Judea da wiap amalwadáy. Ansunpatim iga jém tantiwitam, jém itwiip Jerusalén, ipictsonyajiñ jém xaja jém siipic ananigáypa. ³² Jesic siiga Dios ixunpa iga anicpa jemíc, agui amaymáypa cuando mánixpa mimichtam y ajejpatim con mimichtam. ³³ Siip tanjatun Dios, jém tachiipáppic jém wibic jixi tánanamanjom, miyoxpátamiñ mimichtam. Amén.

16

Anquímuyajtaq jém Pablo iamigoyaj

¹ Siip mananquímpa iga inwipictsonťamiñ jém tanyomťiwí jém Febe, jém icuyoxapáppic idic jém Dios ipixiñtam jém atebet Cencrea. ² Wipictsonťaaami yíp yomo jém tánomi Cristo iniyimi juuts siempre jém Dios ipixiñtam iwipictsonyajpa jém itiwitam. Yoxpáttaami, chiitaami titam itogóyáy. Porque yíp yomo tsam iyoxpát wati jém tantiwitam, tsam ayoxpátim mex aich.

³ Dioschitaami jém Priscila con jém iwídaya Aquila. Anwaganayoxata cuando anwatta jém Jesucristo iyoxacuy. ⁴ Jeeyaj aciacput jém ánenemigoyaj icijom hasta por uxaj accaataptim mex jeeyaj. Siip ich, con itumpiy jém Dios ipixiñtam, jém dapic je de Israel, annímaytampa iyucupdios jém Priscila y Aquila iga tsam ayoxpát. ⁵ Dioschitaamítim itumpiy jém Dios ipixiñtam jém antuumayajpáppic jém Priscila y Aquila iticcim. Watidioschi: jém tantiwí Epeneto, jém tsampic antoypa, jém mojwip icupic Cristo jém naxyucmi de Asia. ⁶ Dioschitaami jém Malía, jém tsampic pimi yoxap mimichtamanjom. ⁷ Dioschitaami jém Andrónico y Junias jém anticmipic pixiñtam. Awagapajtamta cárcel con jeeyaj. Agui wiap iwatyaj jém apóstol iyoxacuy. Icupicneyaj jém Cristo antes que danam ancupicne aich.

⁸ Dioschitaami jém Amplias jém wibic ánamigo porque icupicnetim Cristo. ⁹ Dioschitaami jém Urbano jém ancompañero, anwagacuyoxata jém Cristo. Watidioschi: jém ánamigo Estaquis, jém tsampic antoypa. ¹⁰ Dioschitaami jém Apeles jém tsampic cutístá siiga numa icupicne Cristo. Watidioschijaj jém ityajwip jém Aristóbulo iticcim. ¹¹ Dioschitaami jém Herodión, jém anticmipic pixiñ, con jém ityajwip jém Narcisco iticcim, jém icupicneyajwip tánomi Cristo. ¹² Dioschitaami jém Trifena y Trifosa, jém tsampic iwatyajpa jém Dios iyoxacuy. Watidioschitaami jém Pérsida jém tantoypáppic. Agui pimi icuyoxap jém tánomi. ¹³ Dioschitaami jém Rufo jém tsampic wiap con jém iapa. Jém yomo tsíytim juuts ich ánapa. ¹⁴ Watidioschijaj jém Asíncrito, jém Flegonte, jém Hermas, jém Patrobas, jém Hermes con itumpiy jém tantiwitam jém ityajwip con jeeyaj. ¹⁵ Dioschitaami jém Filólogo y Julia, jém Nereo con jém iyomťiwí, jém Olimpás con itumpiy jém Dios ipixiñtam jém ityajwip con jeeyaj.

¹⁶ Nadioschitamtajaj mimichtam con tum anñacatsuuchi juuts iwatyajpa jém Cristo ipixiñtam. Itumpiy jém Dios ipixiñtam jém antuumayajpáppic jutinjuej micutsadáypa watidios.

¹⁷ Siip mancunucáypa, mantiwitam, iga xpicťaaami jém pixiñtam jém nawéctapáppic jém Dios ipixiñtam. Inmatyajpa jém migooyi jém dapic jex juuts jém incuyujcanewip mimichtam. Odoj waganasijajaj jeeyaj. ¹⁸ Jexpic pixiñtam da icuyoxayajpa jém tánomi Jesucristo. Tsam imétsyajpa titam icusúníypa iyaac. Agui wiap inmatyaj juuts tum wibic pixiñ hasta imigóyáypa jém tantiwitam, jém dapicnam iwícupicne jém Dios inmaťi. ¹⁹ Jut quej jodónata iga mimichtam tsam incupictampa jém wibic anquímayooyi. Jeeyucmi agui amaymay con mimichtam. Ansunpa iga mijixiťamiñ iga inwíwattamiñ. Ansunpa iga michíypa juuts tum tsixi, jém dapicnam wiap imalwat. ²⁰ Jém tanjatun Dios da ixunpa iga itpa jém pleito. Da jáyñe iccutinpa jém Wocciwiñ

hasta naxyucmi iga michtam wiap inçunepquet con jém impuy. Siip tánQmi Jesucristo miwíwadaytámiñ.

²¹ Micutsadaytámpa wátidios jém Timoteo, jém anwaganayoxapaap. Midioschitamtoobatim jém Lucio, jém Jasón y jém Sosípater, jém anticmipic pixiñtam.

²² Ich aTercio, ançimi manjáyáypa yíp toto iganam apimíypa jém Pablo. Mançtsadáyypam wátidios inñumpiytam jém tánQmi Cristo inñiyimi.

²³ Micutsadáypatim wátidios jém Gayo, jém anucsayñewiip itic. Jemtim ançuumayajpa jém Dios ipixiñtam. Midioschitámpatim jém tantíwi Cuarto y jém Erasto, jém tesorero de yíp attebet.

²⁴ Siip jém tánQmi Jesucristo miwíwadaytámiñ mimichtam inñumpiytam. Amén.

Juumi núc jém wibic anmatí

²⁵ Siip tançujíptámpa jém tanJatuj Dios. Je wiap miwatta cuenta iga odoj inçhactámiñ iga inçupictámpa Jesucristo. Tanjodon iga wiap porque asiam nimpá jém wibic anmatí, jém ichpíc ananmatpa, jém Jesucristo inçuímayooyi, jém siippic Dios tanquejayñe. Anécne idic yíp ançuímayooyi dende wiñigam antes que Dios iwat yíp nas. ²⁶ Pero siip tanquejayñeum con jém Dios inmatí, jém ijaychacnewiip jém wiñicpíc anmatçiwíñ, porque asiam ipimíy tanJatuj Dios, jém dapic nunca cuyajpa. Siip itumpiy pixiñtam icuwíti yíp naxyucmi ijodonayajum jém cosa, jém dapic idic i ijodon, iga icupicyajiñ Cristo, iga iwatyajiñ juuts nimpá jém Cristo inçuímayooyi.

²⁷ Siip tançujíptámpa jém tanJatuj Dios jém tumpic, jém tsampic jixíy. Tançujíptámpa para siempre porque tánixpictámpa jém tánQmi Jesucristo. Amén. Jemum cuyaj.

Jém wiñtipic carta jém ijáyayñewiip Pablo jém Corintopic pixiñtam

Jém Pablo ijáyaypa jém Dios ipixiñtam jém atebet Corinto

¹ Ich aPablo. Dios añwejayá iga atsíy juuts tum apóstol. Acutsat iga nicpa anañmat jém tánQmi Jesucristo inmatí. Asíam iwianjam Dios. Siip ich con jém tantíwi Sóstenes manjáyaytampa mimichtam, ² jém minjtuumatampáppic iga injístampa Dios jém atebet Corinto. Mimichtam Dios mimichitam porque Cristo micujicháyáy inñama. Dios miñwejayta iga michiytamiñ juuts je mimichi, wicuáyñeum inñama. Imichitim itumpiy jém pixiñtam jém inwejpátyajpáppic Dios jém tánQmi Jesucristo inñiyimi porque jém Cristo imichapitim jém tungac pixiñtam jextim juuts taichtam. ³ Siip jém tanjatun Dios y jém tánQmi Jesucristo miwíwadaytamiñ, michiítamiñ paz.

Jém tánQmi Cristo tsam tawíwadáypa

⁴ Siempre anchiiba gracia Dios para mimichtam iga Dios miwíwadayñe cuando moj incupic jém Jesucristo. ⁵ Dios michiiba itumpiy jém wítampic riqueza porque Cristo mimichitam. Miyoxpáttampa iga wiñiñ ininmat parejo jém Dios inmatí. Miyoxpáttampatim iga inwicutiñiyiñ itumpiy jém wibic jixi. ⁶ Manacjodónata ti wiap miwadáy jém Cristo y jempigam inñasca. ⁷ Dios michi itumpiy jém wítampic xaja iga odo y ti mitogóyayñ iganam ininjóctampa jém jama cuando miñgacpa jém tánQmi Jesucristo. ⁸ Dios mimatspacpa icijom iga odo y inchaguñ jém Dios inmatí hasta jém inañpigam jama. Jesic da i wiap miñímáy iga mitañcaíy jém jama cuando miñgacpa jém tánQmi Jesucristo. ⁹ Jém tanjatun Dios siempre iccupacpa juuts tajiyćamayñe. Iyaac miñwejayta iga miwiganaittampa jém Dios iManic jém tánQmi Jesucristo.

Nawécayta jém Dios ipixiñtam

¹⁰ Siip, mantíwítam, michtam jém tánQmi Jesucristo mimichitam, jeeyucmi mancunucáypa iga miittamiñ de acuerdo iga odo y miniwéctamtáñ. Más wi iga inwinanigaytamiñ itumpiy jém tantíwítam. Ansunpa iga iniittamiñ tumti jixi y tumti inñama. ¹¹ Mannímáypa jempic, mantíwítam, porque jém Cloe itíwítam anímayyaj iga tsam it pleito entre mimichtam. ¹² Siip mannímáypa iga cada tumtum de mimichtam miñimtámpa tungac cosa. Tum nampa iga: “Ich antúníypa jém Pablo.” Tungac nampa iga: “Ich antúníypa jém Apolos.” Tungac nampa iga: “Ich antúníypa jém Peto.” Tungac nampa iga: “Ich antúníypa jém Cristo.” ¹³ ¿Que wécne jém Cristo? ¿Que cunúnta cunusyucmi jém Pablo para mimichtam? ¿Que micchintanta mimichtam jém Pablo inñiyimi? ¹⁴ Anchiiba gracia Dios iga da manacchiñe ni tum de mimichtam, solamente jém Crispo y jém Gayo. ¹⁵ Jesic da i wiap inñim iga acchiñeta ich anniyimi. ¹⁶ Anacchiñtim jém ityajwiip jém Estéfanas iticcim. Da anjspa siiga anacchiñe tungac más. ¹⁷ Ich da acutsat jém Cristo iga acchíyópa. Acutsat iga anañmadayñ jém pixiñtam jém wibic añmatí iga Dios iciaçputpa. Pero da anañmatpa con jém añmatí jixiywip, jesic da i wiap inñim iga da ti cuwatcuy iga accaata cunusyucmi jém Cristo.

Cristo je jém Dios ipimi y jém Dios ijixi

18 Jém togoyñeyajwip ijisyajpa iga da para ti wi jém anmati iga accaata Cristo cunusyucmi. Pero taichtam, jém taciacputnewip Dios, tanjodon iga yip anmati tsam iniit jém Dios ipimi. 19 Porque nimpa jém Dios inmati jém jayñewip:

Anaccuyajáypa jém sabioyaj ijixi.

Anactogóyáypa jém jixiywip ijixi.

20 Jesic da para ti wi jém sabioyaj, ni jém tsampic wicuyujne, ni jém aguipic wip inmat yip naxyucmipic jixi. Porque Dios ichac iga tsam cuixi jém iniitwip yip naxyucmipic jixi, porque yip jixi da tayoxpátpa, da tacnúcpa jut it Dios. 21 Tanjatun Dios ijodon itumpiy cosa. Jeeyucmi nimpa Dios iga jém pixiñtam da nunca wip ipát Dios ijiximi. Iwanjam Dios iga iciacputyajpa jém pixiñtam siiga icupicyajpa jém inmatpáppic jém Dios inmati. Jeetim anmati, jém ninyajpáppic iga da para ti wi.

22 Jém Israelpic pixiñtam siempre iixyajtooba tum milagro como seña. Jém griegopic pixiñtam siempre imétsyajpa iga icutiyyajiañ yip naxyucmipic jixi. 23 Pero taichtam tanañmadáypa jém pixiñtam iga accaata jém Cristo cunusyucmi. Jém Israelpic pixiñtam tsam pimi ijóyixyajpa yip anmati. Jém tunjac pixiñtam jém dapic je de Israel ninyajpa iga da para ti wi. 24 Pero itumpiy jém pixiñtam jém icupineyajwip Dios, siiga Israelpic pixiñtam o dapic je de Israel, ijodonyaj iga jém tánQmi Cristo iniit itumpiy jém Dios ipimi y iniit itumpiy jém Dios ijixi. 25 Ninyajpa jém pixiñtam, jém dapic icupicpa Dios inmati, iga jém Dios ijixi da para ti wi. Pero jém Dios ijixi más wi que itumpiy jém pixiñtam ijixi. Ninyajpatim jém pixiñtam iga jém tanjatun Dios da iniipimi, pero je más iniit ipimi que itumpiy jém pixiñtam. 26 Jesic, mantiwitam, jistaami juutspic mipixiñ idic cuando tanjatun Dios miñwejáy. Da wati de mimichtam tsam inwicutiyyatampa yip naxyucmipic jixi. Da wati de mimichtam tsam miwip. Da wati de mimichtam mijpic anjagooyi jém injatun. 27 Pero tanjatun Dios icupin jém pixiñtam jém dapic jixiy iga ichaawatpa jém jixiywippic. Cupin jém pixiñtam jém dapic ti wip iwat iga ichaawatpa jém tsampic wip. 28 Dios cupin jém pixiñtam jém dapic iwixpa jém itiwitam. Cupin jém pixiñtam jém tsampic jóyixatp. Cupin jém pixiñtam jém dapic para ti wi. Jesic con jeeyaj Dios icoñwíypa jém pixiñtam jém tsampic wip. 29 Jempam iwat Dios iga odoy i wiañ inicujipta iyaac jém tanjatun Dios iwiñjom. 30 Pero Dios mismo micupineta iga michiytamiñ juuts jém Jesucristo mimichitam. Ixunpatim Dios iga jém tánQmi Cristo michiitamiñ jém más wibic jixi. Tayojáytim tantanca iga wiañ tanuc jut it Dios. Tacujicháyayfa tánanama y taciacputneum. 31 Jeeyucmi nimpa así jém Dios inmati jém jayñewip: “Odoy nacujiptaj iñyaac. Más wi iga inculjptamiñ tanjatun Dios porque tsam miwíwadayne.”

2

Inmatpa jém Pablo iga accaata cunusyucmi jém Cristo

1 Mantiwitam, cuando oy manañmadáy ti iwat Dios, da manañmadáy jém mijtampic anmati ni mijtampic jixi. 2 Jesic cuando jáy aiti con mimichtam anjspa iga da ti más manañmadáy, solamente manañmadáy jém tánQmi

Jesucristo inqúimayooi iga accaata jém Cristo jém cunusyucmi iga tayojáy tantánca. ³ Cuando tawagait con mimichtam, casi da ti wíap anwat. Tsam acínpa, acuetsáypa. ⁴ Da manañmadáy jém mijtampic anmati juuts inmatyajpa jém pixiñtam jém dapic icupicyajpa Dios. Pero cuando oy manañmadáy jém Dios inmati, quejpa iga tsam ayoxpátpa jém Dios iAnama. Tsam achiiba jém Dios ipimi. ⁵ Mimichtam da incupictámpa Cristo porque iga inwianjamta jém pixiñtam ijxi, pero incupictámpa Cristo porque Dios minquejáy jém ipimi.

Dios iAnama tayoxpátpa iga wíqñ tancutiíy jém Dios inmati

⁶ Pero anañmatpa jém tsam wibic jixi entre jém icupicneyajwüp parejo jém Dios inmati. Yíp da jex juuts jém jixi jém inütwüp jém sabioyay jém yípic naxyucmi. Datim jex juuts yíp naxyucmipic anjagooyiyay ijxi jém dapic jáyñe cuyajpa. ⁷ Pero anañmattámpa jém jixi jém achiñewüp Dios, jém dapic i wíap ijodóna porque añécne idic jém jixi. Dios ijis dende wiñe antes que iwat yíp nas. Nimpa iga cuando núcpa jém jama, tachiitámpa jém vida jém dapic cuyajpa. ⁸ Ni tum jém mijpic anjagooyiyay yíp naxyucmi da icutiíyipa jém anmati jém añécnewüp, meega icutiíyiyajpa, jesic da iccaayajpa cunusyucmi jém tánQmi Jesucristo jém Miññewüp Sinyucmi. ⁹ Asíam nimpa jém Dios inmati jém jayñewüp:

Da i iix, ni da i imaton, ni datim i icutiíyipa ianamanjom titam ijispa Dios iga tachiitámpa.

¹⁰ Pero Dios icutsat iAnama iga tacjodónata titam tachiiba. Porque Dios iAnama iwicutiíyipa itumpiy cosa. Numa icutiíyipa itumpiy jém Dios ijxi jém más mijpic.

¹¹ Entre jém pixiñtam da i wíap icutiíyí ti ijispa tungac pixiñ ianamanjom, solamente jém pixiñ iyaac ijodon ti ijispa ianamanjom. Jesapim solamente jém Dios iAnama ijodon itumpiy jém Dios ijxi. ¹² Taichtam da tampictsonneta yíp naxyucmipic jixi, pero tampictsonneta jém Dios iAnama iga tancutiíyítamiñ titam tachiiba Dios porque je da malo. ¹³ Y aichtam süp anañmadáypa jém pixiñtam titam tachiiba Dios. Da anañmatpa con yíp naxyucmipic jixi, pero anañmatpa con jém jixi jém achiñewüp Dios iAnama. Anañquejáypa Dios inmati jém pixiñtam jém inütwüp jém Dios iAnama, jesic wíap icutiíyiyaj.

¹⁴ Pero jém pixiñ jém dapic inij jém Dios iAnama da imatontooba titam tanquejáy jém Dios iAnama porque jexpic pixiñ ijispa iga da para ti wí yíp anqúimayooi, datim wíap icutiíyí. Siiga Dios iAnama da iyoxpátpa, da wíap icutiíyí jém Dios inmati. ¹⁵ Pero jém pixiñ jém inütwüp jém Dios iAnama ijodon jup jém wibic jixi y jup jém malopic. Pero da i icüpinpa jém pixiñ. ¹⁶ Nimpa jém Dios inmati jut jayñeta: “Da i wíap icutiíyí jém tanjatun Dios ijxi. Da i wíap ijixianchiíy Dios porque je más wíap que itumpiy jém pixiñtam.” Pero taichtam tanaidáy jém tánQmi Jesucristo ijxi.

3

Wagayoxayajpa jém Dios iyoxac#wiñ

¹ Süp, mantiwitam, da wíap manañmadáy itumpiy jém Dios inmati juuts jém inütwüp jém Dios iAnama. Manañmadáypa juuts jém pixiñtam jém dapic

cucacne ijixi. Mimichtam mijextam juuts jém pixiñtam cuando yaguiñ icupicpa jém Cristo, juuts jém xuxut tsixtam. ² Mananquejáypa jém anmatí dapic tánca iga wiañ incutiyíy porque mijex juuts tum xutu tsixi jém tsúspáppicnam. Michtam da wíap incút jém wíccuy jém tachii páppic pími. Hasta síp da wíap incúttá. ³ Danam inñachaceta jém malopic jixi, tsam iniit jooya inñamanjom. Tsam mñatámpa. Tsam miniwéctamtap. Quejpa iga da inñacacne jém malopic jixi. Inwattámpa mal juuts jém pixiñtam jém dapic icupicneyaj Cristo. ⁴ Cuando tum de mimichtam miñampa iga: “Ich antúnjyppa jém Pablo” y tungac nimpá iga: “Ich antúnjyppa jém Apolos”, jesic quejpa iga síp inwatta juuts jém pixiñtam jém dapic icupicpa jém Cristo.

⁵ ¿Que iapaap jém Pablo? ¿Que iapaap jém Apolos? Aichtam no más manyoxpáttámpa iga incupictámiñ Cristo. Cada tum tum de aichtam anwattámpa juuts anquejayta jém tánQmi Jesucristo. ⁶ Ich anñij tum pac. Jém Apolos imujpa. Pero Dios icmijap jém planta. ⁷ Da ti jém inñippáppic jém pac ni datim ti jém imujpáppic, pero tanjatun Dios wíap icmijap jém planta. ⁸ Jém ñippáppic y jém imujpáppic icuistic jextim. Dios iyojpa cada tumtum según jém iyoxaji. ⁹ Aichtam ancuyoxatámpa Dios. Mimichtam mijex juuts jém Dios inñas iga Dios síp iyoxaca. Michtam mijex juuts tum tic jém Diospic síp iwat. ¹⁰ Dios tsam ayoxpát iga wiañ anwat jém yoxacuy. Ich atsíy juuts tum maestro albañil. Ich antsajpa jém base jut pímap jém tic anjaana. Jesic tungac yoxaciwiñ icteñpa jém tic jém baseyucmi. Ich ansunpa iga cada tumtum jém yoxaciwiñ iwadiñ cuenta iga wípudiñ jém iyoxacuy. ¹¹ Da i wíap iwat tungac base jut pímap jém tic que jém watnetawíppigam. Jém base je jém Jesucristo mismo. ¹² Tum pixiñ wíap iwat jém tic jém baseyucmi de jém oro y plata y jém wíbic tsaayaj. Wíaptim iwat jém tic de waycuy, de sóc y de jém pocyaj. ¹³ Pero núcpa jém jama cuando tanjatun Dios icmijap jém tanyoxaji. Icutitspa con jucti, jesic quejpa siiga tanwíwatne o da tanwíwatne. ¹⁴ Siiga tanyoxaji iyaacháypa jém jucti, jesic tayoxtap porque wíput jém tanyoxaji. ¹⁵ Siiga jípsquetpa tum pixiñ iyoxaji, togoypa itumpiy jém iyoxaji. Por uxan jípsquetpatim mex je, pero ciiputpa.

¹⁶ ¿Que michtam da inñodonjam iga mijextam juuts tum Dios imastic? Jém Dios iAnama it inñamanjom. ¹⁷ Siiga i imiswatpa jém Dios imastic, jesic Dios ichiiba tum mijpic castigo hasta iccaanaspa jém pixiñ. Porque cuáyñeum jém Dios imastic, da i tánca. Mimichtam jém Dios mimastic.

¹⁸ Odoy namigóyaytaji inyaac. Siiga tum pixiñ ijispa iga tsam jixíy, jesic namigóyaytap iyaac. Más wí iga tsíyppa jém pixiñ juuts tum pixiñ da ti wíap, jesic Dios ichiiba jém wítampic jixi iga numa wiañ icutiyíy itumpiy cosa. ¹⁹ Dios nimpá iga da para ti wí jém pixiñtam ijixi jém itwíip yíp naxyucmi. Nimpá así jém Dios inmatí jém jayñetawíip: “Dios icoñwíyppa jém sabioyaj, con jeetim ijixi iccutiñpa.” ²⁰ Nimpatim jém Dios inmatí: “Dios ijodon ti ijisyajpa jém sabioyaj. Ijodon iga da para ti wí jém ijixi.” ²¹ Jeeyucmi manñimáypa iga odoy jasi inñamanjom iga agui wíbic mipixiñ iga inñúnjyppa algun pastor. Jodónataami iga itumpiy cosa michtam immiichi. ²² Dios michiita jém Pablo, jém Apolos y jém Peto iga miyoxpátpa. Immiichitim itumpiy jém Dios iwati. Siiga mivivo o micaaneum, siiga síp o joymi, itumpiy

cosa michtam immichitam. ²³ Y mimichtam jém tánQmi Cristo mimichitam. Y jém Cristo je jém tanjatun Dios imichi.

4

Jém apóstol iyoxacuy

¹ Ansunpa iga jém pixiñtam icutiyyajaiñ iga ichtam añcuyoxatámpa jém tánQmi Cristo. Acutsattamta iga anañmattamiñ jém añmañi de Dios jém añnécnawip idic. ² Cuando chiita tum pixiñ algun cargo siempre ixunpa jém iomi iga iwíwadiñ jém pixiñ juuts ixunpa jém iomi. ³ Ich da añwadáypa caso siiga michtam o cualquier pixiñ acipinpa siiga añwíwatpa o da. Ni aich datim anacipinpa anyaac. ⁴ Da anjampa añjixianjom iga ammalwatne, pero da animpa iga da atáñcaiy. No más jém tánQmi Jesucristo wíap acipin. ⁵ Jeeyucmi mannimáypa, odo y nimi iga tum pixiñ táñcaiy hasta jém jama cuando miñgacpa jém tánQmi Cristo. Jesic iyicquejpa itumpiy cosa jém añnécnawip piichcim. Anquejta jém pixiñtam ijixi jém itwíp iñamanjom. Jesic Dios icujíppa itumpiy jém pixiñtam jém iwatyajpáppic juuts ixunpa Dios.

⁶ Mantíwítam, mannimáypa así iga manyoxpátpa. Atsíypa juuts tum ejemplo con jém Apolos iga iñjodónatamiñ jutsap inwatta juuts nimpa jém Dios inmañi jém jayñewip. Porque da wí siiga tsam inçujíptámpa tum accuyujoypaap y tunçac accuyujoypaap iñjoxitámpa. ⁷ ¿I miñimáy iga más wibic mipixiñ que jém tunçac? ¿Que da iñjisa iga Dios michiñe itumpiy cosa jém iniitwíp? ¿Jesic tuga minicujíptap iñyaac juuts mich mismo iñjisa iga impictsonne iñyaac titam michiñe Dios?

⁸ Mimichtam iñjistámpa iga tsam miricotam iga iniitta itumpiy cosa jém inwianjampáppic. Iñjispatim iga mijextim juuts tum rey. Asíam inwattámpa cuando da aita con mimichtam. Agui numa wí meega mirey, jesic tanwagaanjacpa yíp naxyucmi. ⁹ Pero aichtam, jém aapóstoltam, Dios atsacta tuuñiançim juuts acaatooba. Aixyajpa jém sinyucmipic pixiñtam y jém ityajwíp yíp naxyucmi. ¹⁰ Ijisyajpa jém pixiñtam iga agui acuxítam porque anañmattámpa jém Cristo inçuímayooyi. Mimichtam iñjisa iga tsam inwicutiyyípa jém Cristo inçuímayooyi. Aichtam atsíytámpa juuts da ti awíap, pero mimichtam iñjistámpa iga agui miwíatámpa. Aichtam tsam ajóyixtamta, pero michtam tsam miwíxtámpa jém pixiñtam, jém dapic icupicyajpa Cristo. ¹¹ Hasta siip aichtam ayuatámpa, anictitstámpa, yajtooba jém anyooti, pími acófstamta, da anaíta antic. ¹² Ayoxatámpatim çimi hasta pími asopstámpa. Tsam amalmalnimaytamta, pero da anáseedaytámpa, mas añwagáypa Dios iga iwíwadáyñiñ jém amalnimayyáppic. Cuando pími amalwadaytamta, anyachiytámpa. ¹³ Jém pixiñtam inmatyajpa malopic cuento de aichtam, pero choçoymi ananjijactámpa. Nimyajpa iga da ti acuwatcuy. Hasta siip atsíytámpa juuts tum puchi jém ipatsayyáppic jém pixiñtam.

¹⁴ Da manjáyáypa iga mantsaawattámpa, pero manjáyáypa juuts mammanictam. Manchiitámpa jixi porque tsam mantoytámpa. ¹⁵ Aunque iniitta tsam jáyan jém maestroyaj, jém minquejaypáppic jém Cristo inçuímayooyi, tanjodon iga nada más tum jém injatun. Michiytámpa juuts

mammanictam porque mammaniga cuando oy mananmadayta jem Cristo inquimayooyi. ¹⁶ Jesic mancunucsaypa iga inwattamiñ juuts ich anwatpa.

¹⁷ Jeeyucmi mancutsadáypa jem Timoteo jem tsampic antoypa porque je tsíy juuts tum annuntamanic cuando icupic jem Cristo. Je micjístampa jutsap anwat juuts ixunpa jem Cristo. Yíptim anquimayooyi ananquejayne icuwiti yíp naxyucmi jut Dios ipixiñtam antuumayajpa. ¹⁸ Algunos de mimichtam tsam minicujítpa inyaac. Injístampa iga da eybic nicpa manámta. ¹⁹ Pero da jáyñe nicpa manámta siiga Dios ixunpa. Nicpa anámcoñwáy jem pixiñtam jem tsampic nacujítpa iyaac. Anixtooba siiga numa wiap iwatyaj juuts nimyajpa cuando nacujítpa iyaac. ²⁰ Tsam wiquejpa jut injacpa Dios jem pixiñtam porque jem wibic anquimayooyi da naps jiyi, pero iníttim Dios ipimi. ²¹ ¿Jesic ti inwanjamta? ¿Que inxunpa iga miñpa manchiita castigo? ¿O inwanjamta iga chocoymi mananmadáypa con jem wibic tóyooyi?

5

Jém Pablo icipiñ jem pejoypáppic

¹ Anjodónaneta iga tum de michtampic ichayane jem ichiñapa. Tsam pimi imalwatne hasta tum de jem pixiñtam, jem dapic icupicyajpa Dios, datim iwianjam iga iwatpa jempic. ² ¿Tiiga tsam minicujítpa inyaac? Más wi iga minyáctamiñ. Quebacputtaami jexpic pixiñ mimichtamanjom. ³ Numa, da manwaganaitta con ammitay, pero manwaganaitta con ananama. Siip ancipiñneum jem pixiñ jem pejoypáppic juuts jesic manwaganaitta. Wi iga chiitap castigo. ⁴ Mimichtam antuumataami jem tánomi Jesucristo iniyimi con jem Jesucristo ipimi. Ich manwaganaitim con ananama. ⁵ Jesic quebacputtaami jem malopic pixiñ. Cijunçoti jem Wocçwiñ icijom iga imiswadáyñi jem imitay. Jesic cuando miñgacpa jem tánomi, iciacpudáypa jem ianama.

⁶ Da wi iga minicujítpa inyaac porque tsam immalwatne. ¿Que da injodon iga uxan levadura icipa itumpiy jem jaapi? ⁷ Jesic patsaytaami jem pecapic levadura jem mimalwadaypáppic, tsíytaami como jem jomipic jaapi, juuts jem caxtánañi jem watnewip sin levadura, jem icútyajpáppic jem pascuasij. Porque accaata jem Cristo iga tayojoyta tantánca, jesaptim juuts jem mañborrego jem accaatapáppic jem pascuasij. ⁸ Jesic tasinatampa jem pascuasij con jem caxtánañi jem dapic iniñ levadura. Tampictampa jem wibic jixi, jem dapic migooyi, jem dapic motne con jem pecapic levadura. Yíp nimtooba itumpiy jem malopic jixi.

⁹ Jém tunjac toto manjáyayne iga mannímáy iga odoy waganasiñ tum pixiñ siiga nimpaga iga icupicpa Cristo, pero pejóypa. ¹⁰ Ich da animtooba iga inñuntatsaganpudiñ jem malopic pixiñtam, jem pejoypáppic, jem tsampic icusúnyajpa jem itiwitam imiichi, jem númyajpáppic, jem ijsiyajpáppic jem watnas, porque siiga tannuntatsaganputpa itumpiy jexpic pixiñtam, tienes que taputpa yíp naxyucmi porque jutquej it jem malopic pixiñtam. ¹¹ Pero siip manjáyaypa iga mannímáypa, odoy waganasiitaami tum pixiñ jem nimpáppic iga icupicpatim Cristo siiga pejóypa jem pixiñ, siiga icusúnyapa jem tunjac pixiñ imiichi, siiga ijsiyajpa jem watnasyaj, siiga tsampic anjatero, siiga tsam ucpa o siiga númpa. Da wi iga tanwaganawíctampa jexpic pixiñtam.

12-13 Porque ich da i accámne juuts tum juez iga añcipinpa jem pixiñtam jem dapic icupicyajpa jem Cristo. Tanjatun Dios icipinpa jexpic pixiñtam. Pero mimichtam wiap inçipinta jem pixiñtam jem icupicneyajwip jem Cristo. Jeeyucmi mannímáypa iga toptaami jem malopic pixiñ jem itwip con mimichtam.

6

Jutsap tanwitsac jem pleitoyaj

¹ Siiga tum de mimichtam iniit algun pleito con tunzac jem tantiwí, ¿que da michaap iga inñapa jem tantiwí jem anjagooyicim jut it jem anjagooyi jem dapic icupicpa Dios? Más wí iga inwitsacpa jem pleito con jem Dios ipixiñtam. ² ¿Que da inñodonam iga núcpa jem tiempo iga jem Dios ipixiñtam icipinyajpa yíp naxyucmic pixiñtam? Siiga inçipintámpa jem pixiñtam, jem ityajwip yíp naxyucmi, ¿jesic tiiga da wiap inwitsac tum pleito dapic juchan? ³ ¿Que da inñodonam iga núcpa jem jama iga tançipinpatim jem sinyucmic pixiñtam? Jesic tiiga da más wiap tanwitsac tum asunto jem siipic it. ⁴ Siiga michtam iniit algun pleito, ¿tiiga miñictámpa jem anjagooyicim iga inwitsacpa? Porque jem anjagooyiyaj da ti cuwatcuy para con jem Dios ipixiñtam. ⁵ Mannímáypa iga michaatamiñ mimichtam. ¿Que da i ni tum de mimichtam jem wíapaap iwitsac jem pleito? ⁶ ¿Tiiga inquejajwadáypa tum jem tantiwí jem anjagooyicim? Porque jem anjagooyiyaj da icupicneyaj Cristo.

⁷ Cuando inwattámpa jempic, quejpa iga da capsne incupic jem Dios inmati. Da wí iga miniquejajwadaytamtap con jem tantiwítam. Más wí iga inyaachiyiñ iga mimalwadaytap y iga micunúmaytamtap. ⁸ Pero mimichtam inyaac immalwadaytámpa jem tantiwítam, incunúmaytámpatim.

⁹ ¿Que da inñodonam iga jem malopic pixiñtam da wiap itigiyyaj jut injacpa Dios? Odoy jicci iga i mimigóyápa. Da wiap itigiyyaj jut injacpa Dios jem pejoyajpáppic, ni jem ijisyajpáppic jem watnas, ni jem iyamtsaayapaap tum yomo o tum woñi, ni jem pixiñ jem tsíyapaap juuts yomo, ¹⁰ ni jem númyajpáppic ni jem icusúniypáppic tunzac pixiñ imuchi, ni jem tsampic ucayja, ni jem imotsyajpáppic jem itiwítam, ni jem imalwadaypáppic. Jeeyaj da tigiyajpa jut injacpa Dios. ¹¹ Algunos de mimichtam mimalotim idic juuts jeeyaj. Pero siip miccáyaytamta jem inñanca. Dios mimichitam. Miwipictsona jem tánomi Jesucristo iniyimi, siip wibigam mipixiñtam. Impictsona jem Dios iAnama.

Odoj tammalwadiñ con jem tammijtay

¹² Ich wiap anwat titam ansunpa, pero da itumpiy cosa tayoxpátpa. Wiap anwat titam ansunpa, pero da atsiytooba juuts tum esclavo de ninguna cosa. ¹³ Numa juuts nimyajpa jem pixiñtam: “Dios iwat jem wíccuy para jem tampuu. Iwattim jem tampuu para jem wíccuy.” Pero núcpa jem jama iga Dios iccuyajpa jem wíccuy y jem tampuu. Da tachiita jem tammijtay iga tammalwatpa con jem malopic yomtam. Tachiita jem tammijtay iga tançuyoxap tánomi, y jem tánomi tawadápa cuenta jem tammijtay. ¹⁴ Tanjatun Dios icpis jem tánomi Jesucristo y taichtam tacpistamtaptim con jem Dios ipimi.

¹⁵ ¿Que da inñodonam iga jem tammijtay tumti con jem tánomi Cristo imijtay? ¿Que wí iga anchiiba tum malopic yomo jem Cristo imuchi iga imichap jem yomo? ¡Da wiap tanchi! ¹⁶ ¿Que datim inñodon siiga tum pixiñ

inimonpa tum malopic yomo jem pejoypáppic, jesic tsíyyaj juuts tumti miltay? Nimpa así jem Dios inmati: “Jem pixiñ y jem yomo icuistic tsíy juuts tumti miltay.”¹⁷ Pero cuando imichap jem Cristo tum pixiñ, jesic tumti ianama con Cristo.

¹⁸ Odoy malwati con jem malopic yomtam, poytaami. Jem tunjac tájca, jem iwatpáppic jem pixiñtam, da pimi imalwadáypa jem imiltay. Pero siiga imalwatpa con jem malopic yomtam, jesic namalwadaytap iyaac jem pixiñ.¹⁹ ¿Que da injodon iga jem immiltay jem Dios iAnama imastic, jem tachiñewiip Dios; jem Dios iAnama miñ iti tánanamanjom? Mich immiltay da immichi.²⁰ Porque Dios mijuy con tum wibic precio. Jeeyucmi wi iga tançujípa Dios con tánanama y con tammiltay porque icuistic jem Dios imichi.

7

Chiitap jixi jem pixiñtam y jem yomtam

¹ Siip mañcutsonpa titam anacwác cuando anjáyay mimichtam: Numa wi siiga da yoomíypa tum pixiñ. ² Pero iga odoy immalwadiñ, más wi iga yoomíypa cada pixiñ y jaayíypa cada yomo. ³ Jem pixiñ tienes que iwíwadáypa iyomo porque inuntawichomo. Jem yomo tienes que iwíwadáypa iwídaya porque inuntawídaya. ⁴ Jem yomo imiltay da imichi iyaac. Imichi jem iwídaya. Jesanetim jem pixiñ imiltay da imichi iyaac. Imichitim jem iwichomo. ⁵ Odoy natsactamtaji iga miwagamontámpa con inwichomo. Wi siiga da mipoywagamontámpa siiga miitta de acuerdo iga ininwejpáttámpa Dios. Jesic ocni eybictim wiap inwagamonta, siiga da wiap ininjacta inyaac, iga jem Wocciwiñ odoy micmalwadiñ.

⁶ Ich da mampimíypa iga miyoomiytamiñ, pero Dios ijípa iga miyoomiytamiñ siiga inwanjamta. ⁷ Ich animpa iga más wi siiga itumpiy pixiñtam jextim juuts aich iga da ayoomíy. Pero Dios ichiiba cada tum tum pixiñ jem jixi iga wiap iwat juuts ixunpa Dios. Tum pixiñ wiap iwat tum yoxacuy y tunjac pixiñ tunjac yoxacuy wiap iwat.

⁸ Siip anchiiba jixi jem pixiñtam jem dapic yoomíy y jem yomtam jem dapic jaayíy y jem cunoytam: Wi iga tsíyyajiñ juuts aich iga da ayoomíy. Siiga pixiñ, odoy yoomíyiñ. Siiga yomo, odoy jaayíyiñ. ⁹ Pero siiga da iyaachíypa iga ityajpa icutum, jesic wi iga yoomíyiñ. Más wi iga yoomíypa tum pixiñ que iga tsam pimi cusuníyóypa.

¹⁰ Siip mannímáypa mimichtam, jem miyoomiywíip y jem mijaayiywíip: Miyomtam odoy tsaci inwídaya. Yip jixi da ich anjixquimi. Tanquejáy así jem tanjatuj Dios. ¹¹ Siiga tum yomo ichacpa iwídaya, jesic da wiap ijaayíy con tunjac pixiñ. Siiga jaayiytooba eybic jem yomo, wi iga ipicsetpa eybic jem iwídaya jem ichacnewíip. Mipixiñtam, mannímáypaím: Odoy tsaci inyomo.

¹² Siip ananmadáypa los de más tum anquímayoyi jem dapic je tánomi achiñe. Siiga tum tantíwi iniit iyomo jem dapic icupicpa Cristo y jem yomo iwianjam iga iwaganaitpa jem tantíwi, jesic da wiap initsacyajta. ¹³ Jesanetim tum yomo siiga iwídaya da icupicpa Cristo y siiga iwianjam jem pixiñ iga iwaganaitpa jem iyomo, jesic da wi iga natsacyajtap. ¹⁴ Jesic jem yomo iwídaya, jem dapic icupicpa Cristo, tsíy juuts Dios imichi porque jem iwichomo icupicpa Cristo. Jesanetim jem pixiñ iwichomo, jem dapic icupicpa

Cristo, tsíy juuts Dios imiichi porque jém iwidaaya icupicpa Cristo. Siiga Dios da ichacpa jempic, jesic jém tsixtam da tsíypa juuts jém Dios imiichi, pero tanjodon iga numa Dios imiichap jém imanictam. ¹⁵ Pero siiga jém pxiñ o jém yomo, jém dapic icupicpa Cristo, agui ichactooaba jém iwichomo o jém iwidaaya, jesic jüici iga iwatpa así. Jesic jém pxiñ o jém yomo, jém icupicnewiip Cristo, iniit libertad; wiap ipic tungac yomo o tungac pxiñ porque Dios tacupin iga odoy táñatamiñ. ¹⁶ ¿Porque jutsap iñjodóna miyomo siiga wiap inçiacput jém inwidaaya? ¿Y jutsap iñjodóna mipxiñ siiga wiap inçiacput jém iwichomo?

¹⁷ Pero cada tumtum de taichtam wiap tanwatta juuts ixunpa Dios con jém ijxi y jém ipimi jém tachiñewiip Dios. Siempre tanwattampa juuts tanimáy Dios cuando maticupin. Asíam anañmadayajpa itumpiy jém Dios ipixiñtam. ¹⁸ Siiga Dios icupin tum pxiñ jém wadayñetawip jém marca de circuncisión, jesic da wí iga icáypa jém marca. Y siiga Dios icupin tum pxiñ jém dapic ini jém marca de circuncisión, jesic da wí iga iwatpa jém marca. ¹⁹ Jém marca de circuncisión da ti cuwatcu, da tayoxpátpa. Siiga tanait o da tanaj jextim. Pero siiga tanwattampa juuts ixunpa Dios, je numa tayoxpátpa. ²⁰ Cada tumtum wí iga tsíyiñ juustim it idic cuando Dios inwejay. ²¹ Siiga miesclavo cuando micupin Dios, jesic odoy wadaayi caso. Pero siiga wiap imput de esclavo, jesic puti. ²² Siiga esclavo tum pxiñ cuando Dios icupin iga icupicpa Cristo, jesic siip iniitum libertad porque jém ianama dam tsenne. Y siiga tum pxiñ da je esclavo cuando cupiñta iga icupicpa Cristo, jesic siip tsíy juuts tum esclavo porque Cristojam imiichi. ²³ Tsam tsoowiy tayojáy Dios jém tantáñca iga odom tatsiyiñ juuts tum esclavo. Jesic siip da tammalwatpa juuts tapimíypa jém pxiñtam jém dapic icupicpa Dios. ²⁴ Mantiwitam, wí iga michiytamiñ jextim juuts miit idic cuando miñwejay Dios porque siip miwaganait Dios.

²⁵ Jém tánomi Cristo da ichac tum anquímayooyi para jém woñtam jém dapicnam jaayiy, pero siip manañmadáy titam ich anjisa porque ayoxpátpa jém tánomi Jesucristo iga waiñ añcutiyiy ti ixunpa Dios. ²⁶ Ich animpa iga wítim jém pxiñtam siiga da yoomíypa porque siip miñpa jém mijpic yaachaji. ²⁷ Siiga yoomiy tum pxiñ, jesic odoy ichaguiñ jém iyomo. Siiga i ichacne iyomo, jesic odoy iméchiñ tungac yomo. ²⁸ Pero siiga miyoomíypa, da je táñca. Siiga jaayíypa tum woñi, datim je táñca. Pero siiga yoomíypa tum pxiñ o siiga jaayíypa tum woñi, tienes que yaachayajpa yip naxyucmi. Tsam manyoxpáttooba iga odoy miyaachatamiñ.

²⁹ Mantiwitam, ich animtooba iga da jáyñe miñpa jém mijpic yaachaji, jesic wí siiga jém pxiñtam jém yoomiywip iwadiñ juuts jém pxiñtam jém dapic yoomiy. ³⁰ Jém tsampic anyácneyaj wí iga tsíyiñ juuts jém dapic anyácne. Jém tsampic maymayaj wí iga tsíyiñ juuts jém dapic maymay. Jém juyjúyoypaap wí iga tsíyiñ juuts jém dapic ti iniit. ³¹ Siiga iniit algun ti yip naxyucmi, odoy jisi porque cuyajpa itumpiy cosa jém itwip yip naxyucmi.

³² Ich da añwanjam iga tsam iniit cobacpji. Siiga da yoomiy tum pxiñ, jesic da ti ijisa. Nada más ijisa jutsap iwat jém tanjatun Dios iyoxacuy juuts iwianjam Dios. ³³ Pero siiga yoomiy tum pxiñ, tsam ijisa jém cosa jém

ityajwɨp yíp naxyucmi. Tsam ijispa jut ipigáypa titam ixunpa jém iwichomo. ³⁴ Jesic nawécta jém pɨxiñ ijixi. Jesanetim jém yomo jém dapic jaayíy, ijispa jém tanjatun Dios iyoxacuy. Jesic quejpa iga Dios imichifim jém imijtay y jém ianama. Pero jém tunɓac yomo jém jaayiywɨp, tsam ijispa jém cosa jém ityajwɨp yíp naxyucmi. Ijispatim jutsap iwat juuts ixunpa jém iwidaɓa.

³⁵ Mannímáy así iga manyoxpátpa. Da manchiitooba tum anquímayooyi tsampic táŋca tanwat. Pero ansunpa iga inɓiwadiñ iga miwixtáp. Ansunpatim iga wiap inɓuyoxata jém tánomi Jesucristo con itumpiy inñixi.

³⁶ Pero siiga tum pɨxiñ ijispa iga más wɨ iga jaayíypa jém iyommanic porque naspa jém tiempo iga pictap, jesic wɨ iga jaayíyñ. Da je táŋca. ³⁷ Pero tunɓac pɨxiñ ijispa iga da ijícpa iga jaayíypa jém iyommanic. Wiap iwat así siiga jém pɨxiñ ijodon ianamanjom iga más wɨ jém woñi iga da jaayíypa. Wɨ siiga iwatpa jempic. Datim iwatpa táŋca siiga da jaayíypa jém woñi. ³⁸ Jesic siiga jém woñi ijatun ijícpa iga jaayíypa, jesic iwíwadáypa. Y siiga tum woñi ijatun da ijaayíypa jém iyommanic, iwíwadáypatim.

³⁹ Tum yomo da wiap ichac iwidaɓa cuando danam caane. Pero siiga caaneum iwidaɓa, jesic jém yomo wiap ipic tunɓac pɨxiñ juuts ixunpa jém yomo. Pero da wiap ijaayíy con tum pɨxiñ jém dapic icupicpa Cristo. ⁴⁰ Pero ich anjísipa iga más maymay jém yomo siiga da eybɨc jaayíypa. Ich animpa iga jém Dios iAnama achi yíp jixi.

8

Jém mayi jém accaanetawɨp jém watnas iwiñjom

¹ Siip mananmadáypa jém asunto de jém mayi jém accaanetawɨp jém watnas iwiñjom. Numa tantumpiytam tajixiɨyta, pero da wɨ iga tanacujítap. Jesic siiga tanañ jém numapic tóyooyi, jáyanap jém wibic jixi. ² Siiga algunos ijispa iga agui jixíy, todavía itogóyáy jém jixi jutsap ijodóna. ³ Siiga tantoypa Dios, jesic Dios taixpicpa.

⁴ Siip mananmadáypa siiga wɨ tanɓis jém mayi, jém accaanetawɨp jém watnas iwiñjom. Tanjodonɓam iga da ti cuwatcuy jém tunɓac dios iwatnas icuwiti yíp naxyucmi. Da i más tunɓac Dios. Nada más tum Dios it. ⁵ Mex idiñ siɓyucmi y naxyucmi jáyan jém diosyaj jém dapic je nunta Dios. Jém pɨxiñtam tsam ijisyajpa jém diosyaj juuts iomi. ⁶ Pero taichtam tanjodon iga it nada más tum Dios jém tanjatun Dios. Je iwat itumpiy cosa y taichtam taifta iga tanjistámiñ Dios. Itim nada más tum jém tánomi Jesucristo. Iwagawatyay itumpiy cosa con tanjatun Dios. Jém Jesucristo tachíitim jém tamvida.

⁷ Pero it jém pɨxiñtam da iwijodon iga tum Dios it. Algunos como inyujne idic iga ijisyajpa jém watnasyaj, icɨpa iga icɨspa jém mayi jém accaanetawɨp jém watnas iwiñjom. Jém pɨxiñtam da iwicutiɨyíypa jém Dios inmati. Ijispa ijixianjom iga ictáncaíypa jém mayi iga icɨspa. ⁸ Dios da tapictsonpa siiga tanɓispa jém mayi o siiga da tanɓispa. Jextim siiga tanɓispa y jextim siiga da tanɓispa. ⁹ Mimichtam injodonɓam iga wiap inɓista ti quej. Pero cuidado iga inicwatpa táŋca tum inñiwi, jém dapic iwicutiɨyíyñe jém Dios inmati. ¹⁰ Por ejemplo, siiga nicpa inɓis mayi jut ijisyajpa jém watnas porque injodon iga jém watnas da inñi ipimi, jesic siiga miixpa tum inñiwi, jém dapic iwicutiɨyíyñe

jém Dios in̄mati, jesic wiap iñejacutīyíy, moypa icupic iga jém watnas iniit ipimi. ¹¹ Mimichtam iga tsam in̄wicutīyíyipa jém Dios in̄mati, asíam inictogoypa tum in̄tiwi, jém dapic iwicutīyíyipa jém Dios in̄mati. Accaata jém Cristo iga iciacpudiñtim mex jém pixiñ. ¹² Cuando inicmalwatpa tum jém in̄tiwi jém dapic iwicutīyíyñe jém Dios in̄mati, jesic mástim iñejacutīyíyipa jém Dios in̄mati. Siiga in̄watpa jempic, jesic in̄watpatim tum tánca jém dapic iwianjam jém Cristo. ¹³ Jesic siiga anactáncaawatpa antiwi iga an̄c̄ispa jém mayi jém accaanetaw̄ip jém watnasc̄im, jesic da nunca an̄c̄ispa jém mayi iga odoy anactáncawadiñ jém antiwi.

9

Wi iga wipictson̄ta jém apóstol

¹ Tsam wiquejpa iga ich atsiy juuts tum apóstol y ich anait libertad iga an̄watpa juuts ixunpa Dios porque ich ánix jém tán̄omi Jesucristo. Mimichtam miwiputta juuts tum cosecha iga oy manan̄madayta jém Dios in̄mati. ² Siiga jém tungac pixiñtam n̄imyajpa iga ich da je aapóstol, da an̄wadáypa caso. Pero michtam in̄wijodon̄j iga Dios acutsat iga anan̄matpa jém in̄mati. Cuando michtam in̄cupic̄ta jém Cristo, jesic quejpa iga Dios acutsat juuts tum apóstol.

³ Ȳim̄pic̄ an̄cutson̄pa jém n̄imyajpáppic iga ich da je aapóstol. ⁴ Ich anait derecho iga an̄c̄útpa y ánucpa jém achiipáppic jém tant̄iwitam. ⁵ Meega ayoomíy, wiap anasi jém anyomo juuts jém tungac apóstolyaj, jém inisiipáppic jém iyomo juuts jém tán̄omi it̄iwitam y jém Peto. ⁶ ¿Que mimichtam in̄j̄istampa iga no más jém Bernabé y ich da wiap antsacta jém anyoxacuy juuts jém tungac apóstolyaj iga anan̄matpa jém Dios in̄mati? ⁷ Siiga i nicpa de soldado, da nayojoyaytap yaac. ¿I in̄ippa tum finca de uvas y da ic̄útpa uxan̄ jém itim? Siiga tum pixiñ iwatpa cuenta jém borregoyaj, wiap iuc uxan̄ jém leche. ⁸ Odoy j̄istaami iga ich an̄j̄x̄quiimi iga annímáypa jém pixiñtam porque n̄impatim así jém Moisés in̄químayooyi. ⁹ Jayñetawum así jém an̄químayooyi, n̄impa: “Odoy quiñian̄jupi jém yunta cuando iñepnecotspa jém trigo iga itobáypa ipac.” Cuando n̄impa así, da n̄impa no más de jém xix. ¹⁰ Pero Dios icám como tum ejemplo para taichtam. Ijaychacne así jém an̄químayooyi iga tayoxpátpa. Tum pixiñ īj̄tpa jém nas, tungac iñepnecotspa jém trigo. Yoxayajpa icuistic porque in̄j̄ocyajpa iga ipictson̄yajpa jém iyoxaji. ¹¹ Oy manan̄quejáy jém wibic j̄ixi juuts tum wibic pac an̄ñip. Jeeyucmi wi iga anchiitampa jém wiccuy y titam más atogóyáypa juuts tum an̄coñwiyooyi. ¹² Aichtam más wiap ampictson̄ta jém an̄coñwiyooyi que jém tungac Dios in̄matc̄iwiñ.

Pero da man̄wágaytampa iga anchiitamiñ titam atogóyáy. Ich̄tam anyaaçiyta iga da ti anchiita iga odoy in̄chactamiñ jém Cristo in̄madayooyi. ¹³ Michtam in̄j̄odon̄tam iga jém pixiñtam jém yoxayajpáppic jém masticjom, jemum ipátyajpa jém iwiccuy. Y jém pixiñtam, jém iccaayajpáppic jém an̄imatyaj jém masticjom iga iwatyajpa jém sacrificio, tienes que ic̄útpa uxan̄ jém mayi jém iccaanew̄ip masticjom. ¹⁴ Jempictim Dios iccám iga jém in̄matpáppic jém wibic an̄mat̄i jemum ipictson̄pa jém iccoñwiyooyi. ¹⁵ Da nunca ampictson̄ne jexpic cosa. Ni datim nunca man̄jáyaytampa tum toto iga man̄wágáypa alguna cosa iga anchiñ. Más wi iga ayuucaba que iga michtam miñimtampa iga anacwícpa.

¹⁶ Ich da anacujtapa anyaac iga ananmatpa jem Dios inmati porque Dios apimiyta iga ananmadiñ. Tsam auuguytim aich siiga da ananmatpa jem Dios inmati. ¹⁷ Siiga anwatpa tum yoxacuy juuts ich ansunpa, jesic tienes que ayojtap. Pero siiga anwatpa juuts apimiy Dios, jesic quejpa iga Dios achi jem cargo. ¹⁸ ¿Jesic jup coñwiyoooyi ampictsonpa? Da ti ampictsonpa, nada más tsam amaymay porque wiap ananmat jem Dios inmati. Da antségáypa jem pixiñtam. Anaif jem derecho iga antsécpa, pero da antségáypa jem pixiñtam iga ananmadáypa jem wibic anmati.

¹⁹ Ich da je aesclavo. Da i ancuyoxap. Pero atsiy juuts tum esclavo iga ancuyoxap itumpiy pixiñtam iga ammétspa más jem pixiñtam iga icupicyajiñ jem tánomi Cristo. ²⁰ Cuando ait con jem Israelpic pixiñtam, atsiytim juuts jem Israelpic pixiñtam iga icupicyajiñ jem Cristo. Cuando ait con jem icupicneyajwip jem Moisés inquímayoooyi atsiytim juuts tum pixiñ jem injacnewip jem Moisés inquímayoooyi iga jeeyaj icupicyajiñtam jem Cristo. Pero ich da numa anjacpa jem Moisés inquímayoooyi. ²¹ Cuando ait con jem pixiñtam jem dapic iniñ jem Moisés inquímayoooyi, ich atsiypatim juuts tum de jeeyaj iga anyoxpátpa jem pixiñtam iga icupicyajiñ jem Jesucristo. Pero ich siempre ancupicpa jem Dios inquímayoooyi, anwatpa juuts nimpa jem tánomi Cristo. ²² Cuando ait con jem pixiñtam jem dapic iwicupicne, ich atsiypatim jextim juuts jeeyaj iga más wiap anyoxpát jem tantiwitam. Ich atsiypa juuts itumpiy jem pixiñtam iga anyoxpátpa itumpiy jem pixiñtam iga icupicyajiñ jem tánomi Cristo. ²³ Ich anwatpa itumpiy yipyaj cosa iga más anpiguiñ jem Jesucristo inquímayoooyi y iga tanwagapictsontamñ jem tachiñewip Dios.

²⁴ Mimichtam injodontam iga cuando poymichpa jem pixiñtam, pimi poypa itumpiy jem michyajpáppic. Pero nada más tum wiap icoñwiy jem premio. Jesanetim mimichtam wattaami juuts ixunpa Dios con itumpiy impimi iga wiañ incoñwiy jem wibic premio jem tachiipáppic Dios. ²⁵ Tum pixiñ siiga michtooba tum apuesto iga poymichpa, jesic ichacpa itumpiy cosa jem imalwadaypáppic. Iwatpa así porque icoñwiytooba tum premio jem dapic jáypa. Pero taichtam tancoñwiyta tum premio jem dapic yajpa. ²⁶ Pero ich da apoymichpa juuts tum pixiñ jem dapic ijodon. Da axajasonmichpa. ²⁷ Apimiy-pa ammijtay iga iwiwadiñ iga odoy atsiyiñ sin premio cuando yajpa ananmadáy jem pixiñtam jem Dios inmati.

10

Naquímyajta iga odoy ijsiyajiñ jem watnas

¹ Mantiwitam, ansunpa iga michtam jodónataami iga jem wiñicpic pixiñtam, jem Israelpic, wityajpa jem uscucim. Áñay jem Tsabats Lamar, widanjacyaj itumpiy de jeeyaj. ² Cuando iwatpa así, jesic juuts tanimpa wagaacchiniyajta con Moisés itumpiy jem pixiñtam iga tsiyyajiñ juuts jem Moisés imichí. Inasca así cuando waganicyajpa con jem Moisés jem uscucim y widanjacyaj jem Tsabats Lamar. ³ Jesanetim itumpiy icútyaj tumti wíccuy jem ichiñewip Dios. ⁴ Itumpiy iucyaj tumti ni jem ichiñewip Dios. Iucyaj jem ni jem putpáppic jem tsaayucmi jem iwagasipáppic. Jem tsa je jem Cristo. ⁵ Pero

ocmi núc jém jama iga Dios da iwianjam ti iwatyajpa jém pixiñtam. Caayaj jáyan de jeeyaj jém titsinaxyucmi jém dapic icupicyaj Dios.

⁶ Itumpiy yípyaj cosa tsíyyaj juuts tum ejemplo para taichtam iga odoy tançusúnyíñ jém malopic cosa juuts icusúnyyyaj jém wiñicpic pixiñtam. ⁷ Da wí iga iñjístampa jém tungac dios iwatnas juuts iwatyaj jeeyaj. Jaychacneta jém Dios inmatí ti iwatyaj jém pixiñtam. Nimpa asi: “Jém pixiñtam coñyaj iga wícyajpa y tsam ucyajpa. Jesic tsucumyay iga imalwatyajpa tum malopic michi.” ⁸ Datim wí iga tajejóyja juuts iwatyaj jeeyaj y tumti jama caayaj veintitrés mil pixiñtam. ⁹ Datim wí iga tançutitspa jém tánomi siiga tacyojpa jém tantañca iga tammalwatpa. Asíam iwatyaj algunos de jeeyaj. Jesic yaj iwascayaj jém tsañ. ¹⁰ Odoy cujytaami jém tanjatun Dios juuts icujyay jém wiñicpic pixiñtam y ocmi Dios icutsat tum sinyucmipic pixiñ, jém accaoypaap, iga accaayajtaiñ.

¹¹ Iñascayaj jempic jém ityajwip wiñigam iga tsíyíñ juuts tum ejemplo para taichtam. Jaychacneta ti iwatyaj iga tanquejáy iga odoy tammalwadiñ porque siip taiftamum jém inanjpigam jama. ¹² Jesic siiga iñjísja iga agui miwiteñ, nawattají cuenta iga odoy michudiñ. ¹³ Cuando micutístap iga micmalwattap, jodónataami iga itumpiy jém pixiñtam iñascayajpatim jempic. Pero jém tanjatun Dios siempre iwatpa juuts tajycamayñe. Da ijícja iga más pími micutístap hasta da wiap iñyaachíy. Pero cuando núcpa jém hora iga tsam pími micutístap, jesic micupuja jém tanjatun Dios. Miyoxpátja iga wiañ iñyaachiyta.

¹⁴ Jeeyucmi mantíwítam mantoytampáppic, tsactaami iga iñtoytampa jém watnas. ¹⁵ Ich mananjmadáyja juuts tum mipixiñ tsampic mijixíy, jeeyucmi mannímáyja, jisi ti mannímáyja siiga numa o migooyi. ¹⁶ Taichtam tantumpiytam tumti tanjixi con Cristo cuando tánucpa jém uvas iñi cuando tanwattampa jém Santa Cena. Tumti tanjixi porque tanjísja iga itegáy tánomi iñipiñ iga tajojáy tantañca. Jesanetim tumti tanjixi con Cristo cuando tanwéctampa jém caxtánañi porque tanjísja iga yaachwadayta jém Cristo imijtay jém cunusyucmi para taichtam. ¹⁷ Taichtam tsam tajáyanjam, pero tumti caxtánañi tanwagacúttá. Jeeyucmi tatsíyja tumti tammijtay porque tançúttá tumti caxtánañi, jém tánomi Cristo imijtay.

¹⁸ Jístaami ti iwatyaj jém Israelpic pixiñtam. Iciis jém mayi jém accaanetawip jém altaryucmi jut ijisyajpa Dios. Jesic jém pixiñtam tsíy tumti jixi con Dios. ¹⁹ Jesic jistaami ti mannímáy iga jém watnas da ti cuwacuy. Jém mayi jém accaanetawip jém watnascim iga iwatyajpa sacrificio, jextim juuts cualquier mayi. ²⁰ Pero mannímáytooba iga jém tungac pixiñtam, jém dapic iixpicpa Dios, cuando iccaayajpa jém animat jém watnas iwiñjom, itoyyajpa tum dios jém dapic je nunta Dios. Ijisyajpa tum mal espíritu. Ich da ansunpa iga inwaganaitpa tum jém mal espíritu. ²¹ Da wiap tánuc jém uvas iñi jém Cristo imichi siiga tánucpatim jém níccuy jém malopic espíritu imichi. Datim wiap tançút jém Santa Cena siiga tançútpatim jém wíccuy jém chiiñetawip jém mal espíritu. ²² ¿Que inçujóyítampa Dios? ¿Que michtam más miwíatampa que jém tanjatun Dios?

Jém itoypaap jém itiwítam da icmalwatpa

¹² Numa watta jem yomo con jem pixiñ ipócpac. Pero jem pixiñ también naypa yomyucmi. Pero itumpiy cosa jem Dios iwafi.

¹³ ¿Anímaayi mimichtam siiga wi tum yomo iga iwatpa oración cuando da icujimpa icobac? ¹⁴ Yip naxyucmipic jixi mismo tanquejáypa iga tum tsaaji siiga tum pixiñ tsam icyoone iway juuts tum yomo. ¹⁵ Tsam wi para jem yontam iga yagats jem iway iga iwaymi icujimpa jem icobac. ¹⁶ Siiga algunos da iwianjam iga animpa asi, wi iga ijodónaiñ iga ni aichtam ni jem Dios ipixiñtam, jem ityajwip jem tungac lugar, da iixpicaypa tungac costumbre.

Chiitap jixi jutsap iwat jem Santa Cena
(Mt. 26:26-29; Mr. 14:22-25; Lc. 22:14-20)

¹⁷ Siip manjáyaypa tungac cosa. Da manjucijptampa. Quejpa iga jut miñtuumatámpa tsam minimalwadaytamtap, da sip inwíwatta. ¹⁸ Wiñti mannímaytooba iga ich ammatonje iga cuando miñtuumatámpa iga inwattámpa culto tsam miniwéctamtap. Ich animpa iga da migóypa. ¹⁹ Numa, mimichtam tienes que miniwéctamtap para que tanjodónaiñ i jem inuntawicupicnewiip jem Dios inmati. ²⁰ Jesic cuando miñtuumatámpa, da sip inçúta jem Santa Cena jem tachiñewiip jem tánQmi Jesucristo. ²¹ Cada tumtum minjagoytámpa inwícta iga da inchiitoba ti icútpa jem tantiwitam. Jesic algunos yuap y algunos uquiayajpa. ²² Michtam mitigiya jut miwíctámpa y jut miñictámpa. Cuando inwattámpa así quejpa iga injóyixtámpa jem Dios ipixiñtam. Inchaawattámpa jem pobreyaj. ¿Jesic ti wiap mannímáy? ¿Que wiap manjucijpta? Da awiap porque immalwatneta mimichtam.

²³ Porque Dios achi jem jixi jem mananmadayñewiip. Jem tánQmi Jesucristo jeetim tsuu cuando wadaytap atraición, imatspic tum caxtánañi icijom, ²⁴ cuando yaj inwejpát Dios, moj iwéc jem caxtánañi con icuyujcñwiñ. Nim Jesús: “Pictaami, cútaami. Yip caxtánañi ich ammiytay. Ich ammiytay yaachwattap por mimichtam. Siempre wattaami yimpic iga anjístamiñ aich.” ²⁵ Jesanetim iwat cuando yajum wiiquiyaj, imatspic jem copa icijom. Nimpa: “Yip copa jem jomipic trato jem anwatpaap con annipiñ. Wattaami jempic cada inuctámpa yip copa iga anjístámpa aich.” ²⁶ Cuando inçúttámpa yip caxtánañi y inuctámpa yip copa, jempigam ininquejáypa jem pixiñtam iga accaata jem Jesucristo iga tajojay tantanca. Wi iga tanwattámpa así hasta miñgacpa tánQmi yip naxyucmi.

²⁷ Jesic siiga tum pixiñ, jem dapic inij derecho, icútpa yip caxtánañi y iucpa yip copa cuando wattap jem Santa Cena, jesic mijpic tanca iwatpa contra jem tánQmi imiytay y jem inipiñ. ²⁸ Pero wiñti cada tumtum de mimichtam naciñpiñtaji inyaac, jesic ocmi wiap inçút jem caxtánañi y wiap inuc jem copa. ²⁹ Siiga tum pixiñ icútpa yip caxtánañi y iucpa yip copa cuando da inij derecho, tienes que ipictsonpa tum mijpic castigo porque da ijspa iga jem caxtánañi je jem tánQmi imiytay. ³⁰ Jeeyucmi tsam jáyan de mimichtam tsam miminneta, da wi ininjmat. Jeeyucmi algunos caaneyajum. ³¹ Porque siiga awinacñpiñtap anyaac, jesic Dios da achiiba castigo. ³² Pero cuando Dios tacñpiñpa, jesic tachiiba castigo juuts tum imanic iga odoy tampictsonñi jem mijpic castigo con jem malopic pixiñtam jem ityajwip yip naxyucmi.

³³ Jesic, mantiwitam, cuando min̄tuumatámpa iga in̄wattámpa jém Santa Cena, nan̄jótamtaji con jém in̄ñiwitam iga in̄wagacúttámpa jém Santa Cena.

³⁴ Siiga algunos yuap, jesic w̄i iga nīguiñ wiiqui iticcim. Jesic da ichiiba castigo Dios cuando min̄tuumatámpa iga in̄wattámpa jém Santa Cena.

Jém tungac asunto an̄witsacpa cuando nicpa mánám.

12

Tachiiba jixi jém Dios iAnama cada tumtum de taichtam

¹ Siip, mantiwitam, manacjodónap iga Dios iAnama michiiba jixi iga w̄iañ in̄watta jém Dios iyoxacuy.

² Michtam in̄wijodon̄tam iga cuando danam in̄cupicneta jém tan̄Jatun̄ Dios, tsam in̄ñictámpa idic iga mimigóyayámtap. In̄cupictámpa idic jém watnas jém dapic jiyapa. ³ Jeeyucmi siip ansunpa iga in̄jodónatámiñ siiga tum̄ pixiñ imaln̄máypa jém tán̄omi Jesucristo, quejpa iga Dios iAnama da ichiñe jixi. Jesaptim siiga jém Dios iAnama da iyoxpátne jém pixiñ, da w̄iap in̄imáy Jesús iga: “Mán̄omi.”

⁴ Jém Dios ipixiñtam ipictson̄yajpa jixi iga w̄iap iwat wati jém yoxacuy, pero jém ichiñew̄ip tum̄, je jém Dios iAnama. ⁵ Wati yoxacuy it iga tan̄cuyoxap jém tán̄omi, pero jém tán̄omi tum̄. ⁶ Jáyan̄ cosa it iga tan̄watpa juuts ixunpa Dios, pero jeetim Dios iyoxpátpa itumpiy jém pixiñtam iga iwatyajpa itumpiy cosa.

⁷ Jém Dios iAnama ichiiba jixi cada tumtum̄ jém Dios ipixiñtam iga quejiñ iga chiiñeta jém Dios iAnama. Chiiñeta jém jixi iga iyoxpátpa itumpiy jém ipixiñtam. ⁸ Jém Dios iAnama iyoxpátpa tum̄ pixiñ iga tsam jixiñy iga w̄iañ in̄mat. Jeetim Dios iAnama iyoxpátpa jém tungac pixiñ iga iw̄icutiñiyipa jém Dios in̄químayooyi y w̄iap iccuyuj jém itiwitam. ⁹ Jém Dios iAnama iyoxpátpa tungac pixiñ iga w̄iap iw̄icupic jém tan̄jatun̄ Dios. Jeetim Dios iAnama ichiiba p̄imi tungac pixiñ iga w̄iap icpis jém mimneyajw̄ip. ¹⁰ Tungac pixiñ chiita jém p̄imi iga w̄iañ iwat jém milagroyaj. Tungac pixiñ chiita jém p̄imi iga w̄iañ in̄mat ti in̄imáy Dios. Tungac pixiñ chiita jém jixi iga w̄iañ iixpic̄ j̄ in̄isiiba jém mal espíritu y j̄ in̄isiiba jém w̄ibic espíritu. Tungac pixiñ chiita jém p̄imi iga w̄iañ in̄mat tungac an̄mat̄imi. Jém tungac pixiñ chiita jixi iga icutiñiyiñ jém tungac an̄mat̄i iga in̄matpa ti n̄impa. ¹¹ Itumpiy ȳipyaj cosa iwat jeetim Dios iAnama juuts je ixunpa. Chiita cada tumtum̄ pixiñ tungac jixi.

Tantumpiy tatsiytámpa juuts tumti migtay

¹² Jém tán̄omi Cristo jex juuts tum̄ migtay. Jáyan̄ cosa it jém migtayyucmi, pero tumti migtay. ¹³ Tantumpiytam tatsiytámpa juuts tumti migtay porque asíam iwat jém Dios iAnama cuando tacchin̄tamta. Siiga Israelpic tapixiñ o griegopic tapixiñ, siiga taesclavo o da je taesclavo tantumpiytam tumti tan̄jixi porque tampictson̄neta jém Dios iAnama jém tumtipic.

¹⁴ Jesanetim jém tammigtay da je tumti cosa it, jáyan̄ cosa it jém tammigtayyucmi. ¹⁵ Siiga jém tampuy n̄impa iga: “Ich da je aci, jeeyucmi da je atumti con jém migtay”, jesic da w̄i iga n̄impa así jém tampuy porque tsíypa siempre juuts tumti migtay. ¹⁶ Siiga tantatsic n̄impa iga: “Ich da je aixcuy, jeeyucmi da je atumti con jém migtay”, jesic da w̄i iga n̄impa así jém tantatsic porque tsíypa siempre juuts tumti migtay. ¹⁷ Porque siiga jém tammigtay naps ixcuy, ¿jesic jutsap tammatón̄oy? Siiga naps tatsic jém tammigtay, ¿jesic jutsap

tansugóy? ¹⁸ Pero Dios taccámayñeum itumpiy cosa jém tammijtayyucmi juuts je ixunpa. ¹⁹ Siiga jém tammijtay naps puy o naps ci, ¿jesic jut it jém tammijtay? ²⁰ Siip wati cosa it jém tammijtayyucmi, pero tumti tammijtay.

²¹ Jém tánixcuy da wiap inímáy jém tançi: “Mich da anyoxpátpa.” Y jém tançobac datim wiap inímáy jém tampuy: “Mich datim anyoxpátpa.” ²² It jém cosa dapic juchan jém tammijtayyucmi, pero tsam tayoxpátpa. ²³ Jém cosa jém tammijtayyucmi, jém dapic tajayayoxpátpa, mástim tanwüdap. Ittim jém cosa jém tammijtayyucmi da wi tánám, pero tanwüdap. ²⁴ Jém cosa jém tsampic wiixtap, da ti itogóyáy. Dios iwat jém tammijtay con itumpiy cosa, jém ityajwiip más tanwüdap, jut da i wi taixáy. ²⁵ Iwat así Dios porque da ixunpa iga nawécyajtañ jém ityajwiip jém tammijtayyucmi. Ixunpa iga itumpiy cosa nayoxpátajtañ. ²⁶ Siiga yaachwattap tum cosa, jém itwiip tammijtayyucmi, jesic ijampa itumpiy jém ityajwiip tammijtayyucmi. Siiga wüwadaytap tum cosa, jém ityajwiip jém tammijtayyucmi, jesic maymáayajpa itumpiy jém ityajwiip tammijtayyucmi.

²⁷ Siip mimichtam michíytámpa juuts jém tánQmi Cristo imijtay. Cada tumtum de mimichtam michíytámpa juuts tum cosa jém itwiip jém Cristo imijtayyucmi. ²⁸ Jesic Dios iccám jém yoxaciwiñ iga iwatyajpa jém yoxacuy entre jém Dios ipixiñtam. Wiñti iccám jém apóstol, ocmi iccám jém inmatpáppic jém wibic anmatí, ocmi iccám jém accuyujoypaap, ocmi iccám jém wiapaap iwat jém milagroyaj, ocmi iccám jém wiapaap icpis jém mimneyajwiip, ocmi iccámim jém iyoxpátpáppic jém itwitam, ocmi iccám jém injacpáppic jém Dios ipixiñtam, ocmi iccám jém inmatpáppic jém tunjac anmatími. ²⁹ Pero da itumpiy jém Dios ipixiñtam accámtap juuts tum apóstol ni juuts tum inmatpáppic jém wibic anmatí, ni juuts tum accuyujoypáppic. Da itumpiy wiap iwat jém milagroyaj. ³⁰ Da itumpiy icpíspa jém mimneyajwiip, da itumpiy wiap inmat jém tunjac anmatími. Da itumpiy wiap tanmadáy ti nimtooba jém tunjac anmatí. ³¹ Wadaayi caso iga impictsonpa jém más wibic yoxacuy jém tachiipáppic Dios. Pero ich manañquejáypa jém más wibic tunj.

13

Jém wibic tóyooyi

¹ Siiga ich wiap anañmat itumpiy jém anmatí jém ityajwiip yíp naxyucmi y wiaptim anañmat jém sinyucmipic pñiñtam inmatí, pero da atóyóypa, jesic da ti acuwatcuy. Ajex juuts tum campana jém aguipic anjiypa. Ajex juuts tum platillo jém tsampic pími anjiypa. ² Siiga wiap anañmat jém Dios inmatí y wiaptim ançutiñiy itumpiy jém jixi jém dapic i ijodonj y siiga tsam pími ajixiñiy y tsam ançupícpa iga Dios wiap tayoxpát hasta annímáypa jém cotsic iga cáyñ jut it y cáypa, pero da atóyóypa, jesic da ti acuwatcuy. ³ Siiga anwécpa itumpiy jém anañwécpa y siiga acijunçotpa ammijtay iga nooquettáñ, pero da atóyóypa, jesic da para ti wi iga anjatpa así.

⁴ Jém tóyoypáppic iyaachíypa siiga malwadaytap, da malo, da najajóypa, da nimpá iga ich agui awiap, datim nacujítpa. ⁵ Jém tóyoypáppic píxiñ iwixpa jém itwitam, da icusúníypa jém más wibic cosa para je mismo, datim jóytero, da iccáypa jém jooya. ⁶ Jém píxiñ, jém tóyoypáppic, da maymáypa cuando tum píxiñ iwatpa tájca, maymáypa cuando iwíwatpa tum píxiñ. ⁷ Jém tóyoypáppic

da cutiñap. Da nunca ichacpa iga icupicpa Dios, ijodon iga tanjatun Dios tawiwadáya. Siempre iyaachíya cuando yaachwattap.

⁸ Jém tóyooyi da nunca cuyajpa. Pero núcpa jém jama iga cuyajpa jém ipictsonpápic jém Dios inmati, da más ipictsonpa. Cuyajpatim jém pími iga inmatpa jém tungac anmatími. Cuyajpatim itumpiy jém jixi jém itwip yíp naxyucmi. ⁹ Da itumpiy tancutiíyíya. Da capsapa tananmat titam tanímáypa Dios. ¹⁰ Pero núcpa jém jama iga capsapa jém tanjixi iga tancutiíyíya. Pero jém dapic capsne jém jixi, cuyajpa.

¹¹ Cuando ich atsiñam, anmatpa juuts tsixi, jextim anjixi y jempictim ancutiíyíya. Pero cuando amija, antsac jém tsixtam ijixi. ¹² Siip tajex juuts tum píxiñ íampa iwíñpac tum tescatjom da jayawiquejpa. Pero ocni tanwixpa. Siip da tancutiíyíya itumpiy cosa, pero ocni tancutiíyíya itumpiy cosa juuts Dios taixpicpa taich. ¹³ Da cuyajpa iga tancupicpa Dios, datim cuyajpa iga tanjispá iga Dios tayoxpátpa y datim cuyajpa jém tóyooyi. Icutres da cuyajpa. Pero más pími wí jém tóyooyi.

14

Jém anmatyáppic jém tungac anmatími

¹ Jesic waday caso más iga mitóyooytámiñ. Metstaami jém pími, jém tachiñewiip jém Dios íAnama. Jém más wibic pími jém tachiñewiip Dios iga wiap tananmat jém Dios inmati. ² Siiga tum píxiñ jíya jém tungac anmatími, jém dapic í icutiíyíya, jesic Dios síp íjáy jém píxiñ. Da síp íjáy jém píxiñtam porque da í wiap icutiíyí ti nimpá. Jém Dios íAnama iyoxpátpa iga inmatpa jém jixi jém dapic í ijodon. ³ Pero siiga tum píxiñ inmadáypa itiwitam jém Dios inmati, jesic más iwíwatpa. Iyoxpátpa jém itiwitam iga más icutiíyiyajiñ ti ixunpa Dios. Ichiiyajpa jixi iga más iwícupiguiñ jém Dios inmati iga odoy ichaguñ. Icamamwadayajpa íanama. ⁴ Siiga tum píxiñ jíya tungac anmatími jém dapic í icutiíyíya, jesic jém píxiñ nayoxpáttap iyaac iga más icutiíyíyíñ ti ixunpa Dios. Pero siiga tum píxiñ inmadáypa itiwitam jém Dios inmati, jesic iyoxpátayajpa itumpiy jém Dios ipixiñtam iga más iwatyajiñ juuts ixunpa Dios.

⁵ Ich animpa wí siiga inítumpiytam wiap injij jém tungac anmatími, jém dapic í icutiíyíya. Pero más wí iga ininmatpa jém Dios inmati porque jém inmatpáppic jém Dios inmati más tayoxpátpa que jém jiypáppic jém tungac anmatími siiga da í inímtsacpa jém anmati iga iyoxpádiñ itumpiy jém Dios ipixiñtam. ⁶ Jesic, mantiwitam, siiga nicpa manjójáy iga mananmadáypa jém tungac anmatími, jém dapic í icutiíyíya, jesic da wiap miyoxpát. Más wí iga mananmadáypa jém jixi jém achiiñewiip Dios, jém dapic je migooyi o iga mananmadáypa jém Dios inmati o jém wibic anquímayooyi.

⁷ Siip anaccámpa tum ejemplo. Jém flauta y jém arpa da jixiíy, pero siiga ticstap y da wiap itics parejo, da tancutiíyíya jup wañi ticstap. ⁸ Jesanetim siiga jém soldadoyaj da wiap ixus parejo jém trompeta iga icjodónap iga nicpa anajiyaj, jesic jém soldado da í listo. ⁹ Jempictim inñascátampa mimichtam cuando mijíya jém tungac anmatími jém dapic í icutiíyíya. ¿Jutsap inñodónata jém anmati? Síp inxajaanmat jém anmati. ¹⁰ Tsam jáyan anmati ityaj yíp

naxyucmi, pero cada p̄ixiñ w̄iap icutīiȳiȳ jém in̄mati. ¹¹ Jesic siiga t̄um p̄ixiñ āj̄iȳaipa in̄mat̄imi, pero da an̄cutīiȳiȳa, jesic an̄jodon̄ iga juum̄ipic p̄ixiñ. Jesic jém p̄ixiñ ijodon̄im iga ichgacti juum̄ipictim ap̄ixiñ. ¹² Mimichtam, numa tsam in̄wian̄jamta iga Dios iAnama michiiba jém ip̄imi, jesic métstaami jutsap in̄yoxpáta jém Dios ip̄ixiñtam iga más w̄iap iwatyaj ti ixunpa Dios.

¹³ Jesic siiga t̄um p̄ixiñ w̄iap in̄mat jém tungac an̄mat̄imi, jém dapic i icutīiȳiȳa, jesic w̄i iga iwágaȳiñ Dios iga iyoxpádiñ iga w̄iap in̄madáy jém it̄iwitam ti n̄impa jém tungac an̄mat̄imi. ¹⁴ Siiga an̄watpa oración jém tungac an̄mat̄imi, jém dapic i icutīiȳiȳa, jesic jém án̄anama in̄wejpátpa Dios, pero da ti cuwatcuy jém an̄jixi. ¹⁵ Jesic ich mannímáypa ti w̄iap an̄wat. Ich an̄watpa oración con jém án̄anama y an̄watpat̄im oración con an̄jixi. Awanpa con án̄anama y con an̄jixi. ¹⁶ Porque siiga in̄in̄wejpátpa Dios con in̄anama, pero da in̄in̄wejpátpa Dios con in̄jixi, jesic jém p̄ixiñ jém dapicnam iw̄icuyucane jém Dios in̄mat̄i, cuando imaton̄pa iga in̄watpa oración, da w̄iap in̄wagaan̄wejpátpa Dios porque da icutīiȳiȳa ti n̄impa jém an̄mat̄i. ¹⁷ Tsam w̄iap in̄chi gracia Dios, pero da in̄yoxpátpa jém tungac p̄ixiñtam iga más icutīiȳiȳa jutsap iwat juuts ixunpa Dios. ¹⁸ Iyucup̄dios iga ich más w̄iap an̄an̄mat jém tungac an̄mat̄imi, jém dapic i icutīiȳiȳa, que in̄tump̄iytam de mimichtam. ¹⁹ Pero cuando an̄tuum̄ayajpa jém Dios ip̄ixiñtam, ich an̄impa más w̄i iga an̄an̄matpa t̄um rato con an̄jixi iga an̄an̄quejáypa jém tant̄iwitam que iga an̄an̄matpa tsam yagatsjom jém tungac an̄mat̄imi jém dapic i icutīiȳiȳa.

²⁰ Mant̄iwitam, odoj j̄isi juuts t̄um xutu tsixi. Pero j̄ixīyaami juuts t̄um tsam̄ipic p̄ixiñ iga in̄wicutīiȳiȳa. Numa w̄i iga miitt̄amiñ juuts t̄um xutu tsixi, jém dapicnam imalwatne. ²¹ N̄impa jém wiñ̄cpic an̄quimayooyi j̄ut̄ j̄aȳñeta: “N̄impa Dios iga ich an̄an̄matpa jém nación de Israel con tungac an̄mat̄i y con jém juum̄ipic p̄ixiñtam. Pero ni jemp̄ic datim amaton̄yajpa.” ²² Jém in̄matpáppic jém tungac an̄mat̄imi w̄i para jém seña para jém dapic icup̄icneyaj Dios. Jém in̄matpáppic jém Dios in̄mat̄i w̄i como t̄um seña para jém icup̄icneyajw̄ip Dios. Da para jém dapic icup̄icneyaj. ²³ Jesic cuando it̄ump̄iy jém Dios ip̄ixiñtam an̄tuum̄aneyaj y it̄ump̄iy j̄iyajpa jém tungac an̄mat̄imi y jesic tigiypa algunos jém dapicnam icuyucane jém Dios in̄mat̄i o jém dapicnam icup̄icne, w̄iap in̄im iga ȳip p̄ixiñtam cułocoquetneyaj. ²⁴ Pero siiga it̄ump̄iy in̄matyajpa jém Dios in̄mat̄i cuando tigiypa jém dapicnam icup̄icneyaj o jém dapicnam icuyucane jém Dios in̄mat̄i, jesic an̄quejaȳap iga t̄an̄caiȳ, iyaac nacīp̄intap cuando imaton̄pa ti s̄ip in̄im̄yay. ²⁵ Jesic naixtap jém malopic j̄ixi jém in̄n̄cnew̄ip in̄an̄an̄jom. Jesic cost̄eñact̄in̄pa jém p̄ixiñ, moypa in̄wejpát Dios. N̄impa jém p̄ixiñ iga numa Dios it̄ con mimichtam.

W̄i iga idiñ orden j̄ut̄ an̄tuum̄ayajpa jém Dios ip̄ixiñtam

²⁶ Jesic, mant̄iwitam, cuando min̄tuumat̄ampa, w̄i iga in̄watt̄amiñ así: T̄um p̄ixiñ imaypa t̄um salmo, tungac in̄quejáypa t̄um w̄ibic an̄quimayooyi, tungac in̄matpa t̄um j̄ixi jém Diospic ichiñ̄e, tungac j̄iyapa jém tungac an̄mat̄imi, y tungac p̄ixiñ tan̄madáypa ti n̄imtooba jém an̄mat̄i. W̄i iga in̄watt̄ampa it̄ump̄iy cosa iga jém p̄ixiñtam más iw̄icup̄iguiñ jém Dios in̄mat̄i. ²⁷ Siiga mijiyt̄ampa jém tungac an̄mat̄imi, w̄i iga mijiyt̄amiñ miw̄ist̄en o mitucuten nada más. Pero j̄iytaami mitumt̄um. Ixunpa iga t̄um in̄madiñ jém an̄mat̄i ti n̄impa. ²⁸ Pero

siiga da *ı* wıap inmat ti nımpa jém tunğac anmatımi, mejor iga odoy jıytaami jém tunğac anmatımi jut mıntuumaneta. Más wıı iga jém pıxiñ icutum jıyıñ con Dios. ²⁹ Jesaptim cuando mıntuumaneta, wıı iga wısten o tucuten inmatpa jém Dios inmatı. Los de más icıpıñıñ ti nımpa jém pıxiñ. ³⁰ Pero siiga Dios ichiıba jıxi tunğac pıxiñ, jém coñwııp jem, jesic jém moıwııp inmat jém Dios inmatı ichaguıñ iga inmatpa. ³¹ İnıumpıytam wıap inınmatta jém Dios inmatı juuts Dios michiıñe jıxi. Pero anmattaami tımtım por mıtmıtım iga jém pıxiñtam wıap icuyucayaj jém Dios inmatı, jesic maymayaj jém Dios ipıxiñtam. ³² Jém inmatpıppic jém Dios inmatı iwıanğaguıñ jém ıanama. ³³ Wıı iga idıñ orden jut anıtuumayajpa jém Dios ipıxiñtam iga da ti idıyıy. Jempıctim iwatyajpa jém Dios ipıxiñtam jutınquej jut anıtuumayajpa.

³⁴ Jém yomtam da wıı iga jıyyajpa jut wattap culto jut anıtuumayajpa jém Dios ipıxiñtam. Da *ı* ijıgıyapa iga jıyyajpa. Más wıı iga imatıñıñ porque asıam nımpa jém Dios inıquımayooyi. ³⁵ Siiga ijodıñatooba ti nımpa jém anmatı, wıı iga icwıaguıñ jém iwıdaya cuando nıcpa itıccıim. Porque da *ı* iwııxpa jém yomo siiga jıypa jém culto.

³⁶ Wııjodıñataami iga Dios inmatı da tsucum mimichtamanjom. Y datim mimichtam inıcutum impıctsoneta. ³⁷ Siiga algunos ijıspa iga agui wıap inmat jém Dios inmatı o ijıspa iga tsam iniit jém Dios ıAnama, wıı iga icutıyıyıñ iga Dios tachiıñe jém anıquımayooyi jém sıppıppic anjay. ³⁸ Siiga tım pıxiñ da icutıyıy iga Dios tachi yıp anıquımayooyi, jesic asıam tsıyıñ.

³⁹ Jesic, mantıwıtam, cusıñıyı jém pımi iga wııñ inınmatta jém Dios inmatı. Odoy anıyıjacı jém inmatpıppic jém tunğac anmatımi. ⁴⁰ Pero wattaami itımpıy cosa juuts tım wııbc pıxiñ. Wıı iga idıñ orden jut anıtuumayajpa jém Dios ipıxiñtam iga odoy cujıñayajıñ.

15

Nıma pisneum jém tınqmı Jesucristo

¹ Sııp mantıwıtam, manacjodıñatımpa eybic jém wııbc anmatı iga inıjıstımiñ. Yıptim anmatı impıctsoneta, hasta sııp da inıchacne. ² Con yıptim anmatı mıciacputtımpa Dios siiga da inıchacpa jém anmatı, jém mananmadayñewııp, siiga da mıñınanıtaayap iga inıcupicne jém wııbc anmatı.

³ Wıñtı oy mananquejáy jém más mıjpic anıquımayooyi, jém ichpıc ampıctsonne. Yıp anıquımayooyi tanquejáypa iga accaıta Jesucristo iga tayoıayta jém tantıncı. Asıam nımpa jut jayñeta jém Dios inmatı. ⁴ Cumta, pero jém tucunajama pis juuts nımpa jém Dios inmatı jut jayñeta. ⁵ Jesic pisneum Jesús, moı iwıñquejáy jém Peto, ocımi iwıñquejáy jém doce icuyucıwıñ. ⁶ Más ocımi tımtı cı iwıñquejáy más de quinientos jém icuyucıwıñ. Jáyan de jeeyaj vivo hasta sııp, pero algunos caaneum. ⁷ Más ocımi iwıñquejáy jém Jacobo. Ocımi eybıctim iwıñquejáy jém doce icuyucıwıñ.

⁸ Jesic ocımi cuando yaj iwıñquejáy itımpıy de jeeyaj, awıñquejáyım aıch. Acıpuıchcıy cuando awıñquejáy. Ich ajex juuts tım tsıxi iga danam nıcne hora iga naypa. ⁹ Ich tım xıtupic aapıstol y datim wıı iga manımıyapa iga ich aapıstol porque ich tsam ammalwadáy jém Dios ipıxiñtam. ¹⁰ Ich nıma aapıstol porque Dios tsam ayaachanjam y awıwadáy. Aıch da axajacım juuts

tum apóstol porque más pimi ayoxane que itumpiy jém apóstol. Pero ich anyaac da anwatpa. Dios tsam ayoxpát iga wiap anwat. ¹¹ Da ti iwatne siiga ich mismo o jém tunjac apóstol miñmadáya jém anmati, mimichtam tsam injwicipneta.

Acpsiyajtap jém caaneyajwüip

¹² Siiga nimpa jém anmati, jém manañmadayñewüip, iga pisneum jém Cristo de jut it jém caaneyajwüip, ¿jesic tiiga nimyajpa algunos de mimichtam iga da pisyajpa jém caaneyajwüip? ¹³ Siiga numa da pisyajpa jém caaneyajwüip, jesic datim pis jém Cristo. ¹⁴ Siiga da pis jém Cristo, jesic xajatim manañmadáy jém anmati y xajatim incupic jém Cristo. ¹⁵ Siiga da pis jém Cristo, jesic ammigóyanmatpa jém Dios inmati cuando manañmadáy iga Dios icpis jém Cristo. Siiga da je numa iga pisyajpa jém caaneyajwüip, jesic da numa Dios icpis jém Cristo. ¹⁶ Porque siiga jém caaneyajwüip da pisyajpa, jesic ni Cristo datim pis. ¹⁷ Siiga jém Cristo datim pis, jesic xajatim incupictámpa, da i miyojayñe jém iññanca. ¹⁸ Jesic togoyñeyajum jém caaneyajwüippic, jém icupicneyajwüip Cristo. ¹⁹ Siiga nada más tanjisa iga jém Cristo tayoxpátpa iganam taitpa yíp naxyucmi, más tauuguytim que itumpiy jém pixiñtam.

²⁰ Pero siip numa pisneum jém Cristo de jut it jém caaneyajwüip. Je jém wiñtipic cosecha. Jesic quejpa iga pisyajpatim itumpiy jém caaneyajwüip. ²¹ Tum pixiñ ictsucum iga caayajpa itumpiy jém pixiñtam yíp naxyucmi. Tunjac pixiñ ictsucum iga pisyajpa itumpiy jém caaneyajwüip. ²² Caaba itumpiy jém pixiñtam porque tsucumne de Adán. Pero Cristo ictsucum iga wiap ipisyaj itumpiy jém caaneyajwüip. ²³ Pispa cada tumtum juuts ixunpa Dios. Wiñti pis jém Cristo, pero ocmi cuando miñgacpa yíp naxyucmi jém tánQmi, acpsiyajtap jém caanewüip, jém icupicnewüip Cristo. ²⁴ Ocmi miñpa jém inañpigam jama. Jém tánQmi Cristo ictogoypa itumpiy jém anjagooyiyaj. Itobáya ipimi. Iciñjuncotpa jém anjagooyi ipimi jém iññatunçim iga Dios injacpa yíp naxyucmi. ²⁵ Porque tienes que tsíypa jém Cristo juuts anjagooyi hasta que icoñwíypa itumpiy jém ienemigoyaj. ²⁶ Cuyajpa jém inañpigam tánenemigo. Cuyajpa iga caaba jém pixiñtam. ²⁷ Dios ichac itumpiy cosa jém Jesucristo ipuyçim iga injacpa. Pero cuando nimpa jém Dios inmati iga Cristo injacpa itumpiy cosa, da nimtooba iga injacpatim jém tanjatun Dios. ²⁸ Cuando itumpiy cosa tsíy jém Jesucristo ipuyçim, jesic jém Cristo iyaac ijicpa iga injacpa iññatun Dios, jém ichiñewüip itumpiy jém ipimi. Jesic itumpiy cosa Dios imiñchi, injacpatim itumpiy cosa.

²⁹ Algunos icchiniyajpa jém pixiñtam iga iciacpudiñ jém itiwitam jém wiñncpic caaneyaj. ¿Pero tiiga iwatpa jempic siiga da pispa jém caanewüip?

³⁰ ¿Tiiga da acñpa iga aitta en peligro itumpiy tiempo siiga da tapispa cuando tacaaneum? ³¹ Mantiwitam, tsam amaymay iga incupicneta jém tánQmi Jesucristo. Jeeyucmi da acñpa iga it peligro iga taccaaba cada jama. ³² Tsam pimi anañpa con jém ánenemigoyaj jém atebet Efeso juuts añapa tum pixiñ con jimñi animat, pero da ti acuwatcuy siiga da pisyajpa jém caaneyajwüip. Wiap tanim juuts nimyajpa: “Tawíctámpam y taníctámpam porque joymi tacaaba.”

³³ Odoy jüici iga i mimigóyáypa. Juuts nimpa jém dicho: “Jém malopic compañeroyaj icmalwatpa jém itiwitam.” ³⁴ Tsactaami iga immalwatpa.

Wiwattaami eybic juuts tum wibic p̄ixiñ. Porque algunos de mimichtam da iñixictámpa Dios. Mannímaytámpa así iga michaatámiñ.

Jutsap icpisyaj jém caaneyajw̄ip

³⁵ Pero algunos acwágóypa, n̄imyajpa: “¿Jutsap ipisyaj jém caaneyajw̄ip? ¿Juutspic m̄j̄tay iniitpa cuando pisneum?” ³⁶ Michtam da mijixīiy iga micwágóypa así porque tanjodon̄ cuando ñiptap tum pac tienes que caaba imayi iga naypa eybic jém pac, tsíypa tum planta. ³⁷ Ñiptap jém trigo ipac o tungac pac, pero da ī iñibáypa iplanta. Tanñippa tum xutu pac, pero naypa tum m̄j̄pic planta. ³⁸ Dios ichiiba juuts ixunpa cada pac jém im̄j̄tay jém im̄ch̄ipic. Cada jém pac chiitap jém im̄j̄tay. ³⁹ Da itump̄iy mayi tum̄ti. Jém p̄ixiñ tungac imayi, jém animat tungac imayi, jém jon tungac imayi, jém tīip̄i tungac imayi. ⁴⁰ Ityaj jém sin̄yucm̄ipic m̄j̄tay, ityajtim ȳip naxyucm̄ipic m̄j̄tay. Jém sin̄yucm̄ipic iniit̄ iw̄i. Jém naxyucm̄ipic tungac iw̄i. ⁴¹ Jém jama ichoça tungac, jém poya tungac, y jém matsa tungac. Jém matsayaj da tum̄ti ichoça. ⁴² Asíam naspa cuando p̄isyajpa jém caaneyajw̄ip. Cumtap jém m̄j̄tay jém p̄ucp̄appic. Jesic pispa tum m̄j̄tay dam nunca caaba. ⁴³ Cumtap jém da wibic m̄j̄tay jém pucp̄appic. Cuando pispa, tsam wibic m̄j̄tay. Cuando cumtap da inīj ip̄imi. Pero cuando pispa inīitum ip̄imi. ⁴⁴ Cumtap ȳip naxyucm̄ipic m̄j̄tay. Pispa juuts tum sin̄yucm̄ipic m̄j̄tay. It̄tim jém m̄j̄tay jém naxyucm̄ipic. It̄tim jém m̄j̄tay jém sin̄yucm̄ipic.

⁴⁵ N̄impa jém Dios in̄matī jut̄ jaȳñeta: “Jém wiñ̄tipic p̄ixiñ, jém Adán, chiit̄a ivida.” Pero jém in̄an̄pigam Adán tum Anama, jém tach̄ip̄appic tamvida. ⁴⁶ Wiñ̄ti tawatnetā juuts jém Adán im̄j̄tay, ocm̄i tawattap juuts jém sin̄yucm̄ipic m̄j̄tay. ⁴⁷ Jém wiñ̄tipic p̄ixiñ watta con naspótpót, je jém naxyucm̄ipic p̄ixiñ. Jém ocm̄ipic p̄ixiñ je jém tán̄Qmi Cristo jém Miñ̄ñew̄ip Sin̄yucmi. ⁴⁸ Jém tamm̄j̄tay, jém naxyucm̄ipic, jex juuts jém p̄ixiñ jém watnetaw̄ip con naspótpót. Jém sin̄yucm̄ipic m̄j̄tay jex juuts jém it̄w̄ip sin̄yucmi. ⁴⁹ Tanait̄ jém ámooyi juuts jém watnetaw̄ip naxyucmi, jesanetim núcpa jém tiempo iga tanait̄pa jém ámooyi juuts jém Miñ̄ñew̄ip Sin̄yucmi.

⁵⁰ Mant̄iw̄itam, mannímaytooba iga jém tamm̄ȳi y jém tann̄ipiñ da núcpa sin̄yucmi jut̄ in̄jacpa Dios. Jém dapic jáypa da wiap iwaganait̄ jém jáyp̄appic. ⁵¹ Ich manac̄jodón̄atámpa sīip jém j̄ixi, jém dapic in̄cutīiȳiñeta. Da tacaatámpa tantump̄iytam, pero tantump̄iytam tacucagaytamtap. ⁵² Agui jics̄iy tanascaaba así juuts tum p̄ixiñ cuando īj̄tpa iixcuy. Tacucagaytap cuando sustap jém in̄an̄pigam s̄uxi de jém trompeta. Porque tienes que sustap jém trompeta y jém caaneyajw̄ip cup̄isayyajpa y dam nunca caaba eybic. Y taichtam tavivop̄ic tacucagaytamtap. ⁵³ Jém tamm̄j̄tay jém dapic jáypa tienes que joom̄asetpa iga jáypa para siempre. Jém tamm̄j̄tay jém caap̄appic tienes que joom̄asetpa iga da nunca caaba. ⁵⁴ Cuando joom̄asetpa jém tamm̄j̄tay, jesic jáypa, da eybic caaba, jesigam cupacum juuts n̄impa jém Dios in̄matī: “Cuyajpa iga caayajpa jém p̄ixiñtam. Jém Cristo icoñ̄w̄iy jém Woccīwiñ̄ ip̄imi. ⁵⁵ A que mi Woccīwiñ̄, ¿jut̄ it̄ jém imp̄imi iga anaccatámpa? Micoñ̄w̄iȳñeum jém án̄Qmi Cristo.” ⁵⁶ Tacaatámpa porque tan̄watneta jém t̄ñca. Y tan̄wattámpa t̄ñca porque da tan̄cupigayta jém Moisés in̄quím̄yooyi. ⁵⁷ Sīip tanchiiba gracia jém tan̄jatun̄ Dios porque dam tan̄c̄in̄pa iga tacaaba porque jém tán̄Qmi Jesucristo taw̄itsagaȳñeum jém tant̄ñca.

⁵⁸ Jeeyucmi, mantiwitam mantoytampáppic, siempre wattaami juuts ix-unpa Dios, odoy tsactaami jém Dios inmafi. Seguido wattaami jém Dios iyoxacuy porque injodonjam iga cuando tanwaganayoxa jém tánQmi, da taxajoxatámpa.

16

Jém tumiñ para Dios iyoxacuy

¹ Cuando ininjtuuma wattámpa jém ofrenda iga inyoxpátpa jém tantiwitam, jém icupicneyajwíp Jesucristo, wattaami juustim ananquejayñe jém Dios ipixiñtam jém naxyucmi de Galacia. ² Cada jém wiñtipic jama de jém semana cada tumtum de mimichtam accáyaami jém tumiñ juuts Dios miwíwadáy jém semana. Jesic cuando anúcpa jemic, da tananjtuuma watpa jém tumiñ. ³ Cuando anúcpa jemic jut miitta, ancutsatpa Jerusalén jutén jém impixiñtam jém incupinnetanjwíp iga ininicyajiñ jém tumiñ iga ichiijaypa jém tantiwitam. Ininipatim tum toto iga wipictsonyajtaiñ. ⁴ Siiga wí iga anicpatim mex aich, jesic ich anwagananicpa.

Ijísipa jém Pablo juchis nicpa joyi

⁵ Jesic cuando anicpa, tienes que anaspa jém naxyucmi de Macedonia. Jesic yajpa anaxi Macedonia, anicpatim Corinto. ⁶ Wiap ampoychíy con mimichtam. Wiaptim antsíy entero jém tiempo de succuc. Jesic mimichtam wiap anyoxpát jut anictooba ocmi. ⁷ Ich da ansunpa iga mánixpa no más tum rato iga awidanhaspa. Ansunpa iga apoychíyppa con mimichtam siiga Dios iwianjam jempic. ⁸ Ich atsiyppa jém atebet Efeso hasta naspa jém sin de Pentecostés. ⁹ Yiim ányayta jém puerta iga anwatpa jém Dios iyoxacuy, tsam jáyan icupicyajpa jém Dios inmafi. Pero ittim wati jém ajóiyxajpáppic.

¹⁰ Siiga núcpa jemic jém Timoteo, jici iga miwaganayoxap sin cini porque je iwatpatim jém Dios iyoxacuy juustim aich. ¹¹ Jeeyucmi mannímáyppa, wixi jém Timoteo inñumpiytam, yoxpáttaami iga maymáyañ iga niguiñ más juumi. Porque síp ananjócta jém Timoteo con jém tunjac tantiwitam iga miñyajpatim yiim.

¹² Siip mananjmadáyppa ti inhasca jém tantíwi Apolo. Tsam anjunucsáy iga niguiñ mijóyáy con jém tantiwitam, pero ijísipa iga siip da wiap. Nicpa tunjac jama cuando iniit lugar.

Pablo idioschiiba jém iamigoyaj

¹³ Odoy monjaami, odoy tsactaami jém Dios inmafi. Wattaami juuts tum pxiñ jém tsampic iwícuuyjane jém Dios inmafi. ¹⁴ Jesic titam injwattámpa, wattaami con jém wibic tóyooyi.

¹⁵ Siip mantiwitam, michtam injodonjam iga jém Estéfanos con jém itiwitam jeeyaj jém mojjwíp icupicyaj Cristo jém naxyucmi de Acaya. Jeeyaj tsam iyoxpátaypa jém icupicneyajwíp jém Cristo. ¹⁶ Ansunpa siip iga inwiixtámiñ itumpiy juuts jeeyaj, jém tsampic yoxayajpa y jém iyoxpátaypáppic jém tantiwitam. ¹⁷ Agui amaymay porque miñneum jém Estéfanos, jém Fortunato y jém Acaico. Miñ iwatyaj jém yoxacuy jém michpic da wiap injwatta porque da miita yiim. ¹⁸ Jeeyaj tsam amaymaywat y mimaymaywattim mex mich. Jeeyucmi animpa wí iga tanwiixtámiñ jexpic pxiñtam juuts jeeyaj.

¹⁹ Jém Dios ipixiñtam, jém aṅtuumayajpáppic jém naxyucmi de Asia, micutsadáypa wátidios. Jém Aquila y Priscila con itumpiy jém Dios ipixiñtam, jém aṅtuumayajpáppic iticcim, micutsadáypatim wátidios jém tánQmi Cristo iñiyimi. ²⁰ Itumpiy jém tantiwitam, jém ityajwiip yim, micutsadáypatim wátidios. Nadioschitamtají con tum aṅṅacatsuuchi.

²¹ Siip ich aPablo manjáyáypa aṅcimi yíp aṅmáti iga mandioschitámpa.

²² Jém dapic itoypa jém tánQmi Jesucristo, wí iga ipictsóñiñ jém castigo. Siip, mánQmi, miñi.

²³ Jém Jesucristo miwattámiñ cuenta. ²⁴ Agui mantoytámpa iñtumpiytam, jém inçupicnetarwiip Jesucristo. Jemum cuyaj.

Jém segunda carta jém ijáyayñewiip Pablo jém Corintopic pìxiñtam

Pablo idioschiiba jém Dios ipìxiñtam jém ityajwìp jém attebet Corinto

¹ Ich aPablo. Jesucristo accám juuts tum apóstol porque jempigam ixunpa tanjatun Dios. Siip ich con jém tantíwi Timoteo manjáyaytámpa mimichtam, jém Dios mipìxiñtam, jém minjtuumatampáppic jém attebet Corinto. Anjáyaypañim itumpiy jém Dios ipìxiñtam icuwiñi jém naxyucmi de Acaya. ² Siip jém tanjatun Dios y jém tánQmi Jesucristo miwíwadaytámiñ, michiitámiñ paz.

Nimpa Pablo iga tsam yaachwattá

³ Siip tanjucijptámpa jém tanjatun Dios jém tánQmi Jesucristo ijatun. Tsam tayaachanjámpa, tacpocsápa tánanama. ⁴ Dios tsam tacpocsápa tánanama cuando pimi tayaachwattap, jesic taichtam wiaptim tanacpocsáyapa ianamayaj jém yaachayajpaap jextim juuts Dios tacpocsáyapa tánanama. ⁵ Tsam pimi tayaachwattaptim yíp vida jextim juuts yaachwattá jém Cristo. Jesic jeetim Cristo icuyucmi tacpocsayta tánanama iga tanyaachiyiñ cuando tayaachwattap. ⁶ Jeeyucmi aichtam ayaachwattamtap iga manyoxpáttámpa iga Dios micpocsáyiñ iñanama y miciacputtamtañ. Jeeyucmi aichtam acpocsayta ánanama iga michtam wiaññim iñyaachiyta cuando miyaachwattamtap jextim juuts aichtam cuando ayaachwattamtá. ⁷ Anwijodon iga mimichtam da iñchactámpa jém Dios inñati porque siiga miyaachwattamtap juuts aichtam, nuna Dios micpocsáyapañim iñanama juuts aichtam acpocsayta ánanama.

⁸ Mantíwítam, ansunpa iga iñjodonatámiñ iga tsam pimi ayaachwattamtá jém naxyucmi de Asia. Tsam pimi acutítstamtá hasta casi da wiap anyaachiyta. Ich anjístámpa idic iga jemum accaatamtap. ⁹ Ich anjampa juuts apreso, jém accaatapáppic. Dios ijícpa iga annascaaba jempic iga odoy anjucipiguiñ iga ich wiap anyoxpáttá anyaac. Iwianjam tanjatun Dios iga anjucipiguiñ iga je icutum wiap ayoxpát, je wiap icpis jém caaneyajwìp. ¹⁰ Dios taciapcutta iga da taniçpa jém inferno. Jesic taciapcutpatim cuando tanascaaba jém mójpic yaachaji. Tannuntawijodon iga siempre taciapcuttámpa. ¹¹ Siiga mimichtam anyoxpáttamtooba, anwejpáttaami Dios para aichtam. Siiga wañi pìxiñtam inwejpátayja Dios para aichtam, jesic núcpa jama iga jáyan pìxiñtam ichiijayja gracia Dios iga tsam awíwadayñeta.

Tiiga jém Pablo da nicpa jobit jém attebet Corinto

¹² Aichtam agui amaymáyata porque anjodon ánanamanjom iga anjwíwatne yíp naxyucmi y mimichtámanjom juuts anquejáy Dios. Ich da anjwíwatne ich anjiximi, yíp naxyucmipic, pero anjwíwatne porque Dios tsam ayaachanjam y ayoxpát iga wiaññ anjwíwat. ¹³ Itumpiy jém cosa, jém siippic manjáyaypa, wiap immay y wiaptim inwicutiñiyta. Ansunpa iga odoy nunca tsaci iga incutiñiytámiñ. ¹⁴ Siip incutiñiyñeum en parte. Cuando miñgacpa

yíp naxyucmi jém tánŌmi Jesucristo, michtam tsam mimaymáyatámpa con aichtam y aichtam agui amaymáyatámpaŋim con michtam.

¹⁵ Ich anjampa ánanamanjom iga amaymáyatámpa con mimichtam. Jeeyucmi ich anjjspa iga wiñti manjoyñasáypa cuando anaspa jem. Jesic cuando aŋeŋpa, eybic manjoyñasáypaŋim. ¹⁶ Anjjspa iga manjoyñasáypa cuando anicpa jém naxyucmi de Macedonia. Ocmi cuando aŋeŋpa, eybic anaspa iga apoychíypa tum rato con mimichtam, jesic wiap anyoxpátta cuando anicpa jém naxyucmi de Judea. ¹⁷ ¿Que michtam iñjjspa iga mammigóyáypa porque hasta siip da oyñe mánámta? ¿Que iñjjspa iga ich ajex juuts tum pixiñ jém dapic icupicne Dios iga wiap anim tum rato iga anicpa y tunjac rato animpa iga da anicpa? ¹⁸ Pero Dios ijodon iga aichtam da mammigóyayta, da mannímayta jeeti rato iga anicpa y jeeti rato iga da anicpa. ¹⁹ Ich con Silvano y Timoteo oy manajmadayta de Jesucristo jém Dios iManic. Yíptim Cristo siempre iccupacpa ti tanímayñe, da tamigóyáypa. ²⁰ Juŋ tanajwejpátámpa Dios wi iga tanimtámpa “Jempigam it wi” porque tanjodon iga jém tánŌmi Cristo iccupacpa juuts tajycámayñe Dios. Jeeyucmi tanimpa iga “Jempigam it wi.” Asíam tanjújptámpaŋim jém tanjatun Dios. ²¹ Siip mimichtam y aichtam Cristojam tammichifam porque jém tanjatun Dios tacupineta y tamichaneta. ²² Dios taccámayñeta tum sello iga quejiñ iga Dios tamichi. Tachiitamta jém Dios iAnama tánanamanjom iga tanjodonatámiñ iga seguro tampictsonatámpa titam tachiiba Dios.

²³ Danam nicne manjójáy juuts anjjsne idic porque da manjogaytooba. Dios tsíy juuts tum testigo iga da mammigóyáypa. ²⁴ Ich da mampimiytooba juuts tum anjagooyi porque michtam inwicupicneta jém tánŌmi Jesucristo juuts aichtam. Más wi iga tanwaganayoxatámpa iga tanaittámiñ jém wibic maymáyaj. Seguido incupicpa iga Cristo miyoxpátta, da inñacpa iga incupicpa.

2

¹ Jeeyucmi ich anjjs iga da nicpa manjójáy iga eybic mantsiganyáawatpa iga manjogáypa. ² Siiga ich mantsiganyáawatámpa, ¿jesic i wiap amaymaywat aich? Da i más, solamente mimichtam jém mantsiganyáawatnewiip. ³ Jeeyucmi manjójáy juuts manjójáyñe porque da anictooba iga mantsiganyáawatámpa mimichtam. Más anwianjam iga ammaymaywattámpa aich. Annuntawijodon iga cuando ich agui amaymáyp, jesic michgacti agui mimaymáyatámpa iñtumpiytam. ⁴ Jesic manjójáy jém wiñtipic toto, agui pimi manjjspa, pimi anyácne hasta awejpa. Pero da manjójáyta iga minyáctámiñ, manjójáyta iga manacjodonap iga ich tsam pimi mantoytámpa.

Pablo iwadáypa perdón jém pixiñ jém imalwatnewiip

⁵ Siiga jém tantiwi, jém imalwatnewiip, tatsiganyáawatámpa, da solamente anyácpa aich, pero minyáctámpaŋim mimichtam. ⁶ Siip itum wi jém castigo, jém inñchiiñewiip jém tantiwi jém imalwatnewiip. Odom chi más. ⁷ Siip más wi iga tanwadáyñi perdón y tanacpocsáypa ianama. Da wi iga pimi anyácpa yíp pixiñ hasta ichacpa Dios inmaŋi. ⁸ Jeeyucmi manjucunucsáypa iga anquejaayi yíp pixiñ iga eybic inñoytámpa. ⁹ Manjójáyñe wiñti iga inñchiiñ castigo jém pixiñ

iga mançutítstampa siiga numa inwattampa juuts manañquejayñeta. ¹⁰ Siiga mimichtam inwadayñeum perdón jem pxiñ, jesic ichgacti anwadáypatim perdón. Porque siiga ich anwadáy perdón algun pxiñ, anwadáyum así iga manyoxpáttampa jem tánQmi Cristo icuyucmi. ¹¹ Wi iga tanwadáy perdón jem imalwatnewiip, jesic jem Wocciwiñ da wiap tacofiwi. Porque tanjodon iga jem Wocciwiñ tsam jayayanjichich.

Anyáne Pablo jem atebet de Troas

¹² Cuando nic anañmat jem tánQmi Jesucristo inmati jem atebet Troas, tanjatun Dios tsam achi yoxacuy jemíc. ¹³ Tsam anyáne ananamanjom porque da ampát jem tantiwi Tito. Jeeyucmi anañquimyajum jem tantiwitam jemíc, aset jem naxyucmi Macedonia.

Jem tánQmi Jesucristo tsam tayoxpátpa

¹⁴ Pero iyucuipdios iga jem tánQmi Jesucristo siempre tayoxpátpa iga tançoñwiytampa jem Wocciwiñ ipimi. Tayoxpátpatim iga tananictampa jem Dios inmati jutquej juuts tum wibic cñi núcpa jutñquej. ¹⁵ Aichtam ajextam juuts jem poma ijoco icñi juuts jem Jesucristo iñoaypaap ijatun. Núcpa jem icñi jut it jem iciacputyajpáppic y jut it jem togoyajpáppic. ¹⁶ Cuando ixucpa jem togoyajpáppic, da ipictsonyajpa. Jem dapic iwianjam cuando ixucpa, iccaaba. Pero cuando ixucyajpa jem iciacputyajpáppic Dios, jesic jem cñi ichiiba vida. Tsam mij yip yoxacuy, da i wiap iwat siiga Dios da tayoxpátpa. ¹⁷ Aichtam da sip anwatta negocio con Dios inmati. Da anañcodiytampa juuts algunos tsam inçodiyta. Pero aichtam manwanquejápa jem wibic anquímayooyi, jem dapic je miçoooyi, porque aichtam Dios acutsatta. Anañmattampa juuts aixtampa Dios, juuts ayoxacwiñ de jem tánQmi Jesucristo.

3

Anmadayta jem pxiñtam de jem jomipic pacto

¹ Cuando mannímaytampa jempic, ¿que inñistampa iga anyaac anacujítpa? ¿Que inxunpa iga mançijunçodáypa tum toto iga ánixpictámiñ, iga da amalotam? ¿Que inxunpa iga manwágáypa tum toto iga ánixpictámiñ juuts iwatyajpa algunos? ² Mimichtam mismo mitoto iga quejpa iga anwíwatne. Jem jaycámnewiip ananamanjom jem tansuntampáppic. Jesic itumpiy iixpicpa y wiap imay. ³ Mimichtam mitoto jem ijayñewiip jem Jesucristo iyaac y acijunçodayta aichtam iga ananica jem tungac pxiñtamanjom. Mijex juuts mitoto, pero da mijayne con tinta, mijayne con jem Dios iAnama jem vivopic. Yip toto dapic i jaycámne jem tsaatablayucmi, pero jaycámnetā jem pxiñ ianamayucmi.

⁴ Animpa así porque ançupicpa iga Dios wiap iwat itumpiy cosa porque ánixpicne jem tánQmi Jesucristo. ⁵ Aichtam anyaac da ti wiap anwatta, pero itumpiy jem wiapaap anwat, anwatpa porque Dios ayoxpátne. ⁶ Dios ayoxpátne iga anañmadáypa jem pxiñtam jem jomipic trato. Yip jomipic trato da nimpa iga tançupicpa jem wiñicpic anquímayooyi, jem jayñewiip, pero nimpa iga tampictsonja jem jomipic vida, jem tachiñewiip jem Dios iAnama. Porque jem wiñicpic anquímayooyi, jem jaychacnewiip, taccaaba, pero jem Dios iAnama tachiiba vida.

⁷ Jém Moisés inqúimayooyi jaycámnetá jém tsaatablayucmi. Tsam pími tsoepa jém Moisés iwiñpac cuando inimiñ jém anqúimayooyi. Hasta jém Israelpic pixiñtam da wiap íamyaj. Tsam pími tsoepa, pero jeeti rato píchpa ixi. Pero siiga tsam pími tsoepa jém Moisés iwiñpac cuando inimiñ jém wiñicpic anqúimayooyi, jém taccaapáppic, ⁸ jesic más pími wí jém wibic juctian̄tsoca jut núc jém an̄matí jém inimiññewiip jém Dios iAnama. ⁹ Tsam pími tsoepa jém anqúimayooyi, jém taccaapáppic, pero más pími witsocpa jém wibic an̄matí, jém nimpáppic iga Dios tapictson̄pa. ¹⁰ Porque siip jém pecapic anqúimayooyi, jém tsampic tsoepa idic, dam para ti wí porque ni uxaj da ictsíypa juuts yíp jomipic anqúimayooyi. Je más pími witsocpa. ¹¹ Porque siiga tsam wiquejpa iga miñ Diosc̄im jém anqúimayooyi, jém dapic jáypa, tienes que más wiquejpa iga miñ Diosc̄im jém tun̄gac anqúimayooyi, jém jáypáppic para siempre.

¹² Como aichtam an̄wijodon̄ iga más wí yíp anqúimayooyi, jeeyucmi annu-uman̄mattámpa, da ti an̄c̄j̄pa. ¹³ Da tan̄watpa juuts jém Moisés. Je icuj̄mpa iwiñpac con tum̄ yic puctucu iga jém Israelpic pixiñtam odoy iixayayjiñ iga píchpa ixi jém íamooyi, jém aguipic tsoepa. ¹⁴ Pero jeeyaj da icut̄iyiyayjpa. Hasta siip cuando imayyajpa jém wiñicpic anqúimayooyi, jém pixiñtam juuts icuj̄mneyaj iwiñpac con jém yic puctucu y da wiap iguixixóy. Da í iccáyayñe jém puctucu porque da í wiap iccáyáy hasta que icupicyajpa jém Jesucristo. ¹⁵ Hasta siip cuando imayyajpa jém Dios in̄matí, jém ijayñewiip jém Moisés, jém pixiñtam juuts an̄jimne ij̄ixi con jém yic puctucu. Jeeyucmi da wiap icut̄iyiyay jém Dios in̄matí. ¹⁶ Pero cuando tum̄ píxiñ icupicpa jém tán̄omi Cristo, jesic accáyaȳtap jém yic puctucu. ¹⁷ Jém tán̄omi je jém Dios iAnama. Jut it jém tán̄omi iAnama, cutsigayñetāwum jém pixiñtam iga odoy más icupicyajiñ jém Moisés inqúimayooyi. ¹⁸ Jeeyucmi taichtam como taccáyayñetāwum jém yic puctucu tan̄wiñpacyucmi, tajextam juuts tum̄ tescat. Quejpa jém tan̄wiñpacyucmi jém tán̄omi ichoca. Cada jama más y más tacucacpa iga más y más tatsíypa juuts jém tán̄omi Cristo. Más pími tawitsocpa hasta más quejpa jém Cristo. Iwatpa jempic jém tán̄omi iAnama.

4

¹ Jesic jém tan̄jatun̄ Dios ayaachanj̄amta y ayoxpátámpa iga wiañ̄ an̄watta jém Dios iyoxacuy, jeeyucmi da antsacta. ² Siip ich antsacneum jém migooyi, jém an̄nécn̄ewiip, jém tatsaawatpáppic. Da asiitámpa juuts jém pixiñtam jém tsampic jáyayan̄j̄ichich. Da an̄cucagáy jém Dios in̄matí. Anan̄mattámpa jém numapic anqúimayooyi. Jesic itumpiy jém pixiñtam ijodon̄ ianaman̄jom iga da ammigóyáypa. Ijodon̄tim jém tan̄jatun̄ Dios. ³ Da an̄nécne yíp wibic an̄matí. Solamente an̄nécne para jém pixiñtam jém togoyajpáppic. ⁴ Como jeeyaj da icupicyajpa yíp wibic an̄matí, jém Wocciwiñ, jém yíppic naxyucmipic dios, icáchíwatne jém pixiñtam, jém dapic icupicyajpa Cristo, iga odoy icut̄iyiyiñ y odoy wiañ̄ iixyaj jém wibic jucti an̄tsoca, jém wibic an̄matí, jém tachiññewiip jém tán̄omi Cristo; je jém Dios icuwiñ. ⁵ Cuando anan̄mattámpa, da anan̄mattámpa aichtampic anan̄matí. Anan̄mattámpa iga jém Jesucristo je tán̄omi. Aichtam nada más amozotam iga man̄cuyōxatámpa porque tsam tatoypa jém Jesucristo. ⁶ Porque jeetim Dios iwat jém jucti iga yicquejóypa jém piichc̄im cuando mu iwat yíp nas. Jeetim Dios tayicquejpa tán̄anaman̄jom iga wiañ̄ tánix jém wibic Dios jém Jesucristo iwiñpacyucmi.

Wi iga tanaitpa fe iganam taittámpa yíp naxyucmi

7 Pero taichtam tanait yíp wibic jucti an̄tsoc̄a jém nassuunjom. Yíp nimtooba jém tammijtay. Jesic quejpa iga Dios tachiiba yíp tsam mijpic pimi, da je taichtam tampimi. 8 Aichtam ayaachwattamtap jutquej, pero siempre tacupujtap. Da an̄jodon̄tam ti wiap̄ an̄watta porque tsam it jém enemigo. Pero da nunca an̄jisa iga acoñwíypa. 9 Tsam amalwadaytamta, pero Dios da at-acta an̄cuřum. Accuřtamta naxyucmi, pero da i wiap̄ mu accaata. 10 Jutquej anicpa, accaatātooba juuts accaata jém Cristo. Pero jutquej anicpa, quejpa iga vivo jém Cristo porque tsam acupujpa. 11 Ich an̄jodon̄ iga accaatātooba itumpiy jama jém Jesucristo icuyucmi. Jempam quejpa iga anaita jém Cristo iverda jém ammiytayyucmi, jém caapápic. 12 Tsam ayaachwattamtap yíp naxyucmi. Accaatamtooba aichtam, pero mimichtam impictson̄tampa jém vida jém tachiinew̄ip̄ jém Jesucristo.

13 Nimpa jém Dios in̄mati jém jayñew̄ip̄: “Ich an̄cupicpa iga Dios wiap̄ tayoxpát.” Jesanetim aichtam an̄cupicpatim juuts jém pixiñ jém ijayñew̄ip̄ jém Salmo iga Dios wiap̄ tayoxpát, jeeyucmi wiap̄ anan̄mat jém wibic an̄mati. 14 Ich an̄jodon̄ iga Dios, jém icpisnew̄ip̄ jém tán̄omi Jesucristo de jut it jém caaneyajw̄ip̄, tacpispatim taichtam y tananictamtap tantumpiytam jém Dios iwiñjom. 15 Annascata jém yaachaji mimichtam in̄cuyucmi iga miw̄iwadáypa Dios. Porque cuando wiwadayyajta, tsam jáyan̄ pixiñtam ichiiyajpa gracia Dios, icujipyajpa.

16 Jeeyucmi ich da nunca antsactamtooba jém Dios in̄mati. Tsam ayaachwattap. Yajtooba jém ammiytay, pero cada jama joomasetpa jém an̄anama. 17 Yíp yaachaji jicsciy nasp̄a, da jáypa cuyajpa, pero jém tan̄coñwiyooyi siñyucmi tsam pimi wi, da nunca cuyajpa. Jeeyucmi tan̄jampa iga yíp naxyucmic̄ipic yaachaji da más pimi y da más jáypa. 18 Da tan̄wadáypa caso jém cosa jém tánixpápic, pero tan̄wadáypa caso jém dapic tánixpa porque jém tánixpápic cuyajpa. Jém dapic tánixpa, je da nunca cuyajpa.

5

1 Siip tan̄jodon̄ iga misap̄ jém tammijtay yíp naxyucmi jex juuts tum̄ tic dapic jáypa. Pero Dios tawadayñe tum̄ tic siñyucmi, jém dapic nunca misap̄, jém dapic je pixiñ iwati. 2 Numa, iganam tait yíp naxyucmi tsam tan̄jisa jém siñyucmic̄ipic tic. Tsam tan̄cucágaytooba yíp tammijtay iga nicpa taiti jém siñyucmic̄ipic tic. Yíp nimtooba jém jomipic̄ mijtay. 3 Anaccámpa juuts tum̄ jomipic̄ yooti iga odoy atsiyiñ an̄cus̄ici. 4 Iganam anait yíp ammiytay juuts tum̄ tic agui an̄yáçne, tsam an̄jisa iga antsactoōba jém ammiytay. Da antsactoōba yíp pecapic̄ yooti iga atsiȳpa an̄cus̄ici, pero antsactoōba iga ampictson̄pa jém jomipic̄ yooti. Jesic cuyajpa yíp naxyucmic̄ipic̄ mijtay, jém caapápic, ampictson̄pa jém jomipic̄ mijtay jém dapic caaba. 5 Dios taw̄itsagaȳ tan̄anama iga wiap̄ tampictson̄ jém jomipic̄ mijtay jém dapic cuyajpa. Tachiñeta jém Dios iAnama iga tacjodon̄ap̄ iga numa tampictson̄pa jém tachiipápic̄ Dios.

6 Jeeyucmi ich an̄wicupicpa iga achiiba titam ajycámayñe Dios. Siip iganam anait yíp ammiytay, an̄jodon̄ iga danam aī con jém tán̄omi Cristo. 7 Tantún̄jȳpa jém Cristo porque tan̄cupicpa iga tayoxpátpa. Da tantún̄jȳpa porque wiap̄ tánix. 8 Ich tsam an̄wicupicpa iga Dios achiiba titam ajycámayñe.

Jesic más anwianjam iga antsacpa yíp miytay yimpic anait iga wiañ nicpa aiti con tánQmi. ⁹ Jeeyucmi aichtam tsam anwadaytampa caso titam ixunpa Dios siiga anaitñam yíp ammiytay, o siiga anicneum. ¹⁰ Tantumpiytam tacnastamtap jut cipiñóypa jém Cristo. Cada tumtum de taichtam tajojtap juuts tanwatta iganam tait yíp vida. Siiga tanwíwat o tammalwat.

Jutsap tantsíyfa como taamigo con Dios

¹¹ Aichtam anjodon jiga jém tánQmi tum mijpic anjagooyi, ichiiba castigo jém pixiñtam jém imalwatneyajwíp. Jeeyucmi ich tsam anwadáypa caso iga ananmadáypa jém pixiñtam jutsap icíiputyaj de jém castigo de Dios. Jém tanjatun Dios iwíjodon juutspic apixiñ. Ansunpa iga michtam jodónataamítim juutspic apixiñ. ¹² Da síp anacujípta anyaac, no más manchiiba lugar iga mimaymáyatamiñ con aichtam, jesic wíap ininjijac jém pixiñtam jém tsampic nacujíptap iyaac. Jeeyaj tsam iwadáypa caso jém cosa jém tánixtampáppic, pero da ijispa ti iniit ianamanjom. ¹³ Nimyajpa jém pixiñtam iga ich aloco porque tsam ancuyoxap Dios. Siiga aloco, wí para Dios. Siiga da aloco, wí para mimichtam. ¹⁴ Jém Cristo itóyooyi tapimíyapa. Tanwíjodon jiga jém accaatawíp accaata para itumpiy jém pixiñtam, jesic itumpiy caayaj. ¹⁵ Accaata jém Cristo para itumpiy jém pixiñtam. Siip jém ipictsonewíp jém jomipic vida da iwatpa juuts ixunpa iyaac, pero iwatyajpa juuts ixunpa Cristo, jém accaanetawíp por jeeyaj, jém siipic pisneum. ¹⁶ Da anjísapa tum pixiñ juuts yíp naxyucmipic. Wiñic anjísapa idic jém Cristo juuts tum yíp naxyucmipic pixiñ, pero siip da más anjísapa jempic. ¹⁷ Jesic siiga tum pixiñ iwaganait Cristo, tsíy juuts tum jomipic pixiñ. Cuyajneum itumpiy jém wiñicpic jixi, jesic itumpiy cosa jomiñam.

¹⁸ Tawadayta jempic jém tanjatun Dios cuando icutsat jém Cristo iga tawítsagayta tantánca iga tatsíytamiñ taamigo con Dios. Siip taccám juuts tum iyoxacíwíñ iga tanañmadáyíñ jém pixiñtam iga wiañ ichíyyaj amigo con Dios. ¹⁹ Tanacjodónap jém pixiñtam iga Cristo iwaganait Dios yíp naxyucmi. Oy iwítsagáy jém pixiñtam itánca iga odom más tsíyyajiñ juuts enemigo con Dios. Dam más ichégáypa jém pixiñtam itánca. Taichtam tachiita jém cargo iga tanañmadáypa jém pixiñtam jém wibic anmati iga dam más tsíyapa juuts enemigo con Dios. ²⁰ Ich acutsat Cristo juuts tum representante. Manjuncusáypa juuts Dios micunucúsáypa iyaac iga michíytamiñ amigo con Dios. Manjuncusáypa jém Cristo iñiyimi iga odom más michíyíñ juuts enemigo con Dios. ²¹ Jém Jesucristo da iwat ni tum tánca, pero por culpa de taichtam, Dios iix jém Cristo juuts tum pixiñ táncaiywíp. Jempam iwat Dios iga taichtam tatsíytamiñ juuts tum wibic pixiñ jém Dios iwiñjom porque Cristo tamíchi.

6

¹ Jesic aichtam anwaganayoxatampa Dios, jeeyucmi manjuncusáypa mimichtam iga odoy xajapictsoni jém Dios itóyooyi, jém siipic minquejayñe Dios. ² Nimpa jém Dios inmati jut jayñeta: Cuando núcpa jém tiempo iga tawíwadaytooba Dios, jesic tamatoñtampa.

Cuando núcpa jém jama iga taciaputtámpa Dios, jesic Dios tayoxpáttámpa.

Siip núcum jém tiempo iga tawiwadáypa Dios. Siip núc jém jama iga taciaputtamtap.

³ Agui anawattap cuenta anyaac iga odoy ammalwadiñ porque jesic da i imalnímáypa yíp anyoxacuy. ⁴ Titam annascaaba anyaachiytámpa iga quejiñ iga ançuyoxatámpa Dios. Cuando ayaachwattap y cuando it jém yaachaji, da anaj titam atogóyáy, aichtam anyaachiytámpa. ⁵ Cuando tsam acótstamtap y apajamtap y tsam it jém ajóyixpáppic, jesic anyaachiytámpa. Cuando tsam pími ayoxatámpa iga anwattámpa jém Dios iyoxacuy hasta da wiap ammonja y tsam ayuatámpa, jesic anyaachiytámpatim. ⁶ Quejpa iga ançuyoxatámpa Dios porque siempre anwíwattámpa, ancutihiytámpa jém numapic anmati, anyaachiytámpa cuando ayaachwattamtap, da amalotam, anaifta jém Dios iAnama, anaifta jém wibic tóyooyi. ⁷ Ananmattámpa jém numapic anmati, achiitamta jém Dios ipimi, anasiitámpa jém Dios inmati jex juuts tum espada iga ançoñwíypa jém ánenemigoyaj y con jém espada wiaptim anacupujta. ⁸ It jama awixtamtap, it jama ajóyixtamtap. It jama awinimaytamtap, it jama amalnimaytamtap. It jama jém pixiñtam ijisyajpa iga ich amigóyapa, it jama ijisyajpa iga ich da amigóyapa. ⁹ It jama aixtamtap juuts tum pixiñ dapic i iixpicpa, it jama aixtamtap juuts tum pixiñ ixpictapáppic. Accaataooba, pero hasta siip aifta vivo. Tsam achiitamta castigo, pero da i accaata. ¹⁰ Ichfam tsam pími anyácneta, pero agui amaymaytam. Tsam apobretam, pero agui anricowatpa jém pixiñtam. Da ti anaifta, pero itumpiy cosa ammichitam.

¹¹ Mantiwitam, miitanwíip jém attebet Corinto, ich manwanquejayñe itumpiy jixi jém itwíip ánanamanjom. Da ti ananécne ánanamanjom. ¹² Ich tsam mantoytámpa, pero mimichtam da antoytámpa parejo juuts ich mantoypa. ¹³ Ich mançunucásyapa juuts tum jatunpic icunucásyapa imaníc iga iññuumanmadáyin ti iniit iññamanjom juustsim ich anwatne.

Taichtam tamastíc jém Dios imichi

¹⁴ Odoy accaami tumti yugo con jém dapic icupicpa Cristo. ¿Jutsap iwínanigáy jém wibic jixi con jém malopic jixi? ¿Jutsap iwagaityaj jém juctianstoca con jém piichi? ¹⁵ ¿Jutsap iniityaj tumti jixi jém Cristo con jém Wocciwiñ? ¿Jutsap iniityaj tumti jixi jém icupicnewíip Cristo con jém pixiñ jém dapic icupicne? ¹⁶ ¿Que wiap iwaganait Dios imastic jém watnas? Da wiap. Taichtam jém Dios tamastíc jém vivopic. Juuts Dios nim iyaac:

Ich aif jém ampixiñtam íanamanjom, anwaganasiiba jeeyaj.

Ich aDios de jeeyaj.

Jeeyaj ampixiñtam, nimpa Dios.

¹⁷ Jeeyucmi nimpatim tanJatun Dios:

Tsaganputtaami itumpiy jém dapic icupicneyaj Dios.

Odoy waganasi jeeyaj.

Odoy wattaami juuts iwatyajpa jém malopic pixiñtam.

Odoy tsici jém dapic wí.

Jesic mampictsonjámpa.

¹⁸ Ich atsiyapa juuts mimichtam iñjatun

y mimichtam michiytámpa juuts manjymanictam y jém manyommanictam.

Nimpa jém tanJatun Dios jém iniitwíip itumpiy ipimi.

7

1 Mantiwitam mantoytampáppic, jem pam tajycámayñeta jem tanjatun Dios. Jeeyucmi wi iga tantsactámiñ itumpiy jem malopic cosa jem imalwadaypáppic jem tammijtay y jem tánanama iga tacuáyñetámiñ. Wadaytaami caso ti ixunpa Dios. Wiwattaami con itumpiy iñanama.

Cucacyaj ijixi jem Corintopic pixiñtam

2 Jistaami iñanamanjom iga anwipictsonñtámiñ. Ich da i ammalwadayñe, ni da i anacmalwatne ni da i ammigóyayñe. 3 Da sip mammétsáy jem iññanca iga michiitap castigo. Pero manañmadáypa así porque tsam manjístampa ánanamanjom. Wi iga tawagaittampa yip naxyucmi hasta tawagacaaba. 4 Ich anwijodon iga michtam inwattampa juuts ich ansunpa. Tsam amaymay con mimichtam. Numa, tsam ayaachwatta, pero cuando manjístampa ánanamanjom, tsam pimi amaymay.

5 Dende anúcta jem naxyucmi de Macedonia, da ajejneta ni uxan. Tsam amalwadaytamta jutinquej. Tsam ityaj jem ánenemigo, tsam áñayajpa con aichtam. Tsam aciñne ánanamanjom. 6 Pero Dios siempre iyoxpátpa jem anyácneyajwiip, acpocsáyim aichtam ánanama cuando miñ jem Tito. 7 Da solamente amaymaywadáy ánanama cuando núc jem Tito, pero amaymayaptim porque nichtam tsam immaymaywat jem Tito cuando oy mijóyáy. Nimpa jem Tito iga tsam miñyácneta iga immalwatneta idic. Nimpatim iga agui anjístampa mimichtam iñanamanjom. Cuando ammaton iga agui anjísipa, jesic mástim pimi amaymáyp.

8 Agui mantsiganyáawat cuando manjáyáy jem wiñtipic toto. Anyácne uxan cuando manjáyáy jem toto porque tsam pimi manwogáy. Pero siip ich da anyácne iga manjáyáy jem pic porque ánix iga jem toto michiganyáawat no más tum rato, ocmi jeetim toto miyoxpátta iga iñchactámiñ iga imalwattampa. 9 Siip amaymay, pero da amaymay iga miñyácneta idic, amaymay porque cuando mantsiganyáawat, iñchac itumpiy iga immalwatpa. Mimichtam iñyaachiyta jem anyaaqui hasta inwattampa juuts ixunpa Dios. Siip quejpa iga manwijwadayñe. 10 Dios tacutsadáy jem anyaaqui iga tactsacpa iga tammalwatpa. Ocmi taciacputtampa iga odoy togóyíñ tánanama. Jesic tamaymáyatampa. Pero yip naxyucmicpic pixiñtam jem dapic icupicpa Dios cuando iñascaaba jem anyaaqui, da ichacyajpa jem malopic jixi, más ipictsonpa jem castigo para siempre. 11 Mantsiganyáawat porque da inwatta juuts ixunpa Dios. Ixi siip iga tsam inwadaytampa caso ti ixunpa Dios. Incupuj jem incompañero, iñjampa iga agui imalwatne. Quejpa iga tsam inwattamtooba juuts ixunpa Dios, hasta más pimipic castigo iñchiita jem iwatnewiip jem mal. Quejpa iga da inwianjam jem malopic cosa. 12 Cuando manjáyáy jem toto, da iga tsam anjísipa jem imalwatnewiip ni datim iga tsam anjísipa jem malwadayñetawiiip. Pero manjáyáypa jem toto iga quejiñ Dios iwiñjom iga tsam anjístampa mimichtam. 13 Jeeyucmi agui acpocsayta ánanama y tsam pimi amaymáyata.

Pero más pimi amaymáyata iga ánix iga maymáya jem Tito porque mimichtam tsam pimi iñyoxpátta iga ichaguiñ jem anyaaqui. 14 Annímáy jem Tito iga tsam amaymay con mimichtam. Tsam mancujipta. Siip da atsaap porque numa mimichtam inwatta juuts annímayñe jem Tito. Da je migooyi itumpiy cosa jem mannímayñewiip mimichtam. Datim je migooyi

jém annímáyñewiip jém Tito. ¹⁵ Jém Tito más pimi mitoypa ianamanjom cuando ijispa iga tsam inwatta titam miñímáy. Quejpa iga tsam inwadáypa caso iga inwattámpa juuts ixunpa jém Tito. ¹⁶ Ich amaymay porque anjodon iga siempre inwattámpa juuts ixunpa Dios.

8

Yo xpáyajtaq jém tantiwitam con jém ofrenda

¹ Siip, mantiwitam, manacjodónatooba jutsap iyo xpát Dios jém ipixiñtam jém naxyucmi de Macedonia. ² Jeeyaj tsam pimi malwadayyaja, tsam cutístta, pero da anyácneyaj. Tsam yaachayajpa jém pixiñtam, pero itúmyajpa jáyan tumiñ iga iyo xpáyajpa jém tantiwitam juuts tum rico. ³ Ich ánix iga ijiximi itúmyajpa jém tumiñ. Itumpiy jém tumiñiywip chioyyajpa, chioyyajpatim jém dapic tumiñiy. ⁴ Jém Macedoniapic pixiñtam tsam iyo xpáyajtooba jém itiwitam jém icupicneyajwip Jesucristo. Yo xpádoyyajpatim jeeyaj con jém tumiñ. Tsam awágáy permiso iga wiañ ichiijay. ⁵ Ich da anjiswa jém pixiñtam siiga ichiijajtooba jém tumiñ jém tunjac itiwitam. Pero wiñti ijispa con itumpiy ianama iga icuyoxayajpa Cristo y iga acuyoxatámpa tim aichtam. Jempam iwianjam Dios. Jesic ocmi ijiximi itúmyajpa jém tumiñ. ⁶ Ich anjuncusáya jém Tito iga iwadiñ eybic juuts moj iwat con mimichtam iga inñtámpa jém tumiñ iga inyo xpátámpa jém tantiwitam. ⁷ Mimichtam tsam inwicupictámpa Dios, tsam wiap ininquej jém Dios inmati, tsam inwicutiyyitámpa jém wibic anquímayooyi, tsam inwattámpa con itumpiy inanama jém Dios iyo xacuy, y mimichtam tsam antoytámpa tim aichtam. Jesic wi iga injístamiñ iga inyo xpátámpa jém tantiwitam con jém tumiñ.

⁸ Da mampimiytámpa iga inwattamiñ jempic, nada más mancutístamtooba siiga numa inisítámpa jém numapic tóyooyi. Jeeyucmi manajmadayñeta iga jém Macedoniapic pixiñtam tsam iyo xpáyajpa jém yaachayajpápic. ⁹ Michtam injodonjam iga jém tánomi Jesucristo tsam tatoytámpa. Tsam rico jém tánomi, pero ipoychac jém sinjucmipic riqueza iga wiañ inyo xpátta. Oy yip naxyucmi juuts tum pixiñ pobre iga mimichtam miricojatamiñ. ¹⁰ Ich mannímáypa ti síp anjis. Ich animpa iga más wi para mimichtam siiga iniccupacpa jém mojjwip inwatta maamtými. ¹¹ Siip accupactaami con itumpiy inanama juuts injísnetta idic wiñti. Chiitaami jém inñiwitam titam iniitta. ¹² Siiga tum pixiñ da inij jáyan tumiñ, pero tsam iyo xpáttooba y ichiiba uxañ, jesic Dios iixñe jextim juuts jém ichiñewip jáyan.

¹³ Ich da síp mannímáy mimichtam iga inyo xpátamiñ jém tunjac tantiwitam iga mitogóyaytamiñ. ¹⁴ Ich animpa wi iga jextim miidiñ juuts jém inyo xpátnewiip. Siip mimichtam wiap iniccaps jutsañ itogóyayyaj jeeyaj. Jesic tunjac tiempo jeeyajgagam wiap michiijay jutsañ mitogóyayta. ¹⁵ Juuts jayñeta jém Dios inmati: “Jém ipiñewip jáyan jém wícuy jém titsinaxyucmi ictsiya, pero dam cutsíya. Jém ipiñewiip uxañ, da ti itogóyay.”

Cutsattap jém Tito con icompañerojay

¹⁶ Iyucupidios iga jém tanjatun Dios ichi jixi jém Tito ianamanjom iga mijístamiñ juutstim aichtam manjístámpa mimichtam. ¹⁷ Cuando anjuncusáya jém Tito, acupic, pero je mismo tsam miyo xpátamtooba, siip ixtaami iga miyo xpátámpa ijiximi.

18 Siip manꞑcutsadáypa jém Tito con jém tunꞑac tantiwí jém tsampic wiap inꞑmat jém wibic anꞑmati juꞑ anꞑtuumayajpa jém Dios ipixiñtam. 19 Da no más ich anꞑcutsat jém pxiñ, pero icupinyajtim jém Dios ipixiñtam juꞑ anꞑtuumayajpa yim iga wiap awaganasi aichtam iganam anꞑwattámpa jém wibic yoxacuy jém siippic anꞑwattámpa. Jesic cujítap jém tánꞒmi Cristo y quejpa iga tsam tantoypa jém tantiwitam. 20 Anꞑwattooba iga odoy i waiñ amalnimáy iga anchiiba yíp tumiñ jém tantiwitam. 21 Siip anꞑwadáypa caso iga anꞑwíwatpa jém Dios iwiñjom y anꞑwíwatpatim jém pxiñtam iwiñjom.

22 Anꞑcutsatpatim con jeeyaj tum jém tantiwí, jém tánixñewiip, iga iwattooba juuts ixunpa Dios. Watciy anꞑcutís yíp pxiñ siiga numa iwattooba juuts ixunpa Dios, quejpa iga numa iwíwatpa. Siip mástim iwattooba juuts ixunpa Dios porque ijodon iga michtam da inꞑhactámpa jém Dios inꞑmati. 23 Siiga i micwácpa de jém Tito, nímaayi iga awaganayoxap aich iga manyoxpáttámpa mimichtam. Siiga i micwácpa de jém tantiwitam, jém nicneyajwip con Tito, nímaayi iga jém Dios ipixiñtam icutsatyaj iga cujítaiñ jém tánꞒmi Cristo. 24 Wípictsoni yíp pxiñtam iga quejiñ iga tsam inꞑtoytámpa. Jesic quejpatim tiiga tsam manꞑcujítámpa.

9

Túmayáꞑp jém tumiñ iga yoxpáttap jém tantiwitam

1 Siip da manꞑáyaytamtooba ti wiap inꞑwatta con jém tumiñ jém inꞑtúmnetanꞑwip para jém icupicneyajwip Cristo porque michtam inꞑjodonꞑtam. 2 Ich anꞑwijodon iga mich agui inꞑwattooba. Tsam manꞑcujíta cuando aoy Macedonia. Annimáy jém pxiñtam iga dende maamtými inꞑjistámpa iga inꞑtúmtámpa jém tumiñ. Cuando miixyaj jém Macedoniapic pxiñtam ti inꞑwat, jesic casi itumpiy iwattooba mex jeeyaj juuts siip inꞑwattámpa. 3 Pero anꞑcutsatpa yíp tantiwitam iga quejiñ iga da amigóypa cuando manꞑcujíta. Manꞑcutsadáypa jém tantiwitam iga numa miittámiñ listo juuts animne. 4 Siip anꞑwagananicpa algunos jém Macedoniapic pxiñtam. Siiga nicpa mampátta da inꞑtúmnetá jém tumiñ, jesic ich atsaap; mimichtam michaatámpatim porque ich anꞑjspa iga inꞑwatne juuts mannimayñe. 5 Jeeyucmi ich animpa wí iga manꞑcutsadáy jém tantiwitam iga niguiñ miámcoñwíy iga miyoxpátpa iga capxiñ jém tumiñ juuts michtam inꞑjycámmeta antes que danam inꞑtúmnetá jém tumiñ. Jesic quejpa iga da mampimíyipa aich, pero mimichtam inꞑyaac michioytámpa.

6 Jistaami ti mannimayta mimichtam, el que inꞑippa uxanꞑ, uxanꞑtim ipinꞑpa. El que inꞑippa jáyanꞑ, jáyanꞑtim ipinꞑpa. 7 Cada tumtum de michtam chioytaami jém tumiñ juuts inꞑjistámpa inꞑanamanjom. Odoy chioytaami pimimi. Porque Dios tsam itoypa jém chioypáppic con itumpiy íanama. 8 Dios michiitámpa mimichtam jáyanꞑ wítampic cosa iga iniittámiñ titam inꞑxuntámpa. Jesic iniittim jáyanꞑ wítampic cosa iga inꞑyoxpáttámpa jém pxiñtam jém iwatyajpáppic jém Dios iyoxacuy. 9 Nimpa jém Dios inꞑmati juꞑ jayñeta: Dios ichiiba jáyanꞑ wítampic cosa jém yaachayajpáppic. Da nunca cuyajpa Dios itóyooyi.

¹⁰ Dios tachiiba jém pac para tanñippa. Tachiibatim titam tañcútpa. Dios tachiibatim jáyan wibic jixi iga wiañ tanyaachanjám jém tantiwitam. Tsam añpicpa jém wibic jixi juuts tum pac ñiptap. Dios iyoxpátpa iga jáyanap, iga wiputpa jém wibic yoxacuy. ¹¹ Asífim mimichtam iniitta jáyan wítampic cosa iga wiañ iñchiifa jém tantiwitam. Jesic cuando ich ananicpa jém tumiñ, jém iñtúmnetañwíp, jém ipictsonyajpaap tsam ichiyajpa gracia Dios. ¹² Porque cuando tanchiiba yíp yoxpádooyi jém tantiwitam, da no más tanchiiba titam itogóyá, pero cuando tañwattámpa jempic, jesic jém pixiñtam tsam icujípyajpa Dios. ¹³ Jeeyaj tsam icujípyajpa Dios iga tanyoxpátne. Quejpa iga tsam iñcupicneta jém wibic añmatí, jém tachiñewiip Cristo. También jeeyaj tsam iwixyajpa jém tañJatuj Dios porque tsam jáyan iñyoxpátmeta y iñyoxpátpaím itumpiy jém pixiñtam. ¹⁴ Jeeyaj tsam mijisyajpa y tsam iñwejpátayajpa Dios para mimichtam. Cuando michtam iñwíwadáypa jém tantiwitam, quejpa iga Dios tsam tatoypa tantumpiytam. ¹⁵ Iyucuipdios iga tachiñeta jáyan wítampic cosa jém dapic wiap tanañmat.

10

Iniit autoridad jém Pablo juuts tum apóstol

¹ Ich aPablo. Jém tánQmi Cristo achi jixi iga da amalo, iga atóyóypa, jeeyucmi mañcunucáypa. Nímyajpa iga da amalo cuando tawagaitta, pero tsam apimíyóypa cuando atsíy juumi de mimichtam. ² Siip mañcunucáypa iga iñchaguiñ iga immalwatpa, jesic cuando nicpa mánám, da mañwogáypa. Porque algunos de mimichtam nímyajpa iga ich ammalwatpa juuts cualquier jém pixiñtam. Ich ait dispuesto iga anáñammocpa jém pixiñtam iga añwogáypa. ³ Numa taichtam yíp naxyucmipic tapixiñtam, pero da jempic táñatámpa juuts yíp naxyucmipic pixiñtam. ⁴ Cuando táñatámpa con jém Dios ipimi, jesic tammiswadáypa jém Wocciwiñ ipimi. ⁵ Jempam tammiswatpa jém miigooyi y cualquier jém malopic jixi jém iniitwíp jém pixiñtam iñnamañom, jém dapic ijícpa iga icupicpa Dios. Tañcoñwíypa jém pixiñtam ijixi iga icupiguñ jém Cristo. ⁶ Cuando wiquejpa iga iñwattámpa itumpiy juuts ixunpa Dios, jesic ich wiap anchi castigo jém tantiwitam, jém dapic iwatyajpa itumpiy juuts ixunpa Dios.

⁷ Mimichtam iñixtámpa jém pixiñtam jém nímyajpáppic iga icupicpa Cristo. Wi iga ijodónaiñ iga aichtam añcupictámpaím Cristo. ⁸ Siiga más jáyan anacujíptap anyaac iga tánQmi accám juuts tum añjagooyi, da atsaap. Achi jém cargo iga manyoxpátámpa iga más y más iñwattámpa juuts ixunpa Dios. Da achi jém cargo iga mammalwadaytámpa. ⁹ Da ansunpa iga mantsiganjecpa con jém toto jém mañcutsadayñewiip. ¹⁰ Nímyajpa iga tsam pími mañwogáypa con jém toto cuando manjáyáy. Pero cuando oy manjóyáy mimichtam, ich juuts da ti añjodón. Nímyajpatim iga jém anañmatí da para ti wi. ¹¹ Pero jém nímyajpáppic así wi iga ijodónaiñ iga jextim jém anañmatí cuando manjáyáypa juustim cuando ait con mimichtam.

¹² Aich da anímpa iga atsíypa juuts jeeyaj. Da ajex juuts jém nacujíptapáppic iyaac. Jeeyaj tsam jixitogoyñeyaj porque iyaac naquípsyajtáp con iquípsóycuy. Iámpa siiga ictsíypa con jém tunjac itíwi siiga jextim iwí. ¹³ Pero aichtam da añnaspá iga anacujíptap. Dios tañquejáypa hasta jut tanúcpa iga tayoxap.

Ajǵayta iga anúcta hasta jút miitta. ¹⁴ Ich anwatpa nada más juuts anquejáy Dios. Wiñti aoy hasta jút miitta mimichtam iga mananmadáy jém wibic anmati jém Cristopic tachiiñe. ¹⁵ Da anacujiptap anyaac juuts ich anwat jém tungac pixin̄ iyoxacuy juutstim ich anwat jém yoxacuy. Pero ich animpa más wí siiga más y más inçupicpa Cristo wiap anyoxata con mimichtam. Pero ich anwattampa siempre juuts anímayñe Dios. Da wiap annasca. ¹⁶ Ocmi ananictamtooba jém Dios inmati hasta más juumi jút miitta. Pero da wiap anacujipta juuts iga anwatta jém yoxacuy jém iwatnewiip tungac pixin̄.

¹⁷ Siiga algunos nacujiptatooba, más wí iga icujibiñ jém tánQmi Jesucristo.

¹⁸ Dios iwianjam tum pixin̄ siiga iwatpa juuts ixunpa tánQmi Cristo. Da ipictsonpa iga agui nacujiptap iyaac.

11

Jém Pablo y jém tungacay apóstol, jém migoyajpaap

¹ Wí meega michtam anyaachýpa tum rato juuts ich da ajixiíy. ² Tsam mançunaýpa con jém naja jém Diospic achiñe. Manjycunúgayñe michtam iga manançomýpa con inwidaýa jém Cristo juuts tum woñi jém dapic ti iwatne. ³ Jém Wocçwiñ como tum tsañ agui jáyayanjichich, imigóyáy jém Eva. Jempictim ich ançipa mimichtam iga wiaptim i mimigóyáy iga jém injixianjom injisa iga inçacpa iga inçtoýpa Cristo, jém iniitwíip jém numapic tóyooyi. ⁴ Inwianjamta jém minquejayñewiip de tungac Cristo jém dapic nunta Cristo. Tsam mimaymay iga impictson̄ta jém tungac espíritu jém dapic jex juuts jém mananmadayñewiip. Tsam inçupictampa jém migooyi jém dapic jex juuts jém Cristo inçuímayooyi. ⁵ Ich más awiap que jém tungac apóstol, jém migoyajpaap jém michpic inçúnyítampa. ⁶ Ich ananmatpa juuts tum pixin̄ dapic wiap inmat, pero jém anjixi da jex. Cuando mu inix iga anwat itumpiy jém wítampic cosa, jesis quejpa iga wí jém anjixi.

⁷ ¿Que mich ininjam iga ammalwat iga da mantségáy cuando oy mananmadáy jém wibic anmati? Ich atsiy juuts da ti awiap iga micujiptañ mimichtam. ⁸ Ich ampictson̄ne jém tumiñ jém achiñewiip jém Dios ipixiñtam jém tungac lugarpic iga manyoxpáttampa mimichtam. ⁹ Cuando aitta con mimichtam tsam ayaacha, pero da ti manwágayta. Jém tantiwitam, jém miññewiip Macedonia, jeam achiiyay itumpiy cosa titam atogóyáy. Jesis da ti manwágayta y siip datim manwágaytampa. ¹⁰ Ich anwijodon iga numa jém Cristo inçuímayooyi. Ich tsam amaymay iga da antségáy jém pixin̄tam icuwiñti jém naxyucmi de Acaya iga oy ananmadáy jém wibic anmati. Da i wiap accáyáy yíp maymáýaji. ¹¹ ¿Tiiga animpa jempic? ¿Que michtam injisa iga da mantoypa? Dios ijodon iga tsam pimi mantoypa.

¹² Pero seguido anwatpa juuts anwatne iga jém ánenemigoyaj da wiap incujipta iga iwatyajpa juuts ich sip anwat. ¹³ Yíp pixin̄tam nimanñaayap iga Dios icutsatne, pero puro migooyi inisiiba. Tsíytooba juuts tum wibic apóstol jém Cristopic icutsatne, pero da je. ¹⁴ Iwatyajpa jextim juuts iwat jém Wocçwiñ. Setpa juuts tum siñyucmipic pixin̄ jém aguipic tsocpa. ¹⁵ Jeeyucmi jém Wocçwiñ ipixiñtam setpatim juuts wibic pixin̄. Pero yípyaj pixin̄tam ipictsonyajpatim castigo porque da iwíwatneyaj.

Tsam yaacha jém Pablo iga tsíy juuts apóstol

16 Eybictim mannímaytámpa, odoꝝ i ijixiñ iga da ajixiý. Pero siiga jempic iñjiswa, ajígaayi iga anañmatpa juuts tum pxiñ dapic jixiý iga ich anyaac wiap anacujípta uxaj. 17 Pero da mannímáypa jempic iga jem tánomi achi jem jixi, pero ich mannímáypa juuts tum pxiñ dapic jixiý porque agui anacujítpa anyaac. 18 Tsam jáyañ it jem nacujípyajtapáppic yíp naxyucmi. Jesic ichgacti anacujítpatim. 19 Mimichtam tsam mijixiýta, jesic yaachiyi tum pxiñ jem dapic jixiý. 20 Mimichtam iñyaachiytámpa jeeyaj siiga mipimíypa iga inꝝuyoxatamiñ juuts esclavo, siiga mitobáypa titam iniitta, siiga mimigóyáypa, siiga tsam mijóyixpa, siiga mixóháypa inwiñpac. 21 Nimyajpa iga aichtam juuts da ti awiap. Tsam amalnimáy. Pero ich da añwatpa jexpic cosa. Tsam atsaap iga manwadáypa jempic.

Jém tungac pxiñtam nacujítpa iyaac. Ichgacti anacujítpatim juuts da ajixiý. 22 ¿Que jeeyaj hebreopic pxiñtam? Ich hebreopictim apixiñ. ¿Que jeeyaj Israelpic pxiñtam? Ich Israelpictim apixiñ. ¿Que jeeyaj jem Abraham imanictam? Ichim jem Abraham amanic. 23 ¿Que jeeyaj icuyoxayajpa jem Cristo? Ich más añcuyoxap jem Cristo que jeeyaj. Siip ich anañmatpa juuts tum loco porque tsam anacujítpa anyaac. Más pimi ayoxap que jeeyaj. Más pimi acósta que jeeyaj, más apajta que jeeyaj. Wañi veces accaatatip. 24 Cinco veces jem Israelpic pxiñtam achiiyaj treinta y nueve azote. 25 Tres veces anáscatip cuymi. Tunꝝiy anáscatip tsaami. Tres veces anacumon jem barco jem lamar. Tum muma tsu y muma jama apúnpúnóypa lamar con tum jaꝝa cuy. 26 Watꝝiy aoy juumi. Tsam annasca jem peligro jem mijpic río. Annasca peligro de jem númyajpaap. Annasca peligro con aichtampic pxiñtam y con jem juumipic pxiñtam. Tsam annasca peligro jem mijpic atebetyaj y jem jimñom. Tsam annasca peligro jem lamar. Annascatim jem peligro con jem pxiñtam jem nimanꝝaayañewiip iga icupicpa Cristo. 27 Tsam pimi ayoxa, tsam ayaacha. Wañi veces da wiap ammon tsuucim. Tsam pimi ayuap y anictitspa. Watꝝiy da anaj titam añcútpa. Tsam ayaacha con jem succuc. A veces yajneum jem ampuctucu.

28 Tungac más mijpic yaachaji annascaaba. Tsam anjiswa cada jama itumpiy jem Dios ipixiñtam jut añtuumayajpa. 29 Siiga algunos da iwicupicne Dios, jesic anjampa juuts ich da añwicupicne Dios. Siiga algunos acwattap tájca, jesic ich agui atsaap y agui ajóypa. 30 Siiga anacujítpa anyaac, jesic anacujítpa iga da ti wiap añwat, pero jem tánomi Cristo tsam ayoxpát iga agui awiap. 31 Jém Dios, jem tánomi Jesucristo iJatun, wi iga tanꝝujítpámpa itumpiy tiempo. Jém tanꝝatun Dios ijodon iga da amigóypa. 32 Cuando aít jem atebet Damasco, jem gobernador jem icuyoxapáppic jem rey iñiyi Aretas, ipimíy jem policía iga niguiñ añteñ jem taañi ipuerta iga amatstañ. 33 Pero ajimquetta tum coonjom jem taañi iweñtan. Jempigam aciput de jem ánenemigo icijjom.

12

Nimpa Pablo iga iix tum poñ

1 Da ti acuwatꝝuy siiga anacujítpa anyaac. Pero siip ich anañmatpa titam añquejay jem tánomi Jesucristo cuando awiñquejay jem tánomi juuts tum poñ. 2 Ich ánixpicpa tum pxiñ jem icupicnewiip jem Jesucristo. Siip nasneum

catorce año nanicta jem tucutenpic sinyucmi. Da tanjodon siiga nanicta con jem imijtay o no más nanigayta ianama, solamente Dios ijodon. ³ Pero anjodon iga nanicta sinyucmi jem pixiñ. Eybictim mannímáypa iga da anjodon siiga nanicta con imijtay o no más ianama nanigayta. Sólo Dios ijodon. ⁴ Nanicta jem paraíso jut it Dios. Jemigam anmattap jem jixi jem dapic i wiap icutiíyí. Dios da ijicpa iga tanaamatpa jexpic jixi yíp naxyucmi. ⁵ Ich animpa iga agui wí iga nanicnetá sinyucmi jem pixiñ. Pero ich anyaac da ti awiap. Solamente anacujítpap iga da awiap. ⁶ Siiga ich anacujítpap anyaac da ajex juuts jem pixiñ dapic jixíyí. Porque siiga anacujítpap anyaac, wí porque anamatpa jem numapic cosa. Pero da anwatpa jempic. Más wí iga jem pixiñtam aixyajpa iyaac ti anwatpa y imatonjajpa ti anamatpa.

⁷ Jem sinyucmipic cosa, jem anquejayñewiip Dios, tsam tampooñanjampa. Jesic iga odoy anacujítpañ iga oy anám jem wibic cosa sinyucmi, Dios ijic iga jem Wocciwiñ acutsadáy tum toya juuts tum apit atsenayñe ammijtay iga odoy anjixiñ iga agui awiap iga aoy sinyucmi. ⁸ Tres veces anwágáy tánQmi iga accáyayíñ jem toya. ⁹ Pero jem tánQmi anímáy iga: “Siiga iniit jem antóyooyi da ti más mitogóyá. Siiga tum pixiñ da ti wiap iwat iyaac, jesic más wí quejpa jem Dios ipimi.” Jeeyucmi agui amaymay iga da ti wiap anwat anyaac. Más wí quejpa iga jem tánQmi Cristo ipimi ayoxpátne. ¹⁰ Jeeyucmi amaymay iga da ti wiap anwat iga tsam amalnímayta, iga tsam ayaacha, iga ajóyixta, tsam ayaachwattá jem Cristo icuyucmi. Cuando da ti wiap anwat anyaac, jesic Dios achi jem ipimi iga más wiap anwat juuts je iwianjam.

Tsam ijispa Pablo jem Dios ipixiñtam jem anjuumayajwüip jem attebet Corinto

¹¹ Ich ajex juuts tum pixiñ dapic jixíyí cuando anacujítpap anyaac. Michtam iniit la culpa, jeeyucmi anwat jempic. Más wí iga mimichtam ancujítpamiñ aich. Ich quejpa iga da ti wiap anwat, pero más awiap que jem tungac apóstol, jem migoypaap jem michpic síp iñtúnjyta. ¹² Tsam wí quejpa iga ich tum numapic aapóstol jem Diospic acutsatne porque oy anwat mimichtamanjom jem milagroyaj, jem cosa dapic i wiap iwat y jem seña jem dapic queman tánix. Chocoymi mananquejáyapa. ¹³ ¿Que iñjispa iga ich da manwíwadáyapa juuts anwíwadayñe jem tungac grupo jem Dios ipixiñtam? No más da ti manwágayá. Awadaayi perdón iga da manjígáy iga anyoxpátta.

¹⁴ Siip anjispa iga nicpa manjójáy. Siip tres vecesam nicpa manjójáy. Y da ti manwágayátampa. Da nicpa amméts tifam iniitta. Pero nicpa manyoxpátta. Jem jatunpic injuumawatpa jem tumiñ para jem imanictam. Jem manicpic da injuumawatpa jem tumiñ para jem ijatun. ¹⁵ Ich anwatpa gasto itumpiy jem anaitwiip. Anwatpa gasto hasta anyaac anachiitap iga accaatap iga odoy togóyíñ jem iñanama. Michtam tsam pimi mantoypa, pero michtam da pimi antoytampa juuts aich.

¹⁶ Michtam inwijodon iga da ti manwágáyapa mimichtam. Pero nimyajpa algunos jem pixiñtam iga ich tsam ajáyayanjichich iga oy mammigóyáy. ¹⁷ ¿Que mammigóyáy cuando mancutsadáy algunos jem pixiñtam? ¹⁸ Annímáy jem Tito iga niguiñ miámcoñwíy. ¿Que iñjispa iga mimigóyáy jem Tito? Je iwatpatim juuts aich. Tumti jixi inisiiba con aich.

¹⁹ Tal vez michtam iñjistampa iga manjáyáypa yíp toto iga ich anyaac anacupujtap. Pero da anwatpa jempic. Siip, mantiwitam, mantoytampápic,

ananwatpa así jém Dios iwiñjom jém Cristo iñiyimi. Manjáyaypa así porque tsam manyoxpáttooba. Jeeyucmi anwat titam anwatne. ²⁰ Ich acijpa iga cuando nicpa mánám da mampátpa iga síp inwat juuts mannímayñe. Michtam datim ampátpa aich juuts mich inwianjam porque siiga immalwatne tienes que manwogáypa. Ich ancipa iga michtam tsam míñatámpa, tsam micujóyóypa, tsam iniit jooya iñanamanjom, tsam minitoytap iñyaac, tsam immaytámpa jém malopic cuentoyaj, tsam micujóyóypa, tsam minicujíptap iñyaac, cada tumtum inwattámpa juuts iñxunpa iñyaac. ²¹ Ich ancipa iga cuando eybic nicpa manjójáy, jesic Dios atsaawatpa porque michtam da iñchacpa iga immalwatpa. Tsam pími awejpa porque wati de michtam tsam inwatneta tájca. Tsam pecam da iñchactámpa iga immalwatpa. Algunos tsam imalwat con jém yomtam y datim ichacne jém malopic vicio juuts iwatyajpa dende wiñgam.

13

Jém Pablo icjodonap ti miñpa y inquímpa jém iamigoyaj

¹ Síp tres vecesam nicpa manjójáy. Acipijóypa choçoyomi. Cuando quejajwadadaytap jém pixiñtam iga imalwatne ixunpa wisten o tucuten testigo. ² Annímáy jém pixiñtam iga chiitap jém castigo jém imalwatnewiip pecam. Y siip eybictim annímáypa iga ipictsonyajpa jém castigo juuts mannímayñe cuando oy manjójáy wisciy. ³ Michtam tsam ancutitstamtooba iga quejiñ siiga numa Cristo acutsatne. Jém tánomi Cristo da jex juuts tum pixiñ jém dapic wiap. Tsam iniit ipimi iga micipinpa mimichtam. ⁴ Numa jém Cristo cunúnta cunusyucmi juuts tum pixiñ dapic wiap. Pero siip it vivo jém Cristo porque iniit jém Dios ipimi. Jempictim siip aichtam da ti awiap. Siiga anwaganait jém tánomi, jesic anaifta jém Dios ipimi iga waiñ mancuyoxata mimichtam.

⁵ Nacipinjaj iñyaac siiga numa da iñchacpa iga incupicpa Cristo. ¿Que da injodontam iga jém Cristo it iñanamanjom siiga da mimigóypa iga incupicpa Cristo? ⁶ Ich manacjodónap iga da mammigóyayñe iga numa ancupicpa jém Cristo. ⁷ Ich anañwejpátámpa Dios iga odoy immalwattamiñ. Ich ansunpa iga wipudiñ jém iñyoxacuy iga inwattamiñ juuts ixunpa Dios. Siiga mich inwawatpa, jesic ich amaymay. Da manañquejáypa jém ampimi. ⁸ Da wiap anic en contra de jém numapic anquimayooyi. Siiga inwawatneum, da manwogáypa. Tienes que anwattámpa juuts nimpá jém anquimayooyi. ⁹ Ich agui amaymay siiga michtam inwawatneum, jesic da manañquejáypa ampimi iga manchiiba castigo. Seguido anañwejpátámpa Dios iga capxiñ incutiíyíy jém Dios inmatí. ¹⁰ Manjáyaypa yíp toto antes que nicpa mánám. Jesic cuando anicpa, da pími manwogáypa porque ich juuts tum anjagooyi. Jém tánomi accám juuts tum anjagooyi iga manyoxpátámiñ iga más wiap inwatta juuts ixunpa Dios. Da accám juuts anjagooyi iga manactogoytamiñ.

¹¹ Siip mantiwitam, mancutsadáypa wátidios. Wattaami juuts ixunpa Dios iga witsíyíñ jém invida. Matontaaami ti mannímáy. Naittaami tumti jixi. Odoy áñataami. Jém tanjatun Dios, jém tsampic tatoypa, it con mimichtam. Je miyoxpátpa iga odoy míñatamiñ. ¹² Nadioschitamtají con jém iñtíwítam con tum anñacatsuuchi. ¹³ Itumpiy jém Dios ipixiñtam, jém itwíp yim, micutsadáypa wátidios.

¹⁴ TánQmi Jesucristo miyoxpáttámiñ, jém tanJatuj Dios mítoytámiñ y jém Dios iAnama miwaganaíttámiñ. Jemum cuyaj.

Jém carta jém ijáyayñewiip Pablo jém ityajwiip jém attebet Galacia

Jém Pablo ijáyaypa jém ityajwiip Galacia

¹ Ich aPablo. Accámta juuts tum apóstol. Pero da je pxiñtam acupin ni datim je acutsat. Acupin tanJatun Dios y acupinim jém tánQmi Jesucristo jém icpisnewiip Dios. ² Ich con jém tantiwitam, jém ityajwiip con aich, manjáyaytampa mimichtam jém Dios mipixiñtam icuwiiti jém naxyucmi de Galacia. ³ Siip jém tanJatun Dios y jém tánQmi Jesucristo miwíwadaytamiñ y michiitamiñ jém wibic paz iga odoý iniitamiñ jém cobacpiji iñanamajom. ⁴ Jém Jesucristo iyaac nachiita iga accatañiñ iga tayojoyta tantñca iga taciaputta de itumpiy jém malopic cosa jém siipic it yip naxyucmi. Jempam iwat porque iwianjam jém tanJatun Dios. ⁵ Da nunca cuyajpa tanjújpta. Amén.

Da i tunjac anquímayooyi jém taciaputpaap

⁶ Tsam ampoonanjampa iga michtam tsam jobittim iñchactampa jém Dios inmati, jém minquejayñewiip iga tsam tatoypa jém Cristo, iga incupictampa tunjac anquímayooyi jém dapic jex juuts jém Cristo inquímayooyi. ⁷ Da nuna i tunjac wibic anquímayooyi. Pero algunos jém malopic pxiñtam nicneyaj jemc iga miccujñaytampa con jém tunjac jixi, tsam incodiyaypa jém tánQmi Jesucristo inquímayooyi. ⁸ Siiga aichtam mismo o tum sinyucmipic pxiñ minimiñaypa tunjac anquímayooyi jém dapic jex juuts jém wiñtipic manaquejayñe, jesic wí iga chiitaiñ tum mijpic castigo. ⁹ Mannímayñeum pecam y siip eybictim mannímaypa siiga i minmadápa tunjac anquímayooyi, dapic jex juuts jém impictsonewiip, jesic Dios ichiiba castigo jém pxiñ jém inimiññewiip jexpic anquímayooyi.

¹⁰ Cuando mannímaypa jempic, jesic quejpa iga da anwadápa caso iga jém pxiñtam da awixyaypa. Ich ansunpa iga awixiñ jém tanJatun Dios. Da síp anwat juuts ixunpa jém pxiñtam iga atoyyajiñ. Siiga ansunpa iga atoyyajiñ jém pxiñtam, jesic da atsiypa juuts jém tánQmi Jesucristo imozo.

Jutsa miccámta jém Pablo iga apóstol

¹¹ Siip, mantiwitam, jodónataami iga jém Cristo inquímayooyi, jém mananmadayñewiip, da je pxiñtam ijixquiimi. ¹² Cuando ampictson jém wibic anquímayooyi, da jém pxiñtam anquejáy, pero jém tánQmi Jesucristo mismo acjodóna.

¹³ Mimichtam injodon titam jáy anwat cuando ancupicne jém Israelpic anquímayooyi. Injodónata iga tsam pimi ammalwadáy jém Dios ipixiñtam jém icupicneyajwiip jém Jesucristo. Agui anactogoytooba idic jém Dios ipixiñtam. ¹⁴ Tsam anwicuyujcane jém Israelpic anquímayooyi. Más awiap que itumpiy jém antiwitam jém dapicnam tsamiyaj juustim aich. Tsam anwadápa caso iga seguido anwatpa juuts nampa itumpiy jém wiñcipc costumbre jém ichacneyajwiip jém anjatunwewetam. ¹⁵ Dios acupin cuando danam anayñe. Tsam pimi atoypa jeeyucmi anwejay iga ancupiguiñ jém

Jesucristo. Cuando iwianjam Dios, ¹⁶ anquejáy jém Dios iManic, jém Jesucristo, iga wiáin ananmadayyaj jém Cristo inqúimayooyi jém tunjac pixiñtam jém dapic je de Israel. Da oy anacwác ni tum pixiñ iga anquejáyiñ jém Cristo inqúimayooyi. ¹⁷ Ni datim oy ánám jém tunjac apóstol jém ityajwip Jerusalén jém más wiñtipic accámnetá. Pero anic más juumi jém naxyucmi de Arabia. Ocmi aset eybic jém atebet Damasco.

¹⁸ Jesic ocmi cuando nasum tucuten amtiy, nic ánám jém Peto hasta Jerusalén. Oy anyaj quince día con je. ¹⁹ Pero da ánix tunjac jém apóstol. Ánix nada más jém Jacobo, jém tánomi itíwi. ²⁰ Mannímáypa jém Dios iwiñjom iga jém süppic manjáyápa da je migooyi.

²¹ Jesic ocmi anic jém naxyucmi de Siria y Cilicia. ²² Pero jém tantiwitam, jém icupicneyajwip Cristo jém naxyucmi de Judea, da aixpicaypa. ²³ Solamente imatonaypa iga: “Jém pixiñ jém tamalwadaypáppic idic, sip inmat jém Cristo inqúimayooyi jém ictogoypáppic idic.” ²⁴ Jesic tsam icujípyajpa Dios ich anjucyucmi.

2

Jém tunjac apóstolyaj iwixyay jém Pablo

¹ Jesic ocmi cuando nas catorce amtiy, eybictim anic jém Jerusalén. Anagananic jém Bernabé. Ananictim jém Tito. ² Anic Jerusalén porque acjodóná Dios iga aniguiñ. Jemic jut antuumayajpa naps jém anjagooyiyaj, jém injacyajpáppic jém Dios ipixiñtam, anaquejáy jém wibic anmatí, jém ananmadayñewip jém tunjac pixiñtam jém dapic je de Israel, iga jém anjagooyiyaj iixyajiñ juutspic anqúimayooyi ananmatpa aich iga da axajayoxap. ³ Jém Tito, jém anwagananicnewip, tum griegopic pixiñ da je Israelpic. Pero da i ipimíy iga iwatpa jém marca de circuncisión juuts jém Israelpic pixiñtam icostumbre. ⁴ It idic jem algunos jém pixiñtam nimanṭaayap iga icupicyajpa Jesucristo. Tsam ixunyajpa iga jém Tito wadaytaiñ jém marca de circuncisión. Jeeyaj yamtigiyay con aichtam iga icuixyajpa jém libertad jém tachiiñewip jém Cristo. Jém pixiñtam agui ixunyajpa iga ichtam atsitytamiñ eybic juuts esclavo iga anwattamiñ eybic jém wiñtipic costumbre. ⁵ Pero ni uxaj da ancupicta jém malopic pixiñtam ni da anwattampa juuts ixunyajpa, porque anwianjamta iga michtam iniittamiñ jém numapic anqúimayooyi iga odoy i incodíyiñ iga mimigóyápa.

⁶ Jém anjagooyiyaj da achiiyaj tunjac jomipic jixi. Ich da anwadáypa caso siiga mijpic anjagooyi. Dios iixpa itumpiy jém pixiñtam jextim porque iixpigáypa ianama. ⁷ Ich da i achi ni tum jomipic jixi, pero jeeyaj moj icutiyyiyay iga Dios achi jém yoxacuy iga ananigáypa jém tánomi Cristo inqúimayooyi jém tunjac pixiñtam jém dapic je de Israel, jempticim juuts chiita jém Peto jém yoxacuy iga ininigáypa jém Israelpic pixiñtam jém anqúimayooyi. ⁸ Jeetim Dios icutsat jém Peto iga iwatpa jém Dios iyoxacuy con jém Israelpic pixiñtam. Jeetim Dios acutsat aich iga anwatpa jém Dios iyoxacuy con jém tunjac pixiñtam jém dapic je de Israel.

⁹ Jeeyucmi jém Jacobo, jém Peto y jém Xiwan, jém más mijpic anjagooyiyaj, cuando iixyay iga Dios tsam ayoxpátne iga wíap anwat jém Dios iyoxacuy, jesic jeeyaj anacimatsyay aich con Bernabé iga quejiñ iga ityaj de acuerdo con

aichtam iga anwattámpa jém Dios iyoxacuy jém tungac naxyucmi, jém dapic je de Israel, iganam jeeyaj iwatyajpa jém Dios iyoxacuy jém naxyucmi de Israel. ¹⁰ Solamente anímayta iga seguido anjístamiñ jém yaachayajpáppic. Numa ich tsam anwianjam iga anwatpa jempic.

Jém Pablo iwogáy jém Peto jém attebet Antioquía

¹¹ Pero cuando oy jém Peto jém attebet Antioquía, ich anwogáy jém Peto anwiñpachnámáy porque iwat tum cosa dapic wi. ¹² Jém Peto iwaganawícyajpa jém pixiñtam jém dapic je de Israel. Pero cuando núcyaj jém icutsatneyajwñp jém Jacobo, jesic jém Peto mojum ichac iga iwaganawícyajpa porque tsam icñpa jém partido, jém iwatyajpáppic jém marca de circuncisión. ¹³ Jesic los de más jém Israelpic pixiñtam, jém icupicneyajwñp Jesús, ityaj de acuerdo con jém Peto. Nímanjaayap iga itoyyajpa jém itiwítam jém dapic je de Israel, pero da iwianjamyaj iga iwaganawícyajpa. Hasta jém Bernabé itúnjytim, imalwattim juuts iwatyaj los de más jém Israelpic pixiñtam. ¹⁴ Pero cuando ánix iga da iwíwatyajpa juuts nimpa jém numapic anquímayooyi, anwogáy jém Peto. Cuando antuumaneyaj itumpiy jém icupicneyajwñp Jesús, annímáy jém Peto jém pixiñtam iwiñjom: “Mich tum Israelpic mipixiñ, pero siip iñchacneum iga inwatpa jém costumbre juuts iwatyajpa jém Israelpic pixiñtam. Síp inwat jém tungac pixiñtam icostumbre. ¿Jesic tiiga inñispa iga impimíyppa jém tungac pixiñtam, jém dapic je de Israel, iga iwatyajiñ juuts jém Israelpic icostumbre?”

Jém Israelpic pixiñtam tienes que icupicpatim jém Cristo

¹⁵ Aichtam anayta Israel. Israelpic apixiñtam. Da je atáncaiywñp juuts jém tungac pixiñtam, jém dapic je de Israel. ¹⁶ Pero anwijodontam iga Dios da iwítsagáypa ni tum pixiñ itánca siiga no más iwatpa juuts nimpa jém Moisés inquímayooyi. Dios iwítsagáypa tum pixiñ itánca solamente cuando icupicpa Jesucristo. Jeeyucmi aichtam ancupicnetatim jém Jesucristo iga awítsagaytamiñ antánca. Wítsagayta jém Israelpic pixiñtam itánca jempictim juuts wítsagayta jém tungac pixiñtam itánca. Da i núcpa jut it Dios siiga no más iwatpa juuts nimpa jém Moisés inquímayooyi. ¹⁷ Siiga anwágáypa Dios perdón de jém antánca, jesic tsam wiqiejpa iga atáncaiytim juuts jém tungac pixiñtam jém dapic je de Israel. Pero yip da nimtooba iga tánomi Cristo tacwatpa jém tánca porque je da wiap tactáncaawat. ¹⁸ Pero aich mismo atáncaawatpa siiga eybic antúnjyppa jém wiñicpic anquímayooyi jém antsacnewñp. ¹⁹ Jém wiñicpic anquímayooyi anquejáy iga da wiap ayoxpát, jeeyucmi antsac jém anquímayooyi juuts tum pixiñ caane. Siip avivojam iga anwatpa juuts ixunpa Dios. ²⁰ Ich anwaganaca cunusyucmi jém tánomi Jesucristo. Siip ich avivojam, pero dam aich, porque Cristo it ánanamanjom. Siip anait jém vida, it ammijtayyucmi porque ancupicpa jém Dios iManic jém tsampic atoypa, jém iyaacpic nachiiñta iga accaatá ich ancyucmi. ²¹ Ich da anjóiypa jém Dios itóyooyi. Porque siiga jém wiñicpic anquímayooyi wiap tawadáy perdón jém tantánca, jesic xajatim accaatá jém Cristo.

3

Dios iAnama tampictsonpa siiga tancupicpa Cristo

¹ ¿Mimichtam, mantiwitam, miittanwip jem Galacia, da mijixiyta? ¿I mimigoyayta iga odoj incupictamiñ jem numapic anquimayooyi? Mimichtam inixñeta iga oy mananquejayta iga accaata jem tanQmi Jesucristo cunusyucmi. ² Anímaayi jestic, ¿tiiga michi Dios jem iAnama? ¿Que michi porque inwatpa juuts nimpa jem Moisés inquimayooyi, o michi porque incupicpa iga jem Jesucristo wiap taciapcut? ³ Mimichtam da mijixiyta. ¿Que mich inyaac wiap iniccupac jem inictsucumnewip con Dios iAnama? ⁴ ¿Que xajatim inñasca jáyan jem yaachaji cuando moj incupic jem Dios inmati? Da wiap iga xajatim miyaachwatta. ⁵ Cuando tanjatun Dios michi jem Dios iAnama y cuando iwat jem wibic milagroyaj mimichtamanjom, ¿jestic tiiga iwat jempic? Iwat porque incupic jem Jesucristo, da porque inwattampa juuts nimpa jem Moisés inquimayooyi.

Jém pacto, jém iwatwip Dios con Abraham

⁶ Jém Abraham icupic jem tanjatun Dios. Jeeyucmi Dios iwipictson jem Abraham juuts tum pixiñ dapic tancaiy. ⁷ Jeeyucmi mannímáypa, jodónataami iga jem pixiñtam, jem icupicneyajwip Dios, jeam jem Abraham imanictam. ⁸ Jém Dios inmati, jem jayñewip tsam wiñigam, nimpa iga algunos jem pixiñtam jem dapic je de Israel icupicyajpatim Dios, jestic Dios iwipictsonpa. Wiñti anmadayta jem Abraham jem wibic anmati cuando nimayta: “Mich incuyucmi Dios iwíwadáypa itumpiy jem naciónyaj jem ityajwip yip naxyucmi.” ⁹ Jempictim Dios iwíwadáypa itumpiy jem pixiñtam jem icupicyajpappic juuts jem Abraham.

¹⁰ Jém nimyajpappic iga Dios iwipictsonpa siiga iwatyajpa juuts nimpa jem Moisés inquimayooyi tienes que ipictsonyajpa tsam mijpic castigo porque nimpa así jem Dios inmati jem jayñewip: “Jém dapic iwatpa itumpiy cosa juuts nimpa jem Moisés inquimayooyi, jem jaychacnetawip librojom, tienes que ipictsonpa tsam mijpic castigo.” ¹¹ Tsam wiquejpa jestic iga Dios da iwipictsonpa ni tum pixiñ jem iwatpappic juuts nimpa jem Moisés inquimayooyi. Nimpa así jem Dios inmati: “Jém icupicpappic iga Dios wiap iwítsagáy itánca, chiitap jem vida jem dapic cuyajpa.” ¹² Siiga tum pixiñ ijispa iga wiap iwat iyaac juuts nimpa jem Moisés inquimayooyi, jestic quejpa iga da icupicpa iga Dios wiap iyoxpát. Nimpa jem wiñicpic anmati: “Siiga tum pixiñ capsapa iwat juuts nimpa jem Moisés inquimayooyi, iniiptatim jem vida jem dapic cuyajpa, pero da i capsapa iwat.”

¹³ Jém tanQmi Jesucristo tayojoytamum tantánca iga odom tampictsonjamiñ jem castigo porque da tanwatne itumpiy cosa juuts nimpa jem Moisés inquimayooyi. Jém Cristo ipictson taichtam tancastigo. Jayñeum así jem Dios inmati, nimpa: “Mijpic castigo chiitap itumpiy jem jímcanewip cuyucmi.”

¹⁴ Asíam iwat jem tanQmi Jesucristo iga iwíwadáypa jem tunjac pixiñtam, jem dapic je de Israel, juuts tanjatun Dios ijycámayñe jem Abraham. Iwatpa así iga tantumpiytam cuando tancupicpa jem Jesucristo wiap tampictsonpa jem Dios iAnama juuts tajycámayñe.

Jiycámayñeta jem Abraham iga tawíwadáypa Dios

¹⁵ Siip mantiwitam, mannímáypa juuts iwatyajpa jem pixiñtam. Siiga tum pixiñ iwatpa tum trato con ifirma, jestic ocmi da i wiap icuyaj jem trato ni da i wiap incodiy. ¹⁶ Dios ijycámáy iga iwíwadáypa jem Abraham iocmanic

imanic. Cuando inmatpa así, da nimpa iga imanictam como wati, pero yíp anmati nımtooba iga tum jem imanic, je jem Cristo. ¹⁷ Mannımaytooba iga Dios iwat tum trato con jem Abraham iga numa iwatpa juuts ijıycamayne. Jesic cuando nas cuatrocientos treinta amtıy, núc jem Moisés inquımayooyi. Como más ocni miñ, da wıap iccuyaj jem más wiñıpcic trato, ni datim wıap ıctogoy jem promesa. ¹⁸ Tsam wiñıgam Dios ijıycamayne jem Abraham iga tachiıba tum wıbic herencia juuts tum xaja. Pero da porque tanwattampa juuts nimpa jem Moisés inquımayooyi. Tachiıba porque tsam wiñıgam tajıycamayne.

¹⁹ ¿Jesic ti mejcuy jem Moisés inquımayooyi? Dios ichac jem ley iga inquejayıñ jem pixiñtam iga tancaıy hasta cuando núcpa jem Abraham ıocmanic imanic, jem ijıycamayñewıp Dios iga icutsatpa. Dios ichac iga jem sınyucmıpic pixiñtam icııjunıctopa jem wiñıpcic anquımayooyi jem Moisés icııjom iga tsıy Moisés juuts tum representante. ²⁰ Tum representante icuyoxap wısten, pero tanjatun Dios tum.

Ti mejcuy jem Moisés inquımayooyi

²¹ Jem anquımayooyi tumtı jıxi con jem promesa jem tawadayñewıp Dios. Meega i wıap iwat juuts nimpa jem wiñıpcic anquımayooyi, jesic chiıtap jem vida jem dapic cuyajpa. Dios iwıpicıtonpa porque iwatpa itumpıy juuts nimpa jem wiñıpcic anquımayooyi. ²² Pero da i wıap porque nimpa jem Dios inmati iga tancaıy itumpıy jem pixiñtam. Nimpa así iga ijodónayajıñ jem pixiñtam iga solamente jem icupıcneyajwıp jem Cristo wıap ıpicıton jem vida jem dapic cuyajpa juuts tajıycamayñeta Dios.

²³ Cuando danam núc jem tiempo iga tanıcupıcpa jem Cristo, tanıacneta idic jem wiñıpcic anquımayooyi, juuts tapajne idic, hasta que Dios tacıodónata jıtsap tanıcupıcta jem Cristo. ²⁴ Jem anquımayooyi jex juuts tum mozo jem iwatpápic cuenta jem tsıxtam. Jem anquımayooyi tayoxpátpa iga tanıcupıguıñ jem Cristo iga tawıpicıtonpa Dios. ²⁵ Pero una vez tanıcupıcne jem Cristo, jesic dam más tanıacpa jem anquımayooyi.

²⁶ Sııp inıumpıytam Diosam mimanictam porque inıcupıcneta jem tánımi Jesucristo. ²⁷ Mimichtam cuando micchıntamta, michıyta juuts mitumtıtam con Cristo. Dios michi jem Cristo ijıxi juuts miccámaytımpa tum jomıpic yooti. ²⁸ Cuando Cristo tamıchıtam, jesic tantumpıytam tajextım. Siıga taısrıelpıc tapıxiñ o tagrıegıpcı tapıxiñ, tajextım. Siıga taesclavo o da taje, tajextım. Siıga tapıxiñ o tayomo tajextım. Tantumpıytam tatumtıtam porque Cristo tamıchıtam. ²⁹ Siıga Cristo mimıchıtam, jesic jem Abraham mimanictam. İmpıctontımpatım títam ijıycámáy Dios jem Abraham.

4

¹ Sııp mananmadáypa tum ejemplo. Siıga caaba tum tsıxi ijatun y ichagáypa imanic itumpıy jem inııtıwıp, jesic jem tsıxi tsıypa juuts tum esclavo ıganam mııap. Pero imıchıtım itumpıy jem ichagayñewıp ijatun. ² Accámıyıtap alıgunos juuts maestro y mayordomo iga iwatpa cuenta jem tsıxi ıganam mııap hasta núcpa jem jama iga inuntamıchıap juuts nimpa jem ijatun. ³ Jesanetım taıchtam. Wiñıgam cuando danam tanıcupıcne jem Cristo, da ti tanıjodon juuts tum tsıxi. Tanıacneta idic jem wiñıpcic jıxi jem itwıp yıp naxyucmı. ⁴ Cuando núc jem tiempo iga ixunpa Dios, jesic Dios icutsat imanic yıp naxyucmı.

Nay tum yomyucmi. Injacpatim jem wiñicpic anquímayooyi. ⁵ Jeeyucmi wiap iccutsigáy jem pixiñtam, jem injacneyajwip idic jem wiñicpic anquímayooyi iga Dios ipictsonñi juuts imanictam.

⁶ Siip quejpa iga Diosam tamanictam porque tachiñeta jem Cristo iAnama tánanamanjom, tayoxpátpa iga wiñiñ tannímáy Dios: “Manjatun Dios.” ⁷ Jeeyucmi siip dam je miesclavo, Diosam mimanic. Siiga Diosam mimanic, jesic iniit jem derecho iga impictsonpa itumpiy jem herencia, jem ichiipáppic Dios jem imanictam.

Jém Pablo iwogáy jem Galaciapic pixiñtam

⁸ Wiñic cuando danam inixpicpa Dios, incuyoxap idic juuts esclavo jem tungac diosyaj jem dapic je nunta Dios. ⁹ Pero siip inixpictámpa Dios o más wi iga tanimpa iga Dios miixpicpa mimichtam. ¿Jesic tiiga mixetpa inñtuuñiancim iga eybic incuyoxap juuts esclavo jem tungac anquímayooyi, jem dapic tayoxpátpa, jem dapic iniñ ipimi? ¹⁰ Da inñchac iga inwatpa itumpiy jem sinyaj juuts iwatyajpa jem icupicneyajwip jem wiñicpic costumbre. Inñjspa iga jempigam miwitsagáypa jem inñañca. ¹¹ Ich tsam acinpa iga axajayoxa mimichtamanjom.

¹² Mantiwitam, mancunucsaypa iga inñchaguiñ jem anquímayooyi juuts ich antsac cuando moj ancupic jem Cristo. Ich anñjsa cuando oy aiti con mimichtam, agui anwipictsonñta. ¹³ Inñjodónata iga wiñiti oy manañmadáy jem Cristo inquímayooyi porque ich amimne idic, jeeyucmi atsiy con mimichtam. ¹⁴ Ich tsam pimi amimne, tsam pimi acutitsta, pero mimichtam da anquebacputta, ni datim anjóiñta. Anwipictsonñta juuts tum sinyucmipic pixiñ, juuts Jesucristo iyaac. ¹⁵ ¿Jut it jem maymáñi jem iniitwip idic cuando impictsonñ jem wibic anñati? Ich atsiy juuts testigo iga mimichtam tsam anyoxpátamtooba idic. Meega wiap, inñtoptámpa idic jem inñxcuy iga anchiiba.

¹⁶ ¿Jesic tiiga tsam anjóiñtámpa iga mannuumanñmadayñe?

¹⁷ Yip tungac maestroyaj nimanñtaayap iga tsam mitoypa, pero da iga miwíwadáypa. Ixunyajpa iga antsaganputtamiñ aich iga inññiytamiñ jeeyaj. ¹⁸ Jesic wi iga mitoypa jem tungac maestroyaj siiga numa miwíwadaytooba, pero da wi siiga nada más mitoypa cuando iixpa iga ait con mimichtam. ¹⁹ Mamanictam, tsam ayaachap hasta toypa ananama por mimichtam juuts tum yomo jesic icnappa imaníc. Eybic manyoxpáttooba hasta que iniitamiñ jem Cristo ipimi inñanamanjom. ²⁰ Meega awiap, siipti anicpa jut miitta. Manñwanquejápa ti ixunpa Dios. Porque ich da anjodonñ siiga incupicpa jem wibic anñati o inñchactooa.

Jém ejemplo de jem wisten yomtam jem Agar y Sara

²¹ Michtam tsam incupictamtooba jem Moisés inquímayooyi. ¿Pero que inññiytámpa ti nimpa jem anquímayooyi? ²² Nimpa jem Dios inñati, jem jayñewip, iga jem Abraham iniit wisten imaníc. Tum imaníc iwat con jem yomo Agar, jem iesclava. Jem tungac imaníc iwat con jem inñuntayomo jem dapic je esclava. ²³ Jem iesclava imaníc nay juuts cualquier pixiñ. Pero jem inñuntayomo, jem dapic je esclava, icnay jem imaníc iga cupacpa juuts ijycámayñe Dios. ²⁴ Yip cuento manaccámáypa como tum ejemplo. Jem wisten yomo jex juuts jem wisten trato jem iwatnewip Dios. Jem wiñtipic watnetá jem cotsicyucmi jem Sinaí. Jem trato jex juuts jem Abraham iesclava

jém Agar. Jém icupicneyajwïp yïp trato tsïypa juuts tum esclavo porque icuyoxayajpa jém Moisés inqúimayooyi. ²⁵ Jém Agar jex juuts jém cotsic Sinaí jém naxyucmi Arabia, jex juuts jém atebet Jerusalén jém siïppic it con itumpiy jém imanictam jém Israelpic pïxiñtam. Tsïyyaj jeeyaj juuts esclavo porque injacneyaj jém wiñcpcic anqúimayooyi. ²⁶ Pero jém tungac Jerusalén, jém itwïp sinyucmi, tsïy libre. Taichtam jém sinyucmipic Jerusalén tamanictam. ²⁷ Nimpa así jém Dios inmati jém jayñewïp:

Maymáajaji, miyomo, jém dapic mimanigïy.

Pïmi anweji de maymáajaji jém dapic quemán inicnay tum tsixi.

Porque núcpa jém jama iga jém yomo jém tsacnetawïp,

iniitpa más jáyan imaníc que jém yomo jém iniitwïp jém iwïdaya.

²⁸ Mantïwitam, mimichtam Diosam mimanictam porque Dios tajycámayñe iga tamanigap jextim juuts jém Isaac. ²⁹ Wiñigam jém Abraham imaníc, jém nayñewïp juuts cualquier pïxiñ, tsam iyaachwat jém itïwi jém ijycámayñewïp Dios iga naypa. Jesaptim siïp jém icupicneyajwïp jém wiñcpcic anqúimayooyi tsam iyaachwatayajpa jém icupicneyajwïp Cristo jém nayñewïp con Dios iAnama. ³⁰ ¿Jesic ti nimpa jém anmati jém jayñewïp? Nimpa así: “Tanjatun Dios inímáy jém Abraham iga quebacputi jém inescrava con imaníc porque jém yomo imaníc da wiap ipictson jém herencia juuts jém inñuntayomo imaníc.” ³¹ Jeeyucmi, mantïwitam, da tatsïyta juuts jém esclava imaníc porque tamanictam de jém yomo jém dapic je esclava.

5

Odom más tatsïyiñ juuts tum esclavo

¹ Jém tánQmi Jesucristo tachi jém libertad iga odom más tatsïytámiñ juuts tum esclavo. Jesic odoy jïici iga i miccámáypa eybic inñisciyucmi jém yunta iyugo, jém wiñcpcic anqúimayooyi.

² Amatontaami. Ich aPablo. Siïp mannímáypa siiga inñicpa iga miwadaytap jém marca de circuncisión iga miccáyáyïñ jém inñánca, jesic tánQmi Cristo da wiap miyoxpáta. ³ Eybictim mannímáypa, siiga tum pïxiñ ijicpa iga wadaytap jém marca de circuncisión iga odoy iniidiñ jém tánca, jesic tienes que iwatpatim itumpiy juuts nimpa jém Moisés inqúimayooyi iga odoy ipictsonïñ jém mijpic castigo. ⁴ Siiga algunos de mimichtam inñispa iga Dios miccáyáypa inñánca porque sip inwat juuts nimpa jém Moisés inqúimayooyi, jesic quejpa iga inñachne iga inçupicpa jém tánQmi Cristo. Inñachneum jém Dios itóyooyi. ⁵ Pero taichtam tananjócpa por medio de Dios iAnama iga tawïtsagáypa tantánca porque tançupicpa iga Dios wiap tayoxpát. ⁶ Siiga Cristo tamiichi, jesic da para ti wï siiga tanait jém marca de circuncisión o da tanaj. Pero tsam wï siiga tançupictámpa iga Dios wiap tayoxpát y tanait jém wibic tóyooyi.

⁷ Mimichtam inwïwattámpa idic juuts ixunpa Dios. ¿Jesic i mictsac jém numapic anqúimayooyi iga da más inçupicpa? ⁸ Quejpa iga da je Dios michi yïp jïxi porque Dios miñwejay iga michíyïñ juuts jém imanictam. ⁹ Jïstaami iga: “Uxan levadura icpipa itumpiy jém jaapi.” ¹⁰ Ich ançupicpa iga tánQmi tsam miyoxpát, jeeyucmi da ançinpa iga inçupictámpa jém tungac anqúimayooyi. Dios ichiiba castigo jém pïxiñ jém icujíñaypaap jém Dios ipïxiñtam. Dios da itçutigiyi japaap jém pïxiñ.

11 Mantiwitam, tsam ajóyixajpa jém Israelpic pixiñtam porque da anañmadáypa jém pixiñtam iga ixunpa Dios iga tanwatpa jém marca de circuncisión. Pero meega anañmatpa jexpictim migooyi, jesic jém Israelpic pixiñtam da ijóyixajpa jém wibic anmafi iga accaata tãnQmi Cristo jém cunusyucmi. 12 Jém malopic maestroyaj tsam mimoogíypa porque ixunpa iga inwattãmpa jém marca de circuncisión. Ich animpa más wí meega iyaac nacapunyajtañ.

13 Mimichtam mantiwitam, Dios micupinta iga michiitãmpa jém libertad de jém wiñicpic anquímayooyi. Pero jém libertad da michiiba lugar iga immalwatpa. Michiiba lugar iga minitoytamtaiñ con jém inñiwitam, iga miniyoxpãttamtaiñ. 14 Porque cupacpa tanwat itumpiy jém Dios inquímayooyi siiga tanwatpa juuts nimpã yíp anmafi: “Tantóyñ tantiwitam como taich mismo tanatoytap.” 15 Pero siiga tsam minijóyixãmtap con jém inñiwitam y tsam minjatãmpa, jesic cuidado iga miniyajtamtap.

Dios iAnama tayoxpãtpa iga tanwãwatpa

16 Siip mannímáypa, cupictaami juuts nimpã jém Dios iAnama, odoy wataami jém malopic cosa juuts inñjistãmpa inñanamanjom. 17 Jém malopic jixi, jém tanaitwãp tananamanjom, it en contra de jém Dios iAnama. Jém Dios iAnama ittim en contra de jém malopic jixi. Icuistic it en contra. Jeeyucmi da wãp inwat jém wibic cosa juuts inxunpa. 18 Pero siiga inçupicpa juuts nimpã jém Dios iAnama, jesic dam más minjacpa jém wiñicpic anquímayooyi.

19 Tsam wiquejpa titam iwatyajpa jém pixiñtam jém inñiwãp jém malopic jixi inamanjom. Pejóypa, yomtsicpa, icusúníypa itumpiy jexpic cosa jém ñapic wí. 20 Ijisyajpa jém watnas, inawatwadãypa itíwi. Tsam jóyero. Tsam añapa. Tsam naja. Tsam jóyixóypa. Agui nawiwadaytaatooba iyaac. Nawéctap, iwatpa tunjac grupo. 21 Tsam cuyóyíyóypa. Accaóypa. Tsam ucpa. Iwatpa malopic siñ y itumpiy jexpic cosa. Siip eybic mannímáypa juuts mannímayñe iga jém pixiñtam, jém iwatpãppic jempic, da wãp inñuc jut injacpa Dios.

22 Pero Dios iAnama tayoxpãtpa iga tatóyóyñ, iga tamaymáyatamiñ, iga odoy tanjatamiñ con jém tantiwitam, iga tanyachíyñ siiga i tamalwadãypa. Da tamalo. Tanyoxpãdiñ i quej, tanaccupaguiñ juuts tanjycamayñe. 23 Da tanacujiptap. Seguido tanwatpa jém wítampic cosa, da i wãp tacutís iga tacmalwatpa. Da i ni tum ley en contra de jém wibic cosa. 24 Itumpiy jém pixiñtam jém Cristopic imichiyaj, icunún jém malopic ijixi cunusyucmi. Tsíy juuts caane jém malopic jixi iga odom más tançusúníyñ jém malopic cosa. 25 Siiga tanait jém vida, jém tachiñewãp jém Dios iAnama, jesic wí iga tanwattamiñ juuts tanquejãypa jém Dios iAnama.

26 Da wí iga minicujiptap inñyaac porque jempigam inictsucumpa jém pleito. Datim wí iga minicujóyiytamtap.

6

Nayoxpãttamtaji con jém tantiwitam

1 Mantiwitam, siiga impát tum tantíwi iccutiñne itãñca, jesic mimichtam, jém inwattampãppic juuts minquejã jém Dios iAnama, yoxpaati iga tsucúmiñ eybic. Anjijacaci chocoymi con tum wibic inñanama. Pero cada tumtum de

mimichtam nawattamtaji cuenta iga odoy i micutíchiñ iga micmalwatpa. ²Mantíwítam, nayoxpáttamtaji con jém tantíwítam iga iñyaachiytámiñ cuando micutítstamtap. Jempigam capsapa inwat itumpiy jém tánQmi Jesucristo inqúimayooyi.

³Siiga tum píxiñ tsam nacujíptap y nimpá iga agui wíap, pero da ti ijodon, jesic namigóyaytap iyaac. ⁴Cada tumtum de mimichtam nacipintaji iñyaac. Siiga inwíwatne, jesic mimaymay. Pero odoy jisi iga jém iñíwí da wíap. ⁵Cada tumtum ininiguíñ iyaac jém ichími.

⁶Siiga tum píxiñ icuyujcaaba jém wibic anqúimayooyi, wí iga ichiñ jém imaestro jém wibic cosa titam iniit.

⁷Mimichtam odoy namigóyaytaji iñyaac. Da i wíap imigóyáy Dios. Titam tanñippa, jeetim cosecha tampinpa. ⁸Siiga tum píxiñ iwatpa jém malopic cosa juuts ijsipa iñamanjom, jesic ipictsonpa jém castigo. Togoypa jém píxiñ. Pero siiga i iwatpa juuts iñimáypa jém Dios iAnama, jesic ipictsonpa jém vida jém dapic cuyajpa. ⁹Jesic wí iga odoy tasopstámiñ iga tanwíwattámpa porque cuando núcpa jém tiempo juuts ixunpa Dios, tampictsonámpa tum wibic coñwiyooyi siiga da tantsacne iga tanwíwatpa. ¹⁰Jeeyucmi i ganam tavivo, wí iga tanwíwadáyíñ itumpiy jém píxiñfam, pero da tantsacpa iga tanwíwadáyypa jém tantíwítam jém icupicneyajwíip tánQmi Cristo.

Jém Pablo ichiiba jixi jém tantíwítam y ocmi inqúimpa

¹¹Ixtaami iga tsam mijpic letra sip manjáyáy ançími. ¹²Jesanim tsam wíquejpa iga jém malopic maestroyaj mipimiytámpa iga inwattámiñ jém marca de circuncisión. Iwatyajpa jempic iga iwíixyajiñ jém Israelpic píxiñfam. Tsam çinyajpa iga yaachwattap, jeeyucmi da inmattooba iga accaata cunusyucmi jém Jesucristo. ¹³Porque ni jeeyaj, jém wadayñetawíip jém marca de circuncisión, datim capsapa iwatyaj itumpiy juuts nimpá jém Moisés inqúimayooyi. Pero tsam iwianjamyaj iga miwadaytamtap jém marca de circuncisión iga wíañ inicujípyajta mimichtam inçuyucmi. ¹⁴Pero ich da anacujíptap anyaac. Wí iga tançujíppa tánQmi Jesucristo porque je accaata cunusyucmi para taichtam. Jeeyucmi tsíy juuts caane cunusyucmi para ich itumpiy jém malopic jixi jém itwíip yíp naxyucmi. Ich atsíy juuts acaanetim iga da más ançusúníypa jém cosa dapic wí. ¹⁵Siiga Cristo tamíchi, jesic da ti cuwatcuy jém marca de circuncisión siiga tanaít o da tanaí. Pero wí iga tacjoomasetpa jém Cristo. ¹⁶Wí iga itumpiy jém icupicyajpáppic yíp anqúimayooyi, con jém nunta Israelpic píxiñfam, jém Diospic imíchi, iniityajiñ jém wibic paz iñamanjom. Wítim iga Dios iyaachanjamyajiñ.

¹⁷Dende sip odoy i más amoogíyíñ porque anasíba annacyucmi jém marca iga acóstta jém tánQmi Cristo icuyucmi.

¹⁸Mantíwítam, sip jém tánQmi Jesucristo ittámiñ iñanamanjom y miwíwadáyámiñ. Jemum cuyaj.

Jém carta jém ijáyayñewiip Pablo jém ityajwiip jém attebet Efeso

Jém Pablo ijáyaypa Dios ipixiñtam jém attebet Efeso

¹ Ich aPablo. Jém tánQmi Jesucristo accám juuts tum apóstol porque asíam iwianjam Dios. Siip manjáyaypa mimichtam, Dios mipixiñtam, jém miittanwiip jém attebet Efeso jém inçupicnetañwiip Jesucristo. ² Miwíwadáyíñ jém tanjatun Dios y jém tánQmi Jesucristo. Michiitámiñ jém paz iga da ti idíyiy iñanamanjom.

Chiitq wibic bendición jém Cristo ipixiñtam

³ Tançujíptampa Dios, jém tánQmi Jesucristo ijatun, porque tsam tawíwadáyñe, tachiñe jém siñyucmipic bendición jém dapic tánixpa. Tawadayñe así porque tamíchi jém tánQmi Cristo. ⁴ Dios tacupin tsam wiñigam cuando danam iwatne yíp mundo iga tamíchap jém tánQmi Cristo, iga tatsíyámiñ juuts tum wibic pxiñ dapic táncaiy Dios iwiñjom. ⁵ Como tsam tatoypa Dios, dende wiñigam tacupin iga tamanigap jém tánQmi Jesucristo icuyucmi. Tawadáy así porque jem pam iwianjam. ⁶ Jeeyucmi tançujíptampa Dios porque tsam tóyóypa y tsam tawíwadáyapa. Tawadáy así porque tamíchi jém tánQmi Cristo, jém tsampic itoypa Dios. ⁷ Yíptim Cristo tayoáy tantajca cuando itegáy iñipiñ. Tawadáy perdón jém tantajca porque Dios tsam tóyóypa, tsam tawíwadáyapa. ⁸ Quejpa iga Dios tsam pími tatoypa porque tachi itumpiy jém wibic jixi iga tançutiñiyiñ ti tanquejáypa Dios. ⁹ Tacjodóna ti iwattooba, jém jixi jém añnécnewiip dende wiñigam. Iyaac ijisne idic iga iwatpa juuts je iwianjam. ¹⁰ Cupacpa iwat juuts iwianjam Dios cuando núcpa jém iñanpigam jama. Dios ijis iga icíñjucotpa itumpiy cosa jém Cristo icíñjom iga injacpa jém ityajwiip siñyucmi y jém ityajwiip naxyucmi.

¹¹ Jém Cristo tamíchi, porque Dios tacupin neum dende wiñigam iga tampictsoñiñ titam tachiiba Dios juuts ijisne idic. Porque siempre iwatpa Dios juuts je iwianjam. ¹² Iwianjam iga aichtam atsíyámiñ jém wiñipic iga ananjóctampa jém Cristo iga añçujíptampa porque tsam iniit ipimi. ¹³ Ocmi, mimichtam, mimíchatatim jém Cristo cuando immaton jém numapic añmañi iga Dios taciaputpa. Cuando moj inçupicta jém Cristo, míchiita jém Dios iñanama iñanamanjom juuts tum sello iga quejiñ iga Dios mimíchi, juuts tajycamayñe. ¹⁴ Tachiñe Dios iñanama iga tacjodónap iga numa tampictsonpa titam tajycamayñe Dios. Tampictsonpa cuando capsum taciaput tantumpiytam jém Diospic tamíchitam. Jesic tançujíptampa tanjatun Dios iga agui wiap.

Jém Pablo iwágáyapa Dios iga ichiñ jém wibic jixi jém icupicneyajwiip tánQmi

¹⁵ Jeeyucmi cuando ammaton iga tsam inçupicpa tánQmi Jesús y iga tsam iñtoypa itumpiy jém Dios ipixiñtam, ¹⁶ da antsacpa iga anchiiba gracia Dios para mimichtam. Siempre manjspa cuando añwatpa oración. ¹⁷ Anwágáyapa jém tanjatun Dios, jém tsampic wiap, jém tánQmi Jesucristo idíostim, iga michiñ jém wibic jixi iñanamanjom iga más inwicutiñiyiñ titam minquejáypa y iga más inwixipiguiñ jém tanjatun Dios. ¹⁸ Anwagáypatim

Dios iga miy'iquejiñ ñanamanjom iga más inçut'i'yíyíñ tiiga micupin y iga iñjodónatámiñ ti herencia ipictsonyajpa jém Dios ipixiñtam jém tsam wibic riqueza. ¹⁹ Miñquejáyatim iga tsam wiap tanjatun Dios. Da cuyajpa ipimi, wiap tayoxpát jém tançupicnewiip jém Cristo. Dios tanquejáy iga tsam pimi wiap ²⁰ cuando icpis jém tánomi Jesucristo de jut it jém caaneyawwip, iccoñ jém Dios inwimi sinyucmi. ²¹ Iccám iga anjagooyi iga injacpa itumpiy jém anjagooyiyaj y jém tsampic wiap, jém itw'iwip yip naxyucmi y jém itw'iwip sinyucmi. Jém siipic it y jém miñpápic ocni. ²² Tsacta itumpiy cosa jém tánomi Cristo ipuyicim iga injacpa. Accámta iga anjagooyi iga injacpatim itumpiy jém Dios ipixiñtam. Tsíy iga cobacpic. ²³ Y jém Dios ipixiñtam tsíy iga Cristo imijtay, icomé icumij con itumpiy jém wibic cosa.

2

Dios taciaputpa porque tsam tatoypa

¹ Mimichtam michíyñe idic juuts tum p'ixiñ caanewiip porque tsam immalwatne, tsam mitáncaiy. ² Tsam idic immalwatpa cuando danam inçupicne Cristo. Tsam idic immalwatpa juuts iwatyajpa jém malopic p'ixiñtam jém ityajw'iwip yip naxyucmi. Tsam idic inwatpa juuts iwianjam jém Wocciwiñ, jém mal espíritu injagooyi, jém siipápic sauyucmi. Jeetim mal espíritu it jém p'ixiñtam ñanamanjom jém dapic icupicpa Dios. Agui icmalwatpa. ³ Taichtam tajextim idic. Tantumpiytam tsam tammalwatpa idic juuts nimpá jém malopic jixi tánanamanjom y tanjixianjom. Jeeyucmi tampictsonpa idic jém Dios icastigo juuts jém tungac p'ixiñtam. ⁴ Pero tanjatun Dios tsam pimi tayaachanjampa. Tsam pimi tatoypa. ⁵ Aunque tatsiyñe idic juuts tacaane porque tsam tatáncaiy, Dios tachi jém vida porque acpista jém Cristo. Tsam tóyóypa Dios jeeyucmi michtam miciaputtamta. ⁶ Tawagaacpis Dios con Cristo, siip tanwaganacoñ Cristo sinyucmi. ⁷ Iwat jempic iga tanquejáy itumpiy tiempo, jém miñpaap, iga tsam tóyóypa Dios y tsam tayoxpáttooba porque tanwaganaiñ jém Jesucristo. ⁸ Dios tsam tayaachanjampa, jeeyucmi miciaputta porque inçupicne iga Dios wiap miyoxpát. Da iñyaac miniciaputpa, pero Dios michi tum xaja. ⁹ Da i wiap iw'iwat iga naciaputtap iyaac, iga da i wiap inicuip'itá iyaac. ¹⁰ Taichtam Dios tawati. Tacjoomašet cuando moj tançupic Jesucristo iga tanwattámiñ jém w'itampic cosa juuts je ixunpa. Dende wiñigam ijis Dios iga tanw'iwattámiñ.

Tatsíyfa juuts tumti attebet

¹¹ Jistaami iga mimichtam migentiles, da je mijudíos. Da iniñta jém marca de circuncisión immijtayyucmi juuts jeeyaj. Y jém marcajiyw'iwip miccámáy iññiyi: "Jém tungac mipixiñtam jém dapic mimarcaj'iy." ¹² Jistaami iga wiñic mimichtam da idic miñta con Cristo. Miñ inçutum. Da iniñ derecho iga inwaganaitpa jém Israelpic p'ixiñtam. Tungac mipixiñtam. Da idic iñixpicpa jém wiñicpic trato juuts ijycámayñe Dios jém Israelpic p'ixiñtam. Da idic iñjodon iga Dios miw'iwadáy. Inçutum idic michíyñe yip naxyucmi, miñta idic sin Dios. ¹³ Siip inwaganaitum Cristo. Mimichtam michíyñe idic juumi, pero siip wiap inçunúcta noojom porque jém Cristo itegáy iññipiñ. ¹⁴ Siip Cristo iccuyaj jém pleito entre jém Israelpic p'ixiñtam y jém tungac

pixiñtam iga tsíyyaj juuts tumti attebet. It idic juuts tum taañi entre jém Israelpic pixiñtam y jém tungac pixiñtam, pero Cristo imiswat jém taañi.

¹⁵ Cuando cunúnta cunusyucmi, iccuyaj jém wiñicpic anquímayooyi, jém tsampic ipimíypa idic jém pixiñtam. Iwat jempic iga tatsíyotámiñ juuts tumti tapixiñ porque Cristo tamüchitam. Siip tatuntitam, cuyajneum jém pleito.

¹⁶ Accaata cunusyucmi jém Cristo iga tatsíyotámiñ amigo con Dios porque tancauistictam tatsíyta tumti mijtay. Asíam iccuyaj jém pleito.

¹⁷ Jém Cristo miñ inmat yíp naxyucmi jém wibic anmati. Nimpa iga wiap tantsíyta amigo con Dios. Miñ miñmadáy mimichtam jém miitwüip juumi. Inmadáyitím jém Israelpic pixiñtam jém itwüip nocojom. ¹⁸ Jém Cristo icuyucmi tantumpiytam wiap tancauñta tanjatun Dios. Tawiatámpa porque jeetim Dios iAnama tayoxpátpa. ¹⁹ Jeeyucmi mimichtam dam je juumipic mipixiñtam, jém siipáppic idic tungac naxyucmi. Pero siip inwaganait jém Dios ipixiñtam. Mimichtam Dios mimañictam. ²⁰ Mimichtam mijex juuts tum tic jém watnetawüip jém baseyucmi. Jém Jesucristo mismo je jém wiñtipic tsa, jém esquinajiywüip jut pimane jém tic. Jém wiñicpic anmatcüwiñ y jém apóstolyaj jex juuts jém tsaayaj jém picnetawüip para jém base jut tsucumpa jém mastic. ²¹ Tsajcámta itumpiy jém icupicneyajwüip Cristo jut pimane jém tic. Tsam jáyayap jém Dios ipixiñtam hasta cupacpa jém wibic mastic jut it Dios. ²² Jesic taichtam como Cristo tamüchitam, tacumuntsajnetá iga tanwattámpa tum mijpic tic jut itpa jém Dios iAnama.

3

Cutsatta jém Pablo iga inmadáypa jém dapic je de Israel

¹ Jeeyucmi ich aPablo apajnetá porque manañmadáy jém Jesucristo inquímayooyi mimichtam jém tungac mipixiñtam. ² Wi iiga injodónajñ iga Dios achi jém yoxacuy y ayoxpát iga manañmadáypa iga Dios tsam miwíwadaytooba. ³ Anquejay Dios jém jixi, jém anéncnewüip, juuts wiñti manjáyayñe. ⁴ Cuando immaypa jém toto, wiap incutüiyiy iga jém Cristo anquejay jém jixi, jém anéncnewüip idic. ⁵ Dios da inquejay yíp jixi jém wiñicpic pixiñtam. Pero siip Dios iAnama inquejay jém apóstolyaj, jém cuáyñewüip, y jém Dios inmatcüwiñ ⁶ iga jém dapic je de Israel ipictsonpatim jeetim herencia juuts jém Israelpic pixiñtam. Siip jém tungac pixiñtam tsíyyaj juuts tumti mijtay con jém Israelpic pixiñtam. Ipictonyajpatim titam ijycámayñe Dios jém imañictam, jém icupicneyajwüip Jesucristo por medio de jém wibic anmati.

⁷ Dios acupin iga ancuyoxap yíp wibic anmati. Achi yíp yoxacuy juuts tum xaja porque tsam iniit ipimi, je tsam wiap. ⁸ Ich más da awiap que itumpiy jém Dios ipixiñtam, pero Dios ayoxpát, achi jém derecho iga anañmadáypa jém tungac pixiñtam jém tsam wibic riqueza de Cristo jém dapic wiap tammay. ⁹ Achiitím jém derecho iga anajodónap itumpiy jém pixiñtam ti iwattooba Dios. Anañquejaypa jém jixi jém dapic i wiap icutüiyiy, dende wiñigam inéncne idic Dios, jém iwatnewüip itumpiy cosa. ¹⁰ Dios ixunpa iga siip por medio de jém icupicnewüip Cristo icjodónap jém sinyucmic pixiñtam, jém injacyajpáppic sinyucmi, itumpiy jém wibic jixi jém inüitwüip tanjatun

Dios. ¹¹ Dios iwat juuts ijis dende wiñigam cuando icutsat tánQmi Jesucristo yíp naxyucmi. ¹² Cristo tamichí, jeeyucmi da tacijpa, tanjodon iga wiap tanjunuc Dios sin ciji porque tanjucpicne. ¹³ Jeeyucmi manjunucsaypa iga odoy anyaaci iga agui ayaachwatta mimichtam injucyucmi. Annascaaba asi iga Dios miwawadáyin.

Cristo iniit jém wibic tóyooyi

¹⁴ Jeeyucmi acosteña jém tánQmi Jesucristo iJatun iwiñjom. ¹⁵ Itumpiy jém ityajwip sinjucmi y jém ityajwip yíp naxyucmi ipicstonayajpa iñiyi iga iJatunim. ¹⁶ Anwágáypa Dios iga con jém wibic riqueza michiitámiñ jém ipimi inanamajom iga más miwip por medio de jém iAnama ¹⁷ iga iniitámiñ tánQmi Cristo inanamajom porque injucpicpa iga Dios wiap. Jesic da inchacpa jém wibic tóyooyi. Mijex juuts tum cuy tsam jojmi tichigiy. Mijex juuts tum tic tsam wíwatne. ¹⁸ Jesic wiap injuciiyita con itumpiy jém Dios ipixiñtam iga jém Cristo itóyooyi da cuyajpa, tsam witi, tsam yagats, tsam jojmi y tsam yucmi. ¹⁹ Anwágáypatim Dios iga micjodonaiñ jém Cristo itóyooyi, mex da nunca capspa tanjodóna. Anwágáypatim Dios iga iniitámiñ itumpiy jém wítampic cosa jém tachiñewip Dios.

²⁰ Siip tanjucijptampa tanJatun Dios jém wiapaap iwat itumpiy jém wítampic cosa para taichtam. Tayoxpátpa con ipimi tánanamajom. Más pimi tawíwadáypa Dios que juuts tanwágáypa o juuts tanjispá. ²¹ Taichtam Dios tamastic. Taichtam Jesucristo tamichí. Wi iga tanjucijptampa tanJatun Dios itumpiy tiempo, da nunca cuyajpa tanjucip. Amén.

4

Dios iAnama tayoxpátpa iga tanaítámiñ tumti tanjixi

¹ Ich aPablo apajta cárcel jém tánQmi Jesucristo icuyucmi. Jistaami iga Dios micupin iga michiytámiñ juuts Dios mimanictam. Jeeyucmi manjunucsaypa iga siempre injwíwattámiñ juuts ixunpa Dios. ² Siempre wattaami juuts tum wibic pixiñ, dapic malo, tsam wi inama. Winanigaayi jém inñiwitam, nayaachanjamtamtaji con jém wibic tóyooyi. ³ Wadayaami caso iga iniitámiñ tumti jixi con jém tantiwitam porque Dios iAnama tayoxpátpa. Odoy tanjatámiñ porque tatumítam. ⁴ Tumti mijtay jém Dios ipixiñtam. Tumti Dios iAnama tanaíta. Dios tanwejay iga tanwagaanjócpa tumti cosa. ⁵ Tumti tánQmi, tumti jém anquímayoooyi jém tanjucicpaap, tumti jém acchíoooyi. ⁶ Tumti tanDios, tantumpiytam tanJatun. Imatspacne itumpiy cosa. Jut quej it Dios. Tanwaganaita Dios tantumpiytam.

⁷ Pero cada tumtum de taichtam tachiñeta jém Dios ipimi iga wiap tanwat jém iyoxacuy, Cristo taquípsáy juuts je ixunpa. ⁸ Jeeyucmi nimpá asi jém Dios inmati:

Cuando quím eybic sinjucmi jém Cristo, ininic jém pajnetawip idic.

Ichi jém pixiñtam tsam jáyar wítampic xaja.

⁹ ¿Ti nímtooba iga: “Quím eybic sinjucmi”? Nímtooba iga quet hasta más jojmi nascim. ¹⁰ Jém quetwip nascim, jeetim jém químwip sinjucmi jut más yucmi iga itpa jut quej con jém ipimi. ¹¹ Je mismo iccám algunos iga apóstol, tunjac iga inmatpa Dios inmati, tunjac iga inmadáypa jém pixiñtam

jutsap iciacput Dios, tunḡac iccám iga pastor iga iwatpa cuenta jém Dios ipixiñtam, tunḡac iccám iga maestro iga inquejáypa Dios inḡati jém pxiñtam. ¹² Accámyajta iga iyoxpátpa jém Dios ipixiñtam iga más wiap iwatyaj jém Dios iyoxacuy y iga capsapa icuyujca jém Dios inḡati jém ipixiñtam, jém tsíyñeyajwiip juuts Cristo imijtay. ¹³ Hasta que tantumpiytam tanḡupictámiñ con tumti tanjixi, hasta parejo tanwixpiguñi jém Dios iMānic. Jempigam tatsíypa juuts tatsamitam, iga wiap tanwat itumpiy juuts ixunpa Cristo. ¹⁴ Dam tanwatpa juuts jém tsixtam porque da tánca imigóyayta jeeyaj jex juuts jém sawa iga nicpa yim jeexic, porque icupicpa tunḡac anḡuimayooyi. Jém malopic anḡacwiñ agui jáyayanjichich, wiip tamigóyay iga tacmalwatpa. ¹⁵ Pero taichtam tanañmatpa jém numapic anḡuimayooyi con jém wibic tóyooyi. Wi iga tamijap hasta tanactsíypa jém tammijtay icobac, jém tánQmi Cristo. ¹⁶ Taichtam jex juuts Cristo imijtay. Cada tumtum tapimane jém Cristo imijtayyucmi. Jeeyucmi tanwatpa juuts ixunpa Cristo, cuando tawiyoxatampa, tajáyanap, hasta capsapa tanḡuyujca jém Cristo inḡuimayooyi porque tanañt jém wibic tóyooyi.

Jém jomipic vida jém tachiñewiip Cristo

¹⁷ Siip mannímáypa y manañquímpa tánQmi inñiyimi iga odom wattaami juuts jém tunḡac pxiñtam jém dapic iixpicpa Dios. Jém ijixi da para ti wi, da iyoxpátpa. ¹⁸ Cupiichane jém ijixi, da icutiñiyíypa ti ixunpa Dios. Da inñiyaj jém vida jém Diospic tachiiba porque da icutiñiyíypa, agui malo jém ianama. ¹⁹ Da tsaap iga imalwatpa. Agui iwánjam iga iwatpa mal, tsam jixitogoyñeyaj. Agui icusúníypa iga iwatpa itumpiy jém da wítampic cosa. ²⁰ Pero mimichtam da inḡucuyjaneta jém Cristo iga inḡwattampa jempic, ²¹ siiga numa immatoḡne jém Cristo inḡuimayooyi y inḡucuyjane jém numapic anḡati jém tanquejayñewiip Jesús. ²² Mimichtam tsaci juuts jáy inwat wiñic cuando danam inḡucpicne Cristo. Tsaci jém pecapic mijtay. Tsam pimi malo jém wiñicpic jixi, micusúníypa jém malopic cosa agui mimigóyáypa. ²³ Cucactaami jém inñixi jém itwiip inñanamanjom. ²⁴ Wati juuts tum jomipic mipixiñ, jém iwatnewiip juuts Dios, jém iwíwatpáppic, jém dapic táncaíy.

²⁵ Jeeyucmi odoy migóyaayi jém inñiwitam, nuamanmadaayi. Porque tumti mijtayyucmi tapimane.

²⁶ Siiga mijóypa, odoy táncawati. Odoy juci iga mijóyñeeba hasta tigíypa jém jama. ²⁷ Odoy chi lugar jém Wocciwiñ iga micmalwatpa.

²⁸ Jém númpaap idic ichaguñ iga númpa, más wi iga yoxaiñ. Iwadiñ tum wibic yoxacuy con ici iga wiap iyoxpát jém yaachayajpáppic.

²⁹ Odoy malañmati. Anḡati jém wítampic anḡati iga inñyoxpátpa y inñiwadáypa jém mimatoḡpaap. ³⁰ Odoy tsiganayáwati jém Dios iAnama, jém taccamayñetawíip juuts tum sello, iga queñiñ iga Dios tamichi hasta núcpa jém jama cuando taciaccuputtámpa.

³¹ Tsaci jém jixi aguipic tam. Tsaci itumpiy jém jooya. Odoy jóyixi jém inñiwitam. Tsaci iga agui mijíypa iga mijóyñe. Odoy malnimaayi jém inñiwitam, tsaci itumpiy jém malopic cosa. ³² Pero nawíwadaytamtaji entre mimichtam. Nayaachanjamtamtaji con jém inñiwitam. Nawadaytamtaji perdón juuts jém tanjatun Dios tawadáy perdón por medio de Cristo.

5

Wí iga iwíwatyajpa jém Dios imanictam

1 Mimichtam Dios mimanictam jém tsampic mitoypa. Jesic wadaayi caso iga inwattámpa juuts iwatpa je. 2 Naittaami jém wibic tóyooyi juustim tatoypa jém Cristo. Iyaac nachiiṭa iga accaataṭ por taichtam, juuts tum ofrenda, tum sacrificio jém aguipic cınpa jém Dios iwiñjom.

3 Mimichtam wattaami juuts Dios mimichitam. Da ammatonṭooba iga mipejóypa, ni inwatpa tunḡac malopic cosa, ni incusúniypa jém inṭiwitam imiichi. Da wí iga iwatyajpa jempic jém Dios ipixiñtam, jém cuáyñeyajwı̄p.

4 Odoy nimtaami jém malopic anṃaṭi, jém tsampic tatsaap. Odoy anṃaṭi juuts tum pı̄xiñ dapic jı̄xiı̄y. Odoy mal ochmichi. Yı̄pyaj da iwı̄nanigáypa jém wibic anṃaṭi. Más wí iga tammétspa jém wibic anṃaṭi iga tanchiiba gracia Dios. 5 Michtam inṭjodonṭam iga jém pı̄xiñtam jém pejoypaap, y jém iwatpáppic tunḡac cosa dapic wı̄, y jém tsampic icusúniypa jém dapic je imiichi, jextim juuts ijı̄spa jém watnas, jeeypaj da wı̄ap inṭuc jut injacpa tánomi Cristo y tanjatun Dios. 6 Odoy jı̄ici iga i mimigóyáypa con jém miḡooyi iga da malo iga immalwatpa. Jeeyucmi ichiiba Dios castigo itumpı̄y jém pı̄xiñtam jém dapic icupı̄cyajpa Dios. 7 Jeeyucmi odoy waganası̄ jexpic pı̄xiñtam.

8 Mimichtam miitta idic jém piichcim, pero sı̄p miitum jém juctianṭsočajom porque inwaganaiṭ Cristo. Jesic wı̄wattaami juuts jém witpáppic jém juctianṭsočajom. 9 Jém Dios iAnama micwı̄watpa iga inwatpa juuts tum wibic pı̄xiñ iga siempre miñuumanṃmatpa. 10 Wattaami empeño iga inwattámpa ti ixunpa tánomi. 11 Odoy waganası̄ jém malopic pı̄xiñtam jém sı̄páppic piichcim, jém iwatpáppic jém malopic cosa jém dapic tayoxpáṭpa, pero anṃı̄yjacı̄. 12 Agui tatsaap tanaṃmat ti iyamwatyajpa jeeypaj. 13 Pero cuando icuyicquejpa itumpı̄y jém malopic cosa, tsam wı̄ quejpa porque jém jucti icuyicquejpa itumpı̄y cosa. 14 Jeeyucmi nı̄myajpa:

Yusi, mimonṭpáppic.

Tsucumi de jut it jém caaneyajwı̄p,
Cristo micuyicquejpa.

15 Nawattaji cuenta iga inwı̄watpa. Odoy wattaami juuts jém pı̄xiñtam jém dapic jı̄xiı̄y. Wattaami juuts jém jı̄xiı̄ywı̄p. 16 Wattaami empeño iga inwı̄wattámpa sı̄p iganam it tiempo porque sı̄p tsam imalwatyajpa jém pı̄xiñtam. 17 Odoy cuı̄xaji, pero wadaayi caso iga inṭcutiı̄yı̄iñ ti ixunpa jém tánomi. 18 Odoy uquiataami porque jém pı̄xiñ, jém tsampic ucpa, togoypa ivida. Más wı̄ iga minjacpa jém Dios iAnama. 19 Nanmadaytamṭaji con jém inṭiwitam con jém Salmos y jém himnos y jém Dios iwañi. Wantaami, cujı̄ptaami jém tánomi Cristo con itumpı̄y iñanama. 20 Siempre chiitaami gracia jém tanjatun Dios para itumpı̄y cosa jém tánomi Jesucristo inṭı̄yimi.

Wí iga tanwı̄wadáypa jém itı̄yajwı̄p tanticcım

21 Cada tumtum de mimichtam nacupı̄ctamṭaji con jém inṭiwitam porque inṭjı̄ntámpa tánomi Cristo.

22 Miyomtam, mijaayı̄ywı̄p, jı̄ici iga minjacpa jém inwı̄daya juuts jém tánomi minjacpa. 23 Porque jém pı̄xiñ je jém cobacpic, injacpa iyomo. Jextim juuts Cristo, je jém cobacpic, injacpatim jém iglesia, je jém imı̄jtay y je jém icı̄acputpáppic. 24 Juuts jém Cristo ipixiñtam ijı̄cpa iga injacpa jém Cristo,

jesanetim jém yomo ijícpa iga injacpa jém iwídaya. Iwatpa itumpiy juuts iníimáypa jém iwídaya.

²⁵ Mipixiñtam, miyoomiywíp, toyi jém inyomo juuts jém tánQmi Cristo itoypa jém ipixiñtam jém icupicneyajwíp. Iyaac nachiiṭa ²⁶ iga iwítsagáypa jém ipixiñtam itánca. Icujiçháyáypa ianama, icheeba con ni por medio de jém inṃaṭi. ²⁷ Iwat así iga jém ipixiñtam, jém icupicneyajwíp, wiap inúç Cristo iwiñjom tsam wíçuyajneyaj. Jex juuts tum puctucu wí çuáyñe, da áñuchñe, da iníj ni tum mancha. Ixunpa Dios iga da táncaiy ni uxaj jém ipixiñtam iga wí çujichayñe. ²⁸ Jempicṭim ixunpa Dios iga tum pxiñ itoypa iyomo juuts itoypa imijtay. Jém itoypaap iyomo, natoytap iyaac. ²⁹ Porque da j wiap ijóyix imijtay, iwíṭdap, iwatpa cuenta. Jém Cristo jempicṭim iwatpa cuenta jém ipixiñtam, iwíṭdap jém icupicneyajwíp, jém iglesia, jém imíichipic. ³⁰ Taichtam tatsíyta juuts jém Cristo imijtay, juuts jém imayi y jém ipac. ³¹ “Jeeyucmi tum pxiñ ichacpa ijatun y iapa iga nicpa iwaganaiṭ jém iyomo. Jesic icuistic tsíyyajpa juuts tumti mijtay.” ³² Yíp tum mijpic jixi, añécne idic. Pero ich anjísipa iga nimtooba iga Cristo con jém ipixiñtam tumtiyaj. ³³ Jeeyucmi mannímáypa: Cada tumtum de mimichtam wí iga inítoyiñ jém inyomo juuts minitoytap inyaac. Jém yomtam, jém jaayiwíp, wí iga iniiḍayiñ respeto jém iwídaya.

6

¹ Michixtam, como Cristo mimíçhitam, cupicṭaami jém inñjatun y inñapa. Jempam iwíanjam Dios. ² Naidaayi respeto jém inñjatun y inñapa. ³ Yíp jém wiñtipic añquímayooyi jém tachiiñewíp con promesa iga miwíidiñ y yagatsap imvida yíp naxyucmi siiga inwatpa así.

⁴ Mimichtam mijatunpic, odoy tscjooyi jém immanictam. Wíactsami jém immanictam iga icupicyajiñ jém tánQmi inquímayooyi. Añquejaayi iga iwatyajiñ juuts ixunpa Dios.

⁵ Miesclavotam, cupicṭaami jém inñomi yíp naxyucmi. Wíixtaami, çinṭaami, cuyoxataami con itumpiy inñanama juuts inçuyoxatámpa jém tánQmi Cristo.

⁶ Cuyoxataami inñomi juuts Cristo miesclavotam, da no más iga miwíixiñ jeeyaj. Wattaami con itumpiy inñanama juuts ixunpa Dios. ⁷ Wíiwattaami jém inyoxacuy juuts inçuyoxap jém tánQmi Cristo y da juuts jém pxiñtam.

⁸ Porque inñjodontam iga tífam tanwatpa yíp naxyucmi tawíyojpa jém tánQmi Cristo siiga tanwíwatne siiga taesclavo o da taje.

⁹ Mimichtam miomipic, wíwadaytaamitim jém inñesclavo. Odoy otjímaayi iga inçótspa. Jistaami iga inçuisticṭam minjacpa tánQmi jém itwíp sinyucmi. Je iixpa itumpiy pxiñtam jextim.

Jutsap tanánḡata con jém malopic enemigoyaj

¹⁰ Siip, mantiwítam, naittaami jém tánQmi ipimi porque je tsam wiap y michiiba jém pimi iga tsam miwíaptim. ¹¹ Nacupujtaji con jém armadura jém michiñewíp Dios iga odoy inçaguñiñ jém Dios inṃaṭi cuando mimigóyáypa jém Wocciwiñ. ¹² Porque da siip tanánḡata con yíp naxyucmicp pxiñtam jém maayiwíp jém pagiywíp. Tanánḡatámpa jém Wocciwiñ jém iniiṭwíp ipimi con itumpiy jém mal espíritu jém malopic añjagooyi jém itwíp jém piichcñm. Tanánḡatámpa jém mal espíritu inçagooyiyaj jém siipápic sauyucmi.

13 Jeeyucmi pictaami itumpiy jém armadura jém Diospic tachiiñe iga wiañiñ iñyaachiya cuando micutitstap jém malopic jama. Cuando yajum miwitsacta, seguido cánteñi, cupici Dios inmatí. 14 Jesic micámteñe. Pici jém numapic anmatí juuts tum soldado ichencámpa jém icinturón. Siempre micupujpa siiga inwíwatpa juuts tum soldado iccámpa jém icoraza. Jesic jém enemigo da wíap mimalwadáy. 15 Accámneñi inciac impuyucmi iga miit listo iga ininmatpa jém wibic anmatí. 16 Najti jém fe juuts tum escudo, jesic wíap inicpich jém Wocciwiñ icapi jém juctiyywíip. 17 Accaami jém casco iga miciacputpa Dios juuts tum casco icupujáypa jém soldado icobac. Pici jém espada jém tachiiñewíip jém Dios iAnama. Jém espada je jém Dios inmatí. 18 Odoy tsaci iga ininwejpátpa Dios juuts minquejáy jém Dios iAnama. Cunucsayí Dios, wágaayí titam mitogóyáy. Ittaami al tanto, odoy anyaaci iñanamanjom. Anwejpaati Dios para itumpiy jém Dios ipixiñtam. 19 Anwejpaatitum Dios para aich iga achiiñ anmatí iga wíap ananmat iga odoy aciiñiñ iga anacjodónayajpa jém pixiñtam jém wibic anmatí jém anécnewíip idic. 20 Ich atsíy juuts tum embajador de jém wibic anmatí. Jeeyucmi atsenneta con cadena. Anwejpátaami Dios para ich iga odoy aciiñiñ y wíap ananmat jém wibic anmatí.

Jém Pablo inquímpa jém iamigoyaj

21 Siip mancutsadáypa jém Tíquico, jém tantíwi jém tsampic antoypa. Je da ichacpa iga inmatpa jém tánomi inquímayooyi. Micjodónap ti annasca y ti síp anwat. 22 Jeeyucmi mancutsadáy jém Tíquico iga injodónaiñ jutsane áñiti, iga miyoxpáñiñ iga odoy minyáctamiñ.

23 Siip mantíwítam, tanjatun Dios con tánomi Jesucristo michiiñ jém paz, jém wibic tóyooyi y jém wibic jixi iga seguido incupictámpa Dios. 24 Dios iwíwadáyíñ itumpiy jém pixiñtam jém itoyyajpáppic jém tánomi Jesucristo jém dapic nunca ichacyajpa. Jemum cuyaj.

Jém carta jém ijáyayñewiip Pablo jém ityajwiip jém attebet Filipos

Jém Pablo ijáyaypa jém Dios ipixiñtam jém ityajwiip Filipos

¹ Ich aPablo con jém añcompañero Timoteo añcuyoxatámpa jém Jesucristo. Siip manjáyaypa mimichtam jém Dios mipixiñtam jém inçupicnetañwiip Jesucristo jém attebet Filipos. Anjáyaypañim itumpiy jém impastoryaj con itumpiy jém diáconos jém icuyoxayajpaap jém Dios ipixiñtam. ² Jém tanjatuj Dios y jém tánQmi Jesucristo miwíwadáyíñ, michiitámiñ jém paz iga odoy iniidiñ cõbaccpiji iñanamanjom.

Jém Pablo iwatpa oración para jém iamigoyaj

³ Cuando manjisa, siempre anchiiba gracia jém tanjatuj Dios para mimichtam. ⁴ Cuando anañwejpátpa Dios para mimichtam iñtumpiytam, tsam amaymay porque ⁵ dende wiñigam hasta siip, tawagayoxap iga tanañmatpa jém wibic añmañi. ⁶ Ich añwijodon iga tanjatuj Dios jém moñewiip iwat jém wibic yoxacuy iñanamanjom, seguido iwatpa hasta cupacpa cuando núcpa jém jama iga miñgacpa jém Jesucristo yíp naxyucmi. ⁷ Wi iga manjisa porque tsam mantoypa. Agui anyoxpát cuando aít preso y cuando añcupuj jém wibic añmañi jém añjagooyi iwiñjom y anañmadáy iga numa jém añmañi da je miçoooyi. Mimichtam miwíwadáyíñ Dios juuts ich awíwadáyíñ. ⁸ Dios ijodon iga tsam pími mantoypa iñtumpiytam con jém wibic tóyooyi jém iniitwiip Jesucristo. ⁹ Anañwejpátpa Dios iga más iniitámiñ jém wibic tóyooyi iñanamanjom y iga michiñ jáyaj jém wítampic jixi. Jesic más inçutiñyíypa ti ixunpa Dios. ¹⁰ Jesic wiap inçupin jém wibic cosa. Jesic cuáyíñ iñanama, da j wiap miñimáy iga mitañcaíy hasta jém jama cuando miñgacpa jém Cristo. ¹¹ Mimichtam wattaami jáyaj wítampic cosa juuts tum wibic cosecha por medio de Jesucristo. Jesic ixtap iga agui wi jém tanjatuj Dios, tsam cujítap.

Jém Pablo icuyoxap Cristo yíp naxyucmi

¹² Siip mantiwítam, ansunpa iga iñjodónaiñ ti annascane yim y iga más jáyajap jém wibic añmañi cuando annasca jempic. ¹³ Itumpiy jém ityajwiip jém palacio, con los de más, ijodónayaj iga anañnúc jém Cristo inçuímayooyi. ¹⁴ Casi itumpiy jém tantíwítam, jém ityajwiip yim, da cñyajpa porque iyoxpátpa jém tánQmi. Icamamwatyaj ianama cuando iixyaj iga apajnetá. Jeeyucmi siip da cñyajpa iga inmatpa jém Dios inmañi.

¹⁵ Algunos inmatyajpa jém Cristo inçuímayooyi porque agui acujóyíypa, tsam ajóyixpa. Pero jém tunjac inmatyajpa jém Cristo inçuímayooyi porque iwianjam iga iwíwatpa. ¹⁶ Jém wibic pxiñtam inmatyajpa jém Cristo inçuímayooyi porque tsam tóyóypa. Ijodónayaj iga aít yim iga añcupujpa jém wibic añmañi jém añjagooyi iwiñjom. ¹⁷ Pero jém malopic añmáñiwiñ inmatyajpa jém Cristo inçuímayooyi porque ipictsontooba alguna cosa para je iyaac, da porque iwíwattooba. Iwatyajpa así iga más ayaachwattáñ iñanama siip aít preso. ¹⁸ Ich da anticutigiyi j inmatpa jém Cristo inçuímayooyi. Ich amaymay cuando

jém pixiñtam iñuumanjatpa. Amaymaytim siiga algunos injatpa no más iga ipictsonja algun ti para je.

Ich tsam amaymaytim ¹⁹ porque anjodon iga núcpa jama iga atopap porque michtam inijwejpáttampa Dios para ich y ayoxpátpatim jém Dios iAnama jém tachiiñewiip jém tánQmi Cristo. ²⁰ Ich anjwanjam y ananjócpa titam achiiba. Da atsaap ni uxaj. Ansunpa iga ich anjwíwatpa con ammijtay iga cujiptaiñ jém Cristo. Da anticutigiyi siiga atsiypa vivo o acaaneum. ²¹ Porque iganam aít, anjuyoxap Cristo. Siiga acaaba, tum coñwiyoooyi para ich. ²² Siiga danam acaane, anjatpa jém tánQmi iyoxacuy, pero siip da anjodon juppíc anjcupinpa. ²³ Tsam táñca iga anjcupinpa jup más wí. Tsam nictooba aít con Cristo porque más pími wí para ich. ²⁴ Pero para mimichtam más wí iga atsiypa vivo yíp naxyucmi. ²⁵ Anjwíjodon iga apoychiypa yíp naxyucmi con mimichtam. Manyoxpátpa iga más miwíatamiñ y más mi-maymáyatámpa porque injcupicneta. ²⁶ Cuando aítgacpa con mimichtam, jesc agui mimaymáyatámpa, tsam injcupiámpa tánQmi Cristo.

²⁷ Wadaytaami caso iga injwíwattámpa yíp naxyucmi juuts nimpá jém Cristo injuimayoooyi. Jesc siiga nicpa mánám o danam ancpa, ammatonja iga injwíwattámpa y da i wiap mictsac jém Dios inmati porque tumti iñanama y tumti inixi iniitta. Ammatonpatim iga miwagayoxatámpa con itumpiy impimi iga jém pixiñtam wiap icupicyaj jém wibic anmati. ²⁸ Odoy jici iga michiganjinpa jém iñenemigo. Cuando iixyajpa iga da micinpa, jesc tsam wiquejpa iga togoyajpa jeeyaj, ipictsonyajpa jém mijpic castigo. Pero mimichtam cuando injampa iga da micinpa, jesc injodon iga miciaacputtámpa Dios. ²⁹ Jém Cristo icuyucmi mimichtam da no más michiita jém derecho iga injcupicpa je, pero iga miyaachwattaptim. ³⁰ Siip injatámpa contra jeetim enemigo juuts ich jáy áñaji juuts inixiñe iga ich anjat. Injodontam iga ich seguido áñapa contra jém malopic jixi.

2

Jém Cristo ijíc iga tsíy juuts tum pixiñ da ti wiap

¹ Siiga Cristo micamamwadápa iñanama, siiga Cristo itóyooyi miyoxpátpa, siiga iniit Dios iAnama iñanamanjom, siiga wí iñanama y tsam mitóyóypa, ² jesc acapsaayi jém ammaymáyají. Naittaami tumti tóyooyi, tumti jixi y tumti iñanama. Ittaami de acuerdo. ³ Pero odoy najacujóyíyooyi, odoy nacujiptaji inyaac. Más wí iga da malo iñanama y iga más infoypa jém inñiwitam que minitoytap inyaac. ⁴ Odoy méstaami iga miniwíwadaytap inyaac. Pero méstaami jutsap injwíwadáyta jém inñiwitam.

⁵ Iniittamiñ jeetim jixi juuts jém tánQmi Jesucristo. ⁶ Jém tánQmi Cristo jextim ijixi y jextim ipimi juuts tanjatun Dios. Iwijodon iga da je nuumi iga tsíy juuts Dios. ⁷ Pero iyaac ichac itumpiy ipimi juuts Dios. Oy iti yíp naxyucmi juuts tum mozo. Jém imijtay juuts pixiñ. ⁸ Cuando oy yíp naxyucmi juuts tum pixiñ, ijíc iga tsíyíñ juuts tum pixiñ da ti wiap. Iyaac nachiita iga accaata porque asíam ixunpa iJatun. Accaata cunusyucmi juuts tum malopic pixiñ. ⁹ Jeeyucmi Dios iccám iga más mijpic anjagooyi. Ichi más wibic niyi de itumpiy, ¹⁰ iga jém Jesús inñiyimi itumpiy jém pixiñtam icosteenayyaj. Icosteenayyajpa itumpiy jém sinjucmic pixiñtam y jém

ityajw̄ip ȳip naxyucmi con itump̄iy jém ityajw̄ip nascuc̄im. ¹¹ Cada p̄ixiñ itots in̄madiñ iga jém Jesucristo je jém tán̄omi iga cuj̄iptāiñ jém tan̄jatun̄ Dios.

Jém Dios ip̄ixiñtam juuts t̄um w̄ibic jucti

¹² Mant̄iwitam, mantoytamp̄appic, tsam̄ anc̄upicta cuando jáy tawaḡit̄am, s̄ip más acupictaami iga āit juumi. J̄istaami jutsap̄ in̄c̄iputta. C̄iñtaami Dios. ¹³ Porque Dios iwatpa mimicht̄aman̄jom juuts je iw̄ian̄jam. Michiiba jém w̄ibic j̄ixi iga in̄watpa juuts je ixunpa, miyox̄p̄atpa iga w̄iāiñ in̄w̄iwatta.

¹⁴ Iganam in̄watt̄ampa juuts ixunpa Dios odoy āñataami con jém in̄t̄iwitam. Odoy nacuj̄iytam̄aji, ¹⁵ iga da j̄ w̄iap mipádáy in̄t̄añca. Jesic Dios mim̄nictam, da mif̄añcāy iganam mix̄iiba jém malopic p̄ixiñt̄aman̄jom, jém icupicneyajw̄ip jém migooyi. Tsam̄ michoct̄ampa ȳip naxyucmi juuts t̄um w̄ibic mātsa an̄tiwan̄yucmi iganam ¹⁶ ininict̄ampa jém Dios in̄m̄ati jém tachiip̄appic vida. J̄eeyucmi tsam̄ amaym̄ayap̄ jém jama cuando miñgacpa Cristo ȳip naxyucmi iga da manxajaan̄quejáy jém Dios in̄m̄ati ni da axajayox̄a. ¹⁷ Ich agui amaymay iga w̄iap manyox̄p̄at iga in̄cupict̄amiñ Cristo. Siiga accaatap̄ porque manan̄madáy jém Dios in̄m̄ati, da anȳacpa. Amaymay y ansunpa iga mimaym̄aȳat̄amiñt̄im porque s̄ip Dios miw̄ipictson̄pa juuts t̄um w̄ibic ofrenda porque in̄cupicne Cristo. ¹⁸ Maym̄ayataami mimichtam y wagamaym̄ayataam̄it̄im con aich.

Jém Timoteo y jém Epafrodito

¹⁹ Siiga jém tán̄omi Jesús iw̄ian̄jam, an̄jisa iga da jáyñe man̄cutsadáypa jém Timoteo. Jesic cuando miñgacpa ȳim, más amaym̄ayap̄ cuando an̄jodón̄a jutsane in̄ñti. ²⁰ Da anaj̄ ȳim ni t̄um p̄ixiñ j̄ex̄pictim ij̄ixi juuts aich, jém tsamp̄ic mij̄ispa iga w̄ipudiñ jém imvida. ²¹ Porque itump̄iy imétsyajpa jutsap̄ in̄iw̄iwadaȳaj̄ta iyaac. Da imétsyajpa jutsap̄ icuyox̄a jém Jesucristo. ²² Pero michtam in̄jodon̄tam iga w̄ibic p̄ixiñ jém Timoteo, tsam̄ ayox̄p̄at aich iga an̄ñmatta jém w̄ibic an̄m̄ati, an̄waganayox̄a juuts t̄um amman̄ic. ²³ An̄jisa iga man̄cutsadáypa jém Timoteo cuando an̄jodón̄a ti annascaaba. ²⁴ Ich an̄cupicpa iga tán̄omi ayox̄p̄atpa iga ich da jáyñe nicpa mánám anyaac.

²⁵ W̄i iga man̄cutsadáypa eȳbic jém tant̄iw̄i Epafrodito, jém mich̄pic an̄cutsadáy iga achi titam atogóyáy. An̄waganayox̄a, tsam̄ āñata contra jém malopic j̄ixi. ²⁶ Jém Epafrodito tsam̄ mij̄ispa. Tsam̄ miixtooba in̄t̄ump̄iytam. Tsam̄ anȳacne porque ij̄odon̄ iga immaton̄neta iga mimne. ²⁷ Numa, tsam̄ p̄imi mimne hasta caatooba. Pero Dios iyaachan̄jam. Da no más je, pero ayaachan̄jamt̄im aich iga odoy más p̄imi anȳaguiñ. ²⁸ J̄eeyucmi an̄cutsatpa j̄icscy jém Epafrodito iga mimaym̄aȳat̄amiñ cuando eȳbic in̄ñixpa. Jesic ich da p̄imi anȳacpa. ²⁹ Jesic w̄ipictson̄taami juuts in̄t̄iw̄i porque Cristotim im̄ichi. Maym̄ayataami, siempre toytaami j̄exp̄ic p̄ixiñ juuts in̄toypa jém tán̄omi. ³⁰ Por uxan̄ caaba jém Epafrodito porque icuyox̄a jém Cristo. Je da c̄iñpa, núc j̄ut̄ it jém peligro iga cupacpa iwat̄ jém yox̄acuy porque mich da w̄iā anyox̄p̄atpa in̄yaac.

3

Dios taw̄itsagáypa tant̄añca cuando tan̄cupicpa Cristo

¹ Siip mantiwitam, maymáyataami porque Cristo mimichitam. Para ich da je molestia iga eybic manañmadáypa jeetim jixi juuts manjáyayñe. Wí para mimichtam iga eybic immatonpa. ² Nawattamtaji cuenta de jém chimpa, jém malopic obrero, jém inmatpáppic jém migooyi. Inimiñpa jém anquímayooyi iga Dios ipixiñtam tienes que iwatpa jém marca de circuncisión jém imjtayyucmi. ³ Pero taichtam tanait jém numapic marca iga Dios tamichi. Tanait Dios iAnama tánanamanjom jeeyucmi wiap tanjis Dios. Tsam tamaymay iga Jesucristo tamichi. Taichtam tanjodon iga tanyaac da ti wiap tanwat iga tapictsoniñ Dios. ⁴ Siiga jém wiñicpic anquímayooyi wiap taciaput, jesic ich pecam aciputne, porque ich ampimimi seguido anwatpa juuts nimpa jém wiñicpic anquímayooyi. ⁵ Awadayta jém marca de circuncisión cuando ocho día anayñe. Ich Israelpic apixiñ de jém tribu de Benjamín. Ananmatpatim jém anmati hebreo juuts inmatpa jém anjatuñ. Ançuyucane jém wiñicpic anquímayooyi con jém fariseopic pixiñtam. ⁶ Ich tsam pimi antoypa idic jém wiñicpic anquímayooyi. Jeeyucmi tsam pimi ammalwadáy jém icupicneyajwiip Jesús. Anjispa iga da atañcaiy porque anwatne itumpiy cosa juuts nimpa jém wiñicpic anquímayooyi. ⁷ Pero itumpiy jexpic cosa, jém anjispáppic idic iga tsam wí, siip da ti cuwatcuy para ich porque ançupicneum Cristo. ⁸ Itumpiy cosa jém anaitwiip idic siip anjispa iga it wí siiga togoypa porque ánixpic jém tánQmi Jesucristo. Jém Cristo icuyucmi togoy itumpiy jém anaitwiip idic, siip itumpiy jexpic cosa ánixpa juuts puchi porque más wí iga ampictsonj Cristo, ⁹ atsiypa juuts jém Cristo imichi. Dios da apictsonpa iga wibic apixiñ o porque aguñanwatne juuts nimpa jém Moisés inquímayooyi, pero apictsonpa iga ançupicne Cristo. Dios apictsonj iga wibic apixiñ porque Dios awiwadáy por medio de jém fe. ¹⁰ Ich ansunpa iga más y más ánixpiguñ Cristo y más anaidiñ jém Dios ipimi jém icpisnewiip Cristo. Anyaachiyca cuando ayaachwattap jém Cristo icuyucmi. Hasta núcpa iga anaitpa jexpic jixi ánanamanjom juuts iniit jém tánQmi Cristo cuando ijicpa iga accaata. ¹¹ Ananjócpa iga acpistap de jut it jém caaneyajwiip.

Wí iga tanwatpa juuts ixunpa Dios con itumpiy tampimi

¹² Da mannímáypa iga anactsiyum itumpiy. Datim wiap anwat itumpiy cosa juuts ixunpa Dios, pero seguido antúñiyca hasta anactsiyca itumpiy juuts ixunpa Dios. Jeeyucmi amichaneum jém tánQmi Jesucristo. ¹³ Mantiwitam, ich da mannímáypa iga anactsiyneum itumpiy. Siip no más tum cosa anwatpa. Anjamnotpa jém wiñicpic cosa, tsiyca antuuñañcñim, pero con itumpiy ampimi anwatpa jém cosa jém miñpáppic. ¹⁴ Juuts tum apuesto, poyimi anicpa iga ançoñwiyiñ jém premio, jém tanwejayñewiip Dios sinyucmi iga tachiiba porque Cristo Jesús tamichi.

¹⁵ Tantumpiy, jém tanwicupicnewiip, wí iga tanjistampa jempic. Pero siiga algunos de mimichtam tungac cosa injispa, jesic Dios micjodónaptim. ¹⁶ Wí iga cada tumtum seguido tanwattamiñ de acuerdo con jém jixi jém tampictsonnewiip.

¹⁷ Mantiwitam, acuixtaami juuts ich anwatpa. Ámtaami i iwíwatpa juuts ich manañquejayñe. ¹⁸ Mannímayneum watciy, siip eybictim mannímáypa hasta awejpa, iga tsam jáyan pixiñtam ijóyixpa jém anquímayooyi iga accaata Cristo cunusyucmi. ¹⁹ Núcpa jama iga ipictsonyajpa jém castigo jém

dapic cuyajpa. Ipuu jém idios. Tsam nacujjıptap iyaac iga iwatpa jém malopic cosa jém aguipic tatsaap. Tsam ijıspa yıp naxyucmıpic jıxi. ²⁰ Pero taichtam sınyucmıpic tapıxiñtam. Sıp tananjócta iga miñpa sınyucmi jém taciacputpáppic, jém tánŃmi Jesucristo. ²¹ Tacucagáyaypa jém tammıjtay jém sııppic tanait jém dapic wıap. Tachiiba tum jomıpic mıjtay juuts jém Cristo imıjtay tsampic wıap. Tawadáypa así con ipımi jém wıapaap injac itumpıy cosa.

4

Tamayáyatámiñ porque Cristo tánŃmi

¹ Jeeyucmi mantıwıtam, mantoytampáppic, tsam mánixtooba. Tsam amaymay con mimichtam. Mıjextam juuts tum wıbic coñwıyooyi. Quejpa iga da axajayoxa mimichtamanjom. Mantoytampáppic, odoy tsaci jém tánŃmi inqumıyooyi.

² Sııp anıunucıáypa jém yomtam jém Evodia y jém Síntique iga odom más añayajiñ, iga inııtyajiñ tumti jıxi porque icupıcyajpa tánŃmi.

³ Mañcunucıápatım mimich, jém wıbic mañcompañero. Mañwágaypa iga inıyoxpádiñ yıp yomtam. Icuistic anıwaganayoxa cuando ananmat jém wıbic anımati. Anıwaganayoxatım jém Clemente y jém tunıac tantıwıtam jém jaycámayñetawııp inııyi jém librojom iga ipıctsonıpa jém vida dapic cuyajpa.

⁴ Maymáaytaami itumpıy tiempo porque Cristo mimıchi. Eybic mannımáypa iga maymáaytaami. ⁵ Siempre wıwatı iga mııxyajiñ itumpıy pıxiñtam iga da mimalo. Jıstaami iga da jáyñe miñpa jém tánŃmi.

⁶ Odoy jısi ti inıñascaaba. Anıwejpaati Dios, wágaayi titam inıxunpa. Siempre cuando inıwatpa oración chiıtaami gracia Dios. ⁷ Dios michi jém wıbic jıxi inıanamanjom iga odoy ti inıcınıñ. Da jı wıap icutııyıp yıp jıxi jutsap tayoxpát Dios. Yıp wıbic jıxi mıwadáypa cuenta inıanama y inıjıxi por medio de Jesucristo.

Jıstaami jém wıbic cosa

⁸ Jesic, mantıwıtam, siempre jıstaami jém numapic cosa. Jıstaami jém wıbic jıxi, jém dapic malo, jém wıtampic cosa, jém iwıanıamyajpáppic jém wıbic pıxiñtam, jém cosa aguipic wı tánix y itumpıy jém iwııxyajpáppic jém pıxiñtam. Jıstaami itumpıy jém wıbic cosa jém icujıppáppic Dios.

⁹ Wattaami juuts mananquejayñe juuts nımpa jém anıqumıyooyi jém impıctsonınewııp. Wattaami juuts immatoñe y juuts inıix iga ich anıwatpa. Sııp mıwaganait tanıatunı Dios iga odoy micınıñ.

Jém ofrenda jém chiıñetawııp jém Pablo

¹⁰ Agui amaymay jém tánŃmi inııyımı porque mimichtam eybic anıjıstámpa. Agui anıwıwadaytooba idic, pero da impát jutsap anıwıwaday. ¹¹ Da mananmadáypa iga atogóyay algun ti. Porque ich anınyujne iga ayaachap. Ich amaymay con titam anait. ¹² Anınyujne iga ayaachap y anınyujne iga anait jáyan. Anıcuyucane iga awııtpa o da ti anaitpa. Anınyujne iga cuspa awıııqui o iga tsam ayuap. Anınyujne iga da ti atogóyay o da ti anait. ¹³ Ich wıap anıwat itumpıy cosa porque jém Cristo achi ipımi. ¹⁴ Pero mimichtam tsam inıwıwatta porque tsam anyoxpát cuando ayaachwatta.

¹⁵ Mimichtam, miitw̄ip Filipos, iñjodon̄tam iga cuando moj anar̄mat jém wibic ar̄mat̄i, cuando aput jém naxyucmi de Macedonia, jém Dios ipixiñtam jém tun̄gac attebet da ayoxpát solamente mimichtam. ¹⁶ Cuando todavía da juumi anicne, cuando aít jém attebet Tesalónica, mimichtam watciy ar̄cutsadayta jém ofrenda iga anyoxpát̄pa. ¹⁷ Da ammétspa jém xaja, pero ansunpa iga iñw̄iwadiñ iga Dios miccáyáypa s̄nyucmi jém iñriqueza. ¹⁸ Ich ampictson̄ne itump̄iy cosa titam atogóyáy. S̄ip anait jáyan hasta cutsíyñe. Agui ayoxpát jém xaja jém ar̄cutsadayñewiip con jém tant̄iw̄i Epafrodito. Jém xaja jex juuts tum ofrenda aguipic c̄npa Dios iwiñjom juuts tum sacrificio, jém tsampic iw̄ianjam Dios. ¹⁹ Jém tan̄jatun̄ Dios michiiba itump̄iy cosa titam mitogóyáy porque je iniit jém s̄nyucm̄ipic riqueza. Michiiba porque Jesucristo mim̄ichitam. ²⁰ W̄i iga tan̄cujiptamiñ jém tan̄jatun̄ Dios para siempre. Amén.

An̄químyajtap jém amigoyaj

²¹ Diosch̄i itump̄iy jém icupicneyajw̄ip Jesucristo. Jém tant̄iw̄itam, jém ar̄waganaitw̄ip ȳim, micutsadáypa w̄atidios. ²² Itump̄iy jém Dios ipixiñtam jém ityajw̄ip ȳip attebet micutsadáypa w̄atidios. Micutsadáypatim w̄atidios jém icupicneyajw̄ip Cristo jém ityajw̄ip jém Romapic an̄jagooyi iticciim.

²³ Jém tán̄omi Jesucristo miw̄iwadáyiñ iñtump̄iytam. Jemum cuyaj.

Jém carta jém ijáyayñewiip Pablo jém ityajwiip jém attebet Colosas

Jém Pablo ijáyaypa jém Dios ipixiñtam Colosas

¹ Ich aPablo. Jém tánQmi Jesucristo accám juuts tum apóstol iga aŋcuyoxap jém Cristo porque asíam iwianjam Dios. Awagaita yim con jém tantíwi jém Timoteo. ² Siip manjáyaypa mantíwítam, miifanwiip jém attebet Colosas jém Dios mimichítam, jém inçupicnetaŋwiip jém Cristo. Siip tanJatuŋ Dios y tánQmi Jesucristo miwíwadáyíñ mimichtam y michiítamiñ jém wibic paz iga odoy iniidiñ jém cobacpiji iñanamanjom.

Jém Pablo iwatpa oración para jém icupicneyajwiip Cristo

³ Cuando anañwejpáttampa Dios, jém tánQmi Jesucristo iJatuŋ, siempre anchiiba gracia Dios para mimichtam. ⁴ Porque anjodónata iga tsam inwícupicpa jém tánQmi Jesucristo y tsam iñtoytámpa jém tantíwítam jém ipixiñtam. ⁵ Anchiibatim gracia Dios iga tsam ininjóctámpa iga michiiba Dios jém wítampic cosa jém miccáyayñewiip siŋyucmi. Mimichtam moj ininjócta cuando immatonŋta jém numapic anquímayooyi iga taciaputtámpa Dios. ⁶ Yíptim mismo anquímayooyi núcne mimichtámanjom, tsam mijap, tsam tiamap icuwiŋti yíp mundo. Jesatim juuts iññascata mimichtam cuando moj immatonŋta iga Dios tayaachanjampa y iñjodónata iga jém Dios itóyooyi je jém numapic. ⁷ Juuts minquejayta jém Epafras jém anwaganayoxapaap aichtam, jém tsampic tantoypa. Je iwícuycaxap tánQmi Cristo juuts tum wibic pastor mimichtámanjom. ⁸ Cuando núc yim jém Epafras acjodónata iga Dios iAnama michi jém wibic jixi iga tsam mitóyoytámpa.

⁹ Jeeyucmi aichtam dende jém jama cuando ammatonŋta iga inçupicta jém Cristo, seguido anañwejpáttampa Dios iga minquejaytámiñ titam ixunpa Dios iga wiñiñ inwatta. Anwágáypatim Dios iga michiítamiñ itumpiy jém wibic jixi, jém iníitwiip Dios iAnama, iga inçutiŋiyítamiñ. ¹⁰ Anwágáypatim Dios para mimichtam iga seguido inwattámiñ jém wítampic cosa yíp naxyucmi juuts iwianjam jém tánQmi iga siempre inwíwattámiñ juuts miwítimap iga jáyanap jém tanJatuŋ Dios ijixi. ¹¹ Anwágáypatim Dios iga michiiba jém tsam wibic pimi jém iníitwiip Dios iga wiñiñ inwatta itumpiy cosa juuts je ixunpa, iga iníitpa jém pimi iga wiñiñ iñyaachiyta cuando miyaachwattamtap, jesc mimaymáyatámpa. ¹² Siempre tanchiítámpa gracia jém tanJatuŋ Dios porque tachi jém derecho iga wiñiñ tampictson itumpiy jém wítampic cosa juuts ipictsonyajpa itumpiy jém Dios ipixiñtam jém iníitwiip jém wibic juctianŋtsoca. ¹³ Dios tatop jém piichcäm jut injacpa jém Wocciwiñ. Tananic jut injacpa jém Dios iManic jém tsampic itoypa. ¹⁴ Itegáy iñiipiñ iga taciaputtámiñ, iga tawadaytámiñ perdón itumpiy jém tantánca.

Jém Cristo je jém más mijpic anjagooyi que itumpiy

¹⁵ Jém Cristo je jém Dios icuwiñ, jém dapic wiap tánix. Je jém wiñtipic, ittim idic cuando danam iwatne Dios jém siŋ ni jém nas. ¹⁶ Jém tánQmi Cristo iwaganayoxa jém tanJatuŋ Dios iga iwatyaj itumpiy cosa jém itwiip siŋyucmi

y jém itw̄ip yíp naxyucmi. Iwatyaj itumpiy cosa jém tánixpáppic y jém dapic wiap tánix. Ichac itumpiy jém anjagooyiyaj jém ityajw̄ip sinyucmi y jém ityajw̄ip naxyucmi jém dapic tánixpa. Itumpiy jém Cristo iw̄ati, watneyajta iga icuyoxayajpa jém Cristo. ¹⁷ Ittim idic jém Cristo cuando da ti idiyiy. Siip imatspacne itumpiy cosa con ipimi iga odoy cuyajiñ. ¹⁸ Jém Cristo je jém cobacpic de jém iglesia, je jém imijtay. Je jém wiñtipic. Wiñti acpista jém Cristo iga tsiy juuts jém más mijpic anjagooyi. Wiap injac itumpiy cosa. ¹⁹ Iw̄ianjam jém tanjatun Dios iga iwaganait jém tánomi Jesucristo con itumpiy jém Dios ipimi. ²⁰ Por medio de Jesucristo Dios iw̄iwadáy itumpiy jém ityajw̄ip yíp naxyucmi y jém ityajw̄ip sinyucmi iga iniityajiñ tumti ijxi con Dios. Jempigam iwat cuando jém Dios iManic itegáy iñipiñ cunusyucmi.

²¹ Mimichtam, wiñti da idic miixpicpa Dios. Michiyne idic juuts tum enemigo de Dios porque tsam malo idic iñjxi, tsam jáyan malopic cosa injwatne idic. Pero siip Dios miyoxpátne iga tumtitam iñjxi con Dios. ²² Accaata jém Cristo yíp naxyucmi iga tawitsagáy tantanca iga wiñtananic jém Dios iw̄iñjom. Tacupiñne iga tamichap Dios, cuáyñeum tánanama, dam tatáncaiy. ²³ Numa, wiap iññuc jém Dios iw̄iñjom siiga seguido injcupicpa jém Cristo juuts tsam miwícámne, da michigóypa. Miñucpa siiga da iñchacpa iga ininjóctampa titam michiiba jém Cristo juuts nimpa jém wibic anquímayooyi, jém immatonnewiip iga Dios taciaputtampa. Siip anmattap yíp wibic anquímayooyi icuwiti yíp naxyucmi. Ich aPablo ananmatpatim yíp anquímayooyi, ancuyoxap Dios.

Chiita jém Pablo jém cargo iga iyoxpátpa jém Dios ipixiñtam

²⁴ Siip ich amaymay porque ayaachwattā mimichtam injcuyucmi. Jempigam cupacpa jém tánomi Cristo iyaachaji ich ammitayyucmi, jém dapic capsne idic cuando tsam yaachwattā jém Cristo para jém iglesia, je jém imijtay. ²⁵ Dios accám juuts tum yoxacwiñ iga ancuyoxap jém ipixiñtam, jém iglesia. Achi jém cargo iga mananmadaytamiñ iñtumpiytam jém Dios injmati iga capxiñ injcutiyyi. ²⁶ Jém jxi anécne dende wiñgam, pero siip acjodónajaytawum jém imichipic, jém icupicneyajw̄ip jém Cristo. ²⁷ Dios iw̄ianjam iga icjodónajñ jém imichipic iga jém tungac pixiñtam, jém dapic je de Israel, ipictsonyajpatim jém wibic riqueza juuts nimpa jém anmati jém anécnewiip idic. Nimpa iga jém Cristo miñpa iti tánanamanjom, jeeyucmi tanañjótampa jém tiempo cuando tánixtampa jém sinyucmicpic Dios ipimi.

²⁸ Aichtam ananmadáypa jém pixiñtam jém Cristo injquímayooyi. Jutquej anicpa, anchiiba jxi jém pixiñtam iga ichaguiñ jém migooyi. Ananquejáypa parejo jém wibic anmati iga jém pixiñtam iw̄icutiyyiyajiñ iga wiap iwatyaj itumpiy jém witampic cosa juuts ixunpa jém Cristo. ²⁹ Jeeyucmi pimi ayoxap. Anwatpa con itumpiy jém pimi jém achiñewiip jém Cristo.

2

¹ Ansunpa iga iñjodónatamiñ iga tsam pimi tánca anwatpa jém yoxacuy para mimichtam y para jém ityajw̄ip jém atebet Laodicea y para itumpiy jém tantiwitam jém dapic aixpicneyaj. ² Anwatpa jempic iga jeeyaj icpocsáyiñ ianamayaj y iga tumti jxi iniityajiñ iga natoyyajtāñ. Ansunpatim iga más y más icutiyyiñ jém riqueza iga iw̄ijodónajñ ti ixunpa Dios. Ansunpatim

iga inuntawixpicayajiñ jém Cristo jém Diospic inécne idic. ³ Jém tánQmi Cristo iniit itumpiy jém wibic jixi inécne, danam tanquejayñe. Je wíap tayoxpát iga tancutiíyíyíñ jém wibic jixi, jém añécnewiip idic. ⁴ Mannímáypa así iga odoy i micseedáyíñ injixi con jém migooyi. ⁵ Aunque da manwaganait mimichtam, tsam manjspa ananamanjom juuts manwaganaita. Agui amaymay cuando anjodóña iga seguido inwíwatpa y da inçacpa iga inçupictámpa jém tánQmi Jesucristo.

⁶ Como impictsonne jém Jesucristo juuts jém inQmi, jesic wíwattaami porque jém Cristo mimichitam. ⁷ Juuts tum cuy miwifichicmatsne, juuts tum tic miwíwatne, mipimane jém Cristoyucmi. Da inçacpa iga inçupicpa juuts minquejayñeta. Siempre chiitaami gracia Dios.

Jáyañ wibic cosa tawadáy jém tánQmi Cristo

⁸ Nawattamtaji cuenta iga odoy i mictsaguiñ jém Dios inmañi con jém migooyi, jém dapic tayoxpátpa, jém pixiñtam ijixquiimi, jém costumbre jém iwatneyajwíip jém pixiñtam dende wiñgam. Itumpiy jexpic jixi tsucum yíp naxyucmi, da jex juuts jém tachiñewiip jém Cristo.

⁹ Jém Cristo iniit itumpiy jém Dios ipimi y jém ijixi imijtayyucmi. ¹⁰ Mimichtam micapsne con Cristo. Je jém cobacpic anjagooyi. Injacpa itumpiy jém anjagooyi, iniit itumpiy jém ipimi y jém autoridad. ¹¹ Jém Cristo miwadáytim como tum marca de circuncisión. Yíp marca da jex juuts jém marca jém watnetawíip ciimi. Cristo miwadáy tum marca cuando miccáyay itumpiy jém inñáñca. ¹² Cuando micchíñta mimichtam, miwagacumta con Cristo. Cuando acpista jém Cristo, miwaganapista porque inçupicta iga Dios wíap icpis jém caaneyajwíip. ¹³ Mimichtam caane idic jém inñanama porque tsam mitañcaiyta. Da iniitta jém marca de circuncisión immijtayyucmi. Pero Dios miwagachiita jém vida con Cristo. Miwadáy perdón itumpiy jém inñáñca. ¹⁴ Dios iccuyaj jém wiñcpcic anquímayooyi jém tsampic tapimíyapa idic. Iccáypa de taichtam jém anquímayooyi, icunún jém cunusyucmi. ¹⁵ Dios imiswadáy ipimi itumpiy jém malopic anjagooyi jém tsampic iniit ipimi, jém dapic tánixpa. Cristo ichaawat, icwiñquej, icoñwíy jém cunusyucmi.

Wi iga tançusúniytámiñ jém wítampic cosa jém ityajwíip sinyucmi

¹⁶ Odoy waday caso siiga i miñmáypa iga mitañcaiy porque da inwatpa jém inwícuy juuts nimpa jém Israelpic costumbre y siiga da inxutstámpa jém sinjay y jém jecuy jama juuts iwatyajpa jém Israelpic pixiñtam. ¹⁷ Itumpiy yípyaj costumbre jex juuts tum cumuñci, tanquejáypa ti miñpa, pero jém miltay je jém Cristo, da je cumuñci. ¹⁸ Odoy jicci iga i mimigóyáypa y mictogóyáypa jém inçoñwiyooyi jém michiitapáppic sinyucmi. Yíp malopic maestroyaj ijsyajpa jém sinyucmicpic pixiñtam juuts Dios. Tsíyyaj juuts tum pixiñ yaachapáppic porque asíam ijspa iga iwíanjam Dios. Nimyajpa iga iixyaj jém poñ. Tigiyúcumpa con jém cosa jém dapic icutiíyíyapa. Tsam pimi nacujíptap iyaac porque tsam iniit jém jixi yíp naxyucmicpic. ¹⁹ Jeeyaj da antuumaneyaj con jém cobacpic, jém Cristo. Jém cobac icmijap jém miltay, icwícpa. Mijap ipac y imayi jém Diospic ichiiba.

²⁰ Dam minjacpa jém malopic pimi yíp naxyucmi. Jesic tiiga inwattámpa jempic juuts jém ityajwíip yíp naxyucmi. Siiga inñicpa iga minjacpa

jém anquímayooyi, ¿jesic tiiga miwaganacaata jém Cristo? ²¹ Nimpa jém anquímayooyi: “Odoý tsici jembít, odoý cuuti, odoý matspici inçijjom.” ²² Itumpiy yípyaj anquímayooyi nada más jém pixiñtam iixquiimi. Inmatpa de jém wíccuy jém cuyajpáppic. ²³ Numa parece que asiam más tajixíy y más pími wiap tanjis Dios. Jém pixiñtam ijsaypa iga wi iga tayaachap. Nayaachwattap iyaac porque asiam ijsa iga ichacpa iga imalwatpa. Pero migóypa porque jexpic cosa da tactsacpa iga tançusúníypa jém malopic cosa.

3

¹ Jesic siiga numa mipisneum con Cristo, métstaami jém wítampic cosa jém itwíip sinyucmi jut çoñ jém tánQmi Cristo jém tanjatun Dios inwími. ² Jistaami jém wítampic cosa jém itwíip sinyucmi. Odoý jistaami jém cosa jém ityajwíip yíp naxyucmi. ³ Porque miwaganaca Cristo y siip nécne jém invida con Cristo jut if Dios. ⁴ Cristo mismo jém tamvida. Cuando miñgacpa yíp naxyucmi, jesic tawaganamiñpa con ipími.

Jém pecapic vida y jém jomipic

⁵ Nunta tsaci iga immalwatpa, jesic tsíypa juuts caane jém malopic jixi, jém iniitwíip iñanamanjom. Mimichtam, odoý pejooyi. Odoý wati jém cosa dapic wí. Odoý cusúniyi jém malopic cosa. Odoý wati juuts nimpa jém jixi dapic wí. Odoý cusúniyi tungac imíchi, porque siiga inwatpa así, jexfim juuts iga iñjsa jém watnas. ⁶ Itumpiy jém pixiñtam, jém iwatneyajwíip jexpic tájca, Dios ichiiba tsam mijpic castigo. ⁷ Mimichtam, pecam inwattámpatim idic jexpic tájca. ⁸ Pero siip tsaci itumpiy jém malopic cosa. Odoý najti jém jooya iñanamanjom. Odoý jóyixoooyi. Odoý malwati. Odoý cujíooyi. Odoý malními. Odoý malañmati. ⁹ Odoý namigóyaytamtaji porque iñchacne jém wiñcipic jixi y jém malopic cosa jém inwatpáppic idic mimichtam. ¹⁰ Impictsonja jém jomipic jixi juuts tum jomipic mipixiñ, jém cucacpaap iñic hasta núcpa juuts Dios icuwiñ jém iwatwíip. ¹¹ Siiga tacjoomasetneta, jesic da tanjsa siiga griegopic pixiñ jém tantíwi o siiga Israelpic pixiñ. Da tanjsa siiga tum pixiñ iwatne jém marca de circuncisión o da iwatne. Da tanjsa siiga dapic taich pixiñ. Da tanjsa siiga tum juumipic pixiñ. Da tanjsa siiga tum esclavo o dapic je esclavo. Porque jém Cristo tamíchata tantumpiytam.

¹² Dios tsam mitoytámpa mimichtam y micupineta iga michíytámiñ juuts Dios mimíchitam. Jeeyucmi manmíáypa, accaami jém wibic jixi juuts ixunpa Dios. Yaachanjami jém yaachayajpáppic. Yoxpaati i quej. Odoý nacujptaji iñyaac. Wínanigaayi i quej, jesic quejpa iga da mimalo. Siiga mimalwadaytap, jesic yaachíyi, odoý cianseedaayi. ¹³ Mimichtam nawínanigaytamtaji con jém iñíwítam. Nawadaytamtaji perdón con jém iñíwítam siiga minimalwadaytamtap juuts jém tánQmi miwadáy perdón jém iñtájca. ¹⁴ Mimichtam, natoytamtaji, jesic quejpa iga tumti jixi iniitta. Jesic capsum inwat juuts ixunpa Dios. ¹⁵ Jém wibic paz, jém michiñewíip Cristo, minjacpa iñanamanjom iga inwínanigáyiñ jém tantíwítam. Jeeyucmi miñwejáy iga michíytámiñ juuts tumti mijtay. Odoý tsaci iga iñchiiba gracia Dios.

¹⁶ Jém Cristo inmati idiñ jáyan iñanamanjom. Nanquejaytamtaji entre mimichtam itumpiy jém wibic jixi. Nanquímtamtaji. Siiga i imalwatpa,

anjijyaci. Wantaami jém salmos, jém himnos y jém wañi espíritu. Mi-wantámpa porque iñchiifamtooba gracia jém tanjatun Dios. ¹⁷ Titam injwattámpa y titam ininjwattámpa, siempre wattaami itumpiy cosa jém tánQmi Jesús iñiyimi. Siempre chiitaami gracia jém tanjatun Dios por medio de Jesucristo.

Tanjwíwadáypa itumpiy jém icupicneyajwíp Cristo

¹⁸ Miyomtam, mijaayiwíwíp, cupici jém injwídaya porque jempigam iwianjam jém tánQmi. ¹⁹ Mipixiñtam, miyoomiywíwíp, toyi jém iñyomo, odo yaachwati juuts tum malopic pxiñ. ²⁰ Michixtam, siempre cupictaami titam miñimaytámpa jém iñjatun y jém iñapa porque jempigam iwianjam jém tánQmi. ²¹ Mijatunpic, odo tscjooyi jém immanic porque siiga agui pími impimíypa, jesic jóypa jém immanic hasta da yoxatooba. ²² Mimichtam, jém miesclavotam, wí iga injwattámiñ itumpiy cosa juuts miñimáypa jém iñomi yíp naxyucmi. Da wí siiga no más injwattámpa iñyoxacuy cuando miixpa jém iñomi iga miwixiñ. Wattaami con itumpiy iñanama porque inçinpa jém tánQmi Dios. ²³ Cuando injwattámpa algun yoxacuy, wattaami con itumpiy iñanama jesaptim juuts inçuyoxap jém tánQmi Cristo y da je pxiñ inçuyoxap. ²⁴ Michtam iñjodonjam iga jém tánQmi tachiitámpa jém herencia, jém tampictsonpápic juuts tum xaja, porque michtam inçuyoxatámpa jém tánQmi Cristo. ²⁵ Pero jém imalwatwíp ipictsonpa jém castigo iga agui imalwatne. Jém tanjatun Dios iwicipiñpa parejo itumpiy jém pxiñtam.

4

¹ Mimichtam jém miomipic siempre wíwadaayi jém iñesclavo juuts tum wibic mipixiñ. Jistaami iga mich iniiftim tum jém iñomi sinyucmi.

² Seguío anjwejpátaami Dios con itumpiy iñjixi, da mimonpa, siempre chiitaami gracia Dios. ³ Anjwejpátaamifim Dios para aichtam iga añáyayíñ tum puerta iga anajmatpa jém anmati, iga anajmadáypatim jém pxiñtam jém Cristo inçuímayooyi jém añéncnewíp idic. Yíptim anmati anajnúc iga sip ait preso. ⁴ Wágaayi Dios iga wíñiñ anajquejáy parejo jém pxiñtam juuts ich wíap anajmat.

⁵ Wínanigaayi con jém wibic jixi jém dapic icupicneyaj Jesucristo iga miwixyajiñ, wíwati iganam miwíap. ⁶ Siempre wínanjmatmatnei jém pxiñtam con jém wítampic anmati juuts jém cana wí paac. Jesic wíap inçutson jém micwácpápic.

Wátidios cutsadáyta jém pxiñtam

⁷ Jém tantíwi Tíquico, jém tsampic tantoypa, miñmadáypa titam annasca yim. Jém Tíquico tsam pími ayoxpát. Anjwagacuyoxata yim jém tánQmi Jesucristo. ⁸ Jeeyucmi mancutsadáy jém Tíquico iga micjodonñiñ titam annasca yim y iga micamawadaytámiñ iñanama. ⁹ Iwagananicpatim jém Onésimo, tum tantíwi jém tantoypápic. Tsam ayoxpátim jém pxiñ. Mimichtampic pxiñ jém Onésimo. Jeeyaj miñmadayyappa titam iñasca jém Dios ipixiñtam yim.

¹⁰ Jém ancompañero Aristarco, jém tsíyñewíp preso con aich, tsam wátidios micutsadáypa. Midioschitámpatim jém Marcos jém Bernabé iprimo. Michtam impictsonne jém wiñípic anmati acerca de je, pero jesic siiga nicpa mijóyáy, wípicsonji. ¹¹ Wátidios micutsadáypatim jém Jesús, iñiyítim Justo.

Yíp tucuten Israelpic pixiñtam, agui amaymaywatyaj jeeyaj. Da i tungac jém Israelpic pixiñ awagayoxatámpa iga ananmattámpa jém anmáti iga Dios injacpa yíp naxyucmi. ¹² Wátidios micutsadaytámpatim jém Epafras. Mimichtampic pixiñ. Tsam icuyoxap tánomi Cristo. Siempre tsam inwejpátpa Dios para mimichtam, iwágáypa iga miyoxpátámiñ iga odoy iñchactámiñ jém Dios inmáti y iga capxiñ inwatta itumpiy cosa juuts ixunpa Dios. ¹³ Ich atsíy juuts tum testigo iga jém Epafras tsam mijispa mimichtam y jém tantiwítam jém ityajwíp jém atebet Laodicea y Hierápolis. ¹⁴ Wátidios micutsadáypa jém tantíwi Demas y jém Lucas, jém tsóyíyoypáppic, jém tsampic tantoypa.

¹⁵ Dioschíi jém tantiwítam jém ityajwíp jém atebet Laodicea. Dioschítim jém tantíwi Ninfa y itumpiy jém icupicneyajwíp Jesús, jém antuumayajpáppic iticciim. ¹⁶ Jesic cuando yajum immay yíp carta mimichtam, cutsadaayi jém tantiwítam jém icupicneyajwíp Jesús jém atebet Laodicea. Maytaamítim jém tungac carta jém miñwíp Laodicea. ¹⁷ Nímaayi jém tantíwi Arquipo iga iccupaguiñ jém iyoxacuy, jém ichiñewíp tánomi iñiyimi.

¹⁸ Síp ich mismo manjáyáypa anciimi iga mananquímpa. Ich aPablo mancutsadáypa wátidios. Jistaami iga ich aít preso. Dios miwíwadaytámiñ mimichtam. Jemum cuyaj.

Jém wiñtipic carta jém ijáyayñewiip Pablo jém ityajwiip jém attebet Tesalónica

Jém Pablo con icompañeroyaj ijáyáy jém Dios ipixiñtam

¹ Ich aPablo. Aitta yim con wisten jém tantiwitam jém Silvano y Timoteo. Siip manjayaytampa mimichtam jém miittanwiip jém attebet Tesalónica jém incupicnetanwiip Jesucristo. Mimichtam jém tanjatun Dios mimichitam y jém tánQmi Jesucristo mimichitim. Siip Dios miyoxpátamiñ iga wiap inwatta juuts ixunda Dios, iga odooy iniidiñ jém cobacpiji.

Jém Tesalónicapic pixiñtam tsíyyaj juuts ejemplo iga iwicupicyajpa jém Dios inmati

² Siempre anchiiba gracia Dios para mimichtam cuando anarwejpatámpa Dios. ³ Seguido manjstámpa jém tanjatun Dios iwiñjom. Incuyoxatámpa Dios porque inwicupicneta. Inwíwattámpa porque inñoytámpa jém tánQmi. Inyaachiytámpa cuando mimalwadaytap porque ininjóctámpa iga miñgacpa jém tánQmi Jesucristo. ⁴ Mantiwitam, mitoytampáppic Dios, anjodonjam iga micupineta Dios iga michiytamiñ juuts jém imanictam. ⁵ Oy manajmadayta jém wibic anmati, pero da je solamente con ich anajmati. Oy manajmadayta jém wibic anmati con Dios ipimi y con Dios iAnama. Annuntawijodonj iga da je miñooyi. Mimichtam injodonjam jutsap manwaganaiñta cuando oy manyoxpát.

⁶ Mimichtam mojpa inwatta juuts aichtam, inwattámpatim juuts iwatpa jém tánQmi Jesús. Aunque tsam pimi miyaachwattamta, inwipictsoneta jém anmati con jém wibic maymáayaji jém michiñewiip Dios iAnama. ⁷ Hasta que mimichtam michiytámpa juuts ejemplo para itumpiy jém icupicneyajwiip Jesús jém naxyucmi de Macedonia y Acaya. ⁸ De mimichtamanjom nic juumi jém tánQmi inmati. Da no más jém naxyucmi de Macedonia y de Acaya, pero wanpa jutquej iga mimichtam inwicupicneta Dios. Hasta aichtam dam tí más wiap annimayta jém pixiñtam porque iwicutiyyiyaj. ⁹ Porque jeeyaj mismo wiap inmatyaj jutsap mu ampictsonja mimichtam cuando oy manjóyáy. Inmatyajpa jutsa mu inñchacta iga inñjstámpa jém watnas iga incuyoxatámpa jém numapic Dios, jém dapic caane. ¹⁰ Inmatyajtim iga ininjóctámpa iga miñgacpa jém Dios iManic jém nicnewiip sinyucmi, jém acpisnetawwip de jut it jém caaneyajwiip. Yiptim Jesús taciaputtámpa de jém miñpic castigo jém miñpáppic.

2

Jém yoxacuy jém iwatwüip Pablo jém attebet Tesalónica

¹ Mantiwitam, mimichtam inwijodonj iga cuando oy manjóyáy, da axa-jaoy. ² Injodonjim iga tsam pimi ayaachwattamta jém attebet inñyi Filipos. Jemum tsam pimi amalnimaytamta antes que anuc jut miitta. Y ocmi mich inñtúmmitam jém Tesalónicapic pixiñtam amalwadayyajtim, pero Dios acamamwadayta ananama iga manajmadáyiniñ jém wibic anmati.

³ Da oy manañmadáy jém migooyi. Da aoy iga mammalwadaytámpa o iga mammigóyaytámpa. ⁴ Pero siempre manañmadaytámpa juuts ixunpa Dios. Porque Dios acupineta aichfam y achiita jém wibic añmati iga anañmadayyajiñ jém pixiñtam jutinqej. Pero da añwattámpa juuts ixunpajpa jém pixiñtam. Añwattámpa juuts ixunpa Dios porque Dios icipinpa ti tanait tánanamanjom. ⁵ Cuando mu ánoy jut miitta, da mançujípta iga mammigóyaytámpa. Datim oy manañmadáy jém añmati iga mançusúníyáypa jém iñtumiñ. Tanjatun Dios ijodon iga da oy mammalwadáy. ⁶ Da ammétstámpa iga acujípyajiñ jém pixiñtam. Datim ansunpa iga michtam añcujíptámpa.

Siiga ansunpa, wiap mampimiya juuts tum apóstol jém acutsatnewiip Jesucristo. ⁷ Pero da ammalwat mimichtámanjom, porque mantoytámpa juuts tum wibic yomo itoypa imanictam. ⁸ Agui mantoytámpa mimichtam, jeeyucmi añwanjam iga impictsonpa jém wibic añmati jém Diospic tachiife. Da no más jém añmati, pero hasta jém amvida manchiitoba meega wiap porque tsam mantoytámpa. ⁹ Mantiwitam, ¿da iñjistámpa iga tsam pimi ayoxata cuando oy manañmadayta jém wibic añmati jém tachiñewiip Dios? Ayoxata tsuucim y siñni iga da ti manwágaytámpa.

¹⁰ Mimichtam michiyta juuts tum testigo y Dios tsíyitim juuts testigo iga da ammalwat mimichtámanjom jém incupicnetañwiip Dios. Añwíwatta juuts tum wibic pixiñ dapic táñcaiy. ¹¹ Jistaami jutpic manañquímta juuts tum pixiñ cuando inquímpan imaníc. Mançamamwadáy iññama iga odoy iñchaguiñ jém Dios inmati. Mançunucsay iga odoy minyáguiñ cuando tsam pimi mimalwadaytap. ¹² Manañquím iga siempre inwíwattámiñ juuts ixunpa Dios porque minwejayta iga nicpa miiti jut wicóm, jut injacpa Dios.

¹³ Siempre anchiiba gracia Dios iga cuando immatonja jém Dios inmati jém manamíñayñewiip, da impictsonja juuts pixiñtam inmati, impictsonja juuts jém nunta Dios inmati. Jém añmati miyoxpáttámpa jém incupicnetañwiip Jesús iga wíagiñ inwatta juuts ixunpa Dios. ¹⁴ Mimichtam, mantiwitam, tsam mimalwadaytamtatim juuts jém tantiwitam jém ityajwiip jém naxyucmi de Israel, jém icupicneyajwiip Dios. Michtam iñtúmmítam tsam mimalwadaytatim jex juuts jém judíos imalwadayyaj jém icupicneyajwiip Jesús jém naxyucmi de Israel. ¹⁵ Jeeyajtim iccaayaj jém tánQmi Jesús juutstim iccaayaj jém wiñicpic profeta jém itúmmiyaj. Siip aichtam aquebacputtamta. Da iwíwatyajpa jém Dios iwiñjom. Da iwínanigáypa itumpiy jém pixiñtam. ¹⁶ Da iwíwanjamyaj iga anañmadáypa jém tungac pixiñtam jém wibic añmati iga Dios iciacputyajpa. Yip malopic judíos jempigam más ijáyanwatyajpa jém itañca. Siip da jáyñe ichiiba Dios tum miipic castigo.

Jém Pablo nictooba eybic jém attebet Tesalónica

¹⁷ Mantiwitam, cuando da jáy hora tanatsactamta, aunque da miita, manaita áñnamanjom. Tsam mánixtooba idic, watciy ammétsta jutsap nicpa manjójáy eybic, pero da awiap. ¹⁸ Tsam anictamtooba idic manjójáy. Ich aPablo watciy amméts jutsap nicpa manjójáy, pero jém Wocciwiñ da ajigáy. ¹⁹ Siip ananjóctámpa jém jama iga miittámiñ jém tánQmi Jesucristo iwiñjom cuando miñgacpa yip naxyucmi. Mimichtam michiytámpa juuts jém wibic

maymáyaji para aichtam, juuts tùm wibic corona. ²⁰ Numa mimichtam inçuyucmi tsam awiixtamtap, tsam amaymáyatámpa.

3

¹ Jesic iga tsam pimi manjjspa, da anyaachíypa. Annímáy jém ançcompañero Silas iga tatsíytámpa tançutum yim Atenas iganam ² mançutsadaytámpa jém tantíwi Timoteo iga niguiñ miámta. Jempam anwatta. Je icuyoxap Dios y awaganayoxap iga ananmattámpa jém wibic anmañi de Cristo. Jesic mançutsadáy jém tantíwi Timoteo iga miyoxpádiñ iga odoy inçhaguiñ jém Dios inmañi, ³ iga wiañ inyaachiyta cuando miyaachwattamtap. Michtam inñodonñtam iga tienes que tayaachwattamtap. ⁴ Jistaami, cuando aitta con mimichtam, mananmadáy iga tayaachwattamtap. Numa jempam inñascaneta juuts mich inñodonñ. ⁵ Jeeyucmi, cuando da más wiap anyaachíy, ançutsat jém Timoteo iga niguiñ miámcoñwíy siiga da inçhacne iga inçupicpa jém Dios inmañi. Porque ich ançinpa iga jém Wocciwiñ wip micmalwatpa y xajatim oy mananmadáy jém anmañi.

⁶ Siip yaguiñ set jém Timoteo de mimichtam. Inimiñ jém anmañi iga tsam inçupicneta Dios y tsam inñoytámpa jém inñiwitam. Nimpatim jém Timoteo iga mimichtam siempre anjístámpa y ánixámtooba jextim juuts aichtam iga mánixámtoobatim. ⁷ Jeeyucmi mantíwítam, tsam amaymaytam cuando ammatonj iga michtam da inçhacneta iga inçupicpa Dios, aunque yim annascata tùm mijpic yaachaji, tsam amalwadaytamta. ⁸ Siip aitta vivo porque mimichtam da inçhac jém tánomi itun. ⁹ Tsam anchiiba gracia jém tanjatun Dios, agui amaymáyatámpa jém Dios iwiñjom mimichtam inçuyucmi. ¹⁰ Tsuucim y siññi ananwejpátámpa Dios iga wiañ nic mánámta. Mananquejaytámpa titam mitogóyay iga wiañ inçupicpa parejo.

¹¹ Ansunpa iga jém tanjatun Dios y tánomi Jesús ayoxpádiñ iga nicpa mánámta. ¹² Anwagaytámpatim tánomi iga más minitoytamtañ con inñiwitam, iga inñoytámiñ itumpiy jém pixiñtam juutstim ich mantoytámpa. ¹³ Anwagaypatim iga michiññ jém wibic jixi iga wiañ inwatta seguido juuts ixunpa Dios, jesic da mitañcaíy, cuáyñeum jém inñanama jém tanjatun Dios iwiñjom cuando miñgacpa tánomi Jesús yip naxyucmi con itumpiy jém imichipic, jém cuáyñeyajwip iñanama.

4

Jém vida jém iwanjamwip Dios

¹ Mantíwítam, wiñic oy mananquejay iga wiañ inwatta juuts ixunpa Dios. Quejpa siip iga inwatpa. Mançunucsáypa jém tánomi Jesús inñiyimi iga más y inçupiguiñ jém Dios inmañi.

² Mimichtam inñodonñtam ti mananquejayta jém tánomi Jesús inñiyimi. ³ Dios ixunpa iga cuáyñeiñ jém inñanama, iga odoy i pejóyñ. ⁴ Cada tūmtūm de mimichtam jodónñtaami jutsap iniitta jém inñyomo juuts tùm wibic pixiñ cuáyñewiip iñanama. ⁵ Odoy picí tūm yomo iga agui inçusúniyapa juuts jém malopic pixiñtam jém dapic icupicne Dios. ⁶ Odoy cusúniyaay tunçac pixiñ iyomo, odoy malwadaayi jém inñiwí jempic. Dios ichécpa itumpiy jexpic tñca juuts wiñti mannímayñeum. ⁷ Porque Dios da tanwejay iga tançusúniyapa jém

malopic cosa, más tanwejáy iga cuáyñeñ jém tánanama. ⁸ Jém ijóyixpaap yíp anquímayooyi da ijóyixpa tum pxiñ, ijóyixpa Dios mismo, jém tachiñewiip jém iAnama.

⁹ Siip da manjáyápa jutpic iñtoytámpa jém tantiwitam jém icupicneyajwiiip Jesús. Porque tanjatun Dios minquejáy jutpic minitoytamtap con jém iñtiwítam. ¹⁰ Numa, quejpa iga tsam iñtoytámpa itumpiy jém Macedoniapic tantiwítam. Manjuncuśápa mantiwítam iga más y más iñtoytámiñ. ¹¹ Winanigaayi jém iñtiwítam, wattaami michpic iñyoxacuy, odoy moogiyi tungac. Yoxataami inçimi juuts mannímayñe. ¹² Wiwattaami iga miwixyañiñ jém dapic icupicyajpa jém tánQmi. Jesic da ti mitogóyápa.

Miñgacpa tánQmi Jesús

¹³ Mantiwítam, da ansunpa iga da iñjodonjam ti iñascaaba jém caaneyajwiiip, jém icupicneyajwiiip Jesús. Mimichtam, odoy anyáctaami juuts jém pxiñtam jém dapic injócyajpa iga miñgacpa jém tánQmi Jesús. ¹⁴ Tanjucipca iga accaata tánQmi Jesús, pero ocni acpista. Jesapim tanjodóna iga cuando tanjatun Dios icutsatgacpa yíp naxyucmi jém tánQmi Jesús, jesic iwaganamiñpa itumpiy jém icupicneyajwiiip Jesús, jém caaneyajwiiip.

¹⁵ Siip mananmadaytámpa ti tanquejáy jém tánQmi Jesús. Nimpa iga cuando miñgacpa tánQmi, wiñti ipinpa jém ipixiñtam jém caaneyajwiiip. Jesic ocni tapintamtaptim taichtam, jém taitwiiip vivo. ¹⁶ Cuando núcpa jém jama, quetpa tánQmi dende siñyucmi, pimi jiyipa juuts tum mijpic anjagooyi. Jiypatim tum siñyucmipic pxiñ jém cobacpic. Pimi anjyipa jém Dios itrompeta. Wiñti acpisyajtap itumpiy jém caaneyajwiiip jém icupicneyajwiiip Cristo. ¹⁷ Ocni Dios tanjtuumawattámpa taichtam, jém tatsiyñetanwiiip vivo. Tawagananictamtap ucsanjom con jém acpisneyajwiiip. Jenum tanactsíyapa jém tánQmi Jesús anjtwanycmi. Jesic nicpa taiti para siempre con jém tánQmi. ¹⁸ Jesic nanmadaytamtañi yíp wibic anmāti con jém iñtiwítam iga odoy miñyáctamiñ.

5

¹ Siip mantiwítam, da manjáyápa iga jup jama ni jup amtiy miñgacpa tánQmi Jesús. ² Porque mimichtam inwijodonjam iga cuando miñgacpa jém tánQmi, núcpa jém tánQmi ijama juuts tum númpaap miñpa tsuucim. Da i ijodon juchis hora núcpa. ³ Cuando nimityajpa jém pxiñtam iga: “Da ti idiñiy, da i jém tamalwadaypāpic”, jesic jeeti rato núcpa jém castigo iga actogoyajtap. Juuts tum yomo cuando toypa imanic iga naypa, da wiap ipoy. ⁴ Pero michtam, mantiwítam, da miitta jém piichcim, jesic cuando núcpa jém jama, jém tánQmi da micupiichciyapa juuts tum númpaap. ⁵ Porque iñtumpiytam miitta siññi jém juctiantsočajom jut cutiwanane. Da taita tsuucim ni piichcim. ⁶ Jeeyucmi da tamontámpa juuts jém tungac jém monyajpāpic. Wi iga tajixiñyamiñ iga taittamiñ listo. ⁷ Porque jém monyajpaap monpa tsuucim, jém uquiayaj uquiayajpa tsuucim. ⁸ Pero taichtam taita jém juctiantsočajom, wi iga tajixiñyñi. Jex juuts jém soldado icámpa jém icoraza ipechoucmi, wi iga tanjucictamiñ jém Dios inmāti y tantoytamiñ jém tantiwítam, jempigam tanacupujtap. Juuts jém soldado icámpa jém icasco icobacyucmi, wi iga tananjócpa jém jama iga taciaputpa Dios. ⁹ Porque Dios da tacupin iga

tachiiba castigo, pero tacupin iga taciacputtámpa jém tánQmi Jesucristo. ¹⁰ Accaata iga tayojoyá jém tantánca. Jesic cuando miñgacpa, siiga tacaaneum o siiga tavivonam, nicpa tawagajti con je. ¹¹ Jeeyucmi mantiwitam, nacamawadaytamtaj; jém iñanama, nanquejayámtaj; con jém iñiwitam jém Dios inmati juuts siip inwattámpa.

Jém Pablo inqúmpa jém icupicneyajwip Jesús

¹² Siip mantiwitam, mancunucsaytámpa iga inwixtamiñ jém pastoryaj, jém yoxayajpaap mimichtámanjom. Jém tánQmi icupin iga miñquímtámpa y miñquejaytámpa jém wibic tun. ¹³ Wixtaami jeeyaj, toytaami porque wibic yoxaji iwatyajpa. Mimichtam odoy anataami con jém iñiwitam.

¹⁴ Mantiwitam, mancunucsaypatim iga ininquímtamiñ jém dapic yoxayajpa iga odoy cutiñayajiñ. Camamwadaayi anama jém cinjaypáppic. Yoxpaati jém dapic wiap icutiñiyi jém Dios inmati. Yaachiyi itumpiy jém tantiwitam siiga chocóyap icutiñiyi jém Dios inmati.

¹⁵ Wattaami cuenta iga odoy jicíanseedáypa jém imalwadayñewiip. Siempre nawiwadaytamtaj; con jém iñiwitam. Wiwadaayitum itumpiy jém pixiñtam.

¹⁶ Maymáyaataami siempre. ¹⁷ Odoy tsaci iga ininwejpáttámpa Dios. ¹⁸ Ti quej iñnascaaba, chiitaami gracia Dios, porque jempam iwianjam tanJatun Dios iga inwattámpa mimichtam, porque jém Jesucristo mimichitam.

¹⁹ Odoy acpichaayi jém Dios iAnama ijucti. ²⁰ Siiga Dios iAnama ichi jixi jém pixiñ iga inmadiñ jém Dios inquímayooyi, odoy jóyixi. ²¹ Pero siempre amcoñwiñi itumpiy jém jixi iga wiañ incupin jém wibic. ²² Pero tsaganputi itumpiy jém malopic cosa.

²³ Siip tanJatun Dios, jém iniiitwip jém wibic paz, miñuntawitsagáyiñ jém iñanama, jém iñjixi y jém immijtay iga michiytamiñ limpio y cuáyne cuando miñgacpa yip naxyucmi jém tánQmi Jesucristo. ²⁴ Jém miñwejayñewiip da migóypa, siempre iccupacpa juuts tajycamayne.

Jém Pablo idioschiiba jém tantiwitam, ichiiba bendición

²⁵ Mantiwitam, anwejpátaami Dios para aichtam.

²⁶ Dioschitaami itumpiy jém tantiwitam con tum wibic annacatsuuchi.

²⁷ Manwágáypa jém tánQmi iñiyimi iga immáyaytamiñ yip toto jém tantiwitam itumpiy jém ityajwip jem.

²⁸ Siip jém tánQmi Jesucristo miwawadaytamiñ iñtumpiytam. Jemum cuyaj.

Jém segunda carta jém ijáyayñewiip Pablo jém ityajwip jém attebet Tesalónica

Jém Pablo con icompañeroyaj ijáyáy jém Dios ipixiñtam

¹ Ich aPablo. Awagaitta con jém Silvano y Timoteo. Siip manjáyaytámpa mimichtam miittanwiip jém attebet Tesalónica, jém incupicnetanwiip Jesucristo. Mimichtam jém tanjatun Dios mimichitam y jém tánQmi Jesucristo mimichitam. ² Jém tanjatun Dios y jém tánQmi Jesucristo miwíwadaytamiñ iga odoy iniidiñ jém cobacpji iñanamajom.

Chiitap castigo jém táncaywip cuando miñgacpa Cristo

³ Mantíwítam, wí iga tsam anchiiba gracia tanjatun Dios para mimichtam porque más y más incupictámpa jém Dios inmatí, más y más minitoytamtap con jém iníwítam. ⁴ Siempre mancujiptámpa cuando nicpa ananmat jém Dios inmatí tunjac attebet. Annímáypa jém Dios ipixiñtam iga tsam inwícupictámpa jém Dios inmatí. Da inñactámpa jém Dios inmatí cuando tsam micpóyta y tsam miyaachwatta. Tsam iñyaachíypa. ⁵ Jesic wíquejpa iga wícipíjópá Dios. Quejpatim iga mimichtam miitta juuts wibic mipixiñ iga wiap inígiyta jut injacpa Dios. Jeeyucmi siip miyaachátámpa.

⁶ Ijodon Dios iga wí iga ichiiba castigo jém mimalwadayñewiip. Iyaachwatpa jém miyaachwatneyajwip. ⁷ Jesic cuando miñgacpa yíp naxyucmi jém tánQmi Jesús, tacjejtámpa iga odoy más tayaachátamiñ. Iwaganamiñpa jém sinyucmipic pixiñtam jém inítwiip jém Dios ipimi. ⁸ Inimiñpatim jém sinyucmipic jucti iga inooquetyajpa jém dapic iixpicyajpa Dios, jém dapic icupicyajpa jém wibic anmatí iga tánQmi Jesús taciapputtamtooba. ⁹ Chiijajtap castigo jém malopic pixiñtam, actogoyajtap para siempre. Da wiap iityaj jém tánQmi iwiñjom ni da wiap iixayyaj jém ipimi. ¹⁰ Jesic cuando miñgacpa yíp naxyucmi jém tánQmi Jesús, tsam iwíixyajpa itumpiy jém ipixiñtam jém cuáyñewiip ianama, ipooñanjamyajpa jém icupicneyajwip jém Dios inmatí. Miittámpatim mimichtam porque incupicneta titam mananmadayta.

¹¹ Jeeyucmi siip ananwejpáttámpa Dios iga michíyiñ juuts jém Dios mipixiñtam porque Dios micupinta. Anwagáypatim Dios iga iccupaguñ con ipimi juuts mimichtam inwanjamta y jém yoxacuy jém inwattampáppic porque incupicneta Jesús. ¹² Jempigam tsam cujiptap jém tánQmi Jesucristo mimichtam incuyucmi, y micujiptámpatim jém tánQmi porque tsam tatoypa tanjatun Dios y tánQmi Jesús.

2

Tanmadaytap jutsap imiñ jém tánQmi

¹ Siip, mantíwítam, mananmadáypa jutsap imiñgac yíp naxyucmi jém tánQmi Jesucristo y jutsap tanjuumawatta jém tánQmi iwiñjom cuando miñgacpa. Mannímáypa, mantíwítam, ² siiga immatonjtámpa iga núcneum jém jama iga miñgacpa jém tánQmi Jesús, odoy cupictaami, odoy anyáctaami. Siiga

miñpa miñmadáy tum anmafciiwiñ o tum pastor, odoy cupictaami. Siiga tum pxiñ miñimáypa iga jém Pablo ijáyáy tum toto iga núcnem jém jama cuando miñpa tánQmi, odoym cupictaami. ³ Odoy i mimigóyaytámiñ porque da miñgacpa yíp naxyucmi jém tánQmi Jesucristo hasta núcpa jém tiempo iga jém pxiñtam ichacyajpa jém Dios inquímayooyi, hasta que tsucumpa jém malopic anjagooyi, jém ijóyixpáppic itumpiy jém wibic anquímayooyi, jém ipictsonpáppic jém mijpic castigo jém juctjom jut da nunca píchpa. ⁴ Yíp malopic anjagooyi tsucumpa en contra de Dios, jém ijsyajpáppic jém pxiñtam. Tsam nacujtáp iyaac. Nicpa coñi jém Dios imasticjom juuts tum dios. Nimanñaayap iga: Ich aDios.

⁵ ¿Que da inñjspa iga manañmadáy yípyaj cosa cuando oy aiti con mimichtam? ⁶ Mimichtam, inñjodñ japaap jém dapic ijícpa iga tsucumpa jém malopic anjagooyi antes que núcpa jém ijama. ⁷ Siip itum jém malopic anjagooyi ipimi iga imalwatpa, pero añnécne, danam wiñquejne. Togoy no más iga accáytap jém dapic ijícpa iga tsucumpa. ⁸ Jesic ocmi wiñquejpa jém malopic anjagooyi, pero tánQmi Jesucristo, cuando miñgacpa yíp naxyucmi, iccaaba con jém ipimi jém putpáppic ijipjom, ictogoypa jém malopic anjagooyi con jém ichoça. ⁹ Cuando núcpa yíp malopic anjagooyi, iwatpatim juuts jém Wocciwiñ. Iniiñ itumpiy ipimi, wiap iwat jém señales y jém milagro iga imigóyayajpa jém pxiñtam. ¹⁰ Iniittim itumpiy jém malopic jixi iga imigóyáypa jém pxiñtam jém togoyajpaap. Togoyajpa porque da icupicyaj jém numapic anmati iga iciacputyajpa Dios. ¹¹ Jeeyucmi Dios ijíc iga namigóyayajtaiñ con jém malopic jixi iga icupicyajpa jém migooyi, ¹² iga chiiyajtap mijpic castigo itumpiy jém dapic icupicyajtooba jém numapic anmati, jém aguipic iwianjamyaj iga imalwatyajpa.

Dios tacupijneta iga taciaputtámpa

¹³ Pero aichtam tienes que siempre anchiitámpa gracia Dios por mimichtam, mantiwitam, mitoytampáppic jém tánQmi, porque dende wiñgam Dios micupijneta iga miciacputtámpa, iga jém Dios iAnama miccáyáypa inñanca porque incupicta jém numapic anmati. ¹⁴ Jesic cuando oy manañmadáy jém wibic anmati, Dios miñwejay iga miciacputtámpa iga miwagaittämpa sinyucmi con tánQmi Jesucristo.

¹⁵ Jeeyucmi, mantiwitam, mannimaytámpa iga odoy tsactaami jém Dios inmati. Siempre jistaami jém anquímayooyi, jém manañmadayñewiip y jém manjáyayñewiip. ¹⁶ Tsam tatoytámpa jém tanjatun Dios y jém tánQmi Jesucristo. Tsam tayaachanjampa para siempre. Tachiita jém jixi iga odoy ti tançinñiñ. Tacjodñata iga nicpa tajti con Dios. ¹⁷ Siip Dios micamamwadaytámiñ inñanama, miyoxpáttámiñ iga wiap inwatta jém wítampic cosa juuts ixunpa Dios iga ininmattámpa jém wítampic anmati.

3

Anwejpaati Dios para aichtam

¹ Jesic, mantiwitam, anwejpátaami Dios para aichtam iga ayoxpáttámiñ Dios cuando anañmattámpa jém wibic anmati iga más jicsciy núcpa jém Dios inmati jutquej. Wágaayi Dios iga ayoxpáttámiñ cuando anañmattámpa jém wibic anmati iga jém pxiñtam iwipictsonyajaiñ jém anmati juutstim

mimichtam inw_ipic_tso_neta. ² Wágaytaami Dios iga aciaputtámiñ de jém malopic p_ix_iñtam y de jém tamalwadaypáppic. Porque da itump_iy p_ix_iñtam icupicyajpa Dios. ³ Pero jém tán_omi siempre iwatpa juuts tajiycámayñe. Y jém tán_omi miyoxpáttámpa iga w_ia_iñ inwatta juuts ixunpa Dios. Miwattámpa cuenta iga odoy _i w_ia_iñ micmalwat. ⁴ Anjodo_n iga inwatneta juuts mannímayñeta y seguido inwattámpa porque jém tán_omi miyoxpáttámpa. ⁵ Siip ansunpa iga tán_omi Jesús miyoxpáttámiñ iga más iniidiñ jém tanjatun_e Dios itóyooyi, iga w_ia_iñ iñyaachiyta juuts iyaachíy jém tán_omi Cristo.

W_i iga tayoxap

⁶ Siip, mant_iwitam, mamp_imíy_pa jém tán_omi Jesucristo iñiyimi, odoy anp_itsi jém tant_iwitam jém dapic yoxayajpa, jém dapic iwatyajpa juuts nimp_a jém anquímayooyi jém manchiñew_ip. ⁷ Cuando oy a_iti con mimichtam, da antsac anyoxacuy. W_i iga mimichtam inwattámiñt_im juuts aichtam. ⁸ Cuando oy a_iti con mimichtam, da manwágáy jém inwíc_uy, itump_iy manyojáy. Tsam p_imi ayoxata tsuuc_im y siññi iga odoy manwadaytámiñ molestia. ⁹ Numa, w_i idic iga michtam anchiiba jém wíc_uy porque oy manyoxpát, pero da anwanjam iga ansaíy_pa jém wíc_uy. P_imi ayoxata iga mananquejayta iga jém Dios ipixiñtam tsam yoxayajpa. ¹⁰ Cuando oy a_it_itam con mimichtam, mananmadáy y_ip anquímayooyi: Siiga da miyoxap da miwíc_pa. ¹¹ Ammaton_ta iga algunos de mimichtam da miyoxatámpa. Tsam micutíñatámpa. Tsam immoogíy_pa jém iñt_iwitam. ¹² Siiga da miyoxap, siip mananquím_pa jém tán_omi Jesucristo iñiyimi, mannímáy_pa iga miyoxatámiñ iga iniittámiñ titam in_cúttámpa.

¹³ Mant_iwitam, odoy sopstaami iga inw_iwattámpa. ¹⁴ Siiga algun _i da icupic_pa y_ip anm_ati, jém manjáyayñew_ip, jesic ixp_ici _iapaap jém p_ix_iñ, odoy anp_itsi iga tsaaiñ. ¹⁵ Pero odoy jóyixtaami juuts tum enemigo, más numanquejaayi ti ixunpa Dios porque tant_iwitim.

Jém tán_omi Jesucristo miw_iwadaytámiñ

¹⁶ Jém tán_omi, jém iniitw_ip jém paz, michiitámiñ jém paz iga miwinanigayyaj_iñ jém iñt_iwitam. Siip tán_omi miwaganaittámiñ in_cumpiytam.

¹⁷ Ich aPablo. Siip manjáyáy_pa an_ci_mi iga mananquímtámpa. Jesic quejpa iga ich mismo anwat y_ip toto. Yimpigam siempre anjaypa. ¹⁸ Siip tán_omi Jesucristo miw_iwadaytámiñ in_cumpiytam. Jenum cuyaj.

Jém wiñtipic carta jém ijáyayñewiip Pablo jém Timoteo

Jém Pablo ijáyaypa jém Timoteo

¹ Ich aPablo. Jém tánQmi Jesucristo accám iga aapóstol. Acutsat juuts iñimíy tanJatun Dios jém taciacputpáppic. Acutsattim tánQmi Jesucristo jém tananjóctampáppic. ² Siip manjáyaypa miTimoteo. Mich michíypa juuts anuntamanic porque inçupicne jém wibic anmañi jém manamíñayñewiip. Siip tanJatun Dios con tánQmi Jesucristo miyoxpátpa iga wiñsiyíñ jém iñanama. Miyaachanjampa. Michiiba jém wibic paz iga odoy iniidiñ jém cobacpiji.

Wi iga tanwogáyiñ jém inquejyapáppic jém miçooyi

³ Wiñic cuando danam anicne jém naxyucni Macedonia, mannímáy iga yim michíypa jém attebet Efeso. Anmadaayi jém tantiwitam jém dapic iwicutiyyiñe jém Dios inmañi iga odoy inmadayajiñ jém tunçac anquímayooyi jém miçooyipic. ⁴ Nímaayitim jém tantiwitam iga odoy inquejyajiñ jém pixiñtam jém wiñicpic jixi porque je puro jixquiimi, tamigóyaypa. Nímaayitim iga odoy inquejáiñ jém tantiwitam iga ijsiyajpa jém wiñicpic itummiyaj juuts tum dios. Porque jém wiñicpic jixi da tayoxpátpa. Más wi iga tananquejáiñ jém Dios inmañi iga jém pixiñtam wiañ icutiyyiyaj jutpic icupicyajpa Dios.

⁵ Pero siip mannímáytañpa ti ansuntámpa. Anwanjam iga minitoytamtañ con itumpiy jém tantiwitam. Siip wiañ inwat siiga cuáyñeum iñanama y siiga iniitta jém wibic jixi iñanamanjom y siiga numa inçupictámpa jém tánQmi Jesucristo. ⁶ Algunos jém Efesopic pixiñtam iwattooba idic juuts ixunpa Dios, pero ocmi ichacpa jém Dios inmañi. Inmattooba idic jém Dios inmañi, pero da icutiyyíyapa. Iñejaanmadáy jém pixiñtam. ⁷ Tsíytooba juuts tum maestro iga inquejáypa jém Moisés inquímayooyi, pero da icutiyyíyapa ti inmatpa. Tsam pimi najíyóyapa, pero da icutiyyíyapa ti nimpa.

⁸ Tanjodonam iga wi jém Moisés inquímayooyi. Dios ichac jém anquímayooyi iga acjodónatap jém malopic pixiñtam iga tánçaiy. ⁹ Dios da ichac jém Moisés inquímayooyi para jém wibic pixiñtam. Tsacta jém anquímayooyi para jém dapic iwatyajpa juuts ixunpa Dios, jém dapic icupicyajpa Dios, jém ijóyiyajpáppic Dios, jém tánçaiywñ. Tsacta jém anquímayooyi para jém malopic pixiñtam y jém dapic ijsiyajpa Dios, y para jém iccaayajpáppic ijatun o iapa y para jém accaoyajpáppic. ¹⁰ Tsactatim jém anquímayooyi para jém pejoyajpáppic, jém pixiñ jém iñugaypáppic tum pixiñ juuts tum yomo, jém iñumpáppic tum tsixi o tum yomo iga ininicpa, jém iwatpáppic quejaj iga icumigóyapa itiwitam, jém tamigóyaypáppic y itumpiy jém pixiñtam jém dapic iwatyajpa juuts nimpa jém Jesucristo inquímayooyi. ¹¹ Siip mannímáypa iga yiptim anquímayooyi, jém wibic anmañi, achiiñe Dios iga ananmadáypa jém pixiñtam. Agui wi jém tanJatun Dios. Tançujiptámpa siempre.

Dios tsam iyaachanjampa jém Pablo

¹² Siīp anchiiba gracia tán̄omi Jesucristo. Tsam p̄imi ayoxpátne iga wiap anañmat jém wibic añmati. Acupiñnetā iga añcuyoxap tán̄omi Jesús porque iix iga da antsacpa jém wibic añmati. ¹³ Wiñic tsam p̄imi ammalnámáy jém tán̄omi Jesucristo. Ammalwadáy y añcuiy jém icupicneyajwiip Jesús. Pero ocmi Dios ayaachañjam porque danam añcupicne tán̄omi Jesús. Da idic añcutīiyīypa, jeeyucmi ammalwatpa. ¹⁴ Tsam p̄imi ayaachañjam jém tán̄omi. Agui ayoxpátne iga wiap añcupic jém Jesucristo. Anquejáy jūpic tatoypa porque taichtam Cristo tamichifam.

¹⁵ Siīp manañquejáypa tum numapic añquímayooyi. Wī iga tañcupictámpa tantumpiytam. Nimpa así: Oy it̄i yíp naxyucmi jém tán̄omi Jesucristo iga iciacputyajiñ jém táñcaiywiip. Ich aPablo más p̄imi atañcaiy que itumpiy jém pixiñtam. ¹⁶ Pero ityajtim tsam jáyan jém pixiñtam jém dapicnam icupicyaj jém tán̄omi Jesucristo iga ipictsonyajpa jém vida dapic cuyajpa. Jeeyucmi ayaachañjam Dios. Ich tsam jáyan táñca añwat contra Dios, pero accáyáy jém antañca. Jempam Dios inquejáy itumpiy jém pixiñtam iga tayaachañjampa jém tán̄omi Jesucristo. Da jobit tachiiba castigo. ¹⁷ Tsam tañcupictámpa tañjatun̄ Dios para siempre porque tsam p̄imi wī tañjatun̄ Dios. Je jém más mijpic añjagooyi, da nunca cuyajpa. Da wiap tánixta, pero tañjodon̄ iga da nunca caaba. Da ī tun̄gac Dios no más tañjatun̄ Dios, jém itwiip siñyucmi. Jempigam tañcupictámpa.

¹⁸ Siīp miTimoteo, mammanic, manañquímpa iga seguido in̄watpa jém Dios iyoxacuy. Wiñic jém Dios in̄matc̄iwiñ micupiñ iga in̄cuyoxap Dios. Jesic jisi ti miñímáy jém añmatc̄iwiñ iga in̄camamwadiñ iñanama. ¹⁹ Odoy tsaci iga in̄cupicpa jém tán̄omi Jesús. Siempre wati jém witampic cosa juuts iñj̄ispa iñanaman̄jom. Porque algunos jém tant̄iwitam da iwatpa jém witampic cosa juuts ij̄ispa iñanaman̄jom. Jesic moj imalwat hasta ichac jém Dios in̄mati. ²⁰ Jempam iwatyaj jém Himeneo y jém Alejandro. Ocmi añc̄iñ̄cotyaj jém Woc̄c̄iwiñ ic̄iñ̄jom iga icutīiyiyajiñ iga da wī tañcuiy jém tañjatun̄ Dios.

2

Jutsaq tanañwejpát Dios

¹ Siīp manchiiba jém wibic j̄ixi. Wī iga tañwattámpa oración. An̄wejpáttaami Dios para itumpiy jém pixiñtam. Ch̄i gracia Dios iga tachiiba tanyoxaji. Wágaayi Dios iga iyoxpádiñ itumpiy jém pixiñtam. ² An̄wejpáttaami Dios para jém tanañjagooyiyaj y para itumpiy jém in̄itw̄ip algun cargo. Wágaayi Dios iga iyoxpádiñ jém añjagooyiyaj iga odoy idiñ jém pleito, iga da ti idīiyīypa, iga wiap tañwat juuts ixunpa Dios, iga taw̄ixtámiñ itumpiy jém pixiñtam. ³ Dios taciacputta jeeyucmi iw̄añjam iga tanañwejpátámpa. ⁴ Porque ixunpa Dios iga ciacputyajiñ itumpiy jém pixiñtam y iga acjodón̄ayajtañ̄ jém numapic añquímayooyi. ⁵ Tum Dios íf. Da ī tun̄gac más Dios. Nada más íf tum tacupujpápic jém Dios iw̄iñjom, je jém Jesucristo, pixiñtim juuts taichtam. Da ī tun̄gac tacupujpápic. ⁶ Jém Jesucristo iyaac nachiīta iga accaatañ̄ iga tayojáy tantañca. Jesic cuando núc jém jama, Dios tacjodón̄a iga taciacputtooba tantumpiytam. ⁷ Jeeyucmi Dios acupiñ iga anañmadáyiñ jém tun̄gac pixiñtam tiiga accaatā jém Jesucristo. Dios acutsat juumi iga anañmadáyiñ jém

dapic je de Israel jutsap icupicyaj jém Jesucristo. Anacjodóna jém numapic anquímayooyi. Numa Dios acupin. Da mammigóyápa.

⁸ Jesic ansunpa iga cada lugar jut antuumayajpa jém Dios ipixiñtam, inwejpátyajiñ jém tanjatun Dios, pero da wí siiga tatáncaiy. Da wí iga tanajóyixtamtap con tantiwitam o iga tánatampa. ⁹ Ich ansunpa iga jém yomtam icutiyyajajiñ juutspic tecxi iccampa juuts ixunpa Dios. Wí iga iccámiñ jém tecxi juuts jém wítampic yomtam, da juuts jém pejoyajpaap. Odoy iccámiñ jáyan jém cadena de oro ni jém nanhsan jém tsoowiywip. Odoy iccámiñ jáyan jém wayanúccuy jém tsoyajpáppic iga cusúnyatáñ. Odoy iccámiñ jém puctucu jém tsoowiywip iga agui ámtáñ. ¹⁰ Pero siiga Dios imichi jém yomtam, jesic wí iga iwadiñ jém wítampic cosa. Jesic quejpa iga wibic yomo. ¹¹ Wiap icuyucayaj jém Dios inmati jém yomtam. Pero iwicumatóniñ junimpa jém Dios inmatcáwiñ. Odoy anmatmatneyajiñ cuando wattap jém culto. ¹² Ich da anaccampa tum yomo juuts maestro iga iccuyjpa jém pixiñtam. Da wí iga tsíypa tum yomo juuts tum pastor iga injacpa jém pixiñtam. Más wí iga odoy jyyajiñ jém yomtam cuando itpa jém culto. ¹³ Porque wiñtiawat Dios jém Adán. Ocmiawat jém Eva. ¹⁴ Da i imigóyá jém Adán, pero migóyayta jém Eva, jesic mojawat tánca. ¹⁵ Pero Dios iyoxpátpa jém yomtam cuando icnaypa tum tsixi siiga icupicpa Dios. Porque Dios iwianjam iga jém yomtam itóyíñ jém Jesucristo y iga iwadiñ jém wítampic cosa. Wí iga tsíyíñ juuts tum wibic yomo.

3

Juutspic pixiñ tanaccampa juuts tum pastor

¹ Numa jém anmati jém inmatnewip jém pixiñtam. Nimyajpa iga, Siiga tum pixiñ iwianjam iga tsíypa juuts tum pastor iga injacpa jém Dios ipixiñtam, jesic iméspa tum wibic yoxacuy. ² Siip manaquejápa juutspic pixiñ wí iga injacpa jém Dios ipixiñtam: jém tumpic iyomo iniit, jém dapic icusúnyápa jém malopic cosa, jém iwixpáppic jém itiwitam, jém jixiywip, jém wiapaap inquej jém Dios inmati, y siiga miñpa tum pixiñ juumipic, icwíguiñ. ³ Pero da wí jém ucpáppic pixiñ ni jém cótsoypáppic. Da wí iga anayajpa con itiwitam. Más wí iga natoyyajtáñ. Datim wí siiga icusúnyápa jém itiwitam itumiñ. ⁴ Ixunpa Dios iga jém pastor wiap injac itumpiy jém ityajwip iticim y jém ichixtamawatpa juuts ipimíypa ijatun. Da iyóyipa. ⁵ Porque siiga tum pixiñ da wiap injac jém ityajwip iticim, jesic datim wiap injac jém Dios ipixiñtam. ⁶ Da wí iga tsíypa juuts tum pastor jém yaguiñpic icupicne jém Dios inmati porque wiap inicujpta iyaac. Jesic Dios ichiiba castigo juuts jém Wocciwiñ cuando mu ichiita castigo cuando minicujpta. ⁷ Tancupinpa tum wibic pixiñ iga injaguiñ jém Dios ipixiñtam, jesic jém dapic icupicneyaj Dios, iwixyapatim. Siiga da iwixyajpa jeeyaj, jesic jém Wocciwiñ wiap icoñwiy iga icmalwatpa.

Juutspic pixiñ jém diácono

⁸ Siip mannimáypa juutspic pixiñ jém diácono, jém icuyoxapáppic jém pastor. Dios ixunpa wibic pixiñ, jém dapic migóyapa. Da iwianjam jém ucpáppic pixiñ ni jém icusúnyáppic tumiñ. ⁹ Dios ixunpa iga iwicupiguiñ parejo jém wibic anmati jém Diospic tachiñe. Da iwianjam jém inyamnewip itánca

ianamanjom. ¹⁰ Pero wiñti tanámcoñwíyypa jém p̄ixiñ, tañcutitspa siiga wibic p̄ixiñ. Siiga da tãñcaiy, jesic wiap iwat jém yoxacuy. ¹¹ Dios ixunpa iga jém p̄ixiñ iyomo wibictim yomo. Iwixyaypa jém itiwitam. Da w̄i iga imalwatpa. Datim w̄i siiga icuyypa jém itiwitam. W̄i jém yomo siiga siempre iwatpa juuts ixunpa Dios. ¹² W̄i siiga jém diácono iniidiñ tum jém iyomo. W̄i siiga jém ichixtam con itumpiy jém ityajw̄ip iticcim iwatyajpa juuts ipimíyypa jém p̄ixiñ. ¹³ Siiga jém p̄ixiñ iwíyoxpátpa jém pastor, jesic cujítap. Jesic ocmi jém p̄ixiñ wiaptim inmat jém tánQmi Jesucristo inmat̄i y da c̄iñpa.

Agui w̄i jém Dios inqumayooyi

¹⁴ Ich nictooba manjáyá jobit, pero wiñti manjáyáypa yíp toto. ¹⁵ Jesic siiga da jobit anúcpa, manacjódónap jutsap iwatyaj jém Dios ipixiñtam juuts ixunpa Dios. Porque Dios ipixiñtam jex juuts tum tic y Dios ichiiba jém wibic anmat̄i iga iccáyiñ. Dios ixunpa iga iwadiñ cuenta jém wibic anmat̄i. Agui w̄i tanjatuj Dios jém vivopic. ¹⁶ Agui tampooñanjamtámpa cuando tañcutiyyítámpa ti iwat Dios yíp naxyucmi:

Oy it̄i yíp naxyucmi jém tanDios juuts tum p̄ixiñ,
maayítim juuts taichtam.
Dios iAnama tañquejáy iga numa jém Cristo.
Jém sinyucmic p̄ixiñtam oy iyoxpátay.
Jém tunjac p̄ixiñtam, jém dapic je de Israel,
imatonyaj jém wibic anmat̄i.
Jutquej jém p̄ixiñtam icupicyaj jém tánQmi Cristo.
Jesic eybic naquím̄ta sinyucmi.

4

Jém p̄ixiñtam jém ichacyajpáppic jém Dios inmat̄i

¹ Jém Dios iAnama tañquejáy iga núcpa jém tiempo iga jém p̄ixiñtam ichacyajpa jém Dios inmat̄i. Jesic mojpam iwatyaj juuts inímáypa jém mal espíritu jém tamigóyapáppic. Icupicyajpa jém Wocciwiñ inqumayooyi. ² Jém inimiñnewip jém migooyi iwatpatim juuts tum wibic p̄ixiñ iga w̄iañ tamigóyá. Tánixpa iga quenam wibic p̄ixiñ, pero puro migooyi inisiiba. Da najamtap iga malo. ³ Inquejáypa jém icuyujc̄wiñ iga tãñcaiyypa tum p̄ixiñ siiga ancoomíyypa. Nimpatim iga tãñcaiyypa siiga icispa algunos jém wiccuy. Pero da w̄i jém jixi porque Dios ichac itumpiy jém wiccuy iga w̄i tañcis. Siiga wiñti tanañwejpátpa Dios iga tanchiiba gracia, jesic wiap tañcis cualquier jém wiccuy. Porque tañcupicneta jém tánQmi Cristo y tañcutiyyiñeta jém numapic anqumayooyi. ⁴ Siiga tanchiiba gracia Dios, jesic da tatãñcaiy siiga tañcispa cualquier jém wiccuy porque w̄i itumpiy jém wiccuy jém ichacnewip Dios. ⁵ W̄isacneta jém wiccuy con Dios inmat̄i y con oración, da tactãñcaiyypa siiga tañcispa.

W̄i iga seguido tañcuyjcaaba jém Dios inmat̄i

⁶ Siiga mich inñquejáypa jém tantiwitam jempic, jesic quejpa iga inw̄icuyoxap jém Jesucristo. W̄i iga seguido inçuyjcaaba jém Dios inmat̄i, jesic Dios miyoxpátpa iga más incutiyyiñ jém wibic anqumayooyi. ⁷ Tsaci jém malopic cuento, odoy anmadaayi porque puro jixquiimi. Je jém wiñc̄pic jixi. Duro cuyujcai jém Dios inmat̄i iga w̄iañ inwat juuts ixunpa Dios.

⁸ Siiga tum p̄ixiñ seguido yoxap, jesic inyujpa jém iyoxacuy. Jesap̄tim taichtam, siiga seguido tan̄cuyujcatámpa jém Dios in̄mati y tan̄wattámpa juuts ixunpa Dios, jesic tan̄nyujpatim. Jesic más wiap tan̄wat juuts ixunpa Dios. Siiga tan̄nyujpa iga tan̄watpa juuts ixunpa Dios, je tsam tayoxpát̄pa yíp naxyucmi y tayoxpát̄patim sin̄yucmi. ⁹ Yíp an̄quím̄ayooyi je jém num̄apic, da mamm̄igóyáypa. Wi iga in̄cupictámiñ, iga in̄wattámiñ juuts mann̄ímáypa. ¹⁰ Jeeyucmi tsam p̄imi ayoxatámpa, agui yaachap an̄watta jém Dios iyoxacuy porque an̄cupictámpa iga jém vivop̄ic tan̄Dios taw̄iwadáypa juuts taj̄ycám̄ayñe. Porque jém tan̄Dios oy iyojáy itump̄iy jém p̄ixiñtam it̄añca, jesic wiap ic̄īputyaj jém p̄ixiñtam jém icup̄icneyajw̄ip̄ Jesús. ¹¹ Siip̄ miTimoteo, an̄quejaayi jém imp̄ixiñtam yíp an̄quím̄ayooyi. Nímaayi iga icup̄icyajiñ. ¹² Siiga algunos jém tsam̄ipic miñim̄ayyajpa iga: Agui mich̄ixiñtam, jesic odoy wadaayi caso. Siempre w̄iwat̄i jém tant̄iwitam iw̄iñjom, jesic cuando miixyajpa, ijodon̄yaj ti ixunpa Dios. Odoy an̄mati jém da wib̄ic an̄mati. An̄quejaayi jém num̄apic tóyooyi. Siempre cup̄ici titam taj̄ycám̄ayñe Dios. Odoy ch̄i lado jém malop̄ic j̄ixi iga micmalwatpa. ¹³ Wat̄i jém Dios iyoxacuy con itump̄iy imp̄imi hasta cuando an̄ucpa jem̄ic. Máyaayi Dios in̄mati jém tant̄iwitam. Yoxpaati iga iw̄icut̄iyyajajiñ ti ixunpa Dios. An̄quejaayi parejo jém tán̄omi in̄quím̄ayooyi. ¹⁴ Odoy tsaci jém wib̄ic j̄ixi jém mich̄iñew̄ip̄ Dios. J̄isi iga juts̄a miimp̄ict̄on̄ jém wib̄ic j̄ixi cuando mich̄icunugáy in̄cobac jém pastoryaj. Jesigam miñim̄áy jém Dios in̄mat̄ic̄iwiñ iga Dios mich̄iiba jém wib̄ic j̄ixi.

¹⁵ Seguido wat̄i jém w̄itamp̄ic cosa con itump̄iy in̄j̄ixi, jesic miixtap iga mástim wiabam̄ in̄yoxa. ¹⁶ Cuidado iga immalwatpa. Odoy neja an̄mati jém Dios in̄mati. Siempre wat̄i jém w̄itamp̄ic cosa jém manan̄madayñew̄ip̄. Jesic Dios mic̄iacputpa mimich y ic̄iacputpatim itump̄iy jém imaton̄neyajw̄ip̄ in̄in̄mati.

5

Chiitap j̄ixi jém Timoteo jut̄pic iwatpa iyoxacuy

¹ Odoy wogaayi tum tsam̄ipic p̄ixiñ siiga imalwatpa. An̄j̄iyj̄aci juuts tum in̄jatun̄. W̄inan̄igaayit̄im jém p̄ixiñtam jém dap̄icnam tsam̄iyaj juustim tum in̄t̄iwi. ² An̄madaayi jém ch̄omt̄am juuts tum in̄apa. An̄madaayit̄im jém woñtam juuts in̄untat̄iwi. Odoy cusún̄yi jém woñtam.

³ Dios ixunpa iga tanyoxpádiñ jém cunoya, jém yomp̄ic, jém nunta icutump̄igam, jém dap̄ic in̄ī ī iyoxaáypa. ⁴ Siiga jém cunoya iniit iman̄ic o ioc̄man̄ic jém wiapaap iyoxpát̄, jesic an̄quimi iga iyoxpádiñ juuts ixunpa Dios. Jemp̄igam tanyojpa jém tan̄jatun̄ o tán̄apa iga tan̄cāa matact̄sam. Siiga tan̄watpa jemp̄ic, jesic maymap̄ Dios. ⁵ Pero jém nunta cunoya, jém damp̄igam in̄ī ī iyoxaáypa, tsam in̄wejpát̄pa Dios iga Dios iyoxpádiñ. Seguido iwatpa oración̄ tsuuc̄im y sin̄ñi. ⁶ Pero jém cunoya, jém dap̄ic iwatpa juuts ixunpa Dios, icusún̄yipa jém malop̄ic cosa. Tsíypa jém yomo juuts caane. ⁷ An̄quejaayi jém Dios ip̄ixiñtam yíp wib̄ic an̄quím̄ayooyi. Jesic wiap iwatyaj juuts ixunpa Dios. ⁸ Siiga tum p̄ixiñ da iyoxpát̄pa jém it̄yajw̄ip̄ it̄ic̄im, jém in̄untat̄iwitam, jesic quejpa iga ichacneum jém Dios in̄mati. Jém p̄ixiñ más tan̄cāiy que jém dap̄ic icup̄icpa Dios.

⁹ Jesic cuando inwatpa jém lista de jém cunoytam, jém yomtampic, odooy accaami en la lista jém dapicnam pími tsami. Accaami en la lista jém nasnewiip sesenta iamtiy, jém tunçiyipic ançoomiyñe. ¹⁰ No más accaami en la lista jém wítampic cunoytam, jém iwíactsamneyajwíip jém ichixtam y jém iwípictonpaap iticçim jém juumipic píxiñtam. Jém yomo icuyoxap jém Dios ipixiñtam, iyoxpátpatim jém yaachayajpáppic. Jém yomo iwatpa itumpiy jém wítampic cosa.

¹¹ Odoy accaami en la lista jém mañcunoytam jém dapicnam tsami. Porque ocmi cusuníyóypa jém yomo, jáyíypa. Ichacpa jém tánQmi Cristo iyoxacuy. ¹² Jesic táñcaíy jém yomo porque da iccupac juuts iyycámayñe Dios. ¹³ Jém mañcunoytam agui cutiñap iyoxa. Iwíanjjam iga joypa yim jeexic tiganjom. Agui icujiypa jém itíwítam, inmatpa puro migooyi. Inmatpa jém cosa dapic wítam. Iodançhiíypa jém itíwítam. ¹⁴ Ich animpa más wí iga jém mañcunoytam jaayíyñ eycic iga iniidiñ ichixtam y iwadiñ cuenta jém itic con imanictam. Jesic jém tánenemigoyaj da wiap tamalnímáy. ¹⁵ Porque algunos jém cunoytam ichacne jém Dios inmati, itúñiyaypa jém Wocçiwíñ inqumayooyi.

¹⁶ Siiga algunos jém tantíwítam iniit tum cunoya iticçim, nímaayí iga imatspaguiñ y ichiñ itumpiy iwíccuy. Jesic los de más, jém icupicneyajwíip Jesús, da iwatyajpa gasto. Wiap iyoxpátayaj jém nunta cunoyapigam jém inuntacuíumpigam.

¹⁷ Siiga jém pastoryaj wiap injacyaj jém Dios ipixiñtam y siiga pími yoxayajpa iga inmatyajpa jém Dios inmati, jesic Dios ixunpa iga tanwíyojpa. ¹⁸ Porque nimpa jém Dios inmati iga: “Odooy quiñianjupi jém iñixix cuando inepnepcotspa jém trigo iga inñobáypa jém ipac.” Nimpatim jém Dios inmati iga: “Jém yoxaciwíñ wí iga ipicstoniñ jém icoñwíyooyi.”

¹⁹ Odoy naquímaayí iquejaj tum píxiñ siiga iquejajwadáypa tum pastor siiga da iniñ wisten o tucuten testigo. ²⁰ Pero siiga táñcaíy jém pastor, jesic wogaayí jém Dios ipixiñtamanjom iga imatonjajiñ. Jesic cñyajpa itumpiy iga iwatpa jém táñca. ²¹ Siip cupíci juuts mannímáypa porque tanjodon iga taixtámpa tanjatuj Dios y tánQmi Jesucristo con jém sinyucmipic píxiñtam. Siiga imalwatpa tum jém tánamigo, jesic tanwogáypatim. Tançipinpa parejo porque da wí iga tananyámáypa itáñca. ²² Pero cuando incupinpa tum píxiñ iga iniccámpa juuts tum pastor, jesic choçoymi cuaami hasta impátpa tum píxiñ wibic. Porque siiga imalwatpa jém píxiñ, mich iniit la culpa. Cuidado iga mitáñcaíypatim mex mich.

²³ Siip miTimoteo, como siempre toypa impuu, da no más naps ni inuupa, ucítim uxaj jém vino iga mipixiñ porque mich siempre mimimne.

²⁴ Cuando incupinpa jém píxiñtam iga iwatpa jém Dios iyoxacuy, algunos quejpa iga táñcaíy, jesic je da tampicpa. Pero algunos da quejpa iga táñcaíy hasta tançipinpa, jesigam quejpa iga táñcaíy. ²⁵ Jesaptim it algunos jém píxiñtam agui wíquejpa iga iwatpa jém wítampic cosa. Pero ittim algunos jém iwatpáppic jém wítampic cosa y da jobit quejpa. Pero ocmi wíquejpatim.

6

¹ Itumpiy jém esclavopic, jém icupicnewiip Dios, wí iga iniidáyñ respeto jém iomi, iga iwíixiñ. Jesic da j imalnímáypa jém tanjatuj Dios y jém

inquímayooyi. ² Siiga jém esclavo iomi icupicpatim Dios, jesic da wí iga ijóyixiñ porque jém iomi tsíyum juuts tum itíwi. Más wí iga jém esclavo iwícuyoaxap jém iomi porque icupicpatim. Siiga iwícuyoaxap, jesic más wíitpa jém iomi, jém itoypáppic. Siip, miTimoteo, anquejaayi jém tantíwítam itumpiy yípyaj cosa, yoxpaati iga iwatyajiñ juuts ixunpa Dios.

Jém nunta numapic riqueza

³ Pero it algunos jém pixiñtam inimiñpa tungac anquímayooyi jém dapic wí. Jém anquímayooyi da jex juuts jém tánQmi Jesucristo inquímayooyi. Yíp tungac anquímayooyi da tanquejáypa juuts ixunpa Dios. ⁴ Pero da jixiñ jém pixiñ, jém inimiññewiip jém tungac anquímayooyi. Agui nacujíptap. Agui anatooba. Íñacatooba jém inquímayooyi hasta casi locojap. Cuando it yíp malopic jixi, agui nacunaíyyajtap. Agui iwianjam iga anayajpa jém pixiñtam. Tsam namalmalnimayyajtap. Imalcujisyajpa jém itíwítam. ⁵ Yípyaj pixiñtam siempre ictsucumpa jém pleito. Puro migooyi inisiba. Tsam iniityaj jém malajixi ianamanjom. Iwattooba jém Dios iyoxacuy no más iga ricojaiñ.

⁶ Numa taricojap siiga tancupicpa jém Jesucristo inquímayooyi siiga da tanqusúnyáypa tungac pixiñ imichi. ⁷ Cuando matannay da ti tanamiñ. Y cuando tacaaba datim ti tananicpa. ⁸ Siiga tanait tanwíccuy y tampuctucu, jesic tamaymáyaiñ. ⁹ Da wí tum pixiñ siiga icusúnyáypa jáyan tumiñ porque wiap icmalwat jém Wocciwiñ, da ichacpa jém malopic ijixi. Tsam icusúnyáypa wati jém malopic cosa. Jesic da wí itpa jém pixiñ. Togoypa ianama. Da nicpa iti con Dios. ¹⁰ Da wí iga tanqusúnyáypa jáyan tumiñ. Jexpic jixi juuts jém malopic tichic, ictsucumpa itumpiy jém malopic cosa. Algunos tsam icusúnyáypa jém tumiñ hasta ichacpa jém Dios inmati. Jexpic pixiñ iyaac naccoowatap con jém mijpic anyaaqui.

Wí iga tanwattamiñ Dios iyoxacuy con itumpiy tanjixi

¹¹ Pero mich miTimoteo, Dios mipixiñ. Cuidado iga inwatpa jém malopic cosa. Mich siempre wati jém wibic cosa juuts ixunpa Dios. Cupici iga Dios wiap iwat itumpiy cosa. Toyi itumpiy jém pixiñtam. Siiga pimi mimalwadaytap, odoysaci jém Dios inmati. Ponwati iñanama, jesic quejpa iga da mimalo. ¹² Wati con itumpiy iñixi juuts ixunpa Dios. Wicupici jém Dios inmati iga impicsoñiñ jém vida jém dapic cuyajpa. Jeeyucmi Dios micupin iga michiiba jexpic vida. Jisi cuando ininmadáy jém tantíwítam iga moj incupic jém Cristo. ¹³ Jisi iga Dios tachiiñe vida tantumpiytam. Jisitim iga da cinpa jém tánQmi Jesucristo cuando anwejayta jém Pilato iwiñjom. Siip taita tanjatun Dios iwiñjom y tánQmi Jesucristo iwiñjom. MiTimoteo, mannimáypa iga ¹⁴ wati juuts nampa jém Dios inquímayooyi hasta jém jama cuando miñgacpa yíp naxyucmi jém tánQmi Jesucristo. Jesic da i wiap miñimáy iga mitañcaíy. ¹⁵ Cuando núcpa jém tiempo iga Dios ixunpa, cutsattap eybic jém Jesucristo yíp naxyucmi. Itumpiy jém pixiñtam icujípyajpa jém tanjatun Dios porque je jém más mijpic anjagooyi que itumpiy. Dios injacpa itumpiy jém reyyaj, injacpátim itumpiy jém anjagooyiyaj. ¹⁶ Solamente jém tanjatun Dios dapic nunca caaba. Jut it Dios, agui pimi tsocpa jém jucti, da i wiap icunuc. Da i nunca iix tanDios y siip datim i wiap iix. Tsam tancejíptampa porque je da nunca yajpa jém ipimi. Yibam jém numapic anmati. Amén.

¹⁷ Nímaayi jém ricopíc p̄ixiñ iga odoy nacujípt̄aiñ y odoy ij̄ixiñ iga w̄iap iwat itump̄iy cosa con itumiñ porque w̄iap iyaj jém itumiñ. Más w̄i iga icupiguiñ Dios porque Dios tach̄iiba itump̄iy jém w̄ibic cosa iga tamaymáyp. ¹⁸ Nímaayi jém ricopíc p̄ixiñ iga iwadiñ jém w̄itampic cosa con itumiñ. Nímaayi iga iyaachan̄jaamiñ jém yaachayajp̄appic iga ich̄iiyajiñ titam itogóyáy. ¹⁹ Siiga jemp̄igam iwatyajpa, jesic iniitpa jém s̄iñyucm̄ipic riqueza jém dapic yajpa. Jesic ocmi ip̄ictson̄pa jém vida iga nicpa it̄i con Dios.

Anquímtap jém Timoteo

²⁰ MiTimoteo, w̄ati cuenta jém Dios in̄mati jém imp̄ictson̄new̄ip porque it jém p̄ixiñtam n̄imayajpa iga sabioyaj, pero puro migooyi inis̄iba. Jém migooyi da tayoxp̄atpa iga tarwatpa juuts ixunpa Dios. Mich odoy túñ̄iyi jexpic migooyi. ²¹ Algunos icupicyajtooba idic jém w̄ibic an̄mati, pero jexpic migooyi ictsacpa jém Dios in̄mati.

S̄ip míTimoteo, inidiñ Dios itóyooyi. Amén. Jemum cuyaj.

Jém segunda carta jém ijáyayñewiip Pablo jém Timoteo

Jém Pablo ijáyáypa jém Timoteo

¹ Ich aPablo. Dios acupin iga anañmatpa jém Jesucristo inqúimayooi. Accám iga aapóstol iga anañmadayajiñ jém pixiñtam iga wiap ipictsonyay jém vida eterna siiga icupicyajpa jém tánQmi Jesucristo. ² Siip miTimoteo, manjáyáypa. Mich michíypa juuts tum mammanic. Tsam mantoypa. Siip añwágáypa tanJatur Dios y tánQmi Jesucristo iga miyaachanjaamiñ y iga miyoxpádiñ iga wiap inwat juuts ixunpa Dios. Añwágáypatim Dios iga michiiba jém wibic paz iga odoy inidiñ jém cobacpji.

Pimiyta jém Timoteo iga inmadíñ jém wibic añmatí

³ Siempre anchiiba gracia Dios para mimich. Tsuucim y siñi manjspa y añwágáypa Dios iga miyoxpádiñ. Ich anjodon añanamanjem iga añwatpa juuts apimiy Dios jempectim juuts iwatyaj jém wiñicpic antúmmitam. ⁴ Anjspa cuando mamanañqum, agui miñyac hasta miwejpa iga tanatsacanputta. Jeeyucmi agui manixtooba siip. Cuando manixpa, jesic agui amaymayap. ⁵ Anjspa iga inwicupicne jém Dios inmatí juuts icupicyaj jém inapchomo jém Loida y jém inñapa jém Eunice. Numa, quejpa iga mich inwicupicnetim Dios.

⁶ Cuando mantsiccunúgay inçobac, jesigam Dios miccám juuts tum pastor. Michi tum jixi wibic iga wiñiñ inwat jém Dios iyoxacuy. Jesic odoy tsaci jém wibic jixi, seguido wati juuts minquejáy Dios. ⁷ Dios iAnama tacamamwadáy tánanama iga odoy tançinñi i quej. Tachiiba jém pimi iga wiñiñ tanwat juuts ixunpa Dios. Tayoxpátpa iga tantóyiñ itumpiy jém pixiñtam y iga wiap tananjacta tanyaac. ⁸ Odoy tsaaji iga ininmadáypa i quej jutsap icupic jém tánQmi Jesús. Odoy tsaaji iga ich apajnetá iga anañnuc jém Dios inmatí. Odoy wadaayi caso siiga mimalwadayatap cuando nicpa ininmat jém wibic añmatí porque Dios miyoxpátpa iga inñyaachíyiñ. ⁹ Dios taciapcutneta. Tacupin iga tatsíyiñ juuts jém Dios ipixiñtam. Pero Dios da taciapcut iga agui wibic tapixiñtam, taciapcut porque agui tayaachanjampa. Tsam wiñigam antes que iwatpa yip nas, ijis Dios iga icutsatpa jém Jesucristo iga tayoxpátpa. ¹⁰ Siip oy yip naxyucmi jém Jesucristo jém taciapcutpaap iga tanquejáypa iga Dios tsam tayaachanjampa. Accata jém Jesucristo iga tajojáy tantánca, jeeyucmi siip da tançinpa iga tacaaba porque tanquejáy siiga tançupicpa jém tánQmi Jesucristo, jesic nicpa taiiti con Dios, da togoypa tánanama.

¹¹ Dios acupin iga aapóstol, acutsat juumi iga anañmadayajpa jém wibic añmatí jém tungac pixiñtam jém dapic je de Israel. Acutsat iga anañquejayyaj jém Dios inmatí. ¹² Jeeyucmi apajta cárcel, pero ich da atsaap porque anwiixpicpa jém tánQmi Cristo y tsam añcupicpa iga je wiap iwat juuts ajiycámayñe. Ich añçijunçot añanama jém tánQmi Cristo icijom iga awadáyiñ cuenta. Anjodon iga je wiap awadáy cuenta jém añanama hasta núcpa jém jama iga miñgacpa yip naxyucmi.

¹³ Odoy tsaci jém numapic aṇmaṭi jém manañquejayñewiip. Aṇmaṭi juuts manañquejayñe. Seguido cupiçi Dios. Toyi jém tantiwítam porque tantumpiytam jém Jesucristo tamichitam. ¹⁴ Wadaayi cuenta jém Dios inṇmaṭi jém michiñewiip Dios. Cuidado iga ininmatpa jém miḡooyi jém dapic je Dios inṇmaṭi. Dios michi jém Dios iAnama iga miyoxpádiñ.

¹⁵ Mich inḡodon iga itumpiy jém Asiapic pixiñtam acupóyayyaj, da ayoxpát. Acupóyáytim mex jém Figelo y Hermógenes. ¹⁶ Pero jém Onesíforo watciy oy aám juṭ apajnetá. Da tsaap jém pixiñ iga atsenneta con cadena. Jém Onesíforo tsam acmayáya. Jeeyucmi siip anañwejpátpa Dios iga iyaachanjaamiñ jém Onesíforo itiwítam. ¹⁷ Cuando anúc jém Roma, moj acuám jém Onesíforo hasta que apát. ¹⁸ Wi iga tánomi iyaachanjaamiñ jém Onesíforo cuando núcpa jém jama iga chipiñóypa jém tánomi. Mich inḡwíjodon jutspiy ayoxpát cuando aoy jém Efeso.

2

Tum wibic soldado de Cristo

¹ Mich miTimoteo, michiypa juuts tum mammanic. Wati juuts ixunpa Dios con itumpiy impimi porque miyoxpátpa jém tánomi Jesucristo. ² Mich watciy immatonne itumpiy jém aṇmaṭi jém anañmadayñewiip jém pixiñtam. Siip anquejaayi jeetim aṇmaṭi jém witampic pixiñtam jém wiapaap inquejayyaj jém tunḡac pixiñtam.

³ Yaachiyi siiga miyaachwattap porque mich michiypa juuts jém Jesucristo isoldado jém icupicpaap jém injagooyi. ⁴ Jém soldado da wiap iwat tunḡac yoxacuy porque tienes que iwatpa juuts ipimiypa jém injagooyi. ⁵ Jex como tum michi, siiga da tanwatpa juuts nimpa jém wiapaap imich, jesc da tancoñwíypa. ⁶ Jém tsampic yoxap camjom, iniit derecho iga wiñi ipictsonpa jém ictsiypaap de jém cosecha. ⁷ Wijisi ti manañmadáy, jesc ocmi Dios miyoxpátpa iga wiap incutiñiy jutsap inwat jém Dios iyoxacuy.

⁸ Seguido jisi jém tánomi Jesucristo. Accaata, pero Dios icpis. Jém Jesucristo tsíy juuts jém anjagooyi David iocmanic imanic. Asíam nimpa jém wibic aṇmaṭi jém anañmatpáppic. ⁹ Tsam pimi ayaachwattap iga anañmatpa jém wibic aṇmaṭi. Atsentá con cadena juuts tum accaoyñewiip. Ich apajta, pero Dios inṇmaṭi da tsíy preso. Tienes que nicpa jutquej. ¹⁰ Tsam antoypa jém Dios ipixiñtam jém Diospic icupiñne. Ansunpa iga jém Jesucristo iciacpudiñ jém pixiñtam iga nicpa tanwaganaiñ Jesucristo itumpiy tiempo. Jeeyucmi anyaachíypa cuando amalwadaytap.

¹¹ Yibam aṇmaṭi jém numapic. Nimpa así: Siiga tancupicpa iga accaata jém Jesucristo iga tayojay tantánca, jesc tanjodon iga tanwaganaiñpa jém tánomi Jesucristo para siempre. ¹² Siiga tanyaachíypa iga tayaachwattap, jesc nicpa tanwaganaiñ jém Cristo cuando injacpa itumpiy jém pixiñtam. Taccámtapim juuts tum anjagooyi iga tananjacpa jém pixiñtam. Siiga tananyampa iga tancupicne jém Jesucristo, jesc jém Jesucristo tanypatim.

¹³ A veces da tanaccupacpa juuts tanjycámayñe Dios, pero da jex jém tánomi Jesucristo.

Tienes que icupacpa juuts tajiycámayñe porque jém tánŕmi Jesucristo da wiap tamigóyáy.

Tum wibic yoxac#wiñ jém icuyoxapáppic Dios

¹⁴ Anmadaayi jém tantiwitam yíp anquímayooyi porque Dios taixñe. Nímaayi así: “Odoý áñacataami jém Dios inquímayooyi porque jém pleito da tayo xpátpa. Jém pleito icmalwatpa jém tantiwitam jém imatonjajpáppic.” ¹⁵ Siip miTímoteo, wati con itumpiy inñixi juuts ixunpa Dios, jesic Dios miwixpa. Wianqueji jém Dios inmati jém numapic. Jesic micháypa juuts tum wibic yoxac#wiñ y da michaap iga miixaytap jém inyo xaji. ¹⁶ Odoý tigiyuumi jut áñayajpa jém pixiñtam jém dapic icuti#yiyajpa jém Dios inmati. Da jixi#y jém pixiñtam, tsam áñayajpa hasta más icupicyajpa jém migooyi. ¹⁷ Yíp malopic anquímayooyi anpicpa juuts tum malopic puuci tannacyucmi. Jém Hime-neo y jém Fileto jexpigam anquímayooyi inquejajpa. ¹⁸ Jeeyaj ichacyaj jém numapic anquímayooyi. Inquejajpa yíp malopic pixiñtam iga nasneum jém tiempo iga acpisyajtap jém caaneyajw#ip. Imigóyayaj jém icupicneyajw#ip Jesús hasta ictsacpa jém Dios inmati. ¹⁹ Pero da i wiap ictogoy jém wibic anquímayooyi porque Dios ichac tum base wicámne. Jenum jayñeta: “Jém tánŕmi iixpicpa jém im#chipic.” Y jém tunjac jém anmati nimpa iga: “Itumpiy jém inwejpátyajpáppic jém tánŕmi inñiyimi, ichacyajpa iga imalwatpa.”

²⁰ Jém rico iticjom it jém wítampic ch#ma de plata y de oro. Pero ittim jém nasch#ma jém dapic w#i. Jém wibic ch#ma codaytap jém wítampic cosa, pero jém nasch#ma codaytap jém da wibic cosa. ²¹ Siiga tum pixiñ ichacpa iga imalwatpa, jesic tsíypa juuts tum wibic yoxac#wiñ wiap iwat itumpiy wibic cosa juuts ixunpa Dios.

²² Como danam michami odoý cusún#yi jém malopic cosa juuts jém icusúniyyajpáppic jém woñjaychixtam. Seguido cupici jém tánŕmi Jesús. Toyi itumpiy jém pixiñtam. Yoxpaati jém tantiwitam iga odoý áñayajiñ. Jempam iwatyajpa itumpiy jém pixiñtam, jém w#icuáyñew#ip ianama, jém inwejpátyajpáppic jém tánŕmi.

²³ Odoý tigiyuumi jut inçayajpa jém Dios inquímayooyi. Jexpic pixiñtam da jixiyyaj, da iw#icuti#yiyajpa jém Dios inmati. Tanjodon iga siempre ictsucumpa jém pleito. ²⁴ Da w#i iga áñapa jém pastor jém icuyoxapaap Dios. Dios ixunpa iga itóyiñ jém itiwitam, jesic quejpa iga da malo jém ianama. Ixunpatim iga jém pastor iwianquejáy#iñ jém ipixiñtam, chocoymi ininiguñ jém icuyujc#wiñ. ²⁵ Inquejáy#iñtim chocoymi jém icupicneyajw#ip jém migooyi. Porque Dios wiap ichi jixi jém pixiñtam iga ichaguiñ jém migooyi iga icupiguñ jém Dios inmati. ²⁶ Jesic putyajpa jém pixiñtam jém Woc#wiñ ic#jom. Moja icuti#yiy jém numapic anquímayooyi. Porque jém Woc#wiñ imatsne idic, jeeyucmi iwatyajpa idic juuts je ixunpa.

3

Ti iwatyajpa jém pixiñtam jém inñapigam jama

¹ Siip ansunpa iga inw#icuti#yiy#iñ ti miñpa. Cuando núcpa jém inñapigam jama, tsam yaachwataytap jém Dios ipixiñtam. ² Jém malopic pixiñtam natoytap iyaac, da itoypa jém itiwitam, agui icusún#yipa tumiñ, agui nacujítpap, nimpa iga ich agui awiap, imalmalnimáypa i quej, da icupicpa ijatun ni iapa,

da ijspa tum pxiñ iga iwıwadayñe, iwatpa contra jém Dios inqúimayooi. ³ Jém malopic pxiñtam da iwıwadaytooba jém itıwıtam, da iyaachanjampa, agui icujiypa. Tsam imalwatpa juuts ijspa ijixianjom. Tsam bruto. Tsam ijóyxpatım itumpiy jém wıtampic cosa. ⁴ Imalwadáypa jém iamigoyaj. Da imatonpa iga tananjıyjacpa. Nımpa iga ich más awıap. Tsam icusúniypa itumpiy jém malopic cosa. Da itoypa Dios ni uxan. ⁵ Yıp malopic pxiñtam nımanıaayap iga nıma icupicneyaj Dios, pero mıgóypa. Y como da icupicpa Dios, jesic da ipıctonpa jém Dios ipımi iga wıap iwat jém wıtampic cosa.

Odoı waganası jexpic malopic pxiñtam. ⁶ Algunos de jeeyaj, como tsam malo ijıxi, tıgyıyajpa hasta tıcjom iga inmadayajpa jém yomtam jém mıgooyi. Algunos jém yomtam agui cuıxi, da icutiıııyipa, jesic icupicpa jém mıgooyi. Da wıap icutiıııyı porque tsam táncaıy, tsam icusúniypa jém malopic cosa. ⁷ Jém cuıxıpic yomtam siempre icuyjatooba cualquıer anqúimayooi. Pero da wıap icutiıııyı jup jém numapic. ⁸ Wıñıgam jém Moısés iniıt wıstın ienemigo, nıwatıyaj. Tum jém Janes y tum jém Jambre. Jeeyaj tsam imalnımayajpa jém Moısés. Jesaptım sııp, jém malopic pxiñtam nıcyajpa encontra de jém numapic anqúimayooi. Tsam malo ijıxi, da nunca wıap iwat juuts nımpa jém Dios inqúimayooi. ⁹ Da jáypa icuyaj iga imıgóyayajpa jém pxiñtam, porque tsam wıquejpa iga mıgooyi. Jempıctım inıasca jém Janes y Jambre.

Inqúımpa Pablo jém Timoteo

¹⁰ Sııp mich mıTimoteo, inıjodon itumpiy jém ichpic ananqúimayooi. Inıjodon iga ich da ammalwatpa, siempre anıwatpa juuts ixunpa Dios. Inıjodonım iga siempre anıcupicne Dios y ich chocoyımi ananquejáypa jém pxiñtam jém Dios inımatı. Inıjodonım iga tsam antoypa itumpiy jém pxiñtam, da antsacne iga ananmatpa jém Dios inımatı. ¹¹ Mich inıjodon iga jutınquej amalwadayta. Tsam pımi ayaachwatta cuando oy ananmat jém Dios inımatı jém Antioquía, jém Iconio y jém Listra. Jém malopic pxiñtam tsam pımi amalwadáy, pero ich anyaachıy porque tánQımi ayoxpát. ¹² Sııga tantsacpa iga tammalwatpa y tatsıypa juuts jém Jesucristo ipıxiñtam, jesic agui tajóyxıtap, tamalwadaytap. ¹³ Pero it jém malopic pxiñtam nımanıaayap iga ich anıcupicne Dios no más iga wıaıñ tamıgóyáy. Jeeyaj da ichacpa iga imalwatpa hasta más pımi imalwatpa. Imıgóyayajpa itıwıtam hasta iyaac namıgóyayıap.

¹⁴ Pero mich mıTimoteo, seguido cupıci jém Dios inımatı jém mananquejayñewııp porque inıjodon iga da je mıgooyi. Inıjodonım iga wıııc pxiñ jém mıñquejayñewııp jém wıııc anımatı. ¹⁵ Dende mıchıxıñam inııxpıcpa jém Dios inımatı jém jayñetawııp. Yıptım anımatı mıñquejáypa iga Dios mıciacputpa sııga inıcupicpa Jesucristo. ¹⁶ Dios ichı jıxi jém pxiñtam jém ijayñeyajwııp jém Dios inımatı. Wıı para tanıquejáypa jém numapic anqúimayooi, para tanıyıjacpa, para tanımtsacpa, para tawıanıquejáypa iga tanııtpa tum vida numapic, ¹⁷ iga jém Dios ipıxiñtam wııcuyıjne, da ti itogóyáypa, wıap iwat itumpiy jém Dios iyoxacuy.

4

¹ Mıñıacpa yıp naxyucımi jém tánQımi Jesucristo iga icıpıııpa itumpiy jém pxiñtam jém vivopic y jém caaneyajwııp. Mıñpa inıjac itumpiy jém

pixiñtam. Siip miTimoteo, jisi iga jém tanJatun Dios y jém tánQmi Jesu-
cristo miixpa iga síp manañquím ² iga seguido anmadaayi jém Dios inmañi
jém pixiñtam. Odoy wadaayi caso siiga da icupicyajtooba. Anjijyaci jém
imalwatyajpáppic, wogaayi, anquimi iga ichaguñi iga imalwatpa. Chocoymi
nanicyaji con jém wibic añquimayooyi. ³ Porque núcpa jama iga jém pixiñtam
da imatonyajtooba jém numapic añquimayooyi. Icusúniyyajpa jém malopic
añquimayooyi. Jém pixiñtam inwejayajpa jáyan jém maestroyaj. Anuumayajpa
jém inmatyajpáppic migooyi. Porque jém pixiñtam agui iwianjam iga ima-
tonyajpa jém migooyi. ⁴ Ichacyajpa jém numapic añquimayooyi iga imatonyajpa
jém jixquimipic. ⁵ Nawattaji cuenta iga odoy immalwadiñ. Yaachiiyi cuando
mimalwadaytap. Mich michiypa juuts tum Dios inmatciwiñ, jesic anmañi jém
wibic anmañi, wíwati jém inyoxacuy juuts ixunpa Dios.

⁶ Siip ich aitum iga anachiitap para Dios juuts tum sacrificio. Siip núctooba
jém hora iga accaatap. ⁷ Pimi ayoxa. Siip cupacum jém anyoxacuy. Da antsac
iga añcupic jém Dios inmañi. ⁸ Jesic anjodon iga achiiba Dios jém wibic xaja,
jém corona, porque ich anwat juuts ixunpa Dios. Jém tánQmi Cristo jex juuts
tum wibic juez, achiiba jém wibic xaja cuando miñgacpa yíp naxyucmi. Da
no más ichti achiitap, chiitaptim itumpiy jém pixiñtam, jém injócpáppic iga
miñgacpa yíp naxyucmi jém tánQmi Cristo.

Jém Pablo iixtooba Timoteo

⁹ MiTimoteo, miñi aaami jobit. Tsam mánixtooba. ¹⁰ Atsaganput jém
ánamigo Demas. Tsam icusúniypa itumpiy cosa jém ityajwip yíp naxyucmi.
Nic iti jém atebet Tesalónica. Jém Crescente nic iti jém atebet Galacia.
Jém Tito nic iti jém atebet Dalmacia. ¹¹ Tsíy con aich no más jém Lucas.
Jesic miTimoteo, nigí meetsi jém Marco. Namíñi yim. Je wiap ayoxpát.
¹² Ancutsat jém ánamigo Tíquico jém atebet Efeso. ¹³ Jesic mimiñpa, anamiñayyi
jém anyooti jém antsacnewip jém tánamigo Carpo iticciim jém atebet Troas.
Anamiñayitim jém anlibroyaj y odoy jaamanoti jém ampergamino.

¹⁴ Jém Alejandro, jém iwatpáppic jém tinucyuuñ, tsam pimi amalwadáy.
Pero Dios ichiiba castigo. ¹⁵ Cuidado da mimalwadáypatim jém Alejandro.
Porque jém pixiñ tsam iyóyixpa jém Dios inmañi.

¹⁶ Cuando wiñi aquejwadayta, da i ayoxpát iga acupuj. Ich anyaac
anacupujta. Itumpiy jém ánamigoyaj acupóyayyaj. Siip ich anañwejpátpa Dios
iga odoy i ichiiyajiñ castigo jém ánamigoyaj iga acupóyayyaj. ¹⁷ Pero tánQmi
da atsac añcutum, achi ipimi. Jeeyucmi wiq manañmat jém wibic anmañi iga
imatonyaj jém tunzac pixiñtam jém dapic je de Israel. Jempigam jém tánQmi
atop de jém can ijipjom. ¹⁸ Aciacput iga odoy i wiñi acmalwat. Awatpa
cuenta hasta anúcpa siyucmi jut injacpa Dios. Wí iga siempre tanjupitamiñ
jém tanJatun Dios. Amén.

Añquimayajta jém Timoteo con iamigoyaj

¹⁹ Ancutsadáypa watidios jém ánamigoyaj, jém Prisca y jém Aguila y jém
ityajwip jém Onesiforo iticciim. ²⁰ Tsíy jém ánamigo Erasto jém atebet Corinto.
Antsac jém ánamigo Trófimo jém atebet Mileto porque mimne. ²¹ Siiga
miwip miñi yim antes que núcpa jém tiempo de succuc. Siip michiiyajtooba

watidios jém Eubulo y jém Pudente y jém Lino y jém Claudia con itumpiy jém tantiwitam jém ityajwip yim.

²²Jém tánQmi Jesucristo miwaganaittámiñ, mimichtam, miwíwadaytámiñ. Jemun cuyaj.

Jém carta jém ijáyayñewiip Pablo jém Tito

Jém Pablo ijáyáy Tito

¹ Ich aPablo, ancyoxap Dios. Ich acutsat Jesucristo juuts tum apóstol. Dios acupin iga anyoxpádiñ jém Dios ipixiñtam jém icupinneyajwip Dios. Acutsat iga anaquejayyajiñ jém numapic anquímayooyi iga ijodónayajiñ jutpic ijisyajpa Dios, ² iga tananjócpa jém vida jém dapic cuyajpa. Porque Dios tajíycamayñe dende wiñigam, antes que wattap yip nas. Tanjodon iga Dios da migóypa. ³ Siip núcum jém tiempo iga tacjodónap jém wibic anmati. Accámta juuts tum jém Dios inmatciwiñ iga ananmadiñ jém wibic anmati juuts apiimiñe Dios jém taciacputpáppic. ⁴ Siip miTito, manjáyáypa juuts tum mammanic porque tanaitta tumti fe. Siip tanJatun Dios y tánomi Jesucristo, jém taciacputpáppic, miyoxpátpa iga wiñiñ inwat juuts je ixunpa, michiitamiñ jém paz iga odoy ti inchiñ.

Yoxap jém Tito jém isla de Creta

⁵ Mantsac jém lugar Creta iga iniccupaguñ titam itogóyáy jém Dios iyoxacuy, iga iniccamiñ tum cobapic anjagooyi cada atebet iga injaguñ jém Dios ipixiñtam juuts manñimayñe. ⁶ Cupinji tum pixin jém dapic imalwatpa, jém iniiñwip no más tum iyomo. Wi iga jém imanictam icupicayjpatim Dios. Da wi siiga imalwatyajpa. Da wi siiga da cupigóypa. ⁷ Jém injacpáppic Dios ipixiñtam, da wi iga imalwatpa ni uxan porque iwatpa cuenta jém Dios iyoxacuy. Da wi jém pixin jém dapic iwianjam iga tanjixianchiñyapa. Da wi iga tsam jóytero, da wi iga tsam ucpa. Da wi iga tsam cótsóypa. Datim wi iga tsam icusúníypa tumiñ jém dapic imiichi. ⁸ Wi iga icwiguñ jém miñyajpáppic juumi y ichiiba jut monpa. Wi iga itóyiñ jém witampic cosa, iga jixiñ jém pixin. Wi tum pixin jém ichacnewiip jém malopic ijixi, iga wiñiñ wat itumpiy cosa juuts ixunpa Dios. Wi iga nawattaiñ cuenta iyaac iga odoy imalwadiñ. ⁹ Wi tum pixin jém dapic ichacpa jém wibic anquímayooyi jém anquejayñetañwip. Jesic wiap icamamwadáy ianama jém itiwitam con jém wibic anquímayooyi. Wiaptim injiyjac jém anjayajpáppic contra jém Dios inmati iga ichacyajiñ jém migooyi.

¹⁰ Ityay jáyan jém ijóyixyajpáppic jém Dios inmati. Tsam imigóyayyajpa jém itiwitam con jém malopic inquímayooyi. Jém icupicneyajwip idic jém judíos inquímayooyi agui iwianjamyaj jexpic migooyi. ¹¹ Jeeyaj wi iga tananúgáypa ijip porque ictogoyáypa jém wibic ijixi jém Dios ipixiñtam. Inquejáypa jém da wibic anquímayooyi iga imalcoñwíypa jém tumiñ.

¹² Tum profeta de jeeyaj nimpá iga: “Agui migoyyajpa jém Cretapic pixinñtam. Tsam bruto, tsam malo ijixi. Agui wícyajpa. Agui cutiñ, da yoxayajpa.” ¹³ Numa, da migóypa jém pixin. Jeeyucmi wi iga pimi tananquímayajiñ iga iwicupiguñ jém Dios inmati. ¹⁴ Pimi anquímayaji iga odoy iwadayajiñ caso jém migooyi jém ijixquímnewiip jém judíos. Anquímayaji iga ichacyajiñ jém anquímayooyi jém iwatneyajwip jém pixinñtam jém ijóyixyajpáppic jém numapic anmati.

¹⁵ Siiga Dios iwĩtsagáypa ijixi tum p̄ixiñ, jesic ijispa iga itumpiy cosa w̄i. Pero jém dapic wĩtsagayñeta ijixi, jém dapic icupicpa Dios, ijispa iga itumpiy cosa malo. Da wibic j̄ixi iniit ijixianjom, da wĩtsagayñeta jém ijixi. ¹⁶ Jeeyaj n̄imaypa iga iixpicaypa Dios, pero quejpa iga migóypa porque da iwĩwatyajpa juuts ixumpa Dios. Da icupicaypa jém Dios inq̄uímayooyi. Tsam jóyxoyajpa. Da iwatyajpa ni uxan̄ juuts ixunpa Dios. Da wiap̄ iwat ni tum wibic yoxacuy.

2

Jém wibic anquejajooyi

¹ Pero mich miTito, wianqueji jém wibic anq̄uímayooyi. ² Nímaayi jém tsamitampic iga: “Dios ixunpa iga cucacneñ in̄jixi, iga mijixiytamiñ. W̄iwattaami iga miw̄ixyajiñ jém in̄t̄iwitam. Seguido cupici jém tán̄omi Jesús, toyi jém tant̄iwitam, yaach̄iyi cuando miyaachwattap.” ³ Jempictim anquejaayi jém tsamipic yomtam, nímaayi iga: “Dios ixunpa iga in̄wattamiñ juuts jém wibic yomtam jém dapic táñcaiy. Odoy cuȳiyi jém in̄t̄iwitam. Da w̄i siiga tsam miuctámpa. Jesic mich̄iytámpa juuts wibic ejemplo.” ⁴ Anquejayyaji jém mañyomtam iga itóyiñ jém iwidaaya con iman̄ictam. ⁵ W̄i iga j̄ixīiyiñ jém mañyomtam, iga iwatyajiñ juuts jém w̄itampic yomtam, iga iwatyajiñ cuenta jém itic, iga iw̄inanigáyiñ i quej y iga icupiguñ jém iwidaaya iga odoy i imaln̄ímáyiñ jém Dios in̄mat̄i.

⁶ Jempictim anquimi jém woñjaych̄ixtam iga j̄ixīiyiñ. ⁷ Pero miTito, siempre wati juuts ixunpa Dios. Cuando miixyajpa jém impixiñtam iga in̄w̄iwatpa, jesic jempictim iwatyajpa mex jeeyaj. Siip wianquejaayi con itumpiy in̄jixi iga miw̄ixyajiñ jém in̄cuyuc̄iwiñ. ⁸ Siempre wianmat̄i jém wibic anmat̄i iga odoy i miñímáyiñ iga in̄imatpa migooyi. Jesic jém nicyajpápic en contra de taichtam agui tsaap̄. Da wiap tamaln̄ímáy.

⁹ Anquimi jém esclavoyaj, nímaayi: “Cupictaami jém in̄omi. Siempre wattaami juuts mip̄im̄iypa iga miw̄ixiñ. Odoy an̄jibaccuumi. ¹⁰ Odoy cunúmaayi jém in̄omi, pero siempre w̄iwattaami jém in̄yoxacuy iga jém in̄omi miniidáyiñ confianza, jesic w̄ixt̄ap̄ jém Dios inq̄uímayooyi, jém taciacputpaap̄.”

¹¹ Dios tanquejayñe iga tayaachanjampa tantumpiytam. Siip iciacputyajtooba itumpiy jém p̄ixiñtam jut̄in̄quej ȳip naxyucmi. ¹² Cuando t̄an̄ixpa iga tayaachanjampa Dios, jesic tantsacpa itumpiy jém j̄ixi jém dapic iwianjam Dios. Tantsapatim iga tan̄cusún̄iypa jém malopic cosa juuts icusún̄iyyajpa jém ityajw̄ip ȳip naxyucmi. Dios ixunpa iga taj̄ixīiyiñ, iga tatsiytámpa juuts wibic p̄ixiñtam, iga siempre tan̄wattámpa ȳip naxyucmi juuts ixunpa Dios. ¹³ Siip agui tamaymaj ganam tananjóctámpa iga miñgacpa ȳip naxyucmi jém más mijpic Dios ip̄imi, jém Jesucristo jém taciacputpápic. ¹⁴ Iyaac nachiit̄a iga accaata iga tacupujpa de itumpiy cosa dapic w̄i. Tacujicháyay t̄an̄nama iga tatsiytamiñ wibigam tap̄ixiñtam, jém Cristopic tam̄ichitam. Jeeyucmi agui tan̄wianjam iga tan̄w̄iwatpa.

¹⁵ MiTito, anquejaayi jém impixiñtam ȳip w̄itampic cosa. Anq̄uímayaj, wogayyaji jém dapicnam iw̄icupicaypa juuts tum min̄jagooyi. Odoy j̄ici iga i mijóyixiñ.

3

Ti wıap iwatyaj jém icupicnewıip Dios

¹ Acjisi jém impixiñtam iga icupicyajiñ jém gobierno y jém anjagooyıyaj, iga iwatyajiñ juuts ipımıyyajpa, iga ityajiñ listo iga iwatyajpa itumpiy jém wıtampic cosa. ² Nımaayıtım iga odoy i imalnımaıyıñ, iga odoy añayajıñ. Wıı iga iwıixiñ i quej, iga iwınanıgayıñ itumpiy jém pıxiñtam juuts tım pıxiñ ñapic malo.

³ Wiñic taichtam da idic tajixiıyta. Da idic tançupictampa Dios. Tatsıyñeta idic juuts esclavo de itumpiy jém malopic jıxi porque tatogoyñeta idic. Tsam idic tançusunıyapa itumpiy jém malopic cosa. Tsam idic tammalwatpa y tsam tacunaıyóyapa. Tsam tanajóyixtamtap idic. ⁴ Pero jém tanjatun Dios, jém taciaputpáppic, tanquejáy iga tsam tayaachanjamtampa. Tanquejáyıtım iga tsam itoypa itumpiy jém pıxiñtam. ⁵ Jesic Dios taciaputta, pero da porque tsam tanwıwattampa, pero taciaputta porque tsam tayaachanjampa. Tacujicháyaypa tánanama, tanayxetum cuando tacoomaset por medio de jém Dios iAnama. ⁶ Dios tachi iAnama tsam jáyan por medio de Jesucristo jém taciaputpaap. ⁷ Dios tsam tayaachanjampa, jeeyucmı tatsıyım juuts tım wııic pıxiñ, cuáyñewıip ianama. Siip tananjóctampa iga tampictsonpa jém vida eterna juuts tım herencia.

⁸ Yıbam jém numapic anmatı. Wııanquejaayı con itumpiy impımi jém icupicneyajwıip Dios iga seguıdo iwıwatyajpa. Yıp anmatı tsam wıı, tsam tayoxpátpa tantumpıyıtım. ⁹ Odoy tıgıycuumı cuando añayajpa jém cuıxıpic pıxiñtam ni con jém iwatyajpáppic jém lista de jém wiñicpic itıwıtım, jém caaneyajwııppıgım. Datım wıı iga inıñacaaba jém wiñicpic anquımayooyı. Porque jexpıc cosa da ti cuwatcuy, da tayoxpátpa.

¹⁰ Siiga tım pıxiñ icujiñáypa jém Dios ipıxiñtam iga nawécıyajtıñ, jesic anjıyjacı tuncıy hasta wıscıy. Pero siiga da miwadáy caso, jesic quebacputı de mimichtamanjom. ¹¹ Tanjodon iga jexpıc pıxiñ togoyñe iıti, tsam tançayı. Con jeetım itañca nachııtap castigo.

Jém Pablo iıxtooba jém Tito

¹² Siip mıTito, cuando mançutsadáy jém Artemas o jém Tıquico, jesic siiga miwıap, nıgı ameetsı jém attebet Nicápolis. Porque ich anjısne iga jemum apoychıyapa jém tiempo de succuc. ¹³ Cuando nıcyajpa jém licenciado jém Zenas, con jém icompañero, Apolos, jesic yoxpaati con itumpiy titam miwıap iga odoy ti itógoyayajıñ. ¹⁴ Wıı iga jém tantıwıtım icuyujcaıñ iga seguıdo wıyoxaıñ, jesic iniıtıpa titam itogóyáy iga wııaptım iyoxpádóy. Jesic da xaja itıyaj.

Anquımyajtap jém Tito con iamıgoyaj

¹⁵ Itumpiy jém anwaganaitwıip yım micutsadáyapa wıtıdios. Dioschıyajı jém tánamıgoyaj jemıc jut mııt, jém icupicneyajwıip Jesús. Tanjatun Dios miwıwadaytımañ iñfumpıyıtım. Jemum cuyaj.

Jém carta jém ijáyayñewiip Pablo jém Filemón

Jém Pablo ijáyáypa jém Filemón

¹ Ich aPablo, apajnetá jém Jesucristo icuyucmi, con jém tantíwi, jém Timoteo, siip manjáyaytampa miFilemón, mantoytampápic, jém tanwaganayoxapaap. ² Anjáyápatim jém tantíwi, Apia, con jém tancompañero jém Arquipo con itumpiy jém Dios ipixiñtam, jém antuumayajpaap mich iñticiim. ³ Siip tanjatun Dios con jém tánQmi Jesucristo miwíwadaytamiñ, michiitamiñ jém wibic paz iga odoy micintamiñ.

Jém Filemón tsam tóyopa, tsam icupicpa jém Jesucristo

⁴ Siempre anchiiba gracia tanjatun Dios cuando manjspa mimich iganam anwatpa oración. ⁵ Porque ammatone iga tsam iñtoypa jém tánQmi Jesús y tsam inwicupicne. Ammatoneim iga agui iñtoypa itumpiy jém icupicneyajwip Dios. ⁶ Anwagáypa Dios iga seguido ininquejáypa jém icupicneyajwip Dios juuts mich incupicne iga wiañ icutiyyay itumpiy jém wibic cosa, jém tachiñewiip tánQmi Cristo. ⁷ Ich tsam amaymay, da anyápa, porque mich tsam iñtoypa jém tantíwitam. Siip mantíwi, mimich inucuyucmi jém Dios ipixiñtam icamamwatyaj ianama.

Jém Pablo iwápa tum favor para jém Onésimo

⁸ Jeeyucmi, aunque anait derecho iga mampimíypa jém Cristo iñiyimi iga ti wiap inwat, ⁹ más wí iga mancunucáypa iga inwadiñ juuts ich ansunpa porque agui mantoypa. Ich aPablo, ich awidayam, siip apajnetá jém Jesucristo icuyucmi. ¹⁰ Siip mancunucáypa iga inwipictsonñi jém immozo Onésimo cuando núcgaça iñticiim porque tsíy juuts tum ammanic, porque yim jut apajnetá, moj icupic jém tánQmi.

¹¹ Wiñic yíp Onésimo tum esclavo da para ti wí para mimich. Pero siip wí para mimich y wí para aich. ¹² Siip mancutsadáypa eybic, jesic pictsonñi juutstim aich ampictsonpa. ¹³ Ich ansunpa idic iga tsíyñ jém Onésimo con aich iga ayoxpadiñ juutstim mimich iganam apajnetá jém wibic anmatí icuyucmi. ¹⁴ Pero da ti wiap anwat siiga da inwianjam. Siiga anwíwadáypa, da mampimíypa. Wati juuts mich iñxunpa. ¹⁵ Ich animpa iga michaganputne idic tum tiempo jém Onésimo iga impictsonpa eybic iga wiañ inwaganait para siempre. ¹⁶ Dam juuts tum esclavo, pero más que juuts tum esclavo, juuts tum iñtíwi jém tsampic iñtoypa. Ich antoypa, pero mimich tienes que más iñtoypa porque siip miwicuyoxap y tsíytim juuts tum iñtíwi porque icupicpatim jém tánQmi.

¹⁷ Siiga tacompañero, jesic wipictsonñi jém Onésimo juutstim aich mismo. ¹⁸ Siiga mimalwadayñe o siiga mijatsne, jesic ich atseeci, manyojáypa. ¹⁹ Ich aPablo manjáyáypa anciimi así: Ich manyoypa. Pero jisi iga mich mismo anjatsnetim iñyaac. ²⁰ Numa, mantíwi, ayoxpaati porque incupicpa jém tánQmi. Acmaymáya iga odoy anyáguiñ ananamanjom porque Cristo tamichitam.

²¹ Manjáyáypa porque ich anjodon iga mich ancupicpa. Anjodonñim iga más inwatpa que juuts manmíyapa. ²² Manwágápatim iga awitsagaayi tum lugar

jut anúcpa. Porque anjísipa iga Dios mimatónháypa íñoración iga acutsigaytáñ iga eybic nicpa manjójáy.

Anquímtap jém Filemón con jém itiwitam

²³ Micutsadáypa watidios jém Epafras, awagapajnetatim iga icupicpa Jesucristo. ²⁴ Micutsadáypatim watidios jém Marcos, jém Aristarco, jém Demas y jém Lucas, jém anwaganayoꝝayajpaap.

²⁵ Siip jém tánQmi Jesucristo miwíwadaytámiñ mimichtam íñanamanjom. Jemum cuyaj.

Jém carta jém jayñeta wiiip jém hebreopic pixiñtam

Dios icutsat jém iManic yíp naxyucmi iga inmadíñ

¹ Wiñgam Dios ijíyáy watciy jém tanjatunwewetam. Varios forma ijíyáy. Chiita jixi jém wiñcpic anmatciwiñ iga inmadayajiñ jém Dios ipixiñtam.

² Pero siip yíp ocmipic tiempo Dios icutsat iManic iga tanmadáyíñ. Yíptim Dios iManic cupiñta iga imiichap itumpiy jém Dios imiichi. Jeetim iManic iwaganayoxa Dios cuando mu iwatyaj itumpiy cosa jém itwiiip yíp naxyucmi y jém itwiiip siñyucmi. ³ Agui pimi witsocpa jém Dios iManic juutstim jém tanjatun Dios. Jextim ipimi. Jeetim mismo icuwiñ juuts jém tanjatun Dios. Yíptim Dios iManic iniit icijom itumpiy jém Dios iwati iga iwatpa cuenta con Dios inmati jém iniitwiiip ipimi. Jesic cuando yaj tacujicháyáy jém tantañca, nic coñi siñyucmi jém tanjatun Dios itrono inwiciimi.

Jém Dios iManic más mij que jém siñyucmic picixiñ

⁴ Accámta jém Dios iManic juuts tum más mijpic anjagooyi que jém siñyucmic picixiñtam. Ipicsonne jeetim ijatunpic inñiyi y jém ijatun ipimi, jeeyucmi más wiiip que jém siñyucmic picixiñtam. ⁵ Porque Dios da nunca inñimáy ni tum siñyucmic picixiñ:

Mich mamManic. Yíp jama mammanigap.

Datim inñimáy Dios tum siñyucmic picixiñ:

Mich anjatun, ich mammanic.

⁶ Pero cuando Dios inimiñ yíp naxyucmi jém Wiñtipic iManic, nimpa Dios:

Wi iga itumpiy jém siñyucmic picixiñtam ijisyajiñ jém Dios iManic.

⁷ Dios inmatpa de jém siñyucmic picixiñtam cuando nim:

Dios icsetpa jém siñyucmic picixiñtam juuts sawa.

icsetpa jém icuyoxayajpaap juuts tum jucti tsam pimi yótpa.

⁸ Pero Dios inmatpa de jém iManic cuando nim:

Mich miDios. Mich minjagooyi.

Da nunca miputpa iga minjagooyi.

Inñuumanjacpa jém picixiñtam.

⁹ Tsam inñoypa jém wibic jixi.

Tsam inñoyixpa jém malopic jixi.

Jeeyucmi micupin Dios, mich inñDios,

más micmaymáayap que itumpiy jém inwaganasiiyajpaap.

¹⁰ Nintim Dios:

Mich miOmi.

Mich inwat yíp mundo cuando moj iti itumpiy cosa.

Inwatim jém siñ con inçi.

¹¹ Cuyajpa jém siñ y jém nas, pero mich da nunca micuyajpa.

Michiyapa para siempre.

Widáyap jém siñ y jém nas juuts tum yoofti.

¹² Impacspa jém siñ y jém nas juuts tum puctucu.

Injucacpa juuts yooti.
 Pero mich da nunca micucacpa.
 Ni da nunca micuyajpa.

¹³ Dios da nunca iñímáy ni tum sinjucmipic pixiñ juuts iñímáy jém iManic:
 Coñi yim anajwimi hasta que manaccoñwíypa jém iñenemigoyaj.

¹⁴ Jém sinjucmipic pixiñtam tum anama. Icuyoqayajpa Dios. Jeeyaj cutsatya-
 jta iga iyoxpátayajñ jém pixiñtam jém ipictsonyajpáppic jém wibic anmati iga
 ciacputyajtap.

2

Wati cuenta iga da inchacpa jém wibic anmati

¹ Jeeyucmi wí iga más pimi tanwadayámiñ caso jém wibic anmati jém
 tammatoñnewiip iga odooy tantsactámiñ jém wibic tun. ² Wiñigam jém
 sinjucmipic pixiñtam inimiñyay jém wiñicpic anquímayooyi. Tsam wíquejpa
 iga da je migooyi. Jém imalwatneyajwip, jém dapic icupicyaj, chiijajta
 castigo conforme juuts iwat. Siiga chiijajta castigo jém dapic icupicyaj jém
 wiñicpic anquímayooyi, ³ ¿jesic jutsap tanaiiput taichtam de jém mijpic castigo
 siiga da tanwadap caso jém wibic anmati iga Dios wiap taciacput? Jém tánomi
 Jesucristo oy yip naxyucmi iga inmadáy jém pixiñtam jém wibic anmati. Jesic
 ocmi jém imatonneyajwip jém wibic anmati tanmadáypatim taichtam iga da je
 migooyi. ⁴ Dios inquejáytim jém pixiñtam iga numa jém inmati con wati jém
 milagro, jém seña y jém cosa dapic oya tánix. Jém pixiñtam chiijajtatim jém
 Dios iAnama ianamanjom iga waiñ iwatyaj juuts ixunpa Dios. Cada tumtum
 chiitap tunjac yoxacuy juuts iwianjam Dios.

Jesucristo wiap iyoxpát jém ipixiñtam

⁵ Dios da iccámpajém sinjucmipic pixiñtam juuts anjagooyiyaj iga injacpa
 jém jomipic naxyucmi jém miñpáppic, jém siipaap mananmadáy. ⁶ It jut
 jaycámnetá, nimpa:

Manjatun Dios, ¿tiapaap jém pixiñ iga tsam injisa?

¿Tiiga tsam inyoxpátpa jém nayñewiip yip naxyucmi?

⁷ Inchac jém nayñewiip yip naxyucmi juuts da ti wiap, más quetne jém ipimi
 que jém sinjucmipic pixiñtam.

Pero ocmi jém nayñewiip yip naxyucmi chiitap autoridad juuts tum mijpic
 anjagooyi iga injacpa itumpiy cosa jém michpic inwatne.

⁸ Cijunodayñeta itumpiy cosa iga injacpa.

Cuando Dios ichac iga injacpa itumpiy cosa, da i ni tum cosa jém dapic injacpa.
 Pero siip danam quejpa iga injacpa itumpiy cosa. ⁹ Jém Jesucristo tsíy tum
 rato juuts tum pixiñ da ti wiap. Más da wiap que jém sinjucmipic pixiñtam.
 Pero siip tánixpa iga jém tánomi Jesucristo accámta juuts tum mijpic anjagooyi,
 tsam cujíptap porque tsam yaachwattá cuando accaatá cunusyucmi. Agui
 tatoytámpa Dios, jeeyucmi ijic iga accaatá jém Jesucristo para itumpiy jém
 pixiñtam.

¹⁰ Itumpiy cosa jém itwip jém Dios imuchi, je iwati. Ixunpa Dios iga jém
 imanictam iwaganaityajñtim jut wicom, jut it Dios. Jeeyucmi ijic iga tsam
 yaachwadayta jém tumpic iManic iga waiñ iaciaput jém pixiñtam. ¹¹ Jém

Jesucristo iJatun tanJatunjim porque tawitsagayta jem tantanca. Jeeyucmi jem Jesucristo da tsaap cuando tanimaypa iga: Mantiwitam. ¹² Yimpic nim jem Jesucristo:

ManJatun Dios, ananmadaypa jem antiwitam juutspic miDios.

Manwanaypa jem himno jut antuumayajpa jem immanictam.

¹³ Nintim jem Cristo:

Ich tsam ancupicpa iga Dios wiap ayoxpat.

Eybictim nimpa:

Yim anwaganaita jem ammanictam, manJatun Dios, jem anchiifewip.

¹⁴ Tum pixin imanictam jextim imayi y jextim inipiñ. Jesanetim jem Jesucristo, jextim inipiñ y jextim imayi juuts taichtam. Jeeyucmi miñ juuts taichtam iga wiañ ica. Jempigam iccuyajay jem Wocciwiñ ipimi jem wiapaap tacca. ¹⁵ Jempigam iwat iga wiañ iciaputyaj jem pixinñtam jem icinyajpappic iga caaba, porque itumpiy ivida tsinyeyaj idic juuts esclavo. ¹⁶ Porque da oy yip naxyucmi jem Jesucristo iga iyoxpátpa jem sinyucmicpic pixinñtam, pero oy iga iyoxpátpa jem Abraham imanictam, jem Israelpic pixinñtam. ¹⁷ Jeeyucmi tsy jem Jesucristo juuts jem itiwitam, yip naxyucmicpic pixinñtam, iga wiañ iwat jem cobacpic panij iyoxacuy jem Dios iwiñjom. Jem Jesucristo tum panij jem tsampic tayaachanjampa y wiap iccupac titam tajycamayñe. Iccáyaypa jem pixinñtam itanca iga ipictsóniñ Dios. ¹⁸ Tsam yaachwatta yip naxyucmi jem tánomi Jesucristo, tsam cutitsta, jeeyucmi wiap tayoxpátta cuando tacutitstamtap.

3

Más mijpic cargo chiita Jesucristo que jem Moisés

¹ Jesic mantiwitam, jem cuayñewip ininama, micupineta iga michiytampa juuts Dios mimichitam. Siip jistaami jem tánomi Jesucristo, jem icutsatnewip Dios, jem cobacpic panij de jem wibic anquímayooyi, jem tancupicpappic. ² Cuando oy iti yip naxyucmi iccupac itumpiy cosa juuts ixunpa Dios, jem iccámnewip iga iwatpa jem Dios iyoxacuy. Jextim iwat juuts jem Moisés cuando iccupac juuts ixunpa Dios icuwiti jem Dios iticcim.

³ Másim pimi cujítap Jesús que jem Moisés, juuts jem iwatpappic tum tic más cujítap que jem tic jem watnetawip. ⁴ Porque itumpiy ticay pixin iwati, pero Dios iwat itumpiy jem ityajwip. ⁵ Numa jem Moisés iccupac itumpiy cosa juuts ixunpa Dios. Icuyoxa Dios juuts tum mozo icuwiti jem Dios iticcim. Jem Moisés iyoxacuy iga inmatpa jem anmati jem ocmipic inmatpa parejo jem Cristo. ⁶ Pero jem Jesucristo, jem Dios imanic, imichi jem tic. Taichtam jem tatic. Tsam tamaymay siiga seguido tancupicpa y da tantsacpa iga tananjocpa titam tajycamayñe Dios.

Jejyajpa jem Dios ipixinñtam

⁷ Jeeyucmi juuts nimpa jem Dios ininama:

Siiga yip jama immatonpa Dios ijyiyi,

⁸ Odoy camamwati ininama.

Odoy jistaami iga da incupictampa juuts iwatyaj jem wiñicpic pixinñtam cuando tsucumyaj acontra de jem Moisés jem titsinaxyucmi.

Tsam icutitsyaj Dios siiga numa ichiiba castigo.

9 Jemic jém wiñicpic in̄jatun̄wewetam tsam acutítsyajpa, n̄impa Dios. Cuarenta am̄tiy iixyay jém wibic milagro jém an̄wadayñew̄ip.

10 Jeeyucmi an̄jójix jeeyaj, jém ityajw̄ip jesan̄ tiempo.

Siempre jixitogoyyay in̄anam̄j̄om, da nunca iixpicayaj jém antun̄.

11 Jeeyucmi an̄jójixyay jeeyaj y an̄jycámáy iga da nunca tigiyaypa j̄ut w̄ic̄om j̄ut jeeyajpa con aich.

12 Mant̄iwitam, nawattamtaji cuenta iga ni tum de mimichtam odoy iniidiñ jém malopic jixi in̄anam̄j̄om jém mictsacpáppic iga in̄cupicpa Dios jém vivopic. 13 Nan̄químtamtaji con jém in̄t̄iwitam cada jama iganam it tiempo iga odoy mimigóyayiñ jém t̄an̄ca jém itw̄ip in̄anam̄j̄om iga ni tum de mimichtam odoy michiyiñ juuts enemigo con Dios. 14 Siiga seguido tan̄cupicpa iga Dios wiap tayoxpát hasta jém in̄an̄pigam jama juuts cuando moj tan̄cupic, jesic tan̄jodon̄ iga tan̄waganait̄ jém Cristo.

15 J̄istaami junimpa jém Dios in̄m̄ati:

Siiga ȳip jama immaton̄pa jém Dios ij̄iyi, odoy camamw̄ati in̄anama.

Odoy j̄istaami iga da in̄cupictámpa,

juuts iwatyaj jém wiñicpic pixiñtam cuando tsucumyay acontra de jém Moisés.

16 ¿Iapaap jém pixiñtam jém imaton̄neyajw̄ip jém Dios in̄m̄ati, pero ocni tsucumyay acontra de jém Moisés? Jeetim pixiñtam jém itopneyajw̄ip jém Moisés jém naxyucmi de Egipto. 17 ¿Iapaap jém pixiñtam jém tsampic ij̄ójix Dios cuarenta am̄tiy? Jém tsampic imalwatyaj, jém caayajw̄ip jém t̄itsinaxyucmi. 18 ¿Iapaap ij̄ycámáyñe Dios iga da nunca tigiyaypa jém w̄ic̄om j̄ut jeeyajpa con je? Jém dapic icupicyajpa. 19 Jesic tánixpa iga jém wiñicpic pixiñtam da wiā mitigiyayaj jém w̄ic̄om j̄ut jeeyajpa jém Dios ipixiñtam porque da icupicyaj iga Dios wiap iyoxpát.

4

1 Dios tajycámáyñe iga it tum lugar j̄ut nicpa tajeji con je. Jesic iganam tanait jém promesa, w̄i iga tanawattamt̄aiñ cuenta iga w̄iañ in̄t̄igiyta jém w̄ic̄om j̄ut jeeyajpa jém Dios ipixiñtam. W̄ip algunos de mimichtam da mitigiytámpa. 2 Porque taichtam tan̄madaytamt̄atim jém wibic an̄m̄ati iga Dios taciacputpa juuts an̄madayyajt̄a jém wiñicpic pixiñtam. Pero jeeyaj ixajamatonyaj, da iyoxpátayaj jém wibic an̄m̄ati porque da icupicyaj cuando imaton̄yay. 3 Pero taichtam wiap tantigiy j̄ut jeeyajpa jém Dios ipixiñtam porque tan̄cupic ti tanímáy Dios. Jém dapic icupicpa da wiap itigiyayaj. N̄impa Dios:

Tsam p̄imi ajóyñe jeeyucmi an̄jycámáy jém pixiñtam jém dapic acupicyajpa iga da nunca tigiyaypa j̄ut jeeyajpa.

Da ij̄icpa Dios aunque cupacneum jém lugar dende moj it̄i ȳip mundo. 4 It j̄ut n̄impa jém Dios in̄m̄ati:

Jeipa Dios jém sietepic jama cuando cupacneum itumpiy jém iyoxacuy.

5 Eybictim n̄impa jém Dios in̄m̄ati:

Da nunca tigiyaypa j̄ut jeeyajpa con aich.

6 Pero tigiypanam algunos j̄ut jeeyajpa. Pero jém wiñicpic pixiñtam, jém moiw̄ip imaton̄yay jém wibic an̄m̄ati, da tigiyaypa porque da icupicyaj. 7 Jesic

eybic icupiņ Dios tūm jama cuando jém p̄ixiñtam wiap itigiyyaj juť jejjajpa. Siip núcneum jém jama. Nimpa así jém David:

Yíp jama siiga immatontámpa ti nimpa Dios, odoy camamwati iñanama.

⁸ Meega jém Josué wiā mu ininicyaj jém Israelpic p̄ixiñtam juť jejjajpa, jesic da eybic nimpa Dios iga miñpa tunḡac jama. ⁹ Tanjodon iga tsiyñam juť jejjajpa jém Dios ip̄ixiñtam. ¹⁰ Porque cuando tigiypa tūm p̄ixiñ juť jejjajpa jém Dios ip̄ixiñtam, jesic quejpa iga yajum iwat jém iyoxacuy jesanetim juuts Dios jeppa cuando yaj iwat jém iyoxacuy cuando iwat yíp mundo. ¹¹ Jesic w̄i iga tanwattámpa empeño iga tatigiytámpa juť jejjajpa jém Dios ip̄ixiñtam. W̄ip iwatyajpa algunos juuts iwatyaj jém p̄ixiñtam jém dapic icupicyaj titam iñimáy Dios.

¹² Jém Dios in̄mati vivo y tsam in̄iti ip̄imi. Tsam tsupa, más que jém espada jém icudosladopic añmejne. Jém Dios in̄mati tigiypa hasta más jojmi jém p̄ixiñ iqanamanjom y ijixianjom. Tigiypa hasta jém p̄ixiñ ipactopaanjom hasta jém pac ituupaanjom. Tanquejáypa siiga w̄i jém tanjixi o da w̄i. ¹³ Da ĩ ni tūm cosa añnece jém iwatnewiip Dios, je wiap iix. Cuchichayñeta itumpiy cosa, añayñe iga wiap iix Dios. Itumpiy ijodon Dios titam tanwatpa, tienes que c̄ipintap.

Jesús jém más mijpic cobacpic panij

¹⁴ Taich tanaitta tūm cobacpic panij jém más mijpic, je jém Jesús jém Dios iManic. Nic siyucmi jém Dios iwiñjom iga tacupujpa. Jeeyucmi w̄i iga da tantsacpa iga tancupicpa juuts tannimayñe. ¹⁵ Porque tanaitta tūm cobacpic panij tsam tayaachanjampa cuando danam wiap tanwat itumpiy juuts ixunpa Dios, porque tsam yaacha, tsam p̄imi cutitsta jextim juuts taichtam, pero je da nunca tanḡawat. ¹⁶ Jeeyucmi tan̄cunúctampa sin c̄ini juť coñ jém tanJaturj Dios, jém tsampic tatoypa. Je tsam tayaachanjampa taichtam porque agui tawixpa y wiap tayoxpát juchixquej.

5

¹ Itumpiy jém cobacpic panij cupiñneyajta yíp naxyucmi, accámnetā iga ichiiba Dios jém ofrenda y jém sacrificio para jém p̄ixiñtam itāḡca. ² Wiap iyaachanjam jém dapic jixiyyaj, jém togoyñeyajwiip, wiaptim icutiņ. Ijampatim cuando cutitstap. ³ Y como tan̄caiytim jém panij, iccaaba jém animat iga iyoypa jém itāḡca, jempictim iwatpa para jém p̄ixiñtam iga iyojáypa jém itāḡca jém Dios iwiñjom.

⁴ Da ĩ wiap iniccámta iyaac iga panij. Solamente Dios wiap iccám iga panij, juuts iccám jém Aarón. ⁵ Jesanetim jém Cristo. Da naccámta iyaac iga jém cobacpic panij, pero Dios iccám. Nímayta:

Mimich mammanic. Yíp jama mammanigap.

⁶ Juuts nimpa jém tunḡac añeymi, juť jayñeta:

Mich mipanij para itumpiy tiempo.

Da nunca miputpa.

Mijextim juuts jém wiñicpic panij jém Melquisedec.

⁷ Cuando jáy ĩti yíp naxyucmi jém Jesucristo, tsam in̄wejpátpa Dios, iwágáypa iga iyaachanjaamiñ. P̄imi jiyppa, agui wejpa cuando iwágáypa jém wiapaap iciacput cuando accaatap. Matónayta jém Cristo porque iccupacpa juuts iñimayñe Dios. ⁸ Mex iga jém Dios iManic, inyuj iga iyaachíypa cuando

yaachwattap iga más wiap iwat itumpiy cosa juuts ixunpa Dios. ⁹ Jesic yajum iwat jém Cristo itumpiy juuts ixunpa Dios, jesic wiap iciacputyaj itumpiy jém pixiñtam jém icupicneyajwñp. ¹⁰ Dios iccám jém Jesucristo iga cobacpic panij juuts jém Melquisedec.

Acjodónata iga odoy ichaguñ jém Dios inmati

¹¹ Tsam jáyan cosa manañmadaytamtooba de jém Cristo, pero tsam tánca manañmadáy porque mimichtam agui tánca incutiyyiya. ¹² Wiñigam moj inçuyujcata jém Dios inmati. Wiabam idic iga michíyta juuts maestro. Pero siip eybic inxunpa iga minquejaytáñ jém anquímayooyi dapic tánca. Como eybic inçuyujcatooba jém Dios inquímayooyi dapic tánca, mijex juuts tum tsixi jém iucpáppic leche, jém dapic wiap icút wíccuy. ¹³ Jém iucpáppic leche tum tsixi, jex juuts jém dapic icutiyyiypa jém wibic anmati. ¹⁴ Pero jém wíccuy para jém tsamipic, jém wiapaap icutiyyiy jém anquímayooyi, wiap icipin jup jém wibic y jup jém malopic.

6

¹ Jempigam tanwattámpa hasta tanúcpa juuts tum pixiñ jixiyywñp. Da eybic tançuyujcasetpa jém Cristo inquímayooyi jém mojjwñp tançuyujca. Da tanatsucumsetpa eybic jém base. Da eybic tançuyujcaaba jutsap tantsac jém wiñicpic costumbre jém taccaapáppic, porque tantsacneum. Da eybic tançuyujcaaba jutsap tançupic Dios porque tançupicneum. ² Da eybic tançuyujcasetpa jutsap icchiñta jém Dios ipixiñtam, ni jém costumbre cuando jém pastor ichiccunúc ici jém icobacyucmi jém icupicnewñp Cristo, ni jutsap icpisyajta jém caaneyajwñp, ni jém anquímayooyi iga cipiñyajtap jém pixiñtam y chiitap castigo jém dapic cuyajpa. ³ Jempigam tanwattámpa siiga Dios iwianjam.

⁴ Siiga tum pixiñ ipictson jém wibic juctiantsoqa, y ixucneum iga agui wí jém wibic xaja, jém tachiñnewñp Dios, y ipictsonneum jém Dios iAnama, ⁵ agui iwianjam jém Dios inmati y iixñetim iga tsam wí jém Dios ipimi jém miñpáppic tachiiba. ⁶ Siiga eybic cutinpa jém pixiñ, da eybic wiap ichucum. Da eybic icucacpa jém ijixi. Porque jeeyaj iyaac síp icunúñyay cunusyucmi jém Dios iManic, tsam ixaayiyajpa jém pixiñtam iwññjom, ⁷ jex juuts jém nas jém iucpáppic tuj. Siiga wíputpa jém ñipñibooyi, jesic wí para jém pixiñtam jém iyoxacapaap y Dios ichi bendición jém nas. ⁸ Pero siiga chíóypa jém apityaj y jém malopic pim, da para ti wí. Ichíiba castigo Dios, ocmi nooquettap.

Siiga seguido tançupicpa, da i wiap tactsac jém Dios inmati

⁹ Pero mex iga manañmadáypa jempic, mantiwitam, mantoytampáppic, anjodon iga michtam iniñta jém más wibic bendición, jém tachiñnewñp Dios cuando taciacputpa. ¹⁰ Porque numcñipñóypa jém tanjatun Dios. Jeeyucmi da ijaamañnotpa titam inwatneta y iga hasta siip tsam inyoxpátámpa jém inñiwitam jém icupicneyajwñp Cristo porque tsam inñoytámpa Dios. ¹¹ Pero ansuntámpa iga cada tumtum de mimichtam seguido inñiwattamiñ con itumpiy inñanama hasta jém inañpigam jama hasta que iccupacpa Dios titam tajycámayñe. ¹² Da ansunpa iga micutiñatamiñ, pero ansunpa iga inñiwattamiñ juuts jém pixiñtam jém injócyajpáppic titam ijycámayñe Dios. Ipictonyajpa porque seguido icupicyajpa iga Dios wiap iyoxpát. Iyaachiyajpa cuando da jobit cupacpa jém promesa.

13 Cuando Dios ijyicámayñe jém Abraham, iñímáy: “Ich anyaac manjycámáypa anniyimi iga manwíwadáypa.” Da i tunjac más wiapaap, jeeyucmi nímpa: “Ich anniyimi.” 14 Nímpa Dios: “Numa, tsam pími manwíwadáypa. Manchiiba tsam jáyan iñocmanictam.” 15 Jém Abraham tsam iyaachíypa, injócpa hasta que ipictsonjpa titam ijyicámayñe Dios. 16 Cuando jém píxiñtam ijycámpa, nímjay: Wijodios porque ijodon iga Dios más wiap que jeeyaj y wiap ichi castigo siiga da iñuumanmatpa. Siiga i ichacpa Dios juuts tum testigo iga da migóypa, jesic da ti más wiap iñimyaj. 17 Dios inquejáy jém píxiñtam jém ipictsonjapáppic jém herencia iga iccupacpa juuts ijyicámayñe y da nunca icucacpa ijixi. Jeeyucmi iyaac ijycám iga da migóypa. 18 It wisten cosa jém dapic cucacpa, con jeam quejpa iga Dios da migóypa. Jeeyucmi tanaiftámiñ tum wibic maymáyají iganam tanañjócpa iga Dios tayoxpátpa. 19 Yíp esperanza tsíy juuts ancla para jém tánanama, wicámne iga odoy tantsaguñ jém Dios inmati. Tayoxpátpa iga tanúcpa jém Dios iwiñjom, jém puctuctaani iweñtan, jém sinyucmipic masticjom, 20 jut tigiyné jém Jesús por taichtam iga táháyay jém tun. Je tsíy juuts tum panij jém dapic nunca putpa, jextim juuts jém Melquisedec.

7

Jesús cobapic panij jextim juuts jém Melquisedec

1 Yíp Melquisedec rey de jém atebet Salem, jém yucmipic Dios ipanij. Oy jém Abraham iccucaayyaj jém tunjac píxiñtam ireyyaj. Jesic cuando set jém Abraham, jém panij nic ichon tunjom. Inwejpát Dios para jém Abraham iga iwíwadáyíñ. 2 Cuando icoñwíy jém Abraham jut oy áhaji, jesic itobáy jém reyyaj imíchi. Jesic cuando ipát jém Melquisedec, ichi jém décima parte de itumpiy jém itopnewíip. Jém Melquisedec iñiyi nimtooba jém rey jém iwíwatpáppic. Tsíy juuts rey de Salem, taichtam tanañmatími nimtooba jém ijacpáppic jém pleito. 3 Jém Melquisedec da jatuníy ni da aabíy. Datim i ijodon jut tsucum. Da i ijodon juchix nay ni juchix caaba. Jex juuts jém Dios iManic, da nunca putpa iga panij.

4 Jistaami iga agui mijpic cargo iniit jém Melquisedec. Porque jém tanjatunwewe jém Abraham ichi jém décima parte de itumpiy jém itobayñewíip jém reyyaj. 5 Jém Israelpic panijyaj, jém Leví iocmanictam, iniit jém anquímayooyi iga ipictsonjajiñ jém décima parte de itumpiy jém iniitwíip jém itíwítam, jém Israelpic píxiñtam. Jeeyaj ijatunwewetim jém Abraham. 6 Pero jém Melquisedec, mex iga da je jém Leví iocmanic, ipictson jém décima parte jém ichiíwíip jém Abraham. Y ocmi inwejpát Dios iga iwíwadáy jém Abraham. Jeetim Abraham jém iwadayñewíip Dios jém promesa. 7 Quejpa iga jém ichiipáppic bendición iniit más mijpic cargo que jém ipictsonpáppic jém bendición. 8 Yim entre mimichtam, jém ichécápáppic jém décima parte, píxiñtim, caabatim. Pero jut ijaychacne jém Dios inmati, inmatpa de jém Melquisedec juuts tum píxiñ dapic caaba. 9 Wiap tanim iga jém Leví con itumpiy iocmanictam, jém panijyaj, ichiíyajtím jém Melquisedec jém décima parte jeeti rato cuando jém Abraham ichi jém décima parte. 10 Cuando jém Melquisedec nic ichon jém Abraham, jextim juuts jém Abraham iniit imjtayucmi iocmanic jém Leví mex iga danam nayñe.

11 Jém Levitapic panijyaj ichiiyaj jém Moisés inqúimayooyi jém nación de Israel. Levitapic pxiñtím jém Aarón. Jesic meega jeeyaj wiap mu iwítsagayyaj jém pxiñtam itánca, jém icupicneyajwiip jém Moisés inqúimayooyi, jesic da tansunpa iga miñpa tungac panij juuts jém Melquisedec y da jex juuts jém Aarón. 12 Porque cuando cucacum jém panij, tienes que cucacpatim jém anqúimayooyi. 13 Cuando nimpa iga miñpa tungac panij, inmatpa de jém tánomi Jesucristo. Da je levitapic pxiñ. Tungac grupo de jém Israelpic pxiñtam tsucum, jém dapic quemani iccám juuts panij. 14 Porque tsam tanwijodon iga jém tánomi tsucum de jém tribu de Judá. Jém Moisés da inmat iga tsucumpa panijyaj de jém tribu.

15 Tsam wiquejpa iga jomipic panij porque jex juuts jém Melquisedec. 16 Nimpa jém Moisés inqúimayooyi iga tsucumpa jém panijyaj de jém levitapic pxiñtam. Pero yíp jomipic panij da tsucum juuts nimpa jém anqúimayooyi, pero accámta juuts panij porque iniit jém vida jém dapic cuyajpa. 17 Porque inmatpa así Dios de jém tánomi Jesucristo: Mich tum mipanij, da nunca miputpa. Mijex juuts jém Melquisedec.

18 Jesic jém wiñicpic anqúimayooyi cuyajum. Da wiap iyoxpát jém pxiñtam. Da para ti wi. 19 Yíp anqúimayooyi da wiap iwítsagáy ni tum pxiñ itánca. Pero siip núcneum tum pxiñ más wiap. Tananúcpa jém Dios iwiñjom.

20 Dios ijycámayñe iga iccám jém iManic juuts panij. 21 Jém levitapic pxiñtam cuando accámta juuts panij, Dios da tsíy juuts testigo iga accámta. Pero Dios tsíy juuts testigo iga accámta jém iManic juuts panij. Nimpa así jém Dios inmat:

Tanjatun Dios ijycámáy y da nunca icacsetpa ijixi. Nimpa: “Siip manaccám juuts tum panij. Da nunca miputpa.

Mijex juuts jém Melquisedec.”

22 Jeeyucmi tanjodon iga Jesús wiap iccupac jém más wibic trato. 23 Jém tungacpic panij, jém levitapic, tsam anpicayaj, tsam jáyaja. Porque jeeyaj caayajpa, da wiap ichiy seguido juuts panij. 24 Pero Jesús da caaba. Da nunca putpa iga panij, da iccampa tungac. 25 Jeeyucmi wiap iciacputyaj para siempre itumpiy jém icunúyapáppic Dios porque icupicneyaj Jesús. Porque je da nunca caaba. Itpa para siempre iga icupujpa jeeyaj Dios iwiñjom.

26 Yicxpic cobacpic panij wiap tayoxpátta porque tsam iwíwatpa, datim táncaiy, cuáyñe ianama, da jex ijixi juuts jém malopic pxiñtam. Nanicta más yucmi de yíp sin hasta jut it jém tanjatun Dios. 27 Da jex juuts jém tungac panij jém levitapic. Jeeyaj iccaaba cada jama jém animat iga iyojáypa jém pxiñtam itánca. Wiñti iyojpa iyaac jém itánca, ocmi iyojáypa jém pxiñtam itánca. Pero Jesús tunçiy iyojáy jém pxiñtam itánca para siempre cuando ijic iga accaata. 28 Jém wiñicpic anqúimayooyi iccám juuts panij tum pxiñ táncaiywiip. Pero más ocmi de jém wiñicpic anqúimayooyi, jém tanjatun Dios iccupac juuts ijycámne, iccám iManic juuts panij. Iniit itumpiy jém wibic jixi para siempre.

¹ Manañmadáy jempic porque mannímaytamtooba iga tanaitta tum cobacpic panij sinyucmi. Siip coñ jém trono inwimi jut injacpa tanjatun Dios. ² Yíp panij icuyoxap Dios jém wicom jut it jém Dios ipimi, jém nunta mastíc jém iwatnewiip Dios. Da jém pixiñtam iwati. ³ Itumpiy jém cobacpic panij accámayta iga nicpa ichac jém ofrenda y jém sacrificio jém Dios iwiñjom. Jeeyucmi yíp panij tienes que ininicipatim tum ofrenda jém Dios iwiñjom. ⁴ Meega itpa yíp naxyucmi, da wiap ichiy juuts panij porque yim it jém panijyay, wiap nicpa ichacyay jém ofrenda juuts nimpa jém Moisés inquímayooyi. ⁵ Yípyay panijyay icuyoxayajpa Dios yíp naxyucmicpic mastícjom, iforma jex juuts jém nunta mastíc jém itwiip sinyucmi. Tanjodon iga jex juuts tum cuwiñ porque cuando jém Moisés iwat jém puctucmastíc, inímáy Dios: “Wati juuts jém manañquejayñewiip jém cotšicyucmi.” ⁶ Pero siip yíp sinyucmicpic panij ipictson más wibic yoxacuy que jém wiñtipic panij. Siip tacupujpa con jém más wibic trato que jém wiñicpic porque watnetá de acuerdo con jém más wibic promesa.

⁷ Meega jém wiñtipic trato tawitsagáy tantajca, jesic da idic tansunpa tunjac trato. ⁸ Pero Dios iix iga jém wiñtipic trato da wiap iyoxpát jém pixiñtam. Nimpa jut jayñeta jém Dios inmati: Nimpa tanjatun Dios:

Núcpa jama iga anwatpa jém jomipic trato con jém ityajwiip jém naxyucmi de Israel y jém naxyucmi de Judá.

⁹ Yíp trato da jex juuts jém añwadayñewiip jém ijatunweweyaj jém jama cuando ammatšáy ici iga antopyay jém naxyucmi de Egipto.

Pero como jeeyaj da iccupacyay jém wiñtipic trato jém añwadayñewiip, jeeyucmi ich antsactim mex jeeyaj, nimpa Dios.

¹⁰ Yíbam jém jomipic trato jém añwatpáppic con jém nación de Israel cuando núcpa jém jama.

Nimpa así jém tanjatun Dios:

Anaccámpa jém ananquímayooyi jém ijixianjom y anjaycámáypa ianamanjom. Y jém pixiñtam ich aDiosyay.

Y jeeyaj ich ampixiñtam.

¹¹ Cuando núc jém tiempo, da i inquejáypa jém ivecinoyaj ni jém itiwitam iga: Ixpici jém tánomi.

Porque itumpiy jém pixiñtam aixpicayajpa jém xutupic y jém mijtampic.

¹² Añwadáypa perdón iga agui imalwatneyaj.

Da nunca anjšáyypa jém itajca.

¹³ Cuando Dios inmatpa de tum jomipic trato, quejpa iga dam más tayoxpátpa jém pecapic, da jáyñe icuyajpa.

9

Jém naxyucmicpic mastíc y jém sinyucmicpic mastíc

¹ Jém wiñtipic trato iniit jém añquímayooyi jutsap tanjš Dios jém lugar jut it jém Dios ipimi yíp naxyucmi. ² Watta jém puctucmastíc con wisten cuarto. Jém wiñtipic cuarto iniyi jém lugar jut it jém Dios ipimi. Jem it jém nooquejucuy tuncuy, jém mesa y jém caxtánañi jém Diospic imiichi. ³ Iweñtan de jém tunjac puctuctaani it jém tunjac cuarto iniyi jém lugar jut núcpa Dios. ⁴ Jem it tum

altar de oro jut nootap jém poma. Ittim jém baúl jut tsacta jém wiñtipic trato. Cutsitneta icumij jém baúl con oro. Jém baúljom it tum xanu de oro jut cotta jém wiccuy, jém maná. Jém baúljom ittim jém Aarón iwaycuy jém anñayñewiip y jém tsaatbla jut jayñeta jém diez anquímayooyi jém wiñtipic trato. ⁵ Jém baúlyucmi it wisten jém sajiywüip, jém querubines. Tanquejáypa iga jemum it Dios. Jemum núcpa jém Dios ichoça. Itimne ixaj, icujimne jém lugar jut tsactap jém sacrificio jut yoyatap jém pixiñtam itañca. Pero süp da i tiempo iga manwianmadáypa itumpiy yípyaj cosa.

⁶ Jesic cuando wítsacne itumpiy cosa así, seguido tigiyajpa jém panijyaj jém wiñtipic cuarto iga iwatyajpa juuts nimpa jém wiñtipic anquímayooyi. ⁷ Pero jém tunjac cuarto, no más jém cobacpic panij wiap itigiy. Cada amtiy tigiyapa tunçiy. Da wiap itigiy sin nüpiñ iga iyojpa jém itañca, ocmi iyojáypatim jém pixiñtam itañca. ⁸ Jempigam tanquejáy jém Dios iAnama, iganam it jém wiñtipic puctucmastic, danam quej jém tun hasta jut it jém tanjatun Dios, jém lugar cuáyñewiip. ⁹ Itumpiy yípyaj cosa tsíy juuts tum ejemplo para süp. Jém ofrenda y jém sacrificio jém chiñetawüip Dios da inuntawítsagáy jém pixiñtam itañca jém iwatnewiip jém sacrificio iga cuáypa ianama. ¹⁰ Jém sacrificio y jém ofrenda je nada más asunto de wiccuy y niccuy y jutsap icheeyaj imijtay según jém wiñtipic costumbre hasta que Dios icjoomasetpa itumpiy cosa.

¹¹ Pero süp miññeum jém Cristo, jém cobacpic panij. Imüchi itumpiy jém más wibic cosa, jém miñpáppic. Yíp mastic jut yoxap jém Cristo más witi y más wibic. Da je jém pixiñ iwati, da je yíp naxyucmipic. ¹² Tigiy tunçiy jut it Dios para siempre. Da ininic jém chivo inüpiñ ni jém becerro inüpiñ, pero iyaac ininic jém inüpiñ iga iyojáy jém pixiñtam itañca iga ipictsonyajiñ jém vida jém dapic cuyajpa. ¹³ Jém becerro inüpiñ y jém chivo inüpiñ cuxicstap jém pixiñtam iga cuáyñ jém imijtay. Jém becerra icuyjam, jém noonetawüip jém altaryucmi, cuyintap jém pixiñtam iga cuáyñ jém imijtay. Jém nüpiñ y jém cuyjam iyoxpátpa jém pixiñtam iga cuáyñ jém imijtay según jém costumbre. ¹⁴ Pero más wí jém Cristo inüpiñ. Porque jém Dios iAnama, jém dapic cuyajpa, iyoxpát jém Cristo cuando iyaac nachiñta juuts sacrificio sin tñca. Jém inüpiñ tacujicháyapa tánanama iga da más tanjspa jém wiñtipic anquímayooyi, jém dapic tayoxpátpa. Süp wiap tançuyoxa jém vivopic Dios.

¹⁵ Jeeyucmi jém Cristo wiap tacupuj con jém jomipic trato. Ichiiba jém vida jém dapic cuyajpa itumpiy jém icupiñneyajwüip Dios juuts ijycámayñe. Wiap iwat jempic porque accaata iga iyojáy itumpiy jém pixiñtam itañca, jém dapic wiap iwítsac jém wiñtipic trato. ¹⁶ Siiga tum pixiñ iwatpa trato con imanic iga ichiiba itumpiy jém jeepic imüchi cuando caaba, jesic tienes que ixtap iga caaneum. Ocmi jém imanic wiap ipictson titam ijycámayñe. ¹⁷ Tum trato da inij ipimi siiga danam caane jém iwatnewiip jém trato. Pero cuando caaneum jém pixiñ, jesic iniiitum ipimi jém trato. ¹⁸ Jeeyucmi accaayajta jém animatayaj iga con inüpiñ iniiidiñ ipimi jém wiñtipic trato. ¹⁹ Cuando jém Moisés yaj inmadáy jém pixiñtam itumpiy jém anquímayooyi, ipic jém becerro inüpiñ con jém chivo inüpiñ, inimot con ni. Ipic jém hisopo inçis, ichen con jém tsabatpic lana, icot nüpiñjom, con jeam icuxics jém toto jut jayñeta jém anquímayooyi. Icuxicstim itumpiy jém pixiñtam. ²⁰ Iganam iwatpa jempic jém Moisés, inímáy jém pixiñtam: “Con yíp nüpiñ quejpa iga jém trato iniiit

ipimi jém Diospic tawadayñe para taichtam.” ²¹ Jém Moisés icucicstim con jém n̄ipiñ jém puctucmastic y itumpiy jém traste jut ijisyajpa Dios. ²² Porque n̄impa jém wiñicpic anquímayooyi iga casi itumpiy cosa tienes que cuáypa con jém n̄ipiñ. Siiga da itegáypa jém n̄ipiñ, jesic da i imatoháypa jém itánca.

Accaatā jém Cristo iga tajojáy tantánca

²³ Jeeyucmi ixunpa jém sacrificio iga cuáyiñ jém cuwiñ de jém cosa jém itw̄ip s̄nyucmi, pero jém s̄nyucmicpic cosa ixunpa más w̄ibic sacrificio que jém watnetaw̄ip ȳip naxyucmi. ²⁴ Jesic cuando jém Cristo tajojáy tantánca, da iwat ȳip naxyucmicpic masticjom jém iwatnew̄ip jém p̄ixiñtam. Porque jém puctucmastic nada más tum cuwiñ de jém nunta mastic jém itw̄ip s̄nyucmi. Pero tigi y jém Cristo s̄nyucmi, icunúc jém tanjatun Dios iwiñjom iga tacupuja. ²⁵ Da tigi y jém s̄nyucmicpic masticjom iga iwatpa watci y jém sacrificio juuts jém cobacpic panij iwatpa cada amt̄iy con jém n̄ipiñ dapic im̄ichi. ²⁶ Porque siiga da w̄iap iwat tun̄ci y jém sacrificio, jesic tienes que watci y accaatap jém Cristo dende watta ȳip mundo. Pero da iwat jempic. Siip cuando núctooba jém in̄an̄pigam jama wiñquej jém Cristo. Iyaac nachiita iga accaatā iga iccáyáypa jém p̄ixiñtam itánca. ²⁷ Dios ichac iga tun̄ci y caaba itumpiy jém p̄ixiñtam y ocmi c̄ip̄intap, chiitap castigo jém malopic. ²⁸ Jesanetim tun̄ci y nachiita jém Cristo iga accaatā iga iccáyáypa jáyan jém p̄ixiñtam itánca. Ocmi wiñquejpa eybic ȳip naxyucmi jém Cristo. Dam miñpa iccáyá y jém p̄ixiñtam itánca, miñpa iciacputyaj jém injócneyajw̄ip.

10

¹ Jém Moisés inquímayooyi juuts tum cumuñci de jém w̄ibic cosa jém miñpáppic. Da nunta n̄uma jém cosa jém miñpáppic ocmi, jém anquímayooyi no más tum cuwiñ. Jém Moisés inquímayooyi da w̄iap iw̄itsagáy jém p̄ixiñtam itánca jém icunúcneyajw̄ip Dios con jém sacrificio jém iwatyajpáppic cada amt̄iy. ² Meega jém anquímayooyi w̄iap iciacput jém p̄ixiñtam, jesic da eybic iwatyajpa jém sacrificio porque una vez w̄itsacnetawum itánca jém iwatneyajw̄ip jém sacrificio, da más ijanpa iga t̄an̄caíy. ³ Pero cuando iwatyajpa jém sacrificio cada amt̄iy, ijisyajpa iga t̄an̄caíy. ⁴ Porque jém toro iñ̄ipiñ y jém chivo iñ̄ipiñ da nunca w̄iap iccáyá y jém p̄ixiñtam itánca.

⁵ Jeeyucmi cuando miñ ȳip naxyucmi jém Cristo, iñ̄imáy tanjatun Dios: Mich da in̄w̄ian̄jam jém sacrificio ni ofrenda.

Pero anchi jém amm̄jtay iga accaatap.

⁶ Datim in̄w̄ian̄jam iga nooquettap jém an̄imat jém altaryucmi ni jém sacrificio iga accáyayt̄aiñ jém p̄ixiñtam itánca.

⁷ Jesic ocmi anim:

“Yim aif iga an̄watpa juuts mich in̄w̄ian̄jam, man̄jatun Dios, juuts jayñeta jém librojom de aich.”

⁸ Wiñti n̄im jém Cristo iga: “Mich da in̄w̄ian̄jam jém sacrificio, ni ofrenda, ni jém an̄imat nooquettapaap jém altaryucmi, ni jém sacrificio iga accáyayt̄aiñ jém p̄ixiñtam itánca.” Mex jém wiñicpic anquímayooyi ip̄m̄iypa jém p̄ixiñtam iga iwatyajiñ. ⁹ Ocmi n̄imtim jém Cristo: “Ich amiñ yim iga an̄watpa juuts mich in̄w̄ian̄jam, man̄jatun Dios.” Ȳip n̄imtooba iga Dios iccáyá y jém wiñtipic,

iccámpa jém ocmipic. ¹⁰ Cristo ijíc iga accaatá tuñciy para itumpiy jém pixiñtam. Jeeyucmi Dios tacujicháyáy tánanama.

¹¹ Itumpiy jém Israelpic panijay iwatyajpa cada jama jém masticjompic yoxacuy. Seguido iwatyajpa jeetim sacrificio, mex da nunca wiap iccáyáy jém pixiñtam itánca. ¹² Pero jém Jesucristo tuñciy ijíc iga accaatá iga iyojáy jém pixiñtam itánca para siempre. Jesic ocmi nic coñi jém Dios inwimi. ¹³ Jemum síp injóc hasta que Dios icoñwíypa jém ienemigoyaj. ¹⁴ Tuñciy chióy imijtay juuts ofrenda iga accaatá jém cunusyucmi iga iwítsagáy jém pixiñtam itánca iga iccuáyáy ianama para siempre. ¹⁵ Jém Dios iAnama tanmadáytim jempic porque nímpa:

¹⁶ Ocmi ich anwatpa tuñgac trato con jeeyaj cuando núcpa jém tiempo. Nímpa Dios:

Anaccámpa jém ananquímayooyi jém pixiñtam ianamanjom.

Anjaycunúcpa ijixianjom.

¹⁷ Nímtim Dios:

Da nunca anjísáypa jém pixiñtam itánca, da nunca anjísipa iga agui imalwatne.

¹⁸ Cuando tawadayñetawum perdón jém tantánca, da eybic ixunpa Dios iga tanwatpa sacrificio iga tanoyjpa jém tantánca.

Wí iga tançunúctamiñ Dios

¹⁹ Jeeyucmi mantiwitam, siip da taciñpa. Wiap tantigiy jém Lugar Cuáyñewiip, jut it Dios, porque jém Jesucristo itegáy iñiipiñ para taichtam.

²⁰ Siip tanait jém jomipic tuñ, jém vivopic, jut wiap tantigiy jut it Dios. Porque Cristo ígáy jém puctuctaañi iga wiañi tannas jém iweñtan. Jém puctuctaañi nímtooba jém Cristo imijtay cuando accaatá. ²¹ Tanait tum mijpic tampanij, jém cobacpic, injacpa jém Dios iticmi icutero. ²² Jeeyucmi wiap tançunúcta Dios con tum wibic tánanama, tannuntawícupicpa Dios. Tacujicháyayñetawum tánanama iga da más tanjísipa jém tantánca. Tacut-seayñetawum jém tammijtay con jém wibic ni. ²³ Seguido tannanjóctámpa iga Dios taciaputtámpa. Da tantsactámpa iga tançupictámpa porque Dios iccupacpa juuts tajycámayñe. ²⁴ Wí iga tammétstámiñ jutsap tanayoxpáttamta con jém tantiwitam iga tanatoytamtaiñ, iga tawiwadaytámiñ i quej. ²⁵ Da tantsactámpa iga tançuamatámpa con jém tantiwitam juuts iwatyajpa algunos jém dapic anjuumayajpa. Wí iga tananquímtamtap iga tanwattámiñ juuts ixunpa Dios y más siip porque quejpa iga dam jáyñe miñpa jém tánomi.

²⁶ Siiga inwianjam iga seguido inwatpa tánca cuando inwijodonj jém numapic anquímayooyi, dam i tuñgac sacrificio iga miyojáypa iñtánca. ²⁷ Tsíy no más jém mijpic castigo jém tsampic iyaachwatpa ienemigoyaj juuts ijyacunúcne Dios, yajpa iccucaáy jém juctjom jém aguipic yótpa. ²⁸ Wiñigam siiga tum pixiñ da iwatpa juuts nímpa jém Moisés inquímayooyi, siiga it wisten o tucuten testigo iwiñpacchiiba, jesic jém pixiñ accaatap, da i iyaachanjampa. ²⁹ Jistaami iga tsam mijpic castigo ichiiba Dios tum pixiñ siiga nímpa iga da ti cuwatcuy jém Dios iManic, y siiga tsam ijóyixpa jém Cristo iñiipiñ de jém jomipic trato, jém iccuáyñewiip jém pixiñ ianama. Chiitaptim mijpic castigo siiga i imalnímáypa jém Dios iAnama jém tanquejaypáppic iga tsam tayaachanjampa Dios. ³⁰ Tánixpicpa jém nimnewiip: “Ich anait derecho iga antségáypa jém malopic pixiñtam itánca, ich anacyojpa iga imalwatyaj.” Nímtim: “Dios icipiñpa jém ipixiñtam.” ³¹ Cñi iga micutinpa jém vivopic Dios icijjom.

32 Pero jistaami jém jama jém nasnewiip cuando mimichtam yaguiñ impictson̄ta jém juctian̄tsoca. Tsam micutítstam̄ta. Iñyaachiyta cuando iññascata jém miipic yaachaji. 33 Algunos de mimichtam tsam mimalnámaytam̄ta y mimalwadaytam̄ta jém p̄ixiñtámanjom. Miwagayaach̄atim con jém iñamigoyaj cuando iñascayaj jempic. 34 Mimichtam, tsam iñyaachanj̄amta jém pajneyajtaw̄iip. Da miñyácneta cuando miccáyaȳta jém iñtic o itump̄iy jém iniitw̄iip, numa agui mimaymaytam. Porque iñjodon̄tam iga iniifta jém tsam w̄itampic cosa siñyucmi jém dapic nunca cuyajpa. 35 Mimichtam tsam iñjisa iga Dios w̄iap miyoxpát, jesic odooy tsaci iga iñjisa jempic porque siiga seguido iñjisa jempic, impictson̄pa tum w̄ibic coñwiyooyi. 36 Yaachiytaami iga in̄wattampa juuts ixunpa Dios iga impictson̄tampa titam tajycámayñe. 37 Nimpa jém Dios in̄mat̄i:

Da jáyñe miñpa jém miñpáppic.

Da táncaap.

38 Jém an̄witsagayñew̄iip itánca iniit jém vida porque acupicne, nimpa Dios.

Pero el que ichacpa iga acupicpa, aich da an̄wianjam.

39 Pero taichtam da tajex juuts jém setpáppic ituuñian̄cim, jém nicpáppic jut ipictson̄pa jém castigo. Taichtam seguido tan̄cupicpa Dios iga da togoypa jém tánanama.

11

Jém wiñicpic p̄ixiñtam jém tsampic icupicyajpa Dios

1 Siiga tanait fe, tan̄cupicpa Dios, tannuntaw̄ijodon̄ iga tampictson̄pa titam tananjócn̄e. Tanjodon̄tim iga numa tachiiba Dios jém cosa jém dapic tánixñe.

2 Jempictim iwatyaj jém wiñicpic p̄ixiñtam, Dios iw̄ixyay porque tsam icupicyaj.

3 Como tanait fe, tanjodon̄ iga Dios iwat itump̄iy cosa jém itw̄iip naxyucmi y siñyucmi. Ipiim̄iy iga idiñ, jesic itum. Dios ipic jém cosa jém dapic i w̄iap iix iga iwatpa jém cosa jém w̄iapaap tánix.

4 Como tsam iniit fe, jém Abel agui icupic iga Dios w̄iap iyoxpát, jeeyucmi ichi más w̄ibic ofrenda que jém ichiwiip jém Cain. Quejpa iga w̄ibic p̄ixiñ porque Dios iw̄ipictson̄áy jém iofrenda. Mex caane jém Abel, hasta siip in̄matpa iga tsam icupic Dios.

5 Como tsam iniit fe, jém Enoc icupic Dios. Siwiñ nanicta, da ca. Dam i ipát porque Dios inin̄ic. Nim jém Dios in̄mat̄i: “Antes que nanictap jém Enoc, iwat juuts Dios ixunpa.” 6 Pero da i w̄iap iwat juuts ixunpa Dios siiga da iniñ fe, siiga da icupicpa iga Dios w̄iap iyoxpát. Jém icunúcpáppic Dios tienes que icupicpa iga it, y iga Dios ichiiba jém w̄ibic coñwiyooyi jém p̄ixiñtam jém imétsyajpáppic.

7 Como tsam iniit fe jém Noé, cuando Dios icjodón̄a iga miñpa jém cosa jém dapicnam quemam tánix, como tsam c̄iñ, iwat tum barco iga iciacputyajpa jém iyoymo y jém ichixtam. Con jeetim fe, jém iniitw̄iip jém Noé, ichiiba castigo itump̄iy jém ityajw̄iip yíp naxyucmi. Jeeyucmi Dios ipictson̄ jém Noé juuts tum w̄ibic p̄ixiñ porque icupic iga Dios w̄iap iyoxpát.

8 Como tsam iniit fe jém Abraham, cuando in̄wejáy Dios, icupic, nic tum lugar jut Dios ijycámayñe iga ichiiba. Put de jém iticmi, aunque da ijodon̄

juṭ nicpa. ⁹ Como tsam iniit fe jém Abraham, nic iti como tum juumipic pixiñ jém tunḡac naxyucmi jém Diospic ijiycámayñe. Jáy iti con jém Isaac y Jacob jém puctucticjom. Jeeyaj ipictsonyafim jeetim promesa. ¹⁰ Porque jém Abraham tsam injócpa jém atebet jém wíwatnewiip, jém iniitwíip wibic base, jém arquitecto y jém iwatnewiip Dios mismo.

¹¹ Como tsam iniit fe jém Sara, icupicpatim. Tsami jém yomo, nasneum itiempo iga manigiypa, pero Dios iyoxpát iga manigiyiñ. Icnay tum jaychixi porque icupic iga Dios iccupacpa juuts ijiycámayñe. ¹² Jém Abraham tsam wiḡaya, caatoobam, pero núc iga iniit tsam jáyan imanictam juuts jém maṡsa, jém itwíip siṅyucmi, y juuts jém pooy, jém itwíip jém lamar anḡaca, da wiap tammay.

¹³ Itumpiy jém wiñicpic pixiñtam, jém icupicneyajwíip Dios, caayaj. Da iixyaj jém promesa jém ijiycámayñewiip Dios iga ichiiba. Pero como tsam iniit fe, icupicyaj, juumi iixyaj jém promesa. Tsam maymayyaj cuando iixyaj iga miñpa. Inímayyaj iga: “Ich da yñmpic apixiñ. Ich juuts awidaḡnaxi yip naxyucmi.” ¹⁴ Cuando nemyaj jempic, tsam wíquejpa iga imétsyajpa tunḡac nas jém imiichipic. ¹⁵ Meega ijiisyaj jém naxyucmi juṭ tsucumyaj, wiap ixetyaj eybic jemc. ¹⁶ Pero ixunyajpa tum wibic naxyucmi, tum siṅyucmic lugar. Jeeyucmi da tsaap jém tanḡatun Dios cuando nimpa: Michtam anDios. Porque iwítsagáy tum atebet para jeeyaj.

¹⁷ Como tsam iniit fe jém Abraham, cuando cutítsta, inimiñ jém Isaac iga iccaaba juuts tum sacrificio. Iccaaba idic jém tumpic imaníc mex Dios ijiycámayñe iga nay jém tsixi. ¹⁸ Nímayta jém Abraham iga por medio de jém imaníc Isaac, tsam anpicpa jém immanictam. ¹⁹ Jém Abraham iwíjodon iga Dios wiap icpis jém caaneyajwíip. Y como da ijíc Dios iga iccaaba jém imaníc, wiap tanim iga jém Abraham eybic ipictson imaníc juuts tum acpisnetawíip de juṭ it jém caaneyajwíip.

²⁰ Como tsam iniit fe jém Isaac, icupic iga Dios wiap iyoxpát. Jeeyucmi ijiycámáy imanictam jém Jacob y Esaú iga núcpa jama iga iwíwadáypa Dios. ²¹ Como tsam iniit fe Jém Jacob, icupic iga Dios wiap iyoxpát. Cuando caatooba ijiycámáypa cada tumtum jém José imanictam iga iwíwadáyñ Dios. Teñchucum con ibaston jém wiḡaya iga inḡejpátpa Dios. ²² Como tsam iniit fe jém José, icupic iga Dios wiap iyoxpát, jesic antes que caaba inímáy jém Israelpic pixiñtam iga ocmi putyajpa jém naxyucmi de Egipto. Piñmíyyajta iga itajquímáyñ ipac cuando putyajpa.

²³ Como tsam iniit fe jém Moisés ijatun con iapa, icupicyaj iga Dios wiap iyoxpát. Cuando nay jém tsixi, inec tres meses porque iix iga tsam wibic tsixi. Da icinḡajpa jém orde, jém reypic ichiñe. ²⁴ Como tsam iniit fe jém Moisés, icupic iga Dios wiap iyoxpát, jesic cuando pixiññam, da ijíc iga imanigap jém Faraón iyommaníc. ²⁵ Más iwianjam iga yaachwattaiñ con jém Dios ipixiñtam que iga maymáyp tum rato iga iwatpa juuts iwianjamyaj jém malopic pixiñtam. ²⁶ Ijis iga vale más iga yaachwattap jém Cristo icuyucmi que iga ipictsonpa itumpiy jém rizeza jém itwíip Egipto porque iix tum tsam wibic coñwiyooyi jém Diospic ichiiba. ²⁷ Como tsam iniit fe jém Moisés, icupic iga Dios wiap iyoxpát, jeeyucmi put de jém naxyucmi de Egipto. Da icin jém Egiptopic rey iga agui jóyñe. Seguido iwatpa juuts inímáy Dios, juuts jesic iixñe jém Dios jém dapic tánixpa.

²⁸ Como tsam iniit fe jém Moisés, icupictim iga Dios wiap iyoxpát. Iwat jém pascuasij. Ipiimíy jém ipixiñtam iga icuxicsyajpa jém tic ipuerta con nipiñ iga cuando naspa jém sinyucmicipixiñ, jém accaoypaap, da iccaaba ni tum jém Israelpic pixiñ icoponmanic. ²⁹ Como tsam iniityaj fe jém Israelpic pixiñtam, icupicyaj iga Dios wiap iyoxpát. Widanjacyajpa jém tsabats lamar juuts titsinaxyucmi. Pero cuando jém Egiptopic pixiñtam nasyajpa idic, jemtím jicjccayaj.

³⁰ Como tsam iniityaj fe, jém Israelpic pixiñtam icupicyaj iga Dios wiap iyoxpát, jesic siete jama icuwitxetyaj jém atebet Jericó, ocmi cujegáy jém tsaataañi. ³¹ Como tsam iniit fe jém yomo Rahab, jém pejoypáppic idic, icupic iga Dios wiap iyoxpát. Da iwaganaca jém dapic icupicyaj, porque iñec jém wisten jém Israelpic pixiñ jém icuixyajwiip jém naxyucmi de Canaán.

³² ¿Tí más wiap annim? Da anaj tiempo iga anajmatpa de jém Gedeón, jém Barac, jém Sansón, jém Jefté, jém David, jém Samuel y jém wiñicpic profetayaj. ³³ Como tsam iniityaj fe, icupicyaj iga Dios wiap iyoxpát. Jesic icoñwiyaj jém tungac naxyucmi, iwianjacyaj jém Dios ipixiñtam, ipictsonyaj jém promesa jém ijycámayñewiip Dios, inñuc jém can ijip. ³⁴ Icpich jém juuti jém tsampic yótpa, cinputyaj iga accaayajtap con jém espada, chiita pimi jém dapic iniñ ipimi, tsam iniityaj ipimi cuando añayajpa, ichicoypa jém soldado jém tungac naxyucmicipic. ³⁵ Algunos jém yomtám ipictson eybic imaníc jém caanewiip idic, acpisyajtawum.

Tungac jém Dios ipixiñtam matsta, tsam yaachwattá hasta accaata algunos. Y como da inñépa iga icupicpa Dios, da i icutsigáypa. Iwatpa así iga ipictsonyajpa tum más wibic vida cuando pisyajpa jém caaneyajwiip.

³⁶ Tungac más tsam saayiyta, tsam cótsta, tsentá con cadena, cottá cárcel.

³⁷ Tungac tsaanáscata, wiganajajta icucmi con sierra, accaata con espada. Algunos oyyaj yim jeexic. Iccámneyaj jém borrego icuero y jém chivo icuero. Tsam yaachayaj. Tsam yaachwattá. Agui anyácneyaj iga tsam malwadayta. ³⁸ Yip pixiñtam vale más jém Dios iwiñjom que jém dapic icupicyajpa Dios. Jáy siiyaj jém titsinaxyucmi y jém cotsiganjo. Ityaj jém tsaajosjom y jém nasjosjom. ³⁹ Ni tum de jeeyaj da ipictson jém ijycámayñewiip Dios mex icupic iga Dios wiap iyoxpát porque tsam iniityaj fe. ⁴⁰ Porque Dios tajispatim taichtam iga tachiiba tum más wibic cosa. Da iwíwadáypa jeeyaj hasta que tawíwadáypatim taichtam con jeeyaj.

12

Cotstap jém Dios imanictam iga más iwíwatyajiñ

¹ Jeeyucmi wí iga tantsacpa jém tantánca jém tsampic tacmalwatpa. Wí iga tanyaachíyíñ itumpiy cosa iga tanjwattámpa juuts ixunpa Dios porque tánix iga jáyan jém wiñicpic pixiñtam agui icupicneyaj iga Dios wiap iyoxpát juuts tacuwoyxetne jém ucsi. ² Wí iga tánámmatspa jém Jesús jém tachiipáppic jém fe. Tsam tayoxpát cuando moj tancupic Dios y seguido tayoxpátpa hasta tanacupa. Tsam maymay jém Jesús iga yaachwattá cunusyucmi porque ijodon iga asíam icoñwíypa jém ienemigoyaj. Da tsaap iga accaata juuts tum malopic pixiñ. Ocmi nic coñi jém Dios itrono inwimi. ³ Jistaami iga agui iyaachíy jém Jesús cuando iyaachwatyaj jém malopic pixiñtam. Jeeyucmi manímáypa: Odoy sopstaami iga injwattámpa juuts ixunpa Dios,

odoy tsactaami iga inçupicpa Dios. ⁴ Numa tsam pimi minatámpa contra jém tança, pero hasta siip danam mictégáy inñipiñ. ⁵ ¿Que injaamanotneta iga Dios minquim juuts mimanic? Nimpa así jém Dios inmati jut jayñeta:

Mammanic, odoy jóycái cuando micótspa jém injatun Dios.

Yaachiyi cuando michiiba castigo iga inçupiguiñ.

⁶ Porque jém tanjatun Dios inuumanquimpa jém itoyyapáppic.

Ícótspa itumpiy jém ipictsonpáppic juuts imanic.

⁷ Yaachiytaami mimichtam cuando inñascaaba jém yaachaji. Asíam minquejáypa Dios iga inwíwadiñ. Miwixpa Dios juuts tum mimanic. ¿Que it tum tsixi da icótspa ijatun? ⁸ Pero siiga Dios da micótspa juuts inascaaba itumpiy jém imanictam, jesic da je Dios mimanic. Michiypa juuts mipejpen.

⁹ Yip naxyucmipic tanjatun tacótspa, pero da tajóypa, tanwixpa. Jesic más wí iga tançupicpa jém anjatun Dios jém dapic tánixpa, jesic tanaitpa jém vida.

¹⁰ Yip naxyucmipic tanjatun tacótspa tum rato juuts je iwianjam. Pero jém tanjatun Dios tacótspa iga tayoxpátpa iga tanwíwattamiñtim juuts iwatpa je iga da tatácaíypa. ¹¹ Numa tum pixiñ da iwianjam cuando cótstap. Jeeti rato tsam toypa. Pero ocni siiga tançupicpa, tayoxpátpa iga tanwíwatpa, agui tamaymay.

Da wí tanimpa iga da para ti wí jém Dios inmatí

¹² Chí pimi jém inçi jém sopsnewiip. Chí pimi jém inçoso jém dapic cámpa iteñ. ¹³ Numtsaci jém tun jut miwittámpa, jesic jém cuxujpic idic da putpa tunjom, pispá.

¹⁴ Wadaayi caso iga inwinanigáypa itumpiy jém pixiñtam. Seguido wíwati juuts ixunpa Dios porque jém dapic iwíwatpa da iixpa tanjatun Dios. ¹⁵ Nawattaji cuenta iga odoy inçaguñ jém wibic anmati iga Dios tayaachanjampa y tayoxpátpa. Odoy tsíyi ni tum de mimichtam juuts tum tñhic tsampic tam jém inñayi. Imalwadáypa jáyan jém ityajwíip jem. ¹⁶ Ni tum de mimichtam odoy pejoytaami ni odoy yamtsaayaji tum woñi. Odoy jóyixi jém Diospic imuchi juuts iwat jém Esaú. Por tum chima wíccuy icucac jém herencia jém imuchipic idic. ¹⁷ Michtam inwijodonjam iga cuando jém Esaú ipictsontooba titam ichiiba idic jém ijatun, da i ichi. Mex tsam wej jém Esaú, dam wiá icucac ijixi iga imalwat. ¹⁸ Mimichtam da inçunúcta jém cotsic jém wiapaap tantsic juuts icunúcyaj jém Israelpic pixiñtam. Agui yótpa jém jucti, cupiicha. Ocni más pimi piichi, agui pimi poypa jém sawa. ¹⁹ Mimichtam datim immatonja jém trompeta inñiyi ni jém Dios inñiyi. Jém imatonjajwíip icunucsayaj iga odom más jiyiñ. ²⁰ Da wiap iyaachiyaj titam inímáy Dios. Nimayyajta: “Siiga tum pixiñ ichicpa jém cotsic o tum animat, jesic náscataami tsaami o tipcatañ con capi.” ²¹ Tsam pimi ichiganjéc jém Moisés cuando iix. Tsam çnpa. Nimpa: “Tsam pimi açñ hasta acuetsáypa.”

²² Pero, mimichtam, inçunúctetámum jém cotsic Sión, jém vivopic Dios iattebet, jém sinyucmipic Jerusalén, jut antuumaneyaj tsam jáyan mil jém sinyucmipic pixiñtam ²³ iga icujípyajpa Dios. Inçunúcteam jut antuumaneyaj jém Dios imanictam jém icupicneyajwíip Jesucristo jém accamayñeyajwíip inñiyi sinyucmi. Inçunúctetámum jém tanjatun Dios, jém icúpinpáppic itumpiy pixiñtam, y hasta jut it jém wibic pixiñtam inamayaj jém iwítsagayñeyajwíip Dios. ²⁴ Inçunúctetámum jém Jesús jém tacupujpáppic con jém jomipic trato, y jém inñipiñ jém tacuáyñewiip. Tsam wí quejpa iga más wí que jém Abel inñipiñ.

²⁵ Mimichtam, cupictaami titam taŋmadayfa Dios, odoy jóyixi. Porque siiga da cūputyaj jém wiñicpic pixiñtam cuando aŋmadayyajta yíp naxyucmi, jesic mucho más mimichtam da micūputtámpa siiga da immatontámpa cuando Dios mijíyaytámpa dende sinyucmi. ²⁶ Wiñigam cuando jiyra Dios, agui tsigóypa jém nas. Pero siip ijycámne, nimpá: “Eybic anactsigóypa jém nas, pero da solamente jém nas, anactsigóypaŋim jém sin.” ²⁷ Cuando nimpá: “Eybic anactsigóypa”, taŋcutiíyíypa iga Dios iccáypa jém tsigoypáppic, jém iwatnewiip Dios, ichacpa jém cosa jém dapic tsigóypa. ²⁸ Tatigiytámpa jut injacpa Dios jut da i ictsigóypa, jeeyucmi tanchiitámpa gracia Dios. Tanjístámpa Dios juuts je iwianjam. Tantoytámpa y taŋcūjtámpa. ²⁹ Jém tanjatun Dios je tum mijpic jucti, nooquedóypa.

13

Ti iwianjam Dios iga taŋwatpa

¹ Odoy tsaci iga minitoytamtap con inñiwitam. ² Odoy jamnooti iga inwipictsonpa jém miñyapáppic juumi. Acwictaami. Jempigam algunos ipictsonyay jém sinyucmicpic pixiñtam mex iga da ijodon.

³ Jistaami jém presoyaj juuts miwagapajnetá con jeeyaj. Jistaami jém malwadayñetawwip porque mimichtam inñitim jexpic mijtay. Wiaptim inñasca jempic.

⁴ Itumpiy jém aŋcoomyñeyajwiiip wí iga napicyajtap y da imalwatyajpa. Pero Dios ichiiba castigo jém ichayapáppic tungac yomo y jém pejoypaap.

⁵ Odoy cusúnyyi jém tumiñ. Maymáyají con titam inñit siip porque nimpá Dios: “Da nunca mantsacpa iga manyoxpátpa. Da nunca michíypa inçufum.”

⁶ Wiap tanim:

Aŋwijodon iga Dios ayoxpátpa.

Da ti aŋcūjpa.

Da i wiap amalwadáy.

⁷ Jistaami ti iwatyaj jém pastoryaj, jém minmadayñewiip jém Dios inmatí iga tsam iwíwatyaj y tsam inñityaj fe. Jempictim wícupictaami mimichtam iga Dios wiap miyoxpátta.

⁸ Jém Jesucristo da cucacpa. Jeetim matic, jeetim yíp jama y jeetim itumpiy tiempo. ⁹ Odoy jici iga i mimigóyáypa iga minquejáypa tungac aŋquímayooyi dapic jex juuts jém impictsonewiip. Más wí iga ipimchiiba inñanama jém Dios itóyooyi que iga taŋcútpa jém wíccuy juuts nimpá jém wiñicpic costumbre. Porque jém costumbre da tayoxpátpa iga taŋwatpa juuts ixunpa Dios.

¹⁰ Taichtam tanait tum altar jut tsacta jém ofrenda, jém dapic wiap icútyaj jém yoxapáppic yíp naxyucmicpic maŋticjom. ¹¹ Jém cobacpic paŋijyaj icotyaj jém animat inñipiñ jém cuarto jut it Dios. Ichiiba juuts tum ofrenda iga iccáyáypa jém pixiñtam itáŋca. Pero jém animat imijtay noaytap aŋsícmi de jém attebet. ¹² Jextim jém Jesucristo tsam yaacha, accaatá aŋsícmi de jém attebet iga iccáyáy jém pixiñtam itáŋca con jém inñipiñ. ¹³ Jesic tanictámpa aŋsícmi de jém attebet jut it Jesús iga tayaachwattamtañ. ¹⁴ Porque yíp naxyucmi da tanañ tum attebet jém dapic cuyajpa. Pero tananjóctámpa jém attebet jém miñpáppic ocni. ¹⁵ Jeeyucmi wí iga seguido taŋcujíptámpa Dios por medio de Jesucristo. Cuando taŋcujíppa Dios jex juuts tanchiiba tum sacrificio. ¹⁶ Odoy jamnooti iga inwíwadáypa jém inñiwitam iga inyoxpátayajpa

con titam iniit. Siiga inwatpa así jex juuts tum sacrificio jem iwianjampáppic Dios.

¹⁷ Cupici jem pastoryaj jem minmadaypáppic jem Dios inmati. Jici iga minjacpa porque Dios iccam juuts tum anjagooyi iga miwadáypa cuenta jem inana. Núcpa jama iga Dios icipiñpa jem pastor siiga iwianjacne. Jesic maymay jem pastor siiga wíap inímáy Dios iga inwíwatne. Pero siiga da inwíwatne, jesic anyácpa jem pastor. Siiga da incupicpa, jesic datim wí para mimich.

¹⁸ Anwejpáttaami Dios para aichtam. Anwijodontam iga da síp ammalwat. Siempre anwatpa juuts tum wibic pixiñ. ¹⁹ Manjuncucáypa iga ininwejpáttaamiñ Dios para aich iga Dios ijícpa iga da jáyñe asetpa eybic jut miitta.

Anquímajta jem pixiñtam

²⁰ Siip Dios jem tachiñewiip jem wibic jixi tánanamajom, jem icpisnewiip tánomi Jesucristo de jut it jem caaneyajwiip, je jem mijpic pastor, tawatpa cuenta juuts taborrego, itegáy inipiñ iga tawadáy jem jomipic trato jem dapic cuyajpa, ²¹ yíptim Dios miyoxpáttampa iga michiyiñ juuts tum wibic mipixiñ iga da ti mitogóyápa. Jesic wíap inwat itumpiy cosa juuts je ixunpa por medio de Jesucristo jem tanjújptampáppic siempre. Amén.

²² Mantiwitam, manjuncucáypa iga yaachiyi iga mananquímpa con yíp anmati, porque da juchan manjáyáy yíp toto. ²³ Jodóñaji iga jem tantiwí Timoteo cutsigayñetawum. Siiga jobittim núcpa yim anwagananicpa cuando nicpa mánámta mimichtam.

²⁴ Dioschitaami itumpiy jem pastor jem minmadaytampáppic jem Dios inmati y itumpiy jem tantiwitam jem icupicneyajwiip Cristo. Jem miñneyajwiip de jem naxyucmi Italia micutsadaytampa wati Dios.

²⁵ Dios miwíwadaytamiñ inítumpiytam. Amén. Jemum cuyaj.

Jém carta jém ijayñewiip Santiago

Jáyayta jém Israelpic pìxiñtam jém juumipic nicneyaj

¹ Ich aSantiago. Ançuyoxap Dios, ançuyoxaptim jém tánomi Jesucristo. Andioschiiba jém doce tribu, jém Israelpic pìxiñtam, jém nicnewiip yim jeexic yip naxyucmi.

Dios ipìxiñtam iñascaaba jém yaachaji, cutitstaptim

² Siip mantiwitam, maymáyataami cuando iñascaaba jém yaachaji y tsam micutitstaptim. ³ Como tanait fe, tsam tançupicpa, tanjodon iga cuando tacutitstap, más wiap tanyaachiy. ⁴ Yaachiyi más y más cuando micutitstap, jesic quejpa iga capsum inçupic parejo. Wiap inwat juuts ixunpa Dios. Jesic da ti mitogóyay.

⁵ Siiga algunos de mimichtam mitogóyay jém wibic jixi, wágaytaami tanjatun Dios. Je michiiba jáyan jém wibic jixi. Da nimpá iga da manchiiba. ⁶ Pero waaci con jém fe, cupici iga Dios wiap michi. El que da icupicpa iga Dios wiap iwat juuts tajycamayñe, jex juuts jém lamar poa icmiñpa icnicpa jém sawa. ⁷ Jém iwatpáppic jempic, odoy jisi iga ipictsonpa titam iwágaypa jém tánomi. ⁸ Yip pìxiñ icacpa ijixi, siip nimpá tum cosa y joymi tungac.

⁹ Jém tantiwí, jém ñapic wí it, wí iga maymáyañiñ porque ipictsonpa jém wibic herencia. ¹⁰ Pero jém rico yaachaptim, datim wí it, porque jém itumiñ juuts jém moya jém itwip copjom, da jáypa, cuyajpa. ¹¹ Químpa jém jama tsam pijpa. Titspa jém moya icuy, túcpa jém moya, actiñpa naxyucmi. Agui wí jém moya, pero cuyajpa. Jesaptim togoypa jém rico iganam iwatpa jém negocio.

Tacutitstap

¹² Tsam wíitpa jém pìxiñ siiga iyaachíypa cuando cutitstap. Porque cuando iyaachiy iga cutitsta, ipictsonpa tum corona de vida, jém Diospic ijycamayñe jém itoyyáppic. ¹³ Cuando algunos cutitstap, odoy nímiñ iga Dios icutitspa iga icmalwatpa. Porque Dios da j wiap icutits iga imalwadiñ. Dios datim icutitspa ni tum pìxiñ iga imalwadiñ. ¹⁴ Tacutitstap iga tammalwatpa porque tsam tanjspa jém malopic cosa tanjixianjom. Ocmi tançusúniypa hasta tammalwatpa. ¹⁵ Siiga tum pìxiñ iwatpa jém malopic cosa juuts ijispa ianamanjom, jesic asíam tsucumpa jém táñca. Jesic cuando tsam jáyan táñca iniit ianamanjom, iccaaba jém pìxiñ.

¹⁶ Siip mantiwitam, mantoytampáppic, nawattamtaji cuenta iga odoy j mimigóyayñi. ¹⁷ Dios ichac itumpiy jém wítampic cosa. Da tachiiba jém malopic cosa. Jém tanjatun Dios tachiitámpa jém wítampic xaja. Iwat itumpiy jém matsa jém ityajwip sinyucmi. Cucacyajpa jém matsayaj, pero jém tanjatun Dios da nunca cucacpa. Itumpiy tiempo jex. ¹⁸ Jém tanjatun Dios tacnayxet por medio de jém numapic anquímayooyi, porque jempigam iwianjam Dios. Jesic tatsiytámpa juuts jém wiñtipic cosecha de itumpiy jém iwatnewiip.

Quejpa juppic jém wibic anquímayooyi

¹⁹ Jistaami, mantiwitam, mantoytampáppic, wí iga taittámiñ listo iga tamatójtoyátampa. Odoy jicsciy wogaayi tum pxiñ siiga tanjisa iga inmatpa miqooyi. Da wí iga jobidam tajóypa. ²⁰ Jém tsampic jóytero da wíap iwat juuts ixunpa Dios. ²¹ Jesic tsaci jém cosa dapic wí y itumpiy juuts iwianjamyaj jém malopic pxiñtam. Wípictsonjé jém Dios inmatí jém ñipnewiip inanamajom juuts tum pxiñ dapic malo. Porque yíp anmatí iniit ipimi iga miciacpudáypa inanama.

²² Wattaami juuts nimpa jém Dios inmatí. Siiga no más inxajamatoppa y da iniccupacpa juuts nimpa jém Dios inqumayooyi, jesic inyaac minimigóyaytap. ²³ Siiga tum pxiñ imatoppa jém Dios inmatí, pero da iwatpa juuts nimpa jém Dios inqumayooyi, jesic jém pxiñ jex juuts tum pxiñ iámpa iwiñpac tum tescatjom. ²⁴ Iámpa juuts jém iwiñpac, jesic ocmi iccáypa jém tescat, jeeti rato ijaamanotpa juuts jém iwiñpac. ²⁵ Pero siiga tum pxiñ seguido iámpa jém wibic anqumayooyi, jesic da ijaamanotpa, seguido iwatpa juuts nimpa jém anqumayooyi. Jesic jém pxiñ tsam wítpa. Yíp anqumayooyi tactsacpa iga tammawatpa.

²⁶ Siiga tum pxiñ nimpa iga icupicpa jém Dios inmatí, pero da wíap ichac iga migóypa y malnimpa, jesic namigóyaytap iyaac jém pxiñ. Da ti cuwatcuy jém ireligion. ²⁷ Jém iniitwiip jém wibic religión, jém dapic táncáiy Dios iwiñjom, iyoxpátpa jém yuctucuyaj y jém cunoyayaj jém yaachayajpáppic. Nawattaptim cuenta iyaac iga odoy imalwadiñ juuts jém malopic pxiñtam, jém imalwatyajpaap, jém ityajwiip yíp naxyucmi.

2

Wixi itumpiy jém pxiñtam

¹ Mantiwitam, siiga numa incupictámpa jém tánQmi Jesucristo jém itwiip sinyucmi, jesic odoy nejatóyooyi. ² Siiga tigiyta tum pxiñ jut inwattámpa culto agui wicuyajne, iccámne tum cucuma de oro y tigiyatim tum pxiñ tsam pobre, da wicuyajne, ³ jesic siiga inwipictsonppa jém pxiñ jém wicuyajnewiip y inñimáypa: “Miñi micoñi yim jut wicom.” Pero inñimáypa jém pobrepic: “Mich jemum teñi o coñi yim naxyucmi.” ⁴ Siiga inwattámpa así, jesic quejpa iga miñejatóyóypa. Michiy juuts jém malopic juez jém dapic cipíjóypa parejo.

⁵ Mantiwitam mantoytampáppic, matonntaami. Tanjatun Dios icupij jém pobreyaj yíp naxyucmi iga ichiiba jém sinyucmicip riqueza cuando icupicyajpa Jesucristo. Dios ijycámayne iga ichiiba jém derecho iga nicpa iti con Dios itumpiy jém tsampic itoyajpa. ⁶ Pero mimichtam inchaawatta jém pobreyaj. ¿Que da injdonjtam iga jém ricopic pxiñ mitobáyáypa jém michpic immichi, pimimi mininicpa jém anjagooyicim? ⁷ Yiptim rico tsam imalnámáypa jém tánQmi Cristo inñiyi, mimichtam inñiyitim.

⁸ Jém más mijpic anqumayooyi, jém jayñewiip jém Dios inmatí, nimpa iga: “Toyí inñiwí juuts minitoytap inyaac.” Siiga numa inwatpa juuts nimpa jém mijpic anqumayooyi, jesic sip inwíwat. ⁹ Siiga miñejatóyóypa, jesic sip inwat táncá. Inwatpa contra jém Dios inqumayooyi. ¹⁰ Siiga tum pxiñ iwatpa juuts nimpa itumpiy jém Moisés inqumayooyi, pero tum punto da iccupacpa, jesic iniittim la culpa jextim juuts iga iwatpa acontra itumpiy jém anqumayooyi. ¹¹ Jém nímnewiip iga: Odoy pejooyi, nímntim iga: Odoy

accaooyi. Siiga da mipejóypa, pero miccaóypa, jesic mitáñcaíyitim. Inwatnefím acontra jém Dios inqúimayooyi. ¹² Siempre anmattaami jém anmati dapic malo. Wíwattaami porque injodontam iga Dios taciipinpa con jém tánQmí Cristo inqúimayooyi. Yíptim anqúimayooyi tactsacpa jém malopic jixi. ¹³ Tanjatun Dios da iyaachanjampa jém pixiñtam jém dapic iyaachanjamyajpa jém itíwítam, iciipinpa y ichiiba castigo. Pero jém iyaachanjampáppic jém itíwítam, da ti icinpa cuando núcpa jém hora iga cipiñóypa Dios porque je iyaachanjampatim.

Siiga numa tançupicpa jém Cristo, jesic tanwíwatpa

¹⁴ Mantíwítam, da para ti wí siiga tum pixiñ iniit fe, nimpá iga icupicpa Cristo, pero ocmi da iwíwatpa juuts ixunpa Dios. Siiga nimpá iga icupicpa Cristo, pero da iwíwatpa, jesic Dios da iciacputpa. ¹⁵ Siiga tum tantíwí o tum tanyomtíwí, jém icupicnewíip Cristo, da inií ipuctucu ni datim inií titam icútpa cada jama, ¹⁶ pero siiga tum de mimichtam inñímáypa: “Chogoyñicsim, najocoxwattaji iga odoy mixucsucañ, wíwíici”, pero siiga da inchiiba titam itogóyáy jém imíjtay, ¿para ti wí iga inñímáy jempic? ¹⁷ Jesanetim jém iniitwíip jém fe, siiga da iwíwatpa, tsíy juuts caane. ¹⁸ Algunos nimpá iga icupicpa Cristo iga iciacpudiñ Dios. Pero tunçac nimpá iga iwíwatpa iga iwípicstóñiñ Dios. Pero da quejpa siiga tum pixiñ icupicpa Cristo siiga da iwíwatpatim. Numa cuando tanwíwadáypa jém tantíwítam, tsám wíquejpa iga tançupicpa Cristo. ¹⁹ Mich inçupicpa iga nada más it tum Dios. Wí iga inçupicpa. Jém mal espíritu icupicyajpatim iga no más tum Dios it y tsam çinyajpa, tsam cuetsáypa. ²⁰ Odoy cuixaji, ¿que da injodon siiga tum pixiñ ijsipa iga icupicpa Cristo, pero da iwíwatpa, jesic jém ife da para ti wí? ²¹ Tanjodon ti inñasca jém wiñicpic tanjatunwewe jém Abraham. Dios ipictson jém Abraham juuts tum pixiñ dapic táñcaíy porque iwat ti inñímáy Dios. Ichiiba idic jém imaníc Isaac juuts tum ofrenda jém altaryucmi. ²² Jesic quejpa iga jém Abraham iniit fe porque iwat juuts ixunpa Dios. Jempigam quejpa iga numa iniit fe cuando iwat juuts inñímáy Dios. ²³ Asíam cupacpa jém anmati juuts jayñeta: “Jém Abraham icupic Dios jeeyucmi Dios ipictson juuts tum pixiñ dapic táñcaíy. Nímayta jém Abraham iga Dios iamigo.”

²⁴ Jesic inñixta iga Dios iwítsagáypa tum pixiñ itáñca porque iwatpa juuts ixunpa Dios, da solamente iga iniit jém fe. ²⁵ Jesatim jém yomo Rahab, jém pejoypaap, Dios ipictson juuts tum yomo dapic táñcaíy porque icyam jém wisten jém icuixayajpaap jém nas y ocmi inquejáy tungac tun iga odoy wíañ imats. Jém yomo iwat juuts ixunpa Dios, jeeyucmi wítsagayta jém itáñca. ²⁶ Siiga tum pixiñ imíjtay da anamajíy, jesic caane. Jesanetim siiga tum pixiñ nimpá iga iniit fe, pero da iwatpa juuts ixunpa Dios, jesic jém fe caanetim.

3

Jém pixiñ itots

¹ Mantíwítam, da wí iga agui jáyan de michtam michíytámpa juuts mimaestrotam. Injodon tam iga aichtam jém amaestrotam más pími awicíipintap que jém dapic je maestro. ² Tantumpiytam wáčiy tammalwatpa, pero él que da nunca malnimpá, jesic je tsam wibic pixiñ. Wíap injac itumpiy jém imíjtay. ³ Jempictim tanaccámáypa tum freno jém cawaj iga tacupiguíñ. Jempam

tananjacpa jém cawaj. ⁴ Jístaami jém barco tsam mij. Jém sawa tsam pími ininicpa. Pero jém barco iomi iyácsetpa jém barco, con tum xutu timón wiap ininic jut ixunpa. ⁵ Jexim jém tantots tum cosa tsam xutu, pero wiap ictsucum jáyan pleito. Wiap tannooquet jáyan mijtampic cuyyay con tum xutu jucti. ⁶ Jém tantots jex juuts tum jucti. Wiap ictsucum jáyan malopic cosa, tsam jáyanap hasta icalwatpa tum pixiñ icutero. Tamalwadáypa itumpiy jém tamvida. Yíp jucti tsucum jém infierno. ⁷ Jém pixiñtam wiap imanxuwatya jém jimñi animatya j, jém jon, jém tsañ y jém ityajwüip jém lamar. ⁸ Pero da i ni tum pixiñ wiap imanxuwat jém itots. Tsam pími malo, da ijícpa iga tananjacpa. Jex juuts jém veneno jém accaoypáppic. ⁹ Con tantots tanjucijptámpa tanjatun Dios y con tantots tanjuciytámpa jém tantiwitam jém Diospic iwatne juuts je. ¹⁰ Con jeetim tanjip tacujibóypa y tacujíyóypa. Mantiwitam, da wi iga inwattámpa jempic. ¹¹ Tumti niixcuy da wiap iput jém wibic ni y jém tampic. ¹² Mantiwitam, tum tsuj da wiap iwat jém aceitunas íim. Y tum uvas da wiap iwat jém tsuj íim. Datim wiap iput tumti niixcuy jém çañani y jém wibic ni.

Tanquejáypa jup jém wibic jixi

¹³ Siiga mijixiíy algunos de mimichtam y inçutiíyíypa ti ixunpa Dios, jesic seguido wiwati iga quejiñ iga mijixiíy y da mimalo. ¹⁴ Siiga agui micujóyíyóypa y tsam miñajajóypa y tsam inçusúnyíypa itumpiy jém wítampic cosa para mich mismo, jesic odoy nacujíptaji iñyaac iga tsam mijixiíy. Siiga inwattámpa así, minimigóyaytap iñyaac, da iññuumanmatpa. ¹⁵ Yíp jixi da miññe de Dios. Tsucum yíp naxyucmi, jém Wocciwiñ ictsucum. ¹⁶ Porque jut it jém kujóyiyoooyi y jém najajooyi, agui kujíñayñe jém pixiñtam, tsam imalwatya jpa. ¹⁷ Jém iniiwüip jém Dios iixi ichacpa iga imalwatpa, da áñapa con itiwitam. Wibic pixiñ, da malo. Matóñóypa. Iyaachanjampa jém yaachayajpáppic, iwíwadáypa i quej. Seguido iwatpa juuts ixunpa Dios y da tamigóyáypa. ¹⁸ Jut da áñayajpa jém pixiñtam y da i jém pleito, tsam anpicpa jém wibic jixi.

4

Da wi iga tantoypa jém cosa jém itwüip yíp naxyucmi

¹ ¿Íiiga tsam mñatámpa con jém inñiwitam? ¿Íiiga tsam it jém pleito? Tsucum jém malopic jixi iññamanjom iga mñatámpa. ² Mimichtam tsam inçusúnyíypa jáyan cosa, pero da i michiiba, jeeyucmi tsam miccaóypa. Tsam inçusúnyíypa tunjac pixiñ imñichi, pero cuando da i michiiba, jesic tsam mñatámpa. Da impictsonpa titam inñunpa porque da inwágáypa Dios. ³ Inwágáypa Dios alguna cosa, pero je da michiiba porque inwágáypa iga immalwatpa. ⁴ A que mimichtam, inçupictip Dios. ¿Que da inñedontam siiga inñoyíypa jém malopic cosa jém ityajwüip yíp naxyucmi, jesic inñóyixpa jém tanjatun Dios? Siiga inñoyíypa jém malopic cosa, jesic eybic michiíypa juuts enemigo de Dios. ⁵ Da xajanimpa jém Dios inmati: “Jém Dios iAnama, jém tachiññewüip Dios, tsam tatoypa y tawatpa cuenta iga odoy tantsagáyiñ jém Dios inmati.” ⁶ Numa, Dios tsam pími tayaachanjampa. Asíam nimpá jém Dios inmati jut jayñeta: “Dios da iyoxpátpa jém pixiñ jém nacujíptáppic. Pero iyaachanjampa jém dapic nacujíptap.” ⁷ Jesic wattaami

juuts miñímáypa Dios. Odoy jüci iga micmalwatpa jém Wocciwiñ, jesic micupóyáypa. ⁸ Cunúctaami Dios, jesic micunúcpatim Dios. Mitáñcaiyüwiñ, cujichaayi inçi. Siiga miñimpa iga inñoypa Dios, pero inñoypatim jém malopic cosa, jém ityajwüip yíp naxyucmi, jesic cujichaayi jém inñanama, tsäci iga immalwatpa. ⁹ Anyáctaami. Wejtaami. Tsäci iga mixictámpa, wejtaami. Jém maymáyañi setpa iga anyaaqui. ¹⁰ Miñi micosteñi jém tanjatun Dios iwiñjom juuts da ti miwiap, jesic Dios micquímpa yucmi.

Jém icujiypáppic jém itíwi

¹¹ Mantíwítam, odoy nacujiytamtañi con jém inñíwítam. Jém icujiypáppic jém itíwi, icujiypatim jém Dios inñíwítam. Siiga icujiypa jém wübic anñíwítam, jesic tsíypa juuts tum juez, da iwatpa juuts nimpá jém anñíwítam. ¹² It tum jém Tachiipáppic jém Anñíwítam, jeetim jém juez. Je wiap taciaput. Wiaptim tactogoy. ¿Pero mimich müjapaap iga inñíwítam inñíwítam juuts mijuez?

Da tanjodon ti miñpa ocmi

¹³ Amatonñtaami mimichtam, jém miñimpáppic iga: “Yíp jama o joymi anicpa tum atebet. Nicpa anyaj tum amtíy iga amáymayóypa iga anwatpa tumiñ.” ¹⁴ Ni da i ijodon ti naspá joymi. ¿Tí jém tamvida? Jex como tum oma. Itpa tum rato, pero ocmi togoypa. ¹⁵ Más wí iga miñimpa iga: “Siiga Dios iwianjam, jesic tanaitpa tamvida y tanwatpa cualquier cosa.” ¹⁶ Pero mimichtam tsam minicujítpa inñyaac, inñispa iga agui miwiap. Agui malo iga minicujítpa inñyaac. ¹⁷ Jém ijodonpic iga wiap iwíwat, pero da iwatpa, jesic iwatpa táñca.

5

Chüitap jüxi jém ricopic pixiñtam

¹ Matonñtaami miricotam, anyáctaami, pími anñejtaami porque miñpa tum mijpic yaachaji para mimichtam. ² Pucneum jém inñiquesa, jém impuctucu icútneum wechi. ³ Jém oro y jém plata jém inñíwítam, süp itsneum. Cuando inñispa iga itsneum, jesic quejpa iga datim jáypa jém immíjtay. Pucpatim. Miñootáptim juctjom. Inñituumawatpa jáyan jém riqueza para jém inñispa gam jama. ⁴ Mimichtam miricopic, da inñíwítam jém immozoyaj, süp miquejajwadañe iga da inñíwítam. Süp matonñtañetawum jém quejaj jém tanjatun Dios iwiñjom. ⁵ Tsam pími miwíit yíp naxyucmi. Inwat titam inñis inñananjom. Cusum inwat titam inñispa. Mijex juuts tum xix acpínetawüip iga accaatap. ⁶ Miricopic mipixiñtam tsam mimalo. Inñi castigo jém pixiñtam jém dapic táñcañi, iniccaayaj, y jeeyaj inñispa.

Tanyaachíypa iganam tananjóctámpa jém tánQmi

⁷ Jeeyucmi, mantíwítam, yaachíyi iga mimalwadaytap hasta miñgacpa yíp naxyucmi jém tánQmi. Jém yoxayajpaap camjom inñíwítam jém wiñípic tuj y jém ocmipic tuj iga wíañ ipictson jém wübic cosecha. ⁸ Yaachíyi, mimichtam, iganam inñíwítam jém tánQmi. Odoy tsäci jém Dios inñíwítam porque da jáñe miñpa jém tánQmi. ⁹ Mantíwítam, odoy naquejajwadaytamtañi con jém inñíwítam, jesic mimichtam Dios datim micinñispa. Jém juez it jém puerta anñca. ¹⁰ Mantíwítam, jistaami jém wiñípic anñcañi jém

inmatyajpáppic jém Dios inmati. Jeeyaj iyaachiyay cuando yaachwatyajta. Wí siiga tanyaachiytámpatim taichtam cuando tayaachwattamtap. ¹¹ Numa mannímáypa, tanjodon iga tsam maymay jém pixiñtam jém iyaachiyñewiip cuando yaachwattap. Michtam immatoneta ti iñasca jém Job iga tsam iyaachiy cuando yaachwattap y tanjodonfim iga ocmi Dios tsam iwíwadáy jém Job. Quejpa iga tatoypa Dios y tayaachanjampa.

¹² Y siip mantiwitam, manchiiba tum wibic jixi. Odoy tsaci Dios juuts tum testigo iga da mimigóypa. Odoy nimi: “Wijodios.” Cuando miñimtooba iga: “Ji”, jesis nimi “Ji.” Cuando miñimtooba: “Da”, jesis nimi “da” iga odoy michiitámiñ castigo Dios.

Quando tanajwejpátpa Dios, je tsam tayoxpátpa

¹³ Siiga tum de mimichtam miyaachwattap, jesis wí iga ininwejpádiñ Dios. Siiga mimaymay, jesis wánaayi Dios tum wañi iga inujíppa Dios.

¹⁴ Siiga tum de mimichtam mimimne, jesis wí iga inwejáypa jém anjagooyiyaj, jém injacyajpáppic jém Dios ipixiñtam, iga inwejpádayyajiñ Dios para jém mimnewiip, iccámayyajiñ aceite jém tánomi Jesucristo iniyimi. ¹⁵ Siiga numa iniit fe cuando inwejpátpa Dios, jesis pispa jém mimnewiip. Jém tanjatun Dios icpíspa. Siiga táñcaiy, jesis Dios iwadáyypa perdón jém itáñca.

¹⁶ Jeeyucmi mannímáypa, Nanmadaytamtaji jém inítáñca con jém inítiwitam. Nanwejpádaytamtaji Dios con jém inítiwitam iga mipistámiñ. Cuando tum wibic pixiñ, dapic táñcaiy, inwejpátpa Dios con itumpiy jém ianama, tsam wiap, Dios imatóñáypa. ¹⁷ Jém profeta Elias pixiñtim juutstim taichtam. Inwejpát Dios con itumpiy ianama iga odoy chijóyiñ jém tuj. Y numa tres años y medio da chijóy tuj jém naxyucmi. ¹⁸ Ocmi cuando inwejpátpa Dios eybic, mojpgacum chióy jém tuj. Jesis jém naxyucmi eybic wíputpa jém cosecha.

¹⁹ Mantiwitam, siiga algunos de mimichtam ichacpa jém numapic anmati y siiga tum de mimichtam inicsetpa iga icupiguñ eybic jém numapic anmati, jesis mich inwíwatpa. ²⁰ Jodónataami siiga inyoxpátpa tum jém tantíwi, jém táñcaiywíip, iga ichacpa jém malopic tun, jesis tsam inyoxpátpa iga odoy togóyiñ jém ianama porque wadayta perdón jém itáñca tsam jáyan. Jemum cuyaj.

Jém wiñtipic carta jém ijayñewiip Peto

Jém Peto ijáyáy jém Dios ipixiñtam jém nicnewiip juumi

¹ Ich aPeto. Acupiñne jém Jesucristo iga atsiy juuts tum apóstol. Siip manjáyáypa mimichtam miIsraelpic mipixiñtam, micupóyayfañwiip hasta jém tunjac naxyucmi jém Ponto, Galacia, Capadocia, Asia y Bitinia.

² Micupiñneta jém tanjatun Dios. Tsam wiñgam ijodon Dios iga michiytampa juuts jém imanictam. Dios iAnama micujicháyayta jém iñnama iga wiap iwatta juuts ixunpa jém Jesucristo. Micupiñneta iga miwitsagayta jém iñtañca con jém Cristo iñiipiñ. Siip anwágáypa Dios iga miwíwadaytamiñ y iga odoy iníitamiñ jém cobacpji.

Tananjóctampa jém tiempo iga Dios tawíwadaytampa

³ Tanjújíptampa tanjatun Dios jém tánomi Jesucristo ijatun. Dios tacnaxxetta eybic porque tsam tayaachanjanta. Jeeyucmi iganam taifta yíp naxyucmi, tananjóctampa jém tiempo cuando nicpa tafti con Dios. Tanjodon iga numa porque pis jém Jesucristo de jut it jém caaneyajwiip. ⁴ Dios taccáyayñe tum wibic herencia siñyucmi. Da i wiap imiswat. Tum wibic cosa cuáyñe, da togoypa, dapic jex juuts tum moya iga xichpa. ⁵ Mimichtam incupictampa iga Dios wiap miyoxpáta, jeeyucmi miwattampa cuenta con jém ipimi iga da ti iññascaaba hasta núcpa jém tiempo cuando taciaputtampa. Siip wítsacneum itumpiy cosa. Jesic cuando núcpa jém iñanpigam jama, quejpa ti tawadaytampa Dios.

⁶ Jeeyucmi wi iga mimaymáyatamiñ mex iga siip watciy mipoyyaachwattamtap, micutítstamtap. ⁷ Cutítstap jém oro con jucti siiga nunta oro. Jesanetim mimichtam siiga iñyaachiytampa cuando miyaachwattamtap, jesic quejpa iga numa incupictampa Dios. Siiga iñyaachiytampa, pero da iñchacpa jém Dios inmati, jesic cuando miñgacpa Jesucristo, miwípicsonjampa Dios, tsam micujíptampa.

⁸ Mimichtam tsam iñtoytampa jém Jesucristo mex da iñixñeta. Da wiap iñixta, pero iñjodontam iga je wiap miyoxpáta. Jesic tsam mimaymáyata con jém wibic maymájaji juuts jém itwiip siñyucmi, jém dapic wiap tananmat con yíp naxyucmicip anmati. ⁹ Mimichtam incupicneta jém Cristo, jeeyucmi Dios micuaputneta.

¹⁰ Jém wiñtipic anmañcwiñ ninyaj iga Dios tsam itoypa jém pxiñtam, núcpa jama iga icuacputpa. Pero como da iwícutiñiyiyaj, tsam icipinyaj jeetim inmati jém ijayñeyajwiip iga ijodonjayajiñ ti nimtooba. ¹¹ Jém Dios iAnama, jém tachiñewiip jém Cristo, icjodóna jém wiñtipic anmañcwiñ iga tsam yaachwattap jém Cristo yíp naxyucmi. Ocmi acpistap, naniçtap siñyucmi. Jeetim anmañcwiñ tsam icipinyaj jém inmati iga ijodonjayajiñ i iñascaaba jempic y juchis naspá jexpic cosa. ¹² Dios inquejáy jém wiñtipic anmañcwiñ iga jém inmati da para jeeyaj, pero para taichtam. Siip mimichtam impicsonjta jeetim anmati cuando oy miñmadayta jém inmatyajpáppic jém wibic anmati con jém Dios iAnama ipimi, jém cutsatnetawwip yíp naxyucmi. Hasta jém siñyucmicip pxiñtam ijodonjatooba ti nimtooba jém anmati.

Dios ixunpa iga tanw̄iwattámiñ ȳip naxyucmi

¹³ Jistaami jutsap inw̄iwatta juuts ixunpa Dios. Naittaami jém wibic jixi in̄anamanjom. Odoj tsaci iga ininjóctampa jém wibic cosa jém tajycámayñew̄ip Dios iga tachiiba porque tsam tatoypa. Tampictsonpa cuando miñgacpa ȳip naxyucmi jém tánomi Jesucristo. ¹⁴ Siip wattaami juuts jém wibic tsixtam, jém icupicyajpaap jém ijatun. Tsactaami iga immalwattámpa juuts jáy inwatta wiñic cuando danam in̄ixpicneta Dios. ¹⁵ Titam inwattámpa, wiwattaami juuts tum wibic pixiñ juuts ixunpa Dios. Porque da tancaiy ni uxan jém tanjatun Dios jém tacupinew̄ip. ¹⁶ Porque nimpa así jém Dios inmati: “Tsaci itumpiy jém in̄tanca iga cuáyiñ jém in̄anama porque ich da atáncaiy ni uxan.”

¹⁷ Siiga numa Dios injatun, jesic c̄intaami iga immalwattámpa iganam miitta ȳip naxyucmi. Porque Dios ic̄ipinpa parejo itumpiy jém pixiñtam titam iwatyaj. ¹⁸ Michtam in̄jodon iga Dios taciapputa iga da más tanwatpa jém malopic cosa ȳip naxyucmi, jém dapic para ti w̄i, juuts iwatyaj jém tanjatunwewetam. In̄jodon̄tim iga da tajojáy tantan̄ca con jém oro ni jém plata jém cuyajpápic, ¹⁹ pero tajojáy tantan̄ca con jém Cristo in̄piñ jém tsampic w̄i. Jém Cristo juuts tum cordero jém dapic iniñ ni tum mancha ni dapic misane. ²⁰ Wiñigam cuando danam iwatne ȳip nas, Dios ijodon iga jempigam iyojáypa jém pixiñtam itan̄ca. Jesic ocni cuando núctooba jém in̄anpigam jama, wiñquej jém Cristo iga tayoxpáttampa. ²¹ Tachiita jém jixi iga tan̄cupictámiñ Dios jém ic̄pisnew̄ip jém Cristo, ocni ininic jém Dios inw̄imi. Jesic tan̄cupicpa iga Dios icutum wiap tayoxpát. Tananjóctampa jém tiempo cuando nicpa tajti con Dios.

²² Siip mimichtam wiap in̄ñuntatoyfa jém in̄ñiwitam porque cuáyñeum in̄anama. Cuando moj in̄cupic jém numapic an̄quimayooi, jesic Dios in̄anama miccáyáy in̄anamanjom jém naja y jém jooya. Jesic natoytamtaji con jém in̄ñiwitam con itumpiy in̄anama y itumpiy impimi. ²³ Miñayx̄etnetámum porque in̄cupicneta jém Dios inmati jém dapic cuyajpa. Yip jomipic vida, jém dapic cuyajpa, da jex juuts yip naxyucmic vida, jém cuyajpápic, jém michiñew̄ip jém injatun. ²⁴ Nimpa jém Dios inmati:

Jém pixiñtam jém ityajw̄ip ȳip naxyucmi jex juuts jém pim jém itw̄ip copjom. Jém pixiñtam ipimi jex juuts jém pim imoya. Titspa jém pim, túcpa jém imoya.

²⁵ Pero Dios inmati da nunca cuyajpa.

Yip anmati jeetim jém min̄madayñetaw̄ip mimichtam iga Dios taciapputámpa.

2

¹ Jesic tsactaami itumpiy jém malopic jixi. Odoj migooyi, odoj niman̄taayaji iga inw̄iwatpa, odoj cunaiooyi, odoj cujiyooyi. ² Mijex juuts tum xutu tsixi jém yaguñpic nay, tsam tsústoooba. Jesanetim mimichtam yaguñ in̄cupicneta Dios, jesic métstaami jém wibic anmati, jém dapic motne iñti con jém migooyi. Jém anmati tsam tayoxpátpa iga más y más wiap tanwatta juuts ixunpa Dios hasta núcpa jém jama cuando taciapputámpa Dios. ³ Mimichtam in̄jodon̄tam iga Dios tsam tatoypa.

Jém Cristo je jém wibic tsa

⁴ Siip cunúctaami jém tánŕmi Cristo. Je juuts tum wibic tsa jém tachiipáppic vida. Jém pixiñtam ipatsayyaj jém tsa, pero Dios icupin para je porque iix iga agui wí. ⁵ Mimichtam mijex juuts jém tsaayaj para jém tic inŕtaana, pero iniŕtta vida. Jesic jíctaami iga Dios mipictámpa iga iwatpa tum imáctic jut itpa jém Dios iAnama. Jiici iga miccámpa Dios juuts tum mipanij iga inŕcuyoxatámpa Dios. Jesic Dios iwianjam iga inwatpa jempic porque Cristo mimichitam. ⁶ Nímpa así jém Dios inŕmati jut jaychacne:

Ich antsac tum tsa jém naxyucmi Israel jut moja anacteñ jém antic. Agui wibic tsa, ich mismo anŕcupinje.

Jém icupicnewiip yíp wibic tsa, da i wiap ichaawat.

⁷ Siiga inŕcupictámpa, jesic inŕjodontam iga tsam wibic tsa. Pero jém dapic icupicpa, inŕascaaba juuts nímpa jém Dios inŕmati jut jaychacneta:

Jém iwatyajpáppic jém tic ipatsayyaj jém tsa.

Pero ocmi jeetim tsa pinŕta.

Siip jeetim tsa icóppacne jém tic.

⁸ Nímtim jém Dios inŕmati:

Jém pixiñtam inŕepyajpa ipuy yíp tsaayucmi.

Yíptim tsa ipaccaaba jém pixiñtam.

Inŕepa ipuy jém pixiñtam porque da iwadap caso jém wibic anŕmati. Dende wiñigam Dios nim iga togoyajpa jém dapic icupicyajpa jém wibic anŕmati.

Jém Dios ipixiñtam jém imichipic

⁹ Mimichtam micupinŕeta Dios iga mimichata. Miccámta juuts mipanijtam iga inŕcuyoxatámpa jém anjagooyi Cristo. Michiytámpa juuts tum wibic mipixiñtam dapic tánŕcaiy. Mimichtam jém Dios mimichitam. Micupinŕtamŕta iga inŕwattamiñ itumpiy jém wibic cosa jém iwatnewiip Dios. Mítópa jém piichcäm, mininictamŕta jém juctiantsocajom. ¹⁰ Mimichtam wiñic da je Dios mipixiñtam, pero siip Diosam mipixiñtam. Wiñic da i miyaachanjampa, pero siip Dios miyaachanjamtámpa.

Taitta yíp naxyucmi iga tanŕcuyoxatamiñ Dios

¹¹ Mantiwitam mantoytampáppic, mimichtam mijextam juuts jém pixiñtam jém nicpáppic juumi porque danam miñúcne jém inŕticmi inŕyucmi. Siip manŕcunucsáypa iga odoy jiici iga jém malopic jixi micmalwatpa. Porque jém malopic jixi tsam inŕnapa jém inŕanama. ¹² Iganam miitta jém tunŕac pixiñtamanjom, jém dapic iixpicyajpa Dios, wíwattaami. Jesic siiga miñímáypa iga mich micriminal, núcpa jama iga iixyajpa iga numa inŕwíwatne y da ti mal inŕwatneta. Jesic jém tunŕac pixiñtam tsam icujípyajpa Dios cuando núcpa jém jama iga icipinŕpa jém pixiñtam.

¹³ Siempre cupictaami jém anjagooyiyaj, jém iccámneyajwiip jém pixiñtam, porque jempam ixunpa jém tánŕmi Cristo. Tanŕcupictámpa jém más mijpic anjagooyi, jém rey, porque je iníit jém más mijpic cargo. ¹⁴ Tanŕcupictámpatim jém gobernador jém iccámnewiip jém rey. Porque accámŕta jém gobernador iga ichiñ castigo jém imalwatyajpaap y iga cujítaiñ jém iwíwatyajpaap. ¹⁵ Dios ixunpa iga inŕcupictámpa jém anjagooyiyaj porque jempam ininŕjijacpa jém malopic pixiñtam, jém dapic jixiñy, jém mimalnimaypaap.

¹⁶ Siip da más michíyta juuts tum preso porque Dios miciaacputnetámum. Micutsigayñetawum iga inwíwattámiñ. Jesic odoy jisí iga wí iga immalwattámpa juuts mich inxunpa. Siip cuyoxataami Dios juuts tum nunta esclavo.

¹⁷ Wíixtaami itumpiy jém pixiñtam, odoy jóyixtaami. Natoytamtaji con tantíwítam jém icupicneyajwíip Cristo. Cíñtaami Dios. Wíixtaami jém rey.

Tanyaachíyapa cuando tayaachwattap juuts iwat jém Cristo

¹⁸ Miesclavotam, wíixtaami jém inñomi. Siempre wattaami titam miñímáyapa. Da no más inçupicpa jém wibic pixiñ jém tsámpic mitoypa, pero cupictaamítim siiga malo jém inñomi siiga tsám mipíimíyapa. ¹⁹ Siiga chiitap castigo tum pixiñ cuando da ti iwatne y siiga iyaachíyapa porque ijodon iga iixpa Dios, jesic wíixtap jém pixiñ. ²⁰ ¿Pero tiiga tançujíppa tum pixiñ siiga iyaachíyapa cuando chiitap castigo iga imalwatne? Pero siiga michiitap castigo cuando inwíwatne y siiga inyaachíyapa, jesic numa miwíixpa Dios. ²¹ Dios tacupíñta iga tanwíwattámpa y tannascaaba jém yaachaji porque jém tánomi Jesucristo tsám pími yaachwattá taichtam tançuyucmi. Tatsagayta tum ejemplo iga tantúñyapa jém Cristo y tanwattámpátim juuts je. ²² Je da iwat ni tum tánca. Da í imigóyáy. ²³ Cuando tsám malnámáyta jém tánomi Cristo, da icutson, da imalnámáy jém ienemigoyaj. Cuando tsám pími yaachwattá, da icumec jém ienemigoyaj. Pero je ichagáy iga ichiñ Dios castigo porque ijodon iga icípiñpa parejo. ²⁴ Jém Cristo iyaac nachíitá iga accaata cunusyucmi iga tayoáy tantánca. Tapíctónáy taichtam tançastigo imíjtayucmi iga tactsactámiñ jém tantánca, iga seguido tanwíwattámiñ yíp naxyucmi juuts ixunpa Dios. Accoowatá jém Cristo iga mimichtam mipístámiñ. ²⁵ Mimichtam mijextim idic juuts jém borregoyaj jém togoyñewíip. Pero siip mixettámum jém wibic pastorcím jut it jém tawadaypáppic cuenta jém tánanama.

3

Anquímajtap jém ançoomíyyajwíip

¹ Jesanetim miyomtam mijaayiwíip. Siempre wattaami juuts miñímáyapa jém inwídaya. Jesic siiga algunos da icupictooba jém Dios inmatí cuando iníñmadáyapa, jesic núcpa jama iga icupicpatim Cristo ² cuando iix jém iyomo iga agú iwíwatpa porque icíñpa Dios y iwíixpatim jém iwídaya. ³ Odoy cusúníyí jém wibic cuyajcuy, jém wibic puctucu y jém cosa de oro. Odoy meetsi jutpic inwítsacpa jém inway iga micusúníyíñ jém pixiñtam. ⁴ Pero wí iga miixtap porque wibic miyomo y wibic jíxi iniit inñanamanjom. Jém wibic jíxi da togoypa juuts jém cuyajcuy. Siiga da mimalo y da michoti, jesic Dios más iwíañjam que jém cuyajcuy de oro. ⁵ Jesanetim wiñigam jém wibic yomtam, jém icupicneyajwíip Dios, iniityajtim jém wibic jíxi iñanamanjom. Seguido iwatyajpatim juuts inñímáyapa jém iwídaya. ⁶ Jempictim iwat jém Sara. Icupictim jém iwídaya jém Abraham. Inñímáy jém Abraham iga: Mánomi. Siip mimichtam michíyámpa juuts jém Sara iyommanictam siiga seguido inwíwattámpa y da ti inçíñtámpa.

⁷ Jesanetim mipixiñtam miyoomíywíip, wíñaití jém inyomo juuts tum pixiñ jíxiywíip. Wíidaji jém inyomo. Jístaami iga jém yomtam da jex ipími juuts tum pixiñ. Jístaamítim iga inçuistictam inwagapictsonjámpa titam

tajiyámayñe Dios, jém vida jém dapic cuyajpa. Porque siiga da inwíwadáypa jém iñyomo, jesic da wíap iníñwejpátta Dios.

Yaachwattá jém Cristo iga iyoxpátpa jém táñcaiywíip

⁸ Siip mannímaytámpa iñtumpiytam. Naittaami tumti jixi con jém tantíwítam, natoytamtaji juuts miñuntatíwítam. Yaachanjamtaami jém yaachayajpáppic. Odoy nacujíptaji iñyaac. ⁹ Siiga i mimalwadáypa o mimalnímáypa, odoy cianseedayí. Más wí iga tanwíwadáyíñ jém tamalwadaypáppic porque cuando Dios tacupin, tajiyámáy iga tawíwadáypa.

¹⁰ Nimpa así jém Dios inmatí:

Siiga inwattooba jém wíbic cosa yíp naxyucmi, siiga iñxunpa iga miwíidiñ,

jesic tsaci iga immalnímáypa jém iñtíwítam.

Odoy miñooyí.

¹¹ Tsaci iga immalwatpa, siempre wati jém wíbic cosa.

Meetsi con itumpiy íñanama jutsap inwínanigáy jém iñtíwítam.

¹² Porque Dios siempre iixpa jém iwíwatyajpaap.

Iwatpa cuenta.

Imatonpa Dios cuando inwejpátayajpa.

Pero ijóyixpa jém imalwatyajpaap.

¹³ ¿I mimalwadáypa siiga inwíwatpa con itumpiy íñanama? ¹⁴ Pero siiga miyaachwattap porque inwíwatpa juuts ixunpa Cristo, jesic maymáayaji porque Dios miwíwadáypa. Odoy ciní jém micumecpaap. Odoy wadaayí caso.

¹⁵ Siempre jistaami íñanamanjom iga jém Jesucristo je tánOmí. Ittaami listo iga inçutsonpa cuando i micwácpa tiiga injodon iga Dios miwípicsonpa. Pero wíixi, chocoymi anmadaayí. Jistaami iga Dios taixtámpa. ¹⁶ Siempre wíwati iga da injispá iga mitáñcaiy íñanamanjom. Jesic siiga i mimalnímáypa, tsam tsaayajpa cuando ixtap iga siempre inwíwatpa juuts minquejayñe jém tánOmí Cristo. ¹⁷ Siiga Dios ixunpa iga miyaachwattap cuando inwíwatpa, jesic it wí. Pero da wí siiga miyaachwattap porque immalwatne.

¹⁸ Tsam pími yaachwattá jém tánOmí Cristo. Accaata iga tayoayta tantáñca tunciy para siempre. Accaata jém wíbic pixiñ iga iyoyá itumpiy jém malopic pixiñtam itáñca iga tanançtamtañ Dios iwiñjom. Accaata jém Cristo imijtay, ocmi pis, eybic ipictson íanama. ¹⁹ Cuando ca jém imijtay, oy inmadáy jém wíbic anmatí jém caaneyajwíip jut pajneyajta. ²⁰ Anmadayyajta jém pixiñtam íanamayaj, jém dapic icupicyaj wiñigam cuando jém Noé iwat jém mijpic barco. Jeetim tiempo cuando Dios tsam iyaacháy íganam injóctip iga ichacyajiñ jém pixiñtam iga imalwatyajpa. Pero da wati çiputyaj solamente ocho jém pixiñtam y yomtám. Cuando miñ jém mijpic niçcoma, çiputyaj jém niwiñpacyucmi. ²¹ Jesanetim siip jém ni tayoxpátpa iga taciaputtamiñ cuando tacchíntamta niççim. Da tacchíntamta iga cuayíñ tannaca. Pero cuando tacchíntamta, tanwágáypa Dios iga tawítsagayíñ tantáñca. Tanjodon iga wíap tawadáy Dios porque icpis jém tánOmí Jesucristo. ²² Siip nicne siñyucmi jém tanjatun Dios inwími jut accámta iga jém más mijpic anjagooyi iga injaguiñ itumpiy jém siñyucmicpic pixiñtam y itumpiy jém anjagooyiyaj, jém ityajwíip jutquej.

4

Tañcuyoxap Dios con jeetim pimi jém tachiñewiip

¹ Tsam yaachwattá jém tánŕmi Cristo cuando oy iti yíp naxyucmi. Jesic mimichtam naittaamítim jeetim jixi juuts jém tánŕmi Cristo. Jíctaami iga miyaachwattamtap, jesic quejpa iga iñchacneum jém iñtáŕca. ² Siiga jempam tanwattámpa, quejpa iga tasiitámpa yíp naxyucmi juuts tum pxiñ dapic icupicpa jém malopic jixi, pero tanwattámpa jém wítampic cosa juuts iwianjam Dios. ³ Siip cusum inwatta juuts iwianjamyaj jém tunŕac pxiñtam, jém dapic icupicyajpa Dios. Tsam pimi immalwatne idic. Tsam inŕcusúniypa idic jém malopic yomtam y jém tunŕac malopic cosa. Tsam idic miucpa, tsam mixinap. Tsam miuquiap con jém ucyajpáppic pxiñtam. Tsam inŕjisa idic jém watas jém iyóyxpáppic Dios. ⁴ Siip jeetim pxiñtam jém inŕamigoyaj idic, agui mipooñanjamyajpa porque da eybic inwattámpa itumpiy jém malopic cosa juuts inwatneta idic. Jeeyucmi tsam mimalnimayyajpa. ⁵ Pero núcpa jama iga nanicyajtap jém Dios iwíñjom iga quejiñ jém itáŕca jut cüpinyajtap itumpiy jém malopic pxiñtam jém ityajwiip vivo y jém caaneyajwiip. ⁶ Jeeyucmi añmadayajtañim jém wibic añmatí jém pxiñtam jém caaneyajwiip cuando vivoyaj. Cüpinyajtap jeeyaj juuts itumpiy jém pxiñtam jém ityajwiip yíp naxyucmi, pero Dios iciaçputpa iga nicpa itiyaj iñnamayaj jut it Dios.

⁷ Siip núctooba jém inŕapic jama cuando cuyajpa itumpiy cosa. Wi iga mijixiytamiñ, ittaami al tanto, añwejpáttaami Dios. ⁸ Pero más ixunpa Dios iga tanatoytamtañ con jém tantiwitam. Porque siiga numa tantoypa jém tantíwi, wiap tanwadáy perdón jáyan jém itáŕca. ⁹ Wipictsonŕtaami jém tantiwitam, jém miññeyajwiip juumi. Acwíctaami, chiítaami lugar jut monpa. Odoy cujiytaami. ¹⁰ Cada tumtum de mimichtam michiñeta Dios tum pimi iga waiñ inwatta jém Dios iyoxacuy. Jesic con jeetim pimi cuyoxataami jém inŕjwitam juuts tum wibic miyoxacwiñ porque cada tumtum tachiñtamta tunŕac jém yoxacuy. ¹¹ Jesic siiga wiap ininmat jém Dios inmatí, añmatí juuts tum jém Dios inmatcwiñ. Siiga inŕcuyoxap jém tantiwitam, wíwadaayi con itumpiy impimi, jém michiñewiip Dios. Siiga jempic tanwattámpa, jesic tsam cujítap jém tanjatun Dios porque tanŕcupictámpa jém tánŕmi Jesucristo. Wi iga tanŕcujíptamiñ jém tanjatun Dios para itumpiy tiempo porque je iniit itumpiy ipimi. Amén.

Jém Dios ipixiñtam wiap iyaachiyaj jém yaachaji

¹² Mantiwitam mantoytampáppic, odoy ámanjactaami cuando inŕñascatámpa jém mijpic yaachaji iga micutítstamtap. Odoy jisi iga jém Dios ipixiñtam da inŕscayajpa jém yaachaji. ¹³ Pero maymáyaataami cuando inŕñascatámpatim jém yaachaji juuts inŕscane jém tánŕmi Jesús. Porque núcpa jama cuando tsam pimi mimaymáyatámpa cuando miñŕgacpa yíp naxyucmi jém tánŕmi Jesucristo con itumpiy ipimi. ¹⁴ Siiga tsam mimalnimaytap jém tánŕmi Jesucristo icuyucmi, jesic maymáyaataami porque iniit jém Dios iAnama inŕanamanjom jém tachiipáppic jém Dios ipimi. ¹⁵ Pero da wi siiga miyaachwattamtap porque iga miccaóypa, miñumpa, immalwatpa o iga mitigiytigiyçumpa jém

tunꝓac p̄ixiñ iasunto. ¹⁶ Pero siiga algunos de mimichtam miyaachwat-tamꝓa iga micristiano, jesic odoy tsaaji, mas tanꝓuj̄ipt̄ampa Dios porque tanaif jém Cristo iñiyi.

¹⁷ Núcneum jém tiempo iga moꝓa ic̄ip̄in̄ Dios jém ip̄ixiñtam jém im̄ichip̄ic. Siiga tac̄ip̄in̄t̄ampa taichtam, jém Dios tam̄ichitam, ¿jesic ti iñascayajpa jém malopic p̄ixiñtam jém dap̄ic icup̄icayajpa jém Dios inꝓaꝓi? ¹⁸ Niꝓa jém Dios inꝓaꝓi:

Tsam t̄ajca iga ciacputyajt̄ap jém wibic p̄ixiñtam.

Jesic jém malopic p̄ixiñtam jém dap̄ic icup̄icpa Dios tienes que ip̄ictsonꝓajpa jém mijpic castigo jém dap̄ic cuyajpa.

¹⁹ Jeeyucmi manñimáypa siiga miyaachwattamꝓa porque jemꝓam iw̄ianꝓam Dios, jesic seguido w̄iwattaami, cupictaami iga Dios w̄iap miciaꝓputta. Tanꝓod̄on̄ iga jém tanꝓatun̄ Dios, jém iwatnew̄iꝓ itump̄iy cosa, siempre iccupacpa juuts tajycámayñe.

5

Anꝓúmyajt̄ap jém icup̄icneyajw̄iꝓ Cristo

¹ Jesic miwidaytam, jém in̄inꝓactamp̄ap̄ic jém Dios ip̄ixiñtam, siꝓ mananꝓúmpa. Ich anañtim jexꝓictim cargo juuts mimichtam. Ich an̄ixñe cuando ts̄am yaachwatt̄a jém tánꝓmi Jesucristo. Ich ananjóꝓaꝓim jém tiempo cuando wiñquejpa eybic jém tánꝓmi Cristo con itump̄iy ip̄imi. ² Wattaami cuenta jém Dios ip̄ixiñtam jém anꝓuumayajp̄ap̄ic ꝓut miñta, jex juuts tum wibic pastor iwatpa cuenta jém iborregoyaj. Wattaami jém Dios iyoxacy porque inꝓianꝓamta, juuts ixunpa Dios, da porque miꝓim̄iytamꝓa, ni porque inꝓoñw̄iytamtooba tumiñ. Wattaami jém iñyoxacy con itump̄iy iñanama. ³ Odoy piim̄iyi jém imp̄ixiñtam juuts tum malopic anꝓagooyi. Pero w̄iwattaami mimichtam iga mixyajiñ jém imp̄ixiñtam iga inꝓiwatpa.

⁴ Jesic cuando wiñquejpa jém C̄obacꝓic Pastor, jém tánꝓmi Jesucristo, michiñtamꝓa jém wibic corona jém dap̄ic cuyajpa. Miwagait̄ampa jém wibic juctanꝓts̄oꝓajom.

⁵ Jesanetim mimichtam jém dap̄icnam michamitam, wattaami juuts niꝓa jém widaytam jém in̄inꝓagooyiyaj. Jiستاami inꝓump̄iytam jutsap inꝓiwadáy jém inꝓiwitam. Odoy j̄isi iga más miw̄iap que jeeyaj. Porque niꝓa jém Dios inꝓaꝓi:

Dios da iw̄iꝓictsonꝓa jém p̄ixiñtam jém ts̄ampic nacuj̄ipt̄ap iyaac, pero ts̄am iyoxp̄atpa jém p̄ixiñtam jém dap̄ic nacuj̄ipt̄ap iyaac.

⁶ Jesic c̄osteeñaayi jém Dios ipuycim. Jiꝓi iga minꝓacpa jém tanꝓatun̄ Dios porque núꝓa jama iga miw̄iwadáypa. ⁷ Odoy iniidiñ jém c̄obacꝓiji. Odoy j̄isi ti iññascaaba. C̄iꝓꝓocodaayi itump̄iy jém imvida jém tanꝓatun̄ Dios ic̄iꝓom porque ts̄am tawatt̄ampa cuenta.

⁸ Jiꝓiꝓyaami, it̄taami al tanto porque jém tánenemigo jém Wocciwiñ siiba nocoꝓom juuts tum mijpic can̄ agui p̄impa. Ts̄am iméts̄pa ti ic̄iꝓa.

⁹ Odoy jiꝓi iga jém Wocciwiñ micmalwatpa. Seguido cup̄ic iga Dios w̄iap miyoxp̄at. Jodón̄ataami iga jém icup̄icneyajw̄iꝓ Cristo icuw̄iti ȳip̄ naxyucmi, iñascayajp̄aꝓim jeetim yaachaji juuts iññascat̄ampa mimichtam. ¹⁰ Da jáypa miyaachwattamꝓa hasta que jém tanꝓatun̄ Dios, jém ts̄ampic tatoypa, iyaac miyoxp̄at̄ampa. Michiñtamꝓa jém wibic j̄ixi iga da ti miꝓogóyapa, iga da

ĩ wĩap mic̄tsac jém wĩbĩc añm̄ati. Michiitámpa jém ip̄imi iga odoy ĩ wĩq̄iñ mic̄malwat iga seguido ñw̄iwattámpa juuts ixunpa Dios. Miñwejayñeta iga miwagaittámiñ con jém tán̄omi Jesucristo jūt it jém wĩbĩc juctian̄tsoca jém dap̄ic cuyajpa. ¹¹ W̄i iga tan̄cujĩptámiñ jém tan̄jatun̄ Dios para itũmp̄iy tiempo porque je iniit itũmp̄iy ip̄imi. Amén.

An̄quĩmyajtap jém p̄ixiñtam

¹² Siip man̄cutsadáypa ȳip̄ toto con jém tant̄iw̄i Silvano. Ich animpa iga wĩbĩc p̄ixiñ. Da juchan̄ man̄jáyáy iga manan̄quĩmpa ti wĩap ñwatta. Manan̄madáypa iga iniittámiñ jém ñumap̄ic tóyooyi jém tachiiñew̄iip̄ Dios. Jesic odoy tsactaami jém ñumap̄ic tóyooyi.

¹³ Jém Dios ip̄ixiñtam, jém ityajw̄iip̄ ȳim̄ jém at̄tebet Babilonia, micut-sadáypa w̄at̄idios. Jeeyaj cup̄iñneyajtat̄im̄ juuts mimichtam. Midioschiibatim̄ jém Marco jém ts̄iyñew̄iip̄ juuts ich amman̄ic. ¹⁴ Mimichtam nadioschitam̄taji con tũm añ̄acatsuuchi juuts tũm seña iga minitoytam̄tap. Siip mimichtam jém Cristo mim̄chitam. Naittaami jém wĩbĩc j̄ixi ñ̄anaman̄jom iga odoy ti ñ̄c̄iñtámiñ. Jemum cuyaj.

16 Da mammigóyayta cuando oy manañquejáy ti iñasca jém tánQmi Jesucristo, cuando oy yíp naxyucmi con ipimi. Da je pixiñtam ijixquimi. Porque aichtam ánixñeta ánixcuymi cuando jém Cristo ipictson jém ipimi iga más mijpic anjagooyi. 17 Ánixñeta cuando jém tanJatun Dios iccám jém Cristo iga más mijpic anjagooyi con itumpiy ipimi. Ammatonja jém Dios ijyiyi jém wibic juctiantsoçajom. Nimpa iga: “Yíp jém amManic jém tsampic antoypa. Ich tsam amaymay con je.” 18 Aichtam mismo ammatonja jém ijyiyi, jém miññewiip siñyucmi, cuando anwaganaitta jém tánQmi Jesucristo jém cotsicyucmi jut núc jém Dios ipimi. 19 Siip mástim tanwijodon iga da je migooyi jém anmatí jém ijaychacnewiip jém wiñcpcic anmatciwiñ cuando inmatyay ti miñpa. Jesic mimichtam wí iga inwadaytampa caso jém inmatí porque je jex juuts tum wibic jucti, jém tsocpáppic piichciim. Tsam tayoxpátpa jém wiñcpcic anmatí hasta icuquejama cuando químpa jém wítmatsa íñanamanjom. 20 Wiñti jodónjataami iga ni tum pixiñ da wiap ijis iyaac ti nimtooba jém wiñcpcic anmatí, jém ijaychacneyajwiip jém wiñcpcic profeta. 21 Porque jém wiñcpcic profeta da nunca inmatyay ijiximi juuts je ixunpa. Pero jém Dios iñanama ichi jixi iga wiap inmatyay juuts iwianjam Dios.

2

Miñpa jém migoyajpaap (Jud. 4-13)

1 Pero wiñic ittim idic jém Dios ipixiñtamanjom jém malopic profeta jém migoypaap. Jesanetim siip ittim jém migoyajpaap mimichtamanjom. Miyamanquejáypa jém migooyi, jém tsampic mimalwadáypa. Inñeyajpa jém tánQmi Cristo jém tajojayñewiip tantañca. Iga tsam imalwatyajpa jém pixiñtam, da jáypa ichiiba castigo Dios. Iñuntaactogoypa. 2 Jáyan pixiñtam itúnyayajpa jém migooyi jém inimiñpáppic yíp malopic maestroyaj. Jeeyaj icuyucmi tsam malnimaytap jém numapic anquímayooyi. 3 Tsam icusúnyayajpa jém tumiñ. Jeeyucmi ijixquím jém migooyi iga mitobáypa jém iñtumiñ. Pero da jáypa chiitap castigo porque dende wiñgam Dios ijycámayñe iga icyojpa jém itañca jexpic pixiñtam.

4 Wiñic Dios da iwadáy perdón jém siñyucmicpic pixiñtam jém iwatnewiip táñca. Icot jém josjom, pajneta jém piichciim, jém infierno, hasta que núc jém jama iga cipiñtap. 5 Ni datim iwadáy perdón jém wiñcpcic pixiñtam, jém ityajwiip yíp naxyucmi cuando it jém Noé. Dios icutsat jém diluvio iga ictogoypa jém malopic pixiñtam. Pero iciacput jém Noé jém inmadayñewiip jém pixiñtam iga iwíwadiñ juuts ixunpa Dios. Ciacputyajta ocho con jém Noé.

6 Dios ictogoytim jém wisten attebet jém Sodoma y Gomorra. Iñoquet. Tsíy naps cuyjam. Iwadáy jempic iga tsíyiñ juuts tum ejemplo jém wisten attebet para jém malopic pixiñtam jém miñpáppic ocmi. 7 Pero Dios iciacput jém wibic pixiñ jém Lot. Yíp pixiñ tsam anyác iga agui imalwatyajpa jém malopic pixiñtam. 8 Yíp wibic pixiñ iwaganait jém malopic pixiñtam. Itumpiy jama tsam ijspa iñanamanjom, tsam anyácpa cuando iix y imaton iga pími imalwatyajpa jeeyaj. 9 TánQmi Dios ijodon jutsap iciacput jém wibic pixiñtam,

jém icupicneyajwüip, cuando cutítstap. Pero jém malopic pixiñtam ichacpa aparte hasta núcpa jém jama iga cüipintap, chiítap castigo.

¹⁰ Dios ichiiba castigo itumpiy jém malopic pixiñtam, jém imétsyajpáppic iga imalwatpa juuts ixunpa iyaac, jém ijóyixpáppic iga injacpa Dios. Da iwianjamyaj iga injacpa. Tsam jáyayanjichich. Da matóhóyapa. Da icinpa jém müjpic anjagooyiyaj jém itwüip sinyucmi, tsam imalnímáypa. ¹¹ Pero jém sinyucmipic pixiñtam aunque más wiap y tsam iniit ipimi, da iniquímpa quejaj Dios iwiñjom contra jém malopic.

¹² Yípyaj ijóyixpáppic Dios jex juuts jém jimñi animatyaj dapic jixiíy. Nay iga matstap y accaatap. Tsam imalnímáypa jém wibic jixi jém dapic icutiíyíyapa. Núcpa jama iga accaayajtap jeeyaj juuts jém jimñi animatyaj. ¹³ Tsam yaachwattap jeeyaj iga agui iyaachwatyaj jém itiwitam.

Tsam maymay iga imalwatyajpa sinñi jut ixtap, da tsaap. Nímanñtaayap iga icupicpatim Cristo iga mimigóyáypa. Tsam tájcaíy, tsam imalwatyajpa iganam miwagawíctámpa. ¹⁴ Tsam icusúniyapa jém malopic yomtam. Da cuspa imalwatyaj. Tsam imigóyáypa jém tantiwitam iga icmalwatpa jém dapic iwícupicne jém wibic anquímayooyi. Agui inyujne iga icusúniyapa jém itiwitam imüchi. Dios ijíycámayñe iga ichiiba castigo jexpic pixiñtam. ¹⁵ Togoyñeyaj porque ichacyaj jém numapic tun. Iwatyajpa juuts iwat jém wiñcpcic anmatcwiñ jém Balaam jém Beor imaníc. Jém Balaam imalwatpa iga icoñwíyapa tumiñ. ¹⁶ Pero wogaytá jém profeta Balaam iga imalwatpa. Jém iburro ijíyáy juuts tum pixiñ. Mex iga da jyapa jém animatyaj, injiyjac iga ichaguñ iga locojane.

¹⁷ Yípyaj pixiñtam juuts tum niixcuy titsnewüip, jex juuts jém ucsi jém dapic tujíy, jém tsampic inipoy jém sawa. Dios ijíycámáy iga ichiiba castigo jém piichcüm, jut tsam pimi piichi, jut da nunca putpa. ¹⁸ Tsam anmatyajpa, pero da ti cuwalcuy jém inmatí. Inímayyaj jém pixiñtam iga wí iga imalwatyajpa. Nímaytap iga wiap iwatyaj titam icusúniyapa iganamanjom. Icmalwatpa jém pixiñtam jém yaguñpic ichacneyaj jém malopic vida. ¹⁹ Inímáy jeeyaj iga iniit libertad iga iwatyajpa juuts ixunpa iyaac. Pero yíp malopic maestro je mismo tsíy juuts tum esclavo. Datim wiap iwat juuts ixunpa iyaac, pero jém malopic jixi injacpa juuts tum esclavo. Siiga j injacpa jém malopic jixi, tsíyapa juuts esclavo. ²⁰ Siiga j iixpicpa jém tánQmi Jesús, jém taciacputpáppic, y siiga ichac iga imalwatpa juuts iwatyajpa jém ityajwüip yíp naxyucmi, pero ocmi eybictim moypa imalwat juuts iwatpa wiñti, jesic jém malopic jixi icoñwíy. Tsíy jém pixiñ juuts tsentá con cadena. Más pimi malo que cuando danam icupicne Cristo. ²¹ Más wí jém pixiñ meega da iixpicne jém numapic tun que iga cuando iixpicne, ocmi ichacpa iga icupicpa jém wibic anquímayooyi jém ichiñewüip Dios. ²² Inascaaba jém pixiñ juuts nimpá jém anmatí jém dapic je migooyi: “Jém chimpa eybic icútpa jém iichi. Jém yoya, jém wíacchinetawüip, eybic chinpa tuutjom.”

3

¹ Mantjwítam, mantoytampáppic, wisciyam manjáyáypa. Siip manacjispa eybic jém wibic jixi jém iniitwíip iñanamanjom ² iga odoy inçujisaytámiñ ti nımyajpa jém wiñicpic profeta y jém tánQmi inçuímayooyi jém taciacputpáppic. Jeetim anmatı minquejáy jém tunçac apóstolyaj.

³ Wiñti, jodónataami iga jém inañpigam jama miñyajpa jém malopic pixiñtam, tsam iwadayajpa burla jém wítampic cosa. Tsam iwatyajpa itumpiy jém malopic cosa juuts ijisyajpa jeeyaj iñanamanjom. ⁴ Acwágooyajpa: “¿Que da mijycámáy jém Cristo iga miñgacpa? ¿Siip juñ if? Dende caaneyaj jém wiñicpic pixiñtam, itumpiy cosa jextim, da cucacne dende watneta yíp mundo.” ⁵ Yıpyaj icujisáy iga da jex itumpiy cosa dende wiñic. Porque wiñigam Dios inímáy jém siñ iga idiñ y jesic itum. Dios inímáy jém nas iga pudiñ nüicim, tsıyíñ titsijom, jesic putum. Con jeetim ni iwat jém nas. ⁶ Ocmi Dios icmiñ jém diluvio, ictogoy itumpiy jém itwíip idic yíp naxyucmi. ⁷ Pero jém nas y jém siñ jém itwíip siip, juuts nımpa jém mismo anmatı, injócyajpa jém jama cuando nooquettap con jucti. Injócyajpa jém inañpigam jama cuando cıipinjajtap itumpiy jém malopic pixiñtam iga actogoyajtap.

⁸ Mantjwítam, mantoytampáppic, jém tánQmi da táncaap inimiñ jém castigo porque para je tum jama juuts tum mil amtıy. Y tum mil amtıy juuts tum jama. ⁹ Jém tánQmi da chocóyap iccupac juuts tajycámayne juuts ijisyajpa algunos. Da jáypa iccupacpa, pero tsam iyaachıypa jém ityajwıip yíp mundo, da jobit ichégáy jém itánca porque tsam iyaachanjampa. Da ixunpa iga togoypa ni tum. Ixunpa iga itumpiy jém pixiñtam icucacyajiñ ijixi.

¹⁰ Jém jama, cuando miñgacpa jém tánQmi, icupiichcıypa jém pixiñtam juuts tum númpaap tsuucim. Actogoytap itumpiy cosa jém tánixpáppic siñyucmi. Nooquettap. Tsam pımi tiñpa juuts tum mijpic jucti. Nooquettaptim yıp nas y itumpiy cosa jém ityajwıip yíp naxyucmi.

¹¹ Como tanjodon iga togoypa itumpiy yıpyaj cosa, wı iga tanjwıwattámiñ juuts ixunpa Dios. ¹² Iganam tananjóctampa jém tiempo, wı iga tanjwattámiñ titam wıap tanwat iga más jicsciy miñpa jém jama cuando Dios icıipınpa jém pixiñtam. Cuando núcpa jém jama nooquettap jém siñ. Jém dapic jıpspa, accunoomaytap. ¹³ Pero taichtam tananjóctampa iga Dios icjoomaşetpa jém siñ y jém nas porque jempam ijıycámne. Nıcpa itı naps jém wibic pixiñtam jém jomıpic naxyucmi.

¹⁴ Jeeyucmi mantjwítam, mantoytampáppic, iganam ininjóctampa, watı empeño iga injwıwattámpa juuts miwıap. Jesic cuando miñpa Cristo, mipátpa iga da síp inıñata, da immalwattámpa, da mitáncaıyta. ¹⁵ Cutııyiytaami iga jém tánQmi tsam iyaachıypa jém malopic pixiñtam iga icıacputpa. Jempıctım mijáyáy jém tantıwı Pablo jém tsampic tantoypa. Wıap miñmadáy ti miñpa porque Dios ichı jém jixi. ¹⁶ Cuando ijaychac jém toto jém Pablo, siempre inımatım jeetim ançuímayooyi juuts ichpic anañmat. Numa, uxanj tánca tançutiıyıypa jém Pablo inçuímayooyi. Jém pixiñtam, jém dapic wıçuyujne y jém dapic jıxıy, iñejacutiıyıypa titam ijaychac jém Pablo. Iñejacutiıyıtım jém tunçac parte jém Dios inmatı. Jempic nactogoyajtap iyaac.

¹⁷ Pero mimichtam, mantjwítam, mantoytampáppic, manacjodónane wiñti iga tsam it jém migooyi. Jesic cuidado iga i mıctıacpa jém Dios inmatı con jém migooyi jém inmatpáppic jém malopic pixiñtam. ¹⁸ Siip más y

más cutiyyihtaami jém wibic jixi jém tachiñewiip jém tánQmi Jesucristo, jém taCiacputpáppic. Wítim iga más jáyanap jém Cristo itóyooyi íñanamanjom. Tañcujíptamiñ siip jém tánQmi Cristo para itumpiy jama. Jemum cuyaj.

Jém wiñtipic carta jém ijayñewiip jém Xiwan

*Nimpa jém Xiwan iga iixñe jém Cristo
(Jn. 1:1; Ap. 19:13)*

¹ Jém Cristo ittim idic dende wiñigam cuando danam i yíp mundo. Pero siip wiap mannímáy iga ánixñeta ánixcuymi. Ammatonñeta. Anámta. Antsic con añci. Iñiyitim jém Anñmati, je jém vida jém tachiiñewiip Dios. ² Awiñquejayta jém vida. Ánixñeta, jeeyucmi wiap manañmadáy iga núcneum y wiap manañquejáy iga jém Cristo jeam jém vida jém dapic cuyajpa. Ittim idic dende wiñigam con jém tanJatun Dios, jesis ocmi awiñquejayta. ³ Siip manañmadáypa ti ánixñeta y ti ammatonñeta iga wiañ tanaiŋa tumti jixi juutstim aich anaiŋa tumti jixi con tanJatun Dios y con jém Jesucristo jém Dios iManic. ⁴ Jeeyucmi manjáyápa iga iniiŋtamiñ jém maymáajji jém numapic.

Jém tanJatun Dios tum wibic jucti agui witsocpa

⁵ Yíbam jém wibic añmati jém tanquejayñewiip jém Jesucristo. Siip manañmadáypa mimichtam. Nimpa jém añmati iga jém tanJatun Dios jex juuts tum wibic jucti. Agui witsocpa. Jut it Dios da i piichi, je da táñcaíy ni uxaj. ⁶ Siiga tanimpa iga tumti tanjixi con tanJatun Dios, pero tasiŋbatim piichciim, jesis tamigóypa. Da tanwatpa juuts nimpa jém numapic añmati. ⁷ Pero siiga tasiŋba juctianŋtsocajom juuts jém tanJatun Dios it jém juctianŋtsocajom, jesis numa tumti jixi tanaiŋa y jém Jesucristo iñipiñ, jém Dios iManic, taccáyápa itumpiy jém tantánca.

⁸ Pero siiga tanjiswa iga da tatáncaíy, jesis tanamigóyáŋ tanyaac. Da tanaj jém numapic añmati tánanamanjom. ⁹ Pero siiga tananmadáypa Dios iga agui tammalwatne, jesis tanjodon iga tayoxpátpa porque Dios tajiycaíy iga tayoxpátpa. Tawitsagápa itumpiy jém tantánca, taccáyápa tánanamanjom. ¹⁰ Pero siiga tanimpa iga da tatáncaíy, jesis tamigóypa y tanimpa iga migóyapim jém tanJatun Dios. Quejpa iga da numa tanjcupicne jém inñmati.

2

Jém Jesucristo je jém tacupujáppic

¹ Mamanñictam, siip manjáyápa yíp toto iga odoy immalwadiñ. Pero siiga i imalwatne, jém Jesucristo wiap icupuj jém Dios iwiñjom porque je da ti mal iwat. ² Accaŋa jém Cristo iga tajojayta tantánca. Y da no más taichtam tajojayta jém tantánca, pero iyojáytim itumpiy jém pxiñtam itánca icuwiti yíp naxyucmi.

³ Siiga seguido tanwatpa juuts tanímáypa Dios, jesis tanjodon iga numa tánixpicne jém Cristo. ⁴ Pero siiga tum pxiñ nimpa iga: Ich ánixpicpa jém Cristo, pero da iwatpa juuts nimpa jém wibic añmati, jesis migóypa jém pxiñ. Da iniñ jém numapic añmati iŋanamanjom. ⁵ Pero siiga tum pxiñ iwatpa juuts nimpa jém Cristo inñmati, jesis numa quejpa iga jém pxiñ tsam itoypa Dios. Siiga seguido tanwatpa juuts nimpa jém Cristo inñmati, jesis tanjodon iga tanwaganaiŋa jém tanJatun Dios. ⁶ Siiga tum pxiñ nimpa iga: Ich

anwaganait tanjatun Dios, jesic wi iga iwadiñ jem witampic cosa juuts iwatpa jem Jesucristo.

Jém jomipic anquímayooyi

⁷ Mantiwitam, da manjáyáypa tum jomipic anquímayooyi, pero manjáyáypa jeetim pecapic anquímayooyi jem iniiwip dende wiñti. Yip anquímayooyi jem mojawip impictonta. ⁸ Manjáyáypa juuts tum jomipic anquímayooyi porque Cristo oy tanquejay iga tanatoytamtañ y mimichtam inwattampa jempic. Siip nasneum jem piichi y nucneum jem numapic juctiantsoca.

⁹ Siiga nimpa tum pixiñ iga: Ich aif jem juctiantsocajom, pero ijóyixpa jem itiwitam, jesic migóypa jem pixiñ. Quejpa iga danam putne jem piichcim. ¹⁰ Pero siiga tum pixiñ itoypa itwi, jesic it jem juctiantsocajom y da i wiap icmalwat. ¹¹ Pero siiga tum pixiñ ijóyixpa jem itwi, jesic tsíypa jem piichcim. Da ichacpa iga imalwatpa. Jexpic pixiñ da ijodon jut nicpa porque jem piichi da iguixixóypa.

¹² Mammanictam, manjáyáypa porque Dios miwadayneum perdón jem inñanca porque jem Cristo miyojay jem inñanca. ¹³ Michamitampic, manjáyáypa porque incupicneum jem Cristo jem itwip dende wiñigam. Manjáyáypatim, jem dapicnam michamitam, porque incoñwiyneum jem Wocciwiñ. Manjáyáypatim michixtam porque inixpicneta jem tanjatun Dios. ¹⁴ Manjáyáypa michamitampic porque incupicneum jem Cristo jem itwip dende wiñigam. Manjáyáypatim jem dapicnam michamitam porque tsam miwip. Inii jem Dios inmati inñanamanjom. Incoñwiyneum jem Wocciwiñ.

¹⁵ Tsaci iga inñoypa itumpiy jem malopic cosa jem ityajwip yip naxyucmi. Porque siiga tum pixiñ itoypa jem malopic cosa jem ityajwip yip naxyucmi, jesic da itoypa jem tanjatun Dios. ¹⁶ Jém da wibic pixiñtam tsam icusúnypa itumpiy jem malopic cosa jem ijisnewip inamanjom. Titam iixpa imalwatpa, icusúnypatim. Agui nacujiptap iyaac iga agui wi it. Itumpiy yip malopic jixi jem ityajwip yip naxyucmi da miñpa de Dios. Jém malopic jixi tsucumpa yip naxyucmic pixiñtam inxianjom. ¹⁷ Cuyajpa yip mundo y cuyajpatim itumpiy jem malopic cusúnyooyi. Pero jem iwatyajpappic juuts ixunpa Dios da nunca cuyajpa. Jeeyaj tsíyyajpa para siempre.

Jém Cristo ienemigo je jem contracrsto

¹⁸ Mammanictam, siip núctoobam jem inanpigam jama. Mimichtam immanonteta iga miñpa tum pixiñ nimanñaayap iga jeam jem Cristo. Tsam anapa contra jem Cristo. Siip nucneum wati jem anayajpappic contra jem Cristo. Jeeyucmi tanjodon iga núctoobam jem inanpigam jama. ¹⁹ Jeeyaj ityaj idic con taichtam, pero da inuntacupicneyaj Dios. Jesic ocmi cupudayyaj con taichtam. Siiga numa icupicyajpa Dios, jesic tienes que tanwaganaitampa hasta siip. Pero cupudayyaj iga quejiñ iga da tawaganaitta ni tum de jeeyaj.

²⁰ Pero jem tánomi Cristo michiñeta jem Dios inñama, jeeyucmi inñumpiytam wiap incutiyyita jem witampic anquímayooyi. ²¹ Jesic da manjáyáypa iga da incutiyyipa jem numapic anquímayooyi. Manjáyáypa porque mich inixpicpa jem numapic anquímayooyi. Injodonjim iga jem numapic anquímayooyi da je migooyi.

²² ¿Jesic japaap jém migoypaap? Jém migoypaap je jém nimpáppic iga jém Jesús da je Cristo jém icutsatnewiip Dios. Jém migóypáppic je jém contracrismo. Yíp malopic p̄ixiñ in̄nécpa jém tan̄jatun̄ Dios y in̄nécpatim̄ jém Dios iM̄anic. ²³ Porque siiga tum̄ p̄ixiñ da icupicpa jém Dios iM̄anic, jesic datim̄ iixpicpa jém tan̄jatun̄ Dios. Pero siiga tum̄ p̄ixiñ icupicpa jém Dios iM̄anic, jesic iixpicpatim̄ tan̄jatun̄ Dios.

²⁴ Jeeyucmi man̄nímaypa iga odoy tsaci iga in̄cupictámpa jém wibic an̄químayooyi jém moiw̄iip min̄quejaytam̄ta. Siiga da in̄chacpa, jesic seguido miwaganaittámpa jém tan̄jatun̄ Dios y jém iM̄anic Jesucristo. ²⁵ Jém Jesucristo tajiycámayñe iga tachiiba jém vida iga nicpa tajti con Dios.

²⁶ Man̄jáyápa iga tsam̄ it jém tamigóyayjáp̄ppic. ²⁷ Pero michtam̄ iniitámum̄ jém Dios iĀnama jém michiñewiip jém Cristo. Iniiitum̄ in̄anam̄an̄jom̄. Jeeyucmi da in̄xunpa iga i min̄quejáyapa porque jém Dios iĀnama min̄quejaytámpa itumpiȳ jém wibic j̄ixi. Je jém numapic an̄químayooyi, da je migoooyi. Jesic odoy tsaci iga in̄watpa juuts ixunpa jém Cristo juuts min̄quejáy jém Dios iĀnama.

²⁸ Siip, mamman̄ictam, wagaittaami con jém tánQmi Jesucristo, jesic da tan̄c̄ntámpa cuando miñgacpa yíp naxyucmi, da tatsaatámpa cuando tan̄án̄mocpa. ²⁹ Michtam̄ in̄jodon̄ iga da t̄n̄caíy jém Cristo. Jesic jodón̄gataami iga itumpiȳ jém iw̄iwatyajpáppic nayñeyaj iga Cristo iman̄igap.

3

N̄impa jém Xiwan ti iwatyajpa jém Dios iman̄ictam

¹ Ixi iga tsam̄ p̄imi tatoypa tan̄jatun̄ Dios. Jeeyucmi tatsiýtámpa iga Dios tam̄an̄ictam. Yíp da je migoooyi. Taichtam̄ jém Dios tam̄an̄ictam. Jeeyucmi jém dapic icupicyajpa Dios da taw̄ixiyajpa porque datim̄ iixpicyajpa jém tan̄jatun̄ Dios. ² Mant̄iwitam̄ mantoytampáppic, siip taichtam̄ Dios tam̄an̄ictam. Da tan̄jodon̄ siip juutspic tapixiñtam̄ tatsiýtámpa cuando tampictson̄pa jém jom̄ipic tamm̄ijtay. Pero tan̄jodon̄ iga cuando miñgacpa yíp naxyucmi jém tánQmi Jesucristo, jesic tatsiýtámpa jextim̄ juuts jém Cristo. Porque cuando miñgacpa jém tánQmi, jesic tánixtámpa juutspic p̄ixiñ. ³ Itumpiȳ jém p̄ixiñtam̄ jém in̄jocyajpáppic iga miñgacpa jém tánQmi Cristo, tienes que ichacyajpa jém it̄n̄ca iga cuáyñeñ jém ianama porque da t̄n̄caíy jém Cristo.

⁴ Jém p̄ixiñtam̄, jém iwatyajpáppic t̄n̄ca, da icupicne jém Dios in̄químayooyi. Itumpiȳ jém t̄n̄ca it en contra de Dios in̄químayooyi. ⁵ Michtam̄ in̄jodon̄tam̄ iga jém Cristo oy yíp naxyucmi iga iccáyápa jém p̄ixiñtam̄ it̄n̄ca. In̄jodon̄tim̄ iga jém Cristo da t̄n̄caíy ni uxan̄. ⁶ Siiga tum̄ p̄ixiñ iwaganait̄ jém Cristo, jesic da seguido iwatpa t̄n̄ca. Pero itumpiȳ jém p̄ixiñtam̄ jém imalwatyajpáppic da icupicyajpa ni da iixpicyajpa Dios. ⁷ Mamman̄ictam, cuidado iga i mimigóyápa iga mictsactámpa jém Dios in̄mati. Siiga tum̄ p̄ixiñ seguido iwatpa juuts ixunpa Dios, jesic wibic p̄ixiñ, jextim̄ juuts jém tánQmi Cristo. ⁸ Pero siiga tum̄ p̄ixiñ da ichacpa it̄n̄ca, jesic quejpa iga tsíypa juuts jém Woc̄wiñ im̄ichi. Porque dende wiñigam̄ imalwatpa jém Woc̄wiñ. Jeeyucmi jém Dios iM̄anic oy yíp naxyucmi iga iccuyájápa jém Woc̄wiñ ip̄imi.

⁹ Jém Diospic imañictam ichacpa jém itáŋca. Da más imalwatpa. Siiga tanait jém vida jém Diospic tachiñe, jesic da wíap tammalwat seguido porque Dios tamanigane. ¹⁰ Asíam tanjodónap iapaap jém Dios imañictam y iapaap jém Wocciwiñ imañictam. Jém dapic iwíwatpa da je Dios imañic ni jém dapic itoypa itíwítam.

Jém Dios ipixiñtam natoyyajtap con jém itíwítam

¹¹ Wíñigam tampictsoŋ yíp anquímayooyi: Wí iga tanatoytamtañ con jém tantíwítam. ¹² Da wí siiga tanwatpa juuts jém Caín, porque je jém Wocciwiñ imíchi, icca itíwi. ¿Tíiga icca itíwi? Porque jém Caín iwatpa juuts ixunpa jém Wocciwiñ, pero jém itíwi iwatpa juuts ixunpa Dios.

¹³ Mantíwítam, odoy pooñanjamtaami siiga jém malopic pixiñtam tsam mijóyixpa. ¹⁴ Tatsiyñeta idic juuts tum pixiñ caane, pero siip taichtam tavolo. Tanjodon iga tavolo porque siip tantoypa jém tantíwítam. Jém pixiñ jém dapic itoypa itíwi jex juuts tum pixiñ caane. ¹⁵ Itumpiy jém ijóyixpáppic itíwi jex juuts tum accaoypaap. Y michtam iñjodon tam iga jém accaoypáppic pixiñ da ini jém vida jém dapic cuyajpa. ¹⁶ Jesic asíam tançutiñiyypa jutsap tanto jém tantíwítam porque jém Cristo iyaac nachiita iga accata iga tajojáy tantáŋca. Jesic wíñim iga tanjiguiñ iga taccaatap iga tanyoxpátpa jém tantíwítam jém icupicneyajwíip Jesús. ¹⁷ Siiga tum pixiñ tsam iniit iwíccuy y itumpiy cosa y iix iga pími yaachap jém itíwi, pero da iyaachanjampa, jesic quejpa iga jém pixiñ da itoypa Dios. ¹⁸ Mammanictam, da wí iga tannímáypa jém tantíwi iga: Mantíwi, tsam mantoypa, pero ocmi da tanyoxpátpa. Siiga jém iñtíwi itogóyáy algun ti, jesic yoxpaati, yaachanjami.

Jutsap tanjodóna iga Diosam tamíichitam

¹⁹ Siiga tantoypa tantíwítam, jesic tanjodon iga tanait jém numapic anquímayooyi. Jesic da tançñpa iga tanúcpa jém Dios iwiñjom. ²⁰ Siiga tanjisa tánanamanjom iga agui tammalwatne idic, jesic odoy wadaayi caso porque Dios más mij que taichtam y Dios iixpicpa itumpiy jém pixiñtam ianama. ²¹ Jesaptim, mantíwítam, siiga da tanjisa tánanamanjom iga agui tammalwatne, jesic da tançñpa iga tanúcpa jém Dios iwiñjom. ²² Siiga tanwágáypa Dios alguna cosa, jesic tachiiba porque seguido tançupicpa jém Dios inquímayooyi y tanwatpa juuts iwianjam Dios. ²³ Nimpa jém Dios inquímayooyi iga tançupictamiñ jém imañic iñiyi, jém Jesucristo. Nimpatim iga tanatoytamtañ con jém tantíwítam juuts tanimayñe. ²⁴ Itumpiy jém icupicneyajwíip jém Dios inquímayooyi ityaj con Dios. Itim Dios con jém ipixiñtam. Tanjodon iga tanwaganañ Dios porque tachiñeta jém Dios iAnama.

4

Quejpa juppic jém malopic espíritu jém tamigóyaypáppic

¹ Mantíwítam mantoytampáppic, odoy cupici itumpiy jém añmatciwiñ jém nímajpáppic iga iniit jém Dios iAnama. Pero wiñti cutítsi jém inquímayooyi, jesic quejpa siiga Dios icutsatne. Porque tsam it jém malopic añmatciwiñ jém tamigóyaypáppic. Ininúcyjpa jém migooyi jutíñquej. ² Siiga jém añmatciwiñ nimpa iga jém Jesucristo oy yíp naxyucmi juuts tum pixiñ, maayítim juuts taichtam, jesic tanjodon iga jém añmatciwiñ iniit jém Dios iAnama.

Jempigam tánixpicpa siiga iniit jém Dios iAnama. ³ Pero siiga da inmatpa jém pxiñ iga maayítim jém Cristo juuts taichtam, jesic da iniñ jém Dios iAnama. Jém pxiñ iniit jém mal espíritu. Y jém mal espíritu it en contra de jém Cristo. Michtam injodontam iga miñpa jém añapáppic contra jém Cristo y siñ núneum yíp naxyucmi.

⁴ Pero mimichtam, mammanictam, Dios mimichitam. Incoñwiyñeum jém malopic añmatcwiñ jém tamigóyayajpaap. Porque jém Dios iAnama, jém iniitwip inñamanjom, más wíap que jém iniitwip jém malopic pxiñtam ianamanjom, jém dapic icupicneyaj Dios. ⁵ Jém malopic añmatcwiñ iniityaj yíp naxyucmicip jixi, jesic cuando inmatyajpa jém malopic añquímayooi, yíp naxyucmicip pxiñtam imatonyajpa. ⁶ Pero taichtam Diosam tamichitam. Cuando tanañmatpa jém Dios inmatí, jesic jém icupicneyajwip Dios imatonyajpa. Pero jém dapic je Dios imichi jeeyaj da imatonyajpa. Jempigam wíap tánixpic jém Dios iAnama y jém mal espíritu jém tamigóyayáppic.

Dios tsam tóyóypa

⁷ Mantiwitam mantoytampáppic, wí iga taichtam tanatoytamtaiñ con jém tantiwitam porque Dios tachiñe jém jixi iga tanatoytamtaiñ. Y itumpiy jém itoyyáppic itíwi je jém Dios imanictam y jeeyaj iixpicyajpa Dios. ⁸ Jém dapic itoypa itíwi jesic datim iixpicpa Dios porque tsam tóyóypa Dios. ⁹ Dios tanquejay jutpic tatoypa cuando icutsat yíp naxyucmi jém tumpic iManic iga tachiítamiñ jém vida jém dapic cuyajpa. ¹⁰ Yimpic quejpa jém wibic tóyooyi. Da iga tantoypa Dios, pero iga Dios tatoytámpa taichtam. Jeeyucmi icutsat iManic iga tayoáy tantánca.

¹¹ Mantiwitam mantoytampáppic, iga tsam tatoypa Dios jesic wítim iga tanatoytamtaiñ con jém tantiwitam. ¹² Da j nunca oypa iix jém tanjatuj Dios, pero siiga tanatoytamtap con tantiwitam, jesic tanjodñ iga tanaítta Dios tánanamanjom. Y mástím quejpa iga tatóyóypa. ¹³ Dios tachiñeta jém iAnama, jeeyucmi tanjodñ iga tait con Dios y Dios it con taichtam. ¹⁴ Anyaac ánixñeta jém Jesucristo y siñ anañmattámpa jutñquej iga jém tanjatuj Dios icutsat jém iManic yíp naxyucmi iga iciacputpa itumpiy jém pxiñtam jém ityajwip yíp naxyucmi. ¹⁵ Siiga tum pxiñ inmadáypa jém itiwitam iga jém Jesucristo jém Dios iManic, jesic jém pxiñ it con Dios y jém Dios it con jém pxiñ.

¹⁶ Tanjodñ y tancupicpa iga Dios tsam tatoypa porque Dios tsam tóyóypa. Y jém pxiñ jém tóyoyáppic it con Dios y Dios ittim con jém pxiñ. ¹⁷ Siiga seguido taittámpa con Dios, jesic más tancutñiytámpa jutsap tantoy Dios. Y cuando núcpa jém jama iga Dios ichiiba castigo jém malopic pxiñtam, jesic taichtam da tançñtámpa. Taichtam tajextim juuts jém Cristo cuando jáy iti yíp naxyucmi. ¹⁸ Jut it jém tóyooyi da j çñi porque jém numapic tóyooyi iccáypa itumpiy jém çñi. Pero siiga tum pxiñ icñpa jém Dios icastigo, jesic quejpa iga da iniñ jém numapic tóyooyi.

¹⁹ Taichtam tantoytámpa Dios porque wiñti tatoyta. ²⁰ Pero siiga tum pxiñ nimpa iga: Ich antoypa Dios, pero ijóyixpa itíwi, jesic migóypa jém pxiñ. Porque siiga da itoypa itíwi jém iixñewip, jesic datim wíap itoy jém Dios jém dapic tánixpa. ²¹ Dios tachi yíp añquímayooi: “Siiga inñoypa Dios, jesic toyítim mex jém inñiwitam.”

5

Jém icupicneyajwïp jém Cristo icoñwiyñeum jém Wocciwiñ ipimi

¹ Siiga inçupicpa iga jém Jesús je jém Cristo, jesic Dios mimanic. Si-iga tantoypa jém Jatunpic, jesic tienes que tantoytámpaím jém imanictam. ² Jesic tanjodon iga numa tantoypa jém Dios imanictam siiga tantoypa Dios y tanwattámpa juuts tanímáypa. ³ Siiga tanwatpa juuts nimpá jém Dios inçuímayooyi, jesic quejpa iga tantoypa Dios. Y jém Dios inçuímayooyi da táñca iga tanwatpa. ⁴ Porque jém Dios imanictam wïap icoñwiy itumpiy jém malopic jixi jém ityajwïp yíp naxyucmi. Wïap tançoñwiy porque tançupicne jém Jesucristo. ⁵ Pero nada más jém icupicneyajwïp iga jém Jesús je jém Dios iManic wïap icoñwiy itumpiy jém malopic jixi.

Tucuten testigo tanquejáypa iapaap jém Jesucristo

⁶ Oy iti jém Jesucristo yíp naxyucmi, acchiñta nñicim, itegáy iñiipiñ jém cunusyucmi. Da je solamente con ni, pero tanquejayta con jém ni y con jém nñipiñ iga da je migooyi. Dios iAnama tsíypatim juuts tum testigo iga jém oyñewïp numa jém Dios iManic porque jém Dios iAnama da inisiiba jém migooyi. ⁷ Tucuten testigo it siñyucmi: jém tanjatun Dios, jém tánomi Jesucristo y jém Dios iAnama. Icutres tsíy juuts tumti. ⁸ Ittim tucuten testigo yíp naxyucmi: jém Dios iAnama tsíy juuts tum testigo, y jém ni tsíy juuts tum testigo, y jém nñipiñ tsíytim juuts tum testigo. Icutres it de acuerdo. ⁹ Tançupicpa jém pixiñtam cuando inmatyajpa juuts testigo. Pero más wibic testigo jém tanjatun Dios. Tanímáyne iga Jesucristo je jém iManic. ¹⁰ Jém icupicneyajwïp jém Dios iManic chiiñeta jixi ianamanjom iga numa jém Jesús je jém Dios iManic. Pero jém pixiñ, jém dapic icupicpa Dios, nimpá iga migóypa jém tanjatun Dios porque da icupicpa titam tanmadáy Dios de jém iManic. ¹¹ Tacjodonaneta iga Dios tachiiñetámum jém vida jém dapic cuyajpa, yíp vida iniit jém Dios iManic. ¹² Jém iniitwïp jém iManic, iniitum jém vida. Pero jém dapic iniñ jém Dios iManic, je da iniñ jém vida.

¹³ Manjáyáypa mimichtam jém inçupicnetanjwïp jém Dios iManic iñiyi iga iññuntawijodon iga impictsonneta jém vida jém dapic cuyajpa.

¹⁴ Siiga tanwágáypa Dios jém wítampic cosa juuts ixunpa Dios, jesic tanjodon iga tamatonpa. Tanjodon iga Dios iccupacpa juuts tajycámáyne.

¹⁵ Siiga tanjodon iga Dios tamatonpa cuando tananjewjpátpa, jesic tanjodonñim iga tachiiñeum jém wibic cosa jém tanwágáyñewïp. ¹⁶ Siiga tánixpa tum tantíwi iwat tum táñca jém dapic iccaaba, jesic wï iga tananjewjpádáyñ Dios para je. Jesic Dios ichiiba vida jém tantíwi siiga da iwat jém táñca jém taccaapáppic. Porque it jém táñca jém taccaapáppic. Da mannímáypa iga inijewjpádáyñ Dios para jém pixiñ siiga iwatpa jexpic táñca. ¹⁷ Itumpiy jém malopic cosa jém iwatyajpáppic jém pixiñtam táñcatim. Pero it jém táñca jém dapic iccaaba jém pixiñ.

¹⁸ Tanjodon iga jém tsíyñeyajwïp juuts jém Dios imanictam ichacneyajum iga imalwatpa porque jém Cristo iwatpa cuenta iga jém Wocciwiñ odoy wiañ icmalwat.

¹⁹ Tanjodon iga Dios tamaniganeta. Tanjodonñim iga itumpiy jém malopic pixiñtam yíp naxyucmi ityaj jém Wocciwiñ icijom.

²⁰ Tanjodonjim iga oy yip naxyucmi jem Dios imanic iga tachiiba jem wibic jixi iga wiañ tañcutiyyiy juppic jem numapic Dios. Siip tañwaganaittampa jem numapic Dios, je jem tanomi Jesucristo. Je jem numapic Dios jem tachiinewiip jem vida jem dapic cuyajpa. ²¹ Mammañictam, odoy jistaami jem watnas jem dapic je nunta Dios. Jenum cuyaj.

Jém segunda carta jém ijayñewiip jém Xiwan

Jém numapic anquímayooyi tayo xpátpa iga tanatoytamtaiñ con jém tantiwitam

¹ Ich aXiwan, atsamipic anjagooyi. Siip manyomtíwi, jém micupinewiip Dios, manjáyápa mimichtam con jém immanictam. Numa tsam mantoytámpa. Da no más ich mantoypa, mitoytámpatim itumpiy jém icupicneyajwíp jém numapic anquímayooyi. ² Mantoytámpa mimichtam porque tan cupictámpa jém numapic anquímayooyi jém tanaitwiip tanaanamanjom, jém tanwaganaitwiip para itumpiy tiempo. ³ Siip tanjatun Dios y jém tánomi Jesucristo, jém Dios imaníc, miwíwadaytámpa y miyaachanjamtámpa mimichtam. Michiitámpa jém wibic paz iga oday micinjámiñ. Jempam miwadaytámpa Dios con jém numapic anquímayooyi y jém wibic tóyooyi.

⁴ Ich tsam amaymay iga ampát algunos jém immanictam agui iwíwatyajpa juuts nimpá jém numapic anquímayooyi, jém tanímayñewiip jém tanjatun Dios.

⁵ Manyomtíwi, siip mancunucsóya iga natoytamtaji con jém tantiwitam. Da manjáyápa tum jomipic anquímayooyi. Yíp anquímayooyi jeetim jém mojwíp tampictson. ⁶ Siiga tanait jém wibic tóyooyi, jesic tanwattámpa juuts nimpá jém Dios inquímayooyi. Yíp anquímayooyi jeetim jém wiñtipic tammatonje iga tatóoytámiñ.

Tsam it jém tamigóyayjápápic

⁷ Siip siiyajpa jutínquej jáyan jém migoyyajpaap. Nímyajpa iga jém Jesucristo da oy íti yíp naxyucmi juuts tum píxiñ. Yíp migoyyajpaap it en contra de jém Cristo. ⁸ Wattaami cuenta mimichtam iga oday togóyiñ jém incoñwiyooyi porque tsam pími miyojata. Wí iga capsá impictson jém incoñwiyooyi jém michiipápic Dios.

⁹ Siiga í ichacpa jém Cristo inquímayooyi iga incodiýpa y ijáyaníypa más jém anmati, jesic jém píxiñ da iwaganait Dios. Pero siiga tum píxiñ da ichacpa jém Cristo inquímayooyi, iwaganait tanjatun Dios y iwaganaitim jém Dios imaníc.

¹⁰ Siiga núcpa iñticiim tum anmatciwiñ jém dapic inmatpa parejo jém Cristo inquímayooyi, jesic oday jigaayi iga tigiýpa con mimichtam. Datim wí iga tandioschiiba jém píxiñ. ¹¹ Porque siiga tannímáya jém malopic anmatciwiñ iga: Dios miwíwadayiñ, jesic jempam tanyoxpátpa iga imalwatpa.

Cuyajum jém toto

¹² Tsam jáyan cosa manjáyaytooba idic, pero da más manjáyápa con toto y tinta. Anjispa iga nicpa manjóyay iga tanmatmatneeba con mimich, jesic agui tamaymayatámpa.

¹³ Jém iñchitsi imanictam, jém icupinewiip Dios, micutsadápa watidios. Jemum cuyaj.

Jém tercera carta jém ijayñewiip jém Xiwan

Wi iga tanyoxpátpa jém Dios ipixiñtam

¹ Ich aXiwan atsamiipic anjagooyi. Siip manjáyáypa, mánamigo Gayo, ich numa tsam antoypa.

² Siip mantíwi, jém mantoypáppic, anajwejpátpa Dios para mimich iga odoy mimimneñ, iga miwíidiñ juutstim tsam wi it jém iñanama. ³ Ich agui amaymay cuando algunos jém tantíwítam oy anmadáy iga mich da iñchacne jém numapic anquímayoooyi, iga siempre tsam inwíwatpa. ⁴ Numa tsam pími amaymáyp cuando ammaton iga jém ammanictam agui iwíwatyajpa juuts nimpa jém numapic anquímayoooyi.

⁵ Mantíwi, mantoypáppic, agui miwí iga seguido iñyoxpátpa jém tantíwítam jém tungac pixiñtam jém dapic de mimichtam. ⁶ Jeeyaj cuando oy yim jut antuumayajpa jém Dios ipixiñtam, nimyaj iga mich tsam wibic mipixiñ. Siip mancunucáypa iga más iñyoxpádiñ yípyaj jém Dios ipixiñtam juuts iwianjam Dios. Chi titam itogóyay iga wiañ iñicyaj más juumi. ⁷ Nicyajpa juumi iga icuyoxayajpa jém Cristo. Da ti ipictsonyajpa de jém tungac pixiñtam jém dapic icupicneyaj Dios. ⁸ Jeeyucmi wi iga tanyoxpátámiñ jexpic pixiñtam iga tanwaganayoxap jém inmatyajpaap jém numapic anquímayoooyi.

Jém pixiñ Diótfes tsam imalwatpa

⁹ Anjáyay tum toto jém icupicneyajwiip Jesús jemum jut it jém pixiñ iñiyi Diótfes. Pero jém Diótfes da awipictsona porque agui iwianjam iga tsíypa juuts tum mijpic anjagooyi iga injacpa jém Dios ipixiñtam. ¹⁰ Jeeyucmi cuando anicpa jemíc, anwogáypa jém Diótfes iga odoy imalwadiñ. Tsam migóypa, tsam acuyiypa. Tsam malotim jém pixiñ porque datim ipictsonpa jém Dios inmatcwiñ cuando nicpa najíyoooyi. Datim ijígya iga i iyoxpátpa jém Dios inmatcwiñ. Y siiga algunos ipictsonpa iga icwícpa, jesic jém Diótfes iquebacputpa jém masticjom jut antuumayajpa porque da iwianjam.

¹¹ Mantíwi, mantoypáppic, odoy wati juuts iwatpa yip malopic pixiñ. Wati juuts iwatpa jém wibic pixiñtam. Porque jém iwatyajpáppic juuts ixunpa Dios tsíyyajpa juuts jém Dios imichi. Pero jém malopic pixiñtam da iixpicyajpa Dios.

Wibic pixiñ jém Demetrio

¹² Pero itumpiy jém pixiñtam nimyajpa iga wibic pixiñ jém Demetrio. Quejpa iga iwatpa juuts nimpa jém numapic anquímayoooyi. Aichtam anímtápañim iga jém Demetrio iwíwatpa. Mimichtam injodontam iga siempre mannuumanmadáypa.

Cuyajum jém toto

¹³ Tsam it jáyay cosa iga manjáyaytooba idic, pero da más manjáyáypa cimi. ¹⁴ Porque da jáyñe nicpa mánam. Jesic wiap tanañmat con mimich.

¹⁵ Dios miwattámiñ cuenta mimichtam. Jém iñamigoyaj, jém ityajwiip yim, tsam wátidos micutsadaytampa. Awadaayi tum favor. Dioschiyaji cada tumtum jém tánamigoyaj jém ityajwiip jemíc. Jemum cuyaj.

Jém carta jém ijayñewiip jém Judas

Jém Judas ijáyápa jém Dios ipixiñtam

¹ Ich aJudas anꝑꝑꝑap jém tánQmi Jesucristo. Jém Jacobo antíwi. Siip manjáyápa mimichtam jém aguipic mitoypa tanꝑꝑꝑ Dios, jém miñwejayñewiip. Miwatneta cuenta jém tánQmi Jesucristo. ² Wi iga miyaachanjamtamiñ Dios y iga jáyanaiñ jém paz y jém wibic tóyooyi.

Jém malopic maestroyaj inquejpa migooyi (2 P. 2:1-17)

³ Mantíwítam, mantoytampáppic, tsam anjísipa iga manjáyápa más parejo titam tannascaaba cuando taciaputtámpa jém tánQmi Jesucristo. Pero siip anjísipa iga más wi iga manjáyápa iga miñpa jém enemigoyaj. Mananjúmpa iga seguido míñatamiñ con jém ijóyixpáppic jém wibic anꝑꝑꝑ para siempre. ⁴ Algunos jém malopic pìxiñtam yamtiyíñeyaj con jém Dios ipixiñtam. Pero dende wiñigam jaycámnetá jém Dios inꝑꝑꝑ iga jexpic pìxiñtam ichiiba castigo tanꝑꝑꝑ Dios. Yíp malopic pìxiñtam da imatonyajpa ti iñímáypa Dios. Nímyajpatim iga wiap tanwatta itumpiy malopic cosa juuts tanꝑꝑꝑniyapa tánanamanjom y da tachiiba castigo Dios porque tsam tóyóyapa. Jeeyaj inꝑꝑꝑajpa jém tanAnjagooyi, jém tánQmi Jesucristo.

⁵ Manacjísipa, aunque michtam iñjodonꝑtam itumpiy yípyaj cosa, iga tanꝑꝑꝑ Dios cuando itop jém ipixiñtam jém naxyucmi de Egipto, icucaayyaj itumpiy jém dapic icupicyaj. ⁶ Wiñigam algunos jém siñyucmipic pìxiñtam ichacyaj jém icargo jém ichiñewiip Dios. Ichacyaj iticmi iga iwatyajpa juuts iwianjamyaj iyaac. Pero siip matsyajta, pajta para siempre jém piichcim hasta jém inꝑꝑꝑigam jama cuando Dios icipinpa jém malopic pìxiñtam y ichiiba jém castigo. ⁷ Jistaamitim jém pìxiñtam jém ityajwiip idic jém Sodoma y Gomorra con jém tungac tiganjoj, jém ityajwiip nocojom. Jeeyaj tsam pimi imalwatyaj juuts jém malopic siñyucmipic pìxiñtam. Tsam icusúniyyajpa itumpiy jém malopic cosa. Tsam pejoyajpa. Pìxiñ con pìxiñ nacusúniyyajta. Yomo con yomo nacusúniyyajta. Jesic Dios ichi tum miꝑꝑic castigo. Jipsquetyajpa jeeyaj jém juctjom jut da nunca píchpa. Tsíyyaj juuts tum ejemplo para itumpiy jém pìxiñtam.

⁸ Jesanetim jém yamtiyíñeyajwiip con mimichtam, jém mawíñayajpáppic, imalwatyajpa con imijtay. Da ijícpa iga anjactap. Tsam injibaccúmpa, imalnímáypa jém siñyucmipic anjagooyiyaj. ⁹ Wiñic jém arcángel Miguel tsam áñayaj con jém Wocciwiñ, inꝑꝑꝑajpa jém Moisés imijtay. Pero jém Miguel da iquejajwadáy jém Wocciwiñ, da imalnímáy, nada más iñímáy iga: Jém anꝑꝑꝑ Dios miñjijácpa. ¹⁰ Yíp malopic maestroyaj, jém yamtiyíñewiip con mimichtam, tsam imalnímáyajpa jém cosa jém dapic iixpicyajpa. Pero icutiyyajpa jém malopic jixi juuts jém animatayaj dapic jixiíy. Jesic namiswatyajta entre jeeyaj.

¹¹ Agui uuguytim yípyaj pìxiñtam porque tsam imalwatyaj juuts jém Caín. Ipic tungac tunj iga ricojap juuts jém Balaam. Cucaayajpa juuts jém rebelde

Coré. ¹² Cuando miwagasíñatampa con jém iñtjwítam, jém iñtoytampáppic, jesic miñyajpatim yípyaj malopic pixiñtam. Nimanantaayap iga íñamigo, pero da je. Tum tsaaji para mimichtam. Tsam wícyajpa y ucyajpa. Nawíidatap iyaac. Da iniñyayaj respeto jém tánQmi Jesucristo. Yípyaj jex juuts jém ucsi jém dapic iniñ tuj, jém sawa icmiñpa yim, icnicpa jeexic. Jextim juuts tum cuy jém dapic tímaj y siip nasum itiempo, wixquímnetawum con itichic, wisciy caane. ¹³ Tsam tsigóypa jém lamar cuando pími poypa jém sawa. Ichacpa lamar añnaca jém niimoya y jém puchi. Yíp malopic pixiñtam jextim juuts jém niipoa. Tsam añmatyajpa, pero inimiñpa jém jixi dapic wi. Juuts tum matsa jém dapic ijodon jut nicpa, jeeyaj acnicyajtajp jém piichcim jut tsam pími piichi. Tsacnetaj iga jemum tsíy itumpiy tiempo.

¹⁴ Wiñic it idic tum wibic pixiñ iñiyi Enoc. Je jém septimo nay despues de jém Adán. Chiitaj jixi jém Enoc iga wiñiñ inmat ti miñpa. Nimpa: “Ámtaami mimichtam, Dios añquejay iga miñpa yíp naxyucmi jém tánQmi. Iwaganamiñpa tsam jáyan mil jém ipixiñtam jém cuáyñeyajwíip. ¹⁵ Miñpa jém tánQmi iga icipinpa y ichiiba castigo itumpiy jém táñcaiyajwíip. Miñpa iga inquejajpa iga táñcaiy itumpiy jém ijóyixyajpáppic Dios porque tsam jáyan malopic cosa iwatyaj contra jém Dios inquímayooyi. Yíp malopic pixiñtam tsam imalnímayaj jém tánQmi jeeyucmi chiiyajtajp castigo.” ¹⁶ Tsam jóyteroyaj, i quej imalnímáyapa. Imétsyajpa itumpiy jém malopic cosa juuts icusiniyyajpa. Añmatyajpa juuts agui wiap. Agui nacujíptajp iyaac. Imigóyayajpa jém itiwítam, icujípyajpa iga itobájpa titam ixunpa.

Chiitaj jixi jém icupicneyajwíip Jesús

¹⁷ Mimichtam, mantoytampáppic, jistaami jém añmati, jém inmatnewíip jém apóstolyaj de jém tánQmi Jesucristo. ¹⁸ Nimyaj: “Cuando núcpa jém íñanpigam jama, itpa jém malopic pixiñtam. Tsam saayíyóypa, tsam xiccaóypa. Siempre iwatyajpa juuts iwianjam jeeyaj, jém dapic iwianjampa Dios.” ¹⁹ Yípyaj iwécyajpa jém Dios ipixiñtam. Iniityaj yíp naxyucmic jixi. Da iniñyaj jém Dios íñnama íñamanjom.

²⁰ Pero michtam, mantoytampáppic, seguido cuyujcai jém Dios inmati iga más y más wiap inwat juuts ixunpa tánQmi. Jígaayi iga miyoxpátpa jém Dios íñnama cuando inwattámpa oración. ²¹ Cada tumtum de mimichtam nawattaji cuenta iñyaac iga odoy iñchactamiñ jém tanjatuj Dios itóyooyi. Anjóctaami jém jama iga miyaachanjampa jém tánQmi Jesucristo cuando michiitámpa jém vida dapic cuyajpa.

²² Yaachanjami jém dapic iwicutiyíyapa. Wianquejaayi. ²³ Ciacputitim jém jípsquetpáppic, topi de jém juctjom. Jém tunjac, yaachanjami, cñitim. Jóyixaayi hasta jém ipuctucu jém imanchajiywíip con jém imíjtay.

Icujípa tanjatuj Dios

²⁴ Siip tanjajíptámpa jém wiapaap tawat cuenta iga da tacutinpa. Agui pími tamaymay iga tacwiñquejpa sín táñca Dios iwíñjom. ²⁵ Jém tumpic Dios, jém taciacputtampaap por medio de tánQmi Jesucristo, tsam cujíptajp. Je jém más mijpic añjagooyi. Iníit itumpiy ipími. Iníit itumpiy autoridad. It pecam, it siip, it itumpiy tiempo. Amén. Jemum cuyaj.

Jém toto jém ijayñewiip jém Xiwan iga tanquejáypa ti miñpa

Jém Jesucristo icjodóna jém Xiwan ti miñpa

¹Yiimpic icwiñquej Dios jém Jesucristo iga je inquejáyiñ jém icuyoxayajpaap ti miñpa da jáyñe. Jesucristo icutsat tum jém sinyucmiipic pxiñ iga icjodónaiñ jém Xiwan jém icuyoxapaap jém Jesucristo. ²Ich aXiwan, annuumanmatpa jém Dios inmati y jém anímayñewiip Jesucristo con itumpiy jém ánixwiip. ³Tsam maymay jém imaypaap y jém imatonjaypaap yip anmati titam miñpa. Maymáayajpatim jém icupicyajpaap juuts jayñeta porque da jáyñe núcpa jém inajpigam jama.

Jém Xiwan ijáyá jém siete grupo

⁴Ich aXiwan, siip manjáyáypa mimichtam jém mintuumatampaap jém siete grupo jém miittanwiip jém naxyucmi de Asia. Miwiwadaytamiñ Dios, michiitamiñ jém paz inñamanjom iga odoy ti inçintamiñ. Da nunca cuyajpa jém tanjatun Dios, it dende wiñigam, ittim siip, it para siempre. Miwiwadaytampatim jém siete espíritu jém ityajwiip jém Dios itrono iwiñjom.

⁵Miwiwadaytampatim jém tánomi Jesucristo jém wibic testigo jém dapic migóypa. Je jém wiñtipic acpisnetá de jut it jém caaneyajwiip. Más miipic anjagooyi, injacpa itumpiy jém reyyaj de yip naxyucmi. Tsam tatoypa. Taccáyáypa jém tantánca porque itegáy jém inñipiñ. ⁶Jém Cristo taccámta juuts tanjagooyi, juuts tapanij iga tançuyoxatamiñ tanjatun Dios jém Cristo iDios y ijatun. Wi iga tançujiptamiñ porque je iniit itumpiy ipimi para siempre, da nunca cuyajpa. Amén.

⁷Ixtaami. Miñgacpa yip naxyucmi jém tánomi Cristo jém ucsanjom. Itumpiy jém pxiñtam icuwiñti yip naxyucmi iixyajpa cuando miñpa. Iixyajpatim jém Israelpic pxiñtam jém icherwiip. Tsam weyjajpa itumpiy jém pxiñtam cuando iixyajpa jém Cristo. Jempigam inñascayajpa.

⁸Nimpa jém tánomi Cristo jém iniitwip itumpiy ipimi: “Ich jém awiñtipic y jém inajpic juuts jém letras alfa y omega.” Ich aít dende wiñigam, aittim siip, aítpa para siempre.

Jém Xiwan iix Cristo juuts tum poñ

⁹Mantiwitam, ich aXiwan, manacjodónap iga ich annascanetim jém yaachaji juuts mimichtam jém tánomi Cristo icuyucmi. Je tsam tayoxpátpa iga tanyaachiypa iganam tananjóctampa jém jama iga nicpa tawagañti jut injacpa jém tánomi Cristo. Apajta jém isla inñiyi Patmos porque anajmatpa jém Dios inmati y anajmatpa iga jém Jesucristo tawiwadáypa. ¹⁰Ich aít en el Espíritu cuando núc jém tánomi ijama. Jesic ammaton antuññançim tum mijpic jiyi juuts tum trompeta inñiyi. ¹¹Nimpa jém jiyi:

—Ich jém awiñtipic y jém inajpic juuts jém letras alfa y omega. Titam inñixpa siip jaycaami tum librojom. Cutsadaayi jém siete grupo jut antuumayajpa jém Dios ipixiñtam jém naxyucmi de Asia. Cutsadaayi jém ityajwiip jém attebet Efeso, Esmirna, Pérgamo, Tiatira, Sardis, Filadelfia y Laodicea.

¹² Jesic aámset antuuñiañçim iga ánixiñ i ajjáy. Cuando aámset, ánix siete jém nooquejcu y tuncuy de oro. ¹³ Jut it jém siete nooquejcu y tuncuy de oro, jemum icucmi teñ tum pxiñ, iámooyi juuts jém Miññewiip Sinyucmi. Iccámne tum yagats yooti núcne hasta ipuyyucmi. Iccámneim ipechoyucmi juuts tum wifitipic cinturón de oro. ¹⁴ Jém iway jém itwiiip icobacyucmi tsam popo juuts lana. Pimi popo juuts nieve. Agui tsoepa jém iixcu y juuts tum jucti aguipic yótpa. ¹⁵ Jém ipuy agui tsoepa juuts wibic bronce. Tsoepa juuts tñcu y pijnetá juctjom. Tsam pimi jypa juuts tñpa jém ni cuando comne. ¹⁶ Imatspacne siete matsa inwiciimi. Jém ijipjom putpa tum espada agui tsupa icudoslado. Jém iámooyi pimi tsoepa juuts jém jama cuando agui pimi pijpa.

¹⁷ Cuando ánix, acutiñ ipuyçim juuts acaane. Jesic atsic con inwici. Anímáy: —Odo y çinji. Ich jém awiñtipic y jém inañpic. ¹⁸ Ich jém avivopic. Accaata, pero siip aít vivo para siempre. Ich anaít jém llave para jém lugar jut pajajtap jém caaneyajwiiip. ¹⁹ Jaycaami titam iñixñe, titam iñixpa siip y jém miñpáppic ocmim. ²⁰ Siip manañquejáypa jém jixi jém añécnewiip, ti nimtooba jém siete matsa jém ammatpacnewiip anañwiciimi y jém siete nooquejcu y tuncuy de oro. Jém siete matsa nimtooba jém siete añmaçiiwiñ jém inmatyajpáppic jém Dios inmatí para jém siete grupo de jém Dios ipixiñtam jut añtuumayajpa. Y jém nooquejcu y tuncuy de oro nimtooba jém siete mastic jut añtuumap jém Dios ipixiñtam.

2

Cutsadayta añmatí jém ityajwiiip jém attebet Efeso

¹ Jáyaayi jém pxiñ jém inmatpáppic jém Dios inmatí jut añtuumayajpa jém Dios ipixiñtam jém attebet Efeso. Nímaayi: “Yiimpic nimpa jém iniitwiiip jém siete matsa icijjom, jém siipáppic jut tunnetá jém nooquejcu: ² Ich anjodon iga mimichtam tsam inwiiwattámpa y mánixpicpa iga tsam pimi miyoxatámpa y iga iñyaachiytámpa jém mijpic yaachaji. Anjodonjim iga da inwinanigaytámpa jém malopic pxiñtam. Anjodonjim iga inçutitstámpa jém pxiñtam jém nímanñaayapáppic iga Dios icutsatne. Tsam wiquejpa iga migoypaap. ³ Tsam iñyaachiytámpa cuando miyaachwattamtap y cuando mimalwadaytamtap ich añcuyucmi. Da iñchacneta iga antúnjypa. ⁴ Pero anaít algo en contra de mimichtam. Porque dam jespíy antoypa juuts wiñti cuando moj añcupicta. ⁵ Jeeyucmi jistaami jutsap antoyta wiñti cuando danam micutiñneta. Cucactaami jém iñjixi. Eybic wattaami juuts moj inwatta wiñti. Siiga da inçucactámpa jém iñjixi, ich da jáyñe anicpa jemíc, manaccáyámpa jém iññooquejcu y tuncuy y da más tsoepa jém wibic jucti jut miitta. ⁶ Pero tum wibic cosa inwatta. Iñjóiixtámpa ti iwatyajpa jém icupicneyajwiiip jém nicolaítaspic inçuímayooyi. Ich añjóiixpatim jém ançuímayooyi. ⁷ Siiga mitatsigiyta, matonñaami ti nimpa jém Dios iAnama jut añtuumayajpa jém Dios ipixiñtam. Nimpa así: Siiga inçoiñwiiyámpa jém enemigo, jesic manchiiba jém wibic cuy itim iga inçútpa jém michiipáppic vida. It jém cuy jut tsam wicqm jut it Dios.”

Cutsadayta añmatí jém ityajwiiip jém attebet Esmirna

⁸ Jáyaayitim jém pxiñ jém inmatpáppic jém Dios inmatí jut añtuumayajpa jém Dios ipixiñtam jém attebet Esmirna. Nímaayi: “Yiimpic nimpa jém

wiñtípíc y jém íñajpíc, jém caanewiip idic, pero siip vivojam: ⁹ Ich anjodon ti síp inwatta. Anjodon iga tsam miyaachwattamtap y tsam miyaachap, pero iniifta tunjac riqueza. Anjodoním iga tsam mimalmalmímáypa jém pxiñtam jém ijsiyajpáppic iga nunta Israelpic pxiñtam, pero da je. Jeeyaj jém Wocciwiñ imiichi. ¹⁰ Odoy cñtaami iga tsam miyaachwattamtap. Jém Wocciwiñ micottámpa cárcel algunos de mimichtam iga micutítstamtap. Tsam pími miyaachwattamtap diez día. Pero yaachiytaami hasta micaaba, jesic ocmi manchiiba jém vida jém dapic cuyajpa juuts tum coñwiyooyi. ¹¹ Siiga mitatsigiyta, matonjaami ti nimpá jém Dios íAnama jut antuumayajpa jém Dios ipixiñtam. Nimpá yúmpic: Siiga incoñwiypa jém enemigo da wiscip micaaba. Yip nimtooba iga da miñicpa jut chiijajtap castigo para siempre.”

Cutsadayta ajmati jém ityajwip jém atebet Pérgamo

¹² Jáyaayitím jém inmatpáppic jém Dios inmati jut antuumayajpa jém Dios ipixiñtam jém atebet Pérgamo. Nímaayi: “Yúmpic nimpá jém iniitwip jém espada jém aguipic tsupa icudoslado. ¹³ Nimpá iga ich anjodon ti inwattámpa. Anjodoním iga miifta jém lugar jut injacpa jém Wocciwiñ. Da inçhactámpa iga ançupicpa ni da ininécpa iga ançupicneta ni jém jama cuando accaatá jém incompañero Antipas. Jém pxiñ tsam inuumanmatpa ich anajmati. Accaatá jut miifta mimichtam jém atebet jut it jém Wocciwiñ. ¹⁴ Pero anait algo en contra de mimichtam. Inwaganaita jém atebet Pérgamo algunos jém malopic pxiñtam jém dapic ichactooaba jém Balaam inquímayooyi. Wiñigam jém Balaam inquejáy jém Balac jutsap icmalwat jém Israelpic pxiñtam. Inquejáy iga wí iga icisuyajpa jém mayi jém accaanetawip jém watnas iwiñjom. Inquejáytim iga wiap imalwatyap con jém malopic yomtam. ¹⁵ Inwaganaitatim algunos jém pxiñtam jém dapic ichactooaba jém nicolaítaspic inquímayooyi. Ich anjójixpatím jém anquímayooyi. ¹⁶ Jeeyucmi mannímáypa: Tsaataami iga immalwattámpa. Siiga da inçhactámpa iga immalwatpa jesic da jáyñe anicpa jut miifta. Nicpa ajaji contra jém malopic pxiñtam con jém espada jém anaitwip anjipjom. ¹⁷ Siiga mitatsigiyta, matonjaami ti nimpá jém Dios íAnama jut antuumayajpa jém Dios ipixiñtam. Nimpá yúmpic: Siiga incoñwiypa jém enemigo, manchiiba jém wiñicpic wíccuy, jém maná, jém nécnawip. Manchiiba tum tsa aguipic popo. Jaycámayñeta jém tsaayucmi tum jomipic niyi. Da í ijodon í iníyi jaycámayñeta jém tsaayucmi solamente ijodon jém ipictsonpáppic.”

Cutsadayta ajmati jém ityajwip jém atebet Tiatira

¹⁸ Jáyaayitím jém pxiñ jém inmatpáppic jém Dios inmati jut antuumayajpa jém Dios ipixiñtam jém atebet Tiatira. Nímaayi: “Nimpá así jém Dios íManic jém aguipic tsocpa iixcuy juuts yótpa tum jucti, jém aguipic tsocpa ipuy juuts jém wibic bronce: ¹⁹ Ich anjodon itumpiy titam inwattámpa, iga tsam mitóyoytámpa, iga tsam inçupictámpa Dios, iga tsam inçuyoxatámpa jém inñiwitam, iga tsam inyaachiytámpa cuando miyaachwattamta. Siip más inwíwatpa que cuando moj inçupicta. ²⁰ Pero anait algo en contra de mimichtam porque inñictámpa iga jém malopic yomo, Jezabel, inquejpa jém malopic inquímayooyi. Nimanjaayap iga inmatpa jém Dios inmati. Tsam imigóyápa jém ampixiñtam jém acuyoxapáppic. Nimpá wí iga pejópa y wí

iga icáŋspa jém mayi jém accaanetawáip jém watnas iwiñjom. ²¹ Anchi lugar jém yomo iga ichaguñ jém malopic jixi, pero da icucactooa jém ijixi. Da ichactooa iga pejóypa. ²² Siiga šiip da ichacpa iga iwatpa mal, jesic anacmatspa tum mimnei tsam pími jém yomo. Y jém malopic píxiñtam, jém pejoyyapáppic con jém yomo, anyachwatpa con tum castigo siiga da ichacpa iga itúñyipa jém migooyi. ²³ Anaccaaba jém ipixiñtam jém icupicneyajwáip jém migooyi. Jesic itumpiy jém Dios ipixiñtam ijodónayajpa iga ich anjodon ti iniit ianamanjom jém píxiñtam y ti iniit jém ijixianjom. Cada tumtum de mimichtam manyojpa juuts inwatneta. ²⁴ Pero los de más de mimichtam miiftanwáip jém attebet Tiatira, da impictson̄ta yíp malopic anquímayooyi ni da in̄cuyucata jém Wocciwiñ imigooyi. Šiip da manchiiba tun̄gac anquímayooyi. ²⁵ Solamente wattaami seguido juuts manañquejayñe hasta amiñpa jut miifta. ²⁶ Siiga in̄coñwáypa jém enemigo y da in̄chacpa iga in̄watpa juuts ich an̄wianjam hasta que miñpa jém in̄añpigam jama, jesic manchiiba jém pími iga in̄injactámpa yíp naxyucm̄ipic píxiñtam. ²⁷ In̄injactámpa con tum tin̄cuy vara con jeetim pími juuts achiñe jém an̄Jatun̄ Dios. Y yíp naxyucm̄ipic naciónyaj cuyajpa ip̄imi juuts cusamáypa tum nas suun̄. ²⁸ Jesic manchiibatim jém w̄it̄m̄atsa jém quim̄paap jém cuquejac̄im. ²⁹ Siiga mitatsigiyta, maton̄taami ti n̄mpa jém Dios iAn̄ama jut an̄tuum̄ayajpa jém Dios ipixiñtam.”

3

Cutsadayta an̄mati jém ityajwáip jém attebet Sardis

¹ Jáyaayit̄im jém píxiñ jém in̄matpáppic jém Dios in̄mati jut an̄tuum̄ayajpa jém Dios ipixiñtam jém attebet Sardis. Nímaayi: “N̄mpa así jém iniitwáip jém siete espíritu de Dios jém imatspacnewáip jém siete m̄atsa in̄wic̄im̄i: Ich an̄jodon̄ itumpiy titam in̄wattámpa. N̄myajpa iga mivivo, pero micaane. ² Nawattaji cuenta, odoy mon̄taami. Más pim̄ch̄i jém w̄ib̄ic̄ jixi jém uxan̄pic ts̄ȳñe porque cuyajtooba jém w̄ib̄ic̄ jixi juuts caatooba. Ánix iga da caps̄a in̄w̄iwatta jém tan̄Jatun̄ Dios iwiñjom. ³ J̄istaami jém an̄químayooyi jém impictson̄newáip. Odoy ts̄aci iga in̄cupic̄pa. Ts̄aci iga immalwatpa. Siiga da miifta al tanto, jesic amiñpa juuts tum n̄mpaap tsuuc̄im. Mañcupiich̄iypa. Da in̄jodon̄ juch̄ix hora miñpa manchi jém castigo. ⁴ Pero itt̄im con mimichtam jém attebet Sardis algunos jém píxiñtam jém dapic imalwatne, jém dapic ituduñe ipuct̄ucu. Jeeyaj wiap an̄waganawif̄yaj w̄iac̄cuyajnet̄a con jém popopic puct̄ucu. Wiap icám jém popopic puct̄ucu porque da imalwatne. ⁵ Siiga īicoñwáypa jém enemigo, accám̄aȳtap tum popyooti y da nunca anactogóyáypa in̄ñyi jém librojom jut jaycámnet̄a jém píxiñtam in̄ñyi jém anchiipáppic jém vida jém dapic cuyajpa. Núc̄pa jama iga ampictson̄pa jém an̄Jatun̄ Dios iwiñjom jut it̄ jém sin̄yucm̄ipic píxiñtam. Ich anañmadáypa iga jém píxiñ ich amm̄ichi. ⁶ Siiga mitatsigiyta maton̄taami ti n̄mpa jém Dios iAn̄ama jut an̄tuum̄ayajpa jém Dios ipixiñtam.”

Cutsadayta an̄mati jém ityajwáip jém attebet Filadelfia

⁷ Jáyaayit̄im jém píxiñ jém in̄matpáppic jém Dios in̄mati jut an̄tuum̄ayajpa jém Dios ipixiñtam jém attebet Filadelfia. Nímaayi: “N̄mpa ȳimpic jém Cristo jém dapic t̄añcāy, jém in̄matpáppic jém numapic an̄mati. Je iniit̄ jém llave de jém

rey David. Jém Cristo una vez íñáyñeum jém puerta da í wiap inñúc. Cuando inñúcneum jém puerta da í wiap íñáy. ⁸ Ich anjodon titam inwatneta. Siip, antsacne tum puerta inwiñjom, áñáyñe. Da í wiap inpaj. Manwadáy así porque aunque uxaj impimi, agui inwadaytampa caso iga inçupictampa ich anajmati. Da ininértatampa ich anniyi. ⁹ Siip ich ançijunçotpa jém inuumaawatnewiip jém Wocciwiñ, jém nimaypaap iga nunta judíos pero da je, migóypa. Siip ich anwatpa iga miñyajiñ y costenyajiñ impuyçim iga iixyajpa iga agui mantoypa. ¹⁰ Mimichtam tsam inwatne juuts mannímayñe. Iñyaachiyta jém yaachaji. Jeeyucmi mançupujpa iga odoy inñascatámiñ jém mijpic yaachaji cuando núcpa jém jama iga tsam cutítstap itumpiy jém pixiñtam jém ityajwip yíp naxyucmi. ¹¹ Da jáyñe amiñgacpa. Odoy tsaci jém wibic anmati jém iniiwtwip iga odoy í wiañ miccáyáy jém inçoñwiyooyi. ¹² Jém icoñwiyapaap jém enemigo, anaccampa juuts jém Dios imastic icom iga icóppacpa jém imastic. Jemum nicpa iti para siempre. Da nunca putpa. Anjaycámáypa jém anjatun Dios inñiyi jém pixiñ iwiñpacyucmi. Anjaycámáypatim jém jomipic Jerusalén inñiyi jém miñpáppic sinyucmi. Jém anjatun Dios imüchi jém icutsatpaap yíp naxyucmi. Ocmi anjaycámáypatim jém pixiñ iwiñpacyucmi jém jomipic anniyi. ¹³ Siiga mitatsigiya, matonçtaami ti nimpá jém Dios íñama jut antuumayajpa jém Dios ipixiñtam.”

Cutsadayta anmati jém ityajwip jém atebet Laodicea

¹⁴ Jáyaaitim jém pixiñ jém inmatpáppic jém Dios inmati jut antuumayajpa jém Dios ipixiñtam jém atebet Laodicea. Nímaayi: “Nimpá así jém dapic migóypa, jém wibic testigo jém nuumanmatpaap, jém çobapic, jém moiwip iwat itumpiy cosa. ¹⁵ Ich anjodon itumpiy titam inwattampa. Anjodonçtim iga da mipagac ni da mipijpa. Yíp nimtooba iga da pimi anjóyixpa ni da pimi antoypa. Más wí meega anjóyixpa o antoypa. ¹⁶ Pero como mijocox no más y da mipagac ni da mipijpa, jesic mantsujputpa juuts tum cosa dapic wí. ¹⁷ Mimichtam miñimtampa iga tsam mirico, tsam iniiñ jém inyoçaji y da ti mitogóyáy. Pero da inçodonçtam iga tsam miyaachap, tsam miuuguytim. Tsam mipobre, micáchí, inçusçici. ¹⁸ Jeeyucmi ich manañquimpa: Juytaami jém wibic oro jém ichpic anañ jém witsacnewiip jém juctjom iga iniiñtamiñ jém wibic riqueza. Juytaamitim jém popopic yooti jém ichpic anañ iga inçusuypa jém inmiñtay porque inçusçici iga odoy michaaiñ. Çoti inixçom jém ixçuy ichoy iga miixixóyiñ. ¹⁹ Jém antoypáppic ançwogáypa siiga imalwatpa. Anchiiba castigo iga ichaguñ iga imalwatpa. Wiwattaami con itumpiy inñama. ²⁰ Ixi, ich yim atañ tum puerta anñaca. Siip antics jém puerta. Anjáyaypa jém tic iomi. Siiga amatónaypa jém anñiyi y íñaypa jém puerta, jesic ich atigiypa jém pixiñ iticjom. Anwaganawicpa jém pixiñ. ²¹ Itumpiy jém icoñwiyajwip jém enemigo anchiiba tum lugar iga anwaganacñpa jém anjagooyi icóñcuyucmi. Jextim juuts aich cuando ançoñwiy jém ánenemigo, nic anwaganacñ jém anjatun Dios icóñcuyucmi, jém itrono. ²² Siiga mitatsigiya, matonçtaami ti nimpá jém Dios íñama jut antuumayajpa jém Dios ipixiñtam.”

4

¹ Jesic ocmi aámquím, ánix tùm puerta áháyñe siñyucmi. Eybic ammaton jém jiyi jex juuts jém trompeta injiyi. Ajíyáy. Anímáy:
—Quiimi yim. Manañquejáypa ti miñpa ocmim.

² Jesic jeeti rato tsam anait jém Dios iAnama. Ánix iga tunne tùm anjagooyi icõñcuy siñyucmi. Coññim jém icõñcuyyucmi. ³ Jém coñwip jém anjagooyi icõñcuyyucmi jém iámooyi jex juuts tùm jém wibic tsa jém aguipic tsocpa jém jaspe y de cornalina. Juť it jém coñcuy icuwoyxetne tùm júñichi agui tsus juuts tùm esmeralda. ⁴ Ánixitím tunğac veinticuatro jém anjagooyi icõñcuy icuwoyxetne jém miñpic coñcuy. Jemum coñyay veinticuatro wıdaytam. Agui popo ipuctucu. Cada tũmtũm iccámneyaj tũm corona de oro icobacyucmi. ⁵ Jém anjagooyi icõñcuyucim putpa majiywiñ. Agui tiñpa, agui nácsóypa. Jém coñcuy iwiñjom yótpa siete jucti de jém siete espíritu jém Diospic imıchi. ⁶ Jém anjagooyi icõñcuy iwiñjom it tũm lamar tañcuámnapa juuts tũm vidrio juuts tũm cristalino.

It cuatro vivopic cosa icuwoyxetneyaj jém coñcuy. Icutero naps ixcuy iwiñjom y ituuñiançim. ⁷ Tũm jém vivopic cosa juuts tũm cañ. Jém tunğac juuts tũm mañtoro. Jém tunğac iwiñpac juuts tũm pixiñ. Jém tunğac juuts tũm tajpi quecpa ixı. ⁸ Icuaturo jém vivopic cosa cada tũmtũm iniit seis ixaj. Jém ixajyucmi y jém ixajcucim naps ixcuytım. Siññi y tsuucim da jejyajpa. Seguido nimyajpa:

Tsam miwi, tsam miwi, tsam miwi, mánQmi Dios,
mich iniit itumpiy impimi.
Miit dende wiñigam,
miittim siip,
miit para siempre.

⁹ Jém vivopic cosa icujıppa y ichiiba gracia jém coñwip jém anjagooyi icõñcuyyucmi jém dapic nunca cuyajpa. Cada vez iwatpa ası ¹⁰ jesic jém veinticuatro wıdaytam icosteeñayay jém Dios iwiñjom juť coñ jém coñcuyyucmi. Ijsiyajpa tanjatun Dios jém dapic nunca cuyajpa ivida. Jesic jeeyaj ipat-squeday jém corona jém anjagooyi icõñcuy iwiñjom. Nimyajpa:

¹¹ MánQmi Dios, wı iga mañcujıptámpa.
Mañcujıppa iga tsam miwıap y tsam iniit impimi.
Mich inwat itumpiy cosa.
Ityaj itumpiy cosa porque mich inwıanjam.
Jeeyucmi inwatne.

5

Jém libro y jém Cordero

¹ Jesic ánix iga jém coñwip jém coñcuyyucmi imatspacne tũm libro inwıçim. Jém libro juuts tũm yagatspic toťo wotneta. Jayñetım anşicmi y jayñetım jojmi. Jém toťo anşajne con siete sello. ² Jesic ánix tũm siñyucmiñic pixiñ tsam iniit ipimi. Agui jıypa. Nimpa:

—¿İ iniit jém autorıdad iga ináypa jém libro iga ijacpa jém sello?

³ Pero da İ jém wiapaap ináy. Ni jém siñyucmiñic, ni jém naxyucmiñic, ni jém más nascımpic da İ wiap ináy jém libro ni da İ wiap iám. ⁴ Jesic tsam pimi awej porque da quej ni tũm pixiñ jém wiapaap ináy jém libro iga imaypa. Ni da İ wiap iám. ⁵ Jesic tũm de jém wıdaytam anímáy:

—Odoj weji. Manní máypa iga jém León jém tsucumnewiip de jém tribu de Judá, jém rey David iocmanic, icoñwíy itumpiy jém ienemigoyaj. Je wíap íháy jém libro. Wíap íjac jém siete sellos.

⁶ Ánix jém Cordero noco teñ jém anjagooyi icoñcuyañaca jut it jém cuatro vivopíc cosa, jém veinticuatro wídaytam iwiñjom. Quejpa iga accaaneta idic jém Cordero, pero siip piñeum. Iniiit siete iwan y siete iixcuy. Yíp nímtooba jém siete espíritu jém icutsatnewiip Dios icuwiíti yíp naxyucmi. ⁷ Jém Cordero miñ ipic jém libro jut imatspacne iñwicimi jém coñwiip jém anjagooyi icoñcuyucmi. ⁸ Cuando ipic jém libro, jesic jém cuatro vivopíc cosa y jém veinticuatro wídaytam icosteñáypa jém Cordero iwiñjom. Cada tumtum de jém wídaytam iniit tum arpa y tum xanu de oro. Comme jém xanu con jém wibic poma. Jém poma nímtooba jém oraciones jém iwatnewiip jém Dios ipixiñtam. ⁹ Jesic iwanyajpa tum jomipic wañi. Nímyajpa:

Mich wíap impic jém libro.

Wíap íñjac jém siete sellos.

Porque miccaata iga anyojayta antáñca.

Iñtegáy iññipiñ iga iñjúyayñe para Dios

pixiñtam de itumpiy raza,

jém inmatyajpáppic tunjac añmañi,

jém ityajwiip tunjac naxyucmi y de jém tunjac naciónyaj.

¹⁰ Dios accámta iga anjagooyi y apanijtam

iga añcuyoxatámpa Dios

iga ananjactámpa jém ityajwiip yíp naxyucmi.

¹¹ Ocmi ánix iga añtuumaneyaj tsam jáyan jém siñyucmipic pixiñtam. Ammatóháy ijyi. Icutetñxetneyaj jém anjagooyi icoñcuy jut it jém cuatro vivopíc cosa y jém wídaytam. Ityaj millones y millones de jém siñyucmipic pixiñtam. ¹² Tsam pími jiyaypa. Nímyajpa:

Tañcujíptámpa jém Cordero jém accaanetawíip idic
porque tsam wíap.

Wí iga ipictson itumpiy ipimi

y jém riqueza y jém wibic jixi.

Wí iga jém pixiñtam icujípyajiñ

y ichiiyajiñ gloria.

¹³ Ammatonñim iga jiyaypa itumpiy jém Dios iwati, jém ityajwiip siñyucmi, jém ityajwiip naxyucmi, jém ityajwiip nascim, jém ityajwiip jém lamar y itumpiy cosa jutíñquej. Nímyajpa:

Wí iga tañwíwadaytamiñ jém coñwiip jém anjagooyi icoñcuyucmi

y jém Cordero para itumpiy tiempo.

Tañcujíptámpa,

tanchiitámpa gloria,

añwíanjamta iga anjactámpa.

¹⁴ Jesic jém cuatro vivopíc cosa nímyajpa:

—Amén. Itum wí.

Jém veinticuatro wídaytam cōsteeñactiñyaj. Moj ijsyay Dios, jém dapic nunca cuyajpa ivida.

6

Jagayta jém libro inñucuy

¹ Jesic ánix cuando jém Cordero ijac jém wiñític sello jém libroyucmi. Ammaton iga jiy tum jém vivopic cosa. Agui tñpa jém ijyi juuts majiywiñ. Anímáy:

—iMiñi, aami!

² Jesic ánám. Ánix tum popcawaj. Jém iquímcanewiip jém popcawaj imatspacne tum picxi icijom. Iccámne icobacyucmi tum corona. Nicpa icoñwíy jém ienemigo.

³ Cuando jém Cordero ijac tungac jém sello jém libroyucmi, jesic ammaton iga jiy jém tungac vivopic cosa. Anímáy:

—iMiñi, aami!

⁴ Jesic put tungac cawaj, tsabatspic. Jém iquímcanewiip chiita tum mijpic espada. Chiitaim jém pimi iga ictsucumpa jém guerra iga tsam anjayajpa jém pixiñtam iga naccaayajtap.

⁵ Cuando jém Cordero ijac tungac jém libro ixello jém trespic, ammaton iga jiyja jém tungac vivopic cosa. Anímáy:

—iMiñi, aami!

Jesic ánám. Ánix tum yic cawaj. Jém iquímcanewiip inisiiba tum balanza icijom. ⁶ Jesic ammaton tum jiyi jut ityaj jém cuatro vivopic cosa. Nimpa:

—Muma jama yoxayajpa iga icoñwíyja tum kilo de trigo o tres kilo de cebada. Odoy accai jém olivos icuy jém pictapaap para aceite ni jém uvas icuy.

⁷ Jesic cuando jém Cordero ijac tungac jém libro ixello jém cuatropic, ammaton iga jiyja tungac jém vivopic cosa. Anímáyja:

—iMiñi, aami!

⁸ Jesic ánám. Ánix tum cawaj da wi icolor agui cupuchayñe. Jém iquímcanewiip iníyi jém accaoyapaap. Itúnijya jém Hades, yip nímtooba jém lugar jut it jém caaneyajwiip. Chiijajta jém pimi iga iccaayajiñ tum cuarta parte yip naxyucmicpic pixiñtam con jém espada, con jém yuu, con jém malopic caacuy y con jém jimñi animatyaj jém ityajwiip yip naxyucmi.

⁹ Jesic cuando jém Cordero ijac tungac jém libro ixello jém cincopic, ánix jém altarcucim jém pixiñtam iñamayaj jém accaaneyajtawwip jém Dios inmati icuyucmi porque da inñec iga icupicyajpa tánomi Cristo. ¹⁰ Jém anamayaj tsam pimi jiyajpa. Nimyajpa:

—Mánomi Dios, tsam miwi. Mich miñumapic. ¿Hasta jusan inçipinpa jém malopic pixiñtam jém ityajwiip vivo jém naxyucmi iga antségaypa jém ançobac?

¹¹ Jesic cada tumtum jém anama chiita tum yagats yooti tsam popo. Nímayajta iga poyejyajiñ tum rato hasta que capspa jém numero de jém itiwitam jém accaayajtapáppic juuts jeeyaj, jém icuyoxayajpáppictim jém Cristo.

¹² Jesic cuando jém Cordero ijac jém tungac jém libro ixello jém seispic, ánix iga miñ tum nasyixi tsam pimi. Cupicha jém jama juuts tum puctucu tsam yic. Jém poya set juuts niipiñ agui tsabats. ¹³ Jém matsa jém itwip sinyucmi actin naxyucmi juuts cuando tum mijpic sawa icyojpa jém tsuj itim cuando mañiñam. ¹⁴ Jém sin togoypa juuts tum toto cuando tanwotpa. Itumpiy jém cotsic y jém isla accáyta lugar jut idic it. ¹⁵ Jesic itumpiy jém anjagooyiyaj y

jém iniiṭwajwip ipimi yíp naxyucmi y jém soldado injagooyi y jém ricoyaj y jém iniiṭwajwip ipimi con itumpiy jém esclavo y jém dapic je esclavo, itumpiy tsam cñyajpa, wagayamyajpa jém tsaajosjom y jém tsaanjom jém cotsiganjoj.

¹⁶ Inímayyajpa jém cotsic y jém tsa:

—Acuchijquettaami, acyami iga odoy aixiñ jém coñwip jém tronoyucmi iga jém Cordero achiiba jém tsam mijpic castigo.

¹⁷ Porque núcne jém jama iga chiiyajtap castigo jém malopic pixiñtam. ¿I wip iteeñajac Dios iwiñjom?

7

Accámayajta sello jém Dios ipixiñtam

¹ Jesic ocmi ánix cuatro sinyucmipic pixiñtam teñyaj icucuatro esquina de yíp naxyucmi. Icteñ jém cuatro sawa iga odoy sujóyiñ yíp naxyucmi. Da ixujpa ni jém lamar ni jém cuyyaj. ² Jesic ánix tungac jém sinyucmipic pixiñ químpa jém anjamquímimi. Iniiṭ jém sello jém vivopic Dios imáchi. Jesic pimi jiyja jém sinyucmipic pixiñ. Ijáyay jém tungac cuatro sinyucmipic pixiñtam jém iniiṭwajwip jém pimi iga imalwadáypa jém nas y jém lamar. ³ Nimpa:

—Odoj malwadaayi ni jém nas ni jém lamar ni jém cuyyaj hasta que tanaccámáypa jém sello iwiñpacyucmi jém icuyoxayajpápic Dios.

⁴ Jesic ammatonj iga accámayajta jém sello ciento cuarenta y cuatro mil pixiñtam de itumpiy jém tribu de jém Israelpic pixiñtam. ⁵ Accámayajta sello doce mil pixiñtam de jém tribu de Judá, y doce mil pixiñtam de jém tribu de Rubén, y doce mil pixiñtam de jém tribu de Gad, ⁶ y doce mil pixiñtam de jém tribu de Aser, y doce mil pixiñtam de jém tribu de Neftalí, y doce mil pixiñtam de jém tribu de Manasés, ⁷ y doce mil pixiñtam de jém tribu de Simeón, y doce mil pixiñtam de jém tribu de Leví, y doce mil pixiñtam de jém tribu de Isacar, ⁸ y doce mil pixiñtam de jém tribu de Zabulón, y doce mil pixiñtam de jém tribu de José y doce mil pixiñtam de jém tribu de Benjamín.

Jáyan jém pixiñtam icámneyaj jém popyooti

⁹ Ocmi ánix iga antuumaneyaj tsam jáyan pixiñtam, da i wip imay. Ityaj itumpiy clase de pixiñtam, jém tungac pixiñtam, jém jiyajpápic tungac anmajimi y jém tungac naxyucmipic. Teñyaj jém trono iwiñjom y jém Cordero iwiñjom. Icámneyaj yagats yooti tsam popo. Imatspacne icñjom tum suyat iay. ¹⁰ Itumpiy tsam pimi jiyajpa. Nimyajpa:

Taciacputnetámum jém tanjatun Dios

jém coñwip jém tronoyucmi
con jém Cordero.

¹¹ Itumpiy jém sinyucmipic pixiñtam icuteñxetneyaj jém trono. Ityajtim jém wídaytam y jém cuatro vivopic cosa. Jesic itumpiy jém ityajwip jem tocsneactñyaj jém trono iwiñjom iga ijsiyajpa Dios. ¹² Nimyajpa itumpiy:

¡Amén! Tanjújptampa tanjatun Dios.

Tsam wibic anjagooyi.

Tannímaytampa iga iyucuidios.

Je iniiṭ itumpiy ijixi y itumpiy ipimi.

Wip iwat itumpiy cosa.

Wi iga tanjújppa Dios itumpiy jém siglos. Amén.

13 Jesic tum jem wıdaytam acwác. Anímáy:

—¿Que ıapaap yıpyaj pıxiñtam jem icámneyajwıp jem yagatsyooti tsam popo? ¿Jut miññeyaj?

14 Jesic ich annímáy:

—Mich iñjodon.

Jesic jem wıdaya anímáy:

—Yıpyaj pıxiñtam iñascayaj jem mıjpic yaachaji. Icheeyaj jem iyooti con jem Cordero iñıpiñ hasta tsıy tsam popo. 15 Jeeyucmi wıap iñúcyaj jem anjagooyi itrono iwiñjom. Wıap icuyoxayaj Dios tsuucım y sıññi jem sınyucmıpic mastıcjom. Y Dios, jem coññewıp jem tronoyucmi, iyoxpátpa jem ipıxiñtam con ipımi porque iwaganait. 16 Jesic da más yuayajpa ni dam nıctısyajpa ni dam iñooba jem jama ni jem pıji. 17 Porque jem Cordero jem itwıp cucmi jem trono iwatpa cuenta jem ipıxiñtam. Inıncpa jem wıbıc nıxcuy jut putpa jem ni jem tachııpáppıc vida. Jesic Dios icujicháyaypa itumpıy jem ıxcañni.

8

Jacta jem ıñajpic libro ıñnúccuy

1 Jesic cuando jem Cordero ıjac jem ıñajpic libro ixello, jem sietepic, da ti tsıgıyapa sınyucmi como tum media hora. 2 Ocmi ánix siete sınyucmıpic pıxiñtam jemum teñıyaj jem Dios iwiñjom. Chiıyajtá siete trompeta. 3 Ánixtım tum sınyucmıpic pıxiñ icunúc jem altar de oro, jemum teñ. Inısiıba tum xanu de oro jut nootap jem poma. Chiıtá jáyaj jem poma ıga iñooba jem altaryucmi jem Dios iwiñjom ıganam iwatyajpa oración jem Dios ipıxiñtam. 4 Jesic jem sınyucmıpic pıxiñ imatspacne jem xanu. Joogap jem poma. Quımpa jem poma ıjoco, waganúcyajpa jem Dios iwiñjom con jem oración jem iwatyajpaap jem Dios ipıxiñtam. 5 Jesic ipıc jem xanu de oro, icucum jem juuy. İtop jut yótpa jem juctı jem altaryucmi, ipatsquet hasta naxyucmi. Jesic aguı tıñpa majıywiñ, tsam nácsıyapa, tsam quénpa. Yııspa nas.

Sustap jem cuatro trompeta

6 Jesic jem siete sınyucmıpic pıxiñtam jem iniıtyajwıp jem siete trompeta moı nawıtsacyajtaji ıga susyajpa.

7 Jesic suspa jem wiñtıpic sınyucmıpic pıxiñ, actıñ naxyucmi jem ıxıtuj y juctı motne con nııpiñ. Jıpsquet tum tercera parte jem nas y jem cuyyaj. Jıpsquettim itumpıy jem tsıspıc pımyaj.

8 Ocmi suspa jem tıngac sınyucmıpic pıxiñ jem wıstenpic. Jesic ánix juuts tum mıjpic cotsic aguı jıpspa, patsquetta lamar. Jesic setpa ıga nııpiñ tum tercera parte de jem lamar. 9 Caayaj tum tercera parte de itumpıy jem ıtyajwıp lamar. Actogoyyajta tum tercera parte de itumpıy jem barcoyaj.

10 Ocmi suspa jem tıngac sınyucmıpic pıxiñ jem tucutenpic. Actıñ sınyucmi tum mıjpic maısa. Yótpa jem maısa juuts tum juctı. İctıy tum tercera parte de jem rıoyaj y de jem nıxcuy. 11 Jem maısa iñıyi jem tımpic. Jesic tum tercera parte de jem rıoyaj y jem nıxcuy setpa ıga tam. Jesic caayaj jáyaj jem pıxiñtam porque tam jem ni.

12 Ocmi suspa jem tıngac sınyucmıpic pıxiñ jem cuatropic. Pıch tum tercera parte jem jama ıchoıca y jem pıya ıchoıca y jem maısa ıchoıca. Da pımi

tsocyajpa. Sinñi da jespïy tsoepa jém jama. Tsuucim da jespïy tsoepa jém poya ni jém matsa.

¹³ Jesic ánix tum tajpi quécpa sinyucmi. Ammatonj iga pimi jiypa. Nimpa:

—Agui uuguytim jém pixiñtam jém ityajwïip yíp naxyucmi. Porque tsíy tucuten jém sinyucmipic pixiñtam iga ixuspa jém itrompeta.

9

¹ Jesic jém tungac sinyucmipic pixiñ jém cincopic ixus jém itrompeta. Ánix juuts tum matsa actin sinyucmi hasta yíp naxyucmi. Y jém actinewïip naxyucmi chiifta jém llave iga ináypa jém mijpic jos tsam jojmi. ² Jesic ináy jém mijpic jos tsam jojmi. Putpa tum joco jém josjom juuts joogap tum mijpic horno. Jém joco injoogapac jém jama ichoca, cupiicha icuwiti yíp naxyucmi. ³ Jesic jém jocoanjom putyaj jáyan jém awu. Actinpa naxyucmi. Jém awu jex juuts cacwi tsam tibóypa. ⁴ Nimayajta jém awu iga odoy imalwadáyin jém pimyaj ni jém ñipñibooyi ni jém cuyyaj jém ityajwïip yíp naxyucmi. Solamente imalwadáyin jém pixiñtam jém dapic ipictsonneyaj jém Dios imarca jém iwiñpacyucmi. ⁵ Dios da ijícpa iga jém awu iccaayajin jém pixiñtam no más iyaachwatpa cinco meses. Tsam pimi toypa juuts cuando tatippa jém cacwi. ⁶ Jesic cuando núcpa jém malopic tiempo, tsam caayajtooba jém pixiñtam, pero da wiap. Tsam imétsyajpa jutsap icaayaj, pero da ipátpa.

⁷ Jém awu jex juuts tum cawaj witsacne para jém guerra. Icobacyucmi iniit juuts tum corona de oro. Jém iwiñpac juuts pixiñ. ⁸ Tsam yagats iway juuts yomo. Jém itits juuts tum can. ⁹ Jém imijtayucmi iccámne juuts tum tinçuy iga iyoxpátpa. Tsam pimi anjiypa jém ixaj juuts cuando nicyajpa jáyan jém carreta jém ijicyajpáppic jém cawaj cuando nicpa anajiyaj. ¹⁰ Jém ituts jex juuts jém cacwi. Iniit itibóycuy. Wiap imalwadáy jém pixiñtam cinco meses. ¹¹ Jém awu iniit tum injagooyi. Miñ jém mijpic josjom. Jém anjagooyi inñyi Abadón jém anmatí hebreo, pero jém anmatí griego inñyi Apolión. Nimtooba jém actogóyoypaap.

¹² Nas jém wiñtipic yaachaji. Siip miñpa tungac wisten.

¹³ Jesic jém tungac sinyucmipic pixiñ, jém seispic, ixus jém itrompeta. Jesic ammatonj tum jiyi jém altaryucmi de oro jut it jém cuatro wan jém itwïip Dios iwiñjom. ¹⁴ Jém jiyi inñmáy jém sinyucmipic pixiñ jém seispic jém iniitwïip jém itrompeta:

—Cutsigaayi jém cuatro sinyucmipic pixiñtam jém tsenetawïip jém mijpic río anñaca jém Eufates.

¹⁵ Jesic cutsigayta jém cuatro sinyucmipic pixiñtam iga iccaayajin jém tercera parte de jém pixiñtam jém ityajwïip yíp naxyucmi. Witsacnetawum dende wiñgam para jém hora y jém jama y jém meses y jém amtïy iga iccaayajpa jém pixiñtam. ¹⁶ Jesic ammatonj jutén soldado ityaj, jém cawajyucmipic, doscientos millones.

¹⁷ Jempigam ánix jém cawajyaj cuando ánix jém poñ. Y jém químnayajwïip jém cawajyucmi iccámyaj tum tinçuy ipechoyucmi iga iyoxpátpa. Algunos tsabats jém tinçuy, algunos tsus juuts jém sinpaqui, y algunos puuch. Jém cawajyaj icobac jex juuts can. Putpa jém ijipjom jucti y joco y azufre. ¹⁸ Jém tucuten plagas iccaayaj jém tercer parte de jém pixiñtam jém jucti y joco y

azufre jém putpáppic jém cawaj ijipjom. ¹⁹Yípyaj cawaj con icobac y con ituts wiap icca jém pixiñtam. Porque ituts inqiniñi jex juuts tum tsañ icobac agui wasóypa. Imalwadayyaja jém pixiñtam.

²⁰Pero jém pixiñtam jém dapic iccaayaj yípyaj plaga da icucacyaj jém ijixi. Seguido ijisyajpa jém watnas jém iwatnewiip cimi. Da ichacyajpa iga ijisyajpa jém Wocciwiñ ni jém watnas jém iwatneyajwiip de oro, de plata, de bronce, de tsa y de cuy, jém dapic ixixóypa, ni matóhóypa, ni witpa. ²¹Da cucacyaj ijixi jém pixiñtam. Seguido accaóypa, iñawatwadáypa jém itiwitam, pejóypa, númpa.

10

Jém inimiñnewiip jém xutu libro

¹Ocmi ánix tungac siñyucmipic pixiñ tsam iniit ipimi, quet siñyucmi. Anmonne con tum ucsi. Iniit tum júñichi icobacantcimi. Jém iámooyi tsam pími tsoipa juuts jama. Jém ipuy juuts tum jucti agui yótpa. ²Imatspacne tum xutu libro áháyñe. Tum jém ipuy jém inwimipic nepteñ jém lamar iwiñpacyucmi y jém anñaymipic ipuy nepteñ naxyucmi. ³Pími anwejpa juuts pímpa tum cañ. Cuando anwejpa, jesic tiñpatim jém siete jém majiywiñ, ammatóháy ijíyi. ⁴Cuando yaj jiyi jém siete majiywiñ, anjaycampa idic ti nimpá. Pero ammaton tum jiyi siñyucmi. Anímáy:

—Anyamí ti ninyaj jém siete majiywiñ, odoy anmatí. Odoy jaycaami.

⁵Jesic jém siñyucmipic pixiñ jém ánixñewiip nepteññe jém lamar iwiñpacyucmi y jém naxyucmi, icquím yucmi jém ici jém anwimipic. ⁶Nimpá:

—Jém vivopic Dios jém dapic nunca cuyajpa, iwat jém siñ y itumpiy cosa jém itwiip siñyucmi, iwattim jém nas y itumpiy cosa jém itwiip naxyucmi, iwattim jém lamar y itumpiy cosa jém ityajwiip lamar. Yíptim Dios iwíjodon iga da mammiógóyáypa cuando mannímáyá iga siñ cuyajpa jém tiempo. ⁷Cuando núcpa jém jama iga jém tungac siñyucmipic pixiñ, jém sietepic, moj ixus jém inañpigam trompeta, jesic cupacum jém dapic tacjódhane Dios. Iwatpa Dios juuts inímáy jém profeta jém icuyoxayajpáppic.

⁸Jesic jém jiyi jém ammatonnewiip siñyucmi eybic ajíyáy. Anímáy:

—Nigi píci jém xutu libro jém áháyñewiip, jém imatspacnewiip jém siñyucmipic pixiñ, jém nepteññewiip jém lamar iwiñpacyucmi y jém naxyucmi.

⁹Jesic anic jut it jém siñyucmipic pixiñ. Annímáy iga achiñ jém xutu libro. Jesic anímáy jém siñyucmipic píxiñ:

—Yim it. Miñi píci. Cútqueti. Tsam paac inñipjom juuts chíñu. Pero jém impuujom agui taamap.

¹⁰Jesic ampic jém xutu libro jém siñyucmipic píxiñ icijjom. Ançútquet. Numa agui paac anñipjom juuts chíñu. Pero cuando yaj ançút agui tam jém ampuujom. ¹¹Ocmi anímáyta:

—Tienes que eybic ininmadáypa jáyan jém pixiñtam ti miñpa. Ininmadáypa jém tungac píxiñtam, jém ityajwiip tungac naxyucmi, jém jiyajpáppic tungac anmatími y yíp naxyucmipic anjagooyiyaj.

11

Jém wisten testigoyaj

¹ Jesic achiĩta tum quĩpsóycuy juuts tum waycuy. Anĩmayta:

—Tsucumi. Nigi quĩpsi jém Dios imastic. Quĩpsi jém altar. Mayi jutén jém pixiĩtam jém iĩsyajpáppic Dios jém masticjom. ² Pero odoy quĩpsi jém mastic iançi. Porque Dios ichiĩba iga imücháp jém tunğac pixiĩtam. Iacunepnepquetyajpa jém wibic attebet, jém Dios imüchi, cuarenta y dos meses. ³ Ich ançutsatpa wisten testigo jém ichpic anañmatçiwĩn iga inmadayyajpa jém pixiĩtam ich anañquĩmayooyi. Inmatyajpa tum mil doscientos sesenta jama. Iccámpa tum yicyooti juuts tum pixiĩ pĩmi anyácne.

⁴ Yíp wisten testigo je jém wisten olivos icuy, jém wisten jém nooquejucuy tuncuy, jém teññewiip Dios iwiñjom. ⁵ Siiga i imalwadáypa yíp wisten Dios inmatçiwĩn jesic putpa jucti iĩpjom, iñooquetpa jém ienemigoyaj. Siiga i imalwadáypa, jempigam iccaaba. ⁶ Yíp wisten testigo wiap inñúc jém siñ iga odoy chijóyĩn jém tuj iganam inmatyajpa jém Dios inmati. Wiaptim icset jém ni juuts nĩpiñ. Wiaptim iyaachwat jém pixiĩtam con jém malopic caacuy juchixquejjuuts je ixunpa. ⁷ Jesic cuando yaj inmatyaj jém Dios inmati, tsucum jém miĩpic animat jém Dios ienemigo jém putnewiip jém miĩpic josjom. Tsam áñapa contra jém wisten jém Dios itestigo, icoñwiy. Accaata jém wisten testigo. ⁸ Tsacyajtap jém wisten jém caaneyajwiip imiñtay jém calle añnaça jém miĩpic attebet jut cunúnta cunusyucmi jém iQmi. Tsam malo jém attebet juuts jém Sodoma y Egipto. ⁹ Miñ iámyaj jém accaanetawwiip tunğac pixiĩtam, de tunğac naxyucmi, jém inmatpáppic tunğac añmatĩmi, de jém tunğac naciónyaj. Tucunajama y media iámyajpa jém accaanetawwiip. Da iĩcpa iga cumtap. ¹⁰ Itumpiy jém pixiĩtam jém ityajwiip yíp naxyucmi agui maymayyaj iga ca jém wisten añmatçiwĩn. Agui nachiiyajta xaja con itiwitam porque agui pĩmi maymay. Tsam ijóyixyajpa jém caaneyajwiip porque jém wisten profeta tsam iyaachwat jém pixiĩtam. ¹¹ Pero ocmi cuando nas jém tucunajama y media, Dios icpis. Siip vivojam eybictim. Jesic itumpiy jém pixiĩtam, jém iixñeyajwiip, tsam pĩmi cĩnyaj. ¹² Jesic jém wisten testigo imatonayaj tum jiyi siñyucmi tsam pĩmi. Nĩmayta:

—Quiimi yĩm.

Jesic quĩmyaj siñyucmi, inmon jém ucsi iganam jém ienemigoyaj iixyaj. ¹³ Jeeti rato miñ tum miĩpic nasyixi. Iccutiñ jáyan jém tic icuwiĩti jém miĩpic attebet. Inñuntayaj jém décima parte. Accaayajta siete mil pixiĩtam. Jesic jém tsíyñeyajwiip tsam pĩmi cĩnyaj. Moj icuĩpyaj jém tanjatun Dios jém itwiip siñyucmi.

¹⁴ Nasneum jém wistenpic yaachaji y da jáyñe miñpa jém tunğac yaachaji jém trespic.

Jém inañpic trompeta

¹⁵ Jesic jém tunğac siñyucmiipic pixiĩn, jém sietepic, ixus jém itrompeta. Ammatonaj miĩpic jiyi siñyucmi. Nĩmyaj:

Siip tanjatun Dios y jém tánQmi Cristo imüchi itumpiy jém naciónyaj jém ityajwiip yíp naxyucmi.

Siip Dios injacpa yíp mundo para siempre.

¹⁶ Jesic jém widaytam, jém coñyajwiip jém veinticuatro icoñcuyucmi jém Dios iwiñjom, tocsneactinyaj. Moj iĩsyaj Dios. ¹⁷ Nĩmyajpa:

Mançujĩppa mánQmi Dios jém tsampic miwiap.

Mich miit dende wiñigam,
miittim siip, miit para siempre.
Siip impictsonje impimi, tsam miwiap.
Siip ininjacpa itumpiy cosa.

¹⁸ Tsam mijóyixpa jém pixiñtam jém ityajwiip yíp naxyucmi.
Pero siip núcum jém tiempo iga inçiiipinpa jém caaneyajwiip.
Iñchiiba castigo jém malopic pixiñtam.

Pero inwiyoypa jém impixiñtam jém micuyoxayajwiip,
jém mich ininjmatcwiñ.

Inwiyoypa jém immiichipic jém mitoyyajpáppic,
jém dapic juchan y jém iniitwiip jém mijpic cargo.

Pero iññuntaactogoypa jém malopic pixiñtam jém ictogoytopáppic itumpiy jém
michpic immiichi jém itwiip yíp naxyucmi.

¹⁹ Jesic ocmi áñáy jém Dios imastic siñyucmi. Masticjom ánix jém baúl
juuts jém watnetawwiip wiñigam cuando Dios ijycámáy jém ipixiñtam iga
iciacputpa. Jesic tsam quénpa majiywiñ, agui tñpa. Ammaton mijpic anjiyi.
Agui yuispa jém nas. Actin tum mijpic icxtuj.

12

Jém yomo y jém dragón

¹ Jesic quejpa siñyucmi tum cosa dapic queman tánix. Tum yomo iccámne
jém jama juuts itexi. It jém poya ipuyçim. Iccámne icobacyucmi tum corona,
iniit doce jém maṣsa jém coronayucmi. ² Manicomcane jém yomo. Agui
añejpa porque núcne jém tsixi itoya. Agui yaachap iga naypa jém tsixi. ³ Ocmi
quejpatim siñyucmi tunjac cosa dapic oypa tánix. It tum mijpic dragón agui
tsabats. Siete icobac y diez iwan. Cada tumtum icobacyucmi iccámne tum
corona. ⁴ Con ituts ijicmatspa jáyan jém maṣsa jém tercera parte jém itwiip
siñyucmi. Iccutñpa naxyucmi. Ocmi jém dragón nic teñi jém yomo iwiñjom
jém icnaypáppic jém tsixi. Injócpa jém dragón iga icispa jém tsixi cuando
nayum. ⁵ Jesic jém yomo icnay tum jaychixi. Jém tsixi chiita pimi iga injacpa
itumpiy jém naciónay. Injacpa con tum tñcuy vara. Pero ocmi accáyta jém
tsixi, nanicta jém Dios iwiñjom jém mijpic coñcuyucmi. ⁶ Jesic poy jém yomo,
nic iti jém títinaxyucmi jut da iñim. Dios iwitsagáy tum lugar jut nicpa iti, jut
icwícpa tum mil doscientos sesenta día.

⁷ Ocmi áñayajpa siñyucmi. Jém Miguel con jém ipixiñtam áñayajpa contra
jém dragón con jém ipixiñtam. ⁸ Pero da wiá micoñwiy jém dragón. Dam
i lugar para jeeyaj siñyucmi. ⁹ Jesic quebacputta siñyucmi jém dragón, jém
wiñicpic tsañ. Iniyitim Wocçwiñ y Satanás. Imigóyáypa itumpiy jém
pixiñtam icuwiti yíp naxyucmi. Quebacputta siñyucmi, acquetta naxyucmi
jém Wocçwiñ con itumpiy jém siñyucmipic pixiñtam jém itúnjyaypáppic.

¹⁰ Jesic ammaton tum mijpic jiyi siñyucmi. Niipa:

—Siip núcum jém tiempo iga taciacputpa Dios. Núcne jém ipimi. Siip
injacpa yíp naxyucmi. Jém Cristo, jém Dios imiichi, ipictsonje jém autoridad.
Quejpa iga iniit ipimi porque quebacputta pimimi jém Wocçwiñ jém tsampic
icujyypa jém tantiwitam. Tsam iquejajwadáypa jém tantiwitam jém Dios
iwiñjom tsuucim y siñi. ¹¹ Pero jém Dios ipixiñtam wiap icoñwiy jém
Wocçwiñ porque jém Cordero itegáy iñpiñ iga iyojáy itañca. Icoñwiy con

jém wibic anquímayooyi jém inmatyajpáppic. Jeeyaj da cinyajpa iga togoypa ivida, pero ityaj dispuesto iga accaayajtap. ¹² Maymáyataami jém miiltanwüip siñyucmi. Agui miuuguytim jém miiltanwüip naxyucmi y jém lamar porque quetneum naxyucmi jém Wocciwiñ jut miit. Tsam pimi jóyñe. Ijodonj iga da jáyñe cuyajpa ipimi.

¹³ Jesic cuando jém dragón iix iga patsquetnetawum naxyucmi, moj imalwadáy jém yomo jém icnayñewüip jém jaychixi. ¹⁴ Pero jém yomo chiitá wisten jém mijtampic águila ixaj iga wiap iquec iga nicpa tungac lugar jém titsinaxyucmi jut da inñim, juumi de jém animat. Jemum wadatap jém yomo tres año y medio. ¹⁵ Jesic jém animat moj icput ni ijipjom iga iwatpa tum mijpic río iga icjidáypa jém yomo. ¹⁶ Pero jém nas iyoxpát jém yomo. Áñáy jém nas, iucquet jém ni jém putnewüip jém animat ijipjom. ¹⁷ Jesic jém dragón agui pimi jóyixpa jém yomo. Nic inña los de más jém yomo imanictam jém dapic ichacpa jém Dios inquímayooyi jém icupicpáppic Jesucristo.

13

Jém tungac wisten animat

¹ Ich atañ jém lamar anñaca cuando ánix tum tsam mijpic animat put jém lamar. Iniit siete icobac y diez iwanj. Cada tumtum jém iwanjyucmi iniit tum corona. Cada tumtum icobacyucmi inimiñ tum malopic niyi iga icujyipa tanDios. ² Yíp animat, jém ánixñewüip, juuts tum çañ. Ipuy jex juuts jém oso. Ijip juuts jém león. Jém dragón ichi jém ipimi, iccám juuts tum anjagooyi, ichi mijpic autoridad. ³ Ánix tum jém animat icobac pimi coowane. Iccaatooba jém icoowaji, pero ocmi pis jém icoowaji jém iccaapáppic idic. Jesic itumpiy jém pixiñtam agui ipooñanjamayajpa, ocmi moj itúnjyyaj. ⁴ Jesic jém pixiñtam ijisyajpa jém dragón juuts tum dios porque ichiñe ipimi jém mijpic animat jém putnewüip jém lamar. Jesic ijisyajpatim jém mijpic animat. Nímyajpa:

—Da i tungac wiapaap juuts yíp animat. Da i wiap icoñwíy siiga áñapa.

⁵ Jesic chiitá lugar jém animat iga icujyipa tanDios iga tsam pimi imalmalnimáypa. Chiitá pimi iga iwatpa juuts je ixunpa para cuarenta y dos meses. ⁶ Jesic ináy ijip, moj imalmalnimáy Dios y imalnimáy jém inñiyi y jém wicom jut it Dios. Imalnimáytim jém ityajwüip siñyucmi. ⁷ Chiitatim lugar iga áñayajpa con jém Dios ipixiñtam jém imüchipic hasta que icoñwíyipa. Chiitatim jém pimi iga injacpa itumpiy clase de pixiñtam, jém jiyajpáppic jém tungac anmatimi y jém ityajwüip tungac naxyucmi. ⁸ Ijisyajpa yíp animat itumpiy jém pixiñtam jém ityajwüip icuwiti yíp naxyucmi, jém dapic jaycámetá inñiyi jém librojom jém tachipáppic jém vida. Imüchi jém libro jém Cordero jém accaanetawüip dende moj iti yíp mundo.

⁹ Siiga mitatsigiyta, matonñtaami. ¹⁰ Siiga i ipajpa jém itiwí, jesic pajtaptim mex je. Siiga i accaóypa con espada, accaataptim con espada mex je. Yümpic quejpa iga iyaachíyipa jém Dios ipixiñtam cuando yaachwattap iga da ichacpa, seguido icupicpa iga Dios wiap iyoxpát.

¹¹ Ocmi ánix tungac tsam mijpic animat put nascim. Iniit wisten iwanj jex juuts tum mañborrego, pero jiyja juuts jém dragón. ¹² Chiitatim itumpiy jém ipimi jém iniitwüip jém wiñtipic animat jém coowanewüip idic icobac y ocmi pis. Yíp ocmipic animat ipümyajpa itumpiy jém pixiñtam jém ityajwüip

yíp naxyucmi iga ijisyajiñ jém wiñtipic anímat juuts tum dios jém pisnewiip icoowaji. ¹³ Wiaptim iwat jém mįjtampic milagro. Icquetpa jucti sįnyucmi hasta yíp naxyucmi jém pixiñtam iwiñjom. ¹⁴ Imigóyaypa jém pixiñtam jém ityajwiip yíp naxyucmi con jém mįjpic milagro jém wiapaap iwat jém wiñtipic anímat iwiñjom. Iñímáy jém pixiñtam iga iwatyajiñ tum watnas juuts jém wiñtipic anímat jém coowanewiip idic con jém espada, pero da ca. ¹⁵ Jesic jém tungac anímat, jém putnewiip nascim, iniit ipimi iga ichiiba ivida jém watnas iga wiañ ijiy. Ichi ipimi iga iccaayajpa itumpiy jém pixiñtam jém dapic ijisyajpa jém watnas. ¹⁶ Jesic ipimíy iga accámaytañ tum marca itumpiy jém pixiñtam inwiciimi o iwiñpacyucmi. Itumpiy accámayajtap jém marca jém xutupic y jém mįjpic, jém rico y jém pobre, jém esclavo y jém dapic je esclavo. ¹⁷ Siiga tum pixiñ da iniñ jém marca, da wiap imáymáyóy ni juyjúyóy. Siiga iniit jém marca o jém anímat iñiyi o jém inumero wiap imáymáyóy y wiap ijuyjúyóy. ¹⁸ Yíp ixunpa iga mįjixiytamiñ. Siiga incutiyyipa, jįstaami ti nimtooba jém anímat inumero. Yíp nimtooba jém numero de jém pixiñtam. Jém inumero seiscientos sesenta y seis.

14

Wanyajpa jém 144,000

¹ Ocmi aámquim, ánix jém Cordero iga teñ jém cotsicyucmi iñiyi Sión. Iwaganaityaj ciento cuarenta y cuatro mil jém ipixiñtam. Jaycámayta jém ipixiñtam iwiñpacyucmi jém Cordero iñiyi y jém iĵatun iñiyi. ² Jesic ammaton tum anjįyi sįnyucmi juuts jupa jáyay ni, juuts tsam pimi tñpa jém majiywiñ. Ammaton tum anjįyi juuts ticstap tsam jáyay arpa. ³ Jesic jém pixiñtam iwanyajpa tum jomipic wañi juť it jém trono jém Dios iwiñjom juť it jém cuatro vivopic cosa y jém wıdaytam. Da ĵ wiap ictsıy jém wañi, solamente jém ciento cuarenta y cuatro mil pixiñtam jém ciacputneyajtawiip yíp naxyucmi. ⁴ Yıpyaj jém dapic nunca yoomıy, da nunca ijıypát yomo. Itıñıyyajpa juť quej jém Cordero. Icupıñ Dios entre jém malopic pixiñtam. Iyojáy itañca. Jeeyaj tsıy juuts jém wiñtipic tim. Tsıyyaj juuts Dios imıchi y juuts jém Cordero imıchi. ⁵ Da ĵ migooyi ijıpjom. Da táñcaıy jém tanĵatun Dios iwiñjom.

Jém tucuten sįnyucmıpic pixiñtam jém inimiññewiip anmąti

⁶ Jesic ánix tungac sįnyucmıpic pixiñ quecpa sįnyucmi. Inisiiba jém wıbic anquımayooyi jém dapic cuyajpa iga inmadáypa jém pixiñtam jém ityajwiip yíp naxyucmi. Anmadayajtap itumpiy clase de pixiñtam, jém tungac pixiñtam, jém jıyyajpáppic tungac anmatımi y itumpiy jém ityajwiip jém tungacpic naxyucmi. ⁷ Tsam pimi jıyapa jém sįnyucmıpic pixiñ. Nimpa:

—Cıñtaami Dios, cıjıptaami. Sııp núcneum jém hora iga cııpıñóypa yıp naxyucmi. Jįstaami Dios jém iwatnewiip jém sıñ, jém nas, jém lamar y jém nıxcuy.

⁸ Jesic ocmi miñ tungac sįnyucmıpic pixiñ. Nimpa:

—Actıñum, actıñum jém mįjpic attebet jém Babilonia porque ichi jém malopic jıxi itumpiy jém naciónyaj juuts iquiwat con jém malopic vino iga icpejóypa jém pixiñtam.

⁹ Jesic ocmi miñ tungac sinyucmipic p̄ixiñ jém trespic. Tsam p̄imi jiyapa. Nimpa:

—Siiga i ijispa jém animat o jém iwatnas juuts tum dios y siiga i ipictsonpa jém animat imarca iwiñpacyucmi o iciyucmi, ¹⁰ jesic tienes que ipictsonpa tum mijpic castigo. Dios ichiiba castigo y da iyaachanjampa ni uxaj. Yaachwattap jém p̄ixiñ con jucti y azufre jém sinyucmipic p̄ixiñtam iwiñjom y jém Cordero iwiñjom. ¹¹ Jemum jut chiitap castigo tsam joogap itumpiy tiempo, da nunca teñpa. Jém p̄ixiñtam da nunca jeppa tsuucim ni siññi. Iñascaaba así itumpiy jém ijisyajpáppic jém animat y jém iwatnas y jém ipictsonneyajw̄iip jém marca de jém animat iñiyi. ¹² Yimur quejpa jém Dios ip̄ixiñtam siiga da ichacpa jém Dios inq̄uímayooyi y seguido icupicpa tánQ̄mi Jesús.

¹³ Jesic ammatonj tum j̄iyi sinyucmi. Anímáy:

—Jaycaami ȳip anmat̄i: Nimpa jém Dios iAnama iga dende siip tsam maymayaj jém p̄ixiñtam jém caaneyajw̄iip, jém icupicnew̄iip jém tánQ̄mi Cristo. Siip da yoxap, jejjajpa. Jém icoñw̄iyoooyi iwaganait.

P̄iñtap jém cosecha ȳip naxyucmi

¹⁴ Ocmi aámquim y ánix tum ucsi tsam popo. Jém ucsyucmi coñ tum p̄ixiñ juuts jém Miññew̄iip Sinyucmi. Iniit tum corona de oro icobacyucmi. Imatspacne tum t̄iñcuy tsam tsupa iga ipiñpa jém cosecha. ¹⁵ Jesic tungac sinyucmipic p̄ixiñ put jém masticjom. Tsam p̄imi jiyapa. Iñímáy jém coñw̄iip jém ucsyucmi:

—T̄iñi con jém iñhoz, piñi jém cosecha. Núcum jém hora iga impiñpa porque ciñneum ȳip naxyucmi.

¹⁶ Jesic jém coñw̄iip jém ucsyucmi moj it̄iñ jém cosecha ȳip naxyucmi, ipiñ.

¹⁷ Ocmi put tungac sinyucmipic p̄ixiñ jém masticjom. Imatspacne iciñjom tum hoz tsam tsupa. ¹⁸ Tungagam sinyucmipic p̄ixiñ, jém jucti injagooyi, put de jut it jém altar. Jesic p̄imi ij̄iyáypa jém tungac sinyucmipic p̄ixiñ jém iniitw̄iip jém hoz aguipic tsupa. Iñímáy:

—T̄iñi siip jém cosecha con jém hoz aguipic tsupa. T̄iñi jém uvas ȳip naxyucmi porque siip ciñneum.

¹⁹ Jesic jém sinyucmipic p̄ixiñ moj it̄iñ jém uvas ȳip naxyucmi. Itúc jém uvas, in̄tuumawatpa jut in̄epnepcotspa iga itobáypa jém uvas iñi. Ȳip nimtooba iga Dios in̄tuumawatpa jém malopic p̄ixiñtam iga ichiiba castigo. ²⁰ Jesic micstap jém uvas an̄s̄icmi de jém atebet. Tsam putpa n̄iipiñ jut micstap jém uvas. Tsam jojm̄i jém n̄iipiñ, núcpa hasta jém cawaj ifrenoyucmi. Núc tsam juumi jém n̄iipiñ trescientos kilómetro icuwoyo.

15

Jém siete malopic caacuy

¹ Ocmi ánix sinyucmi tungac seña tsam mij, jém tsampic tampooñanjampa. Siete sinyucmipic p̄ixiñtam inimiñyay siete jém In̄an̄pigam caacuy. Cuando yaj miñi jém siete caacuy, jesic cuyajum jém Dios icastigo.

² Ocmi ánix juuts tum lamar de vidrio namotnet̄a con jucti. Teñyay jém Dios ip̄ixiñtam jém lamar wiñpacyucmi. Jeeyaj icoñw̄iyay jém mijpic animat y jém animat iwatnas. Icoñw̄iyim jém inumero de jém iñiyi. Inis̄iba jém arpa jém

ichiñnewiꝑ Dios. ³ Iwanyajpa jém Moisés iwañi jém icuyoxanewiꝑ Dios y jém Cordero iwañi. Nimpa:

MánQmi Dios, agui miꝑpic cosa mich inꝓwat.

Agui tampooñanjampa.

Mich iniit itumpiy impimi.

Tsam miwiapaap.

Mich tsam inꝓwatpa y da mimigóꝑpa.

Mich más miꝑpic miRey ininjacpa itumpiy jém naciónayaj.

⁴ ¿I da micijpa, mánQmi Dios?

¿I da micujíppa?

Porque solamente mimich jém dapic mitáncaiy.

Itumpiy jém naciónayaj miñpa micosteeñayaj

porque jutquej tsam wiꝑquejpa jém ininꝓquimayooꝑi.

Quejpa iga iññumciꝑinꝓa itumpiy jém pxiñtam.

⁵ Jesic ocmi cuando nasne yíꝑyaj cosa, ánix siꝓyucmi iga ányáñe jém siꝓyucmiꝑic mástic hasta jém cuarto más joꝑmi jut it Dios ipimi. ⁶ Jém siꝓyucmiꝑic másticjom putyajpa jém siete siꝓyucmiꝑic pxiñtam jém inimiñnewiꝑ jém siete malopic caacuy. Wiꝑcuyajneyaj con jém popopic puctucu agui tsoꝑa. Iccámneyaj tum cinturón de oro jém ipechoyucmi. ⁷ Ocmi tum de jém cuatro vivopic cosa ichi cada tum tum jém siꝓyucmiꝑic pxiñtam tum xanu de oro comne de jém miꝑpic castigo jém icutsatpaap Dios jém itwiꝑ itumpiy tiempo. ⁸ Jesic jém siꝓyucmiꝑic másticjom comne de joco. Tsam it jém joco porque tsam it jém Dios ipimi. Da i wiꝑ itigiy jém másticjom hasta cuyajpa jém siete miꝑpic castigo jém inimiñnewiꝑ jém siete siꝓyucmiꝑic pxiñtam.

16

Jém siete xanu comne de castigo

¹ Ocmi ammatonꝑ tum miꝑpic jiyi jém cuartojom jut it Dios ipimi. Nímayta jém siete siꝓyucmiꝑic pxiñtam:

—Siꝑ nanici jém siete xanu jém Dios icastigo. Nigi cutegaayi naxyucmi.

² Jesic jém wiñtipic siꝓyucmiꝑic pxiñ icutegáy jém xanu naxyucmi. Itumpiy jém pxiñtam jém iniitwiꝑ jém miꝑpic animat imarca jém ijisyajpaap jém animat iwatnas imatsyaj jém malopic puuci tsam toꝑpa, da wiꝑsiꝑpa.

³ Jesic jém tungac siꝓyucmiꝑic pxiñ jém wistenpic nic icutegáy jém xanu lamar. Setpa jém lamar juuts jém tsúts inꝓpiñ. Jesic itumpiy jém ityajwiꝑ lamar caayajpa.

⁴ Jesic jém trespic siꝓyucmiꝑic pxiñ icutegáy jém xanu jém nñcñm y jém niñcuy. Itumpiy jém niꝑyaj set iga nñpiñ. ⁵ Jesic ammatonꝑ iga jiyꝑa jém siꝓyucmiꝑic pxiñ jém icutegayñewiꝑ jém xanu jém nñcñm. Nimpa:

—MánQmi Dios, miññumciꝑinꝓóꝑpa. Mich miit denne wiñgam y miittim hasta siꝑ. Mich da mitáncaiy. Agui inꝓwiꝑinꝓ jém malopic pxiñtam. Wi iga iñchiiba jém miꝑpic castigo. ⁶ Porque jeeyaj iccaayaj jém impxiñtam jém ininjmatciwiñ. Iteꝑáyá iñꝓpiñ yíꝑ naxyucmi. Jeeyucmi wi iga inicset jém ni juuts nñpiñ iga inigucpa jém malopic pxiñtam. Wi iga ipictsonꝑajpa jexpic castigo.

⁷ Ammatonꝑtim tum jiyi jém altaryucmi. Nimpa:

—Numa, mánomi Dios, mich iniit itumpiy impimi, iññumcipin juuts iwatneyaj.

⁸ Jesic jem cuatropic sinyucmipic pixiñ icutegáy jem xanu jem jamyucmi y jem jama chiita iga más pimi pijpa hasta iñooba jem pixiñtam con jem ipiji.

⁹ Jesic tsam pimi jípsyaj jem pixiñtam con jem jama ipiji. Pero da icucacyaj ijixi iga da icujípyajpa Dios. Moj imalmalnímayaj Dios jem icutsatnewip jem castigo.

¹⁰ Jesic jem cincopic sinyucmipic pixiñ icutegáy jem xanu jem anjagooyi icofñcuyucmi jut injacpa jem mijpic animat jem putnewip lamar. Jesic cupiicha icuwiti jem naxyucmi. Tsam pimi yaachwattap jem pixiñtam hasta que iwaspa itots con jem toya. ¹¹ Tsam imalmalnímáy Dios jem itwip sinyucmi porque tsam yaachwattap con jem toya y jem puuci. Pero da icucacyaj ijixi iga imalwatayajpa.

¹² Jesic jem seispic sinyucmipic pixiñ icutegáy jem xanu jem mijpic río iñiyi Eufrates. Jesic tits jem ni iga wiap iñasyaj jem anjagooyiyaj jem miñpáppic anjamquímni.

¹³ Jesic ánix tucuten mal espíritu juuts nac. Tum jem nac put jem dragón ijipjom. Tum jem nac put jem mijpic animat ijipjom jem putnewip lamar. Y tum jem nac put jem tungac mijpic animat ijipjom jem putnewip nascim jem imigóyaypaap jem pixiñtam. ¹⁴ Yip mal espíritu jem Wocciwiñ imiichi wiaptim iwat milagro. Nicpa injtuumawat itumpiy jem anjagooyiyaj icuwiti yip naxyucmi iga ányajpa con Dios jem jama jem icupinewip jem tanjatun Dios jem iniitwip itumpiy ipimi.

¹⁵ Nimpa Dios iga sip mannímáypa iga miittámiñ al tanto. Ich amiñpa juuts tum númpaap mancupiichcñyapa. Tsam mimaymay siiga miit listo y siiga iniccámne impuctucu. Jesic da inçusici. Da michaap iga miixpa jem pixiñtam.

¹⁶ Jesic jem mal espíritu injtuumawat itumpiy jem anjagooyiyaj tum lugar iñiyi Armagedón jem anmatí hebreo.

¹⁷ Jesic jem sietepic sinyucmipic pixiñ icutegáy jem xanu sauyucmi. Jesic jem sinyucmipic masticjom, jut it Dios jem tronoyucmi, ammaton tum jiyi tsam pimi. Nimpa:

—Cupacneum.

¹⁸ Jesic agui quénpa majiywiñ. Agui tiñpa. Tsam nácsóypa. Tsam pimi yispa jem nas. Tsam mijpic nasyñxi. Da i queman oypa iix jexpic nasyñxi tsam mij dende moj iti jem pixiñtam yip naxyucmi. ¹⁹ Jesic jac jem nas jut it jem mijpic attebet. Tsíy tres pedazo. Jesic jem tungac attebetayaj icuwiti jem naxyucmi cujegayyaj iticyaj. Dios ijispa jem attebet Babilonia iga tsam imalwat jeeyucmi ichiiba jáyan castigo juuts tum vaso comne. ²⁰ Togoyyaj itumpiy jem isla jem itwip lamar. Togoytim mex jem cotsicyaj. ²¹ También actñtim tum mijpic icxtuj. Ictsíypa jem pixiñtam. Tsam pimi mij jem icxtuj hasta cuarenta kilo ichacññi tumtum. Jesic jem pixiñtam tsam pimi imalmalnímáy Dios porque jem icxtuj tsam pimi iyaachwatayaj. Tsam mijpic castigo chiijajta.

¹ Jesic tum de jem siete sinyucmipic pixiñtam jem inimiññewiip jem siete xanu de oro miñ animáy:

—Miñi. Manañquejáya jem castigo jem ipictsonpáppic jem malopic yomo jem pejoypáppic jem coñwiip jem lamar. ² Yip naxyucmipic anjagooyiyaj tsam pejoyyajpa con yip malopic yomo. Tsam iuquiwatyaj yip naxyucmipic pixiñtam con jem vino de jem malopic cusúniyooyi.

³ Ocmi jem sinyucmipic pixiñ ananigáy jem ánanama tum titsinaxyucmi. Anquejáy juuts tum poñ. Ánix tum yomo iquímcane tum mijpic animat agui tsabats. Jem animat imijtayyucmi jaycámneta itumpiy jem malopic anmati jem icuyiñewiip Dios. Jem animat iniit siete icobac y diez iwan. ⁴ Jem yomo iccámne tum moradopic puctucu y tsabats. Agui wí cuyajne con oro, jem wítampic tsa y jem perla. Imatspacne icijom tum copa de oro comne de jem cosa jem tsampic ijóyixpa Dios con itumpiy jem malajixi iga tsam pejoyñe yip naxyucmi. ⁵ Jem yomo jaycámneta iñiyi iwiñpacyucmi jem dapic i wiap icutiíyíy. Nimpa así: “Jem mijpic atebet Babilonia. Yip yomo tsíy juuts appic de itumpiy jem malopic yomtam y itumpiy jem malopic jixi jem tsampic ijóyixpa Dios yip naxyucmi.” ⁶ Jesic ancutiíyíy iga tsam uqui jem yomo. Iuc jem nipiñ jut accaata jem Dios ipixiñtam jem Jesucristo icuyucmi. Jem nipiñ iuquiwat. Cuando ánix jem yomo agui ampoohanjampa. ⁷ Jesic jem sinyucmipic pixiñ animáy:

—¿Tiiga agui impoohanjampa? Siip manañmadáya jem dapic incutiíyíyipa y ti nimtooba jem yomo iga iquímcane jem animat jem iniitwiip siete icobac y diez iwan. ⁸ Jem animat jem siipic iñix, it idic wiñic, pero ocmi ca. Pero ocmi pis, putpa eybic jem mijpic josjom jem tsampic pimi jojmi. Nicpa jem lugar jut ipictsonpa castigo jem dapic nunca cuyajpa. Jesic itumpiy jem pixiñtam jem ityajwiip yip naxyucmi jem dapic i ijaycámayñe iñiyi jem libro de la vida dende moj iwat Dios yip mundo, jeeyaj tsam ipooñanjamyajpa cuando iixyajpa iga pisneum jem animat jem itwíip idic wiñigam y ocmi ca, pero eybic miñpa.

⁹ Da itumpiy jem pixiñtam wiap icutiíyíy, solamente jem jixiywiip wiap icutiíyíy. Jem siete icobac nimtooba jem siete cotsic jut coñ jem yomo. ¹⁰ Jem icobac nimtoobatim siete mijpic anjagooyi. Nasneum cinco jem anjagooyi. Tum siibam injac y jem tungac danam tsucumne. Y cuando miñpa jem inhanpigam anjagooyi da jáyñe cuyajpa. ¹¹ Jem mijpic animat jem itwíip wiñic y siip da i, cuando miñgacpa, tsíyipa juuts jem ochopic anjagooyi. Tumti ijixi y tumti ipimi con jem tungac sietepic. Ocmi nicpatim jem lugar jut ipictsonpa icastigo jut da nunca cuyajpa.

¹² Jesic jem diez iwan, jem iñixñewiip, nimtooba diez anjagooyi jem dapicnam ipictsonne icargo. Tsíyipa juuts anjagooyi no más para tum rato iga injacyajpa yip naxyucmi con jem mijpic animat. ¹³ Yip diez anjagooyi tumti jixi iniitayaj. Ichiiyajpa itumpiy ipimi jem mijpic animat iga iyoxpátpa. ¹⁴ Jesic jeeyaj nicpa ánjaiyaj contra jem Cordero. Pero jem Cordero icoñwíyipa. Jem tánomi más wiapaap, je más mijpic anjagooyi que itumpiy jem anjagooyiyaj. Jem ipixiñtam, jem iwaganaitwiip, icupin y inwejáy. Y jeeyaj da ichacyajpa iga icupicpa.

¹⁵ Jesic jem sinyucmipic pixiñ animáytim:

—Jém lamar jém íñixñewiip jut coñ jém malopic yomo jém pejoypaap nímtooba itumpiy jém pixiñtam, jém ityajwiip tungac naxyucmi, jém jiyajpáppic jém tungac anmatimi, jém tungac pixiñtam. ¹⁶Jém malopic animat con jém diez iwan, jém íñixñewiip, tsam ijóyixyajpa jém malopic yomo jém pejoypáppic. Ichacyajpa icutum y cusici. Icúdayajpa jém imayi. Íñoquetpa con jucti. ¹⁷Iwatyajpa jempic jém diez anjagooyi porque Dios ichi jém jixi íanamanjom iga iwatyajin juuts je ixunpa iga tumti jixi iniityaj iga ichiiyajpa ipimi jém mijpic animat hasta que cupacpa itumpiy juuts nímpa jém tanjatun Dios. ¹⁸Jém malopic yomo jém íñixñewiip nímtooba jém mijpic attebet jém injacpáppic itumpiy jém anjagooyiyaj icuwiti yíp naxyucmi.

18

Cuyajpa jém mijpic attebet Babilonia

¹Jesic ocmi ánix tungac sinycmipic pixiñ quet sinycmí. Agui iniit ipimi. Iyicquejpa icuwiti yíp naxyucmi con jém ichoca. ²Tsam pími jiyá. Nímpa:

—Cuyajneum, cuyajneum jém mijpic attebet Babilonia. Tsíy juuts tum lugar jut nicpa iti jém mal espíritu jém Wocciwiñ imichi, jut siiba jém espíritu dápíc wí jém tamalwadaypáppic, jut ityaj jém malopic jonyaj jém tsampic jóyixtap. ³Cuyajne jém attebet porque iquuiwat itumpiy jém naciónyaj con jém vino de jém malopic cusúnyooyi. Jém attebet Babilonia tsam icmalwat jém anjagooyiyaj icuwiti yíp naxyucmi. Tsam wí it jém Babilonia, jeeyucmi jém máymáyoypaap tsam ricojaneyaj icuwiti de yíp naxyucmi porque jém pixiñtam tsam icusúnyajpa titam iixpa.

⁴Ocmi ammaton tungac jiyi sinycmí. Nímpa:

—Mímichitam mammiichitam, puttaami de jém attebet iga odoy immalwattámiñ juuts jém ityajwiip jém attebet iga odoy impictsonotámiñ jém plagas, jém castigo jém Diospic icutsatpa. ⁵Porque jém itañca antuumaneum, núcneum hasta sinycmí. Siip ijíspa Dios iga tsam imalwatyaj, ichiiba castigo. ⁶Jempictim acseedaayi jém yomo. Wisciy yoji juuts je iwat. Jém copa jém iwatnewiip jém yomo iga íñucpa, siip moti más jáyan iga dos veces más íñchiiba. ⁷Tsam pími nacujipta iyaac. Tsam wí it para jáyan tiempo. Jesic chiitaami jém yaachaji y jém anyaaqui tsam pími. Tsam ijíspa ijixianjom. Nímpa iga yim acoñ juuts tum reyna. Da nunca atsiyápa ancutum juuts cunoya. Da nunca annascaaba jém anyaaqui. ⁸Jeeyucmi tumti jama miñpa itumpiy jém plagas. Tsam jáyan caayajpa, tsam it jém anyaaqui y jém mijpic yuu. Ocmi jípsquetpa con jucti. Porque agui wíap jém tánomi Dios, ichipinpa jém mijpic attebet, icyojpa jém itañca.

⁹Tsam weyjajpa yíp naxyucmipic anjagooyi, tsam anyácneyaj, porque agui pejóypa idic con jém yomo, agui maymayyaj idic. Pero siip tsam anyácneyaj cuando iix iga químpa jém ijoco jut jípsquetyajpa. ¹⁰Juumi tsiyyaj jém anjagooyiyaj porque tsam icinyajpa jém castigo. Nímyajpa:

—Agui uuguayim jém mijpic attebet Babilonia, agui iniit idic jém ipimi, pero siip tumti rato núc jém mijpic castigo.

¹¹Jém máymáyoypáppic tsam weyjajpatim. Pími anyácneyaj iga cuyajneum jém attebet porque da i más ijúyápa jém imáycuy. ¹²It jém carga de oro y plata y jém wítampic tsa aguipic tsoowiy y jém perla. It jém wibic puctucu jém lino y jém seda. Ittim moradopic y tsabats. It jém wítampic cuy jém

çinpáppic y jém cosa watnetá de cuy aguipic tsoowíy y jém marfil. Ittim cosa de bronce y tñcuy y mármol jém tsa aguipic wí. ¹³ Ittim carga de canela y jém especia çinpaap, jém poma, jém mirra y jém perfume. Ittim vino y aceite y jém wibic harina y trigo. Ittim bestia mular. Ittim borrego. Ittim cawaj. Ittim carreta. Ittim esclavos. Ittim jém pixiñtam iñnama. ¹⁴ Nímawayajta jém ityajwíip jém attebet:

—Itumpiy jém wibic tim jém inçusúniypáppic cáyum de mich. Jém wítampic cosa tsampic tsoowíy siip mitogóyáy y da nunca impátpa.

¹⁵ Jém máymáyoypaap tsam ricojaneyaj cuando iwat negocio con jém attebet. Siip juumi tsíyyaj porque icñpa jém yaachaji jém siippic iñasca jém attebet. Tsam weyjajpa, tsam anyácneyaj. ¹⁶ Nímayajpa:

—¡Ay, ay! Agui uuguytim jém mijpic attebet. Tsam wícuyajne idic con jém wibic puctucu morado y tsabatpic. Agui wícuyajnetim con jém oro, jém wítampic tsa y jém perla. ¹⁷ Tumti rato cuyaj itumpiy jém mijpic riqueza.

Itumpiy jém icwitpáppic jém mijpic barco con jém pasajeroyaj con jém yoxayajpáppic lamar, juumi teeñanjacyaj. ¹⁸ Jesc iixyajpa iga químpa jém joco jut jipsquetpa jém attebet, tsam añweyjajpa. Nímayaj:

—¿Jup attebet jex juuts yíp mijpic attebet?

¹⁹ Como tsam pími anyácneyaj iccámayñeyaj pótpót icobacyucmi. Tsam weyjajpa. Pími añweyjajpa. Nímayaj:

—¡Ay, ay! Agui uuguytim yíp mijpic attebet. Je icuyucmi ricojaneyaj itumpiy jém iníitwíip ibarco porque tsam tumiñíy jém attebet. Pero siip tumti rato nunta miswatta.

²⁰ Pero mimichtam, miñtanwíip siñyucmi, maymáyataami porque siip Dios ichiiba castigo yíp malopic pixiñtam. Mimichtam jém micutsatnewíip Dios y jém iníñmatpáppic jém Dios inñmáti, siip Dios icyojpa itáñca jém mimalwadayñewíip.

²¹ Jesc tum siñyucmípic píxiñ, tsampic pími, ipiñ tum mijpic molino icha. Ipatscúm lamar. Nímpa:

—Yicsabam icutiñ jém mijpic attebet Babilonia. Nunta togoypa. Da eybic iñixtámpa. ²² Yíp attebet da i nunca imatonpa jém música ni jém arpa, ni jém trompeta ni flauta. Itumpiy jém pixiñtam jém wiapaap iyoxa, dam más tampátpa yim, ni jém molino da más tammatonpa iga anjiypa. ²³ Jemic da más tsocpa jém justí. Da más matonñap jém bulla de jém añcoomíyóycuy. Jém máymáyoypaap más wiayajpa idic que jém ityajwíip icuwíti yíp naxyucmi. Imigóyáy itumpiy jém naciónyaj con jém iñawadaçuy.

²⁴ Yíp attebet padayta jém profeta iññipiñ y jém ñapic táñcaíy iññipiñ y itumpiy jém accaanetaçwíip icuwíti yíp naxyucmi.

19

¹ Ocmi ammaton tum jiyi tsam mij. Pími jiyajpa jáyay pixiñtam siñyucmi. Nímayajpa:

¡Aleluya! Jém tanjatun Dios wiap iciacput jém pixiñtam. Tsam wí jém tanDios, wiap iwat itumpiy cosa.

² Jém tanjatun Dios iññmçipiñ jém malopic yomo, jém pejoypaap jém mijpic attebet,

porque tsam icmalwatne jém ityajwíip yíp naxyucmi con jém malopic jixi.

Siip Dios ichécum jém ipixiñtam iññipiñ, jém accaatawñip jem.

³ Jesic eybictim nımyaj:

—¡Aleluya! Jém ijoco quımpa itumpiy tiempo.

⁴ Jesic jém veinticuatro wıdaytam con jém cuatro vivopic cosa tocsne actıy naxyucmi iga ijısyajpa Dios jém coñwñip jém anjagooyi icoñcuyucmi. Nımyajpa:

—¡İtım wı! ¡Aleluya!

⁵ Jesic put tım jıyi de jut it jém anjagooyi icoñcuy. Nımpa:

Cujıptaami jém tanjatıy Dios, mimichtam,

jém ıncuyoxatampáppic Dios,

jém ıncıyıtampáppic,

mixututampic y mimıjtampic.

Jém Cristo ipictsonpa jém ipixiñtam

⁶ Jesic ammaton tım jıyi tsam mij juuts jıyyajpa tsam jáyan pıxiñtam, tım anjıyi juuts jupa jáyan ni, juuts pımi tıñpa jém majıywiñ. Nımpa:

¡Aleluya! Porque siip tsucumneum iga ınjacpa yıp naxyucmi jém tanQmi Dios jém iniıtıwñip itumpiy ipımi.

⁷ Siip tamaymáyatamiñ.

Wı iga tanaıtámiñ jém maymáyi tánanamanjom y tanıujıptámpa Dios

porque siip núcneum jém jama iga ancoomıypa jém Cordero.

Jém iyomo nawıtsacnetawom. (Yıp nımtooba jém Dios ipixiñtam.)

⁸ Jém yomo agui wıcuyajne.

Chiıtı jém wıbic punctucu, jém lino agui cuáyñe, jém aguipic tsocpa.

Jém wıbic punctucu nımtooba iga wıtsagayñetawum jém Dios ipixiñtam itánca.

İtyajum listo iga nicpa iwaganaitıy Cristo.

⁹ Jesic jém sınyucmıpic pıxiñ anımáy:

—Jaycaami así: “Agui maymay jém pıxiñ jém ıñwejayñeyajwñip Dios iga nicpa sıñajıyay cuando ancoomıypa jém Cordero.”

Anımáyım:

—Yıbam jém numapic anmatı, jém michiıñewñip Dios.

¹⁰ Jesic acosteñ jém sınyucmıpic pıxiñ ipuycım iga anjıspa. Pero anımáy:

—Odoı watı jempic. Ich anıuyoxaptım Dios juuts mimich y juuts jém iñıyıtım jém itınyıppáppic jém Jesús ıñquımayooı, jém numapic. Odoı ajısi aıch, jısi Dios.

Jém numapic anmatı, jém tachııñewñip jém tánQmi Jesús, jeetım jıxi juuts jém ichııñewñip Dios jém wıñıcpic ıñmatıwiñ.

Jém iquımcaneıwñip jém popcawaj (Jn. 1:1; 1 Jn. 1:1)

¹¹ Jesic ánıx iga áñáyñe jém sıy. İt tım popcawaj. Jém iquımcaneıwñip jém cawaj da nunca mıgıypa y siempre ıccıpacpa juuts nımpa. Numcııpıñıypa y áñapa con justıcia. ¹² Agui tsocpa jém ııxcuy juuts yıtpa juctı. Jém ıcobacyucmi accámayñetı watı jém corona. Jaycámetı tım yootı mujne con nıpiñ.

Jém iñıyı jém Dios İñmatı. ¹⁴ Jém sınyucmıpic soldado itınyıyajpa. Cada tım tım iquımcane tım popcawaj. Accámayñeyajta jém wıbic punctucu agui popo, cuáyñe. ¹⁵ Jém anjagooyi jém iquımcaneıwñip jém popcawaj putpa ıjıpjom

tum espada agui tsupa. Con yíp espada iccoowap jém naciónyaj icuwíti yíp naxyucmi. Injacpañim con tum tñcuy vara. Inepnecotspa jém uvas con ipuy iga itobáypa jém iñi. Yíp nimtooba iga ichiiba castigo itumpiy jém malopic pxiñtam. Porque Dios, jém iniitwip itumpiy ipimi, tsam pimi ijóyixáypa jém pxiñtam itañca. ¹⁶ Jaycámmeta jém iyootyucmi y jém iwitpuyucmi: “Jém Rey de itumpiy reyyaj, jém tánQmí Dios itumpiy iomiyaj.”

¹⁷ Ocmí ánix tum siñyucmipic pxiñ teñ jamjom. Pimi jiyapa. Inwejáypa itumpiy jém jonyaj jém quecyajpáppic siñyucmi. Nimpa:

—Míñi min̄tuumajítam yim. Míñi miwiiquitam jut iwatpa Dios tum mijpic siñ. ¹⁸ Miñtaami iga in̄cudáyiñ jém reyyaj imayi y jém capitán imayi, y jém pimipic pxiñ imayi. In̄cúspa jém icawaj imayi y jém cawaj iomí imayi. In̄cúspa itumpiy jém pxiñtam imayi jém esclavo jém dapic je esclavo jém mijpic y jém xutupic.

¹⁹ Ocmí ánix jém mijpic animat con yíp naxyucmipic reyyaj con jém soldadoyaj, an̄tuumaneyaj iga áñayajpa contra jém coñwip jém pocwajyucmi y contra jém soldadoyaj. ²⁰ Matsta jém mijpic animat y jém malopic profeta jém niman̄taayañewiip iga Dios icutsatne. Yípyaj iwatyaj jém milagro jém mijpic animat iwiñjom iga imigóyayajpa jém pxiñtam, jém ipictóñayñeyajwip jém animat imarca iwiñpacyucmi, jém ijisyajpaap jém animat iwatnas. Icuistic siwíñ cotyajta jém juctjom jém laguna jut naps jucti jém tsampic pimi yótpa con azufre. ²¹ Jesic itumpiy jém pxiñtam jém tsíyñeyajwip, accaayajtap con jém espada jém putnewiip jém mijpic anjagooyi ijipjom, jém iquímcanewiip jém cawaj. Jesic itumpiy jém jonyaj csum icúsyaj jém pxiñtam imayi.

20

Cristo injacpa tum mil amtiy yíp naxyucmi

¹ Jesic ánix iga quet tum siñyucmipic pxiñ. Inimiñ jém llave iga in̄aypa jém mijpic jos tsam jojmi. Imatspacne icújom tum mijpic cadena. ² Jesic imats jém dragón, jém wíday tsañ, je jém Wocciwiñ y Satanás. Ichen para tum mil amtiy. ³ Ipatscúm jém mijpic josjom tsam jojmi. Jemum ipaj. Iccámáy tum sello jut an̄núcne iga odoy pudíñ. Jesic jém Wocciwiñ da wíap imigóyáy jém pxiñtam jém ityajwip yíp naxyucmi hasta capsapa jém tum mil amtiy. Cuando yaj naxi jém mil amtiy tienes que cutsigaytap jém Wocciwiñ tum rato.

⁴ Ocmí ánix wati jém anjagooyi icóñcuy jut coñyaj jém accámnetawip juuts juez iga cñipíyopa. Ánixáyñim jém pxiñtam ianama jém in̄cujagayñetawip iisci porque in̄matayajpa iga Jesús wíap taciacput y iga in̄matayajpa jém Dios in̄mati. Yíp pxiñtam da queman icosteeñayaj jém mijpic animat ni jém animat iwatnas. Datim ipictson jém animat imarca iwiñpacyucmi ni icñyucmi. Iwaganaitayajpa jém Cristo tum mil amtiy. Iwaganjacyajpañim con Cristo. ⁵ Yípyaj jém wiñtipic pisnewiip de jut it jém caaneyajwip. Pero los de más jém caaneyajwip da pisneyaj hasta que cuyajpa jém tum mil amtiy. ⁶ Agui wí it jém wiñtipic acpisnetawip. Tsíyyaj juuts Dios imiñchi. Da caaba eybic. Tsíyyaj juuts panij iga icuyoxap Dios, iga icuyoxap Cristo. Iwaganjacyajpa jém pxiñtam con Cristo tum mil amtiy.

⁷ Jesic cuando cuyaj jém mil amtíy, cutsigayta jém Wocciwiñ jut pajneta. ⁸ Put iga imigóyáyiñ jém naciónyaj, jém pixiñtam jém ityajwñip icuwiñi yíp mundo. Nicpa imigóyáy jém lugar iñiyi Gog y Magog. Intuumawatyajpa jém pixiñtam iga ányajpa. Tsam pimi jáyay ityaj juuts jém pooy jém itwñip lamar añaça. ⁹ Miñyajpa icuwiñi yíp naxyucmi. Icuwoyxtneyaj jut antuumaneyaj jém Dios ipixiñtam jém atebet jém tsampic itoypa Dios. Jesic Dios icquet jucti naxyucmi. Yaj jípsquetiyaj itumpiy jém ienemigoyaj. ¹⁰ Jesic jém Wocciwiñ, jém tsampic imigóyáy jém pixiñtam, patscumta jém juctjom jém laguna jut naps jucti, jemum tsam pimi yótpa con azufre. Jemtim patscumneta wiñti jém mijpic animat y jém malopic profeta jém niman̄taayawñip iga Dios icutsat. Jemigam yaachwattap tsuucim y siññi. Da nunca cuyajpa jém yaachaji.

Cipiñoypa jém mijpic anjagooyi jém popopic itrono

¹¹ Jesic ocmi ánix tum tsam mijpic trono agui popo. De jém coññewñip iwiñjom poy jém nas y jém siñ, pero da ipátyaj jut nicyajpa. ¹² Jesic ánix jém caaneyajwñip teñyay Dios iwiñjom. Ittim jém mijpic y jém xutupic. Ányáta jém libroyaj. Ányátatim jém tungac libro, jém libro de la vida. Cada tumtum jém caaneyajwñip cipiñyajtap juuts jaycámneta librojom juuts iwatneyaj cuando vivo. ¹³ Jém lamar chióy jém caaneyajwñip, icijun̄cot jém ityajwñip jem. Jém muerte y jém Hades chióytim jém caaneyajwñip. Icijun̄cot jém ityajwñip jem. Cipiñyajta cada tumtum juuts iwat cuando vivonam. ¹⁴ Y jém muerte y jém Hades acnicyajta jém juctjom jém laguna jut naps jucti. Yípyaj tanimpa wisciy caaba, yíp laguna jut naps jucti. ¹⁵ Jemtim cotyajtap itumpiy jém pixiñtam jém dapic iñiyi jém librojom jut accámneyajta jém ipictsonpáppic jém vida jém dapic cuyajpa.

21

Jomipic siñ y jém nas

¹ Jesic ánix tum jomipic siñ y tum jomipic nas porque jém wiñicpic siñ y nas cuyajneum. Datim i jém lamar. ² Ich aXiwan ánix jém wibic atebet, jém jomipic Jerusalén, quetpa siñyucmi Dios iwiñjom. Witsacneum juuts tum woñi jém iniitwñip trato iga jáyíypa. Tsam wicuyajne iga ipictsonpa jém iwidaya. ³ Jesic ammaton̄ tum mijpic jiyi siñyucmi. Nimpa:

—iMatoñtaami! Siip miñ iwaganaitiyaj Dios jém pixiñtam. Jeeyaj tsíy juuts Dios ipixiñtam y Dios tsíy juuts jém pixiñtam iDios. ⁴ Dios icujicháypa jém ipixiñtam iixcañni. Dam más caaba jém pixiñtam. Da i jém anyaaquí. Dam weyyajpa. Dam i jém toya. Cuyajneum jém wiñtipic cosa.

⁵ Jesic jém coññewñip jém mijpic anjagooyi icóñcuyyucmi nimpa:

—iMatoñtaami! Ich anacjomasetpa itumpiy cosa.

Jesic anímáy:

—Jaycaami porque numa yíp anañmati, da je miñooyi. Tienes que cupacpa juuts mannímayñe.

⁶ Ocmi anímáytim:

—Cupacneum. Ich jém awiñtipic y jém iñajpic, juuts jém letra jém alfa y omega. Siiga i nictitspa, ich anacnicpa. Anchiiba jém ni jém ichiipáppic vida, jém quimpáppic jém wibic náxcuy. Da ammaychiiba, ansaíypa. ⁷ Siiga i

icoñwíypa jém malopic jixi tienes que ipictsonpa itumpiy jém wibic cosa juuts tum tsixi imiichap jém ijatun imiichi. Ich atsiypa juuts iDios y je tsiypa juuts ich ammanic. ⁸ Pero jém cuixiyajpic, jém dapic icupicyaj, jém jóyixoyajpaap, jém accaoyajpaap, jém pejoyajpaap, jém nawatyaj, jém ijisyajpaap jém watnas y itumpiy jém migoyajpaap, jeeyaj acnicyajtap jém laguna jut naps jucti, jut jipsyajpa con jém azufre. Jém acnicneyajtawip jem tanmpa iga wisciy caayajpa.

Jém jomipic Jerusalén

⁹ Jesic núc tum jém siete sinyucmipic pixiñtam jém iniitwip idic jém siete xanu de oro conne de jém siete inajpic caucuy. Anímáy:

—imiñi yim! Mananquejáypa jém woñi, jém ipicpaap jém Cordero iga ancoomíypa.

¹⁰ Jesic ananigáy ánanama tum mijpic cotsicyucmi tsam pimi yucmi. Anquejáy jém mijpic atebet jém wibic Jerusalén. Quetpa sinyucmi Dios iwiñjom. ¹¹ Jém atebet tsam wí tsocpa con jém Dios ichoça. Agui tsocpa juuts tum tsa agupic tsoowíy juuts jém wibic tsa jém jaspe. Tançuámnaspa juuts tum cristal. ¹² Cutánne jém atebet con tum mijpic taañi tsam pimi yucmi. Iniit doce ipuerta. Cada tumtum jém ipuerta it tum sinyucmipic pixiñ. Cada tumtum jém puertayucmi jaycámayñeta iñiyi cada tumtum de jém doce tribu de jém Israelpic pixiñtam. ¹³ Iniit tres ipuerta anjamquímmi. Iniit tres ipuerta anwixauimi. Iniit tres ipuerta antsapsaumi. Iniit tres ipuerta anjamtigiyimi. ¹⁴ Jém atebet iniit doce ibase jut pimane jém taañi. Jaycámayñeta iñiyi cada tumtum jém baseyucmi jém doce apóstolyaj jém icutsatnewip jém Cordero.

¹⁵ Jém sinyucmipic pixiñ jém anmatpáppic con aich inisiiba tum quípsóycuy de oro iga iquípsa jém atebet y jém puertayaj y jém itaañi. ¹⁶ Jém atebet cuadrada. Jesanñim iyagats jesanñim iwíti. Jesic iquípsa jém atebet con iquípsóycuy. Iyagats dos mil dosciento kilómetro, jesanñim iwíti, jesanñim iyucmi. ¹⁷ Ocmi iquípsa jém atebet itaañi. Iyucmi sesenta y cuatro metro. Jém sinyucmipic pixiñ iquípsa con yíp naxyucmipic quípsóycuy.

¹⁸ Jém taañi watneta de jém wibic tsa jém jaspe. Jém atebet watneta naps oro. Agui tsocpa juuts vidrio. ¹⁹ Jém itaañi ibase wiaccuyajnetá con jáyan jém wítampic tsa. Tum jém base accámayñeta jém jaspe. Jém tungac jém zafiro, jém tungac jém ágata, jém tungac jém esmeralda, ²⁰ jém tungac jém ónice, jém tungac jém cornalina, jém tungac jém crisólito, jém tungac jém berilo, jém tungac jém topacio, jém tungac jém crisoprasa, jém tungac jém jacinto y jém tungac jém amatista. ²¹ Jém doce ipuerta watneta de doce jém perla. Cada tumtum jém puerta watneta de tum perla. Jém atebet icalle naps oro, juuts jém vidrio wip tançuámnaspa.

²² Da ánix ni tum mástic jém atebet porque jém tánomi Dios, jém iniitwip itumpiy ipimi, con jém Cordero, jeeyaj tsiyyaj juuts jém mástic. ²³ Jém atebet datim ixunpa jém jama ni jém poya iga iyicquejpa porque Dios ichoça iyicquejpa y jém Cordero je jém ijucti. ²⁴ Jém naciónay, jém iciacputnawip, siiyajpa jém juctianstsoçajom. Yíp naxyucmipic anjagooyiyaj ininicyajpa itumpiy jém ipimi jém atebet jut it Dios. ²⁵ Jém ipuerta da nunca anpajpa sijnñi, y jemíc da nunca piichap. ²⁶ Jém naciónay ininicyajpa ipimi jém mijpic atebet iga icujípyajpa Dios. ²⁷ Pero jém malopic cosa da tigíypa jem. Datim

tigiypa jém jóyixoyapaap ni jém mígoypaap. Solamente tigiyyajpa jém píxiñtam jém jaycámnetawíip iñiyi jém Cordero ilibrojom jém ichiñnewíip jém vida jém dapic cuyajpa.

22

¹ Ocmi jém sinyucmipic píxiñ anquejáy tum wibic ni jém tachiipáppic vida jém dapic cuyajpa. Tsam cunajne jém ni juuts cristal. Putpa jém anjagooyi icoñcuyucucim jut injacpa Dios y jut injacpa jém Cordero. ² Cucmi de jém calle de jém attebet y cada lado de jém ni it jém cuyyaj jém tachiipáppic vida. Tímap doce veces tum amtíy. Chióypa itim cada meses. Jém cuy iay wí para icpíspa jém naciónyaj. ³ Jemic da i jém cosa dapic wí, dam i ijycámne jém castigo. Pero it jém attebet jém más mijpic anjagooyi icoñcuy jut injacpa Dios y jut injacpa jém Cordero y jém imozoyaj icuyoxayajpa. ⁴ Jeeyaj iixayyajpa jém iQmi íámooyi. Cada tumtum jém imozo jaycámayñeta jém iQmi iñiyi iwiñpacuyumi. ⁵ Jemic dam i piichi. Jém ityajwíip jemic da ixunpa jucti iga iyicquejpa. Datim ixunpa jém jama ichoca porque jém tánQmi Dios iyicquejpa jém ipíxiñtam y jeeyaj injacyajpa para itumpiy tiempo.

Da jáyñe miñgacpa Jesucristo

⁶ Ocmi jém sinyucmipic píxiñ anímáy:

—Yíp anmáti jém numapic. Da je migooyi. Jém tánQmi Dios, jém ichiñnewíip jixi jém wiñcípíic inmatcáwiñ, siip icutsat yíp naxyucmi tum jém sinyucmipic píxiñ jém imichípíic iga inquejáyiñ jém icuyoxayajpaap ti miñpa da jáyñe.

⁷ —Da jáyñe amiñpa. Jempam nímpa Cristo. Tsam maymay jém icupícpaap jém Dios inmáti jém jaycámayñetawíip yíp librojom.

⁸ Ich aXiwan. Ánix y ammaton yípyaj cosa. Jesic cuando yaj ánix y ammaton, acosteñ jém sinyucmipic píxiñ ipuycim jém anquejayñewíip itumpiy yípyaj cosa iga anjísja. ⁹ Jesic nímpa jém sinyucmipic píxiñ:

—Odoy watí jempic. Ich ancuyoxaptim Dios juuts mimich y juuts jém iñíwítam jém inmatpáppic jém Dios inmáti y juuts jém icupícáppic jém Dios inmáti jém jaycámayñetawíip yíp librojom. Jísi Dios.

¹⁰ Anímáyim:

—Odoy anyami yíp anmáti jém nimnewíip ti miñpa, jém iñjaycámnewíip yíp librojom, porque núctooba jém tiempo iga cupacpa juuts miñímayñeta. ¹¹ Jém malopic píxiñ seguido imalwadiñ y jém iníitwíip jém malopic jixi seguido iwadiñ jém malopic cosa. Y jém wibic píxiñ wí iga seguido iwíwadiñ. Y jém iníitwíip jém wibic jixi íanamanejom wíim siiga seguido iwatpa juuts ixunpa Dios.

¹² Nímpa tánQmi Cristo:

—Da jáyñe amiñpa. Anamiñpa jém coñwiyoooyi. Anyojpa cada tumtum según juuts iwatne. ¹³ Ich jém awíñtípíic y jém ínarpic, juuts jém letras alfa y omega.

¹⁴ Agui maymay jém icheenewíip ipuctucu. Jeeyucmi chiítap derecho iga icunúcpa jém wibic cuy jém ichiipáppic vida. Chiítaptim derecho iga tigiypa jém puerta de jém jomipic Jerusalén. ¹⁵ Pero tsíyyajpa anjícni jém chímpa, jém nawatyaj, jém pejoyapaap, jém accaoyapaap, jém ijispáppic jém watnas y jém tsampic itoypa jém migooyi, jém mígoypaap.

16 —Ich aJesús. Mañcutsadáy tum sinjucmipic p̄ixiñ, jém acuyoxapaap, iga inmadáyiñ yíp aḡmaṡi jém Dios ip̄ixiñtam juṡ aḡtuumayajpa. Ich jém ac̄obac̄pic de jém rey David y ichtim jém iocmanic iman̄ic. Ich jém aw̄itmaṡsa jém tsocpáppic cuquejacim.

17 Jém Dios iAnama y jém Cordero iyomo, jém aḡcoomíyoypaap, n̄impa: ¡Miñi! Jém imatonḡyajpaap yíp aḡmaṡi n̄imyajpatim: ¡Miñi!

W̄i iga míñiñ jém níctitsnew̄ip. Jém iw̄ianjamw̄ip, w̄i iga iuguiñ jém ni jém tachiipáppic vida. Da tamáychiiba Dios, tasajíypa.

18 S̄ip manac̄jodóḡap mimichtam, jém immatonpáppic yíp aḡmaṡi, jém jaycámnetaw̄ip yíp libroḡom. Siiga i in̄codíypa yíp aḡmaṡi con tunḡac aḡmaṡi, jesic Dios icmatspa jém plagas juuts jaycámnetā yíp libroḡom. 19 Siiga i iccáypa uxan̄ jém Dios in̄maṡi juṡ jaycámnetā yíp libroḡom, jesic Dios iccáyáypa jém iñ̄iyi jém libro de la vida. Iccáyápatim jém derecho iga nicpa iti jém w̄ibic attebet. Datim ichiiba jém w̄ibic cosa juuts ijycámayñe Dios yíp libroḡom.

20 Jém in̄matpaap n̄impa:

—N̄uma, da jáyñe amiñpa.

Jesic ich an̄impa: Itum w̄i. ¡Miñi, mán̄omi Jesús!

21 Jém tán̄omi Jesucristo miw̄iwadaytámiñ iñ̄tumpiytam. Amén. Jemum cuyaj.